




Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL.2.3.214/1





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.214/1





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.214/1




Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.214/1


2.3.214















3214

XXV

M

de M. W.



DE ANTIQUIS
MONACHORUM
RITIBUS

LIBRI QVINQUE


COLLECTI EX VARIIS ORDINARIIS,
Consuetudinariis, Ritualibusque MSS. ex antiquis
Monachorum Regulis, ex diversis Sanctorum Actis,
Monasteriorum Chronicis & Historiis, aliisque
probatis Auctoribus permultis.

*Studio & cura D. EDMUNDI MARTENE Presbyteri &
Monachi Congregationis S. Mauri Ordinis S. Benedicti.*

TOMUS PRIMUS

Continens Libros tres priores.

*Cam Indice triplici; primo Librorum, & Capitum; secundo
vorum exoticarum; tertio Rerum & Verborum.*



LUGDUNI,
Sumptibus ANISSON, POSUEL & RIGAUD.

M. DC. LXXX.

CUM PRIVILEGIO REGIS.



PRÆFATIO AD LECTOREM.

ETSI post editas tot gravissimorum Scriptorum de ritibus Ecclesiasticis lucubrationes, idem iterum argumentum tractare supervacaneum prorsus nonnullis fortasse videbitur; hanc tamen de antiquis monachorum ritibus collectionem piis Lectoribus haud ingratam fore speramus; non solum quod ea sit sacrarum rerum natura, ut quamdam sui reverentiam religiosis mentibus inspirent; sed etiam quod delitescentes hactenus, ac pene oblita Majorum nostrorum consuetudines ac ceremoniae in ea contineantur; quarum cognitio haud parum conferre poterit, tum ad excitandum in nobis avita virtutis desiderium, divinumque illum fervorem excitandum, quo succensi fuerunt ij, quos vel ut parentes colimus, vel ut fratres sociosve ejusdem propositi suspicimus; tum ad praelucendum iis, qui regularis observantiae disciplinam postmodum restituere aggredientur: quos duos potissimum hujusce operis fructus esse posse conjicimus: atque utinam haec conjectura ut spes nostra non frustretur.

Et certe quis Majorum nostrorum sedulitatem in divinis celebrandis officiis, reverentiam in offerendis sacrificiis, diligentiam in exequendis sacris muniis, religionem in recolendis Christi mysteriis, pietatem in sanctorum festis, attenta mentis consideratione revolvat, qui statim ad æmulanda charismata meliora non excitetur, moveatur, impellatur? Quis continuam, etiam in labore ma-

ā 1 num.

Prefatio

num psalmodiam, jugem sacrae lectionis meditationem, altum in omni fere loco & tempore silentium, assiduum orationis studium observando, non continuo à vanis terrenisque desideriis abducatur? Quis obsequia in infirmos, sollicitudinem in morientes, preces & suffragia pro defunctis legat, ut non optet dissolvi, ut citius esse possit cum Christo?

Iam verò si quis aliquando, Deo dante, collapsam in cœnobiis regularem observantiam instaurare meditatus fuerit; non pauca his in ritibus reperiet, quibus quasi normâ quâdam ad ordinem optimum rectamque disciplinam restituendam, uti valeat. In primis advertere erit celeberrimum illud S. Benedicti effatum: *Nihil operi Dei prapponatur*, quantâ religione ab antiquis observatum sit Monachis; qui peregrè profecturi, audito ad divinum officium signo, si nondum pedem è monasterio extulissent, equo desiliabant psallentium choro adjungendi: Missam privatam celebraturi vestes sacras exuebant: caput novacula radentes, imperfectam tonsuram dimittebant, ut quantocius ad opus Dei concurrerent; quòd stantes, nudis capitibus, oculis in terram defixis, psalmos ex corde modulantes, omni interim artificum in oratorio strepitu cessante persolvebant. Hic reperiet chori aditum solis religiosi hospitibus reſeratum, sæculares viros rarius in Monachorum sacris admissos, aliquando etiam penitus exclusos, ecclesiæ januas extra divini cursus officii omnino clausas fuisse, aliaque id genus per multa, quibus pax, quies, & religio solent in monasteriis conservari. Hic prospiciet quanto apud Majores nostros silentium fuerit in pretio, quod ne levi quidem verbo violarent, manibus digitisque in linguas mutatis, signo sibi necessaria postulabant: id quod tantâ religione custodiebant, *ut qui in loquela digitorum nesciret exprimere fabam, caseum, vel ova; vel in talibus errantes corripere vel corrigere vel negligere vel contemneret*; hunc Abbatem habere recusarent: qua de re scribens ad Remensem Archiepiscopum Stephanus Tornacensis queritur de Elnonensibus Monachis. Denique de receptione & institutione novitiorum, de correptione culparum, de cura & sollicitudine infirmorum, de legibus foras proficiscentium fratrum, de jejunio & secessu Adventus & Quadragesimæ, aliaque hujusmodi quæ singillatim recensere præfationis ratio non finit, occurrent plurima, quibus optima in cœnobiis stabiliatur disciplina.

ad Lectorem.

Præterea licet in gratiam Religiosorum præsertim hanc veterum monasticorum rituum collectionem ediderim : non iis tamen solis utilitatis aliquid adlaturam confido ; sed aliis etiam , maximè clericis virisque ecclesiasticis : quibus præter alios ritus , perplura de Missæ sive solemnæ sive privatæ sacrificio , de sacramentorum præsertim Extremæ unctionis & sacri Viatici administratione , deque modo adjuvandi infirmos ad morem , ut alia interim non pauca prætermittam , ultro se offerent & scitu dignissima , & pietati fovendæ aptissima . At rescire optabit fortè an aliquis qua occasione , quo ordine , qua methodo , quibusve ex libris hos ritus collegerim .

Cùm ad res monasticas , & maximè Benedictinas , animum adjicere decrevissem , ut huicce operi manum & calamum intenderem , auctor fuit mihi in primis noster Iohannes Mabillonius , qui cùm vidisset probassetque quem super Regulam S. P. Benedicti scripseram commentarium ; hortatus est etiam ut antiquos Monachorum ritus , quorum aliquos , plurimis tamen prætermisissis , jam attigeram unum in volumen redigerem ; ratus ad commune monasticæ reipublicæ commodum huiusmodi studium posse aliquid aliquando conferre . Optimi Patris , studiorum meorum adjutoris , mihiq; impense amici consiliis parui ; non eo quidem animo , ut laborem meum publici juris facerem (neque enim me eum existimabam , qui luce publicâ dignum aliquid edere valerem ,) sed præsertim ut religiosæ solitudinis otia , immo furtivas , ut ita dicam , & subcesivas post regularem observantiam horas in pium aliquod & mihi saltem utile opus impenderem .

Atque ut omnes veterum Monachorum ritus , quantum fas esset , uno hoc in volumine complecterer ; illud in libros quinque dividere visum est : quorum primus quotidianos ritus repræsentaret : secundus contingentes infra hebdomadam mensemque : tertius annuos exhiberet : quartus eos qui ad Sanctorum festa pertinent : quintus denique extraordinarios incertisque temporibus contingentes ob oculos poneret .

Hos omnes ex variis Ordinariis , Consuetudinariis , Ritualibusque tum manuscriptis tum editis , ex diversis Italiæ , Germaniæ , Angliæ , Galliæque præsertim monasteriis acceptis unum in corpus redigere conatus sum .

Ad Italiam spectant antiquus Ordo celebrandi divini officii in

Prefatio

domo S. Benedicti (idest in Ecclesia Cassinensi) ante Pascha, Rituale sive Ordinarium ejusdem monasterii tempore Oderisi Abbatis descriptum, & Farfenses consuetudines. Primum ex MS. codice Augustano ante annos nongentos exarato vulgavit noster Mabillonius in veterum Analectorum tomo 4. eundem postea paulo auctiorem tempore Bertharii Abbatis descriptum reperit in monasterio Cassinensi, mihiq; ultro, uti & alia multa, communicavit. Ordinarium Cassinense inveni Parisiis in domo institutionis Oratorii Domini Iesu, ubi ad calcem Breviarii ejusdem monasterii literis Longobardicis scriptum asservatur, mihiq; à R.P. domus Institutionis Bibliothecario benignè commodatum est. Farfenses consuetudines ex MS. codice Vaticano annorum circiter 700. Romæ existens descripsit noster Iohannes Durandus, easdemque esse cum Romanis S. Pauli, nobis post inceptam hujus operis editionem transmissis, deprehendi.

Germaniæ ritus antiquos, quales sæculo decimo in omnibus passim monasteriis observabantur, exhibuit eodem MS. Einsidlensis ante annos 700. exaratus.

Consuetudines Angliæ veteres habemus, tum in Regulari concordia Monachorum Sanctimonialiumque Anglicæ nationis, quam sub Eadgaro Rege composuit S. Dunstanus, non quasi novas aliquas ceremonias inducens, sed potius antiquas uti ipse testatur, à superstitionis vitiosisque ritibus expurgatas confirmans; tum in Statutis Lanfranci, quæ integro post sæculo in præcipuis Angliæ Abbatibus recepta erant.

Multò plura nobis suppeditarunt Galliæ monasteria. Ex Corbeienfi habuimus vetus Calendarium cum ordine celebrandi divini officii in Majori hebdomada; utrumque ab annis circiter 800. scriptum, antiquum Ordinarium ab annis 600. consuetudines à 300. & Rituale cum recenti Calendario anno 1411. à Stephano *De Renty* Officiali compactum cum prædicto Corbeienfi ordinario extant antiquæ Cluniacensis monasterii consuetudines tempore S. Hugonis à Bernardo Cluniacensi monacho scriptæ, longe auctiores iis, quas Specilegii tomo 4. ex Vdalrico vulgavit noster Acherius. Ab his haud multum discrepant Divionenses S. Benigni, quas ab annis circiter 600. eleganter scriptas ex Divionensi monasterio accepi cum Rituali de novitiorum professione & mortuorum sepul-

VII

ad Lectorem.

tura. Ex ejusdem quoque Asceterii bibliotheca Beccensis monasterii Rituale annorum circiter 400. mihi suppeditatum est, Beccenses insuper Vfus antiquos reperi in monasterio Lyrensi, quorum duplex exemplar uno in volumine continetur, unum brevius annorum circiter 500. alterum auctius annorum 400. Lyrenses Consuetudines exhibuerunt duo codices MSS. qui annos 300. superare non videntur. Collectaneum S. Petri supra Divam anno 1273. exaratum est, Ordinarium ejusdem cœnobii non multo post. Ejusdem videntur esse ætatis Consuetudines S. Dionysii in Francia, quas in duplici codice MS. offendi; uno in Dionysiano monasterio ante annos 400. scripto; altero paulo post in locupletissima bibliotheca Colbertina, quem cum Tullenſi S. Apri Ordinario annorum, 400. & Cōsuetudinibus Canonorum regularium S. Ruffi annorum 500. pro solita in omnes, sed in nostros præsertim urbanitate humanissimè mihi commodavit ejusdem bibliothecæ Præfectus Stephanus Baluzius, eruditione clarissimus, libris editis omnibus notus, & adjuvandis viris litteratis natus. Præter hos duos Consuetudinum S. Dionysii codices, tertium insuper, at recentius scriptum occurrit mihi in Dionysiano monasterio, quo semel tantum aut secundo usus sum. Ab his non multum recedunt Compendienses S. Cornelii, quæ, ut & Laudunenses S. Vincentii, Parisienses S. Germani, duplexque Breviarium Parisiense annorum sunt 300. Rituale Anianensis monasterii lacerum annos habet 400. Porro quod de ætate MSS. hîc ponimus, non sic intelligi volumus, quasi tunc primum instituti essent Ritus in iis contenti: nam longè antiquiores esse pro explorato habetur: Sed ætatem hîc annotamus non Rituum, sed codicum, ex quibus si quod deduci queat argumentum, non de Rituum recenti institutione, sed de constanti eorum ab antiquis traditione ad ea usque tempora quibus descripti fuerunt eorum libri, interpretandum est: quamvis haud eamus inficias, nonnullos subinde processu temporis iis insertos fuisse, quos facili negotio deprehendent rerum antiquarum periti.

Præter enumeratos monasticorum Rituum codices sive manu scriptos sive editos, qui singulis cœnobiis singuli proprii fuisse videntur: Insigniorum etiam Ordinum seu Congregationum, puta Cartusiensium, Cisterciensium, Grandimontensium, Bursfeldensium & Cafalinorum Vfus & Consuetudines scrutatus sum. Cartu-

Praefatio ad Lectorem.

sienes repræsentarunt Statuta Guigonis, Statuta Rifferii, (antiqua solent appellare) Statuta Guillelmi Raynaldi, (nova dicuntur) Statuta Francisci à Puteo in tertia compilatione contenta, ac tandem Ordinarium Cartusiense anno 1581. typis Parisinis mandatum, cum Missali anno 1541. impresso. Cistercienses complectitur Nomasticon Cisterciense, in quo continentur liber Vsum, Instituta, Institutiones, antiquæ & novellæ definitiones Capitulorum generalium Ordinis Cisterciensis. Grandimontenses offendimus in Consuetudinibus Guillelmi Pellicerii primi Grandimontensis Abbatis, qui unâ cum statutis nonnullis ejusdem ordinis MSS. asservantur in bibliotheca S. Germani à Pratis. Bursfeldenses in Ordinario & ceremoniali ante annos ducentos; Casalinorum item in Ceremoniali anno 1531. compilato habentur.

Præsentem igitur collectionem ex his omnibus libris adornavi, in quibus quidquid reperi, confirmare, quidquid defuit supplere studui ex diversis Sanctorum actis, monasteriorum Chronicis & Historiis, antiquis Monachorum regulis, aliisque probatis auctoribus per pluribus, quorum laudatas à me sententias ansulis includi curavi. In fine habes duplicem indicem; unum voces exoticas minusque usitatas explicantem; alterum rituum hoc in volumine contentorum. Ceterum cum alienis curis hujus editionis executionem demandare coactus fuero; fieri minimè potuit, ut absente me, typographis scripturæ minus bene pictæ nondum assuetis, errata quædam non subrepserint; tamen si laudare satis nequeo diligentiam ac sollicitudinem urbanissimi viri Iohannis Anissonij, civis ac Bibliopolæ Lugdunensis, qui non modo operis editionem, verum etiam ejusdem correctionem quantum ipsi per curas varias & negotia quibus distrahitur, licuit, in se suscipere non est gravatus.

Ceterum si hanc Rituum monasticorum collectionem fratribus nostris, quorum præcipuè causâ hunc laborem aggressus sum, aliisque rerum sacrarum studiosis viris probari intellexero, ad consimilem Rituum ecclesiasticorum editionem operam ac diligentiam meam applicare non refugiam.

INDEX




INDEX

LIBRORUM ET CAPITUM.

LIBER PRIMVS.

De Ritibus quotidianis.

CAP.I.	 <i>Uoritu veteres Monachi nocte surgerent.</i>	1
CAP.II.	<i>Quo ritu veteres Monachi nocturnas vigilias celebrarent.</i>	11
CAP.III.	<i>De Matutinis sive Laudibus.</i>	39
CAP.IV.	<i>De Prima.</i>	47
CAP.V.	<i>De Capitulo.</i>	54
CAP.VI.	<i>De Labore manuum quotidianis.</i>	68
CAP.VII.	<i>De Lectione.</i>	76
CAP.VIII.	<i>De Tertia, Sexta, & Nona.</i>	80
CAP.IX.	<i>De refectiione.</i>	86
CAP.X.	<i>De Vesperis.</i>	96
CAP.XI.	<i>De Collatione ante Completorium.</i>	106
CAP.XII.	<i>De Completorio & diei sermone.</i>	112

LIBER SECUNDUS.

De Ritibus per hebdomadam & mensem contingentibus.

CAP.I.	D <i>E Dominica & primo de nocturnis ejus vigiliis.</i>	124
--------	--	-----

CAP.II.	<i>De Matutinis & Prima diebus Dominicis.</i>	132
CAP.III.	<i>De solemnibus lustralis aqua benedictione, & processione Dominicali.</i>	137
CAP.IV.	<i>De Missa, & primum de majori.</i>	146
CAP.V.	<i>De Missa matutinali.</i>	198
CAP.VI.	<i>De Missis privatis.</i>	203
CAP.VII.	<i>Varia veterum Monachorum consuetudines circa defectus in ipso sacrificio accidentes.</i>	220
CAP.VIII.	<i>De reverentia veterum Monachorum circa Sacrificium.</i>	231
CAP.IX.	<i>De exhortationibus sive Collationibus veterum Monachorum.</i>	235
CAP.X.	<i>De consuetudinibus fer. II. & V.</i>	239
CAP.XI.	<i>De feria VI. & maxime de disciplina.</i>	240
CAP.XII.	<i>De consuetudinibus sabbati.</i>	245
CAP.XIII.	<i>De ritibus per mensem contingentibus, & maxime de Sanguinis institutione.</i>	251

LIBER TERTIUS.

De Ritibus per annum contingentibus.

CAP.I.	G <i>enerales Adventus consuetudines.</i>	259
--------	--	-----

Index

- | | |
|--|--|
| <p>CAP.II. <i>Particulares Adventus consue-</i>
<i>tudines.</i> 266</p> <p>CAP.III. <i>De vigilia Nativitatis Domi-</i>
<i>ni.</i> 275</p> <p>CAP.IV. <i>De Nativitate Domini.</i> 282</p> <p>CAP.V. <i>De ritibus infra Octavam Na-</i>
<i>tivitatis Domini contingentibus.</i> 295</p> <p>CAP.VI. <i>De Octava Natalis Domini,</i>
<i>& aliis consuetudinibus ad mensem</i>
<i>Ianuarium pertinentibus.</i> 302</p> <p>CAP.VII. <i>De Purificatione B. Maria.</i>
314</p> <p>CAP.VIII. <i>De Septuagesima, &c. usque</i>
<i>ad feriam IV. in capite jejuniij.</i> 324</p> <p>CAP.IX. <i>De capite jejuniij.</i> 328</p> <p>CAP.X. <i>Generales Quadragesima con-</i>
<i>suetudines.</i> 337</p> <p>CAP.XI. <i>Particulares Quadragesima</i>
<i>consuetudines.</i> 348</p> <p>CAP.XII. <i>De Dominica Palmarum &</i>
<i>tribus sequentibus diebus.</i> 357</p> <p>CAP.XIII. <i>De Cœna Domini.</i> 372</p> <p>CAP.XIV. <i>De feria VI. Parasceves.</i> 409</p> <p>CAP.XV. <i>De Sabbato Sancto.</i> 430</p> <p>CAP.XVI. <i>De Dominica Resurrectionis.</i>
442</p> <p>CAP.XVIII. <i>De Septimana Resurre-</i>
<i>ctionis Dominica.</i> 455</p> <p>CAP.XVIII. <i>De tempore Paschali.</i> 462</p> <p>CAP.XIX. <i>De Rogationibus.</i> 469</p> <p>CAP.XX. <i>De Ascensione Domini cete-</i>
<i>risque usque ad Vigiliam Pentecostes</i>
<i>diebus.</i> 479</p> <p>CAP XXI. <i>De Vigilia Pentecostes.</i>
485</p> <p>CAP.XXII. <i>De Pentecoste, & ejus se-</i>
<i>ptimana.</i> 489</p> <p>CAP.XXIII. <i>De festo SS. Trinitatis.</i> 496</p> <p>CAP.XXIV. <i>De annua commemoratione</i>
<i>fratrum & benefactorum defunctorum,</i>
<i>deque jejniis post Pentecostem.</i> 501</p> <p>CAP.XXV. <i>De festo Sacratissimi Cor-</i>
<i>poris Christi.</i> 509</p> <p>CAP.XXVI. <i>De Dominicis post Octa-</i></p> | <p><i>vam Pentecostes usque ad Adven-</i>
<i>tum.</i> 515</p> <p>CAP XXVII. <i>De Capitulis Generali-</i>
<i>bus.</i> 526</p> <hr/> <p style="text-align: center;">LIBER QUARTUS.</p> <p style="text-align: center;">De Festis.</p> <p>CAP.I. Generales quadam de festis
<i>consuetudines.</i> 531</p> <p>CAP.II. <i>De festis in Adventu contin-</i>
<i>gentibus.</i> 568</p> <p>CAP.III. <i>De festis ab Octava Epipha-</i>
<i>nia mensibus Ianuario & Februario</i>
<i>contingentibus.</i> 576</p> <p>CAP.IV. <i>De festis Martij & Aprilis.</i>
583</p> <p>CAP.V. <i>De festis mensis Maij.</i> 594</p> <p>CAP.VI. <i>De festis Iunij & Iulij.</i> 598</p> <p>CAP.VII. <i>De festis Augusti mensis.</i>
612</p> <p>CAP.VIII. <i>De festis Septembris, &</i>
<i>Octobris.</i> 623</p> <p>CAP.IX. <i>De festis mensis Novembris.</i>
635</p> <p>CAP.X. <i>Singulares quadam quorundam</i>
<i>Monasteriorum consuetudines, quæ hoc</i>
<i>in libro exciderunt.</i> 640</p> <hr/> <p style="text-align: center;">LIBER QUINTUS.</p> <p style="text-align: center;">De Ritibus incertis temporibus
contingentibus.</p> <p>CAP.I. De electione Abbatis. 644</p> <p>CAP.II. De novitiis ad habitum
<i>recipiendis.</i> 668</p> <p>CAP.III. <i>Quæ Novitiorum tempore pro-</i>
<i>bationis disciplina.</i> 678</p> <p>CAP.IV. <i>De Novitiorum benedictione</i>
<i>sive professione.</i> 683</p> <p style="text-align: right;">CAP.V.</p> |
|--|--|

Librorum & Capitum.

CAP.V. De Puerorum oblatione & disciplina.	703	CAP.XIII. De suffragiis pro defunctis, deque societatibus apud veteres Monachos.	834
CAP.VI. De custodia Iuvenum.	720	CAP.XIV. De sepultura secularium in Monachorum monasteriis.	851
CAP.VII. De Tonsura & Rasura fratrum.	723	CAP.XV. De susceptione Principum, aliorumque illustrium virorum in monasteriis Monachorum.	853
CAP.VIII. De Ordine ad visitandos infirmos de vita periclitantes.	735	CAP.XVI. De variis Monachorum processionibus, maxime reliquiarum extra Monasterium.	859
CAP.IX. De modo adjuvandi infirmi ad mortem.	716	CAP.XVII. De fratribus in viam directis.	872
CAP.X. De sepultura veterum Monachorum.	776	CAP.XVIII. De locutione per signa	881
CAP.XI. De sepultura Monachorum extra Monasterium morientium, & Hospitum.	823	CAP.XIX. In quo varij de diversis rebus ritus referuntur.	893
CAP. XII. De sepultura Abbatibus.	828		



FACULTAS REVERENDISSIMI PATRIS GENERALIS.

FRATER CLAUDIUS BOISTARD humilis Superior Generalis Congregationis S. Mauri in Gallia, Ordinis S. Benedicti. *Libros quinque de Antiquis Monachorum ritibus, & variis Ordinariis, Consuetudinariis, Ritualibusque MSS. ex Antiquis Monachorum Regulis, ex diversis Sanctorum actis, Monasteriorum Chronicis & Historiis, aliisque probatis auctoribus permultis collectos studio & cura D. EDMUNDI MARTENE, ejusdem congregationis Presbyteri & Monachi; & à quibusdam nostræ Congregationis Theologis examinatos & probatos, typis mandari permittimus. Datum in Monasterio S. Germani à Pratis, die 25. Novembris anni 1687. sub signo & sigillo nostro, & Secretarij nostri subscriptione.*

Fr. CLAUDIUS BOISTARD, Generalis.

De mandato Reverendissimi Patris Superioris Generalis.

Fr. GEORGIUS LAUVEL, Secretarius.

SVMMMA PRIVILEGII REGIS CHRISTIANISSIMI.

AVCTORITATE Regiâ sancitum est ne quis librum *de Antiquis Monachorum Ritibus* intrâ duodecim annos imprimat, aut alibi impressum in hoc regno divendat, præter ejus Auctorem R. P. D. EDMUNDUM MARTENE, Presbyterum & Monachum Congregationis S. Mauri Ordinis S. Benedicti, aut eos quibus id juris concefferit, hocque omnibus perinde clarum, notum, indictum habeatur, ac si Regij diplomatis sententia operis initio præfigatur, finire postponatur. Qui secùs faxit, librorum confiscatione, aliisque pœnis Regio Diplomate declaratis multabitur. Datum Parisiis die quinta Decembris 1687. De mandato Regis signatum BULTEAU.

Idem R. P. EDMUNDUS MARTENE jure suo cessit, ANISSONIIS, IOANNI POSÜEL, & CLAUDIO RIGAUD Bibliopolis Lugdunensibus. Desiit primæ editionis prælum die decima Decembris 1689.

DE ANTI

DE ANTIQVIS
MONACHORVM
RITIBVS
LIBRI QVINQVE.

LIBER PRIMVS
DE RITIBVS QVOTIDIANIS.
CAPVT PRIMVM.

Quo ritu veteres Monachi nocte surgerent.

1. **I**N quotidianis veterum Monachorum ritibus scribendis, non tam materię dignitatem, quàm ipsam exercitiorum seriem attendendam existimavi. Quapropter ab ipso diei principio exordium ducens, ante omnia antiquum Monachorum surgendi modum referre mihi proposui: ubi quatuor potissimum exponenda sunt. 1. Quanam hora veteres Monachi surgerent. 2. Quomodo horam illam observarent. 3. Quo pacto sese excitarent. 4. Denique quanam surgendo præstarent.

2. Primum quod spectat, licet ut unam surgendi regulam Prophetæ Regis exemplum, qui mediâ nocte surgebat ad confitendum Deo, sibi proposuerint quotquot extiterê veteres Monachi; tamen quia, ut benè notavit Cardinalis Bona, medium noctis duobus modis sumi potest; stricte pro eo temporis puncto, quod æqualiter distat ab exordio noctis,

A

& ab ejus termino; & latè, pro quocumque temporis spatio, quod est inter duo ejusdem noctis extrema: hinc varia apud eos exorta est surgendi diversitas. Alij enim strictè & ad litteram prophetica verba accipientes, ne uno quidem momento citius aut tardius media nocte surgebant: Tales erant qui ad galli cantum vigiliis nocturnas celebrabant, de quibus S. Chrysost. homilia 59. ad popul. Antioch. & homil. in Epist. 1. ad Timoth. *Galli cantu continuo Propositus assistit, pulsaturque modicè pede jacentem, sequè omnes una protinus excitat*; nam gallus tunc primum cantare incipit, cum nox in suo cursu medium iter peregit, & declinare incipit; unde etiam in antiquis Missalibus prima Missa quæ in die Natalis Domini media nocte celebrari solet, inscribitur *Missa in galli cantu*. Tales etiam haud dubium erant qui sub Sancti Basilij institutis agebant; ter enim nocte laudes Deo persolvebant; scilicet noctis initio, media nocte, & ante diluculum. Similiter qui Abbatis Ithae regulam observabant, in ejus num. 57. lego: *Mediam noctem ad invigilandum orationi decerne, alteram verò medietatem requiei corporis tui*. S. Columbanus etiam in regulæ c. 7. ad nocturnas vigiliis medium noctis assignat, sicuti & regula M S. incerti auctoris cap. 2. Sed & Sanctimoniales in S. Eudociæ parthenone viventes de more circa mediam noctem surgebant, ex ejus vita n. 33. apud Boll. 1. Mart. Eadem hora surgunt etiam nunc alij communiter Ordines Religiosi, quod & summa cum laude observant Cathedralis Ecclesiæ Parisiensis Canonici.

3. Alij verò quibus plus cordi erant vigiliæ quàm somnus, etiam ante mediam noctem strato exsurgabant ad confitendum Deo, quales erant S. Ursi Abbatis discipuli, qui media nocte in oratorio vigilasse leguntur apud Gregorium Turonensem; quos proinde antea surrexisse oportebat. Ex his insigne nobis exemplum suppeditat Rufinus in illis fratribus, qui quatuor noctis horis dormiebant, quatuor psallebant, quatuor laborabant: ad quos nostra ætate accedunt Monachi Cartusienenses qui quotidie duabus ante mediam noctem horis surgentes, maximam ejus partem Divinis laudibus impendunt, quamvis in sui prima institutione longè tardius surrexisse facile colligas ex Gaigonis Statutis, quæ vigiliis ita determinant ut facto post nocturnos intervallo, quod ad plus sep̄ em pœnitentiales Psalmos capere valeat Sequantur deinde *Martine Laudes*, quas à Calendis Octobris usque Pascha lux terminat, exinde inchoat.

4 Ex opposito S. P. Benedictus insignis Monachorum Patriarcha, & discretionè præcipuus, habita infirmitatis humanæ ratione discipulos suos modicè ampliùs de media nocte dormire constituit, ut jam digesti & alacres surgerent ad vigiliis nocturnas celebrandas hora noctis octava. Quomodo autem intelligenda sit illa noctis octava hora, à

Eandem horam ad surgendum Canonicis assignat Crodegangus Metensis Ep. in Regula pro ipsis edita c. 15. Spicileg. tom. 1. & ordo Rom. in cœna Domini.

S. Basil.
R. G.
f. c.
37.

1. de
vit. Par.
c. 10.
1. 3.
de vit.
Patr.
n. 199.

cap. 19.

Reg.
S. B.
c. 8.

nobis expositum est in Commentario Regulæ Benedictinæ cap. 8. Non defuerunt tamen è nostris qui etiam media nocte surgerent, ut sunt Bursfeldenses in Germania, Vallisoletani in Hispania, & pleræque Sanctimoniales in Gallia.

5. Mediam Magister inivit viam. Hic nimirum habita ratione temporum, hyeme qua prolixiores sunt noctes ante gallorum cantum; æstate qua breviores, postea discipulos suos surgere instituit: [In officio nocturno, inquit, uno tempore psalluntur ante pullorum cantum in hyeme nocturni, dicente Propheta, Media nocte surgebam ad confitendum tibi; & de æstate item dicit, Nocte vigilat spiritus meus ad te Domine: Hoc est de parte aliqua noctis post pullorum jam cantum signum fiat surgendi. Sed hoc à vigilantibus in hyeme cavendum est, ne nocturnos pullus aut antecedit aut deprehendat, quia largant noctes in tempore hyemis.]

6. Simile aliquis de Parisiensibus nostris S. Germani reperio in antiquis eorum consuetudinibus manu exaratis, in quibus legitur: [Dominica prima in Adventu Domini debent pulsari Matutinæ circa mediam noctem, vel ante; ita quod non gravetur conventus; & sciendum quod debent pulsari Matutinæ de nocte à festo S. Augustini usque ad Dedicacionem; & de die debent pulsari à Dedicatione usque ad dictum Festum Beati Augustini; hoc est à die Aprilis 21. ad diem Aug. 28.]

7. S. Fructuosus Bracarensis Episcopus ter nocte laudes Deo à suis Monachis persolveri constituit, scilicet ante mediam noctem, media nocte, & ante Matutinum. Hos omnes superabant Abbas Ammonij discipuli, quorum, teste Palladio, quidam tota nocte nequaquam dormiebant; sed sedentes, vel stantes usque ad mane perseverabant in oratione.

8. Sed cum illis temporibus non essent horologia, quæret aliquis quo modo statutas sibi surgendi horas, quas per diem ex cursu solis, vel ejus umbra metiebantur, nocte dignoscere possent; & hoc est secundum, quod hic nobis exponendum proposuimus. Illud verò sex potissimum modis præstabant. Nam primò antiqui Monachi teste Cassiano ex aspectu siderum nocturnæ synaxeos horam explorabant: [Is autem, inquit, cui religiosi conventus communio, vel synaxeos cura cominuitur non passim, ut libitum est, nec pro ut nocte fuerit expergescitur, aut opportunitas eum somni proprii seu insomnij coartat, fratres etiam ad quotidianas vigilias exsuscitare præsumit; sed quamvis eum consuetudo diurna horâ solitâ exvigilare compellat; tamen sollicitè frequenterque stellarum cursu præstitutum congregationis tempus explorans ad orationis eos invitat officium.] Idem à nostris Cluniacensibus observatum fuisse colligitur ex relatione de miraculis S. Hugonis, quæ habetur in Bibliot. Clun. pag. 448. & à Sanctimonialibus S. Odilæ Hoemburg. ex quibus una. [sanctarum foeminarum, cujus ministerium erat horam divini officij prævidere, surgens egressa est foras, ut stellis contemplatis, sciret si jam esset tempus ad signum no-

eternale pulsandum,] ut scribit anonym. in vita S. Odiliae n. 17. & Append. ad lxx. 3. p. 493. Similiter Drogo ex Cœnobita Floriacensi factus
 „ cremita, explorabat stellarum in ortu competentis horæ adventum,
 „ in qua Deo & protectori suo laudum præconia sancto persolveret
 Benedicto, teste Aimoino in lib. 1. de mirac. S. Bened. n. 15. lxx. 4. part.
 2. p. 361.

9. Secundò ex lectionis prolixitate, aut psalmodiarum numero, quos
 Opasc. observator horarum recitaret, præstitutum vigiliarum tempus agnosce-
 13 e 17 bat: [Porro psallendi sibi faciat consuetudinem, inquit Petrus Damiani,
 „ si discernendi horas quotidianam habere desiderat notionem; ut quan-
 „ documque solis claritas, sive stellarum varietas nubium densitate non
 „ cernitur, illic in quantitate psalmodiæ quam tenuerit, quoddam sibi
 „ velut horologium metiatur.] Hunc ritum indicat Conc. Turon. 2. c. 14.
 statuens, ut schola labore communi construatur, ubi omnes jaceant, aut Ab-
 bates, aut Præposito gubernante, ut dum duo vel tres vicissim & legunt,
 & excubant, alij consolentur. Ubi obiter observandum est, in nonnullis
 Reg. Mag. hora præstituta excitarent. Sic Regula Magistri duos quotidie fratres
 c. 31. vigilare constituit, ut alios statuta ad vigilias hora expergefacerent,
 quos & Vigilallos nominat; duos autem vigilare jussit, ut si quem
 fortè somno opprimi contingeret, alter ejus fratris suscitandi vices;
 expleret. Hi in Ordine S. Benedicti erant Decani sive seniores, qui no-
 cte solliciti super Decanias manebant, vigilias noctis custodientes, &
 lectos frequenter circumeuntes, ut docent Hildemarus & Bernardus
 Cassinens. super Reg. S. Bened. c. 22. Hujus rei praxim videre est in vita
 Inter „ S. Leobini; [cui obedientiæ humilitate cellarium creditum & temperan-
 act. ss. „ darum cursus horarum, & vigiliarum diligentia committitur. Qua oc-
 O S. B. „ cupatione detentus per diem se lectioni vacare non posse comp-riens
 lxx. 1. „ declinantibus ad dormiendum monachis pernoctabat intentè; & in vita
 pag. „ Aicadri Abbatis n. 28: Quadam nocte ille Pastor egregius *vigil as di-*
 123. „ *vinas* super gregem Dominicum faciens fratribus omnibus *præter custe-*
 lxx. 2. „ *dias* in lecto soporatis, vidit in parte meridiana umbram horribilem, &c.
 p. 965.

10. Tertio ex ceræ ardentis candelæ consumptione. Ita Divionenses
 S. Benigni consuetudines c. 6. de Apocrifario seu principali Sacrista,
Horologium, inquit dirigit, & diligenter temperat; de quo cum fieri possit
ut aliquando fallatur, ipse notare debet in ceræ, & in cursu stellarum,
vel etiam in a, ut alios surgere faciat.

Hild. 11. Quarto clepsydris sive aquariis horologiis utebantur; hinc Hil-
 in c. 8. demarus; *Qui hæc rationabiliter vult facere, horologium aqua illi necessa-*
 Reg. rium est.
 S. B.

12. Quintò gallorum cantu ut plurimum regebantur Monachi, ad
 In „ quem etiam nonnulli vigilias celebrabant. Regula S. Posthumio ab
 ejus „ Angelo tradita n. 11. [Experrectis nulla de sæcularibus causis inge-
 vita „ xenda, donec ad galli cantum fraternarum orationum communis hora
 4. 9.]

Lib. 1. Cap. 1.

succedat: S. Joannes Chrysostomus Monachorum vitam describens in homil. 59. ad popul. Anthioch. Postquam gallus cantavit, statim veniens Prælatus, & pede solum simpliciter cædens omnes excitavit; mox statim surgentes stant hymnos canentes propheticos multa cum vocis consonantia. Regula vivendi Monachis à S. Davide præscripta apud Boll. 1. Mart. *Pallorum verò cantu excitati, Orationi & genuflexioni operam dantes, totam deinceps noctem insomnem ducebant.* Galli cantum observabant haud dubium nostri Meldenses S. Faronis quorum basilicæ solus signi cum gallo plaudenti respondisse dicitur apud Hildegarium in Vita S. Faronis c. 120. sæc. 2. Similiter qui sub S. Philiberto in Quinciensi monasterio vivebant; *Hi enim gallo canente nocturnale initiantes officium* leguntur in vita S. Aicadi Abbatis n. 8. sæc. 2. p. 956. Idem de Scabulensibus nostris asserendum est, de quibus Godescalcus in Vita Sancti Landeberti Episcopi n. 5. sæc. 3. part. 1. p. 71. *Citum*, inquit, *gallorum cantus adfuit, nec mora fratres monasterii pulsato signo ingrediuntur ad vigilias.* Denique posteris temporibus excitatoriis usi sunt horologiis pauld ante vigilias aliquem ex fratribus edito strepitu excitantibus, reliquos mox excitaturum: Horum usus ab annis amplius quadringentis videtur apud Bernardum Cassinensem in Regula Benedictinæ cap. 8. ita scribentem: [Facta autem jam hora octava, modicum erit amplius de media nocte, quando surrexerit *horologio excitante* qui habet horologium custodire, & accensis lucernis Ecclesiæ, quæ poterant propter prolixitatem noctis fuisse obscuratæ, ac pulsatis campanis ad dormientium fratrum excitationem potuit transire dimidia octavæ horæ antequam surrexerint Fratres.] Ubi etiam obiter observandum est eum, cui alios excitandi cura commissæ erat, solitum fuisse ecclesiæ lampades accendere priusquam surgendi signum faceret, quem fortè ritum respicit locus ex miraculis S. Marij Abbatis n. 4. ubi dicitur *quod quadam vice quidam vir Religiosus ejusdem viri Dei basilica custos cum circa medium noctis ad ecclesiam veniret ut lumen lampadi daret, extinctum reperit.* Et anonymus in l. 3. de gestis sanctorum Rotonensium c. 5. *cum autem custos ex more evigilasset, ut lampades recrearet &c.* Ubi verò surgendi hora advenisset, is cui alios expurgandi cura commissæ erat, qui ut plurimum erat Abbas seu Prælatus, ut supra vidimus ex S. Joanne Chrysostomo; quod etiam erga Clericos olim præstabat Episcopus, ut adnotavit Mabillonius noster agens de cursu Gallicano in Appendice ad Liturgiam Gallic. n. 40. Fratres excitabat, idque variis modis pro consuetudine locorum, nutu ac voluntate Abbatum.

13. Primum enim alij propter silentij religionē dormientes solo corporis motu excitabant, ut p. ter excitato Joanne Chrysostomo in homil. 59. ad pop. Anthioch. & in Epist. 1. ad Timoth. *Galli cantu continuo Præpositus*

• S. Ausbrehta Abbatissa Pauliacensis sorores excitabat ad nocturnas vigilias, ex ejus Vita. n. 16. sæc. 3. part. 1. p. 34. S. Corbinianus ad matutinas laudes eleam excitasse legitur in ejus Vita ab Aribone scripta, n. 23. sæc. 3. part. 1. p. 512.

assistit, pulsat modicè pede jacentem, sic una omnes protinus excitat.

14. Secundò voce aliqua altiùs prolata & decantata; & ita excitabantur

l. i. de vit. Par. „ Pachomiani: [Audito signo excitantis, inquit Reg. S. Pachomij, aut voce „ psallentis, omnes surgant currentes ad orationem; & in Vita S. Pachomij „ c. 41. ab hora nona usque ad illud tempus quo frater qui nocturnis „ orationibus præerat *vocem mitteret*, & ad præces solitas excitaret in- „ stantiam suæ supplicationis extendit. Quænam autem esset illa vox „ omnino me fugit; constat tamen ex sancto Augustino vocem *Deo gra- „ tias* à Monachis valde frequentatam; ex S. Hieronimo vocem *alleluia* vo- „ catos fuisse ad collectam, quibus uti etiam Pachomiani potuerunt, aut „ fortè hymno aliquo, vel psalmo ad rem venienti, puta, *In noctibus ex- „ tollite manus vestras in sancta & benedicite Dominum*, & similibus.

15. Tertiò ligneo crepitaculo; Hinc Leo Imperator in panegyrico de S. Chrysostomo: *His adhuc dubitantibus exhibitor ad matutina cantica excitat ligas pulsibus*. Nostri quoque Einsidenses Monachi ad *sonitum ligni* surrexisse leguntur in consuet. Germaniæ n. 4.

16. Quartò malleo dormientium Fratrum ostium percutiebant; sic Adolius Tarsensis *tempore consueto excitatorio malleo pulsabat cellas om- „ nium, eos congregans ad oratoria*: & S. Ephrem. [Quando fores tuas „ noctu Frater pulsaverit, inquit, ut ad collaudandum Deum consurgas, „ promptè atque alacriter te erige, ut & negligentes promptitudinem „ tuam cernentes, animam suam ad sobrietatem vigilantiamque ex- „ citent. His omnibus excitandi modis apud antiquos Monachos „ usitatis uti potuerunt & nostri Benedictini, quos etiam aliis usos fuisse „ legimus.

17. Quintò enim squilla sive campanula Fratres excitabant, ut ha- betur in vita Sancti Benedicti Abbatis Anianensis n. 52. [Primitus si- „ quidem quàm signum horis nocturnis pulsetur, in Fratrum dormitorio „ squillam tangere iussit ut priùs Monachorum congregatio orationibus „ fulti propria residerent per loca.] Sic in Fontanelleni Monasterio ad ma- „ tutinas vigilias de prefato Apostolo Andrea persolvendas noster Perre- „ tarius nolam pulsavit pro Fratribus excitandis, inquit Ingulfus ex Priore Fontanelleni Abbas Croylandensis in hist.

Bern. 18. Sextò sola Ecclesiæ campana, ut ex citato supra Bernardo Cassi- „ nensi colligitur: *Et pulsatis campanis ad dormientium Fratrum excita- „ tionem*, quod clariùs patet ex Petro Venerabili lib. 1. Mirac. c. 17. ubi lo- „ quens de Algero Monacho novitio, sic habet: Visum verò est ei „ quod signum in Ecclesia *more solito ad nocturnas laudes fratres ex- „ citans* pulsaretur, surrexit ergo & campanam, ut videbatur, fortiter „ resonantem audiens, ad Ecclesiam festinabat. Et sane assueti statuta „ quotidie hora surgere solo hoc signo facile expergeri possunt.

19. Septimò pedum tripudio excitatos fuisse nostros videmus in an- „ tiquis consuetudinibus Monasterij Floriacensis, ubi legitur quod quo- „ dam tempore solito sonitu Fratres non excitentur, sed ejus loco Prior

primus surgens tripudio pedum, & incessu duriori incodens expergesciat saponibus; & in M. S. consuetudinibus Regalis S. Dionisij in Francia Monasterij scila secunda in Rogationibus: cum autem voluerit Prior ut surgant, sonitu pedum eos excitet.

20. Octavo pueri virga excitabantur à suis Magistris, ut in M. S. Corbeienfis Monasterij ordinario legimus. Ubi de Rogationib. *Tamen postquam pueri legere incipiunt, quos ad horam competentem Magister cum VIRGA EXCITAT quam quietius potest, amplius jacere non præsument.*

21. Nono denique Magister in Regula hunc excitandi morem instituit: Ubi advenisset hora surgendi constituta, qui ex duobus vigilalibus sive excitatoribus reperiebatur vigilans collegam suum lentè excitabat, amboque surgentes ad lectum Abbatis cum reverentia veniebant, ubi oratione facta, dicebant sibi lentè hunc versum, *Domine labia mea aperies, & os meum annuntiabit laudem tuam*, quo completo, mox pulsantes pedes Abbatis suscitabant eum: eo expergesfacto dicebant simul *Deus*, quo audito Abbas surgens intrabat oratorium, & percussio indice tandiu orabat, quandiu universi Fratres ingressi essent.

22. Quantum quod attinet, scilicet quænam surgendo veteres Monachi observarent omnino tacuit S. Benedictus, contentus dicere, ut [Facto signo absque mora sit gentes festinent se prævenire invicem ad opus Dei, cum gravitate tamen & modestia; & ut surgentes ad opus Dei se moderatè cohortentur propter somnolentorum excusationes:] quare quod ille silentio prætermisit, aliunde nobis repetendum est.

23. Primo itaque antequam Fratresurgerent singulorum lectos visitabat Præpositus. Sanctus Fructuosus Bracar. Episcopus in Regula: [Priusquam surgant ceteri, inquit, à vigiliari s. Fratribus Præpositus exciteatur, ut cum benedictione sua & signum moveatur, & cunctorum lectula ab eo priusquam consurgant, strenuè visitentur. Hoc quoque in omnibus nocturnis orationibus gerat, ut semper prior surgat Præpositus, quàm ad surgendum reliqui moveantur; ut ipse videat quæ quomodo jacent, ut aliquam lasciviam per incuriam quætionis dormiens incurrit.] Idem ad omnes cursus nocturnos etiam surgunt Præpositis faciendum injungit Regula cujusdam ad Virgines, ut sciant quæ cum fervore, vel quæ cum repiditate ad cursum assurgunt, & eas quas tarditate, vel segnitia culpabiles repererint, prout culpa vel ætas fuerit, aut increpatione aut flagello corripiant.

24. Secundo expergesfacti omnes simul una surgebant: [ad nocturnas cunctis diebus, requit Regula S. Ferreoli, ita omnes celeriter pariterque consurgant, ut cunctis simul concurrentibus nullus inveniat venisse posterius.]

25. Tertio è lecto profluentes signo crucis frontem muniebant cum invocatione sanctissimæ Trinitatis, vel divini adjutorij petitione. Ita regula cujusdam ad Virgines [ad cursum verò cum festinatione

14. Surgentes, signum crucis fronti inferatur, simulque sub silentio dicatur:

Deus in adiutorium meum intende: Domine ad adjuvandum me festi-

na.] Item habet Grimlaicus in regula Solitiorum c. 50.

Sec. 4.

Bened.

part.

i.

26. Quot aqua laterali sese perfundebant, ut suis præscripisse legi-
gitur Sanctus Benedictus Abbas Anian. apud Ardonem in ejus vira-
num. 52. Surgentes verò concitè juxta quod Regula præcipit, Fra-
tres aquis se sanctificatis perfundant.

c. 50.

27. Quot pergit Grimlaicus in prædicta Solitiorum Regula, [& hoc
cantantes, scilicet Deus in adiutorium, mox ad oratorium pergant, &
prostrati in terra humiliter cum lachrymis & gemitu orent. Expleta autè
oratione necessaria corporum suorum provideant. Inde revertentes illi-
cò nocturnum officium solemniter & devotè incipiant.] Nostri ve-
rò e contra primum corporeæ necessitati consulebant, deinde in orato-
rium convolabant, ut ex ordine conversationis Monastica didicimus,

c. 1.

in quo antiquum surgendi ritum legimus in hæc verba: [Nocturnis
horis cum ad opus divinum de lectulo surrexerit Frater, primum signum
sanctæ crucis imprimat sibi per invocationem Sanctæ Trinitatis; dein-
de dicat versum *Domine labia mea aperies*; inde psalmum *Deus in adju-
torium meum intende*, totum cum *Gloria Patri*. Tunc provideat sibi corpo-
ream necessitatem naturæ, & sic ad oratorium festinet psallendo psal-
mum *ad te Domine levavi animam meam*, intrans cum summa reveren-
tia & cautela, ut aliis orantibus non impediatur. Tunc prostratus in loco
congruo effundat preces in conspectu Domini magis corde quàm ore;
ita ut illius vox vicinior sit Deo quàm sibi, tunc referat gratias Deo
creatori suo, ita dicendo: *gratias tibi ago omnipotens Pater, qui me digna-
tus es in hac nocte custodire, deprecor clementiam tuam piissime Domine, ut
concedas mihi diem venturum sic peragere in tuo sancto servitio cum
humilitate & discretionem, qualiter tibi complacere servitus mea, & præsta-
mihi hodie cum summa patientia tibi gratum exhibere servitium*. Cum
verò novissimum signum sonuerit, tunc omnes sint parati stantes in
loco suo in choro per ordinem.] Eadem iisdem penè verbis offendes
apud S. Dunstanum in concordia regulari Anglicæ nationis Mona-
chorum Sanctimonialiumque. Quid verò interim ex statutis à S. Benedi-
cto Anianensi Abbate apud Ardonem, loco supra citato didicimus, ubi
post prædicta verba ita subdit: [Et cuncta altaria humiliter, & cum
reverentia percurrant, & sic demum ad propria loca accedant; sintque
parati ut cum tertium pulsaverit signum, absque mora surgentes atto-
nitis auribus, Sacerdotem expectent, qui officium incipiendi forti-
tus est.

28. Porro qui in illa altarium circuitione agerent, ex antiquis Ger-
manicæ consuetudinibus accipiendum est: [Hyemis tempore, ut
Regula præcipit, post mediam noctem pulsetur signum in dormito-
rio, omnesque sine mora surgentes pergunt ad necessaria qui volunt.
Dehinc insonat signum in ecclesia, illucque concurretur cum gravitate,

&

& faciunt tres orationes dividendo septem psalmos, & circueundo altaria. Interim alia signa pulsantur, quousque Dominus Abba intrat in chorum, & tunc incipient nocturnos.] Optabit forte an aliquis scire quanam essent illæ tres orationes, quas altaria circueundo recitarent; quapropter sic eas ex citata jam Concordia Dunstani subijcere operæ pretium existimavimus.

29. [In prima itaque oratione, inquit ille, decantet tres primos pœnitentiæ psalmos, cum oratione Dominica, uti in sequentibus, pro se ipso primùm intercedendo; post hos orationem istam: *Gratias tibi ago omnipotens Pater, qui me dignatus es in hac nocte custodire, deprecor clementiam tuam misericors Domine, ut concedas mihi diem venturum sic in tuo sancto servitio peragere cum humilitate & discretione, ut tibi complacere servitus nostra, Per Dominum, &c.*

30. Inde veniat ad secundam orationem, ubi sequentes duos dicat psalmos pro Rege & Regina, atque familiaribus cum oratione: *Deum qui caritatis dona per gratiam sancti Spiritus tuorum cordibus Fidelium infudisti, da famulis & famularibus tuis, pro quibus tuam deprecamur clementiam, salutem mentis & corporis, ut te tota virtute diligant, & que tibi placita sunt tota dilectione perficiant. Per Dominum nostrum &c.*

31. Inde ad tertiam orationem veniens duos posteriores psalmos pro fidelibus defunctis decantet cum oratione: *Inveniant quasumus Domine, anima famulorum famularumque tuarum lucis æterna consortium, qui in hac luce positi tuum consecuti sunt sacramentum, Per Dominum nostrum &c.*

32. In antiquo Breviario Cassinensis Monasterij tempore Oderisij Abbatidis descripto habentur ad frontem tres orationes in prima, secunda, & tertia genuflexione, quæ sic incipiunt: *Domine Jesu Christe, Deus verus de Deo vero &c. Deus qui Moysi famulo tuo &c. Domine Jesu Christe qui nos per passionem*, quæ tres orationes extant in ordine Romano ad feriam sextam Paras. eves. Habentur præterea in prædicto Cassinensi Breviario tres aliæ prolixæ orationes ad beatam Mariam Virginem directæ. Item tres aliæ Petri Episcopi Osiensis quæ reperiuntur in tom. 4. operum Petri Damiani, apud quem etiam alias offendes, quas omnes hunc ad usum compositas esse existimo.

Pergit idem Dunstanus: [Et donec quidem pueri introeant Ecclesiam, unum continuatim pulsatur tintinnabulum, ipsi quoque pueri ingressi ut Trinitatis reverentia ab omnibus legitimè teneatur, trina utantur oratione. Finitis verò tribus orationibus à præteritis, sonetur secundum signum, residentibus cunctis in sedibus suis ordinatim, atque carentibus quindecim psalmos graduum sigillatim trina partitione uti superiores septem flectentes genua post quinque psalmos facto signo à Prioribus. Iterum pulsatis reliquis signis ac finitis eisdem psalmis incipiant nocturnos.]

* Trina orationis ante nocturnos faciendæ sit mentio in vit. S. Forannani Episc. & Abb. n. 16. Sæc. 5. Bened.

eternam.] Hæc autem 15. psalmorum gradualium ante nocturnos recitatio est ex sancti Benedicti Anienensis Abbatis institutione, ut ex
 „ Ardore ejus discipulo discimus; sic enim ille in ejus Vita n. 52 : [Psal-
 „ mos autem cantare jussit quinque pro omnibus fidelibus in toto terra-
 „ rum orbe vivis; quinque etiam pro omnibus fidelibus defunctis; pro
 „ eis quoque qui nuper defuncti sunt, qui ad notitiam singulorum
 „ non statim causa pervenit, ut jugiter caneretur instituit nihilominus
 „ quinque. Decursis vero psalmis quinque pronus orationi incumbat,
 „ eos pro quibus cecinit Deo commendans; & tunc demum pro aliis ro-
 „ gaturus initium sumat.] Hos vero psalmos à singulis in choro suis in
 „ locis residentibus postquam altaria, ut supra diximus, circuiverant, se-
 „ cretò recitari instituit. Porro Cluniacenses primos quinque psalmos pro
 „ fratribus suis, & omnibus fidelibus defunctis dicebant; quinque se-
 „ quentes pro seipsis; posteriores quinque pro Regibus & omnibus suis
 „ familiaribus adhuc viventibus, ut scribit Udalricus in Antiq. conf. Clun.
 „ & ad singulas incisiones easdem pene ac nos in Feria 4. Quadragesimæ
 „ adhibebant preces. Postea vero pro 15. Psalmis triginta hieme reci-
 „ tare communis in monasteriis mos obtinuit, ut sequenti capite di-
 „ cturi sumus. Vid. Vir. S. Joannis Abbatis Gorziensis n. 81. Sæc. 5.

32. Ita ferè nocturnas vigilias surgendo præveniebant majores no-
 „ stri, ad quas tria nimirum signa pulsare solebant, ac primum inter &
 „ secundum signum altaria visitabant, septem psalmos pœnitentiales cum
 „ tribus orationibus recitantes; inter secundum vero & tertium psalmos
 „ graduales quindecim cum quibusdam precibus. Non tamen omnibus
 „ placuit hujusmodi ante nocturnos Psalmorum recitatio. Hanc in pri-
 „ mis improbat Guillelmus Abbas S. Theoderici ad fratres de Monte Dei
 „ scribens in hæc verba : [In præveniendis nocturnis vigiliis non expe-
 „ dit multitudine psalmorum obruere intellectum & exhaustire spiritum,
 „ vel extinguere; sed quandiu sobrius invenitur, pietati afficiendus est,
 „ & suo itinere dirigendus ad Deum, donec dilatato corde currere in-
 „ cipiat usque ad finem operis Dei.] Et tamen ipsi ad quos ille scribebat
 „ Carthusiani ex Guigonis statutis nocturnum officium congruis in cella
 „ præveniebant vigiliis, [Quæ ab idibus Septembris, inquit Guigo, scor-
 „ „ lim paulatimque crescendo in Calendis Novembris perfectæ, quin-
 „ „ quaginta psalmis non nimis festine cantandis sufficiunt; à quo tempore
 „ „ usque ad Februarij Calendas taliter perseverant; inde usque ad Pascha
 „ „ decrecendo paulatim, ad tantum spatium quod Matutinis S. Mariæ
 „ „ sufficiat rediguntur; Ex quo usque ad prædictas Septembris Idus in
 „ „ eadem quantitate perdurant.] Solent etiam nunc Carthusiani inter pri-
 „ mum secundumque nocturnorum signum tres minimùm quadrantes,
 „ aliquando integram horam insumere; quo temporis intervallo matu-
 „ tinas de beata Virgine privatim recitant, aliisque spiritualibus exer-
 „ citiis vacant.

CAPUT

CAPUT II.

Quo ritu veteres Monachi nocturnas vigilias celebrarent.

1. **D**ivinis officiis antiquius esse Monachis nihil omnino debet, quibus proinde, ut ait S. P. Benedictus nihil præponendum est. Quapropter ubi primum surrexerant præci Monachi, id unum mente cogitabant, ut primos cordis affectus, prima oris ac linguæ verba, primos corporis motus Deo, ejusque laudibus consecrarent. Hanc ob rem statim in unum congregati vigilias nocturnas tota mentis alacritate celebrabant de quibus inquirendum est: Primum, quas in synaxi nocturna preces ac laudes adhiberent. Secundò, quas ad præscriptum à S. Benedicto officium preces addiderunt nostri. Tertio, quosnam inter orandum ritus observarent.

2. De precibus quas in vigiliis nocturnis ad Deum effunderent antiquiores Monachi, constans & indubitata esse debet sententia; eos psalmorum decantatione, canticorum, hymnorum, antiphonarum, responsionumque modulatione, Scripturæ utriusque & veteris & novi Testamenti lectione, orationum sive collectarum usu & frequentia plurimum delectatos; sed de prædictorum numero ac quantitate non ita constat. Nimirum varius pro varia Monachorum ac Prælatorum voluntate extitit usus; quæ res nos cogit ut singulorum hac de re statuta, atque probatissimorum auctorum testimonia hic congeramus: atque ut ab Orientalibus, quos monastici propositi institutores agnoscimus, exordium ducamus; auctor est Cassianus, non unum fuisse apud eos psalmorum in nocturnis conventibus dicendorum canonem, sed multos super hac re diversos typos ac regulas sibi met constituisse. [Quam enim vicenos seu tricenos psalmos & hos ipsos antiphonarum præcelatos melodis, & adjunctione quarundam modulationum debere dici singulis noctibus consueverunt. Alij hunc modum etiam excedere tentaverunt: nonnulli 18. Atque in hunc modum diversis in locis diversum canonis agnovimus institutum, inquit, totque propemodum typos ac regulas vidimus usurpatas, quot etiam monasteria cellasque comperimus.]

Sed longè aliter Ægypti Thebaidisque Monachi. [Per universam Ægyptum & Thebaidem, inquit idem Cassianus, duodenarius psalmorum numerus tam in vespertinis quam in nocturnis sollemnitatibus custoditur, ita dumtaxat, ut post hunc numerum duæ lectiones veteris scilicet ac novi Testamenti singulæ subsequantur: In die verò Sabbati inquit cap. 6. vel Dominico utrasque de novo recitant testamento,

id est unam de Apostolo vel Actibus Apostolorum, & aliam de Evangeliiis.
 Quod etiam totis quinquagesimæ diebus (id est à Pascha ad Penteco-
 stem) faciunt hi quibus lectio curæ est, seu memoria Scripturarum.

Ann.
 Eccl. ad
 an. 36
 n. 27.

3. Præterea ad singulos psalmos orationem subjungebant ex eodem Cassiano c. 8. quam colligebat Sacerdos ex cap. 7. & 10. non solum in fine officij, ut vult Carolus Cointius duplicem distinguens orationem; unam mentalem cui vacabant omnes in fine cujuslibet psalmi; vocalem aliam, cui *solus Sacerdos ac semel*, ut officium concluderet; sed etiam ad quamlibet orationem, ad quam in fine psalmorum procumbebant, ut naturaliter judicare videtur ipse Cassiani textus c. 7. persuadentq; antiquissimæ collectæ quæ in nonnullis MSS. in fine singulorum psalmorum extant. Porro tam mentales orationes singulorum, quam vocalis collecta Sacerdotis erant brevissimæ.

4. Hic autem nocturnæ sinaxeos celebrandæ modus antiquitus constitutus per plura sæcula preces cuncta Ægypti ac Thebaidos monasteria
 c. 4. intemeratus permanit; [quia, inquit Cassianus, non humana adin-
 ventione statutus à senioribus affirmatur; sed cælitus Angeli ma-
 gisterio patribus fuisse delatus.] Cum enim convenientibus antiquis
 patribus in unum, ut decernerent quinam modus quotidiano
 cultui per universum fraternitatis corpus deberet institui, ac dis-
 sentientibus illis ab invicem, aliis quinquagenos, aliis sexagenos,
 aliis etiam plures pro animi fervore instituere volentibus, medius inter
 eos Angelus cum psalmos undecim cum orationum interjectione de-
 cantasset, duodecimumque sub alleluia responsione consummasset,
 ab universorum oculis repente subtractus quæstioni pariter & care-
 moniis finem imposuit, atque ut dicit Cassianus, [Exin venerabilis
 c. 6. Patrum senatus intelligens Angeli magisterio congregationibus fra-
 trum generalem canonem non sine dispensatione Domini constitutum,
 decrevit, hunc numerum tam in vespertinis, quam in nocturnis con-
 venticulis custodiri.]

5. Sed isto psalmorum canone non videtur fuisse contentus Abbas
 Isaias Regulæ c. 57. statuens, ut media nox ad invigilandum orationi;
 media requiei corporis decernatur. Multò minùs Abbas Isidorus Præ-
 biter in Scithi, qui de se ipso referebat: [Ego quando eram juvenis &
 sedebam in cella mea, non habebam numerum psalmorum quos dice-
 bam in ministerio Dei; nox enim mihi & dies in hoc expendebatur.]
 Et hæc quoad Orientales, quid verò Occidentales? Antiquissimus om-
 nium ordo psallendi videtur ille quem ex Lirinensium disciplina forori
 Cæsariæ aliisque sub ejus regula degentibus Sanctimonialibus tradi-
 dit S. Cæsarius Arelatensis Episcopus in hunc modum: [In primo die
 Reg. S. Cæs. ad
 virg. Paschæ ... ad nocturnos psallantur psalmi decem & octo; antiphonæ
 n. 66. minores cum alleluaticis suis, & lectioines duæ, hymnus & capitellum:
 apud hoc ordine toti septem dies sunt celebrandi. Post Pascha verò ipsi noctur-
 ni dicendi sunt usque ad Calendas Octobris, & usque Calendas Augusti
 12. Jan.]

sexta feria tantum & Dominica vigilentur. Post Pascha vero usque ad Pentecosten sexta feria semel reficiendum est, & post duodecimam sex missæ futuræ sunt, hoc est lectiones decem & octo memoriter dicendæ sunt, & post psalmi decem & octo, antiphonæ tres. Post nocturnos vero missæ tres ad librum fieri debent usque ad lucem.] Quem locum, quia corruptus & obscurus videtur ita explicat Carolus Coitinus : [Post Pascha vero ipsi nocturni dicendi sunt usque ad Cal. Oct. id est, post Pascha vero iidem nocturni dicendi sunt usque ad Cal. Oct.] quia scilicet breviores sunt noctes, post Calendas autem Octobris quia prolixiores sunt noctes, secundos addit Nocturnos, ut modò videbimus. Quod vero dicitur *usque ad Calendas Augusti sexta feria tantum & Dominica vigilentur*, id est citius ad vigilias excitentur, propter horum dierum reverentiam & prolixius officium. Deinde quia semel mentionem fecerat ferie sextæ, jejunium in ea indicit à Pascha ad Pentecosten, tum missas quæ post vesperas, & vigilias ejusdem ferie fieri deberent usque ad lucem, id est usque ad Matutinas laudes subjungit. Addit postea S. Cæsarius [à Calendis Octobris usque ad Pascha addite secundos nocturnos, id est psalmos decem & octo, lectiones duas, & hymnum : Ad primos nocturnos in primo dicite : *Miserere mei Deus secundum magnam misericordiam tuam*. In fine : *Rex æternæ Domine*, à secundo nocturno *Magna & mirabilia*. Alia nocte ad primum nocturnum dicendum est : *Media noctis tempus est*. Ad secundum *Æternæ verum conditor*. Ad secundos nocturnos in primis incipite *Miserere mei Deus, miserere mei*. Post nocturnos legantur orationes tres, psallantur antiphona, & responsus, & alia antiphona. Post hoc usque ad lucem impleantur missæ quatuor. Si fieri potest numquam minuantur, numquam maturius, numquam tardius excitentur.] Hactenus vigiliarum ordo ex Regula S. Cæsarii ad virgines, prout extat apud Bollandum ad diem xij. Januarij, sed ea quæ ibidem de officio divino præscribuntur, neque extant in Regula S. Cæsarii apud Stellartium, neque apud Holtenium, neque in Regula S. Cæsarii Pictavij edita unà cum Vita S. Radegundis an. 1621. hicque ordo non nihil discrepat ab eo quem S. Cæsarius instituit in Regula ad Monachos, in qua capite 20 hæc ratio psallendi decernitur : [Vigiliis à mense Octobri usque ad Pascha duos nocturnos faciant & tres missas. Ab una missa legat frater folia tria, & orate legat alia tria & levet se ; dicite antiphonam, responsorium & aliam antiphonam : antiphonæ ipsas de ordine psalterij.] Quidquid sit, certè non multum discrepat ab ordine psallendi Monachorum, neque ab eo quem præscribit S. Aurelianus tam Monachis, quàm Sanctimonialibus ; estque antiquissimus.

6. Aliter S. Benedictus nocturnarum vigiliarum canonem instituit in hunc modum : [Hyemis tempore præmisso in primis *Deus in adiutorium meum intende : Domine ad adjuvandum me festina*. In secundo ter dicendum est ; *Domine labia mea aperies, & os meum annun-*

ciabit laudem tuam; cui subjungendus est tertius psalmus, & Gloria.
 Post hunc psalmus 94. cum antiphona, aut certe decantandus. Inde
 sequatur Ambrosianum: Deinde sex psalmi cum antiphonis; quibus
 dictis, dicto *ŷ. Benedicat Abbas*. Et sedentibus omnibus in scamnis
 legantur vicissim à fratribus in codice super analogium tres Lectiones,
 inter quas & tria responsoria canantur; Duo *ŷ. sine Gloria* dicantur,
 post tertiam verò Lectionem qui cantat dicat Gloria.... Post has verò
 tres Lectiones cum Responsoriis suis, sequantur reliqui sex psalmi cum
 alleluia canendi. Post hoc Lectio Apostoli sequatur ex corde recitanda,
 & versus, & supplicatio litanie, id est Kyrie eleison, & sic finiantur
 vigilie nocturnae. A Pascha autem usque ad Calendas Novembris
 omnis ut supra dictum est psalmodiae quantitas teneatur, excepto quod
 Lectiones in codice propter brevitatem noctium minimè legantur; sed
 pro ipsis tribus lectionibus una de veteri testamento memoriter dicatur,
 quam breve & subsequatur; & reliqua omnia ut dictum est implean-
 tur, idest ut numquam minus à duodecim psalmorum quantitate
 ad vigilias nocturnas dicatur, exceptis tertio & nonagesimoquarto
 psalmo.] Quae omnia à nobis fuscè satis exposita sunt in Commentario
 super Regulam B. P. Benedicti.

7. S. Aurelianus in instituendis vigiliarum precibus vix, aut certè pa-
 rum discrepat à praescripto S. Casarii ad virgines psallendi ordine: [Quo-
 tidianis, *inquit*, diebus ad nocturnos in primis directaneus dicatur *Mi-
 serere mei Deus secundum magnam misericordiam tuam*. Deinde psal-
 mi decem & octo, antiphona tria parvula; lectiones Apostoli aut Pro-
 phetarum duae, & capitellum. Completis nocturnis dicite Matutinos.
 Et haec quidem à Pascha usque ad Calendas Octobris; à Calendis verò
 Octobris alij nocturni addendi sunt, ad primos, dicendum est, *Miserere
 mei Deus secundum magnam misericordiam tuam*; ad secundos, *Miserere
 mei Deus miserere mei* directaneus dicendus est, Psalmi decem & octo;
 Lectiones duae de Prophetis aut de Salomone. Hymnus ad primos noctur-
 nos: *Rex aeternae Domine*. Ad secundos *Magna & mirabilis*. Post dictos,
 quia noctes crescunt quotidie ad librum facite missas tres. Unus frater
 legat paginas aut tres, aut quatuor, quomodo mensura fuerit libri, si mi-
 nutè scriptus, aut majori forma ternas paginas: si minor, quatuor;
 & fiat oratio. Iterum legat tantum, & fiat alia oratio: tertio legat
 idem tantum & surgite... Dicite antiphonam de psalmis in ordine,
 postea responsum, deinde antiphonam, iterum legat alius frater, &
 sic impletis tribus missis dicite Matutinos canonicos.

8. Regula incerti Authoris in appendice ad tom. 1. Operum S. Au-
 gustini nocturnum officium ita ordinat: [Nocturnae autem oratio-
 nes mense Novembri, Decembri, Januario & Februario antiphonae duo-
 decim, psalmi sex, lectiones tres. Martio, Aprili, Septembri, Octo-
 bri antiphonae decem, psalmi quinque, lectiones tres. Maio, Junio, Julio
 & Augusto antiphonae octo, psalmi quatuor, lectiones duae.] Quis

novae
 edit.
 pag. 41.

author sit ille, aut quando scripserit, ignoratur, est saltem antiquissimus; nam ejus Regula reperitur in MS. Corbeienſi ante mille annos exarato Regulae S. Augustini viris aptatae praemissa.

9. S. Columbanus cursus expressus habetur in ejus Regulae capite 7. sed ita obscurè, ut vix intelligi possit. Quapropter ejus non verba sed sensum hic referemus. Itaque noctes prolixiores à brevioribus distinguens, hyemis tempore, hoc est ab æquinoctio autumnali, hoc est ab 8. Calendas Octobris usque ad Calendas Februarias, triginta sex psalmos cum duodecim antiphonis ad singulas noctes dici praescribit, ita ut singulis tribus psalmis una interferatur antiphona; à Calendis vero Februariis usque æquinoctium autumnale, hoc est toto vere, æstate, & autumnii parte anteriori, viginti quatuor psalmos cum octo dumtaxat antiphonis eodem prorsus modo, hoc est ut singulis tribus psalmis una interferatur antiphona; aliter vero Dominicis & Sabbatis vigiliis, ut dicemus cum de die Dominica agemus. Hunc cursum S. Columbanus à senioribus acceperat, hoc est à Monasterio *Benchor*, in quo vitam Monasticam professus fuerat.

10. Praeterea S. Columbanus ibidem narrat quorundam Monachorum cursum nocturnum à suo prorsus diversum: [Sunt autem quidam Catholici, inquit, quibus idem est canonicus duodenarius psal-
morum numerus, sive per breves sive per longas noctes; sed per quater-
nas in nocte vices hunc canone[m] reddunt, ad initium scilicet noctis,
ad mediumque noctis, sive psallorum quoque cantum, ac matutinum.
Curios sicut in hyeme parvus esse videtur, ita æstate satis laboriosus, &
gravis invenitur, dum crebris in noctis brevitate expeditionibus non tam
lassitudinem facit, quam fatigationem. Noctibus vero reverentissimis
Dominicis & Sabbatis ad Matutinum ter idem volvitur numerus, id est
ter denis & sex psalmis] Horum vero Monachorum erant mille Abba-
tes sub uno Archimandrita.

11. S. Isidorus breves omnino facit vigilias nocturnas: [In quo-
tidianis, inquit, octiduis vigiliarum primum tres psalmi canonici reci-
tandi sunt; deinde tres missae psalmodum, quarta canticorum, quinta
Matutinorum. In Dominicis vero diebus vel festivitatis Martyrum
solemnitatis causa singulae superaddantur missae.] Nullis autem
psalmodum explicat Menardus collectas seu orationes quae olim dice-
bantur in fine psalmodum, missam canticorum orationem quae in
fine canticorum, missam Matutinorum orationem quae in fine Ma-
tutinorum.

12. S. Fructuosus Bracarenſis Episcopus tres singulis noctibus ad

Ita S. Columbanus coniungens simul Vigilias Nocturnas cum Matutinis, nam ad vigilias psalmos tantum duodecim, ad Matutinum hos denos bisque binos, hoc est viginti quatuor assignat, ut annotavit Menardus in Conc. Reg. c. 23. § 9. pag. 139 & post eum Carolus Corneſius Annal. Eccl. Franc. an. 190. n. 33. pag. 177.

orandum vigilias constituit : [Ante mediam surgentes noctem duode-
 nos per choros recitent psalmos secundam consuetudinem , ... Post
 paulantes paululum medium noctis persolvant officium : Ubi quatuor
 responsoria sub ternorum psalmorum divisione concinantur , ita
 ut dictis tribus psalmis unum subsequatur *R.* sique cum quatuor res-
 ponsoriis duodecim cantentur psalmi. Sic post mediam noctem , si
 hiemis tempus est , sedentibus cunctis , unus medio resiliens releget
 librum , & ab Abbate , vel à Præposito differente cæteris simplicio-
 ribus quod legitur patefiat , ... ita denique duodenis iterum cantatis
 psalmis adeant cubilia , paululumque quiescentes ; gallicinio jam so-
 nante , recitatis tribus psalmis cum Laude & Benedictione sua matu-
 tinum celebrent officium.] Itaque S. Fructuosus tres constituit no-
 cturnos , & in singulis duodecim psalmos decantari decernit , quibus
 in secundo nocturno quatuor interserit responsoria ; ad Matutinum ve-
 rò tres psalmos cum Laude , hoc est ut opinor tribus posterioribus psal-
 terij psalmis quos etiam S. Benedictus *Laudes* appellat , eo quod in
 iis creaturæ ad Dei laudem frequentius invitentur ; & Benedictione ,
 id est Cantico trium puerorum quod eadem ratione *Benedictionem*
 appellat. Præterea Sanctus Fructuosus singulis psalmis orationes
 ad instar Ægyptiorum Monachorum adjici voluit , ut dicemus
 postea.

13 Magister duobus in locis Nocturnum præscribit officium , scili-
 cet Regulæ c. 33. & c. 44. ubi sic loquitur : [Oportet in nocturnis ab
 Abbate dici versum apertionis , deinde *R.* orationis , deinde in hyeme
 duodecim antiphonas sine *alleluia* , deinde *R.* sine *alleluia* , corrente
 dumtaxat semper psalterio ; deinde aliud Responsorium jam cum *alle-
 luia* ut fiant sexdecim impositiones , Lectionem Apostoli , Lectionem
 Evangelij quam semper Abbas dicat. Si Abbas absens fuerit , Præpo-
 situm vicibus ; versum & Rogus Dei. In æstate verò à Pascha usque æ-
 quinoctium hyemale , quod est octavo Calendas Octobris , post *ψ.* per-
 orationis , & *R.* Abbatis dici debent antiphonæ sex sine *alleluia* , deinde
R. item sine *alleluia* , deinde tres antiphonæ cum *alleluia* corrente sem-
 per psalterio ut superius diximus ; deinde aliud Responsorium jam cum
alleluia , ut fiant duodecim impositiones ; Lectionem Apostoli , Lectionem
 Evangeliorum quam semper Abbas dicat : quod si absens fuerit
 Præpositi vicibus ; deinde versum & Rogus Dei.] Ad quorum intel-
 ligentiam est observandum Magistro *Versum apertionis* esse *ψ. Domine la-
 bia mea aperies &c.* , quem incipiente Abbate omnes intrantes orato-
 rium ter dicebant ex Regulæ c. 32. Responsorium orationis vocat psal-
 mum *Venite exultemus Domino , jubilemus Deo salutari nostro* , seu prima
 ejus verba : quod verò dicit corrente psalterio , intelligi potest ut ad sin-
 gulas antiphonas unus dicatur psalmus vel plures , similiter etiam ad
 resp. sine *alleluia* : Impositiones hoc loco intelligit , ut credo , in-
 tonationes. Quod autem dicit *Præpositi vicibus* , intelligit ut absente
 Abbate

Abbate, Præpositi qui plures erant, vicibus suis, hoc est successivè ut unus hodie, alter eras, Evangelium legat. Rogus Dei denique Magistro est oratio, quia per eam Deum rogamus. Præterea Magister in fine psalmorum orationes Ægyptiorum more dicendas instituit Reg. c. 33.

14. Regula cujusdam ad Monachos ita habet: [Tribus conventibus diei, totidemque noctis tempore in ecclesia conveniendum: tres psalmi in unoquoque conventu diei canendi sunt; duodecim verò in nocturnis conventibus cantabuntur, præter illam missam quæ celebratur ortu solis. Orationes verò & duæ Lectiones; una de Veteri Testamento, & alia de Novo.]

15. S. Donatus cum S. Columbanus ferè coincidit: in hoc dumtaxat discrepant quod S. Columbanus annum dividat in duas partes inæquales, quarum prima omne tempus quod ab æquinoctio autumnali, hoc est ab 8. Cal. Oct. ad Calendas Februarij intercipitur, continet; altera tempus quod est à Calendis Februarij ad prædictum æquinoctium autumnale. Econtra S. Donatus annum in duas partes æquales dividit, scilicet ab æquinoctio autumnali ad æquinoctium vernale, quo tempore ut S. Columbanus duodecim choras, hoc est psalmos triginta sex cum duodecim antiphonis; ab æquinoctio verò veris ad autumnale octo choras dumtaxat, id est viginti quatuor psalmos cum antiphonis octo dicendos instituit.

16. Ad præstitutum supra à S. P. Benedicto officium multa subsequenter lib. 2. c. 1. à nostris Laperaddita fuerant. S. Albertus Abbas Gembrensis, qui post medium sæculum septimum vixisse creditur, [Tanta, ut scribit Anonymus in ejus vita, plenus erat devotione ut SS. Patrum, beati scilicet Benedicti atque Columbani, sed & omnem Romanum cursum uno die streana & pervigili meditatione expletet.] Et S. Serenicus [Absque peculiari supplicatione Romanum seu Gallicanum nec non & Sanctorum Patrum Benedicti seu Columbani cursum horis singulis Domino decantabat] ita scribit anonym. in ejus vita n. 15. l. 2. p. 176. Quod satis probabile est observatum fuisse his in monasteriis quibus utraque & S. Benedicti & S. Columbani Regula observabatur; & quæ perennem Deo huiusmodi decantabant, saltem quo ad S. Benedicti & S. Columbani officium.

17. Cassinenses circa medium sæculum octavum tria quotidie persolvebant officia, hoc est præter Regulæ officium, parvum S. Benedicti, & parvum item B. Mariæ Virginis; si tamen Petro Diacono fides sit; hic enim in suo super Regulam S. Benedicti commentario ad c. 64. ritum electionis ac Benedictionis Abbatis describens sic habet: [Hodie Abbas nihil aliud nisi panem & aquam comedit; & canonica septem horarum officia in commemoratione B. P. Benedicti nunquam dimittat, salvo scilicet eo quod in honore S. Dei genitricis persolveri consuetudo est. Quod etiam sub districto præcepto Cassi-

„ nensi Congregationi Zacharias Papa observare præcepit, constituens
 „ ut omni tempore, tam æstatis quam hyemis, ante nocturnale vel
 „ diurnale officium mox ut fratres in choro convenerint, incipiant
 „ officium de Sancto Benedicto & eo expleto inchoent officium
 „ quod Regula præcipit, adjuncto etiam Sanctæ Dei Genitricis &
 „ Virginis Mariæ officio.] Et infra: [Hoc à Zacharia & ejus ante-
 „ cessore Gregorio Papa statutum est, & per Apostolicam autori-
 „ tatem præfixum, ut omni tempore tam æstatis quam hyemis diebus &
 „ noctibus, mox ut fratres in choro convenerint, incipiant officium in
 „ commemoratione S. Benedicti & eo expleto &c.] porro officium illud
 „ S. Benedicti constabat ex invitatorio, hymno, antiphona, tribus psal-
 „ mis, versu, tribus Lectionibus & tribus Responsoris. Laudes verò
 „ sicut in festo Sancti Benedicti dicebantur. An verò reliquæ diei
 „ horæ dicerentur omnino me latet. Similiter officium Beatæ Mariæ
 „ ad vigiliis hymnum, antiphonam, tres psalmos, versum, tres Lectio-
 „ nes, toridemque Responsoris complectebatur. Laudes verò eodem
 „ ferè modo quo nunc à nobis persolvebantur; in quibus fiebat commemo-
 „ ratio S. Laurentij, S. Benedicti, omnium Sanctorum, & de pace.
 „ Ad Primam hymnus diversus à nostro, antiphona eadem, psalmi *Deus*
 „ *in nomine tu: Beati immaculati* usque *Legem pone*. Lectio, *R.* breve, ver-
 „ sus, oratio, commem. Sancti Benedicti, & de omnibus Sanctis. Eo-
 „ dem ritu Tertia, Sexta, Nona cum divisionibus psalmi 118. quas in
 „ canonico officio nunc observat Romanum Breviarium, Lctione, *R.*
 „ brevi, versu, oratione, commemorationibus S. Benedicti & de omni-
 „ bus Sanctis celebrabantur Vesperæ cum duabus antiphonis, & 4. psal-
 „ mis, Lctione, *R.* brevi, hymno, versu, antiphona, cantico *Magni-*
 „ *ficat*, oratione, comm. de S. Laurentio, & de omnibus SS. Com-
 „ pletorium cum antiphona tribus psalmis Lctione, *R.* brevi, hymno,
 „ versu, cantico Simeonis, antiphona, oratione, comm. S. Benedicti, &
 „ omnium Sanctorum, antiph. *Salve Regina* & oratione *Omnipotens*; quæ
 „ omnia fusè offendes in append. ad novam editionem Chronici Cassin.
 „ pag. 20.

in spec.
 histor.
 17. c.
 103.

18. Beatæ Mariæ officium etiam à S. Joanne Damasceno quotidie
 celebratum fuisse scribit Vincentius Bellovacensis: Porro vivebat Da-
 mascenus anno 728. cujus officia de B. Virgine ritu Græco per totum
 annum extant MSS. in Monasterio Cryptæ Ferratæ in agro Tusculano,
 ut scribit Joannes Bona in lib. de divina psalmodia c. 12. §. 2. n. 2.
 19. Sub finem sæculi octavi vel ineunte nono S. Benedictus Abbas Ania-
 nensis ad regulare officium cursum, id est officium Romanum persolvissè
 videtur, ex ejus vitæ n. 57. An verò in Institutis ab eo monasteriis le-
 gem hanc imposuerit, non patet. Sub ejus tempora post nocturnas vi-
 giliis solebant Monachi matutinos pro defunctis celebrare, ut vide-
 re est in capitulo undecimo Monachorum ad Augiam directorum,
 „ cujus hic partem exscribo: [Ut defunctorum vigilia hoc modo ab eis

celebratur. Vespera solito finita, statim Vesperam cum antiphonis celebrant pro defunctis; & post Completorium vigiliam cum antiphonis, vel responsoriis plenissime atque suavissime canunt, & post nocturnas intervallo matutinos pro mortuis faciunt.]

20. Ante medium sæculum IV. in Concilio Aquisgranensi [statuerunt Episcopi concordante Domino Papa, ut Monachi à gravi opere & labore propter honestatem sacerdotij cessent; & loco laboris ad horas psalmos quosdam nominatos pro vivis & defunctis fidelibus cantent cum orationibus ordinatis,] quemadmodum docet fragmentum historicum ejusdem Concilij à nostro Mabillonio editum. Quinam verò sint illi psalmi certè nos latet. Hos esse conjicimus psalmos familiares quos ab eo tempore singulis horis adiciebant omnes communiter Monachi, de quibus Udalricus sibi compertum non esse fateretur, quare diversitas illa à suis majoribus inventa sit;

21. Ineunte sæculo X. Ludovicus Rex Unerino S. Michaelis Monacho villam Fraxinum dictam ad restorationem veteris Monasterij concessit, ut scilicet in eo *geminatum diu nocturne celebraretur officium, canonici scilicet ordinis & monastici*, ut videre est in ejusdem præcepto an. 904. tom. 4. miscell. Baluz.

22. Eodem fere tempore Cluniacenses plurima ad S. Benedicti cursum addidisse leguntur apud Udalricum. In primis ad nocturnas vigiliis post orationem Dominicam preces quatuordecim versiculis comprehensas dicebant, quibus diebus privatis extra Octavas, & dies Paschales psalmum quinquagesimum interponebant; idemque præstabant ad Matutinas, Laudes, Sextam, Nonam, & Vesperos. Præterea post collectam ad nocturnos aliasque horas, excepto Completorio, quatuor psalmos addebant, quos tamen ad Vesperos & Laudes inter preces ante novissimum versum persolvebant; hos autem psalmos pro familiaribus recitabant, idque cum his versiculis: *Domine salvos fac Reges: Salvos fac servos & ancillas tuas: Fiat pax in virtute tua: A porta inferi*; & una de istis collectis: *Omnipotens sempiterna Deus miserere famulis & famulabus tuis*; & *Dirige quasumus Domine famulos & famulas: Largire quasumus Domine famulis & famulabus tuis: Præstende Domine*, quarum singulis adhuc subjungebatur: *& pacem tuam nostris concede temporibus*; & *anima famulorum tuorum requiescant in pace*. Ex his psalmis Dominicis, festisque xij. Leæ. octavis, à Natali Domini ad Epiphaniam, & tempore Paschali duos priores psalmos primumque versiculum subtrahebant. Insuper à Calendis Novembris ad cœnam Domini ante nocturnos psalmos triginta decantabant ex Udalr. l. 1. c. 41. ab Octava autem Paschæ ad prædictas Calendas quindecim dumtaxat psalmos graduales ex c. 18. idque cum triplici incisione, & precibus ad singulas incisiones, hoc est ad singulos denos psalmos, cum triginta dicebantur; vel ad quinos, cum quindecim tantum ex cap. 5. Denique expletis regularibus vigiliis officium defun-

etorum, hoc est Vigiliis cum Matutinis sive Laudibus ex c. 41. idque à Cal. Novemb. ad Septuagesimam, quod præstabant post Vesperos à Septuagesima ad prædictas Calend ex c. 49. Matutinos tamen post Laudes de omnibus SS. reservantes. Adeo vigeat apud eos divinæ laudis studium. De prolixa hac Cluniacensium psalmodia audiendus est Johannes Monachus in vit. S. Odonis: [In quotidianis diebus inter diei noctisque cursus cxxxvij. canebant psalmos, ex quibus xiv. nos demimus, propter pusillanimatorum animos, exceptis peculiaribus orationibus quas nostri frequentant fratres, quæ videlicet modum psalterij excedere videntur. Similiter duabus missis identidemque letaniis. Per singulas verò horas canonicas bis flectebant genua. In octavis quas diximus lxxv. tantum canebant inter prædictos cursus, & semel flectebant genua, & bis reficiebant.]

23. Quod de Cluniacensibus dixi, idem in nostris Germaniæ monasteriis sæculo 10. observatum passim fuisse docent antiquæ Einsidlen-sis Monasterij, seu potius totius Germaniæ consuetudines, scilicet ut Cons. hyeme [privatis diebus per tria intervalla xxx. canant psalmos divi- Germ. fos per x. sicut in æstate quindecim partitos per v. Et præterea post n. 30. Nocturnos agatur vigilia mortuorum & Matutini, scilicet à Calendis Novembris ad Septuagesimam, reliquo tempore post Vesperas, quod Dominicis festisque diebus post cœnam præstabant. Insuper post vigi- lias nocturnas duos psalmos cum precibus, & post officium defuncto- rum matutinos de omnibus Sanctis aliasque preces decantabant: sic enim ibidem aliquanto post subsequitur: Nocturnis ex more finitis, cantant duos psalmos *Domine ne in furore tuo: Exaudiat te: Kyrie elei- son; Pater noster: Preces, Salvos fac servos & ancillas: Mitte eis Do- mine: Exsurge Domine: collectæ: Pratende: Da famulis, usque per omnia sæcula; statimque pro defunctis: Exultabunt omnia, Matutina per ordinem: Pater noster cum precibus, Requiem æternam: In memoria æter- na; A porta inferi; Psalm. De profundis; Et iterum v. Requiem æter- nam: Dominus vobiscum: Oremus, Deus qui inter Apostolicos, Et ab- solve, & istam: Inveniant quasumus Domine: Deus venia largitor, Per Dominum: Dominus vobiscum: Requiescant in pace, Amen. Dehinc Ma- tutini omnium sanctorum; precibusque finitis erigit se Presbiter, & dicat lentè, Dominus vobiscum: Orationem quam vult. Postea resident cuncti generaliter cantantes psalmos. Deus auribus: Deus venerunt: Deus ultionum: Gloria Patri. Duodecim graduales per tertium Gloria. His finitis Kyrie eleison: Pater noster: pl. Domine refugium cum preci- bus Fiat pax. Salvos fac servos & ancillas tuas: Salvum fac populum tuum: Ab occultis nostris: Esto nobis Domine turris: Exsurge Domine: Dominus vobiscum: Oremus Deus à quo sancta desideria: Exaudi quæsu- mus Domine supplicum preces: Omnipotens sempiterne Deus qui facis: Quasumus omnipotens Deus: Per Dominum nostrum Jesum Christum filium tuum.*

24. In Regulari Concordia Monachorum Sanctimonialiumque Angliæ nationis, quam circa id tempus edidit S. Dunstanus Episcopus Cantuariensis, nulla equidem fit mentio psalmonum triginta ante nocturnos dicendorum; In ea tamen præscribitur ut [peractis nocturnis dicant duos psalmos, *Domine ne in furore tuo, & Exaudiat te Deus*; unum videlicet pro Rege specialiter, alterum pro Rege & Regina ac familiaribus, cum his collectis, *Quasumus omnipotens Deus ut famulus tuus Rex noster N. qui tua miseratione, &c. Rege quasumus Deus ut famulam tuam N. & gratia tua in ea dona multiplica, ut ab omnibus libera offensis & temporalibus non destituatur auxiliis, & semper gaudeat institutis. Per Dominum nostrum &c.* Pro Rege & Regina, ac Benefactoribus: *Deus qui charitatis, &c.* ut supra vidimus in orationibus in visitatione altarium faciendis.]

25. Sæculo undecimo S. Lanfrancus Cantuariensis Episcopus decreta quædam edidit pro ordine S. Benedicti in quibus etiam statuit, ut hyeme ante Nocturnos triginta; æstate vero quindecim psalmi à Monachis decantentur: [Ab hac festiuitate inquit, scilicet omnium SS. usque ad 5. feriam ante Pascha, privatis diebus post orationes ante officia nocturna triginta psalmi, ab *Ad Dominum cum tribulaver* usque *omnis spiritus laudet Dominum*. Primi decem pro defunctis sine gloria, sequentes decem pro congregatione bini cum una gloria, extremi decem pro familiaribus & benefactoribus, & hi bini cum una gloria; Singuli cum precibus suis, & collectis suis; & post nocturna, & familiares psalmos, officium mortuorum, & matutinæ Laudes de omnibus sanctis, & *Verba mea*, si tricenarium habent.]

26. Eodem sæculo per multa nostrorum Monasteria parvum B. Mariæ semper Virginis officium celebrari cœpit, hortante & promovente in primis Petro Damiani; cujus tamen primarius institutor dici non potest, cum uno ante ipsum sæculo S. Udalricus Episcopus Augustensis [unum cursum in honore Sanctæ Mariæ genetricis Dei, & alterum de S. Cruce, tertium de omnibus SS. & alios psalmos plurimos, totumque psalterium omni die explere solitus erat] Denique sub finem ejusdem sæc. xi. Sanctus Stephanus Grandimontensis Ordinis institutor [exceptis ecclesiastici officij regularibus debitis, agenda videlicet dici, & Beatæ Mariæ ac fidelium defunctorum, à prima die qua venit in eremum usque ad ultimum diem vitæ suæ ordinem de S. Trinitate cum 9. lectionibus, & horis canonicis singulis diebus ac noctibus devotissime celebravit,] ut scribitur in ejus vita apud Labbe To. 2. Bibl. novæ.

27. Circa initium sæculi xij. S. Stephani Obazinensis postea Abbatris primi discipuli matutinorum officij [vigilias B. Mariæ & omnium SS. adjungentes nec non etiam ordinem defunctorum cum familiaribus psalmis non minimum noctis spatium insumebant,] ut scribitur in ejus vita n. 7. Tom. 4. Misc. Baluz.

28. Ineunte etiam sæculo duodecimo Cistercienses, qui ne vel mi-

nimum quidem unguem à regula recedere statuerant, ad regularem
 cursum nihilominus defunctorium officium adjecerant ut discimus ex
 libro Usum: [A Calendis, inquit, Novembris usque ad primam Domi-
 nicam quadragesimæ in intervallo quod sequitur privatis diebus aga-
 tur officium pro defunctis... à prima Dominica Quadragesimæ us-
 que ad festivitatem omnium SS. celebretur post vespervas dici.] Exeu-
 te verò eodem sæculo etiam parvum Deiparæ Virginis officium quotidie
 decantare cœperunt, nimirum ex statuto Capituli generalis anni 1194.
 quòd hætenus summa cum laude, nulla cujuscunque diei, ne qui-
 dem Resurrectionis solemnitate excepta, ubique persolvunt. Eodem sæ-
 culo Petrus Venerabilis Abbas Cluniac. statuit, [ut sicut ex consue-
 tudine aliæ horæ Sanctæ Virginis Matris Domini in ecclesia infirmo-
 rum quæ in honore ipsius consecrata est quotidie decantantur, &
 ejusdem ibi completorium cantaretur, & in omnibus horis ante psal-
 mos præmitteretur versus *Memento salutis author cum gloria sua.*]
 Ideo autem in capella infirmorum [quia ejus horæ in conventu publico
 propter fratrum numero sitatē & officiorum multiplicitem, brevitate
 temporis prohibente, cantari non poterant, saltem in capella ipsius à
 paucioribus ex integro cantarentur.

29. In lib. Usum Bercensium circa initium sæculi xij. manu
 exarato, de hujusmodi additamentis hæc scripta reperio: [Omni-
 bus festis per annum & Octavis, omnibus quoque diebus à Pascha
 usque ad Calendas Novemb. quindecim psalmi dicuntur ante no-
 cturnos, id est *Ad Dominum cum tribulaver clamavi* usque *Lau-
 date nomen Domini*, & distribuuntur sicut supra diximus eos distri-
 bui... *Hic due linea sunt abraße* à Pascha usque ad Calend. Novem-
 bris post Matutinas Laudes dicuntur Matutinæ de omnibus Sanctis; dein
Exultabunt Domino, & *Verba mea*, si dies fuerint quibus debeant dici
 ab octavis Pentecostes usque Pascha privatis diebus, nisi octavæ sint,
 post nocturnos ante Laudes matutinas dicuntur tres psalmi familiares:
Domine ne in furore, & *Exaudiat te Deus*, & *Deus in adjutorium*. A
 Cal. usque Purificationem B. Mariæ privatis diebus post hos tres fami-
 liares psalmos ante Laudes dicuntur vigiliæ, *Exultabunt Domino*, Ma-
 tutinæ de omnibus SS. *Verba mea*, quod si octavæ aguntur omissis
 tribus familiaribus psalmis, qui post nocturnos dicuntur, dictisque
 vigiliis, & *Exultabunt Domino*, dicuntur Matutinæ Laudes, dein Ma-
 tutinæ de omnibus SS. & *Verba mea* & quia officium mortuorum de
 nocte dicitur, *Ad Dominum cum tribulaver* ad horas diurnas in festis
 non dicitur, à Purificatione S. Mariæ usque Pascha dictis post no-
 cturnos familiaribus psalmis ante Laudes dicitur *Exultabunt Domino*,
 Matutinæ de omnibus SS. *Verba mea*, vigiliæ post vespervas dicuntur.

Sæculo decimo tertio; item & decimo quarto perseverabat
 in nostro S. Germani Parisiensi Cœnobio laudabilis ante nocturnos
 hieme triginta, æstate quindecim psalmos decantandi consuetudo, ut

discimus ex Breviario ad usum ejusdem Monasterij ante annos trecentos manu descripto, cujus initio præmittuntur preces ad divisionem *psalmodum triginta, vel quindecim*. Præterea in eodem Breviario describuntur preces ad familiares psalmos, qui post singulas horas dicuntur; quorum etiam in M.S. consuetudinibus frequens occurrit mentio, uti & defunctorum officij matutinatorum de omnibus SS. cursusque Beatæ Mariæ; ex quibus colligere licet ad hæc usque tempora præter, psalmos triginta ante nocturnos, duos in fine familiares psalmos cum precibus, vigiliis & matutinum defunctorum Laudes de omnibus SS. ac Beatæ Mariæ semper Virginis officium quotidie celebratum fuisse, quod etiam in aliis Galliæ Monasteriis satis probabile est observatum fuisse.

30. Bursfeldenses Monachi, qui strictioris observantiæ tramitem sæculo de. imo quinto aggressi sunt, regularibus Vigiliis matutinum & Laudes B. Mariæ Virginis præmittabant. Similiter, & Cassinenses; sed à festo S. Benedicti ad Calendas Octobris propter noctium brevitetem, & ut officium devotius & morosius decanteretur, Nocturnos & Laudes in choro non recitavit; quod etiam in omnibus xij. Lectionum festis propter officij prolixitatem observant. Ita in declarationibus MS. an. 1520. in editis verd an. 1604. non à festo S. Benedicti; sed à Purificatione Beatæ Mariæ nocturnos & Laudes recitari privatim statuitur, quod & à Pascha ad Calendas Novembris observatur in Congregatione Montis Oliveti, ut habetur in eorum constitutionibus Romæ an. 1602. editis. Superiori etiam sæculo Casalini quotidie parvum B. M. officium dixisse videntur, quod & à nobis omnibus anni feriis, & festis simplicibus præstatur; ita tamen ut Calendis Oct. ad Purificationem tantum nocturni & laudes in choro dicantur reliquo tempore privatim. Hactenus de precibus quas inter celebrandas nocturnas vigiliis Deo effundebant veteres Monachi, deque additamentis ad Regulare S. Benedicti officium per nostros factis: nunc quo ritu cuncta persolverent, prout dederit Deus aperiendum est.

31. Quas in aliis Regularum Monasticarum authoribus sparsim advertimus preces, scilicet psalmos, antiphonas, hymnos, cantica, Lektionen, responsoria, easdem in sua Regula complectitur omnes S. Benedictus. Quapropter ordinem ab eo institutum in referendis monasticarum vigiliarum ritibus prosequi visum est; ita tamen ut aliorum Monachorum usus non prætermittamus.

32. S. Benedictus igitur nocturnas vigiliis à celeberrimo illo apud veteres Monachos versiculo *Deus in adjutorium meum intende* auspiciatur. Nam quoddam oratio Dominica, salutatio Angelica, symbolum Apostolorum præmittantur, recentioris est Instituti, cujus primam mentionem in libro usum Cisterciensium tantum videre mihi licuit. In eo nimirum præscribitur, ut [dimisso officij] signo faciant solitam orationem super misericordias, id est *Pater noster & Credo in Deum*,

M. S.
Græc.
S. Germ.
nat. n.
349.

ordin.
Bursfeld
c. 5.
declar.
Cass. ad
c. 8.

constit.
Montis
Oliv.
c. 10.

c. 68.

antequam versum *Deus in adiutorium* decantent] Bursfeldenses nocturnis vigiliis ter orationem Dominicam, totidemque salutationem Angelicam præmittunt; ita ut post primam orationem, salutationemque Angelicam præses chori subdat: [*Pater de cælis Deus miserere nobis; post secundam: Fili Redemptor mundi Deus miserere nobis; post tertiam: Spiritus Sancte Deus miserere nobis.* In prima precatione fronti, in secunda ori, in tertia verò pectori signum crucis pollice dextræ manus imprimentes,] idque nudis capitibus, prostrato, vel saltem habita temporis ratione, incurvato corpore. Idem præstabant in Gallia nostri Casalini, addentes insuper antiphonam *Te invocamus, te adoramus, te laudamus, ô beata Trinitas. & Benedicamus Patri & filium cum Sancto Spiritu. & Laudemus & superexaltemus eum in secula.* & collectam: *Omnipotens sempiterne Deus qui dedisti famulis tuis in confessione vera fidei aternæ Trinitatis gloriam agnoscere, & in potentia majestatis adorare unitatem: quasumus ut ejusdem fidei firmitate ab omnibus semper muniamur adversis, Per Dominum.*

33. Sed hujus ritus vestigium nullum apud antiquiores vidi. Circa initium sæculi decimi Notkerus Balbulus Monachus Sancti Galli horæ Nonæ officium dicturus, nullis præmissis precibus incipit à *Deus in adiutorium*. In antiquis Cassinensium consuetudinibus sub Oderisio Abbate hoc est sub finem sæculi xj. manu exaratis nullam precum præmittendarum mentionem animadverti, sed neque apud Udalricum in antiquis Cluniac. consuetudinibus circa idem tempus collectis. Huic tamen institutioni locum præbuisse existimo triplicem illam orationem, quam altaria circumeuntes ante singulas horas canonicas effundebant, ex quo factum est, ut omiſsa altarium visitatione, preces & orationes retinerent, quas etiam submissa voce recitamus; quod deinde ut alia permulta à Monachis transit ad Clericos.

34. Porro versum ad vigilias incipiebat ipse Abbas; nam, ut notat conc. noster Menardus, moris olim fuit ut Abbas officium inciperet quod probat ex Regulæ Magistri c.44. ubi dicitur [*Oportet in nocturnis ab Abbate dici versum apertionis, id est & Domine labia mea aperies,*] à quo Magister nocturnas vigilias incipit. Idem non obscure significare videtur S. Benedictus cum præscribit, ut *psalmos vel antiphonas post Abbatem ordine suo quibus jussu fuerit imponant.* Primus ergo ipse Abbas imponebat. Præterea cap. xj. ubi dicitur *incipiant matutinos*, in nonnullis M. SS. legitur *incipiat matutinos*, scilicet ipse Abbas quam lectionem probat Menardus. Postea tamen uni ex Monasterij Sacerdotibus id muneris demandatum est, qui scilicet per totam hebdomadam officium inchoaret, Missam majorem cantaret, Benedictiones ad mensam daret, alia id genus permulta impleteret, quod ab annis minimùm nongentis usus obrinuit. Sic ex M. S. S. Germani Pratensis consuetudinibus clauſtro egredi prohibetur, & apud Cælestinos primus post superiorem in choro stat.

35. Dicitur autem versus *Deus in adiutorium* verso ad altare vultu, quem

quem dum incipit Abbas aut Sacerdos Hebdomadarius, omnes crucis signum faciunt, versum unà cum ipso prosequentes, & quidem ali-
quantulum *tractius* quàm reliqua psalmodia, ut præscribunt Bursfel-
denses. Paulo aliter Cistercienses, nimirum dicto *Pater*, & *Credo*, &
facto sonitu, inquirunt, [Erigant se omnes, & versi ad altare signent
se, & rursus inclinantes stent ibidem. Dicto itaque *Deus in adiutorium*
meum intende, morosè & trahendo à Sacerdote, cancellatis manibus
incurventur profundè, donec *ad adiuvandum me festina* eadem mo-
rositate & gravitate compleatur.

36. Subjungit S. Benedictus versum, *Domine labia mea aperiet*, ter di-
cendum, à quo Magister, ut diximus, & Clerici nocturnum officium
incipiant; quem dum pronunciamus ori crucis signum efformamus:
Apud Bursfeldenses imponitur à Cantore, ex eorum cerem. dist. 2. c.
26. Eundem versiculum ab omnibus oratorium ingredientibus etiam
tertio dicendum, ipso tamen Abbate incipiente, præscribit Magister
in Regal. c. 32. Sequitur psalmus tertius indirectum, hoc est secundum
quosdam sine cantu dicendus, sive ut dicit Amalarius *sine modula-*
tione antiphonæ.

37. Post hunc psalmus nonagesimus quartus ab antiquis satis cele-
bratus, à magistro *Responsorium orationis a* appellatus quem etiam ab
Abbate decantari voluit, ut per illud ad Laudes Domini oves, à Pastore
fiscitentur, atque invitentur. Eundem psalmum speciali ritu & solem-
nitate dici S. Benedictus decernit, nimirum cum antiphona, hoc est
cum invitatorio, quod S. Pater antiphonam vocat, ut docet Radulfus
Tungrensis; aut certè decantandus, idque *em iro protrahendo & moro-*
sè, ut habet in cap. 43. ab uno nimirum, aut à pluribus, cucullis,
albis, aut etiam cappis pro dierum solemnitate indutis, ad id munetis
singulis hebdomadis à Cantore aut alio designatis; atque inde heb-
domadarij *invitatorij* appellatis, quorum officium videtis apud Udal-
ricum lib. 2. consuet. Clun. c. 29. cui concinunt Benignanæ conf. c. 32.
& in lib. Usuum Cister. c. 104. Modus autem quo debent invitatorium
psalmum decantare ita describitur in libro Usuum c. 68. obliquitur de
Dominicis & festis: [*Venite exultemus Domino*, cum invitatorio dica-
tur ante gradum presbiterij à duobus fratribus, illo videlicet qui præ-
sentem facit hebdomadam invitatorij, & illo qui præteritam fecit,
qui venientes ad gradum inclinent inceptoque invitatorio rursus incli-
nent, & sic deinceps ad finem singulorum versuum tantum inclinent.
Post repetitionem verò invitatorij iterum inclinent, & sic redeant in
ordinem suum. Privatis tamen diebus qui canit invitatorium non in-
clinat antequam illud incipiat: Fratres verò habeant vultus ad altare
ex quo invitatorium incipitur, donec *Gloria Patri* dicatur, & tunc
humiliet se chorus contra chorum usque ad *sicut erat in principio*,]

• In Conc. Reg. *Responsorium hortationis.*

D

Quod verò hic ante gradum dicendus præscribitur, idem habet Udalricus loco citato.

38. Notandum verò quod de invitatorio scribit Amalarius in supplemento ad librum 4. de officiis divinis ubi de Regula S. Benedicti: nempe *quod invitatorium æstivis diebus hebdomadalibus sine modulatione antiphona solet dici*; quod Bernardus Cassinensis in Gallicanis Monasteriis suo tempore observatum fuisse docet, illud etiam S. Benedicti, aut certe decantandus intelligens de cantu in directum: *aut certe decantando*, inquit, *supple in directum, & sine antiphona sicut tertius psalmus quod in æstate faciunt in partibus Gallicanis*. Idem faciunt Bursfeldenses quoties ad Nocturnos brevis tantum Lectio recitatur, excepto tamen tempore Paschali, & hebdomada Pentecostes.

39. Post invitatorium sequitur in Regula S. Benedicti Ambrosianus, idest hymnus ab Ambrosio hymnorum auctore ita dictus. De hymnorum usu apud veteres Monachos nihil apud Cassianum, aliasque Orientalium Patrum Regulas, sed neque in Regula incerti auctoris sub nomine S. Augustini vulgata, neque in Reg. S. Columbani, S. Isidori, S. Fruentiosi, Magistri, Donati, cujusdam ad Monachos. Post exortam heresum Arianam eos tum in Oriente; tum maximè Hilario & Ambrosio auctoribus in Occidète ad refellendos injurios Verbo Dei errores hæreticorum celebravit Ecclesia. Inter monachos ex primis eos susceperunt S. Benedictus in Italia; Cæsarius & Aurelianus in Gallia.

40. Porro cum hymnus propriè sit cantus cum laude Dei, non nisi cum suavi vocis modulatione cantari debet, unde etiam à S. Benedicto statim post invitatorium psalmis præmittitur; [Vocati enim, ut ait Joannes Bona, & invitati ad Deum illico gaudemus, & exultamus ut si quæ sunt adhuc torpentia corda ad invitantis vocem mundum satis commota, per hymni alacritatem & jubilationem ad psalmos debite persolvendos excitantur.] De hymnorum cantu apud Cluniacenses audiendus est Udalricus: [Quamquam illorum hymnorum melodia qui cantantur in Pascha, ita sit plana & in directum, & in ipso sacrosanctæ Dominicæ Resurrectionis non magis solemnns, quam si iidem hymni ad aliquem, ut ita dicam, privatum diem pertinerent; quod nobis relictum à simplicitate, Seniorum nostrorum adhuc ita tenetur;] Hujusmodi tamen cantum ipse non probabat, unde subdit: [Et si quæ persona esset idonea, quæ id Domno Abbati suggereret & suaderet, forsatis emendari juberet.]

41. Hymno S. Benedictus psalmos subjungit, & quidem cum antiphonis dicendos, quod tribus modis intelligi potest. Aliis enim psallere cum antiphona idem est quàm psallere choris alternis ac divisim; aliis psallere cum cantu & modulatione aliis; psalmis certas quasdam sententias inferere quas antiphonas vocant, eo quod ad earum cantum alternis versibus vicissim psalmi decantentur: Quidquid sit, certè utrumque quæri potest, an scilicet veteres Monachi alternis choris

psallerent, aut aliter; an psalmos voce plena, ut aiunt decantarent, aut ad meram potius recitationem accederent; an denique cum psalmis etiam antiphonas eo quo nunc in Ecclesia accipiuntur sensu celebrarent.

42. Primum quod spectat, certissimum est antiquiores Monachos non divisim choris, sed unum dumtaxat quem interim auscultarent alij in silentio medium psalmos decantasse; quos quidem ita dividebant inter se, ut nunquam amplius quàm quatuor Monachi in quavis numerosa congregatione psallerent. Rem ita explicat Cassianus in lib. 2. de nocturnis orationibus: [Prædictum verò duodenarium psalmorum numerum ita dividunt, si duo fuerint fratres, senos psallant; si tres, quaternos; si quatuor, ternos: quo numero nunquam minus in congregatione decantant, ac proinde quantalibet multitudo convenerit, nunquam amplius psallant in sinaxi quàm quatuor fratres:] Non ergo omnes psallebant, sed soli ad hoc destinati Cantores; quod amplius patet ex sequentibus Cassiani verbis: [Hunc sane canonicum quem prædiximus duodenarium psalmorum numerum tali corporis quiete relevant, ut has easdem congregationum solemnitates ex more celebrantes, absque eo qui dictatus in medium psalmos sarrexit, cuncti sedilibus humilimis insidentes ad vocem psallentis omni cordis intentione dependant.

43. Eundem ritum indicat S. Hieronymus Rusticum Monachum insititens de forma vivendi: *Necdum*, inquit, *expleto semine surgere compellaris: Dicat psalmum, in ordine suo, in quo non dulcedo vocis; sed mentis affectus queritur.* Ubi non dicit ut psalmos simul cum aliis decanter, sed psalmum dicat *in ordine suo*: Hinc Regula SS. Serapionis, Macharij, Paphnuli, & alterius Macharij, *Adstantem*, inquit, *ad orationem nullus presumat sine precepto qui præest Patris psalmi laudem emittere.* Julianus Sabbas etià teste Theodoro l. 9. de vit. Patr. c. 2. discipulos suos docebat [post autorem duos simul exire in solitudinem: & unum quidem flexis genibus offerre eam quæ Domino debetur adorationem, alterum verò stantem Davidicos psalmos canere quindecim. Deinde operis facta commutatione, alterum quidem surgentem canere, alterum verò humi procumbentem adorare; & id à mane usque ad crepusculum faciebant:] Ibi non præscribitur cantus alternus, sed uno canente alter auscultans adorat nihil dicens. Idem in nostris etiam Galliis multò post observatum fuisse patet ex Sancto Aureliano; nam in Regula ad Monachos statuit, *ut in ordine psallendi vicibus sibi succedant monachi*; & clarius in ordine quo psallere debeant, quem regula subjicit: *In primo die Pasche ad Tertiam ter Kyrie eleison, psalmi duodecim, id est quatuor fratres binos psalmos, & alleluaticum tertium dicant*; ubi Cassiano concinit. Eundem ritum primis Ecclesiæ nascentis sæculis apud Clericos usitatum fuisse pluribus probat Ludovicus Thomassinus. Hinc Eusebius convenientiam quæ Essenos inter & Christianos esset describens, ait

lib. 2., [Cum unus quispiam modulatè ac decenter psalmum canere exorsus
c. 17., fuerit, ceteri cum silentio auscultantes extremas dumtaxat hymno-
rum partes concinunt.

44. Primi autem in Ecclesia alternum psalmorum cantum induxisse
perhibentur Flavianus & Theodorus Monachi; (nam quod de S. Igna-
tij visione Angelorum alternis choris Deo concinentium narrat Socra-
tes, non sine fundamento mera tanquam fabula rejicitur.) Hi verò, ut
l. 2., scribit Theodoretus, [licet honorem Sacerdotij numdum adepti essent,
hist. ,, sed adhuc inter laicos versarentur; tamen diu noctuque cunctos ad stu-
Eccles., dium ac defensionem pietatis animabant. Hi primi psallentium
c. 24., choros duas in partes diviserunt, & Davidicos hymnos alternis canere
,, docuerunt; quod quidem tunc primum Anthiochiæ fieri cœptum,
,, inde ad reliquos pervasit, & ad ultimos usque terrarum fines perla-
,, tum est.] Idem testatur Theodorus Mopsuestenus Flaviano & Theo-
doro coætaneus, cujus verba refert Nicetas in Thesauro orthodoxæ fi-
dei l. 5. c. 30. quamquam ea psalmodiæ species jam ante Flavianum &
Diodorum à Syris usurpata fuisse videatur. Vid. Henric. Valesij Notas
ad Socrat. l. 6. c. 8.

Epist. 45. Eundem psallendi modum mox susceperè aliæ etiam Orientis
63., Ecclesiæ, ut patet ex S. Basilio in Epistola ad Clericos Neocæsarien-
ses, nempe Ægypti, Libiæ, Thebaidos, Palestinæ, Arabiæ, Siriæ, &c.
atque ab Oriente ad Occidentem auctore maximè Ambrosio transit,
cum persequente virum Dei Justina Imperatrice Arriana, populoque
in ecclesia excubante, ne majoris radio contabesceret Orientalium
psallendi modum Mediolanum induxit; quem & Damasus Papa statuisse
legitur in Breviario Romano.

46. Quam in Ecclesia Antiocheni Flavianus & Diodorus Monachi
alternis choris psallendi rationem introduxerant, ad alias mox Eccle-
sias dilatatam, statim etiam ut sanctiorem ac devotioni fovendæ ma-
gis idoneam susceperè passim Monachorum congregationes. Grego-
rius Nazianzenus quodam in carmine de Monachis ita canit

Iamb. 18. *Næ tunc cernis ut canat laudes Deo
Natura uterque sexus oblitus sua?
Quot, quamque sancti? cernis Angelicum chorum
Qui nunc simul, nunc vicibus alternis canit:*

Regula Pauli & Stephani: [Initium versuum psallentium in choro
c. 5., priores qui in eis stant, incipiant; aut si eis adversatur infirmitas, hi inci-
,, piant quibus iusserit Pater; quibus incipientibus mox omnes si potest
,, fieri, in prima aut secunda sillaba pariter unanimiter, & uno ore sub-
,, jungant: ut non sit dissonantia cantantium, quæ maximè ab inordi-
,, nato initio, & quodammodo contentiosa varietate solet accidere.] S.
Fructuosus ante mediam surgentes noctem duodenos per choros recitent
psalmos.

47. De Lirinensi monasterio res constat ex vetusto auctore in Chrono-

logia Lirinensi, ubi S. Agricola ex eo cenobio raptus ad Ecclesiam Avenionensem Cathedrali voluit etiam horas canonicas, & divina officia deinceps in eadem ecclesia eodem modo quo solent in monasteriis, alternis videlicet cantibus recitari. Vid. Hæft. l. 7. tract. 4. disq. 5.

48. De S. Benedicto controversia est, an scilicet alternis choris aut antiquiorum Monachorum more de quibus Cassianus psalli voluerit. Postremum hoc tueretur Menardus, sed contrarium mihi persuadet, primò quod licet S. Benedictus multa ex Ægyptiorum disciplina hauserit, certissimum tamen est cum *consuetum morem S. Ambrosii in nonnullis ecclesiasticis elegisse*, ut scribit Amalarius in Supplemento de divinis offic. probabiliusque videtur receptum ferè ubique tam apud Monachos, quam apud Clericos alternis choris psallendi morem, ut meliorem, ac pietati magis consentaneum suscepisse. Secundò quod suos S. Pater Benedictus velit stando divinis interesse officiis ut ostendimus in comm. c. 19. c. 3. quod S. Benedictus præscribat ut *sic stemus ad psallendum* ut mens nostra concordet voci nostra, non voci psallentis, quod notat psalmos ab omnibus esse decantandos. 4. Tardè venientem ad opus Dei S. Pater prohibet lociari choro psallentium, non auscultantium: & certè usitatum ab ipso Ordinis nostri nascentis principio alternis choris psallendi morem docet noster Mabillonius, cujus hac in re judicium plurimum ponderis habere debet, nec ullum scio qui hac de re inficias aliquando ierit. Sanè de Lindisfarnensibus Monachis Ethelwulfus in carmine de viris piis Lindisf. ita canit:

E stratis properant sonitatum adcurrere signum

Es reciproca suo modulantur carmina Regi

Psalmis atque hymnis laudantes ritè tonantem.

c. 20. sæc. 4. part. 2. Vid. Hæft. l. 7. T. 2. disq. 5.

49. Porro licet alternis choris psallerent; psalmi tamen ab uno aliquo imponebantur sive incipiebantur, quem statim reliqui omnes uno ore ita sequebantur, ut nulla esset inter cantantes dissonantia, ut vidimus ex Regula Pauli & Stephani: & hoc est quod S. Benedictus ait *Psalmos autem vel antiphonas post Abbatem ordine suo quibus iussim fueris imponant.* Quod munus Præpositis assignare videtur Regula Magistri, aut quibus iusserint ipsi; sic enim decernit: [Post Abbatem Præpositi vicibus cum iussu ipsius imponant antiphonas currente, ut diximus, semper psalterio, postquam explicaverint Præpositi singuli, fratres de singulis decadis quibus iusserint Præpositi vicibus imponant.] Sed de his satis, nunc verò de cantu, quem intelligi cum psalli cum antiphona præcipitur, aliqui volunt.

50. Constat primis Ecclesie sæculis, cum adhuc in venis Fidelium pro nobis effusus Christi sanguis ferveret, psalmos ita modico vocis flexu decantatos fuisse, ut pronuncianti viciniore esset psallens quàm canenti; sed refrigerante post modum charitate ad excitandam Christia-

- niceph. norum & fidem & devotionem cum suavi vocis modulatione divina ce-
 1. 9. lebrari ceperunt officia. Causam sive occasionem hujus instituti narrat
 hist. » Nicephorus his verbis : [Cum jam per tria à Christo nato sæcula sim-
 c. 16. » plex cantus sive potius recitatio nullo modulationis fūco permixta
 » Christi populos nutritisset ; ecce tibi Harmonius quidam Bardelani hæ-
 » resiarchæ hæreticus filius , mali corvi malum ovum cum sua prava
 » dogmata musicis numeris includeret , & multi ex Syris propter ver-
 » borum venustatem , & sonorum suavitatem demulsi paulatim hærefes
 » imbibere ; B. Ephræm eare cognita , carmina catholicam fidem re-
 » sonantia veneficis Harmonij versibus opposuit , clavo scilicet clavum
 » trudens. Ea itaque suavi vocum sonorumque flexu accommodata Syris
 » audienda præbuit , & canenda. Ab eoque posteriores Ecclesiæ can-
 » rores modulorum formulas mutuati , magis atque magis eas auxerunt
 » & propagarunt.
51. Monachos quod spectat etiam melodiis delectatos fuisse ex
 1. 2. c. 1. » Cassiano manifestum est : [Quidam *inquit* vicanos seu tricenos psal-
 » mos & hos ipsos antiphonarum protelatos melodiis , & adjunctione qua-
 » rumdam modulationum debere dici singulis noctibus censuerunt.]
 c. 11. » Nonnullis tamen magis placuit sola psalmorum recitatio tanquam
 » Monastica simplicitati magis conveniens. S. Benedicto utrumque psal-
 » lendi genus arrisit ; quosdam enim psalmos *in directum* , sed multo plu-
 c. 7. » res *modulatis* vocibus decantandos esse decernit. Hac de re S. Isidorus
 » ita statuit : [In vigiliis recitandi aderit usus ; in Matutinis psallendi
 » canendique consuetudo : ut utroque modo fervorem Dei mentes di-
 » versitatis oblectamento exerceantur , & ad laudem Dei sine fastidio
 » ardentius excitentur.
52. S. Fructuosus simplicem psalmorum recitationem prætulisse vi-
 detur : [Ante mediam surgentes noctem duodenos per choros recitent
 c. 3. » psalmos secundum consuetudinem ;] Et infra : [Gallicinio jam sonante ,
 » recitatis tribus psalmis cum Laude & Benedictione sua Matutinum cele-
 » brent Sacrificium.] Quapropter quod aliquando psalmos cantandos esse
 » dicit , non de cantu melodico intelligendum esset ; sed de recitatione juxta
 antiquorum scriptorum morem apud quos *cantare* idem sonat ac recita-
 re , ut videre est apud Remigium Antisiodorensē in explicatione cano-
 nis missæ , ubi rationem reddens cur *Te igitur clementissime pater* tacite
 Bibl. » recitetur ; [Idcirco , *inquit* , ut fertur venit consuetudo in Ecclesia ut *tacite*
 Patr. » ipsa obsecratio atque consecratio à Sacerdote canteretur , ne verba tam
 10. 9. » sacra vilescerent :] Apud Bedam in epistola ad Egbertum Episcopum :
 » [Sanctus Antistes Ambrosius hoc de fide loquens admonet , ut verba
 I. 1. » symboli Matutinis semper horis fideles quique decantent] apud Udal-
 c. 18. » ricum in antiquis monasterij Cluniac. consuetudinibus : *Sacerdos qui*
 » *privatam missam cantare voluit* , potuit eam interim finire : apud Petrum
 statut. » Venerabilem *de eadem matre Domini missa quotidie secreto decantetur.*
 54. » S. Stephanus Abbas Obazinensis subiectis etiam sibi Sanctimonialibus

simplicem dumtaxat recitationem psalmorum indixit : [Ita se habent ,
inquit Anonymus ejus discipulus in ejus vit. l. 2. n. 3. pro modulo suo
ut Monachi , excepto quod foras numquam egrediuntur , & quia sum-
mis cantant , immo nec cantant , sed quasi legendum cum summa
devotione horas diei concelebrant.] Tom. 4. Misc. Baluz.

§ 3. Tertium quod nobis inquirendum proposueramus , est utrum , cum
psalmis antiphonas decantarent veteres Monachi. Antiphonæ nomine
nihil apud auctores frequentius ; at verò nomini respondens significatio
non semper eadem. Socrates hymnos ab Artianis compositos , quosque Socrat.
hist. l. 6
c. 8.
alternatim sibi respondentes canebant *antiphonas* appellat ; & certè si vim
nominis attendamus , *antiphona* idem sonat atque cantus reciprocus :
Nunc verò usus invaluit , ut antiphonas vocaremus eas breves senten-
tias quas psalmis præponimus & subjicimus ; sive quia ad eorum tonum
psalmi alternis versibus concinantur ; sive quia earum pars ab uno cho-
ro decantaretur , alia ab altero ; Antiphonas verò nullas nisi ex Scripturis
desumptas decantare solebant ; Unde Regula Pauli & Stephani [Nullus ,
inquit præsumat Responsorialia vel antiphonas , quæ solent aliquo compo- c. 14
sito sono pro suo libitu , & non ex canonica scriptura desumpta canere in
congregatione ista , vel meditari vel legere.] Neque etiam eodem modo
seu ritu ab omnibus canebantur : alij enim plures consequenter ante
psalmos concinebant , de quibus Cassianus : *Cum stantes antiphonas tres* l. 1. c. 8.
concinnent , insidentes tres psalmos uno modulante respondent , ubi an-
tiphonas distinguit à psalmis : S. Aurelianus in ordine psalmodiæ quem
Regulæ subjicit : *Perditiis psalmis Kyrie eleison , & antiphonas sex , Le-
ctiones tres* , &c. alij verò singulis psalmis singulas antiphonas inter-
ferebant , quod præscripsisse videtur S. P. Benedictus cum psalmos cum
antiphonis dicendos esse decernit ; nonnulli denique ad unam anti-
phonam plures psalmos decantabant , & ita qui sub S. Columbani san-
ctique Donati vexillis militabant : hi enim ut supra vidimus ad singu-
las antiphonas tres psalmos decantari decernunt.

§ 4. Porro cum antiphonæ sint quædam quasi cantilenæ ad exci-
tandam audientium devotionem compositiæ , non nisi cum nota , &
suavi modulatione vocis debent cantari , in quibus etiam imponendis c. 46.
hunc observari ordinem præscribit Regula Magistri : [Post Abbatem
Præpositi vicibus cum jussu ipsius imponant antiphonas currente ut di-
ximus semper psalterio. Postquam explicaverint Præpositi , singuli fra-
tres de singulis decadis quibus jussierint Præpositi vicibus imponant.]

§ 5. Quærent insuper quonam corporis situ veteres Monachi psalle-
rent. Item an memoriter aut ex libro psalmos expedirent ? Utrumque jam
tetigimus in commentario super Regulam S. Benedicti ad caput nonum ;
de primo nihilominus aliqua breviter hîc suppleraddam.

§ 6. Triplici nempe corporis situ psalmos ab antiquis Monachis perso-
lutos fuisse reperio ; stando scilicet , sedendo , & erectis expansisque
in Cælum manibus. Primum psallendi genus S. Benedicto multisque

aliis magis arripit, magisque decere Monachos fuisse satis probavimus in commentarij loco citato : Secundum Ægypti Thebaidisque Monachis placuit ; [Nam ut dicit *Cassianus* absque eo qui dicturus in medium psalmos surrexerit , cuncti sedilibus humilimis *insidentes* ad vocem psallentis omni cordis intentione dependeant :] Ne quis tamen tantos viros mortificationi ac poenitentiae adeo devotos negligentiae insimulet, addit. [Ita namque jejuniis & operatione totius diei noctisque assuecunt , ut nisi hujusmodi refectione adjuventur , ne hunc quidem numerum *duodecim psalmorum* stantes implere valeant.] Nunc verò pro pudor vix paucos reperias monachos nullis aut certe vix ullis laboribus deditos , qui divina stantes persolvant officia ; omnes quippe aut semper aut saltem per magnam divini operis partem sedentes remanere videas. Alij verò expansis manibus orare magis elegerunt ; tales erant de quibus S. Joannes Chrysostomus : [Cum ante lucem gallus emittit vocem , omnes cum reverentia discusso sopore confurgunt à Præsule suo excitati, adstantque sacro choro , protinusque expansis manibus sanctos concinunt hymnos.] Idem faciendum præscribit Regula Fructuosi Bracarenensis Episcopi in fine psalmorum cum dicitur *Gloria Patri* : [Ad omnem , inquit , psalmorum finem , gloria cantantes Deo prosternentur , in eo scilicet ordine ut nemo prius seniore aut incurvetur aut iterum surgat : sed omnes summa æqualitate confurgant , extensisque ad cælum palmis orando persistant , sicut & æqualiter merguntur ;] Quod ab Ægyptiis Monachis apud Cassianum mutuatus fuisse videtur ; is enim similem illorum ritum narrat in lib. 2. c. 7. & S. Macharius querentibus discipulis *Quomodo debemus orare* ? Respondit, *Non opus est multum loqui , sed extendere manus & dicere ; Domine sicut vis & scis miserere* , ut scribit Anony. in ejus vit. c. 4. apud Boll. 15. Januarij : Hujus responsi praxim videre est in cap. 5. ejusdem vitæ n. 35. Vid. Menard. in Conc. Reg. c. 25. §. 12.

57. Absolutis sex psalmis S. Benedictus statuit ut dicto versu benediceret Abbas. De hoc versu extat capitulum 9. Monachorum Sangallensium, ut *versus in unoquoque concursu alius & distinctius atque protractius honestè dicantur*. De benedictione verò diximus in comm. illud tantum hic adnotamus , Bursfeldenses ad solam primam benedictionem stetisse ad reliquas verò confedisse ut statuitur in eorum ordin. c. 9.

58. Lectiones subjungit S. Benedictus ; tres quidem , easque prolixas hyeme dicendas ; unam brevem æstate ex corde recitandam. Quot in nocturna synaxi Lectiones dicerent veteres Monachi, hinc non recensemus , cum ex supra citatis eorum Regulis id colligere quisque facillimo negotio queat. Plura etiam de Lectionibus in commentario à nobis digesta sunt , nimirum unde repeti , à quo , & ubi dici debeant , quomodo terminarentur , quare cum pauca nobis dicenda supersint ; tria tantum hinc observare licet.

59. Primum est non adeo breves fuisse veterum Monachorum Lectiones,

Etiones, quàm ex quas in nostris Breviariis digestas videmus. Tria ad singulas Lectiones folia legi decernit S. Cæsarius in regula ad Monachos. S. Aurelianus in ordine psalmodiæ [Unus frater, inquit, legat paginas aut tres aut quatuor quomodo mensura fuerit libri; si minutè scriptus aut majori forma, ternas paginas: si minor, quatuor.] Et ut de nostris loquar, Cluniacenses in una Septuagesimæ hebdomada integrum Genesis librum legebant, Isaiam intra sex privatas noctes, Epistolam ad Romanos intra duas, ut scribit Udalricus lib. 1. Conf. Clun. c. 1. & in plerisque Monasteriorum nostrorum legendariis M. SS. ad singulas Lectiones integri SS. Patrum sermones assignantur, quod etiam à nostris Cassinensibus sub Oderisio Abbate observabatur, ut in M. S. ordine divinatorum officiorum per totum annum ejusdem Monasterij Breviario Cassinensi subjecto passim videre est, licet assignatæ in eodem Breviario pro certis diebus sint brevissimæ; sed istæ non legebantur in choro, sed tantum ad viatorum usum erant accommodatæ, quibus difficile fuisset magnos amplosque libros secum deferre. At vix crederet aliquis quod in vit. S. Joannis Abbatis Gorziensis legitur: [Lectiones hyemalibus vigiliis ita producebantur, ut Prophetis qui Calendaribus Novembribus ponuntur duabus ferè hebdomadibus expensis, aut denuo à quocunque eorum repererentur, aut aliis quædam addiderentur, inde eundem virum sub una quondam lectione Danielis prophetam tertius lector affurrexisset, explevisse percepimus, &c.] Hæc Joannes Abbas Mettensis prædicti Johannis discipulus.

60. Secundum est non solum audientes, sed lectorem ipsum lectionum tempore assistisse. De assistentibus res luce clarior ex S. Benedicti regula: [Seditibus omnibus in scamnis legantur vicissim à fratribus in codice super analogium tres lectiones:] De Lectore verò res nihilominus constat ex Regula Sancti Cæsarii ad Monachos [Legat frater folia tria & orate, legat alia tria & levet se.] Ergo prius sedebat, qui se levare jubetur. Idem patet ex S. Aureliano in ordine psallendi: [Quantum Abbati visum fuerit tantum legatur; quando signum fecerit, qui legit sine mora,] *consurgat*.

61. Tertio quia prolixiores erant Lectiones ne somno gravati succumberent audientes, aliquod opus manuum exercebant: Regula S. Pachomij: [Nec otiosus in collecta sedebit; sed funiculos in mattarum stramina manu celeri præparabit:] Regula S. Aureliani ad Monachos: [Ad vigilias dum lectio legitur aut de sparta, aut de canape, aut aliud hujusmodi manibus operamini, ut non somnus obrepatur. Si verò Dominicus, aut festi sunt dies, cui somnus venerit aliis seditibus jubeatur stare:] Regula Tarnatensis: [Illud est etiam studendum ne somnum manus otiosæ invitent, atque ideo hæc erunt opera in vigiliis faciendæ quæ mentem non occupent, aut gravent operantis auditum, sed quæ soporis possint repellere torporem:] Regula S. Cæsarii ad virgines: [In vigiliis ut nemo per otium

» somno gravetur, ea opera fiat, quæ mentem non retrahat à lectionis
» auditu.

Udalric
lib. 2.
consuet
Clun.
c. 8.

62. Aliter à nostris somni torpor expellebatur. Unus scilicet ex fratribus accepta inter lectiones, lignea laterna, chorum perlustrabat; & si quem dormientem offendisset apposita ejus obtutibus laterna, excitabatur: Excitatus verò laterna accepta chorum eodem ritu lustrare pergebat, & si quem alium somno occupatum deprehendisset, ejus oculis lumen ter objiciebat, si tertia vice non evigilasset, eum expergefaciebat, & expergefacto laternam præbebat chorum similiter lustrato: Ita apud Cluniacenses, & alios plerosque.

63. Lectionibus tria S. Benedictus interferit responsoria ab uno vel à pluribus cantanda, choro respondente sedendo, ita tamen ut in tertio R. pronunciantem cantore *gloria Patri* omnes pro summæ Trinitatis reverentia surgant.

64. Deinde subjungit alios sex psalmos cum alleluia canendos, Lectionem ex Apostolo memoriter dicendam, versum, letaniam ac decimum orationes sive collectas.

Boher.
in 1.
com
c. 9.

in to. »
2. c. »
Bal. »

65. Letaniam intelligit S. Benedictus *Kyrie eleison*, quod ter dici solet hoc modo, *Kyrie eleison Christe eleison Kyrie eleison*: Cluniacenses sexies *Kyrie eleison*, ter *Christe eleison* dicebant; aliquando etiam novies utrumque, ut accepisse se testatur Petrus Boherius in primo super Regulam S. Benedicti commentario: Dicebatur autem [in unoquoque concursu altiùs & distinctiùs atque protractiùs honestè] ex capitulo 9 Monachorum Sangallensium, & quidem flexis genibus ex capitulo 7. in quo sic habetur: [Ut finitis cursibus incepturi *Kyrie eleison* genua flectant, & non ante surgant quam Sanctæ Trinitatis vocabulis perdictis Presbiter dicat *Per omnia secula seculorum, Amen.* Surgentes autem humiliationem supplicationis sibi invicem præbeant.] Hac de re ita Bursfeldenses in ordin. c. 9. [Dicant alternatim per choros *Kyrie eleison Christe eleison Kyrie eleison*, quorum prima duo in directum, tertium verò terminatur in accentum, deinde prostrati super formas, &c.

66. De collectis autem & orationibus nulla controversia est ab antiquis Monachis frequentatas fuisse. Earum apud eos usum quadruplicem advertere licet.

67. Primò enim nonnulli singulis psalmis singulas orationes & collectas subjiciebant; ita nimirum Ægypti Thebaidisque Monachi, teste Cassiano lib. 2. de Nocturn. orat. c. 8. & 9. Idem statuit in sua Regula S. Fructuosus Bracarenis Episcopus c. 3. Immo longiores psalmos intercedentes, duas tresve orationes ad eos faciebant ut refert idem Cassianus.

68. Secundò alij non psalmis sed Lectionibus orationes immiscebant. Extat luculentum hujusce ritus testimonium in regula S. Casarii ad Monachos: [Legat frater tria folia, & orate; legat alia tria & orate; legat alia tria, & levet se;] & apud S. Aurelianum in or-

dine psallendi : [Unus frater legat paginas tres aut quatuor ... & fiat oratio ; iterum legat tantum , & fiat alia oratio .]

69. Tertio quidam in fine tantummodo divinorum officiorum collectas decantabant , & ita S. Benedictus qui semper in ultimo ordine orationem Dominicam dici & missas fieri prescribit . Nam qui *missa* nomine orationes intelligi nolunt , hi certe ignorant , aut scire nolunt qua in significatione *missa* vocabulum apud authores S. Benedicto synchronos , & maxime Regularum Monasticarum scriptores usurpatur : Unus hic nobis sufficiet Casarius ad rem evincendam ; [Duos , *inquit in Regula ad Monachos* , nocturnos faciant & tres missas ; ab una missa legat frater folia tria , & orate ; legat alia tria , & orate ; legat alia tria & levet se ,] ubi quod prius *missa* nomine dixerat , oratione exprimit ; idem enim est ac si diceret [duos faciant nocturnos & tres orationes ; ab una oratione legat frater tria folia , & fiat oratio ; legat alia tria , & iterum fiat alia oratio ; legat alia tria , & levet se ,] Idem confirmatur ex secunda regula SS. Patrum ubi agens de synaxi ita habet : [Operam dabunt singuli fratres ut tempore quo *missa* fiunt sive die sive nocte quando diutius ad orationem , standum est , non deficiant .]

70. Quarto denique quidam & psalmis orationes subungebant , & in fine nihilominus officij persolvebant ; sic prescribit Ilidorus in Regula [Recitantibus , *inquit* , Monachis post consummationem singulorum Psalmorum prostrati omnes humi pariter adorabunt , celeriterque surgentes psalmos sequentes incipient ;] Et iterum de vespertinis officiis primum lucernarium , deinde psalmi duo , Responsorium tunc , & Laudes , Hymnas , atque oratio dicenda est .

71. Similiter Magister Regulae c. 33. orationes psalmis subjungi prescribit , & c. 44. in fine vigiliarum dici Rogum Dei . Neque omnino improbable est hunc etiam ritum a Sancto Benedicto usurpatum fuisse , licet de subjungendis psalmis orationibus taceat , neque enim credibile videtur eum ab omnibus fere Monachis hac in re discrepasse , maxime ab Aegyptiis quos in plurimis amalatum fuisse constat ; unde etiam in pluribus nostrorum Monasteriorum psalteriis MS. extant in fine singulorum psalmorum singulae collectae sive orationes .

72. Modum autem recitandi orationes ex Cassiano repetere oportet : Rem ita exprimit in lib. 2. de Noct. orationibus : [Has igitur praedictas orationes hoc modo incipiunt atque consummant , ut finito psalmo non statim ad incurvationem genuum corruant , quemadmodum facimus in hac regione nonnulli , qui necdum bene finito psalmo in orationem procumbere festinamus ad celebritatem missae quantocius properantes Apud illos ergo non ita est ; sed antequam flectant genua paulisper orant , & stantes in supplicatione majorem temporis partem expendunt . Itaque post haec puncto brevissimo procidentes humi velut adorantes tantum divinam clementiam summa velocitate consurgunt , ac rursus erecti expansis manibus eodem modo quo prius

- stantes oraverant suis precibus intentius immorantur.... cum autem is
 qui orationem collecturus est à terra surrexit, omnes pariter eriguntur;
 ita ut nullus antequam inclinetur ille genuflectere; nec cum è terra
 surrexerit, remorari præsumat.] Simile aliquid habet S. Fructuosus
 c. 3. Bracarenſis Episcopus: [Sanè in omnibus horarum singularum ora-
 tionibus nocturno ac diurno tempore ad omnem psalmorum finem
 gloria cantantes Deo prosternentur in terram: eo scilicet ordine ut ne-
 mo prius seniore aut incurveretur aut iterum surgat; sed omnes summa
 aequalitate consurgant, extensisque in cælum palmis orando persistant,
 sicut & aequaliter merguntur.] Nostros quod spectat incepto à Sacer-
 dote Kyrie eleison, omnes ad conclusionem usque ultimæ collectæ in
 genua procumbant, ex citato supra c. 7. Monachorum Sangallensium;
 & ex antiquo ordine conversationis Monasticæ decernente ut sputum
 c. 1. in oratorio [pede conculcetur ut cum ad orationem curvantur, ves-
 timenta eorum non sordidentur;] Ex vit. S. Mederici Abbatis Æ-
 duensis n. 7. ubi Anonymus de quodam agit Monacho qui [statim ut
 synaxeos oratione consueta finienda esset, & antequam genua flecte-
 ret de Ecclesia exiret,] & ex anonymo Sangermanensi in libro de trans-
 p. 2. p. latione S. Germani c. 15. [Finita autem vespertina synaxi cum fratres
 102. se orationi prostrassent.] Idque non solum publicè, sed etiam pri-
 vatim recitando officium ut patet ex Ekkehardo juniore c. 3. ubi de
 Notkero Balbulo Monacho S. Galli privatim Nonam recitante, *Cum-
 que ad preces synaxis se in terram prosterneret*, &c.
73. Collectas autem dicebat ipse Abbas, seu alius quilibet qui sy-
 naxi præerat, ut facilè colligi potest ex Valafrido Strabone in libro
 c. 21. de rebus Ecclesiasticis: [Solebant, inquit, non solum inter officia
 missæ, verùm etiam in aliis orationibus, conventibus & colloctioni-
 bus, qui cæteris aderant eminentiores brevi oratione opus conclu-
 dere, quod & in Sanctorum exemplis agnoscimus, dum alij alios
 honorificentia causa orationes colligere postulabant.] Idque
 c. 13. non obscurè innuit S. Benedictus cum orationem Dominicam à
 Priore idest Abbate alta voce in Matutinorum Vesperarumque con-
 clusione dici decernit. Vide Menard. in not. ad Conc. Regul. c. 15.
 n. 10. §. 5. & tamen Odo Glannaf. in hist. Transl. S. Mauri. *Cum oratio*, inquit,
 sec 4. part. 1. à Presbitero completeretur.
74. De Reverentia verò, modestia ac silentio quod divinis assistentes
 c. 20. officiis observabant non est multum quod loquar; Audiendus hac de re
 Cassianus in lib. 2. de nocturn. orat. [Cum igitur prædictas Solemnitates
 quas illi synaxes vocant celebraturi conveniunt, tantum à cunctis silen-
 tium præbetur, ut cum in unum tam innumerosa fratrum multitudo con-
 veniat, præter illum qui consurgens psalmum decantat in medio, nullus
 hominum penitus adesse credatur; ac præcipue cum consummatur ora-
 tio, in qua non sputum emittitur, non excreatio obstrepat, non tussis inter-
 sonat, non oscitatio somnolenta dissolutis malis & hiantibus trahitur, nulli

gemitus, nulla suspiria etiam astantes impeditura promuntur, nulla vox
absque Sacerdotis preceem concludentis auditur &c.] Simile aliquid oc-
currit in Regula Magistri ubi agens de reverentia orationis: [Non frequens
tulsis, *inquit*, non excreatus alsidius, non anhelitus abundet; quia
hæc omnia orationibus & psalmis ad impedimentum à diabolo ni-
hiltrantur: nam illud quod diximus superius & in orationibus
caveatur, ut qui orat, si voluerit expuere, aut narium spurcicias ja-
ctare, non inantè, sed post se retrò projiciat propter angelos inantè
stantes;] Et in libro de conversatione monastica: [Si fortè alicui fre-
quens tulsis, aut phlegma evenerit, aut ex pectore aut naribus excrefcit,
post dorsum projiciat, aut juxta latus cautè tamen & curiosè, ut in-
firmis mentibus non vertatur in nauseam, & semper quod projicitur
pede conculetur, ut cum ad orationem curvantur vestimenta eorum
non sordidentur.] Huc facit quod legitur de discipulis S. Stephani
Abbatis Obazin. l. 2. n. 59. ejus vit. [Nullus eo præfente vel in Ecele-
sia vel in quolibet loco ubicumque conventus adesset incongruè
oscitare, vel subridere aut loqui indisciplinatè, aut aliquod ne-
gligentia vel levitatis signum ostendere prorsus audebat.]

75. Ad hanc etiam reverentiam spectat quod nudo capite divinis
intererant officiis, ut patet tum ex Conf. Germaniæ n. 22. in quibus in-
dulgetur sanguine minutis ut [dum sederint, si expedierit, induant
capita pilleis & cum surrexerint auferant, additurque, numquam
in choro stando habeant, nec ante altaria transeundo] tum ex privile-
gio Alexandri Papæ tertij quo almutiorum usum Monachis S. Ger-
mani à pratis indulget, [Quia, *inquit*, nonnulli prædicti monaste-
rij Monachi frequenter graves infirmitates incurrunt propter frigus
quod patiuntur ex eo quod discoopertis capitibus semper omnes eccle-
siasticas horas canunt.]

76. Quanta sollicitudine somnum in vigiliis vitarent nemo est qui
nesciat, ideo namque alicui manuum operi inter lectiones vacabant, ne
fortè obreperet; aut si fortè obrepfisset, dormientem stare jubebant
quemadmodum jam vidimus: nonnulli etiam brevi oratorio exire per-
mittebant; hinc Regula secunda SS. Patr. [In vigiliis observandum
est quando omnes conveniunt quicumque gravatur somno, & exire
foras, non se fabulis occupet; sed statim redeat ad opus ad quod
convenitur;] Et Regula S. Macarij: [Quicumque gravatur somno
exeat foras, non se fabulis occupet; sed statim redeat ad opus quod
convenitur.] Et tamen alij ne semel ingressi oratorium egrederentur
gravissimè prohibebant: Regula S. Pachomij: [Quando in collecta
orant fratres, nemo egredietur absque jussione majorum, nisi in-
terrogaverit, concessumque ei fuerit exire pro naturæ necessitate.] [Re-
gula Tarnatensis: [In vigiliis dum Lectiones cunctis residentibus re-
leguntur, vel quando orationi incumbunt, intrandi aut exeundi facul-
tatem sibi nullus æstimet fuisse concessam. Qui verò communis ne-

cessitatis causa compellitur psallentibus aliis sine cuiusquam reatus ti-
 more discedat, continuo ad opus quod agitur reversurus:] Regula S.
 Isidori: [Nullique ante expletum officium licebit egredi, prater eum
 quem naturae necessitas compulerit:] M.S. Consuetudines S. Benigni
 c. 7. Divionensis: [Nullus etiam unquam debet exire de regularibus ho-
 ris exceptis Matutinis; donec omnino finiantur, nisi sanguinet ei nasus,
 c. 27. vel tanta passio percussit eum, ut nullo modo possit stare sive sedere in
 choro, donec finita sit hora, & donec si quilibet suscepturus est bene-
 1. 2. c. 7. dictionem, suscipiat eam.] Tunc vero compellente necessitate [si
 propter aliquid de choro exit, inquit Udalric. vel si postea venit quan-
 do hora est inchoata, in faciem suam inclinat omnibus similiter incli-
 naturis;] porro [reversus duos versus sustineat antequam sedeat] ex
 lib. Usuum Cist. c. 69. ubi etiam praescribitur ut [Caveant qui de cho-
 ro egrediuntur, ne plus foris quam duos psalmos morentur, & ne
 amplius quam duo juxta se stantes simul exeant.

77. Absolutis autem nocturnis vigiliis S. Launomarus Abbas suum
 solebat foras egressus circuire monasterium, ut scribit Anonymus in
 sec. 1. p. ejus vit. [Hymnis itaque matutinis à Fratribus decursis exiit ho-
 347. mo Dei secundum consuetudinem lustrare in circuitu cellulam,] quod
 etiam aliquando fecisse legitur S. Bernardus in ejus vit. l. 1. c. 5. Huc
 referri possit quod de S. Claro Abbate Viennensi scripsit Anonymus in
 sec. 2. ejus vit. n. 9. [Erat ei consuetudo nocte orationis causa deambulare
 per castrum, ubi coenobium S. Blandinae situm est.

78. Dictis haec nonnulla subicere visum est ex Divion. S. Benigni
 consuet. quae omnes regulares horas aequaliter respiciunt. In primis
 consideratione dignum est quod dicunt: [Est consuetudo ut nullus
 c. 27. monasterium egrediatur postquam ad aliquam horam vel ad capitu-
 lum inceptum fuerit ipsum signum pulsari:] Id in aliis etiam mona-
 steriis vigeat. 2°. [Similiter, inquit, observandum est dum pul-
 satus ad aliquam horam ut nullus quoquam divertat postquam au-
 dierit signum nisi ad ecclesiam tantummodo. 3°. Sciendum est quod
 dum cantant fratres missam vel horas, vel aliud aliquid in choro, non
 licet alicui tenere librum apertum in tota Ecclesia prater ad missam
 illos qui necessarij sunt tantummodo ad *Re.* & *alleluia*, & ad ejusmodi,
 & hoc in choro solum, excepto eo qui lecturus est ad mensam fratrum.
 Is providet per consuetudinem si voluerit lectionem extra chorum
 dum cantantur utraque missae; nam in choro numquam providebit
 nisi qui in custodia est. 4°. Sed & quandiu conventus in Ecclesia est
 ad missam sive ad horam regularem, nullo modo debet quodlibet opus
 fieri in ea; nec vile nec carum; nec parvum, nec magnum, nec
 etiam valde necessarium, quod faciat aliquem sonitum, aut ullo mo-
 do conturbet, aut contristet Fratres, aut opus Dei quovis impedi-
 mento disturber. 5°. In cunctis etiam officinis monasterij quae intra
 murorum ambitum continentur, nemo unquam Fratrum loquitur dum

regularis hora canitur, excepto Infirmario, cui concessum est loqui
non nisi de ipsa necessitate ad illam horam ad quam infirmi come-
dunt, & notandum quod de solo completorio hoc non observatur;
tunc enim vel Prior vel alij pro necessitate cum licentia remanentes
nequeunt istud observare.

79. Denique prætere non possum antiquam & piam Monachorum
sub S. Winvaloro viventium consuetudinem, quam refert in ejus
vita tertia apud Boll. Gurdellinus Monachus, his verbis: [Erat id mo-
ris Sancto ejusque sociis illic cohabitantibus ut expletis omnibus unius-
cujusque synaxeos horis, Deum orarent, ut unus ex eis quem vellet ipse
Deus ab ista misera vita eximeretur, qui unus pro omnibus Fratribus
esset apud Deum interpellator in cælis.

j. Mart.

CAP V T III.

De Matutinis sive de Laudibus.

1. **H**Actenus de Nocturnis vigiliis, quas sequitur in Regula S. Be-
nedicti hyeme prolixum ætate brevius intervallum, de quo
in commentario satis. Nunc de Matutinis: Ita S. Benedictus aliique
Scriptores antiqui vocabant illud officium quod illucescente aurora ce-
lebratur, & à nobis *Laudes* appellatur, à voce *Matuta* id est aurora,
eo quod ad auroram ut diximus cantaretur. De Matutinis paucâ no-
bis dicenda occurrunt; huc enim atque ad alias diei canonicas horas
referenda sunt maxima ex parte quæ superiori de nocturnis vigiliis
cap. disseruimus; puta quæ de psalmis, choris alternis, aut à solo psal-
te dicendis, de cantu seu modulatione in officiis divinis adhibenda,
de antiphonis psalmis interserendis, de situ corporis ad opus Dei ser-
vando, de psalmis memoriter dicendis, de modo officium incipiendi,
de hymnis, Lectionibus, Responsoriiis, & Collectis: hæc enim omnia
non minùs ad diurnas quàm ad nocturnas horas pertinent. Id unum
ergo nobis dicendum superest, quibus scilicet precibus constaret Ma-
rutinum officium, adnotantes quosdam etiam ritus ad istud officium
fortè specialiter spectantes.

2. Matutino officio apud veteres Monachos nihil notius, at verò de
precibus in eo dici solitis non item. De Orientalibus vix nobis super-
est aliquid: Illud tantùm ex Cassiano discimus quod in eo quotidie
decantari solet; *Deus meus ad te de luce vigilo*, & *In matutinis medita-*
bor in te, & *Præveni in maturitate & clamavi*, Et rursum *Prævenere-*
unt oculi mei ad te diluculo, ut meditarer eloquia tua: Ex quibus duo primi

Cass. l. 3
c. 1.

versiculi psalmo 62. duo posteriores 118. continentur.

3. Distinctius aliquid de Occidentalibus Monachis differere possumus. Et quidem in Galliis Matutinum officium cum psalmis & orationibus
ibid. c. 4 teste Cassiano celebrare consueverant; licet quos aut quot psalmos vel orationes dicerent non aperiat. S. Cassarius Arelatensis Episcopus in sua ad Monachos Regula ita prescribit: [Post hoc dicant Matutinos,]
” directaneum *Exaltabore Deus meus & rex meus*, Deinde in ordine totus
” matutinaris in antiphonas dicatur.

4. S. Benedictus Matutinorum officium ita ordinat: [Diebus privatis Matutinorum solemnitas ita agatur: idest ut 66 Psalmus dicatur
6. 13. ” sine antiphona subtrahendo modicè sicut in Dominica, ut omnes occurrant ad 50 qui cum antiphona dicatur. Post quem alij duo psalmi
” dicuntur secundum consuetudinem, idest 2 feria 5 & 35. 3 feria 42 & 56. 4 feria 63 & 64. 5 feria 87 & 89. 6 feria 75 & 91. Sabbatho
” autem 142 & canticum Deuteronomij, quod dividatur in duas glorias: nam ceteris diebus canticum unumquodque die suo ex Prophetis
” sicut psallit Ecclesia Romana, dicatur. Post hæc sequantur Laudes, deinde Lectio una Apostoli memoriter recitanda, R. Ambrosianum,
” Versus, Canticum de Evangelio, Litaniam, & completum est. Planè agenda Matutina vel Vespertina non transeat aliquando nisi
” in ultimo ordine oratio Dominica omnibus audientibus dicatur à Priore.

5. S. Aurelianus in ordine psalmodiæ ejus Regulæ subiecto Matutinum ita instituit officium: [Dicite Matutinarios canonicos, id est
” primò canticum in antiphona: deinde directaneum, *Judica me Deus: Deus Deus meus ad te de luce vigilo: Lauda anima mea Dominum: Laudate Dominum quoniam bonus est psalmus: Lauda Jerusalem Dominum. Inde, Laudate Dominum de cælis: Cantate Domino canticum novum: Laudate Dominum in Sanctis ejus: In antiphona dicite hymnum Splendor paternæ gloriæ: alia dic *Æterna lucis conditor*, & capitellum, *Kyrie eleison*
” duodecim vicibus: Omnibus diebus quotidianis ita impleatur.] Matutinum ergo officium ab aliquo cantico incipit, quod in Antiphona sicut & hymnum post psalmos vult dici; psalmos verò numero 8. *directaneum*: hoc autem duobus modis intelligi potest; nam aliquibus dicere vel psallere cum antiphona idem est atque cantare cum aliqua vocis modulatione; psallere directaneum quasi psalmos recitare. Alij verò psallere in Antiphona idem arbitrantur esse, quàm psallere alternis choris, idque cum aliqua vocis melodia; psallere in directum è contra hoc est à duobus simul choris, vel ab aliquo singulari psalte psalmos alijs audientibus (decantante, quòd S. Aureliano placuisse superiori capite demonstravimus. Regula incerti authoris
” S. Augustino adscripta orandi psallendique rationem describens [In matutinis, inquit, dicantur psalmi iij. lxij. vi. & lxxxvij. cum debitis
” antiphonis, versibus, & Responsoriis.*

6. Regula S. Isidori Matutinorum quidem mentionem facit, at nihil præferibit. S. Fructuosi cursus Matutinus ejus in Regula sic describitur: [Gallicinio jam sonante, recitatis tribus psalmis cum Laude, & Benedictione sua, matutinum celebrent sacrificium.

7. Regula Magistri: [Psalmi namque Matutini dici debent omni tempore lex, Responsorium unum, versum, lectionem Capituli & Evangelij, quæ semper Abbas dicit, & Rogus Dei.] Psalmos autem cum antiphonis psalli quatuor quidem sine *alleluia*, duos cum *alleluia* præferibit infra c. 39.

8 Ex his omnibus patet quibus precibus & orationibus sacrificium matutinum veteres Monachi consummarent, scilicet psalmis, canticis, hymnis, antiphonis, responsoriis, versibus, collectis, & letania.

9. Et quidem quoad psalmos, eos dicere solebant qui Matutino tempore convenirent, & in quibus lucis orientis commemoratio fieret. Duos dumtaxat celebrasse videntur in Oriente Monachi 62. & 118. ita prolixum, ut pluribus merito æquipolleet: Quatuor præscribit Regula incerti Authoris S. Augustino adscripta: Sex Regula Magistri, totidemque Regula S. Fructuosi: septem S. Benedictus: 8. verò S. Aurelianus. Ex his celebriores fuerunt posteriores tres psalmi *Laudate Dominum de cælis: Cantate Domino canticum novum, & Laudate Dominum in sanctis ejus*, quos speciali nomine *Laudes* appellabant antiqui, eo quod ad reddendas supremo Domino laudes nos frequenter invitent, quosque ad Matutinum officium dici quotidie cum S. Benedicto decernunt Aurelianus & Fructuosus Episcopi; quod etiam in Gallicanis Monasteriis teste Cassiano lib. 3. c. 6. observabatur. Hos ad psalmos unus ex circatoribus Monasterium lustrare debebat ex statutis Lanfranci cap. 4.

10. Psalmos autem ad Matutinum decantari, hoc est cum suavi vocis modulatione dici, præcipit S. Isidorus. Ex Regula verò Sancti Benedicti primus psalmus 66. in directum sine antiphona modicè subtrahendo; reliqui verò cum antiphona, hoc est cum cantu melodico debent persolvi. Omnes autem sub unica antiphona persolvebant Bursfeldenses ex eorum ordin. c. 10.

11. De canticis verò observandum tantummodo est, 1. quod à canticis Matutinum officium incipit S. Aurelianus, absolvit S. Fructuosus. 2. quod S. Benedictus duo ad Matutinum assignat cantica; unum ex veteri testamento, quod psalmis interserit; alterum ex Evangelio post versum ante letaniam dicendum. 3. quod S. Benedictus singulis diebus canticum aliquod ex Prophetis canendum præscripserit, hoc ab Ecclesia Romana desumpsisse. 4. Inter omnia celeberrimum fuisse illud trium puerorum quod antonomasticè S. Benedictus aliique veteres *Benedictionem* appellabant.

12. Lectionem hymno præponit Sanctus Benedictus, eamque brevem ex Apostolo, dicendam ab eo qui Hebdomadarij vices gerit, idque

memoriter. In Regula Magistri duæ assignantur, unam ex Apostolo, alteram ex Evangelio ab Abbate legendam.

13. De hymno, Responsorio, versu, & Antiphonis diximus superiori capite. Antiphonam ad *Benedictus* nullam assignat S. Benedictus; & tamen usus invaluit, ut semper etiam cum aliqua solemnitate diceretur: hanc ex antiquis Germaniæ consuetudinibus Cantor incipere debet; idemque præscribit lib. Usuum Cisterciensium c. 115.

14. Absoluto cantico subjungit S. Benedictus Letaniam id est *Kyrie eleison: Christe eleison: Kyrie eleison*, de quo superiori capite: novies repetitur à Carthusianis, & ex S. Aureliano duodecim vicibus debet dici.

15. Sequitur oratio Dominica ab Abbate clara & intelligibili voce dicenda, quod solis competit Benedictinæ familiæ Monachis. Post hanc collectæ sive orationes, quibus in nostro passim ordine preces præmittunt: Has preces sic exhibet antiquissimum Calsinensis Monasterij Breviarium tempore Oderisij Abbatis litteris Longobardicis manu exaratum in Bibliotheca Institutionis Oratorij Parisiis asservatum.

Capitula per omnes horas.

Ego dixi Domine miserere mei	Sana animam meam
Convertere Domine aliquantulum	Et deprecare
Fiat Domine misericordia tua super nos	Sicut speravimus
Sacerdotes tui induant justitiam	Et sancti tui exultent
Domine salvos fac Reges	Exaudi nos
Salvum fac populum tuum Domine &	
Benedic hæreditati tuæ	Reges eos &
Oremus pro fidelibus defunctis	Requiem æternam
Requiescant in pace	Amen.
Pro fratribus nostris absentibus	Salvos fac servos
Pro afflictis & captivis	Libera eos Deus Israël
Mitte eis Domine auxilium de Sancto	Et de Sion

Easdem preces videre est in antiquo collectaneo M. S. ad usum Monasterij B. Mariæ S. Petri supra Divam, & in M. S. Breviario S. Germani à Pratis, in quibus tamen 8. versiculus sive capitulum ita exhibetur:

Animæ famulorum tuorum requiescant in pace;
Et in fine alij tres versiculi adduntur scilicet
Domine exaudi orationem meam
Domine Deus virtutum converte nos

Dominus vobiscum. Excepto uno aut altero versiculo dissimili easdem preces præscribunt M. S. conf. S. Dionysij in Francia in quibus psalmus 50. post 12. versiculum interseritur, atque hos credo esse quatuordecim versiculos, quos ad Nocturnos, Matutinas, Tertiam, Sextam, Nonam, & Vesperos post orationem Dominicam dicebant Cluniacenses, quibus privatis diebus etiam psalmum quinquagesimum interponebant, quod ex S. Benedicti Institutione & consuetudine tractum

Conf.
Clun.
l. r. c. 1

esse non sine causa crediderim fretus hoc Calsiani testimonio : [De-
nique per *Italian* hodieque consummatis Matutinalibus quinquagesi-
mus psalmus in universis Ecclesiis canitur.] Hujusmodi precum me-
minit Amalarius l. 4. de Eccl. off. c. 4. sicut & psalmi 50.

16. Porro isthæc ad horas preces hujusmodi dicendi consuetudo apud
Monachos est antiquissima, ut patet ex Regula S. Columbani in cu-
jus c. 7. legimus : [Per divinas terni psalmi horas pro operum in-
terpositione statuti sunt a *sententiis nostris* cum *re-ficularum* augmen-
to intervenientium, pro peccatis primum nostris, deinde pro omni
populo Christiano, deinde pro Sacerdotibus & reliquis Deo conferra-
tis sacre plebis gradibus, postremo pro eleemosinas facientibus; postea
pro pace Regum, novissime pro inimicis nostris; ne illis Deus statuatur
in peccatum quod persequuntur & detrahunt nobis, quia nesciunt
quid faciunt;] Et ex Reg. incerti authoris apud Augustinum, quæ psal-
mos cum debitis antiphonis *versibus* & responsoriis dici præcipit. In
Concilio etiam Clovehovienfi c. 30 [statutum est per canonicas ora-
tionum horas non solum pro se ecclesiastici sive Monasteriales, sed
etiam pro Regibus, ac Ducibus, totiusque populi Christiani incolu-
mitate divinam incessanter exorent elementiam] apud Spel. Tom. 1.
pag. 254.

17. Post versus dicuntur collectæ sive orationes; & primum quidem
ea quæ ad præsens officium pertinet, deinde aliæ commemorationes
& quidem magno numero.

18. Circa quas observandum. Primò quod in nonnullis Monasteriis
fiebant post regulares Matutinos sicut apud Cluniacenses; in aliis post
Matutinos de omnibus Sanctis, & ita in M. S. consuetudinibus Ger-
manicæ, si tamen illæ commemorationes aliud quid essent, quàm preces
sive versiculi de adnotatis Sanctis, nihil enim ibidem præter versicu-
los quibus præmittit *preces* legitur. In aliis denique post officium B.
Mariæ, sicque inscribuntur in collectaneo S. Petri supra Divam : [Suf-
fragia quotidianis diebus dicenda ad Vesperas & Matutinas post ser-
vitium Virginis gloriose] his in suffragiis locum primum habuisse
comm. de Cruce, deinde de S. Maria; aliquando tamen præmissa fuisse
suffragia SS. loci Patronorum, ut in Monasterio S. Germani, & apud
Grandimontenses ex Cons. Guil. Pellicerij c. 83. 3°. Inter commemoratio-
nes locum ubique obtinuisse comm. de Cruce, de S. Maria, de SS. Angelis,
de SS. Petro & Paulo, de omnibus Apostolis, de S. Johanne Baptista, de S.
Martino, de S. Benedicto quibus addebantur præcipui Monasteriorum
Patroni aliique Sancti qui singulari aliqua veneratione in his cole-
bantur. 4°. Apud Calsinenses Adventus tempore ad Oct. Epiphaniæ
commemoratio de Cruce & de Trinitate obmittebatur. 5°. Hæc om-
nia scilicet oratio Dominica, preces, collectæ, suffragia sub *Missæ* no-
mine S. Benedictus complexus est, cum dixit & *Missæ sint*. 6°. Ex his
omnibus solæ apud nos remanserunt comm. de Cruce, de S. Maria,

de SS. Petro & Paulo, de S. Benedicto, de Monasterij Patronis, quibus addimus de pace. 7°. Dicebantur collectæ à Sacerdote erecto, ceteris interim genuflectentibus ex ordin. Bursf. cap. 10. quamvis interim sedisse Cluniacenses constet ex Pet. Vener. stat. 56. [Et parvi scholares, dum ad suffragia SS. orationes dicuntur *more* conventus sedere permittantur] 8°. Dicta oratione de die ante Commemorationes dicebatur *Benedicamus Domino*, iterum in fine repetendum, ita in M. S. consuet. S. Germani à Pratis : Fuldenfes Monachi fratrum defunctorum commemorationem post Matutinas & Vesperas quotidie faciebant, ut discimus ex eorum libello supplici ad Carolum Imper. n. r. [Pro defunctis ergo fratribus nostris commemorationem illam quam quotidie bis habuimus, id est post Matutinam celebrationem & Vespertinam, quæ est antiphona, videlicet *Requiem æternam*, & prima pars psalmi *Te decet hymnus Deus*, Versus & collecta.

19. Iis omnibus Cluniacenses Monachi quatuor addebant psalmos, ut supra diximus, passimque usus in nostro invaluit ordine ut duo saltem psalmi cum precibus & collectis pro familiaribus scilicet vivis & defunctis adderentur. Quinam autem essent illi psalmi ex Regulari concordia S. Dunstani discere possumus ; [præscribit enim ut ad Laudes diei post *Miserere mei Deus* &c. addant duos psalmos pro Rege Reginaque & familiaribus : *Beati quorum* &c. *Inclina Domine*, quibus finitis cantent antiphonam de Cruce ; inde antiphonam de B. Maria, & de Sancto cujus veneratio in presenti colitur Ecclesia, aut si minus fuerit de ipsius loci consecratione. Post quos eundem est ad Matutinales Laudes de omnibus Sanctis decantando antiphonam ad venerationem Sancti cui porticus ad quam itur dedicata est. Post quos Laudes pro defunctis.] Ad hos duos psalmos super formas procumbebant. De processione cujus hic mentio fit, agemus libro sequenti. Matutini verò de omnibus Sanctis hæc complectebantur preces :

Antiphona. Benedicta tu in mulieribus, & benedictus fructus ventris tui. Psalm. Dominus regnavit

Antiph. Laudemus Dominum quem laudant Angeli, cui Cherubim, & Seraphim Sanctus Sanctus Sanctus proclamant Psal. Jubilate

Antiph. Vos amici mei estis, si feceritis quæ præcipio vobis dicit Dominus. Psal. Deus Deus meus

Antiph. Sancti Spiritus & animæ justorum hymnum dicite Deo nostro in æternum. Psal. Benedicite

Antiph. Omnium Sanctorum chori laudate Dominum in excelsis. Psal. Laudate Dominum.

Capitulum. Sancti per fidem vicerunt regna, operati sunt justitiam, adepti sunt repromissiones in Christo Jesu Domino nostro.

Aliud cap. Reddet Deus mercedem laborum Sanctorum suorum,

Resp.	& deducet illos in via mirabili. Iusti autem in perpetuum vivent. Et apud Dominum est merces eorum. Gloria Patri
Hymn.	Jesu Salvator sæculi redemptis
ŷ.	Mirabilis Deus, R. In sanctis suis
In Evang.	Sancti Dei omnes intercedere dignemini pro nostra omni- umque salute. Psalm. Benedicite
Antiph.	Post partum Virgo inviolata permanisti.
Preces	In conspectu Angelorum Inter natos mulierum Nimis honorati sunt Iustorum animæ Ora pro nobis B. Benedicte Sacerdotes tui induantur Adducentur Regi virgines Exurge Domine adjuva nos Dominus vobiscum
Oratio	Auxilium tuum nobis Domine placatus impende, & intercedente Beata Dei genitrice Maria cum omnibus Sanctis tuis, fac nos ab omni adversitate liberari, & in æterna lætitia gaudere cum illis. Per eundem.

20. Ita matutinum omnium Sanctorum officium ex M. S. collectaneo Monasterij de Sancto Petro supra Divam descripsimus. Idem reperire est in antiquis Germanicæ consuetudibus M. S. exceptis duabus primis antiphonis, quarum loco habentur antiphona *Post partum*, & antiphona *Angeli eorum*, Cantico *Benedicite*, cujus loco habetur psal. *Benedictus*, sed fortè amanuensis est error; & Lectione sive capitulo pro quo legitur: *Scimus quoniam diligentibus Deum*. In precibus etiam seu versiculis nonnihil diversum extat. Idem fere habent M. S. consuet. S. Dionys. in Francia in quibus antiphona 4. est de S. Dionysio.

21. Sed tempore Paschali omnes psalmi dicebantur sub unica antiphona: *In velamento clamant sancti tui Domine alleluia alleluia alleluia*; R. cum *alleluia*; Antiph. in Evang. *Si manseritis in me, & verba mea in vobis manserint, quodcumque petieritis fiet vobis alleluia alleluia alleluia*. In M. S. Dionysij consuetud. post matutinos de omnibus SS. præscribuntur Matutini mortuorum; post quos [deinde dicuntur psalmi Verba mea. Domine ne in furore: Dilexi quoniam: Credidi propter: De profundis: Pater noster in silentio, & ne nos: ŷ. A porta inferi in audientia, & Dominus vobiscum: oratio Absolve quæsumus Domine usque. Requiescant in pace; post eant dormitum.

22. Absolutis denique Matutinis Laudibus statuunt Bursf. [Trinam omnes flexis genibus dicant Salutationem Angelicam, & dato consueto signo à præfidente surgentes exeant ordine suo bini & bini; profunde inclinantes se ante gradum.] De hac Salutatione Angelica

Vid. prefationem sac. 5. Benedictini numero 122.

23. Porro quod supra cap. 1. observavimus apud nostros in usu fuisse, ut ante nocturnas vigiliis tres à singulis altaria visitantibus orationes dicerentur, id etiam de Matutinis Laudibus, aliisque horis dici pariter asserendum est: De huiusmodi orationibus interrogatus Udalricus l. 1. c. 18. consuet. Cluniac. [Cujusmodi esse debeant, & cujus quantitatis;] ita respondet: [Certè quod sciam nullus modus certus est eis præfixus, quia non communiter fiunt, & unusquisque cum primùm venerit in Ecclesiam, facit eas singulariter & separatim: unus tamen seniorum novitium me docuit, ut septem psalmos dicerem inter ipsas tres orationes; verum quisque quod voluerit oret Cum autem ternæ similiter orationes fiant; sed communiter ante nocturnos, & post Completorium; & in hyeme in privatis ante Tertiam, de his fortè possum aliquid quod quæsieris dicere. Nam quæ post Completorium fiunt, de his numquam me audiente quæstio erat, ut amplius quicquam ad singulas quàm sola Dominica oratio diceretur: De aliis cum quæstio esset ad ultimum Domno Abbati complacuit & hoc definiuit, ut ad ipsas quoque oratio Dominica diceretur, sed tractim, diligenter, & attentè: & tamen ritè illæ orationes ante Tertiam non solent tam breves quam ad Completorium terminari, nec illæ ante nocturnos maximè in noctibus longioribus tam breves quam ante Tertiam; aliæ quoque orationes singulis horis præmittendæ, nihil sunt amplius quàm eadem oratio Dominica. Ad solos Vesperos pro antiquo more plus aliquantulum producuntur, ut symbolum Apostolicum si videtur, possit apponi.] Hæc ille de Cluniacensibus apud quos prolixiores omnino erant quæ ante nocturnos fiebant orationes, deinde quæ ante Tertiam. Reliquis vero horis nihil aliud dicebant præter orationem Dominicam, cui ad Vesperos Apostolorum symbolum adjiciebant. Udalrico concinunt Divionenses S. Benigni Conf. c. 64. [Et quoniam de illis tribus orationibus quæ fiunt ante nocturnos tam in æstate quam in hyeme alibi dictum est, de cæteris quæ fiunt ante singulas horas, & post Completorium dicere decrevimus. Orationes autem singulis præmittendæ horis, excepta Prima antequam ritè vij psalmi dicuntur, nihil aliud vel amplius sunt quam Dominica oratio. Ad solos Vesperos pro antiquo more magis aliquantulum oratio producit, ut & oratio Dominica dicatur & symbolum si videtur, possit apponi. Post Completorium nihil aliud quàm ipsa Dominica oratio ad singulas orationes dicitur: orationes verò quæ fiunt ante nocturnos, vel in hyeme ante Tertiam sicut noctes vel dies producuntur vel corripuntur, producendæ vel corripiendæ sunt] Eadem videre est in antiquo Corbeienfi Ordinario.

CAPVT IV.

De Prima.

1. **I**nnotum primis Monachis Primæ officium, in Bethleemico pi-
mum Monasterio, ubi Dominus noster Jesus-Christus natus ex
Virgine humanæ infantie suscepit incrementa, tempore Cassiani in-
stitutum; & inde ad Occidentales plagas propagatum, hac potissimum
de causa, introductum fuit: ad excutiendam nimirum quorundam Mo-
nachorum inertiam, & somnolentiam, qui expletis nocturnis matuti-
nisque laudibus lecta repetentes, multò prolixius quàm par esset som-
no indulgebant, nempe ad Tertiam usque, cum aliud officium, aliunde
conventum ad hanc usque horam agendum non haberent, ut fusè narrat
Cassianus l. 3. de diurnis orat. c. 4. Et quidem primum [tribus psal-
mis & orationibus secundum modum qui antiquitùs in observatione
Tertiæ, Sextæ, & Nonæ trinæ confelsionis exemplo statutus est,]
officium Primæ, quam etiam Matutinum vocabant, celebrarunt:
Hos tres psalmos, idem Cassianus indicat ejusdem lib. c. 6. scilicet
quingagesimum, sexagesimum secundum, & octogesimum nonum,
quos huic novellæ solemnitati asserit fuisse deputatos.
2. Nulla Primæ mentio fit in utraque S. Cæsarii Regula ad Mona-
chos, & ad Virgines pro diebus privatis; sed solum pro Domi-
nica, idque in sola ad Virgines Regula à Bollando edita.
3. S. Pater Benedictus clarè & distinctè, ut reliqua omnia, Primæ
disponit officium: [Prima hora, *inquit*, dicantur psalmi tres singu-
latim & non sub una gloria, hymnus ejusdem horæ post versum *Deus* c. 17.
in adiutorium meum intende antequam psalmi incipiantur. Post expletio-
nem verò trium psalmorum recitetur Lectio una, Versus, & Kyrie
eleison, & missæ sint.] Psalmos autem singulis diebus sic variat, c. 1
ut Dominica ad Primam quatuor capitula psalmi 118. feria secunda
primum, secundum, & sextum psalmum, & ita per singulos dies tres
per ordinem psalmos usque ad psalmum 19. dicendos instituat; ita ta-
men ut nonus, & decimus septimus psalmi prolixiores dividantur
in binas glorias, & sic Dominica ad vigilias semper à vigesimo psal-
mo incipitur.
4. Longè prolixius est Primæ officium à S. Aureliano in ordine
psallendi Regulæ subjecto dispositum: [Post Matutinos, *inquit*, ad
Primam duodecim psalmi dicantur; hymnus *Fulgentis auctor asheris*;
Lectioes duæ, una de veteri, alia de novo testamento & capitellum;]
In Regula tamen ad Virgines sex tantummodo psalmos assignat.
Regula Incerti authoris S. Augustino adscripta psalmorum numerum c. 1.

» non proponit, sed indefinitè dumtaxat [ad Primam, inquit, & Tertiam
 » dicantur sui psalmi antiphonæ duæ, Lectiones duæ.

5. S. Isidorus nullo modo meminit Primæ, cujus licet mentionem
 faciat S. Fructuosus, preces tamen in ea dicendas non notat; à terna-
 rio autem psalmorum numero non recessisse crediderim, nam ad reliquas
 horas totidemque adsignasse videtur Reg. c. 2. huncque numerum
 antiquis Monachis placuisse patet ex Cassiano; S. Benedicto, & ex Re-
 gula Magistri, in qua etiam Primæ officium ita ordinatur: [Psalmi
 » namque per horas supra scriptas dici idest Primam, Tertiam, Sextam,
 » Nonam terni dici debent currente semper psalterio, singula Respon-
 » soria, Lectionem Apostoli, Lectionem Evangelij, quam semper Abbas
 » dicat, aut si absens fuerit, Præpositi vicibus dicent, post ipsam Rogus Dei.

6. Circa istud Primæ officium nonnulla observanda sunt. Primò
 ejus institutionem Cassiano antiquiorem non esse, ut rectè probat
 Gazeus in Commentario ad Cass. l. 3. c. 4. quidquid reclamant non-
 nulli; nam quod aliqui ex priscis Patribus mane orandum esse hor-
 tantur, hoc de Matutino, non de Primæ officio rectè intelligitur
 ut notavit Johannes Bona in lib. de divina psalm. c. 6. §. 4. n. 2. ubi
 adversariorum diluit argumenta.

7. Secundò ejus institutionis causam repetendam esse ex inertia &
 & somnolentia quorundam Monachorum, qui post Matutinas Laudes
 lecta repetentes, nulla alicujus conventus necessitate exire coacti,
 somno plus æquo indulgebant, ad Tertiam usque stertentes in lectis;
 quorum pigritia novæ alicujus synaxeos obligatione excitanda fuit.

8. Tertiò istud Primæ officium à Cassiano alteram Matutinam appel-
 lari, eo quod mane orto jam sole celebretur.

9. Quartò licet Prima à Matutinis alterum sit ac verè distinctum
 officium; à nonnullis tamen eodem tenore consequenter perfolvi: ita
 S. Aurelianus, nullo Matutinos inter & Primam interposito exercitio,
 [Post Matutinos, inquit, ad Primam duodecim psalmi dicantur:] Re-
 gula incerti authoris M. S. c. 2. [A Sancto autem Pascha usque ad Ca-
 » lendas Octobris post Matutinum officium mox Prima subsequatur;
 » & B. Aelredus in Regula ad Virgines saltem à Kal. Novembris ad Qua-
 » dragesimam albescente aurora Matutinas Laudes cum hymnis horæ
 » Primæ perfolvat.] Quomodo verò illud breve quod inter utramque
 horam intercipitur spatium à nostris transigeretur offensus in comm. ad
 c. 8. Notanda autem hinc S. Benedicti Anianensis Abbatis institutio,
 quam refert Ardo discipulus ejus in vita ipsius: [Tempore siquidem
 » ætatis post expletum Matutinorum officium, mox egredi ab Ecclesia
 » propter somnolentiam iussit, seseque calceantes, totis faciebus, ad
 » ecclesiam concitè redeant, & juxta præfatum ordinem altaria cum re-
 » verentia circumeant, sanctisque se aquis perfundant; & sic deinceps ad
 » loca constituta accedant diurnum expleturi honestè officium: Nostri ta-
 » men Gorzienses Matutinis Primam continuè subjungebant, ut docet
 Johannes

Johannes Abbas Mettensis in vit. Sancti Johannis Abbatis Gorziensis num. 82.

10. Quod ut diximus antiquis Monachis maxime placuit ternarius psalmodum numerus, ut patet ex Cassiano, S. Benedicto, & Magistro quibus ante versum *Deus in adiutorium* praeferunt nostri Buisfeldenses *Pater, Ave, Credo*, ut praescribunt in caeremoniali c. 11. His etiam praeferunt S. Benedictus hymnum, quem duodecim psalmis subjungit S. Aurelianus. Tribus hisce psalmis subjungebant olim nostri symbolum S. Athanasij dictum ut discimus ex catalogo Abbatum Floriacensium Tom. 1. Mille Baluz., ubi de Theodulfo Abbate. *Explanationem edidit symboli S. Athanasij, quod à Monachis post tres regulares psalmos ad Primam quotidie canitur.* Idem patet ex Tullensi S. Apri ordinario: [Omibus diebus Dominicis infra preces post *Domine exaudi* dicatur *Quicumque vult* Versus *Benedicat nos: collecta Omnipotens sempiterna Deus qui &c.* Ceteris autem diebus dicatur *Quicumque vult* ante antiphonam. Et infra in fer. 2. ad Primam hymnus *Jam lucis*, antiphona *Servus Domini*, psal. *Beatus vir: Quare fremuerunt: Domine re in furore: Quicumque vult.* &c. Idem videre est in M. S. Dionysij consuetudinibus ubi de feriis post octavam Epiphaniae.

11. Sexto Lectiones ad Primam duas assignat S. Aurelianus, unam de veteri, aliam de Novo testamento, quibus subjungit Capitellum, id est versiculum quem Antiqui Capitulum appellabant, Lectionibusque subjicere solebant; duas etiam Regula S. Augustino adscripta, eorundemque Regula Magistri, unam ex Apostolo, aliam ex Evangelio, quam semper legebat Abbas; S. Benedictus vero unicam dumtaxat.

12. Septimo cum S. P. Benedictus ait *Et missa sint*, missarum nomine intelligit non solum orationem Dominicam, sed etiam preces & collectas. Has preces ex M. S. Breviario Cassinensi hic describere duximus operæ pretium.

Capitula ad Primam.

Et ego ad te Domine clamavi
Repleatur os meum laude tua
Averte Domine faciem tuam à peccatis meis.
Cor mundum crea in me Deus
Ne projicias me à facie tua
Recede mihi lætitiā salutatis tuæ
Eripe me Domine ab homine malo
Eripe me de inimicis meis Deus meus
Eripe me de operantibus iniquitatem
Sic psallam nomini tuo Deus in sæc. sæc.
Exaudi nos Deus salutaris noster
Domine Deus in adiutorium meum intende
S. Deus, S. fortis, S. & immortalis.
Benedic anima mea Dominum

Et mane
Ut possim
Et omnes iniquitates
Et spiritum rectum
Et spiritum sanctum
Et spiritu principali
A viro iniquo
Et ab insurgentibus
Et de viris
Ut reddam
Spes omnium
Dñe ad adjuvandum
Agnus Dei qui
Et omnia

G

Benedic anima mea Dominum	Et noli oblivisci
Qui propitius sit omnibus ...	Qui sanat
Qui redimet de interitu vitam tuam	Qui satiat
Qui coronat te in miseratione & misericordia	Renovabitur

Confessio *a*

Confiteor Deo & omnibus Sanctis ejus & tibi Pater, mea culpa peccavi nimis in cogitatione, locutione, delectatione, consensu, & opere; propterea precor te ut ores pro me.

Misereatur tui omnipotens Deus, & dimittat tibi omnia peccata tua, liberet te ab omni malo, conservet, & confirmet in opere bono, & perducatur ad vitam æternam. Amen.

Indulgentiam & remissionem omnium peccatorum nostrorum tribuat nobis omnipotens Deus.

Cap.

Converte nos Deus salutaris noster	Et averte
Dignare Domine die isto	Sine peccato
Fiat Domine misericordia tua super nos	Sicut speravimus

Easdem preces omisso primo versiculo continet M. S. Breviarium ad usum Monasterij Germani à Pratis, in quo etiam ista superadduntur capitula.

Sacerdotes tui induantur justitiam
Domine salvos fac Reges
Salvum fac populum tuum Domine, & benedic hæreditati
Fiat pax in virtute tua
Oremus pro fidelibus defunctis
Animæ famulorum famularumque tuarum requiescant
Pro fratribus nostris absentibus
Pro afflictis & Captivis
Mitre eis Domine auxilium de Sancto
Domine exaudi orationem meam.

13. Deinde sequitur collecta. Easdem preces haud dubium dicebant Cluniacenses nostri apud quos teste Udalrico [Ad Primam sunt preces 31 versiculorum, & confessio suo loco est interponenda.] Quibus orationem Dominicam & symbolum Apostolicum præmittebant; quod etiam præstabant nostri Sandionysiani uno aut altero versiculo immutato. Circa confessionem verò, cujus hîc mentio fit, illud observandum, quod ab antiquioribus, non inter preces; sed ante psalmum quinquagesimum diceretur, ut patet ex antiquissimo ordine conver-

a Has preces dicebat Sacerdos Hebdomadarius, sed confessionem Prior cum conventu ita faciebat, ut dicto à Priore *Confiteor*, conventus subjungeret *Misereatur*; tum *Confiteor*: Postea Prior *Misereatur*, quo dicto Reliquas preces *resumebat* Sacerdos. Ita in MS. Conf. S. Germani Prat.

fationis Monasticæ, cujus caput tertium ita incipit: [Convenientes
verò fratres ad Primam, dum completur ipsum officium, ante psal-
mum quinquagesimum donent confessiones suas vicissim, pariter sup-
plici voto eorum certatim pro se orantes;] Quæ quidem verba in sua
ad canonicos Regula c. 18. transcripsit Crodegangus Mettensis Episco-
pus ubi [Post donent confessiones suas vicissim, addit, dicentes Con-
fiteor Domino, & tibi frater quod peccavi in cogitatione & locutione,
& opere, propterea precor te, ora pro me. Et ille respondet Misereatur
tui &c.] forte etiam precibus psalmum quinquagesimum immiscebant.

14. Ad præscriptum à S. P. Benedicto officium plurimas preces super-
addiderunt nostri, de quibus ita scribit Dunstan Concordia: [Finita Prima
duos psalmos *Domine ne in furere tuo* &c. 11. & *Misere mei Deus* &c. 1. canant; primum pro carnis tentatione cum precibus: *Proba nos Domine*, &
Non inveniat nos pes superbia &c. Et collecta *Ore igne*. Sequētem verò pro
defunctis fratribus cum collecta: *Inveniant quasumus Domine*, & prece
Anima fratrum nostrorum &c. Et sic more solito pœnitentiæ psalmos
percurrant devotè interpolato psalmo: *Inclina Domine*. His verò finitis
sublequatur litania, quam universi more solito prostrati humiliter,
nullo excepto, signo pulsato compleant, Quia expleta, post oratio-
nem Dominicam intercanitur psalmus: *In te Domine speravi* 11. cum
sequentibus precibus & orationibus.

15. Ejusdem ritus meminit Lantfrancus in statutis: [Surgentes
inquit, fratres in nocturnalibus suis, & infantes & juvenes cum lumina-
ribus suis veniant in Ecclesiam, & facta oratione cœrent Primam,
& psalmos familiares cum suis collectis, & septem psalmos, & li-
taniā, inde exeuntes &c.] Hæc ille exercitia disponens ab Octobri
ad Adventum. Atque hic ritus vigeat passim in ordine nostro. Clu-
niacenses verò qui ut jam diximus post horas singulas quatuor psalmos
adjiciebant, ad Primam psalmum 50 pro Abbatibus defunctis super-
addebant, quem psalmos 141. quem ad omnes horas quarto loco di-
cebant pro defunctis, præponebant. Præterea, inquit, Udalticus
[Textus fidei scilicet *Quicumque* à S. Athanasio conscriptus, (cujus
nonnullæ Ecclesiæ nec meminerunt nisi in sola Dominica) nullo die
obmittitur ut non dicatur à nobis, sed in privatis diebus simul cum
aliis psalmis, in Dominica post preces.

16. Postea psalmos pœnitentiales dicebant & letaniā, de qua sic
scribit Udalticus: [Letania ita inchoatur: *Kyrie eleison: Christe eleison:*
Christe audi nos &c, ita deinceps nominantur de Sanctis plus minus
Septuaginta tres. Sequentes versus ad ipsam divinam pronuntiationem
destinandi sunt quadraginta tres. Qui autem post Dominicam oratio-
nem, & post alios psalmos antecedunt collectas, sunt hujusmodi: *Et*
veniat, & de cætero idem qui dicuntur ad psalmodiam: *Deus aurius*,
nisi hic solus: *Oremus pro fidelibus defunctis*; Collectæ: *Deus cui pro-*
prum: Omnipotens sempiternus Deus qui facis: Præstende Domine famul.

„ *Deus à quo sancta desideria.* A Pascha usque ad festivitatem Sancti Michaelis contra tempestatem Psal. *Benedixisti : A Domo tua : Absolve*
 „ *Domine : Deus qui es sanctorum splendor mirabilis.*] Ex quibus discimus
 „ præter septem pœnitentiæ psalmos , etiam alios letaniarum precibus
 post orationem Dominicam insertos fuisse. Quinam verò essent illi
 psalmi adjecti docet nos MS. S. Germani à Pratis Breviarium , in cu-
 jus letania quæ privatis diebus dicebatur post Primam habentur
 Sanctorum invocationes numero 94. quibus recentiori manu additæ
 sunt 16. versus post invocationes 42. post *Agnus Dei* & orationem Do-
 minicam. Psalmi *Deus in adiutorium* ; *Levavi : Ad te levavi : Judica*
me Deus & discerne. A Pascha ad Cal. Octob. *Benedixisti* , Deinde
 versus novem cum prædictis collectis adnotantur. In collectaneo M. S.
 Monasterij de S. Petro supra Divam extant invocationes Sanctorum 111.
 versus 41. Psalmi duo , scilicet *Deus in adiutorium* ; *Levavi oculos* ,
 versus novem & collectæ.

17. In antiquis etiam Germaniæ consuetudinibus septem psalmorum
 pœnitentialium post primam dicendorum aliquoties fit mentio : Simili-
 ter in M.S. S. Benigni Divionensis consuetudinibus c. 64. in antiquo Cor-
 beienfi Ordinario ; in vita S. Johannis Abbatis Gorzienfis n. 82. in vit.
 S. Stephani Abbatis Obazinenfis Septem psalmorum & letaniæ. Ex
 quibus omnibus apparet receptam ubique passim prolixam illam quam
 hic describimus psalmodiam. Confirmant S. Dionysij Consuetudines an-
 tiquæ præscribentes ut , [Post Primam dicantur psalmi familiares : *Do-*
 „ *mine ne in furore tuo : Ad te levavi : Miserere mei Deus : Deus in adiutorium :*
 „ *Voce mea : Requiem æternam : Pater noster ; Et ne nos : Salvum fac : Salvos*
 „ *fac : Fiat pax in virtute : A porta inferi : Dominus vobiscum.* Oratio
 „ *Largire quasumus Domine , & dicatur tota oratio : Et pacem tuam :*
 „ *Et famulum tuum Regem* Oratio *Annue nobis Domine , & Anima fa-*
 „ *mularum famularumque totam ;* Similiter ad finem orationum dicatur
 „ *Per Dominum nostrum.* Si xij Lect. fuerint ; Si verò non fuerint , di-
 „ catur tantummodo *Per Christum Dominum nostrum.* Deinde dicantur
 „ psalmi vij cum letania , post letaniam psalmi *Deus in adiutorium : Le-*
 „ *vavi oculos : Ad te levavi : Judica me :* Isti quatuor psalmi dicendi sunt
 „ semper post letaniam privatis diebus ab octavis Paschæ usque ad fe-
 „ stum S. Remigij. Pro fructibus terræ dicitur psalmus *Benedixisti.* Deinde
 „ dicantur preces & orationes quæ sequuntur post letaniam. Deinde can-
 „ tetur missa m. tutinalis ; & teneatur iste ordo ab octavis Paschæ us-
 „ que ad festum S. Remigij ;] Et liber usum Beccensium [A Pascha
 „ *inquit* , usque ad octavam Pentecostes omnibus privatis diebus , &
 „ omnibus privatis octavis per annum ad Primam dicuntur *Deus in adju-*
 „ *torium : Ad te levavi : Miserere mei Deus* pro Prælati : *Voce mea : Requiem*
 „ *æternam :* Deinde vij psalmi , post letaniam. Ab octavis Pentecostes
 „ usque Pascha nisi festum aut octavæ fuerint , dicuntur ad Primam
 „ *Domine ne in furore ij. Ad te levavi : Deus in adiutorium meum : Ad se-*

vere mei Deus : Requiem aeternam : Deinde vij psalmi & letania
In Quadragesima festis diebus ad Primam ij psalmi familiares dic-
cuntur : Deus in adiutorium : Ad te levavi . Gloria Domine ; qui
psalmus dicitur pro psalmis prostratis , quia festis xij Lectionum non
dicuntur Miserere mei Deus : Ad Dominum cum tribulaver : De profun-
dis : Vox mea , postquam tricinarium inceptum fuerit ; nam ante vel
post similiter non dicuntur , si unum dicitur , aliud dimittitur . Septem
psalmi cum letania :] Et Tullense S. Apri ordinatum . Post Primam
isti sex psalmi dicantur , tres primi cum gloria , & tres ultimi sub in.o
Requiem aeternam : Domine ne in furore ij : Ad te levavi : Deus in ad iu-
torium : Miserere : De profundis : Vox mea : Pater noster : Et te nos :
Domine salvos fac Reges : Salvos fac servos : Domine rex . secundum : Fiat
pax : A porta : Dominus vobiscum : collecta : Famulos & mulas tuas
quasimus Domine tua semper : Actiones nostras : Annue nobis Domine .
 Postea dicantur vij psalmi poenitentiales cum letania.

18. Hæc omnia fratre retulimus testimonia , non solum ut inde clarum fieret communem omnium monasteriorum ordinis nostri consuetudinem fuisse vij psalmos cum letania recitandi , sed etiam ut declararemus quos & quot psalmos familiares , quas cum eis preces recitarent , qua in re non una fuit omnibus agendi ratio ; nam alij duos duntaxat psalmos familiares cantabant , ut videre est in Concordia Dunstani ; alij tres , ut Beccensis ; alij quatuor ut Dionysiani ; alij quinque , ut Cluniacenses Divionenses , & Corbeienfes ; alij denique sex ut Tullenses Sancti Apri , quibus vij psalmos poenitentiales & letaniam omnes subponebant.

19. Verum familiares psalmos postea dimiserunt Floriacenses nostri , ut discimus ex statutis capituli Floriacensis , Abbatum Floriaci , & Prioris , & conventus de Regula anno 1299. editis ; nam statutum secundum ita effertur : [De cetero psalmi familiares in conventu non dicantur ; sed solummodo privatis diebus post Domine exaudi orationem meam , antequam Hebdomadarius dicat Dominus vobiscum : Miserere mei in Adventu & à die Mercurij cinerum usque ad Pascha .] Hanc tamen divini servitij diminutionem aliquo modo compensant edito statuto tertio , ut [Servitium B. Mariæ & mortuorum magis solemniter fiat .] Præter familiares psalmos , vespertas etiam & Laudes omnium SS. ex solito servituti penso detraxerunt in statuto quarto his verbis expresso : Statutum est à Domino Guillelmo Abbate , & remissum quod aliquis non teneatur dicere vespertas neque Laudes de omnibus SS. sed loco vespertarum & Laudum debet dici in conventu una antiphona post suffragia cum collecta ; videlicet *Salvator mundi* vel *Beati eritis* .] Rejete erat jam antea ineunte sæculo xij. prolixam illam psalinodiam , quamvis non sine scrupulo , Bernardus Abbas Tironensis : querentibus enim discipulis deesse sibi ad victum necessaria , nec satis super esse temporis propter officij & psalinodiam prolixitatem ad ea sibi labore manuum

apud
Boll.
14.
April.

comparanda, respondisse fertur: *Psalmos quid in qui per omnia fere monasteria ex more decantantur, nisi Dominus aliquid revelet vereor omittere.* Postea tamen Divino invocato auxilio, *imperavit dixitque se pro certo scire, quod Deus malebat illos laborando sibi vitium acquirere, quam tam multiplicibus psalmodiis insistere ut scribit in ejus vit. Gaufridus ejus discipulus.*

CAPVT V.

De Capitulo.

1. **C**apitulum vocamus eam Monachorum congregationem, quæ mane fit in Monasteriis ad Martyrologij, Necrologij, Sacræque Regulæ lectionem, culparum emendationem, ac laboris injunctionem distributionemque, à capitibus seu superioribus cænobiorum qui simul cum aliis conveniebant ut volunt nonnulli, seu quod verius crediderim à Regulæ *Capitulo* quod in ea legebatur ita appellatam; ex quo factum est ut tam ipsa congregatio, quam locus ubi fieret ac res quæ in ea tractarentur, *Capitulum* nuncuparentur qua de re fusè satis Haest. lib. 8. Tr. 1. disq. 1.

2. Tempus congregandi Capituli duplex apud nostros reperio; post Primam scilicet, & post Tertiam. Primum assignat antiquissimus ordo conversationis monasticæ c. 3. quod suæ ad Canonicos regulæ inseruit Chrodegangus Mettensis Episcopus c. 18. Similiter Antiquæ consuetudines S. Benedicti Anianensis Abbatis tom. 4. Analectorum, de quo etiam Ardo discipulus ejus in vita illius n. 52. Instituit ut [expleta
sec. 4. „ Prima in unum congregati solvant capitulum.] Item antiquum S. Justinæ cæremoniale p. 1. c. 16. præscribens ut Prima dicta, & missa matutinali fiat capitulum; denique Bursfeldenses in cæremoniali dist. 1. c. 4. Econtra tempus alterum notatur in vita S. Geremari Abbatis Flaviacensis n. 15. [Tertia verò hora diei post lectionis disputationem in capitulo ante pedes omnium prostratus. &c.] & apud Adrevaldum
sec. 2. „ in lib. Mir. S. Benedicti in Gallia c. 28. [Residentibus hora diei tertia,
sec. 2. „ post lectionem capituli regularis Sanctorumque memoriam &c.] At S. Dunstanus in Regulari concordia Monachorum Sanctimonialiumque
c. 1. & 5. utrumque tempus decernit; scilicet æstate post Primam, hieme post Tertiam: Dunstano subscribit S. Lantfrancus in statutis c. 1. §. 1. & 5. Idemque videre est in antiquis S. Germani à Pratis consuet. & in lib. usum Cisterciens. c. 70. & 74. & quidem ut mihi videtur omnino ad mentem S. Benedicti, nam cum ideo inter alia convocetur capitulum, ut in eo fiat laboris distributio, & ex Regulæ Benedictinæ cap. 48. à Pascha

ad Cal. Octob. post Primam, & à prædictis Calendis post Tertiam laborandum sit, recte omnino æstate post Primam, hieme post Tertiam capitulum instituitur.

3. Locus capituli erat claustro contiguus ad Orientem: [In claustris conventuum, inquit Petrus Blesensis, quatuor loca cum propriis deputantur officiis: In latere claustrum Occidentali est Scholaris subjectio; in eo quod contigit ecclesiam lectio moralis; in ipsa ecclesia meditatio spiritualis; ad orientem in capitulo correctio materialis;] Hinc ordo antiquissimus conversationis Monast. rationem ad capitulum veniendi describens: [Veniant, inquit, omnes ad capitulum, & conversi ad orientem salutem crucem,] & antiquum Affigeniensis Monasterij Rituale part. 1. c. 3. [Quilibet in medio capituli inclinet se profundè ad orientem] & revera in omnibus antiquis nostræ congregationis Monasteriis in quibus mansi ita esse perspexi. In Fontanellensi Monasterio S. Ansegisus [Jussit condere domum juxta absidam Basilicæ sancti Petri ad plagam Septentrionalem, quam conventus seu curiæ, quæ græce Belenterion dicitur appellari placuit propter consilium in ea de qualibet re perquirentes convenire fratres soliti sint,] ut habetur in ejus vit. n. 9. sæc. 4. part. 1. p. 635. At in antiqua Monasterij S. Galli delineatione nullus est capituli locus, sed omnes capitulares actus in ipso claustro tractabantur in ea parte scilicet quæ respiciebat ad Septentrionem eratque ecclesiæ continua.

4. Porro congregabatur capitulum ad signum squillæ seu campanulæ ab ipso Præposito sive Priore pulsatum, ut discimus ex concordia Dunstani: [Facto signo à Priore convenientes ad capitulum; &c.] clariùs ex statutis Lanfranci: [Tunc jubente Abbate, Prior sonet signum minimum, deinde omnes eant in capitulum;] Ex consuetudinibus Germaniæ MS. n. 4. [Capitulum Prior minimo signo & collationem, sed breviter percussio annuntiet;] ex l. Usuum Beccensium: [Omnibus festis diebus dicta Prima, & facto parvo post psalmos familiares spatio, sonat Prior minus signum ad conveniendum in capitulo tandiu donec *Miserere mei*, dici possit.] Apud Cistercienses tamen capituli signum dabat ipse Sacrista: Post Missam matutinalem, inquit, in lib. Usuum, [Sacrista pulset signum ad convocandum fratres in capitulum.

5. Vocati autem ad capitulum conveniebant non quidem tumultuatim; sed, ut ait Lanfrancus in statutis, [Duo & duo sicut sunt Priores; Majores primò, postea infantes;] & quidem Priore ipso præcedente ex concordia Dunstani; Recitantes interim aliquas preces ut decernunt Cassinenses in declarationibus ad cap. 17. his verbis: [Secundum antiquam nostram consuetudinem dicta Prima immediate processionaliter exeundo de Ecclesia commemorationem facimus de fratribus defunctis, familiaribus, & benefactoribus nostris, cum psalmo *De profundis* & oratione *Deus venia largitor* &c. & pergitur in capitulum.

6. Intrantes capitulum principalem primò locum, deinde seipfos
 In conc. invicem salutabant, tum sedebant; [Convenientes ad capitulum *inquit*
 c. 1. „ Dunstanus, ipso præcedente, versa facie ad orientem salurent crucem,
 „ & cæteris undique fratribus se vultu inclinato humilient.] Similiter an-
 c. 3. „ tiquus ordo conversationis Monasticæ: [Veniant omnes ad capitu-
 „ lum & conversi ad orientem salurent crucem, & cæteris fratribus se
 „ undique humilient;] & antiquum Afligeniensis Monasterij Rituale:
 prima „ [Venientes autem ad capitulum antequam ad suas sessiones eant, qui-
 part. „ ber in medio capituli inclinatur se profundè ad orientem. Idem
 c. 3. „ observabant Carthusienses ut patet ex antiquis eorum statutis part. 1.
 „ c. 36. & part. 2. c. 12. [Intrantes & exeuntes de capitulo ad crucem nuda-
 „ tis capitibus inclinamus;] idem habent in nova coll. statut. 2. part.
 „ cap. 8. n. 1. Ubi obiter observabis antiquum morem crucis in medio ca-
 „ pituli collocandæ: Cistercienses verò hac de re sic statuunt: [Fratres au-
 „ tem audito signo conveniant in capitulum, inclinantes ante sedes suas,
 „ & cum sederint humilient se mutuo, veniente verò Abbate, vel
 Lib. „ quolibet alio qui capitulum tenere debet, ei omnes assurgunt, incli-
 usu. „ nantes tantum Abbati transeunti, eoque sedente resideant: Sed ille qui
 c. 70. „ Abbatem, nec tamen super genua vel articulos; & sic resideat.

7. Congregati omnes atque in unum sedentes ad actus capitulares
 procedebant, ex quibus tres dumtaxat memorat Radulphus Tungrensis
 in lib. de observantia canonum: [In officio autem capituli quod sit
 prop. „ post Primam fiunt tria: Primò memoria SS. in recitatione Martyro-
 14. „ logij cum versu *Preiosa*, & capitulo *Sancta Maria*. Secundò memoria
 „ defunctorum in anniversariis recitandis cum *Miserere mei Deus*, & col-
 „ lectis. Terriò quia tunc ad labores diurnos præparari debemus, addunt
 „ preces congruentes dicendo ter: *Deus in adiutorium* &c.

8. Sed multo plures capitulares actus jure recensere possumus. 1.
 Lectionem Martyrologij cum collecta sequenti. 2. Divini invocationem
 auxilij ad Reliquos diei actus per *ψ. Deus in adiutorium* &c. 3. Lectio-
 nem Regulæ aut alicujus homiliæ. 4. Commemorationem defunctorum
 & benefactorum per Lectionem Necrologij 5. Commemorationem
 irem Benefactorum viventium cum precibus. 6. Officialium institu-
 tionem. 7. Culparum correctionem. 8. Laboris injunctionem, de quibus
 singillatim & breviter pro modulo nostro.

9. Primus itaque actus capituli assignatur Lectio Martyrologij,
 can. „ Aquisgranensi synodo statuerit [Ut ad capitulum *primitus* Martyro-
 66. „ logium legatur;] quæ tamen lectio antea in usu fuisse docet anti-
 „ quus ordo conversationis Monasticæ, patetque ex vita Sancti Wan-
 „ donis Abbatis Fontinellensis, qui suo monasterio legitur dedisse [co-
 „ dicem in quo continetur Regula S. Benedicti, & sancti Columbani,
 „ & Martyrologium;] quia nimirum una cum regula legebatur mane
 in capitulo. spicileg. Tom. 3.

10. Circa

10. Circa hanc Martyrologij lectionem observandum: Primò quod lector in medio capituli constitutus benedictionem postulabat ad legendum: [Et petat benedictionem lector, & recitentur nomina sanctorum,] inquit Ordo conversationis Monasticæ, ann. 1659. Neapoli editus; Et liber Usuum Cisterciensium: [Lector verd veniens ante analogium aperiat librum & inclinet se ad benedictionem;] Et Bursfeldenses: [Procedat in medium qui lecturus est, ad benedictionem humiliter se inclinans; qua data resideant; sed nemo ante præsentem:] Hinc etiam in antiquo Calsinensi Breviario M.S. à nobis jam toties citato precibus quæ Martyrologij lectionem subsequi solent, præmittitur ista Benedictio: [Dies & ætus nostros in tua pace disponat omnipotens Dominus; quæ in M.S. S. Dionysij consuetudinibus incipit sic: *In tuam mandatum*, et quæ à pueris petenda. Et tamen ex antiquis Germanicæ consuetudinibus M.S. ad solum Prioris Sacerdotis nuntium legi debet Martyrologium: [Facto signo itur ad capitulum, & sedentibus cunctis, Prior Sacerdos dat lectori signum ut legat;] sed neque in Concordia Dunstoni, neque in Decretis Lanfranci, neque in M.S. consuetudinibus S. Germani à Pratis ulla sit mentio petendæ benedictionis ad lectionem Martyrologij.

11. Secundò eos semper annuntiabant Sanctos quorum natalis dies in diem sequentem incideret, sive ut habet antiquus ordo conversationis monasticæ, [quorum festa crastina dies excipiet;] quibus diem mensis & lunæ præmittunt: [Pulchritur ad capitulum,] inquit, M.S. consuetudines S. Germani à Pratis, & legentur calendæ & pronuntiabitur qualis sit luna, & quanta fuerit, & annuntiabuntur festivitates Sanctorum.] Et ceremoniale Bursfeldense: [Lector legat lectionem de Martyrologio, præmittens quorundam mensis & lunæ juxta computationem Kalendarij, & pronuntiatur non præiens dies, sed semper crastinus.

12. Tertio, [In illa lectione non dicit *Tu autem*; sed aliorum plurimorum Sanctorum] addunt consuetudines S. Germani à Pratis: Ita nimium lectionem Martyrologij concludunt. De hac clausula ita in Chronico chronicor. fol. 166. [Ulfardus qui jussu Caroli Magni compilavit Martyrologium, reperit singulis diebus plusquam trecenta festa concurrere; ideo statutum fuit ut diceretur: & aliorum plurimorum Sanctorum Martyrum, &c.] tuncque, ut ait liber Unum Cisterciensis. [Surgant fratres, & vertant se ad orientem dicentes vestrum qui in collectaneo habetur, idest Pretiosa in conspectu Domini, Sacerdote Hebdomadario incipiente;] quem sequebatur dicenda à Sacerdote oratio: [Ipsi & omnes Sancti Dei intercedant pro nobis, ut mereamur à Deo adjuvari, qui vivit & regnat in sæcula sæculorum Amen] Cui quidem orationi religionis ac devotionis ergo in beatissimam Dei genitricem præmissum est à recentioribus sacratissimum B. Maria nomen hoc modo: *Sancta Maria & omnes sancti* &c. Neque enim re-

peritur in antiquo ordine conv. Monasticæ, neque apud Chrodegangum in Regula Canon. neque in M. S. consuet. S. Germani à Pratis, neque ceremoniali Bursfeldensium: Hæc tamen adlitio non ita recentioris est institutionis, nam extat in M. S. Breviario Calsinensi Institutionis Oratorij in quo utrumque dicendi modum, diversitamen in locis reperi.

13. Hæc oratio, ut diximus à Sacerdote dicebatur: in ordine tamen Monastico apud Hæstenum, & in M. S. S. Germani à Pratis à Priore dici præfribitur, pro quo in editione Neapolitana habetur *Presbiter*. Hæc sunt præcipue quæ Martyrologij lectionem spectant saltem pro diebus quotidianis.

14. Secundus Capitularis actus erat divini invocatio auxilij ad omnes diurnos actus per *ψ. Deus in adjutorium*, præcæque reliquas, quas etiam nunc in fine Primæ recitamus; de quibus observanda sunt nonnulla.

15. Primò hujusmodi preces non erant simplex præparatio ad laborem manuum, ut existimant fortè nonnulli; sed ad omnes diurnos actus respiciebant, ut satis indicant ista collectæ verba: *Dirigere & sanctificare ... hodie corda* &c. Ad laborem verò manuum in fine capituli, post emendatas culpas, iterum dicebatur tertio *ψ. Deus in adjutorium meum*.

16. Secundò hic versus nocturno silentio finem imponebat, ut discimus ex ordine Monasticæ convers. Neapoli edito, ubi post orationem: [*Ipsi & omnes Sancti, sequitur: Deinde dicatur versus ad solvendum silentium, id est Deus in adjutorium meum intende &c.*] & de hoc versu intelligendum puto locum illum ex consuetudinibus à Benedicto Abbate Anienfi suis in monasteriis institutis: [*Et nocturnum silentium semper ab eis custodiri sive intus sive foris sint, quousque in capitulo versum dicant:*] Ubi etiam obiter notandum est olim nocturni silentij finem alicujus signi sonitu indicatum fuisse, ut discimus ex Adelerio Monacho in Appendice ad lib. mirac. S. Benedicti in Gallia ab Adrevaldo c. 40: [*ut verò se lux diei terris clara infudit, fratribus somno experrectis, idem sonitu fusilis tabulæ olim referendæ locutionis gratia compactæ Abbatem Theobertum cum reliquis adfiscens, &c.*]

17. Tertiò versus ille: *Deus in adjutorium meum*, ter à Priore vel Sacerdote ex integro dicebatur; terque item à congregatione repetebatur, ut patet ex antiquo Ordine conversationis monasticæ: [*Dicatur versus ad solvendum silentium, id est Deus in adjutorium meum intende: Domine ad adjuvandum me festina*] tribus vicibus, Priore incipiente, cæteris autem respondentibus idipsum tertio. Extat hac de re capitulum undecimum Monachorum Sangallensium in hæc verba: [*Ut versus ad capitulum, id est Deus in adjutorium meum à Presbitero ter, terque à congregatione repetitus dicatur, & dicta gloria, post hoc non adjungant alleluia:*] Accedit ceremoniale Bursfeldensium in quo

T. 4. „
anal. „

sec. 1. „

Ben. p. „

392. „

sec. 4. „

bened. „

part. „

1 pag. „

741. „

præscribitur, ut à Sacerdote [subsequatur versus *Deus in adiutorium meum intende*, quem tertio dicit ex integro & toties repetitur à conventu, addita post ultimam repetitionem *Gloria Patri*.] Dunstanus vero non ita clarè rem enuntiat, cum decernit ut prædictus versus [tertio repetatur ab omnibus Priore incipiente.] In M. S. S. Dionysij consuetudinibus si dies privatus non fuerit, hic versus præcipitur omitti.

18. Quarta ad Litaniam seu Kyrie eleison flebant genua, surgabantque ad orationis Dominicæ conclusionem: Ita in antiquis Germaniæ consuetudinibus M. S. quod confirmat capitulum 12. Monachorum Sangallensium: [Ut *Kyrie eleison* oraturi in capitulo, utrumque genua flectentes corfona voce tribus tantum vicibus dicant, id est *Kyrie eleison: Christe eleison: Kyrie eleison*. Similiter in refectorio sed sine genuflectione;] Et antea antiquus Ordo conversationis monasticæ: [Et flectentes genua orant, & dicat Prior *Et ne nos inducas in tentationem*, ceteri respondeant *Sed libera*; surgentes iterum dicant versum pariter *Respice in servos tuos* usque in finem psalmi, subiungentes *Gloria Patri*;] Similiter concordia Dunstani: [Et flectentes genua si tempus dixerit: dicente vero Priore *Et ne nos inducas* surgant omnes, erectoque vultu dicant *Respice in servos*, subiungentes *Gloria humillato capite*;] Liber Visum Cisterciensium: [Prosterantur super sedes superiores, aut incurventur super genua secundam tempus, dicentes simul *Kyrie eleison* & quando Sacerdos dixerit: *Et ne nos inducas in tentationem* erigantur donec Sacerdos dicat: *Dirigere & sanctificare*, & tunc incurventur; denique ceremoniale Bursfeld. Deinde letaniam scilicet *Kyrie eleison: Christe eleison: Kyrie eleison*: alternatim per choros dicant, & consequenter prostrati aut pro temporis qualitate incurvati sub silentio *Pater noster* usque ad *me nos*, quam partem postquam erectis ad sonitum præsentis fratribus Sacerdos dixerit, & conventus respondeat: *Sed libera nos à malo*, subiungat Sacerdos versum: *Respice*] &c.

19. Quinto denique oratio *Dirigere* ita effertur in antiquo ordine conversationis Monasticæ edit. Neapol. *Dirigere & sanctificare digneris Domine Jesu Christe fili Dei vivi hodie corda & corpora nostra in via tua, & in operibus manuum tuarum, ut hic & in æternum per te salvi esse mereamur Salvator mundi qui vivis & regnas in sæcula sæculorum Amen*. In antiquo autem Breviario Monasterij Calsinensis Institutionis oratorij ita: *Dirigere & sanctificare, & custodire dignare Dominus Deus omnipotens Rex cæli & terra hodie corda, & corpora nostra, sensus, sermones, & actus nostros in lege tua, & in operibus mandatorum tuorum, ut hic & in æternum per te salvi esse mereamur, qui vivis & regnas*. Brevius in Breviario M. S. S. Germani à Pratis: *Dirigere & sanctificare dignare Domine Sancte Pater omnipotens æternæ Deus hodie corda & corpora nostra in lege tua, & in operibus mandatorum tuorum, ut hic & in*

aternum te auxiliante semper salu esse mereamur. Hæc oratio ex antiquo Ordine conversationis monast. à Priore est dicenda; ex lib. usuum Cisterc. à Sacerdote; ad quam ex eodem libro, & cerem. Bursfeld. semper incurvari debent omnes. Ea finita Prior ex eodem ordine monastico subponebat *Ajutorium nostrum in nomine Domini*; ceteri respondebant, *Qui fecit cælum & terram.*

20. Tertius capitularis actus prædictas preces immediatè sequebatur lectio Regulæ, de qua satis multa in commentario ad Regulæ c. 66. ad hanc sedebant omnes, ita tamen ut prius affideret qui capitulo præerat; in cuius fine subponebat Lector: *Tu autem Domine*; sed nullam initio videtur petiisse benedictionem. Prælectum Regulæ capitulum exponebat Prior, aut cui iusserat ille, ut genuinus ejus sensus omnibus innotesceret.

21. Dominicis festisque diebus vice Regulæ aliqua homilia ex Patribus legebatur, unde etiam in MSS. cod. unâ cum Martyrologio reperitur Regulæ, & initium Evangeliorum totius anni, cum quibusdam homiliæ lineis ad hunc finem exaratis, ut videre est in M. S. codice S. Germani à Pratis notato N. ubi hujusmodi Evangelii hæc præmittitur inscriptio: [In diebus Dominicis festis semiduplicibus, & supra feriis
 4. temporum Adventus 4. feria & 6. ac vigiliis Nativitatis, Pentecostes, feriis quoque octavarum Paschæ, necnon Pentecostes, post lectionem
 Martyrologij legitur de Evangelio, cæteris autem diebus de Regula.
 Vid. comm.

22. Lectionem Regulæ vel homiliæ excipit in M. S. Sancti Germani à Pratis consuetudinibus, & cerem. Bursf. lectio Necrologij, cujus tamen nulla sit mentio neque in antiquo ordine Monastico, neque in concordia Dunstani, neque in statutis Lantfranci, neque in M. S. consuetudinibus Germaniæ: nihilominus videtur Necrologiorum usus satis antiquus; nam Regis Osyvaldi depositionis diem annotatum fuisse in codice defunctorum legimus apud Bedam, quem etiam *Annalem* vocat; an verò hujusmodi lectio adeo sit antiqua non ausim affirmare. Quid quid sit, certè nonnullæ hîc minutiae hac de re nobis sunt observandæ.

23. Primò. Ante quoscumque adnunciabatur Abbatum obitus si ea die contigisset: Deinde Monachorum, tum externorum qui speciali aliquo beneficio in Necrologio monasterij meruissent inscribi, quamvis in nonnullis promiscuè insererentur Necrologiis.

24. Secundò inter Abbates & Monachos aliosque hoc erat discriminis, quod anniversaria Monachorum dies, per verbum *obit* annunciarentur; Abbatum verò hoc modo *Depositio Domini N. Abbatis*; saltem ita in nostro Parisiensi S. Germani à Pratis Necrologio.

25. Tertiò Ad nomen Abbatis præmittebatur ubique vox *Domini*, non item ad monachorum, qui puro ac nudo nomine recitabantur.

1.4 hist.
 Angl.
 c. 14.

26. Quartò adiciebatur gradus & ordo personarum; Abbas Monachus, Præpositus, Cantor, Sacrista, Episcopus, Sacerdos, Imperator, Rex, Regina, Miles, &c.

27. Quinto Monachis monasterij inferebantur aliorum etiam cœnobiorum ascetæ cum quibus societatem habebant, aut omnes, aut aliqui tantum quibus ex conventionem ita concessum erat. Sic V. Beda ad Eadfridum Episcopum fratremque Lindisfarnenses scribens rogat, ut in defuncto pro redemptione animæ meæ quasi pro familiaris & vernaculi vestri orare, & missas facere, & *Nomen* meum inter vestra scribere dignemini:] Cudbertus Abbas Wirenutensis in epist. ad Lullum Archiepiscopum, quæ est inter Bonifacii epistolas 95. : [nomina fratrum quæ ad nos misistis cum nominibus hujus Monasterij fratrum dormientium in Christo scripta continentur;] Et in litteris Societatis inter Stabulense & Solemniacense Monasterium, quæ extant sæc. 2. p. 1093. : [Nomina verò defunctorum fratrum Stabulensis cœnobij Martyrologio Solemniacensi conscripta per singulos dies cum suorum fratrum anniversariis recitabuntur,]

28. Sextò. In Necrologiis Monachorum inferebantur etiam Sancti ab Ecclesia ut tales recogniti; nonnulla hæc de re exempla profert Haftenus l. 8. t. 1. disq. 4. & in nostro S. Germani à Pratis Necrologio Kalendis Januarij repetitur depositio Domni Odilonis Abbatis.

29. Septimò Cum benefactorum nomina recitabantur, collata etiam ab his Monasterio proferebantur beneficia precesque pro ipsis dicendæ: Extat hujus rei exemplum in Necrologio S. Germani à Pratis: [Pridie idus Januarij obiit ... Hugo Marescallus, anniversarium ejus & amicorum suorum, & Episcopi Johannis Belmacensis Abbas Hugo totumque capitulum singulis annis in perpetuum faciendum concesserunt: Per Odonem enim clericum nostrum prædict. Hugonis filium datum est Ecclesie Beati Germani lignum Dominicæ crucis. In die verò obitus prænominati Odonis anniversarius iste annis singulis celebrabitur.] Idem patet ex litteris Richardi Archiepiscopi & totius conventus ecclesie Cantuariensis ad Ludovicum Francor. Regem, in quibus grates prædicto Regi referunt, suffragia sua, ac preces per plurimas concedunt, atque promittunt, [ut autem nulla oblivione deleri debeant in posterum hæc omnia in Martirologio nostro, *inquirunt*, scribi fecimus & singulis annis die recordationis vestræ relegenda statuimus,] Extant apud Reynerium de Apost. Bened. in Angl. appendice 3. p. 254.

30. Octavò Unius & ejusdem defuncti per plures dies commemoratio aliquando fiebat, cujus rei exemplum nobis suppeditat Hugonis 3. Abbatis S. Germani à Pratis, qui anno 1181. obiit, quædam charta foundationis seu institutionis sui anniversarij, in qua inter alia hæc decernit: [Præter hæc etiam ut per illos sex dies qui sunt inter primum anniversarij diem & octavum quotidiana de nobis fiat in capi-

tulo memoria, & ibi nos conventus sicut in prima die & octava specialiter & nominatim absolvat.

31. Nonò. Ad Majorem rei firmitatem & securitatem qui anniversaria sibi instituebant atque fundabant, chartas hujusmodi foundationis in capitulo legi quotannis aliquando volebant, ut pater ex eadem prædicti Hugonis charta, in cuius fine ita habetur: [Porro ut hæc omnia successorum nostrorum memoriæ facilius semper occurrant, & fideliùs imprimantur. Præcipiendo sub præscripta statuimus conditione, quatenus hujus nostræ institutionis pagina, singulis annis in vigilia anniversarij nostri post lectionem capituli coram omnibus in conventu legatur.

32. Decimò. Præter speciales preces quæ nonnullis ex aliqua fundatione erant attributæ, fiebant & aliæ quotidie pro defunctis quas exeuntes à capitulo recitabant: [Surgentes à capitulo, inquit, Dunstanus in concordia, canant quinque psalmos pro defunctis, Verba mea: Domine ne in furore: Dilexi quoniam: Credidi: De profundis:] Eisdem psalmos assignant M. S. consuetudines Germaniæ, quos etiam post Matutinos dici præscribunt consuet. S. Dionysij in Francia.

33. Undecimò. Cistercienses nullam videntur fecisse defunctorum specialem mentionem, sed generalem tantummodo; nam lecta Regula, & tabella officialium, lector consequenter addebat: [Commemoratio omnium fratrum & familiarium defunctorum ordinis nostri:] deinde qui capitulum tenebat subjungebat, *Requiescant in pace.* Respondebant *Amen.* Si tamen absolvendus aliquis erat defunctus, exposita sententia, sive facto sermone, ad cantoris admonitionem absolvebatur. Similiter si ultimus tricennarij dies commemorandus esset, hunc cantor commemorabat. Ita etiam si breve recens defuncti legendum foret, ab eodem legebatur.

34. Quintum capituli actum esse diximus commemorationem benefactorum viventium cum precibus pro beneficiis ab ipsis collatis; quod colligitur ex libello supplici Monachorum Fuldensium ad Carolum Magnum Imperatorem, in cuius n. 1. petunt [quod liceat nobis orationum, psalmodiæ, & vigiliarum modum tenere, quem Patres nostri habuerunt pro amicis nostris viventibus & defunctis, idest quoriliam precem *pro te Domine Auguste & pro liberis tuis* & pro omni populo Christiano, quam mane quando in unum convenimus, & capitulum de Regula coram fratribus legebatur, exurgentes post lectionem ter *Deus in adiutorium meum intende* adjuncta *Gloria Patri* cantantes, flexis genibus psalmum L. cecinimus simul cum versibus & collecta.

35. Sextus capitularis actus à nobis designatus erat institutio ac nominatio officialium, quæ cum sabbato fieret in capitulo, non tam ad quotidianos ritus, quam ad eos qui per hebdomadam eveniunt, spe-

Et it; ac proinde in sequentem librum remittenda videtur.

36. Septimus erat culparum publica confessio, proclamatio, & emendatio de qua tria nobis breviter inquirenda sunt 1. Quam sit apud Monachos antiqua. 2. Quoties & quando fuerit, 3. Quo modo.

37. Primum quod spectat, spontaneæ ac publicæ culparum apud monachos confessionis antiquitatem ab ipsis fere vitæ monasticæ cunabulis repetere licet; hanc in primis commendavit S. Basilus, docuit ac recepit S. Benedictus, aliique per plures præscripserunt. De S. Basilio localentium extat testimonium in serm. de Institutione Monachorum: [Completo die, inquit, & absoluto opere mea coram Deo posuitum spiritali convenit ut unusquisque ante requiem conscientiam in corde suo judicet, & si quid fecit quod non oportet, vel cogitaverit aliquid eorum quæ condemnantur, vel loquutus fuerit extra id quod decet, vel ad orationem fuerit negligens, ad psalmodiam cælis anaxius, vel communem vitam desideraverit: non abscondat delictum; sed in communi annuntiet ut per communem orationem sanetur morbus illius cui tale malum contigerit.] S. Benedictus [Col lectis fratribus inobedientem Monachum de infidelitate sua & superbia coram omnibus increpavit,] ut scribit S. Gregorius; & in Regula præscribit ut si quis [aliquid deliquerit, aut fregerit quidpiam, aut perdidit, vel aliud quid excellerit, & non veniens continuò ante Abbatem, vel congregationem, ipse ultro satisfecerit & prodiderit delictum suum dum per alium cognitum fuerit, majori sub jaceat emendationi.] S. Isidorus ter in hebdomada collationem fieri præcipit, [& ipsi quoque collatio, inquit, erit vel pro corrigendis vitis, instruendis moribus, vel pro reliquis causis ad utilitatem canonicis pertinentibus;] & alibi: [Peccatum palam commissum palam est arguendum... qui sponte culpam confiteretur quam gessit, veniam promereri debet quam expetit.] S. Fruct. in Regula monastica communi: [Propter hoc ergo jugiter jubemus in collecta fratres adesse, & non plusquam septem dies interponere, & per omnes dies Dominicos mores pristinos & vitia emendare.]

38. Tempus ad illi exercitij destinatum non unum fuit apud veteres monachos: Scribit Nebridius à Mundelheim in Antiquario monastico diem Dominicum illi deputatum fuisse, idque post Matutinos. Diem Dominicum, ut modo vidimus, assignat S. Fructuosus; sed S. Isidorus [tribus inquit, in Hebdomada vicibus fratres post celebratam Tertiam dato signo ad collectam conveniant.] S. Basilus & S. Benedictus nullum ad corrigendas culpas diem assignatum determinant, quoniam id diebus singulis fieri volebant; & quidem S. Basilus completo die; S. Benedictus post Primam æstate, hyeme post Tertiam, ut communis Ordinis usus habuit; & certè olim correctas fuisse quotidie culpas aut saltem dici potuisse, patet ex Hildenaro in Regulam S. Benedicti. in c. 46. ex antiquo Ordine conversationis Monasticæ; ex antiquis Ger-

maniarum consuetudinibus; ex Concordia Dunstani, Statutis Lanfranci M. S. consuet. Cluniacens. libro usum Cisterciensium, & Ceremoniali Bursfeldensium. Idem canonicis suis praescribit Crodegangus Mettensis Episcopus in Reg. c. 18. Idque ipsum observant etiam nunc Cassinenses, exceptis tamen festis. Nunc vero Fuliensium constitutiones c. 46. tres in hebdomada dies statuunt, fer. 2. 5. & Sabb. etiam in diebus festis nisi forte sint sermonis ad confitendas emendandasque culpas: Vallisoletani fer. 2. & 6. festo 4. capparum aut de praepo non occupatas: Caeslini duos item dies in monasteriis principalibus; 4 & 6. feriam, nisi festum sit duplex; unicum in minus principalibus 4 & 6. feriam: Idem semel dumtaxat in Dominica praestant Carthusiani ex nova collect. statut. Carthuf. part. 2. c. 8. n. 4. Unicum etiam huius satisfactioni feriam 6. assignat Reg. Monacharum apud Hieron. c. 9.

39. De modo vix reperire licet aliquid apud antiquos; de nostris vero multa nobis suppeditant antiquus Ordo conversationis Monasticæ, M. S. Germaniarum cons. concord. Dunstani, statuta Lanfranci &c.

40. Primò enim Ordo conversationis monasticæ praescribit, ut lecta expositaque Regula, [qui culpabilis est postulet veniam, & secundum modum culpæ iudicium recipiat;] Ea propter ex antiquis Germaniarum consuet. M. S. Prior dicebat: *Si aliquid sit loquendum edicere*, sive ut habent statuta Lanfranci, liber usum Cisterciensium, ceremoniale Bursfeldensium: *Loquamur de ordine nostro*.

41. [Tunc unusquisque, ut prosequuntur consuetudines Germaniarum, apud se tractat, si aliquid deliquerit in loquendo, in manducando in bibendo, in dormiendo; & si culpabilem per conscientiam suam se prospexerit, prosternet se ad terram confitereturque reatum; post interrogationem tamen Prioris ita dicentis: *Quid dicitis?* illiusque respondentis *Mea culpa*, & Prioris *Surgite* proclamantis; post istam interrogationem reddet rationem, accipietque voluntariè sibi imperatam sententiam, aut jejuniis, aut orationibus, saepe etenim praecipitur cantare septem aut tres, aut duos, aut unum, cuncta secundum modum culpæ: Contractus Udalricus in lib. 2. cons. Clun. c. 17. [Postquam ventum fuerit ad actionem capituli, si quid ei excessus aliquo modo contingit, quod alius vidit, & dignè potuerit reclamare ipse praeveniens petit veniam, & illam veniam corpore toto prostrato culpam, quæ suam fiteatur sed quantumque fateatur, tamen non amplius petit veniam præter illam quam petiit:] Fusius vero ceremon. Bursfeldensium &c. [Cum aliis consuetis expeditis, praesidens dixerit: *Loquamur de ordine*: Mox qui se in aliquo reum noverit, surgens veniat in medium ibidem pronus se in terram prosternens; & ita jaceat sinistro plus incumbens lateri, manibus simul & pedibus decenter ad invicem combinatis, interrogatus autem à praesidente: *Quid dicit?* Respondet: *Culpam meam*, & ad iussum praesidentis erectus, stans in eodem loco, discooperto & parum inclinato capite, simpliciter, absque omni palliatione

liatione, voce clara confiteatur negligentias suas. Expediant autem se primò si illie fuerint Novitij, Converti, atque hospites; deinde Monachi suo ordine incipientes à junioribus. Non prohibentur duo vel tres aut plures surgere insimul, & pro suis negligentis veniam petere. Et cum plures fuerint simul in iudicio; qui prior fuerit, in capite stet partis dextræ ex adverso Crucifixi, & primus loquatur, & cum singuli dixerint culpas suas, iudicentur, & de iudicio dimittantur singulariter singuli, aut communiter pro ut casibus exigentibus visum fuerit Præsidenti: Dimissi verò de iudicio redeant ad loca sua. Novitij si sint, mox ut fuerint expediti, aut certè si non sit ab eis vel in eos proclamatio facienda, statim ut dixerit Præsidentis: Loquamur de ordine, ipsi exeant, intrantes ecclesiam vel dormitorium: Similiter faciant hospites, ita ut Novitij nullius alterius: hospites verò dumtaxat Novitiorum proclamationi intersint. Die autem qua Conversis servatur capitulum, tam novitij quàm hospites ante illorum expeditionem, & illi expediti similiter exire debent ut præfertur.

42. Publicam spontaneamque confessionem sequebatur occultarum culparum publica etiam denunciatio, quam proclamationem Majores nostri vocant, eamque satis innuit ipse S. Pater Benedictus statuens, ut delictum [dum per alium cognitum fuerit, majori vindictæ subiaceat.] Ab ea tamen abstinere Calsinenses, & nos eorum exemplo, licet omni tempore apud nostros usitata videatur. Proclamationis formulam hanc præscribit Trithem. in exercit. Monach. [Dilectus frater noster hoc vel illud commisit, rogo quatenus emendare se propter Dominum velit.]

43. Ut autem aliquis accusatus seu proclamatus esset, statim in terra prostratus dicebat *Mea culpa*: extat hac de re capitulum 13. Monachorum Sangallensium: [Ut in capitulo seu ubicumque quis increpatus fuerit, statim veniam petens dicat *Mea culpa*: & iustus surgat, & sic humiliter rationem reddat: Et si quisquam hoc facere contemserit, duplici vindictæ subiaceat;] Et in Concordia Dunstani: [omnis autem frater pro quacumque causa increpatus ab Abbate, vel à quolibet Priore, antequam verbum aliquod proferat, veniam petat, & dum à Priore interrogatus fuerit quæ sit causa pro qua veniam poscit, respondeat, atque suam profiteatur culpam dicens *Mea culpa Domine*, hinc iussus erigat se.] Idem habetur in Ord. conversationis Monasterii; & in statuti Lantfranci: [Interrogatus more solito qui prosternitur ad omnes venias *Mea culpa* dicat;] & in M. S. consuetudinibus Cluniac.] in omnibus veniis quæ in capitulo petuntur, dicendum vel respondendum: *Mea culpa* ei qui capitulum tenet, cum dixit *Quid dicitis*.] Denique in libro Usuum Cisterc. [Qui clamatus fuerit, mox ut audierit nomen suum, non respondens in sede sua petat veniam, tenenti capitulum eumque interroganti: *Quid dicitis* ?]

Respondeat prostratus *Mea culpa*; & ad iussum illius erectus, si reus fuerit, humiliter culpam suam confiteatur, & de reliquo emendationem promittat.

44. Cum verò proclamaretur aliquis, omnes qui ejusdem erant nominis prostrati in terra veniam postulabant, nisi fortè singulariter aliquis designaretur: [Est autem consuetudo, inquit M. S. consuet. Cluniac. quod cum unus clamatur, omnes qui ejusdem nominis sunt, cujus est ille qui clamatur, debent se præsentare donec clamator eligat de quo dicit, nisi ipse clamator adeo discreverit, & determinaverit de quo dicat, ut nulla dubitatio sit;] & Lantfrancus in statutis: [Si clamatur aliquis, qui commune cum uno aut pluribus nomen habeat, nisi clamans ita discernat & determinet, ut nulla dubitatio possit esse, omnes qui ejusdem nominis sunt cujus est ille qui clamatur, statim debent surgere, & ad venias humiliter se præsentare, donec clamator determinatè eligat de quo dicat.] Idem habent Divionenses S. Benigni cons. c. 32. Porro ad vitandum omnem in proclamando ambagem, proclamatos aut à gradu, aut ab officiis designabant: [Ipsa autem determinatio, inquit, Lantfrancus, ab ordinibus vel officiis, si fieri possit debet esse hoc modo: Domnus Edduardus Presbiter, Diaconus, Subdiaconus, Secretarius, Magister infantum vel juvenum, vel aliquid hujusmodi, non Archidiaconus, non Londoniensis, non aliquid cognominatum de sæculo.] Taliterque designatus pronus in terra *Mea culpa* dicebat & sic judicium expectabat. Illud autem judicium erat ad Abbatis arbitrium pro gravitate
 1.2. „ aut levitate culparum: [Postea autem, inquit Udalricus, pro eo pro
 conf. „ quo est reclamatus, sustinet quod Prælato videretur; vel vapulare, vel
 Clun. „ esse in culpa leviori, nam quæ ad graviolem culpam pertinent de
 c. 17. „ his non loquor hac vice;] quod prius judicium, nempe vapulare,
 c. 19. „ ita describit S. Lantfrancus: [Susceptorus judicium aut sola grossiori
 „ virga super stamineam verberetur, & prostratus jaceat; aut pluribus
 „ gracilioribus virgis, & nudus sedeat; utrumque ad arbitrium ejus
 „ qui præest Ordini, considerata qualitate & quantitate culpæ. Dum corporalis disciplina infertur, fratres omnes inclinato capite debent esse,
 „ & pio & fraterno affectu compassionem super eum habere;] Et
 „ liber Usuum Cisterciensium: [Verberandus postquam ab Abbate exui
 „ jussus fuerit, mox absideat in eodem loco in quo stat, & exuens cucullam
 „ ponat eam ante se super genua sua, per capictium verò tunicæ ex-
 „ erat brachia, & totum corpus usque ad cingulum, & consistens in-
 „ clinato capite nihil dicat nisi tantum *Mea culpa, Ego me emendabo*,
 „ quod crebrius repetat. Sed neque alius interim loquatur, nisi fortè
 „ aliquis de Prioribus pro eo humiliter intercedat; qui autem eum ver-
 „ berat, non cesset à verberare usque ad iussione Abbatis; qui dum quie-
 „ verit, adjuvet illum frater ad induendum; qui indutus & erectus
 „ non se moveat donec Abbas dicat, *Ite sessum*; & tunc inclinans eat

in locum suum,] Et Anonymus in Vit. S. Stephani, Abbatis postea Obaz. n. 17: [Si quis verberandus esset; mox exuto eo, quinquagesimus incipiebatur psalmus ut ad singulos versus singulos ictus acciperet, quod si major esset culpa, ampliores psalmi apponebantur ut ampliori verberare salicaretur.] Tom. 4. Msc. Baluz. Percutiebatur autem ab eo cui iusserat Abbas aut Præpositus; hoc tamen observato [ne infantibus, vel juvenibus, aut novitiis id facere injungatur,] ut loquitur Lantfrancus, sed neque ei qui eum proclamavit, id enim prohibent tam ipse Lantfrancus, quam editæ, ac M. S. consuet. Cluniacenses & S. Benigni c. 32. & liber Usuum Cisterciensium, in cuius c. 70. & illud habetur: [Ille qui inferioris gradus est, non debet verberare superiorem, idest Diaconus Sacerdotem; sed æqualis æqualem, vel superior inferiorem.] Porro ad vitandam omnem quæ hoc casu contingere posset inhonestatem, præscribunt Cluniacensis Monasterij consuetudines, ut [quando scilla passatur ad capitulum stamineum suum undique detrahat, & honestè componat, ut paratus sit si aliquo modo accalatus iudicium querere juberetur,] quod idem habent Divionenses S. Benigni cons. c. 32.

45 Denique circa huiusmodi proclamationes nonnulla nobis supersunt observanda. 1. Poterat, unus & idem Monachus pluries in eodem capitulo proclamari: [Quod si alius de illo reclamaverit, ait Udalricus, tunc quidem quoties de se reclamare audierit, toties quoque veniam petit;] & liber Usuum Cister. [Quando aliquis surgit in iudicium clamatus ab alio, quoties clamabitur in ipso iudicio, toties satisfaciat.] 2. Proclamatus ab aliquo eundem vice versa proclamare non poterat: [Et sciendam, inquit lib. Us. Cist. quod qui clamatus fuerit non faciat elationem ipsa die super illum qui eum clamavit;] & liber Usuum Becc. [Clamatus frater clamantem se non reclamare audeat, quia videtur hoc ira distans facere, & se velle revindicare] 3. [Quod si sedens & reclamationem de se audiens, inquit, Udalricus, prius quicquid responderit quàm veniam petierit, iussus ut se prosternat in ipso loco suo unam accipit percussione;] Simile aliquid loquuntur Divionenses. S. Benigni cons. c. 32. 4. Merito monent Cistercienses, ut [nullus faciat elationem super aliquem ex sola suspitione nisi de hoc quod audierit, vel viderit, vel referri audierit;] quibus consentiunt Bursfeldenses, qui huiusmodi proclamationem fratribus tantum sextis ab inferioribus, quotidie tamen à Præsidente fieri permittunt. Cæterum ut rectè statuunt iidem Bursfeldenses [Caveat qui proclamat ne hoc faciat ex aversione vel rancore, sed affectuoso fraternæ dilectionis amore; non ex passione cum quadam animi indignatione, seu cordis amaritudine; sed pia magis compassione, in spiritu lenitatis, & ita honestè & modestè in proclamando se gerat, ut nec voce, nec nutu, aut signo aliquo appareat quidquam indecens in proclamante, vel distortum unde possit perturbari proclamatus,]

aut scandalizari circumfidentes pusilli] Vid. Goffridi Abbatis Vindocinensis Opusc. I I.

46. Quo autem animo fieri proclamatio, eodem etiam recipi debet ab eo qui accusatur; nimirum in spiritu humilitatis & lenitatis, & cum firmo culpas emendandi desiderio: absit enim ut quisquam proclamationem in se factam indigne ferat; aut memoris animos in accusantem se vel minimum conseruet; meminisse enim debemus huius S. Bernardi sententiae: [Nemo vitia palpet, peccata dissimulet nemo; nemo dicat, Numquid custos fratris mei ego sum. Nemo quod in se est æquanimiter ferat cum viderit Ordinem deperire, minui disciplinam. Est enim consentire silere, cum arguere possis. Et scimus quia similis poena facientes maneat & consentientes.

47. Tandem quæcumque acta fuerant in capitulo sub severo regerantur silentio, unde liber Usuum Beccensium [Quæcumque aguntur in capitulo, inquit, confessio est, & ut confessio celari debet: Itaque si quis deprehensus fuerit extra loqui de his quæ acta sunt in capitulo, districtè emendari debet.

48. Denique his omnibus peractis surgentes à capitulo quinque pro defunctis psalmos decantabant; scilicet *Verba mea: Domine ne in furore: Dilexi quoniam: Credidi & De profundis*, ut præscribunt Conc. Dunstani atque antiquæ Germaniæ consuet. manuscriptæ. Quibus finitis pulsata tabula mittebantur ad opera; & hic est ultimus capituli actus, de quo plenius ac fusiùs capitulo sequenti differendum est.

CAPVT VI.

De labore manuum quotidiano.

Reg. „ I. Primæ & capitulo subjungit S. Benedictus æstate laborem manuum,
c. 48. „ hyeme lectionem: [A Pascha, inquit, usque ad Calendas Octobris manè exeuntes à Prima usque ad horam pene quartam laborent quod necessarium fuerit;] & infra: [A Calendis autem Octobris usque ad caput Quadragesimæ usque ad horam secundam plenam lectioni vacent.] De utroque nunc breviter, de labore primùm; deinde de lectione.

2. Quanto apud veteres Monachos labor habitus sit in pretio, quibus de causis ab iis sit institutus, quot horas in eo impenderent, quibus denique operibus potissimum vacarent in Commentario ad Regulæ caput 48 fusè satis prosequuti sumus: nunc restat ut quo ritu, qui huius operis præcipuus scopus est, illum persolverent paucis differamus.

3. Ad omnes laboris manuum ritus perfectè expediendos, tria nobis tempora maximè consideranda sunt: nimirum quod laborem ipsum antecedit, quod concomitatur, & quod subsequitur.

4. Primum quod spectat, ubi laborandi tempus advenisset omnes in unum congregabantur ad signum alicujus instrumenti, tabulæ, aut tintinnabuli, ut discimus ex Reg. S. Pachomij: [Si signum datum fuerit ut egrediantur ad opus;] ex S. Fructuosi reg. [Dato signo sumptis ferramentis congregentur in unum;] ex Concordia Dunstani: [Si opus habuerint pulsata tabula Prior auxilium prius invocet divinum;] ex lib. Usuum Cister. [Finito capitulo, & preparatis fratribus ad laborem pulsetur tabula à Priore vel à Subpriore, vel certè ab alio, si Prior jussit, ipsis tamen majori utilitate forsitan occupatis, ad ejus sonitum conveniant omnes exceptis infirmis & variis officiis deputatis.]

5. Conveniebant autem in capitulo injungendum & faciendum opus accepturi; [Surgentes à capitulo atque ad opera exeuntes, inquit antiquus Ordo conversationis monasticæ; & capitulo 8. Monachorum ad Augiam directorum: postquam biberint vadunt ad capitulum, & quod eis injunctum fuerit laborant.] Cistercienses verò in auditorio: [Prior si domi fuerit, semper tabulam pulset, & ordinet laborem suum in auditorio.]

6. Congregari in orationem procumbebant divinum auxilium invocaturi: Regula Fructuosi: [Dato signo, sumptis ferramentis congregentur in unum, factaque oratione pergent recitantes ad opus:] Regula Magistri. [Ipsum laboris opus terrenum, aut cujusvis artis cum inchoant, oratione præcedente incipiant, eadem semper oratione & finiant.] Reg. eundem ad Virgines: [Quando ad opera eundem est, istud capitulum psallatur: *Sis splendor Domini Dei nostri super nos, & opera manuum nostrarum dirige super nos, & opus manuum nostrarum dirige.*] Antiquus Ordo conversationis monasticæ: [Surgentes à capitulo, atque ad opera exeuntes, simul omnes circumstantes dicant versum *Deus in adjutorium meum intende: Domine ad adjuvandum me festina,* subjungendo *Gloria Patri* & orationem Dominicā, flectentes genua. Post orationem Dominicam dicat Prior: *Adjutorium nostrum in nomine Domini,* & respondentibus omnibus: *Qui fecit calum & terram,* vadāt, simul aut separatim ad opus injunctum sibi.] Regula M.S. incerti authoris c. 11. [Cum autem corporale opus manibus exercendum ei necesse fuerit, prius quam incipies illud secundum auctoritatem S. Benedicti & Cassiani Presbyteri dic totum conficio *Deus in adjutorium meum intende, Domine ad adjuvandum me festina,* adjungendo, *Gloria Patri,* & tunc uncta fronte, & corde inchoa opus illud:] Concordia Dunstani: [Si opus habuerint, pulsata tabula, Prior auxilium prius invocet divinum dicens tertio, *Deus in adjutorium meum intende,* fratribus hoc idem respondentibus, & *Gloria, Pater noster, & Adjutorium nostrum*] Idem ferme orabant Cluniacenses ubi ad locum laboris pervenissent, ut & Divionenses S. Benigni,

7. Post orationem, si non prius, injungebatur unicuique cui potissimum labori incumbere deberet. Hanc curam laboris injungendi uni cujus præcepto cæteri sine querela obedirent committit Regula Serapionis, Macharij, Paphnutij, & alterius Macharij c. 10.
- c. 6. „nominatim S. Fructuosus Decano: [Commoneantur Decani, *inquit*, „ à Præposito suo quale opus debeant exercere, atque illi reliquos ad- „ moneant fratres, tum dato signo, sumptis ferramentis, &c.] „ Magister Abbati: [Mox ut exierint à Tertia universi Præpositi o cu- „ los habeant ad Abbatem, inquirentes eum quid jubeat suas operari „ decadas, & cum unicuique decadæ diversum laboris assignaverit „ opus, mox obedientes vel à suis Præpositis ordinari assignatum laboris „ opus cum taciturnitate semper exerceant;] Sanctus Benedictus Abbas Anianensis in consuetudinibus quas in monasteriis à se institutis obser-
- T. 4. „vari fecit Priori: [Exeundum est, *inquit*, ad opus quod præcipitur „ anal. „ à Priore:] Similiter & Cistercienses: [Prior residens in auditorio „ L. v. „ ordinet laborem suum;] eo tamen impedito Subpriori aut alteri id mu- „ 75. „ neris committunt: [Quod si aliqua gravi necessitate impediende ta- „ ibid. „ bulam pulsare, & laborem, sicut dictum est, ordinare non poterit, „ Subprior vel cui injunctum fuerit idem faciat; signo si potest universa „ ordinans, quod si signo non potuerit, verbum faciat omnino bre- „ viatum & de labore tantum.
8. Injuncto distributoque labore, ferramenta aliaque id genus instrumenta ad suas operas idonea accipiebant; & quidem à Priore ex Regula Pauli & Stephani: [Euntes in qualecumque opus, ferramenta necessaria, is qui inter ipsos vadit Prior à custodē ferramentorum „ c. 35. „ manē adnumerata suscipiat, & uni de minoribus ex his qui cum eo „ ituri sunt, quem ad hoc idoneum viderit custodienda consignet;] „ & ex libro Usuum Cisterc. [Ferramenta & alia instrumenta ad la- „ c. 75. „ borem necessaria Prior dividat prout viderit expedire.
9. Sumptis ferramentis, ad locum labori destinatum prompti convolabant, & quidem præeunte Priore, ut præscribit Regula S. Pachomij Abbatis: [Si signum datum fuerit ut egrediantur ad opus, „ art. 18. „ Præpositus antecedit eos;] & iterum: [Cumque universæ domus „ novæ „ in unum fuerint congregatæ prioris domus Præpositus omnes antecedit;] „ edit. „ & liber Usuum Cisterc. [Exeuntes autem sequantur Priorem „ art. 59. „ vel quem Prior jussit] quibus accedunt Bursfeldenses in ceremoniali „ c. 70. „ dist. 3. c. 9.
10. Pergebant autem bini aut singuli, summum servantes interea „ art. 59. „ silentium, aut certè psalmos recitantes: Ita S. Pachomius in Regula: [Per- „ nov. „ gent juxta ordinem domorum & hominum singulorum, nec loquentur „ edit. „ mutuo; sed unusquisque de Scripturis aliquid meditabitur. Si fortè eis „ aliquid occurrerit, & voluerit cum aliquo eorum loqui, janitor Monasterij „ qui huic operi delegatus fuerit, occurrerit & respondebit ei, eoque uten- „ tur nuntio; si janitor coram non fuerit, Præpositus domus, vel alius „

cui hoc fuerit injunctum occurrentibus respondebit ;] S. Fructuosus Bracarenſis Episcopuſ : [Ad opera cū egreſſuri ſunt , orationem facturi invicem conveniant , qua expleta incipiat Præpoſitus pſalmum , & ſic recitantes pergant ad operationem ;] Antiquuſ Ordo converſationis Monachicæ : [Vadant omneſ ſimul aut ſeparatim ad opus injunctum ſibi , cuſtodienteſ ſilentium decantent pſalmos , aut *Pater noſter* ; aut bini , aut ſinguli juxta quod congruum eſt , nihil aliud loquentes niſi forte de ipſa arte neceſſarium fuerit dicere , quod dicatur cante ;] quæ quidem verba in ſua ad Canonicos Regula c. 19. exſcribit Crodeganguſ Episcopuſ Mettenſis , addens & iſtud : [Et quando inceperint opus ſuum dicant *Benedictuſ eſ Domine Deus qui adjuviſti me & conſolatuſ eſ me , Amen. Miſereatur noſtri omnipotens Deus. Amen.*] Tom. 1. Spicileg. ; Antiquæ Farſenſi monaſterij conſ. [Eant cantanteſ pariter omneſ , ut nulluſ ſit excuſatuſ etiam Cellariuſ uſque ad locum laboris.] Cluniacenſium rituſ deſcribit S. Udalricuſ in antiquiſ conſuetudinibuſ Cluniac. monaſterij , hiſ verbis : [Qualiter autem fiat labor manuum ut hoc etiam digeram ; in die quo agendum eſt , illico ut fratres ſurrexerint factiſ orationibuſ , ſignuſ pulſatur ad Primam , quam aliis pſalmis intermiſſiſ ſola ſequitur letania miſſaque matutinaliſ ; capituluſ quoque pluſ corripitur quā in aliis diebuſ , nec cum pſalmodia , ut moriſ eſt , itur ad Sanctam Mariam ; ſed percuſſa tabula , & præmiſſo *Benedicite* , Domnuſ Abbaſ pronunciat *Eamus ad opuſ manuum* ; Imponitur pſalmodia quæ poſt Primam eſt intermiſſa , incedunt cum proceſſione , ita ut pueri ſint primi , Prioreſ noviſſimi ; cū ventuſ fuerit ad locuſ operandi , verſi omneſ ante Orientem per ordinem conſiſtunt , ad finem uniuſ pſalmi faciunt ante & retro , & Domno Abbate pronunciante tunc dicunt hunc verſuſ : *Deuſ in adiutoriuſ* , &c. ſequitur *Kyrie eleiſon* : *Pater noſter* verſuſ *Adiutoriuſ noſtruſ* . Facta ruruſ inclinatione incipiunt operari.] Hiſ nonnulla ſupplenda ſunt ex M. S. conſuetudinibuſ ejuſdem monaſterij , & ex Benignianiſ c. 33. in quibuſ indicitur labor facienduſ in horto , ut tabula quinquieſ percutiatur , ut Hebdomadariuſ ſequatur infantē , ut cū pervenerint ad locuſ laboriſ verſiſ omnibuſ ad orientem mediuſ inter eoſ Prior conſiſtat , ut ad *Gloria Patri* quod poſt verſuſ *Deuſ in adiutoriuſ* dicitur , ſuper genua inclinentur . Antiquæ Germaniæ conſuetudineſ M. S. ita habent : [Poſt capituluſ pullantur tabulæ , Priorque dicit *Benedicite* , & vadunt pariter ad obedientiam : & antequam incipiant operari dicunt verſuſ : *Deuſ in adiutoriuſ* tribuſ vicibuſ , adjecto *Pater noſter* , cum verſu *Adiutoriuſ noſtruſ* .] Et hæc de tempore quod ipſuſ manuum laboreſ præcedit .

11. Quod verò tempuſ ipſuſ laboriſ reſpicit , certè aliud nihil intendeabant veterēſ monachi , quam ut injunctuſ ſibi opuſ impigrè perficerent . Laboranteſ autem aut pſalmos decurrebant , aut mente diviniſ intenti omnino ſilebant , aut certè cū quieto aliquo in loco

laborarent, librum aliquem legebant, Singulorum exempla proferamus.

Quam celebre fuerit antiquis monachis pſalmos & orationes operibus admiscere luculento Cæsiani testimonio comprobatur, cū de

1. 3. „ bus admittere iudicento Caisiam testimonio comprobatur, cum de
c. 2. „ Aegyptiis Monachis loquens hæc scribit: [Apud illos hæc officia quæ
„ Domino solvere per distinctiones horarum, & temporis intervalla cum
„ admonitione compulsoris adigimus, per totum diei spatium jugiter
„ cum operis adjectione spontaneè celebrantur. Ita namque ab eis inces-
„ santer operatio manuum privativè per cellas exercetur, ut psalmorum
„ quoque, vel cæterarum scripturarum meditatio nunquam penitus
„ omitatur, cui preces & orationes per singula momenta miscentes,
„ in his officiis quæ nos statuto tempore celebramus, totum diei tempus
„ absumunt.

12. Quod de Ægyptiis narrat Celsianus id suis præscribit S. Basilii:

Reg. " [Dum manus ad operandum movetur lingua etiam quandoque si fieri
fu. " potest, quod sanè utilius esset ad fidei ædificationem ; sin minus vel
c. 27. "

„ corde faltem in pfalmis, hymnis, & odis fpiritualibus, ficut fcriptum
 „ eft *Laudetur Deus*, & preces inter operandum abfolvantur; ut hoc
 „ pacto, & gratias agamus ei qui manibus operandi facultatem, & menti
 „ fapientiam ad percipiendam operandi fcientiam, & materiam largius eft
 „ tam inftrumentorum quam eorum in quæ fe extendunt artificia; & Re

c. 8. » gula Tarnatensis: ¶ Quator stivam tenens alleluia canter, sudans mellor
» psalmis se avocet, & dum palmitem curvum tondet vinitor falce, ali-
» quid Davidicum canat. Idipsum de Bethleemiticis Monachis refert Hie-

Hierononymus, cujus verba describit Regulæ istius author; & S. Isidorus l. 2.

cp. 78. de Eccles. offic. c. 15. de monachi loquens [Canunt autem psalmos ma-
nibus operantes, & ipsum laborem tanquam divino celeumate confo-
lantur.

13. Eundem hunc morem laudat & approbat S. Augustinus in libro
de opere Monachorum: [Cantica divina cantare, inquit, etiam manibus
operantes facile possunt, & ipsum laborem tanquam divino celeumate
consolari. An ignoramus opifices quibus vanitatibus, & plerumque
etiam turpitudinibus theatricarum fabularum donent corda, & lin-
guas suas cum manus ab opere non recedant. Quid ergo impedit ser-
vum Dei manibus operantem in lege Domini meditari, & psallere no-
mini Altissimi; ita sanè ut ad illa discenda quæ memoriter recolat,
habeat seposita tempora.] His omnibus accedit regula ejusdem ad

6.12. „ Virgines quæ sic habet : [Illud inter omnia vel Abbatiſſa ſi
 „ præſens fuerit coerceat , aut Præpoſita quæ ejus vice relinquitur ,
 „ ut nullam penitus Monacham fabulis otioſis præter neceſſariam inter-
 „ rogationem vacare permittat ; ſed in ipſo opere manuum operis Dei
 „ recordatio teneatur , id eſt ut dum exteriùs per temporalem oportu-
 „ nitatem manus operibus occupantur , interiùs mens cum linguæ me-
 „ ditatione pſalmorum ac ſcripturarum recordatione dulceſcat ; ac ſi
 „ violatrix hujus Regulæ fabulatione deſectetur , ſilentij pœna caſtigetur.

14. Tain

14. Tam piam tamque laudabilē apud antiquiores Monachos consue-
tudinē ad nostros etiam transiit manifestam est. S. Cuthbertus Lindis-
farnensis primò Præpositus deinde Episcopus [inter psallendum operaba-
tur manibus] teste Beda in ejus vit. c. 16. sæc. 2. Bened. p. 893. Idem de
SS. Harlinde & Reinulpho Abbatibus scribit Anony. in earum vit. n. 12.
sæc. 3. part. 1. p. 659. Idem de Ramensis monasterij in Anglia Mo-
nachis chronic. ejusdem monasterij 2. part. c. 27. De discipulis S. Bene-
dicti Abbatis Anianensis res explorata est, testante Ardone vitæ illius
scriptore: Nec laborantium quis pascere audebit; sed manus
opere, linguæ occupantur psalmodiis; euntium enim, & redeun-
tium, ac laborantium oia divinis meditationibus erant intenta; &
in consuetudinibus quas in monasteriis à se instituit idem Benedictus
observari voluit: [Post lectionem autem capituli exiendum est ad
opus quod præcipitur à Priore cum summa cautela in modulatione
psalmodum, vel spirituum rerum conlocutionibus, ne verba oriosa
subripiant; ut juxta regularem auctoritatem usque ad interrogatio-
nem non loquatur.] Distinctius S. Dunstanus faciendas preces desi-
gnat his verbis: [Tunc cum decantatione canonici cursus, & psalterij
operentur quod eis injungitur;] & M. S. Germaniæ consuetudines:
[Primitus cantant quinque psalmos pro defunctis qui quotidie post
capitulum psalluntur, idest *Verba mea: Domine ne in furore tuo: Dilexi
quoniam* Credidi: De profundis: Pater noster cum precibus, & ora-
tione. Post hos verò incipiunt Romanum cursum per ordinem. Quo
completo psalterium per totum, si tantum spatium temporis habent;
& de Cluniacensibus Ulricus: Hæc autem psalmodia quæ canta-
tur inter operandum: Primum quæ remansit post Primam, & post
capitulum: Postea omnes Regulares horæ more canonicorum à Prima
incipientes, inter cunctis etiam preces subjungitur etiam psalmus quin-
tus, & a septem psalmi per alias horas divisi, tres qui remanent toti
inter preces Completorii dicuntur, & Completorium ipsam præcedant;
vesperi pro fidelibus defunctis adnectuntur psalmi; qui solent dici pro
familiaribus post Tertiam & post duas horas quæ sequuntur. Si visum
fuerit Domino Abbati, ut amplius operentur ampliatur quoque psalmo-
dia de psalmo *Ad Dominum cum tribulaver* usque ad finem psalterij, &
tunc etiam à principio *Gloria Patri* &c. post tres psalmos interposito:]
Eadem habent Divionenses S. Benigni consuetudines c. 33. Tandem de
primis S. Stephani postea Abbatis Obazinensis Discipulis in ejus vit.
n. 15. [Providebatur omnino ne aut lectio refectiōi, aut labori ma-
nuum psalmi deessent.]

15. Aliis magis placuit omnino silere; sic S. Pachomius in Reg. [O-
perantes nihil loquantur seculare, sed aut meditantur ea quæ san-
cta sunt, aut certe silebunt:] Regula incerti auctoris: [Sedentes ad

• M. S. conf. habent [& de septem psalmis quatuor inter preces aliarum
horarum divisi.

- c. 6. „ opera taceant, nisi fortè necessitas operum exegerit, ut loquatur quis:]
 „ Regula S. Fructuosi Bracarenfis Episcopi: [Cum operantur non inter se
 „ fabulas vel cachinnos conferant sive luxurientur; sed operantes intra se
 c. 50. „ recitent taciti: Illi verò qui paufant aut psallunt aliquid, aut re-
 „ citant pariter, aut certè fiant:] Regula Magistri: [Assignatum
 „ laboris opus cum taciturnitate semper exerceant.] Addit tamen postea
 „ [Psalmos meditari, vel scripturas recensere, vel de Deo aliquid lo-
 „ qui dumtaxat in absentia Abbatis, humiliter tamen & lentè quamvis in
 „ illa hora fratres licentiam habeant.] Sed neque Cistercienses nostros
 „ aliquid loquutos fuisse, aut decantasse laborando legimus; de Sancto
 „ Alberico post S. Robertum primo Abbate solùm hæc scribit Chryso-
 „ stomus Henriquez: [Dum verò operi esset intentus ne fortè spiritus
 „ otio vacaret, psalterium Davidis inter manus sumens, crebro ex intimis
 „ cordis penetralibus suspirio, ferventibusque piæ mentis orationibus cæ-
 „ los penetravit] in ejus vit. n. 3. apud Boli. Jan. 26. Nonnulli etiam
 c. 50. „ inter laborandum lectionem adhibuerunt: eam à Sexta ad Nonam
 „ præscribit Magister his verbis: [Mox ergo ut à Sexta exierint, rever-
 „ tentes ad loca sua suum perficiant opus, & in quo opere semper majore
 „ re fratrum laborantium exhibente cujusvis codicis lectio quotidie ab
 „ uno literato legatur; ideo enim ordinavimus quotidie laborantibus
 „ legi, ut cum à malis taceamus, de bonis audimus & loquimur, num-
 „ quam peccemus. Ipse namque frater legat, quem Abbas per aliquam
 „ impossibilitatem necessitatis, non posse laborare agnoverit:] Regula
 c. 18. „ S. Casarii ad Virgines: [Reliquis verò in unum operantibus una de so-
 „ roribus usque ad Tertiam legat; de reliquo meditatio verbi Dei &
 „ oratio de corde non cesserit.] Quæ verba suæ item ad Virgines Regu-
 „ læ c. 20. inseruit S. Donatus. Idem etiam exhortantur Cassinenses,
 „ præscribuntque nostræ Declarationes ad Reg. c. 48. Absoluto finitoque
 a. 66 „ labore statim instrumenta Custodi aut Priori reddebant: Regula S. Pa-
 nov. „ chomij: [Cum ad domos suas pervenerint, ferramenta quibus
 edit. „ opus fecerunt, & gallicas tradent ei qui secundus est post Præpositum
 „ domus; & ille inferet ea vespere in cellulam separatam ibique con-
 „ cludet:] Regula Pauli & Stephani: [Opere completo ab ipso
 c. 35. „ sollicitè ipse recipiat ferramenta, & Custodi contradat; ut nihil de-
 „ pereat oblivione solita & negligentia plurimorum:] Liber Usuum
 „ Cisterc. [Revertentes autem de ipso labore ponant instrumenta quæ
 c. 75. „ detulerant ubi ad laborem preparari solent, aut Priori reddant, ex-
 „ ceptis forcipibus, sarculis, furcis, rastis, & facillis quæ per totum
 „ tempus tonsionis, sarculationis, secationis, vel messionis unusquisque
 „ sua circa lectum custodire solet.
 ep. 12. „ 16. Deinde Decano opus deferrebant, testante S. Hieronimo: [Opus
 „ diei statutum est quod Decano traditum fertur ad Oeconomum, qui &
 „ ipse per singulos menses Patri omnium cum magno tremore reddit ra-
 „ tionem;] Et S. Augustino [Operantur ea quibus & corpus pasci

possit, & à Deo mens impediri non possit; opus autem suum tradunt eis quos Decanos vocant: Quæ verba S. Isidorus transcripsit in l. 2. de Eccles. offic. c. 15 ubi de monachis; In regula verò [Quæcumque, inquit, operantur Monachi manibus suis Præposito deferant; Præpositus autem Principi Monachorum.] Ita etiam S. Gerasimi discipuli [laborem manuum suarum qui ab eis factus fuerat sabbato ferebant in cenobium] ut scribit Cyr. in vit. S. Euthymij n. 99. apud Boll. 20. Januar.

17. Tandem ut unde cœperant, inde quoque finirent absolverentque laborem, oratione terminum imponebant operi: [Nam ipsum laborem opus terrenum, inquit Magister, aut cuiusvis artis cum inchoant oratione præcedente incipiunt, eadem semper & finiunt.] Regula cuiusdam ad Virgines: [Quando verò finitur opus, istud dicatur capitulum *Benedicat nos Deus Deus noster & Benedicat ros Deus, & meruant eum omnes fines terra:*] Regula M. S. incerti authoris cap. 11. [Peractum autem opus secundum auctoritatem S. Benedicti, dic ante altare Christi: *Benedictus es Domine Deus qui ad nos si me, & consolatus es me.*] Antiquæ Germaniæ consuetudines M. S. [Facto etiam primo signo horæ Sextæ disjungunt ab opere, versumque cantant *Benedictus es Domine Deus*, qui tribus vicibus cum *Gloria: Pater noster: Aditorium nostrum*; exinde intrantes oratoriam &c.] De Cluniacensibus audiendus est Udalticus: [Postea Dominus Abbas cum primum voluerit, innuit fratribus ab opere cessare. & ad se magis appropriare; jubet ut aliquid legatur, citius tamen finiendum, quia ipse facturus est inde sermonem loquens aliquid tale, maximè de vita Patrum, quod ædificet audientes. Quo finito iterum imposita psalmodia, revertuntur; quam & pauci cum primum claustrum limen attigerint, altiore voce levant, nec prius in capitulo consistunt, quam conventus ante capitulum Domino Abbate pronuntiante Versum *Aditorium*, faciunt universi ante & retro, & iterum præmulo *Benedicite*, accipiant licentiam loquendi.] Iterum verò post Nonam ad opus revertentes, laborando canebant psalmos familiares, quos ex consuetudine post Vesperas dicere solebant, Vesperas de omnibus sanctis, & de defunctis, officium pro defunctis aliisque mortuis Lausibus, *Deus aurius*, & *Verba mea*; deinde psalmodiam ab eo loco quo cum intermiserant mane. Finito autem labore revertebantur, & postquam reversi fuerint inquit Udalticus, ea vice sermo fieri solet in claustro à quo exurgentes, & facientes ante & retro Domino Abbate ex toto pronuntiante, tum iterum dicunt hunc versum: *Benedictus es Domine Deus*; & sequitur: *Krie eleison*, cum familiari appendicio; & novissimè versus: *Aditorium nostrum*, & factò ante & retro datur licentia loquendi; quam loquendi licentiam eis indulgebat Abbas aut Prior hoc modo: Præmissò *Benedicite*, dicebat Prior: *Lavate manus & loquimini de bono in claustro*, ex M. S. consuetudinibus in quibus hæc habetur differentia quod in eis sermo mane in claustro, serò in ipso laboris loco haberi

„ præscribitur, e contra verò apud Udalricum. Porro fiebat hoc ritu mane in
 „ clauſtro, inquit, [Legit unus infantum in loco quem Armarius ma-
 „ gistro ſuo oſtenderit, & idem Armarius eundem locum Priori debet
 „ priùs oſtendere, ut unde ſermo debet fieri poſſit prævidere; qui puer
 „ quæſita atque ſuſcepta benediſtione, legit duos aut tres verſus donec
 „ Prior ei ſignificet facere finem, & dicto: *Tu autem, di. it prior: Bene-*
 „ *dicite*; Et deinde exponit fratribus lectionem vel cui ipſe præceperit.
 „ Quo facto ſurgunt omnes & facientes ante & retro, Priore incipiente
 „ tunc dicunt hunc *ψ. Benedictus Domine Deus qui adiuvavit me & conſo-*
 „ *latus es me*; ſequitur *Gloria*, & *Kyrie* & *Pater noſter*, & noviffime *ψ.*
 „ *Adjutorium noſtrum in nomine Domini*, & facto ante & retro præcipi-
 „ tur eis præmiſſo *Benedicite*, ut lotis priùs manibus loquantur in clau-
 „ ſtro. Sero verò innuente Priore ſeu Abbate ſidebant omnes ſub arbore,
 „ aut alio aliquo apto in loco, & facta lectione, & inde ſermone jubente
 „ Priore iterum parum operabantur, ac finito labore revertabantur.
 „ De hac poſt laborem lectione & inde ſequente ſermone hæc habent
 „ Farſenſ. mon. conf. M.S.: Si duabus vicibus pergunt ibi legatur le-
 „ ctio de libro qui ad prandium legitur, ſi talis eſt qui ædificet audientes,
 „ frater qui legit ad ſervitorem debet portare librum, & exponat Prior
 „ vel cui ipſe jufferit omnibus ſub ſilentio ſedentibus.... Poſt Nonam
 „ vero redeunt in clauſtrum tandiu cantant pueri qui ante procedunt
 „ ad introitum capituli quouſque advenitur cuncti: ex tunc reſidentibus
 „ ibi puer petat benediſtione, & legat lectionem de libro quod ad col-
 „ lationem legitur, jubente Priore expleat, tum faciat ſermonem: Dein-
 „ de ſurgant omnes & faciant reverentiam; ipſe Prior dicat hunc *ψ. Bene-*
 „ *dictus es Domine Deus meus*....] Quando ſemel eunt ad opera per
 „ dies omnia aguntur ſicut in mane niſi tantum quod lectio legitur in
 „ clauſtrum &c. Denique laborare nolentes juxta Apoſtoli præceptum
 „ c. 28. „ à convivio excludit S. Ferreolus: [Monachus abſque certis ſolem-
 „ nitatibus vel manifeſta ægritudine diem ſine operatione tranſigentem
 „ à convivio decernimus excludendum jubente beato Apoſtolo qui non
 „ laborat non manducet;] Et infra: [Quiſquis ex his omnibus non ele-
 „ gerit quo occupetur opere, famem cum improprio ſuſtinere contentus
 „ ſit] ſed de his fatiſ.

CAPVT VII.

De Lectione.

1. **A**B operum labore nos, ut promiſimus, convertimus ad lectionis
 quietem, de qua potiffimum quatuor conſideranda occurrunt;
 quibus ſcilicet in libris veteres monachi lectioni vacarent; Unde & quo

ritu Codices ab armario seu bibliotheca reciperent; quot horas lectioni impenderent; quibus denique in locis lectioni operam darent. De primo diximus in Commentario ad c. 4; secundum & tertium expendimus ad c. 48; quartum hinc breviter expono.

2. Et si de loco ubi lectio facienda sit taceat S. Benedictus, qui etiam Circatores institui voluit, quos plane circuire monasterium, cum fratres lectioni vacant, necesse non foret, si omnes uno legerent in loco; facile enim adverti possent absentes, quo argumento [Liquido eo fit inquit Memoratus, fratres non simul in certo quodam loco legere solitos; sed in build cellas per monasterium sparsas, in quibus lectioni vacarent operi, orationi peculiari, quod satis liquet ex Bedæ l. 4. hist. Angl. c. 25. ubi agit de monasterij Coludiini incendio: nam & domusculæ quæ ad orandum, vel legendum factæ erant, nunc in commestitionum, portationum, fabulationum & cæterarum illecebrarum cubicula conversæ;] Ex S. Isidoro qui quamvis c. 13. Regulæ statuit, ut omnes fratres in uno conclavi dormiant, tamen cap. 1. cellulas fratribus assignat: [Cellulæ, inquit, fratribus juxta ecclesiam constituentur, ut possint propere quantocius ad officium;] & S. Fructuoso Episcopo Bracarensi qui cap. 6. regulæ suæ statuit ut [perfectæ ætatis monachi habeant cellas, junioribus cum suis Decanis lectioni & recitationi vacantibus, & si velit omnes in uno loco pausare; ipse etiam S. Benedictus cellam habebat in qua orabat, ut videtur l. 2. dialog. S. Greg. cap. 11. : Præcipitque vir Dei statim eum in cella sua in psitho quo orare solebat projici;] quod confirmare videtur Hildemarus infra citandus improbens lectionem [sigillatim per cubicula aut in dormitorio fieri,] & vita S. Wandregisili ex monacho Romanensi seu monasterij nunc S. Claudij, postea Fontanellensis Abbatis: [Quadam nocte cum in oratione devotissimè in cella sua perduraret, nimirum cum adhuc monachus Romanensis esset: Tamen communis postea ordinis usus obtinuit; ut sicut certis horis occupari debent fratres in lectione divina, certò etiam eidem vacarent in loco à quo abesse lectionis tempore nemini licitum esset; quare capitulum & monachorum ad Augiam directorum [nullus, inquit, omnino fratrum dum lectioni fratres vacant sit excusatus à lectione, quin omnes ibidem sint præsentibus una cum Patre monasterij;] & consuetudines quas S. Benedictus Abbas Anianensis in monasteriis à se institutis observari fecit: [Conveniatur ad lectionem in locum deputatum ab omnibus, exceptis his qui variis officiis deputantur: &c.] Idem etiam præscripsisse videtur S. Fructuosus in regul. c. 3. Quatuor autem maxime loca à nostris lectioni deputata reperio.

3. Primum enim in ecclesia lectioni vacasse docent capitula monachorum ad Augiam directorum: [mox ad ecclesiam cum festinatione solent occurrere, ibique oratione facta, sedentes legunt vel orant;] statuta Lantfranci: [alij verò fratres interim in choro sedeant & qui

voluerint legant ;] Udalricus in antiquis Clun. consuetudinibus :
 l. 1. [Pulsato signo ad Tertiam, & oratione facta, sedent in choro legentes]
 c. 18. & iterum : [Si forte contigerit quod ad horam refectionis panis
 l. 3. aut aliud quod non sit coctum ; pertinet quoque ad cellarium ut au-
 c. 18. ferat malleum, ne cymbalum percuti possit, & interim fratres sedent
 in choro ad lectionem.] Et ante hæc omnia S. Columbanus Abbas in
 fac. 2. atrio ecclesie librum legens inventus scribitur apud Jonam in vita S.
 Bened. Columbanus n. 35.

4. Secundus locus lectioni deputatus claustrum fuit : Antiquus Or-
 c. 9. do conversationis monastica : [Cateris horis lectioni vacent, & si
 fieri possit in uno loco aut in claustro sedeant :] Hildemarum in M.
 ad c. 48 S. commentario super Regulam S. Benedicti : [Fratres cum lectioni
 vacant, isto modo debent vacare : isti qui sunt sub custodia debent
 infirmal legere cum magistris suis ; ceteri verò in claustro non singul-
 latim per cubicula aut in dormitorio ; sed sicut dixi in claustra ;]
 c. 5. Concordia Dunstani : [Tertia verò peracta, & missa subsequente
 celebrata, uti Regula præcipit sedentes in claustro vacent lectioni :]
 Udalricus in antiquis consuet. Cluniacensis monasterij : [Post missam
 l. 1. c. 18 sedent in claustro iterum legentes cum magna disciplina & silentio ;]
 l. 1. c. 27 & iterum [Post capitulum sedent omnes in claustro ad lectionem :]
 ferm. 2. Petrus Blesensis : [Inde est quod in claustro conventuum quatuor lo-
 ca cum propriis deputantur officiis ; in latere claustrum occidentali est
 scholaris subjectio ; in eo quod contingit ecclesiam lectio moralis ;
 ad orientalem in capitulo, correctio materialis :] Liber Usuum Cister-
 c. 71. censis : [Qui verò in claustro sederint religiosè se habeant, singuli
 in singulos libros legentes :] Denique S. Bernardus : [Quæ fortè pau-
 ser 47 lo ante in claustro sedentes in codicibus legeratis :] Quare non ita
 in cant. obvia cunctis erant olim claustra, ut modo cum magno animi dolore
 cernimus, neque ita aperta ; sed undique vitro clausa, à quibus non
 recedebat Hebdomadarius, ut ex M. S. consuetudinibus S. Germani à
 Pratis liquet ; Unde etiam inter reformatoria statuta anno 1303. in
 capitulo congregato in monasterio S. Germani à Pratis ad reformatio-
 nem ordinis nostri facta decernitur, ut [Hebdomadarij per totam heb-
 domadam non exeant claustrum ; sed conventum teneant sicuti moris
 est ab antiquo ;] quod tamen de omnibus exercitiis intelligo.

5. Tertio legebant in capitulo, & maxime hyemis tempore, quo
 propter aeris intemperiem & frigoris molestiam in claustro remanere
 difficillimum erat : Liber Usuum Cisterc. docens qualiter post vigilias
 agere deberent Monachi, [Post vigilias inquit, vel post officium de-
 c. 47. functorum, si dicendum fuerit, accenso lumine à servitore ecclesie
 ante Armarium, & in capitulo sedeant fratres in ipso capitulo, &
 legant qui voluerint, nec sedeant in angulis nisi legentes, qui ta-
 liter habeant capitia in capitibus, ut possit agnosci si dormiant an
 non ;] & Boherius in 1. super Regulam S. Benedicti Commentario :

[Habet consuetudo quod fratres horis lectionis non sint per cellas in c. 48. vel alia loca separata ; sed quod sint in uno loco, p. ta in capitulo , " vel clauſtro. "

6. Quarto sub Sancto Philiberto Abbate legebant in dormitorio Gemeticenses nostri, ut patet ex ejus Vir. n. 7. ubi de dormitorio sic scribitur : [Singula per lecta lux radiat per fenestras, vitrum penetrans " fac. 2. lychnus fovet aspectus legentis ;] & Bersfeldenses, quorum in cere- " moniali decernitur, ut [in dormitorio fratrum ita lecti sint dis- " dist. 3. politi, ut non minus quatuor aut quinque pedum latitudinis spatium " c. 41. sit circa singulos lectos, à lateribus invicem interstitiis separatos & ha- " bentes singuli lumen à terro, quatenus sicut dormitioni vel meditatio- " ni, ita & pro tempore lectioni, loca singulorum convenient. "

7. Præterea æstatis tempore cum meridiano somno indulgere licitum esset, poterant in suis lectis legere, ut vidimus in comm. ad c. 48. Restat ut circa lectionem ipsam nonnulla breviter observemus. Primum antequam lectioni se darent aliquam semper præmittebant orationem: S. Fructuosus Bracarenſis Episc. : [Mox ut ad locum consuetæ medita- " c. 3. tionis (idest lectionis, quam meditationis nomine veteres frequenter " appellabant) pervenerint, ternos recitent psalmos, & orationem " ex integro finientes, meditentur usque ad ortum solis ;] Regula M. S. incerti authoris : [Cum aperueris codicem priusquam incipies legere " c. 10. dicere te oportet illud Davidicum tertio secundum auctoritatem cujus- " dam Patris : *Domine labia mea aperies, & os meum annuntiabit laudem tuam* : & : *Da mihi intellectum, & scrutabor legem tuam, & custodiam illam in toto corde meo* ; & tunc lectio cum compunctione cordis incipienda est. Peracta autem lectione, dicere te oportet : *Confitebor tibi Domine in directione cordis, in eo quod didici judicia justitia tua, eructabunt labia mea, usque quoniam mandata tua elegi.* "

8. Secundò qui variis erant officiis deputati, hujusmodi lectionibus non tenebantur cum aliis interesse, nisi per otium sibi liceret ; quod tamen eorum conscientia relinquebatur ; ceteri verò sub summo silentio attentè legebant : Ita præscribunt antiquæ consuet. S. Benedicti Abbatis Anianensis : [Post opus, & Tertiam, & Missam, pleniter conveniatur ad lectionem in locum deputatum ab omnibus, excepto his qui " To. 4. variis officiis deputantur, sed de his qui possunt occurrant, quorum con- " anal. scientia sibi testis est utrum possint, custodito summo silentio in intentione lectionis, nisi jubeat Prior alicui doctiori minùs doctis fratribus, " vel doctrina indigentibus lectionem tradere, de cujus moribus secu- " rus sit. "

9. Tertio Cistercienses tempore lectionis permittiebant orationis causa in ecclesiam secedere ; præterea his qui minùs erant in cantu periti in Antiphonariis, Hymnariis, Gradualibus, cantare ; Lectoribus refectorij & collationis prævidere lectiones, quas auscultabat Cantor aut alius ab ipso monitus. lib. usu. c. 71.

- ibi d. „ 10. Quartò [quod si aliquis necesse habuerit divertere alicubi,
 „ addit liber *Usum Cister.* librum suum in armario reponat, aut si in
 „ sede sua eum dimittere voluerit, faciat signum fratri juxta sedenti, ut
 „ illum custodiat;] Ex Regula S. Isidori libros vespere Custodi red-
 c. 9. „ debant, eosdem sequenti mane ab eo recepturi: [Omnes codices *inquit*,
 „ Custos sacrarij habeat deputatos, à quo singulos singuli fratres acci-
 „ pient, quos prudenter lectos vel habitos semper post vesperam reddent.
 „ Prima autem hora codices singulis diebus petantur, qui verò ante vel
 „ tardius petierit, non est dandum illi.] Hic vides quanta cura, quanta re-
 „ verentia erga libros fuerit veterum Monachorum: Adde quod aiunt Sta-
 c. 28. „ tuta Guigonis cum de cellæ utensilibus: [Adhuc etiam libros ad
 „ legendum de Armario accipit duos, quibus omnem diligentiam
 „ curamque adhibere jubetur, ne fumo, ne pulvere, vel alia qualibet
 „ forde maculentur; libros quippe tanquam sempiternum animarum
 „ nostrarum cibum cautissimè custodiri & studiosissimè volumus fieri, ut
 „ quod ore non possumus, Dei verbum manibus prædicemus:] Postrema
 „ hæc Guigonis verba in memoriam revocant ea quæ scribit Hariulfus
 „ in chron. Centul. l. 3. c. 3. ubi recensitis monasterij sui libris sic
 spicil. „ exclamat: [Hæ ergo divitiæ claustrales, hæ sunt opulentia cele-
 to. 4. „ stis vitæ dulcedine animam saginantes, per quas in Centulensibus
 „ impleta est salubris illa sententia: *Ama scientiam scripturarum & vitia*
 „ *non amabis.*

CAPVT VIII.

De Tertia, Sexta & Nona.

1. **Q**Uam supra de alijs canonicis horis tractantes observavimus
 methodum, eandem & hoc capite tenere animus est, refe-
 rentes nempe quas & quot ad has horas Tertiam, scilicet, Sextam,
 & Nonam veteres monachi decantarent preces; deinde quas à nostris
 ad præscriptum à Sancto Patre Benedicto officium superadditas com-
 petimus; Tum denique ritus, si speciales aliqui præter relatos supra
 capite 2 ad has horas spectantes occurrant.
2. Tertiæ, Sextæ, Nonæque officium omnibus fere priscis Monachis
 notum celebreque extitit, ex quibus tamen unicam Nonam Tabennen-
 sioræ seu Pachomiani celebrasse leguntur apud Palladium in hist.
 1. 3. c. 1. Laus. solam Tertiam, idque Dominicis Sabbatisque dumtaxat Ægyptij
 1. 2. n. 2. apud Cassianum, aliter tamen per alias provincias ubi, eodem Cassia-
 „ no teste, erant [quibus in ipsis quoque diurnis orationum officiis,
 „ idest Tertia, Sexta, Nonaque id visum est, ut secundum horarum mo-
 dum,

dum, in quibus hæc Domino redduntur obsequia, psalmorum etiam & orationum putarent numerum coarctandum.] hoc est ut explicat Gazæus in Comm. ad hunc locum, ut [hora tertia tres psalmos, Sexta sex, Nonaque novem persolverent, quod propriè est horarum & psalmorum numerum exequare.] *Addit Cassianus*: [nonnullis placuit senarium numerum singulis diei convertibus deputari.

3. De Palestinæ, verò ac Mesopotamiæ, totiusque Orientis Monachis alibi sic loquitur: [Itaque in Palestinæ vel Mesopotamiæ Monasteriis, ac totius Orientis supra dictarum horarum Tertiæ, Sextæ, Nonæ, solemnitates trinis psalmis quotidie finiuntur, ut & orationum assiduitas statutis temporibus Deo offeratur, & necessaria operationis officia consummatis iusto moderamine spiritualibus obsequiis nullatenus valeat impediri.] Quem verò psalmodiæ ordinem in suo Malsiliensi cenobio ipse instituerit omnino nos latet.

4. S. Cæsarius in sua ad Virgines Regula morem seu ritum psallendi maxima ex parte secundum Lirinenis monasterij Regulam constituens, præscribit, [ut quotidianis diebus ad Tertiam, Sextam, Nonam, seni psalmi cum antiphonis, hymnis, lectionibus, vel capitellis suis dicantur;] ubi quoad psalmorum numerum cum eis convenit, de quibus modò Cassianus.

5. Ordinem à S. Benedicto institutum sic exhibet ejus Regula: [Tertia verò, Sexta, & Nona eodem ordine celebrantur (nimirum quo Prima de qua supra c. 4) oratio idest versus, hymni earundem horarum, terni psalmi, lectio, versus, *Kyrie eleison*, & missæ sint. Si major congregatio fuerit cum antiphonis: si vero minor in directum psallantur;] & sequenti capite quo ordine psalmi dicendi sint explicans, Dominica & feria secunda sic psalmum 118. distribuit, ut assignatis ad Primam Dominicæ quatuor ejusdem psalmi capitulis, reliquis horis tam Dominicæ, quàm feriæ secundæ terna capitula deputet. Reliquis verò diebus 9 psalmos quotidie repetendos nempe à psalmo centesimo nono decimo usque ad centesimum vicissimum septimum.

6. S. Aurelianus decessori suo S. Cæsario adhærens, psallendi ordinem virginibus ita decernit: [Quotidianis diebus ad Tertiam sex psalmos dicite, antiphonam, hymnum *jam surgit hora tertia*, lectionem, & capitellum *Fiat Domine*. Ad Sextam ipse numerus psalmorum tenendus: antiphona dicenda, hymnus *iam sexta ser-sim voluitur*, lectio, & capitellum. Ad Nonam iste ordo servandus, hymnus verò *Ter hora trina voluitur*] Idem instituit in Regula ad Monachos, excepto quod psalmos duplicat, duodecim ad singulas horas præscribens.

7. Regula incerti authoris apud Augustinum de numero psalmorum nihil definitè decernit, sed dumtaxat [ad Primam inquit & Tertiam dicantur sui psalmi, antiphonæ duæ, lectiones duæ, simili modo ad Sextam & Nonam dicantur sui psalmi cum debitis Responsoriis, & antiphonis.]

c. 7. 8. S. Columbanus omnium horarum dici cursum eodem ritu ita disponit : [Per diurnas terni psalmi horas pro operum interpositione statuti sunt à senioribus nostris cum versiculorum augmento intervenientium, pro peccatis primum nostris, deinde pro omni populo Christiano, deinde pro Sacerdotibus, & reliquis Deo consecratis sacrae plebis gradibus, postremò pro eleemosynas facientibus, postea pro pace Regum, novissimè pro inimicis.] Huiusmodi versiculos ad officium S. Benedicti addidere posteriores nostri, ut supra vidimus c. 4 quod ex utriusque S. Benedicti & S. Columbani Regulae conjunctione ortum esse satis probabile est.

c. 7. 9. S. Isidorus Tertiæ, Sextæ, Nonæque officium ita ordinat : [In Tertia, Sexta & Nona tres psalmi dicendi sunt, Responsorium unum, Lectiones ex veteri novoque Testamento duæ, deinde Laudes, hymnus atque oratio.

10. S. Fructuosus Bracarensis Episcopus Tertiam, Sextam, Nonam cum tribus etiam psalmis persolvendas esse decernit.

c. 35. 11. Similiter & Magister in cujus Regula sic lego : [Psalmi per horas supra scriptas dici, id est Primam, Tertiam, Sextam, Nonam terni dici debent, currente semper psalterio, singula responsoria, Lectionem Apostoli, lectionem Evangelij, quam semper Abbas dicat, aut si absens fuerit Præpositi vicibus dicent; post ipsam Rogus Dei. 12. Denique Regula cujusdam ad Monachos [Tres inquit psalmi in unoquoque conventu diei canendi sunt.

13. Atque hæc sunt præcipuæ preces quibus Tertiam, Sextam, Nonamque horas veteres monachi celebrabant, nempe psalmi, hymni, lectiones, versus, responsoria, & orationes seu collectæ.

14. Psalmorum ternarius numerus universis Palestinæ Mesopotamiæ, totiusque Orientis monachis magis placuit; eundem numerum ab his acceperunt in Occidente S. Benedictus, S. Columbanus, S. Isidorus, S. Fructuosus Episcopus Bracarensis, & Magister; eundemque præscribit Regula cujusdam ad Monachos : Hanc numerum duplicavit S. Casarius, quod etiam alios fecisse aliis in provinciis testatur Cassianus, sex has ad horas psalmos decantari volentes, totidem præscripsit monialibus S. Aurelianus; at 12. à monachis persolvi voluit ad Tertiam. Nonnulli psalmorum numerum horis exæquabant, tres ad Tertiam, sex ad Sextam, novem ad Nonam psalmos decantantes.

15. Hymnorum meminere dumtaxat S. Casarius, S. Benedictus, S. Aurelianus & Isidorus; & quidem psalmis & antiphonis subiungunt Casarius, Aurelianus & Isidorus; præponit verò S. Benedictus, cui & illud peculiare fuit inter omnes monachos, quod horas canonicas à versu *Deus in adiutorium inchoet*, quem ritum ab ipso universalis Ecclesia recepit.

16. Lectiones nullas faciebant Orientales monachi, saltem id non liquet; contra Occidentales. Unicam tantummodo præscribunt

S. Benedictus, S. Casarius, S. Aurelinus; duas Regula incerti authoris apud Augustinum (saltem ad Tertiam.) S. Isidorus & Magister; S. Isidorus unum de novo, aliam de veteri Testamento; Magister primam ex Apostolo, secundam ex Evangelio ab Abbate dicendam.

17. Versum unicum Lectioni subjungunt S. Benedictus, S. Casarius, & S. Aurelianus, plures congerit S. Columbanus, quos etiam fortè responsoriorum nomine intelligunt alij.

18. De collectis & orationibus diximus supra. Nunc additiones per nostros adstitutum à S. Benedicto officium factis intelligemus postquam nonnulla retulerimus, quæ nostri ante Tertiam præmittere solebant. Illud enim omitti non debet quod in omnibus pene Ordinis nostri monasteriis communi usu receptum fuisse ut ante Tertiam fratres diurnos calceos induerent; manus faciemque lavarent; caput pectinarent, tresque orationes officio præmitterent, quod ultimum, ut jam diximus, aliis horis erat commune: Ita Dunstani concordia decernit ut [Vacent fratres lectioni usque ad horam secundam, secundum Regulæ præceptum; tunc facto signo cant, & se diurnalibus induant calceamentis, nullus enim hoc debet præsumere, antequam illud audiat signum, exceptis ministris, neque tunc ab aliquo intermitatur sine licentia, ne præsumptione temeraria obedientiæ meritum lugubriter obnubilent: dehinc psalmodiis dediti facies suas, uti mos est, lavet schola universa cum magistro, & Abbate: seniores verò prout Deus unicuique in corda eorum divino immiserit instinctu silenter ac tota mentis intentione opus suum in his obsequiis sicut in omnibus convenit orationibus decorando celebrent, horas canonicas, vel septem pœnitentiæ psalmos, vel aliud quidpiam spirituale ad tentationem diabolicam devincendam psallendo; sicque loti veniant ad ecclesiam. Infantibus autem ad ecclesiam intrantibus, Edictus primum sonet signum, peractis tribus à pueris orationibus, uti prius à senioribus gestum fuerat, dispositi singuli in locis suis campanâ pulsata incipiant horam Tertiam.] Hactenus S. Dunstanus fusè describens quo ritu fratres ad Tertiam se præparare deberent. Dunstano subscribunt antiquæ Germaniæ consuetudines M. S. [Postea sedent sic legendo usque ad horam secundam: hora secunda pulsatur signum à Priore, induuntque se calceamenta leviora quàm nocturnalia sint; lotisque manibus ac facie, intrent oratorium, orantque tribus vicibus inter altaria sicut in nocte, ut diximus, fecerunt: Interea primum signum horæ Tertie, auditur veniuntque in chorum præstantes aliud quo pulsato incipient Tertiam;] & statuta Lanfranci: [Antequam sonet signum ad apparatus Tertie nullus calciet se diurnalibus suis, exceptis iis quibus extra claustrum cura obedientiæ injecta est, & hi priusquam exeant aliquantulum in claustro sedere debent, & expectare ut prius infantes in scholis suis legant. Cum appropinquaverit tempus horæ Tertie, pulsetur à Secretario

„ modicè signum minimum quam squillam vocant, & statim pergant
 „ in dormitorium, & calcient se diurnalibus & cutellos accipiant; deinde
 „ ad lavatorium vadant, & prius lavent se, & postea pectinent: dehinc
 „ ad ecclesiam veniant, aquam benedictam sumant, in chorum vadant,
 „ & incumbentes terræ infantes expectent. Cum verò infantes loti fue-
 „ rint, & se pectinare incœperint, pulsetur majus signum ad horam:
 „ accedentes & ipsi ad aquam benedictam in chorum veniant, & dimisso
 „ signo omnes simul tres orationes faciant; quibus factis pulsetur,
 „ minus signum & canatur Tertia;] & Udalricus l. 1. consuet. Clun.
 „ c. 40. [Vacamus lectioni usque ad Tertiam; pulsetur scilla, & tunc
 „ primum diurnalibus nos calciamus, lotis manibus & facie, & pexo
 „ capite, imus ad ecclesiam, & procumbendo ad orationem pueros ex-
 „ pectamus, quibus ingredientibus pulsetur signum; facimus tres ora-
 „ tiones, pulsetur scilla; cantatur Tertia, missa quoque matutinali adjun-
 „ cta. [His accedunt Parisienses S. Germani à Pratis consuetudines M. S.
 fol. 10. „ [Quando tempus erit, calciatio pulsabitur, & ibunt in dormitorium &
 „ vement lavare manus suas; & tunc pulsabitur Tertia cum una campana
 „ grossiori, & venient in chorum, & erunt prostrati, & terminabitur
 „ *Pater noster* &c.] Ex his patet tres, quas diximus orationes, cum prostra-
 „ tione factas fuisse, quod innuunt satis ista Lantfranci verba *Incumben-*
 „ *tes terra*; Hæc tamen omnia quæ retulimus ætate præstabant ante Pri-
 „ mam, ut constat ex Udalrico l. 1. conf. Clun. c. 18. & ex M. S. consuet.
 „ S. Dionysij, in quibus ab octavis Pentec. ad Cal. Novemb. hæc præscri-
 „ buntur: [mane pulsabitur sonitus, & surgant omnes, eant ad lavatorium
 „ & abluant facies & manus, & pectant capita, & accipiant aquam be-
 „ nedictam & eant ad ecclesiam, & faciant orationes, deinde sedent
 „ in clauistro usque ad Primam, & cantent, & legant in audientia, ad
 „ Primam eant &c.] immo etiam hyeme diebus Dominicis & aliis fortè
 „ diebus quibus à jejuniis abstinebant, ut colligere licet ex M. S. S. Ger-
 „ mani à Pratis consuetudinibus. Ut autem ad factas ad officium à S. Be-
 „ nedicto institutum additiones veniamus, duos psalmos Tertiæ subjungit
 „ S. Dunstanus: [Post cujus terminum, *inquit*, dicant pro Rege, atque
 „ Regina, & benefactoribus suis psalmos: *Usquequo Domine*, & *Mise-*
 „ *re mi Deus, miserere mei*, subsequenter bus præscriptis collectis; dein-
 „ de missam matutinalem celebrent.] Dunstano concinunt antiquæ Ger-
 „ manicæ consuetudines M. S. statuentes ut [Cantata Tertia psallant
 n. 33. „ duos psalmos: *Usquequo: Miserere mei, Deus, miserere mei*, cum preci-
 „ bus supradictis, & exeuntes in capellam proximam celebrant priorem
 „ missam;] Statuta Lantfranci duorum psalmorum post Tertiam dicen-
 „ dorum explicite non meminerunt; sed tantum ut [Inchoato psalmo
 „ *Miserere mei Deus*, surgentes missam matutinalem celebrent.
 „ 19. Cluniacenses quatuor Tertiæ, totidemque Sextæ & Nonæ psal-
 „ mos adjiciebant, testante Udalrico l. 1. Conf. Cluniac. c. 2. Idemque
 „ observabant nostri Sandionysiani, Tullenses S. Apri, atque Beccenses;

sed non semper fidem ut patet ex Tullens. Ord. & lib. usum Becc. ubi etiam aliquando propter aliquas festivitates psalmorum familiarium numerus minuitur. In M. S. consuetudinibus S. Germani à Pratis præscribitur, ut post Tertiam dicatur [Tertia Beatæ Mariæ, solito & duo psalmi familiares & post missa] nimirum matutinalis, quæ tamen æstate, ac diebus Dominicis hyeme post Primum dicebatur.

20. Quod hic dicimus de additionibus ad Tertiam, idem de iis quæ ad Sextam Nonamque fiebant asserendum est: nimirum duo, vel 4. psalmi pro locorum consuetudine psalmi familiares addebantur, quibus post Sextam, Letaniam subjungebant; deinde missam in jorem, quam nos Conventum idem appellamus: [Finita Sexta, inquit, Dunstani, canant psalmum *Deus misereatur nostri*, & *Domine exaudi* 1. pro Rege, Reginaque, & familiaribus, cum præscriptis collectis; sequitur litania, qua finita Cantor ad hoc more solito indutus missæ officium inchoet; finita missa pulsatur primum signum Nonæ, & agatur oratio peracta Nona dicant pro Rege, Reginaque, & familiaribus psalmos: *Qui regis Israel*, & *De profundis*, & cum prænotatis collectis; dehinc pergant ad mensam: M. S. Consuetudines Germaniæ: [Cantant Sextam duosque psalmos: *Deus misereatur*: *Domine exaudi*. Quia cantata videntur ministri ad sacramentum, & induunt se, alique fratres sedent in choro: Paratis verdè ministris psalluntur duo C. & letania breviter recitata missaque celebratur . . . & cantant Nonam, & duos psalmos post Nonam: *Qui Regis*: *De profundis*,] Parisienses S. Germani à Pratis consuetudines M. S. Post Sextam [Sexta Beatæ Mariæ, & duo psalmi familiares, antequam incipiatur *Kyrie eleison*, pulsabitur una campana, & Sacerdos revestiet se cum suis ministris; deinde pulsabitur missa cum duabus campanis. . . . ad Nonam antiphona &c . . . & postea de Beata Maria, & duo psalmi familiares, & post ibit conventus in refectorium.]

21. S. Lantfrancus nullam psalmorum facit mentionem, sed letaniæ dumtaxat missæque post Sextam celebrandæ. [Post Sextam, inquit, pulsato ad missam signo, oratione facta, licetur ab infante litania; induantur qui celebraturi sunt missam;] Hanc tamen letaniam & missam æstate post Tertiam dicebant, atque aliis etiam fortè diebus quibus hyeme jejunium relaxabant, ut patet ex Dunstani Concord c. 6. & ex Udalrico l. 1. consuet. Clun. c. 18. Sed letaniam quandoque propter aliquam festivitatem, aut propter jejunium dimittebant, ut docent consuet. Sancti Dionysii in Francia in quibus æstate præscribitur, ut [Post Tertiam ante missam dicatur letania quotidie, nisi pro aliqua festivitatem, vel pro aliquo jejunio, sicut est de Beato Joanne & de Beato Petro, & de Beato Laurentio & de Beata Maria, & de Beato Dionysio, & de aliis jejniis contingentibus dimittatur.]

22. Hæc verdè litania non erat adeo prolixa; sed multò brevior quàm ea quæ post Primam diceretur; ut discere possumus ex Udalrico in antiquis Cons. Chuniac, ubi sic loquitur: [Majorem missam in privatis]

„ diebus solet iterum letania prævenire quæ tamen non est multum pro-
 „ lixa, tribus tantum sanctis de singulis ordinibus nominandis.] Hanc
 videre est in M. S. consuetud. ejusdem monasterij, ex quibus descrip-
 tam accipe prout sequitur: Kyrie eleison: Christe eleison: Kyrie elei-
 son: Sancta Maria, ora pro nobis: Sancta Dei genitrix, ora: Sancta
 Virgo Virginum, ora: S. Michael S. Gabriel: S. Raphael: S. Johannes,
 S. Petre: S. Paulè: S. Andrea: Sancti notantur qui honorabiliores habentur
 in Patria, S. Stephane (hic dæ lineæ abrasæ sunt, quatum loco
 à Monacho haud dubium Corbeienfi additæ sunt hæ invocationes:
 S. Gentiane cum sociis: S. Sebastiane: S. Adalarde: S. Ratberte: S. Præ-
 cordi: S. Maria Magdalene: S. Felicitas: S. Balthildis. *Hic surgunt om-
 nes.* Omnes Sancti orate pro nobis I.I. Propitius esto, parce nobis Do-
 mine; Ab insidiis diaboli, libera nos Domine; A fulgure & tempestate,
 libera. A Pascha usque ad festum S. Michaelis dicitur: Per Passionem &
 Crucem tuam, libera; Per gloriosam Resurrectionem tuam, libera; Per
 admirabilem Ascensionem tuam, libera: Per gratiam Spiritus sancti pa-
 racleti, libera: In die judicij, libera: Peccatores, te rogamus audi nos:
 Ut pacem nobis dones, te rogamus: Ut misericordia & pietas tua nos
 custodiat, te rogamus: Ut ecclesiam tuam regere & defensare digneris,
 te rogamus audi nos: Et ab oct. Paschæ usque ad festum S. Michaelis:
 Ut fructus terræ dare & conservare digneris, te rogamus: Ut nos exau-
 dire digneris, te rogamus: Fili Dei, te rogamus audi nos I.I. Agnus Dei
 qui tollis peccata mundi, parce nobis Domine, Agnus Dei qui tollis
 peccata mundi, miserere nobis. Sequitur introitus.

CAPVT IX.

De refectiōe.

1. UT solitos apud antiquos monachos ad refectiōem ritus omnes
 faciliore methodo referamus; tria, ut supra de labore manuum,
 tempora expendenda sunt: nimirum ipsum quod immediatè refectiō-
 nem præcedit, tempus ipsum refectiōis, & quod subsequitur.

2. Quod primum tempus respicit, illud ante omnia observatu di-
 gnū est, quod nonnullis in cœnobiis adveniente refectiōis tempore,
 antequam accederent ad mensam, omnes monasterij fores præclu-
 debantur: Ita S. Isidorus præcipit ut [Tempore quo refectiōis de-
 bitum solvitur, claustra monasterij oblerentur, nec ullus extraneus
 Reg. „ interesse præsumat, ne quietem fraternam præsentia sua impediatur.]
 c. 10. „ Optima sane sanctio, quam etiam nunc observant nostri in celebri
 S. Udalrici monasterio Augustæ, quemadmodum in suo Germanico itine-
 re refert Mabillonius noster.

To. 4.
Anal.

3. Secundò apud omnes omnino monachos usu receptum fuit, ut statuta refectio hora, quam prævenire vel minimùm, nefas ducebant. Hanc post Sextam æstate, post Nonam hyeme expectabant nostri in ecclesia, ut patet ex antiquo Ordine Conversationis monachorum: [Ad horam verò refectionis post expletionem expectant in ecclesia pſallentes in choro, cùm audierint cymbalum, ordinatè & sine ullo strepitu festinent lotis manibus introire refectoryum;] ex Capitulo 28. monachorum Sangallensium: [Ut post omnes curius, quando ad refectoryum ire oportet in Ecclesia, illud signum quod ad refectoryum sonat expectent, nisi quem necessitas exire compellit;] Et in capitulo 6. monachorum ad Augiam directorum: [Ut in oratorio post signum Sextæ omnes in loco sibi deputato stantes, finita oratione cum summa reverentia expectant, dum signum Præpositus pulsaverit ad refectoryum, &c.] & in capitulo 8. [Finita vespere expectant ibidem, sicut & ad Sextam fecerant, dum signum sonaverit ad refectoryum.] Idem clarum est ex M. S. Germaniæ consuetudinibus.

4. Hunc ritum à Pachomianis accepisse nostri videntur; in Regula namque S. Pachomij ita lego: [Dimissa collecta, singuli egredientes usque ad cellulas suas & usque ad vescendi locum de scripturis aliquid meditabuntur] Hyemis tamen tempore urgente frigore, finito officio, ad ignem accedentes refectionis horam expectabant; ut discimus ex statutis S. Adalardi Abbatis Corbeiensis: [Si æstivum tempus fuerit, peractis his horis post quas continuò in refectoryo generaliter eundum est, oportet ut omnes cum silentio in ecclesia subsistant, quo usque audito signo cautè reverentiam Deo dantes, exeant, & cum præfato silentio intrantes, & residentes, & exeuntes de refectoryo singuli ad ea quæ tunc secundum tempus ratio docuerit vel iussum fuerit attendant: si autem hyems fuerit & calefaciendi necessitas ingruerit, prout ei qui præest visum fuerit, sive ante sive post peractum officium aliquod intervallum fiat, quando se calescere possint, sua autem in ecclesia expectent ut supra.]

5. Tertio Ubi refectionis hora advenisset, sonitu tintinnabuli, aut alicujus alterius instrumenti ad refectoryum convocabantur: [Ad cymbalum non pergent nisi generali sonitu convocentur,] inquit, S. Pachomius. Hoc signum pulsabat Præpositus ex supracitato capitulo 6. monachorum ad Augiam directorum, cui concinit Lantfrancus in statutis: [Cantata Nona, exeant Prior ad percutiendum cymbalum, hebdomadarij coquinae & qui servituri sunt ad injuncta sibi officia;] & Bursfeldenses: [Hora adveniente Prior aut ille cui injunxerit signum, pulset.] In antiquis verò Germaniæ consuetudinibus M. S. hoc officium committitur Circatori: Tunc exeat Circator, & tintinnabulum pulsat ad refectoryum.] Pulsando autem aliquid meditari debet ex Regula S. Pachomij [Qui percutit ad vescendum dum congregantur fratres, anediteur aliquid in percutiendo.]

6. Quartò audito signo omnes illicò convolabant in refectorium, quod intrantes superius positam crucem salutabant, ex antiquo ordine conversationis monasticæ: [Sine ullo strepitu festinent lotis manibus introire refectorium salutantes crucem versis vultibus ad orientem:] Quem ritum præscribunt antiqua Carthusianorum statuta: [Intrantes refectorium nudamus caput, & venientes ad sedes nostras inclinamus ad crucem;] & Bursfeldenses: [Facto igitur signo, fradist, tres intrent refectorium, & ablutis manibus inclinantes versus crucifixum stent in ordine suo dispositi ante mensas;] ubi notandum est quod observavit Benedictus Hæftenus, quia [antiquo ritu monachorum refectoria orientem versus spectabant, eoque loci superioris mensa situebatur, cui crucis aut crucifixi supereminet imago, hinc Johannes Monachus in vita Sancti Petri Damiani c. 19. de eodem scribit: Hic quoque vir tulit mensam Abbatis (Cassinensis) quæ occidentem versus fuerat constituta, & ad orientem posuit refectorij plagam, ubi videlicet imago crucifixi Domini fuerat in pariete per picturam expressa;] Quod confirmatur ex historia aurea Johannis ad an. 967 in qua refertur quod mortuo Eadgaro Rege ejectis de magnis monasteriis monachis, & canonicis per Magnates intrusis, coacto super hoc Wintoniæ Concilio; [Ibi imago crucifixi in capite refectorij monachorum posita, humanas exprimens voces dixit, Absit hoc ut fiat, absit hoc ut fiat, judicatis bene mutaretis non bene:] Citatur à Clemente Reynero in appendice script. 37. pag. 41. referturque in vit. S. Dunst. n. 36. sæc. 5.

7. Quintò congregati versum dicebant, cui ne quis deesset summa diligentia cavebant; unde fortè ad illum cantandum dependens super mensam Abbatis signum pulsabant, ut patet ex Ordine monasticæ convers. [Et cum secundò signum sonuerit ad mensam, omnes congregati simul dicant versum, & orationem Dominicam inclinato corpore;] Clariùs ex antiquis consuetudinibus Germaniæ: [Exeat Circator & tintinnabulum pulsatur ad refectorium, cunctique pariter illuc venientes lavant manus, & intrant, expectantque Dominum Abbatem; Illo autem intrante pulsatur signum quod pender super mensam ejus, & dicunt versum] Et ex M. S. conf. S. Germani à Pratis: [Quando Prior venit in refectorium omnes inclinabunt eum, & pulsabit campanam; & incipiet Cantor *Ps. Oculi omnium*] De hoc versu consule Commentarium ad caput 43.

8. Sextò dicto versu omnes ad mensas sedebant, non quidem promiscuè & prout se se quisque exhibebat; sed unusquisque ordine suo ad mensam suam; [Et data benedictione, inquit antiquus Ordo convers. mon. à Priore, sedeant singuli ordine suo ad mensam cum summo silentio;] atque à mensa sua Abbate non jubente, transire nefas ducebant; Hinc Regula Pauli & Stephani: [Nullus præsumere audeat de ea mensa in qua comedere scriptus est, transire ad aliam, nec

ne liceat cuiquam alterum ad se de alia mensa venientem ad m^{en}-
ducandum suscipere : sed unusquisque in mensa deputata comedat , ita
ut si in mensa major pars fratrum absens fuerit , residui usque ad tres
in numero ad suam seant : infra autem hunc numerum remanen-
tes in alia mensa comedant secum solum ordinem deputatum :] Regula
S. Pachonii : Cum autem a ieiuniorum venerint , sedebunt per or-
dinem statuti locis , & operient capita , statim ut tibi à maiore fuerit
imperatum , ut de alia mensa ad aliam transfeas , ire debebis , in nullo pe-
nitus contradicens .] Deni porro ad singulas mensas confedebant
ex Regula S. Hilarii : Refectorium pariter cunctis fratribus unum
erit , ad singulas mensas ~~dem~~ convalescentes residerant ; reliqua quiba
parvulorum adstent .] Hec sunt præcipua quæ tempus ipsum refectio-
nem præcedens respiciunt , nunc quæ ad ipsam refactionem , omnibus ad
mensas residentibus , spectant , investigare oportet .

9. In primis observandus ritus in Regula Magistri præscriptus his
verbis : [Egressa omni congregatione cum suo Pastore de oratorio ,
post versus & orationem , Abbas in suæ mensæ cathedra sedeat ; mox
omnis congregatio respondeat : *Deo gratias* , & omnibus adhuc ad
suas mensas stantibus , canister supra mensam Abbatis pendens trochleæ
funè descendat , ut à celo videatur operarij Dei annona descendere :
statim ubi canister descenderit , signans universum panem Abbas , fran-
gens & tollens sibi prius annonam suam à Domino benedicendam ,
elevet manum , & ponens ante se , stantibus ad mensam suam his qui
cum eo mandacaturæ sunt erogatis , statim ut acceperint osculentur
Abbatis manum , & sedent tacentes : Deinde vocatis unius mensæ
Præpositis , det eis totius mensæ suæ annonas , quibus dimissis , voca-
tis aliis tradat & ipsis , jam si Domino iuvante multa fuerit con-
gregatio , sic faciat omnibus mensis . Qui Præpositi cum annona
tam suas quàm suorum fratrum accipiunt , pro hoc ore Majoris ma-
nus osculentur Abbatis . Item cum ipsi in suis mensis fratribus
erogant , pro humilitate manus eis à fratribus osculentur , & postquam
quis acceperit , sedeat tacitus . Post omnium verò sessionem levet se
Hebdomadarius lectionis mentalis , & ipse accipiens annonam suam
osculetur manum dantis , & commendet eam Cellarario , & resi-
deat in sella cum coeliis , donec ingrediantur hebdomadarij eoq. inae
cum Cellarario , & ipsi accipientes annonas suas à Præpositis suis oscu-
lentur manus eorum : simul & Cellarius quia sub nullius decada
numero continetur , de manu Abbatis accipiat annonam suam , qui
eum acceperit osculetur & ipse manum dantis , & ponet mensæ suæ .
Mox prius Abbati , deinde omnibus simul sibi & ultimus singulos
metros porrigant . Statim evates Hebdomadarij ministrent in primo
mensæ Abbatis ; deinde allata diversarum mensarum ab inferioribus
fercula offerantur Abbati signanda . Sic etiam signat omne quod appo-
natur tam coctum quàm crudum in mensis . Qui signat cruce , sic dicat ,

M

ore: *Benedic Domine quicquid ex hinc accepturi sumus*, ut forte quod non est opus, aut purgatur, aut cadet; aut illud quod victui non pro-
 ficit sine benedictione iactetur in terra, & pedibus conculcetur, ne
 res benedicta videatur pati injuriam. Quæ ergo fercula signata singu-
 las ponantur per mensas, & cum ministraverint sedeant unà cum Cel-
 lario ad mensam Præpositi sui, & manducent cum congregatione
 communiter.] Quibus in verbis nonnulla notanda sunt. 1. catharra Ab-
 batis ad mensam sedentis, 2. canister panis fane desuper mensam Abba-
 tis descendens, 3. ordo panis d'istribuendi, 4. osculum manus porri-
 gentis annonas, 5. benedictio ferculorum, 6. forma ipsius benedictionis.

10. Quod verò nostros potissimum spectat, illud maximè cavebant,
 ne quidquam cibi corpus ante prægustaret, quàm anima spiritali le-
 ctionis alimento reficeretur; ut discimus ex antiquis Clun. consuetu-
 dinibus: [Nihil omnino comedit antequam lectio sit incepta;] quod
 etiam observabant Bursfeldenses in quorum ceremoniali sic lego:
 [Fratres appositum non attingant cibum, priusquam percepta sen-
 tentia aliqua de lectione, Præsidentem attingere signo perceperint.

11. Secundò nihil cibi aut potus ante D. Abbatem percipiebant,
 ex antiquo Ordine conversationis monasticæ; [Nullusque præsumat
 quidquam accipere cibi aut potus ante Dominum Abbatem; ipse au-
 tem Abbas non tardet accipere;] Quod etiam in Regula S. Pachomij
 reperio: [Nec ante Præpositum domus ræ manum in mensa
 extendas;] Similiter liber Usuum Cisterc. [Incepta lectione fratres
 discooperiant panes, Priore tamen priùs hoc faciente.

12. Priusquam tamen quidquam comederent Cluniacenses no-
 stri, his qui ad missam non communicaverant hostias distribuebant,
 & quidem per manus Sacerdotis: [Nihil omnino comedit, inquit,
 Udalricus, nisi lectio incepta sit & antequam de manu Sacerdotis obla-
 tam accipiat, si tamen est privata dies, & si ipsa die non communicant.]

Quoniam vero ritu id fieret explicat postea idem Udalricus his verbis:
 [In privatis diebus hostiæ non consecratæ portantur in refectorio, ut
 his qui eo die non communicaverunt per manus Sacerdotis distribu-
 tur, quod hoc ordine fieri solet; ut primùm tribuat de ipsis hostiis
 Domino Abbati, postea cum sint mensæ tres, utrimque ad dextram
 Domni Abbatis ad unam mensam, postea ad omnes in alia parte; & sic
 iterum redit ad dextram, & tribuentis manus à singulis osculatur]

in M. S. etiam Germaniæ consuetudinibus ad Hebdomadarij Presby-
 teri officium spectat *fratribus oblationes dare* ad mensam: At capitula
 Monachorum ad Augiam directorum hoc munus duobus Presbyteris
 committunt, decernentes cap. septimo [ut in refectorio facta bene-
 dictione, veniant duo Presbyteri ad Abbatem frangentes panem &
 dant ipsi eulogium fratribus, stantes antequam accedant ad mensam.]
 Idem videre est in antiquis S. Benigni Divionensis consuetudinibus:
 [In privatis diebus, inquit, exceptis his in quibus una tantum

hostia offertur, hostiæ non consecratæ in refectoriâ portantur ab Hebdomadario Sacrista, & dividuntur ab eo æqualiter in duobus vasculis ad hoc ipsum decenter præparatis, ut illis qui eo die non communicaverint per manus duorum Sacerdotum distribuantur, qui duo sunt Hebdomadarius majoris missæ & minoris; quod hoc ordine fieri solet, ut Hebdomadarius majoris missæ incipiat ab Abbate, vel ab eo qui loco ejus sedet; deinde distribuat illis qui sedent ad mensas quæ sunt ad dextram Domni Abbatis incipiens à Prioribus. Hebdomadarius quoque minoris missæ distribuat illis qui sedent ad mensas quæ sunt ad dextram Domni Abbatis, similiter incipiens à Prioribus, & quicumque accipit, manum ipsius à quo accepit, osculatur. Quicumque autem communionem sacram accepit, ut ventum est ad eum cum manu reverenter signum facit, ut erat in antea: similiter & qui jam aliquid cibi prægustavit qualibet ingruente causa.] Hunc ritum præscripserat Aquigranense Concilium statuens ut [eulogiæ fratribus à Presbyteris in refectorio dentur;] eratque in usu ante hæc tempora ut pater ex libello supplicii Monachorum Fuldensium ad Carolum Imperatorem, in quo postulabant inter alia, [quod communicationem fracti panis ante cibum quotidie sumere non respuatur, secundum exempla præcedentium Patrum.] Porro illæ oblatæ sive Eulogiæ ex ipsæ erant hostiæ quas in missa fratres obtulerant & consecratæ non fuerant; ex oblatis enim omnibus unam aut tres aut quinque dumtaxat consecrare solebant, reliquas reservabant in refectoriâ deferendas, ut discimus ex consuetudinibus S. Benigni Divion. ubi de Sacristæ Hebdomadarij officio hæc scribuntur. [Hostias quæ offerendæ sunt ad missam ipse offerentibus cum argenteo coleari porrigit, & in ultimo ipse quoque offert, hostias sane oblatas in duobus vasis ad hoc præparatis æqualiter partitur, quas ipse cum uno æque de sociis tacto cymbalo in refectoriâ deferre finit, roque prandio eodem modo reportant.]

13. Tercio singulis sæculis singulas benedictiones dabant, ut præscribit Regula Magistri c. 23. & Regula eiusdem ad Virgines, cuius hæc verba: [Quando in mensam cibus administratur, nulla prius cibum comedat, quam signum ad benedicendum sonet, Abbatissa vero vigilet, ut confilium cum cibus ministratus fuerit signum tangere procuret & omnes cum signum audierint, una voce benedictionem rogent, quam vocem Abbatissa subsequatur dicens *Dominus deus vester benedicite*. Hoc ad omnia ferecula, vel pomorum ac potus administrationem observandum est;] & antiquus Ordo conversæ monasticæ: [Cum autem accipit Abbas panem, dicat frater fratri: *Benedicite*, & respondeant, *Dominus*; & similiter faciant de potu cum primum biberint; de cæteris pulmentis quæ tunc in mensa sunt, non est necesse amplius benedictionem petere. . . . Postea vero quidquid pulmentarij ex coquina ministratur, qui ministrat à novissimo incipiat, & usque ad Dominum Abbatem ministrando perveniat. & tunc sonent cymbalum ta-

- „ citè , & dicant fratres : *Benedicite* æqua voce & productè ; data bene-
 „ dictione in communi expectent (sicut jam diximus) ut Abbas prius
 „ accipiat , postea singuli dicentes : *Benedictus* ; & sic accipiant. Quando
 „ benedicunt cibum aut potum , aut aliud quidquam , non sedendo
 „ sed stando benedicant ; quod etiam observasse videntur Cluniacenses ex
 „ lib. 2. Clun. Conf. c. 35. Hanc benedictionem olim in aliquibus mona-
 „ steriis dabat œconomus sive Cellerarius , ut patet ex vita S. Samsonis ,
 „ de quo scribitur quod [latus admodum refectorium ingressus est , co-
 „ quod ipse œconomus erat hujus monasterij , poculaque fratribus be-
 „ nedicens &c. ;] Sed in antiquis Germaniæ consuetudinibus M. S. hoc
 „ officium pertinet ad hebdomadarium Sacerdotem , cujus erat ad men-
 „ sam [fratribus oblationes dare , & benedictiones cibi & potus : Deinde
 „ gratias agere :] quamquam hoc olim ad Abbatem pertinuisse videat-
 „ tur ex lib. 2. dialogorum S. Gregorij Papæ c. 3. [Et cum vas vitreum
 „ in quo ille pestifer potus habebatur , recumbenti Patri *ex more mona-*
 „ *sterij* ad benedicendum fuisset oblatum , extensa manu *Benedictus*
 „ *signum crucis* edidit.] Apud priscos monachos ab antiquiore seu se-
 „ niore. Unde Abbas Petrus Pionita excusans se cur ad senum inen-
 „ accessisset , respondit : [Si vobiscum sedissem , velut *senem* fratres
 „ hortati me essent ut primus *benedicerem* , & tanquam major vobis ha-
 „ bitus fuissem.] Hanc benedictionem crucis signo super cibos effor-
 „ mato edebant : Sic S. Palæmon S. Pachomij magister cibos *Crucis*
 „ *Christi signo* benedicere consueverat , ut legitur in ejus vit. c. 2. apud
 „ Boll. xj Januarij , & in monasterio Virginum sub S. Æquitij disciplina
 „ viventium , quædam Sanctimonialis lactucam , quam *signo crucis be-*
 „ *nedicere oblata fuerat* , mordens à dæmone correpta est ex l. i. dial.
 „ S. Greg. c. 4.
 „ 14. Denique Divionenses S. Benigni consuetudines [Quoties Sacer-
 „ dos in refectorio , *inquiunt* , sive ad primum versum prandij vel cœnæ ,
 „ sive ad generale , sive ad pulmentum benedicit , tres cruces facit ;
 „ unam versus mensam principalem , aliam versus dextram , tertiam ver-
 „ sus sinistram : ad potum verò quando in phiolis portatur , non nisi
 „ unam : Quando verò ut in diebus jejuniij in justis est potus , & cum
 „ scyphis potatur , tres facit. Ad generale hanc benedictionem dat : *Lar-*
 „ *gitor omnium bonorum* ; ad pulmentum : *Omnipotens Dominus benedic* ;
 „ & si pulmentum deest vicissim prædicat eas ; ad potum vero vicissim
 „ has dicit : *Dextera Dei omnipotentis bened. potum servorum suorum*.
 „ 15. Quartò sic sibi invicem ministrabant , ut nullus sibi ipsi aliquid
 „ præter sal & aquam apponere præsumeret ; [De nullo gustat generali ,
 „ *inquit* , Udalricus , priusquam benedicatur : sibi ipsi nihil unquam ap-
 „ portat præter sal & aquam , nisi fortè generaliter serviendo veniat
 „ ad sedem suam.] Et hoc ipsum à nobis hæctenus observatur sic por-
 „ ro pulmentaria ministrabant , ut à novissimo inciperent usque dum
 „ ministrando pervenerint ad Abbatem , ex Ord. convers. Monast. c. 11.

Cluniacenses tamen in administrandis fabis à principali mensa ingi-
piebant, in serviendis oleribus à novissimo; Similiter pitanti-
mum Priori, generale novissimo administrabant, ex Udalrico lib. 2.
conf. Clun. c. 35. Alii servitorum munia hic non attingimus, utpote
quæ fusiùs prosequati sumus in commentario ad c. 35. sicuti quæ
lectorem spectant ad c. 38.

16. Quintò summum in edendo silentium, summam modestiam cu-
stodiebant adtendentes lectioni, cujus ab attentione ne præsentibus
& occurrentibus objectis vel minimùm distraherentur, cucullas de-
super oculos tenebant; ita ut nihil præter mensam & appositos in
ea cibos circumspicere possent: hujusmodi erant Aegyptij de quibus
Collinus [Apud Aegyptios, & maxime Tabennensis tanta vescen-
tibus silentij disciplina servatur, ut cucullis ultra oculos & palpebras
dimissis, ne scilicet liber aspectus habeat curiosius copiam evagandi
nihil amplius intrinsecus quam mensam, & appositos in ea, vel quos
ex ea capiunt cibos; ita ut quemadmodum vel quantum reficiat alius
nullus invicem noter.] Tales Ammonæ Abbatis Discipuli numero ter
mille qui ut scribit Palladius in Lauziac. c. 48. [Vultu recto comederent
& se deorsum inclinantem, ne quis proximum comedentem aspiceret; &
tantum exercebant silentium ut viderentur esse in solitudine, uno
quoque occulte parante suum vitæ institutum; solum autem specie
quidam in mensa solerent, conantes se invicem latere.] Idem satis
clarum est ex Regula S. Pachomij art. 29. & 30. in editione codicis
Regul. à quo non multùm discrepat quod ait Abbas Isaias: [Inter
vescendum oculos in proximum tuum ne conjeceris, neve respereris huc
& illuc] & S. Ephrem. [Accumbis mensæ? ut homo comede, & ne
huc illoque circumspicias velut immodicus & insolens;] Hinc etiam
illud S. Pachomij in Regula: [Quod si quis vel loquutus fuerit, vel
riserit in vescendi tempore, agat penitentium, & in eodem loco max
increpabitur, & stabit donec surgant alij de vescendo.

17. Sextò summum præterea studebant ad mensam servare decorem,
unde S. Dorotheus [Ne impudenter, inquit, & irreverenter manum
tuam extendas, ut quæ sunt ante fratrem tuum capias;] & Isaias Ab-
bas: [Manum tuam ante te solum protende, si quid autem ante
aliam positum est, ad id manum injicias cave;] Huc etiam referen-
dum est quod præscribit liber Uinum Cisterc. [Ex hinc nullus ex-
eat de refectorio, nullas etiam incedat comedendo, nullus ibi abluat
scaphum suum manu; sed linat qui voluerit; nullus tergat manus vel
cucullum ad mappulam, nisi priùs terferit eum pane, qui voluerit sal
accipere, cum cucullo accipiat.

18. Septimò quod potum spectat, fratres ad miscendum deputatos
reperio in capitulo 19. Monachorum Sargallentium cujus hæc verba:
[Ut quatuor fratres juniores, seu quantos exposcerit necessitas, de-
patentur ad miscendum, qui tamen reficiantur cum cæteris;] & in

capitulo 7 Monachorum ad Augiam directorum : [Ut autem signum
 ibid. Cellarius ad potum pulsaverit benedicendum , statim octo vel de-
 cem surgunt absque ulla tarditate ad miscendum fratribus.] Caver
 c. 21. autem Regula SS. Pauli & Stephani ne nimis calix impleatur : [Nul-
 li liceat , *inquit* , pincernarum calicem sic implere ut transfundatur ,
 sed nec cuiquam liceat , ut si ei ab infrunito ministro transfundens
 oblati fuerit , accipere ; Sed cum moderatione implere debet , &
 competenter , dicente Apostolo : Omnia vestra honestè & secundum
 ordinem fiant.

19. Porro scyphum bibentes ambabus tenebant manibus , ut pater
 tum ex Udalrico , tum ex libro Usuum Cisterc. & quidem Udalricus
 1. 1. [Minimè quoque , *infit* , bibit aliquando nisi pateram cum ambabus
 c. 13. manibus tenendo , & nunquam nisi sedendo ;] Liber verò Usuum Cist.
 c. 76. [Qui bibit , duabus manibus teneat scyphum.] Hunc priusquam acci-
 perent , cruce signare solebant , ut docet exemplum S. Benedicti à
 S. Gregorio relatum l. 2. dial. c. 3. & liber miraculorum S. Celsi n. 5.
 apud. ubi puer Trevirensis S. Aucharij monasterij poculum oblitus signare à
 Boll. 2.3 demone correptus dicitur : Hac in observantia plurimum commen-
 Feb. dabilem se reddidit S. Wlstanus Episcopus Vigorniensis , qui ut refert
 apud. Willelmus Malmesburiensis in ejus vit. n. 6. [Nullius unquam per-
 Boll. sonæ contuitu , nec etiam in curia Regis positus & ad mensam ejus assi-
 19. jan. dens , benedictiones quas Angli super potum faciebant , omisit.

20. Denique cum S. Pater Benedictus vase vitreo usus fuisse referatur ,
 non decet monachos argenteis aut alijs pretiosis uti pateris ; hinc con-
 apud. stitutiones Othobonis Legati an. 1248. editæ [Districtius *inquirunt* ,
 Suel. inhibemus , ne quis monachorum , vel monialium , seu Canonicorum
 To. 2. Regularium scypho argenteo vel pretiosiore in refectorio , vel in alijs
 Conc. locis utantur illum quasi proprium possidendo :] Sed huic repugnat
 Angl. constitutioni quod legitur in Witelaphij Regis Merciorum charta pro
 apud. monasterio Croylandensi an. 833. data : [Offero etiam Refectorio
 Ingul. dicti monasterij ad usum Præsidentis quotidie in refectorio scyphum
 in hist. meum deauratum , & per totam partem exteriorem barbaris vinitoribus
 Croyl. ad dracones pugnantibus cælatum , quem crucibolum meum solitus
 sum vocare , quia signum crucis per transversum scyphi imprimitur in-
 terius cum quatuor angulis simili impressione protuberantibus & cornu
 mensæ meæ ut senes monasterij bibant inde in festis Sanctorum , &
 in suis benedictionibus meminerint aliquando donatoris Witelaphij ;]
 & carta Eathelgiva Comitissæ qua Fratribus Ramesiensis monasterij in
 extat. Anglia inter alia donat [duos scyphos argenteos , de duodecim mar-
 in 2. cis ad pondus Hustingæ Londoniensis ad serviendum fratribus in re-
 chron. fectorio : quatenus , *inquit* , dum in eis potus edentibus fratribus mi-
 Ram. nistratur , memoria mei eorum cordibus altius inculcetur.

21. Completa refectioe nullus ante alios exire præsumebat , nisi
 1. 2. compellente necessitate ; tuncque si opus habuerit aliquando , ut prius-

quam ceteri surgat à mensa, inquit Udalricus, rursus veniens ad gra-
 dum & manum expensam tractim à pectore trahens, cum huiusmodi
 signo licentiam querit abeundi; qua accepta inclinat quasi giran-
 do, & versum dicit; si est prandium: *Confiteantur* &c.; inclinans: *Glo-*
ria Patri; erectus: *Agimus tibi* &c.; si cœna: *Memoriam fecit & Be-*
nedictus Deus, &c. Facto ante & retro incedit pederentim cantando
 psalmum *Miserere* usque ad ostium refectorij; ibique se inclinans con-
 tra mensam principalem dicit omnia quæ in ecclesia dicuntur à Sacer-
 dote, vel à conventu, idest *Dispersit dedit pauperibus* &c.] Cavebat au-
 tem ne simul eadem vice, & tardius veniret, & aliis citiusurgeret.
 De huiusmodi exente extat articulus 34. in Regula S. Pachomij: [Si
 egressus fueris à cibo, non loquaris in redeundo, donec ad locum tuum
 pervenias.

22. Antequam verò versum dicerent, micas de mensa tollebant;
 quæ de re Regula Magistri: [Mox Hebdomadarij micas panis prius de
 mensa Abbatis, deinde diversarum mensarum cum reverentia mun-
 dent; quæ micæ cum per singulas mensas mundando levantur, una
 voce Hebdomadarij dicant *Deo gratias*, quas quotidie in unum, ut
 diximus vas collectas Hebdomadarij Cellarario consignent reverenter
 servandas, de quibus in exitum hebdomadæ suæ patellæ coquantur.]
 Micas etiam de mensa sub Lupicino Abbate colligebant Condatiscenses
 ex ejus vit. n. 4. Eundem ritum in antiquis Cluniacensis monasterij conf.
 describit Udalricus: [De micis diligentissimè caveret ne quid vel minu-
 tissimum cadat ad terram & pereat, cum cultello corradit eas de men-
 sali, ut ad ultimum cum flabello gramineo in scutellam colligantur
 & ad eleemosinam deferantur; & tamen S. Odo postea Abbas Clu-
 niacensis veniam petiisse legitur, quod intentus lectioni micas ex mo-
 re non comedisset; quas cum post versum culpam confitendo Ab-
 bati exhibere velleret, in totidem Margaritas mutatas reperit, ut refert
 Ioannes monachus in l. 1. vit. S. Odonis n. 35. vid. ibid. n. 31.

23. De collectis verò ciborum reliquiis, laudanda prorsus S. Step-
 hani Abbatis Obazin. pia consuetudo, quam in ejus vita repræsentat
 Anonymus illius discipulus his verbis: [Refectione peracta collectis
 ac mundatis vasis, si quid ex pulmentis supererat, pauperibus si adef-
 sent distribuebat, aut si fortè decissent, pulmentis iterum inferen-
 dum diligentius recondebat; quod sequaces ejus multo tempore te-
 nuerunt, ut quoties pauperes decisse contingeret, quidquid de pul-
 mentis, vel panibus superesset fratribus denuo apponeretur, non
 avaritiæ causa; sed humilitatis, ac ne quid de his ut pote sanctificatis,
 per negligentiam deperiret.

24. Tandem omnes surgentes à mensa & gratias referebant Deo, ut

Ad gratiarum actionem Sacrista scillam pulsabat: Conf. S. Benigni c. 7.
 Fratribus exeuntibus de prandio sive de cœna, scillam pulsare non negligit Heb-
 domadarius Sacrista.

c. 10. ,, sicut ab oratione refectioem inceperant sic ab eadem & ipsam ter-
 ,, minarent : [Monachi cum à mensis surrexerint , inquit S. Isidorus ,
 ,, ad orationem omnes concurrant , quod mensa redundaverit omni cu-
 ,, ra servatum egentibus dispensabitur.] De hac gratiarum actione Ma-
 c. 43. ,, gister in regula [Psalmi refectioem , inquit , tam posita quam levata
 ,, mensa non sunt de septem canonicarum vice horarum , sed peculiariter
 ,, Deo de benedicenda aut commendanda esca per gratiarum actionem
 ,, præbentur , sine antiphona directanei dicantur ; sed in Dominica vel in
 ,, diebus festis cum antiphona vel alleluia .

25. Neque verò hîc prætereunda est Ingulsi Abbatis Croylandensis
 constitutio , quam ipse in sua historia repræsentat his verbis : [Con-
 ,, stituimus etiam eodem tempore quod post prandium quotidie gratis
 ,, persolutis , anima Ethelbaldi Regis Fundatoris nostri specialiter absol-
 ,, vatur , & à conventualibus in choro ob memoriam Regis Wichtlasi
 ,, cujus cornu fuerant recreati , semper dicatur ad gratias post prandium
 ,, ille versiculus : *D. sperfit dedit pauperibus* &c. cum illa additione : *Cor-*
 ,, *nu eius exaltabitur in gloria.*

CAPVT X.

De Vesperis.

1. **E**X omnibus officij divini cursibus celebrioribus tam apud Clericos
 quam apud Monachos extiterunt Matutinae Laudes & Vesperæ ,
 quas in veteri lege matutinum vespertinumque sacrificium repræsen-
 tabant : Sed vespertinum insuper officium commendat incruentum Cor-
 poris & Sanguinis Domini sacrificium , quod canantibus secum Discipu-
 lis Dominus ac Redemptor noster vespere Deo Patri obtulit ; ad cu-
 jus honorem ac memoriam , ut aiunt Isidorus & Rabanus , [his tem-
 poribus nos adesse decet Dei conspectibus & personare in ejus cultibus ,
 orationumstrarum illi sacrificium offerentes , atque in ejus laudi-
 bus pariter exultantes .

Isid. l. 1.
 de eccl.
 offic. 20
 Raban.
 de Inst.
 Cleric.
 l. 2. c. 7

2. De vespertino officio plura nobis inquirenda occurrunt . 1. quo no-
 mine apud authores antiquos appellaretur . 2. quam hora celebraretur .
 3. quas preces in vespertino officio funderent antiquiores monachi .
 4. denique quibus additamentis apud nostros accreverit .

3. Præcipuum ac celeberrimum hujus officij nomen , quod etiam
 nunc ubique retinet , fuit *Vespera* ; sic dictum à *sidere* , quod *Vesper* vo-
 catur , & *decidente sole exoritur* , inquit loco supra citato S. Isidorus ,
 eo quod tunc temporis celebraretur : Hoc vocabulo & nomine nihil
 frequentius apud authores , ut eorum testimonia proferre necesse non sit .

4. Secundò

4. Secundò, vocatur à S. Basilio *Eucharistia* seu gratiarum actio, eo quod ad referendas pro beneficiis à Deo per diem acceptis gratias præstitum institutum sit; [circa finem enim diei, ait, necessaria est, ut de iis quæ illo nobis die data sunt, aut acquisita gratias agamus;] & à S. Gregorio Nileno vocatur *Lucernalis* gratiarum actio; quo nomine etiam appellatur ab eodem S. Basilio in l. de Spiritu sancto c. 29.

Reg. fut.
disp.
c. 37.
In vic.
s. Ma-
crinæ,

5. Tertio, à S. Ambrosio lib. 3. de virginibus vocatur *hora incensi*, haud dubium quòd in veteri lege aromata & thura altario adoleri vespere mos erat, ut præscribitur Exodi 29.

6. Quarto, *Duodecima*, eo quod hora diei duodecima decantaretur: [Prima, inquit Magister, sic debet dici quomodo duodecima, quæ dicitur Vespera.

Reg.
c. 34.
c.

7. Quintò, *Lucernarium*, quo nomine frequenter apud antiquos aucthores appellatum occurrit; quia in eo lucernæ in ecclesia accendebantur, & veteres olim hora vespertina lucernas accendebant, ut fusè perinde ac doctè demonstrat noster Menardus, quem hac de re meritò consultaeris: Neque tamen confundenda est Vespera cum Lucernario, seu cum precibus quæ ad accendendas lucernas in ecclesia dicebantur ante vespas, quas etiam *Lucernarium* appellarunt; utrumque enim distinguitur, licet eodem nomine vocaretur, ut probat idem Menardus, & patet ex Regula quæ sub nomine S. Augustini inter ejus Opera vulgata est in Appendice: Quænam porro preces ad Lucernarum accensionem dicerentur disertè refert eodem loco Menardus, quem vide.

Not. in
conc.
Reg. c.
24. §. 2.

8. Ex his satis patet quænam hora Vesperarum officium celebraretur, nempe accensis lucernis, qua fortè de causa à quamplurimis antiquis authoribus, quorum magnam catervam adducit ac citat Ioannes Bona, inter nocturnas divini cultus horas recensetur. S. Basilius in Regulis satioribus *Vesperas completa die* dici voluit; sed *completa die* apud Basilium eo loci idem significare existimo, atque *die* ad finem sive sui complementum vertente, nam statim subjungit *divitiorum* seu petitionem ad noctis initium, quæ nostro responderet Completorio: & certè Vespera, sive *Duodecima propter terminationem diei sicut Prima inchoatione* cantabitur, ut habet Regula Cassiani, seu potius Regula ex operibus Cassiani conflata, & ab sancto Benedicto Anianensi Abbate citata in conc. Regul. c. 24. §. 3. Unde etiam *Duodecima* appellata est, eo quod duodecimà, sive ultimà diei hora diceretur.

de div.
psal.
c. 37.

9. S. Benedicti discretionè & sanctitate ubique præcipuus Vesperarum horam ita temperari voluit, ut celebrato officio, clara adhuc diei luce fratres reficerent; ita enim de Quadragesimæ tempore loquens scribit: [Ipsa tamen Vespera sic agatur, ut lumine lucernæ non indigeant reficientes; sed luce adhuc diei omnia consummentur. Sed & omni tempore sive cænæ, sive refectiois hora sic temperetur, ut cum luce fiant omnia.] quod certè fieri vix potest nisi undecima hora cõple-

Reg.
c. 41.

ta compleatur Vespera. Regula Magistri ita habet: [Prima sic debet dici

N.

c. 34. „pungentibus jam radiis solis, & Vespera adhuc declinantibus radiis
 „ejus;] Sed hinc respicit hyemale tempus, nam postea subdit: [In
 „æstivo verò tempore adhuc altius stante sole *Lucernaria* inchoentur
 „propter breves noctes.] Nunc verò aliis utimur legibus, vixque no-
 „næ horæ terminus expectatur ad inchoandas Vesperas, quas hora post
 „meridiem tertia elapsa cantamus hyeme, semihora verò tardiùs æsta-
 „te: & tamen vix aliquas in Ecclesia reperies Congregationes religiosas
 „quæ nobis propius accedant ad pristinam disciplinam.

10. Jam verò quod spectat ad preces ab antiquis monachis in Ves-
 peris recitatas scribit Cassianus diversos per diversas Provincias diver-
 1. 2. „sas super hac re regulas ac typos sibi constituisse; [Sed per universam
 c. 3. „Ægyptum, inquit & Thebaidem, ubi monasteria non pro uniuscujus-
 „que renuntiantis instituuntur arbitrio; sed per successiones ac traditio-
 „nes majorum usque in hodiernam diem vel permanent, vel mansura
 „fundantur, legitimum orationum modum in vespertinis conventibus,
 „seu nocturnis vigiliis vidimus retentari.

11. Quis verò esset legitimus ille orationum modus, exponit se-
 c. 4. „quenti cap. his verbis: [Igitur per universam Ægyptum & Thebai-
 „dem duodenarius psalmorum numerus tam in vespertinis, quàm in
 „nocturnis solemnitatibus custoditur; ita dumtaxat ut post hunc nu-
 „merum duæ lectiones Veteris ac Novi Testamenti singulæ subsequan-
 c. 6. „tur:In die verò Sabbati vel Dominico utrasque de Novo recitant
 „Testamento, idest unam de Apostolo, vel actibus Apostolorum, & aliam
 „de Evangeliiis.] Præterea singulis psalmis singulas orationes interpo-
 „nebant ut supra vidimus ad c. 2.

12. S. Pachomius in Regula de Vesperis ita decernit: [Per domos
 art. 155 „singulas vespere sex orationes psalmosque complebunt, juxta ordi-
 codic. „nem majoris collectæ, quæ à cunctis fratribus in commune celebra-
 Reg. „tur;] & postea: [Sex orationes facere vespertinas juxta exemplum
 art. 186 „majoris collectæ, in qua omnes fratres pariter congregantur, summæ
 „delectationis est; & ita faciliè fiunt, ut nullum onus habeant, & ex onere
 „nascatur tædium;] hoc statutum tangunt ejusdem Regulæ art. 24. 121.
 „125. 126. quod tamen nonnihil habet obscuritatis. Quid enim hæc
 „sibi volunt: [Juxta ordinem majoris collectæ, vel juxta exemplum
 „majoris collectæ? Fortè congregabantur quotidie in unum omnes do-
 „mus sub vespere, & simul adunatæ sex psalmos cum orationibus to-
 „tidem decurrebant, idemque separatim singulæ per se faciebant eodem
 „ordine quo in majori collecta, vel post generalem dimissæ collectam,
 „sex orationes cum psalmis persolvebant eodem ritu & ordine quo plu-
 „res, hoc est duodecim, in majori collecta decantaverant. Hujusmodi
 „sex orationes non multò antè fecisse videntur, quàm ad dormiendum
 „se separarent ex art. 126.

13. S. Cæsarius Episcopus Arelatensis neque in sua ad Monachos
 Regula, neque in ea quam Sanctimonialibus scripsit Vespertinum

officium, saltem pro diebus quotidianis satis explicat.

14. S. Benedictus verò duobus in locis suæ Regulæ Vesperarum disponit officium; primò, c. 17. [Vespertina autem synaxis quatuor psalmis cum antiphonis terminetur, post quos psalmos Apostoli lectio recitanda est, inde responsorium Ambrosianum, versus, canticum de Evangelio, litania, & oratio Dominica, & fiant missæ;] & cap. 18 expressius: [Vesperæ autem quotidie quatuor psalmorum modulatione canantur. Qui psalmi incipiantur à centesimo nono usque ad centesimum quadragesimum septimum: exceptis his qui in diversis horis ex eis sequestrantur, idest à centesimo septimo decimo usque ad centesimum viciesimum septimum, & centesimo tricesimo tertio & centesimo quadragesimo secundo, reliqui omnes in Vespera dicendi sunt. Et quia minus veniunt tres psalmi, ideo dividendi sunt, qui in numero supra scripto fortiores inveniuntur, idest centesimus tricesimus octavus, & centesimus quadragesimus tertius, & centesimus quadragesimus quartus: centesimus verò sextus decimus quia parvus est, cum centesimo quinto decimo jungatur. Digesto ergo ordine psalmorum vespertinorum, reliqua id est lectiones, responsoria, hymni, versus, vel cantica sicut supra taxavimus impleantur.] Hæc omnia postea expendimus.

15. S. Aurelianus cui fortè præiverat S. Cæsarius in sua ad Monachos regula has ad Lucernarium sive luminum accensionem, & ad Duodecimam sive Vesperas preces assignat: [Ad Lucernarium omni tempore & festis & quotidianis diebus imprimis directaneus, postea antiphonæ duæ, Tertia semper cum alleluia dicatur, hymnus una die: *Deus qui cæcis legibus*, alia die: *Deus creator omnium*, & capitellum. Ad duodecimam psalmos decem & octo, antiphonam, & hymnum, lectionem, & capitellum. Idem Sanctimonialibus præscribit.

16. Regula incerti authoris apud Augustinum non satis explicitè Vespertinum officium decernit, sed implicitè tantum præscribit ut idem ad Vesperas observetur quod ad Nonam; Nonæ verò officium ita instituerat: [Ad Nonam dicantur sui psalmi cum debitis responsoriis, & antiphonis.] Clarius Lucernarij preces designat his verbis: [Ad Lucernarium autem psalmus unus, responsorium unum, antiphonæ tres, lectiones tres:] Paulo aliter tamen in M. S. codice Corbeicensi ante annos circiter mille exarato: [Ad Tertiam psalmus ad respondendum dicatur, deinde antiphonæ duæ, lectio, & Completorium. Simili modo Sexta & Nona. Ad Lucernarium autem psalmus, responsorius unus, antiphonæ quatuor, item psalmus unus, responsorius, lectio, & Completorium.] ubi nulla est Lucernarij & Vesperarum distinctio, aliterque Tertiæ, Sextæ, Nonæ, & Vesperarum officium ordinatur, quàm in editis, quod superius has ad horas observare prætermisimus; fortè etiam & Primæ: De hac enim mentionem fieri in verbo deleto credimus.

17. S. Columbanus omnes diei horas æquales facit, hoc est Primam, Tertiam, Sextam, Nonam & Vesperas, ut explicant Menardus & Coinius, qui tamen dubitat an Prima à S. Columbano inter diurnas, & canonicas horas assignata fuerit; singulis porro diurnis horis tres psalmos cum versiculorum augmento præscribit.

18. S. Isidorus vespertinum officium in regula sic instituit: [In vespertinis officiis primò Lucernarium, deinde psalmi duo, responsum unum, & Laudes, hymnus atque oratio dicenda est;] Per Lucernarium autem intelligit preces quæ ad lucernæ accensionem dicebantur, & per Laudes tres ultimos psalterij Davidici psalmos, qui nos ad Laudes Creatori referendas specialiter invitant.

19. S. Fructuosus in utraque Regula Vesperarum mentionem facit; sed de precibus ad eas faciendis nequidem unum verbum; has Magister in sua regula sic nobis exhibet: [Psalmi Lucernariæ in hyeme dici debent sex currente semper psalterio, responsum unum, versum, lectionem Apostoli, & Evangelij quæ semper Abbas dicat, post hoc & rogus Dei;] à quibus unum psalmum ætate detraxisse videtur; Et postea: [Psalmi Lucernariæ cum antiphonis psalli debent; in quibus duo ultimi cum alleluia; currente semper psalterio singula responsoria, versus, lectio Apostoli, & Evangelij, quod semper Abbas dicat sine alleluia, in Dominica verò cum alleluia. Nam omnes antiphonæ ipsò die benedictionibus dictis cum alleluia psallantur, & genua non flectantur usque ad secundæ feriæ futuros nocturnos.

20. His atque hujusmodi precibus vespertinum sacrificium consummabant veteres monachi, psalmis scilicet, antiphonis, responsoriis, hymnis, versibus, canticis, & collectis seu orationibus.

21. Psalmorum duodenarius numerus Ægypti Thebaidisque Monachis sacratu exstitit, utpote ab Angelo acceptus, à quo ne vel minimum unguè recedere volebant; hunc sex psalmis accrevit S. Aurelianus, minuit Magister; hic enim psalmos duntaxat sex ad Vesperas, ille decem & octo præscribit. S. Benedictus quatuor tantum psalmis contentus fuit, alij etiam paucioribus; sed hos S. Benedictus cum suavi vocis modulatione cantari jussit: [Vespera, inquit, quotidie quatuor psalmorum modulatione canatur;] psalmos autem, & antiphonas post Abbatem ordine suo quibus jussum fuerit imponi voluit; Sed usus invaluit ut psalmos, imponente Cantore, chorus prosequatur; immo olim id muneris committebatur pueris, in quo si deliquissent, sine ulla misericordia virgis excipiebantur, testante Nicolao De fractura in suo super Regulam S. B. com. [Narrant antiqui, ait, quod infantes pronunciare solent principium cujuscunque versus psalmi, qui mos Cluniaco & in quibusdam aliis monasteriis usque in hodiernum diem servatur, & tunc si fallunt; quia alios fallere faciunt, verberantur. Græci morem hanc retinent, quod unus habet coram se psalterium, & dicit medietatem versus, vel partem usque ad punctum indirectè sine cantu, &

chorus idem reperit cum melodia cantando.] Ita Nicolaus De fractura monachus Cassinensis & Abbas S. Vincentij De Vulturno, cui praeiverat Petrus Diaconus monachus item Cassinensis in comment. super Reg. S. Benedicti, ita scribens : [Consuetudo antiquitus fuit in monasterio Cassinensi, ut infantes versus psalmorum pronunciarent; deinde chorus consequeretur. Nam infans alta voce dicebat *Beatus vir* ; deinde ceteri, qui non abuit in consilio impiorum ; & si defuissent infantes, alius quilibet. Similiter & lectiones, & antiphonas ipsi pronunciant, ideo dixit SS. P. Benedictus ut pro tali culpa vapulentur infantes.] In M. S. etiam S. Germani Pratenlis consuetudinibus cantum incipere non semel iubentur infantes.

22. Antiphonas autem quod spectat, notandum quod praescribit liber Usuum Cister. [Ad Vesperas incipit Hebdomadarius primam antiphonam, secundam qui ante omnes stat in altero choro, exceptis Abbatibus: tertiam ille qui stat post Hebdomadarium: quartam vero qui est secundus in altero choro. Absente vero Hebdomadario, quicumque primam antiphonam inceptit sive sit superior Hebdomadario, sive inferior, si alius juxta se inferius supervenerit, tertiam antiphonam ei imponendam nominet; si nullus inferior fuerit, & alius post primam antiphonam juxta se superius advenerit, tertiam antiphonam ei incipiendam nominet. Similiter faciat qui secundam antiphonam incipit in alio choro.

23. Psalmis & antiphonis subjungit S. Benedictus lectionem, & quidem de Apostolo; duplicem dicebant Aegypti Thebaidisque Monachi, unam de Veteri, alteram de Novo Testamento, totidemque Magister, sed ambas de Novo Testamento; nimirum unam de Apostolo, aliam de Evangelio, & quidem ab Abbate dicendam. Sanctus Aurelianus lectionem & capitellum praescribit, id est lectionem & versiculum.

24. Hanc lectionem apud nos recitat Hebdomadarius, at ex Amatorio l. 4. c. 7. à Pastore proferebatur. Qua finita, respondemus *Deo gratias*: Deinde subjungitur breve vel prolixum, ab uno vel pluribus cantandum, hymnus, & versus de quibus sup.

25. Canticum ex Evangelio unius S. Benedictus ad Vesperas decantandum decernit, quod ex S. Patris institutione ubique retinuit Ecclesia, saltem ante eum qui illud ad Vesperas aut decantaverit aut decantandum jussit neminem novimus. Ad hoc canticum perinde ac ad psalmos antiphonam cantare solemus, quod tamen S. Benedicti textus non habet: hanc apud nos cantat Hebdomadarius; sed olim ab ipso Cantore privatis diebus imponebatur ex M. S. conf. Germaniae mun. 13.

26. Canticum Evangelij ejusque antiphonam sequuntur litania, & oratio Dominica à Priore sive Abbate alta & clara voce dicenda, quod unus inter monachos etiam praescripsit singulari providentia S. Bene-

dictus; deinde missæ sive orationes & collectæ de quibus omnibus supra diximus.

27. Etsi prolixum satis videatur institutum hîc à Sancto Patre Benedicto Vesperarum officium; his tamen quibus nihil cordi magis fuit, quàm Dei laudibus jugiter insistere, easque semper in ore versare, longè brevius visum est; quapropter ut tam propriæ satisfacerent devotioni, quàm populorum ædificationi, saluberrimo omnino consilio per plura ad S. Patris officium addiderunt, quod supra alias ad Horas canonicas observavimus, nunc etiam maximè ad Vesperas referendum est.

28. Præter orationes tres quas ut supra diximus singulis horis præmittere solebant Patres nostri, ineunte sæculo nono dictis regularibus Vesperis, Vesperas defunctorum consequenter cantabant: [Vespera solito finita ut habent capit. monach. ad Augiam directorum statim Vesperam cum antiphonis celebrant pro defunctis.

29. Longè prolixior extitit Cluniacensium psalmodia; hi enim singulis diebus ad Vesperas quatuor psalmos inter preces ante versum novissimum recitabant pro familiaribus: Deinde Vesperas pro defunctis decantabant, quibus post cœnam à Septuagesima ad Calendas Novembris etiam defunctorum vigiliis addebant ex Udalrico l. 1. conf. Clun. c. 18. 41. & 49. immo etiam Vesperis defunctorum Vesperas de omnibus SS. præmittebant, quas in Quadragesima persolvebant in ecclesia S. Mariæ, ad quam cum ejus cantico, id est *Magnificat*, procedebant post familiares psalmos ex c. 3. & 4.

30. Piam Cluniacensium consuetudinem æmulati sunt alij passim nostrorum monasteriorum monachi, ut patet ex M. S. Germaniæ consuetudinibus, in quibus idem præscribitur, cum hoc tamen discrimine, quod Vesperis regularibus præmittitur in iis officium defunctorum, iisque subjunguntur Vesperæ de omnibus Sanctis: [Ad primum autem sonitum vespertini signi glomerantur in chorum, *inquiunt*, post solito ordine incipiant Vesperas pro defunctis atque vigiliis, singulæque gloriæ pulsant; tuncque vespertina laus canitur; de omnibusque sanctis Vespera subjungitur.] Hic nulla est mentio psalmorum pro familiaribus; at quod adeo sollicitè ad omnes reliquas horas persolvebant, ad Vesperas omissum fuisse non credendum est: & hæc erat circa finem sæculi decimi Germanorum consuetudo.

31. In Regulari concordia monachorum sanctimonialiumque Anglicæ nationis eodem tempore à S. Dunstano edita idem omnino videre est: [Temperius agatur Vespera cujus signa dum sonant fratres post orationem in choro, juniores quidem spiritualis lectionis studio singuli seridè occupati; seniores verò orationibus divinis intenti cum Domini gratia nusquam vagantes sedeant; Vesperas verò canentes duos post *Miserere mei Deus pro Rege, Reginaque, & familiaribus* addant psalmos, idest *Benedixisti Domine, & Domine exaudi* 11. Vesp-

peris dictis, sicut diximus superius, agendum de antiphonis post matutinas, ita agatur post Vesperas, & Vesperæ de omnibus Sanctis, & mortuorum, & vigilia usque ad Calendas Novembris.] Idem non obscure colligitur ex Statutis Lantfranci, in quibus fit mentio de psalmis familiaribus, de Vesp. omnium SS. & de Vesperis defunctorum. Vigilias porro defunctorum cum unico tantum nocturno dicebant, ut patet ex Udalrico lib. 1. cons. Clun. c. 3. & ex lib. Usuum Cisterc. c. 50. nisi occurrisset anniversaria alicujus defuncti dies, quæ frequentissime contingebat apud Clun. tunc enim cum tribus nocturnis offic. defunct. persolvebant. In regali verò S. Dionysij in Francia monasterio aliquando cum novem lectionibus; aliquando cum unica tantum antiphona super novem psalmos, & tribus lectionibus officium defunctorum dicebatur, ut patet ex M. S. consuetudinibus ejusdem monasterij, in quibus eundem psalmodiæ modum quem in Germania ex Einsidlensibus consuetudinibus, in Anglia ex Concordia S. Dunstani, Statutisque Lantfranci, & in Burgundia apud Cluniacenses ex Udalrico advertimus, reperire est: [Eant, inquit, in claustrum ad colloquendum usque dum signum pulsetur; & tunc eant omnes ad orationes Vespertinas; cum terminata fuerint, incipiantur Vesperæ de omnibus SS. deinde sequantur psalmi familiares, post sonet classicum cum duabus campanis, incipiantur Vesperæ de die; post Vesperas fiat commemoratio de Trinitate, & de Cruce, post fiat processio in capitulo: deinde alia suffragia de Angelis, & aliis sanctis; post suffragia canantur Vesperæ mortuorum si anniversarium fuerit vel officium presentis mortui; si autem non fuerit, canantur Vesperæ mortuorum ante magnas Vesperas, post cenam dicatur vigilia mortuorum usque ad festum omnium SS. excepto xij. lect. &c.] Idem haud dubium observabant etiam Parisienses nostri S. Germani à Pratis, ut facile colligi potest ex M. S. consuetudinibus ejusdem monasterij, in quibus frequens occurrit mentio Vesperarum de omnibus SS. officij defunctorum, psalmorum familiarium. Non tamen quotidie processionem & post Vesperas agebant, sed versa vice plurimos psalmos cum precibus & orationibus ante Vesperas decurrebant, quos accipe ex M. S. Breviario seu collectaneo ejusdem monasterij. *b*

Psalmi pro pace ante Vesperas.

Deus auribus nostris audivimus : Deus venerunt : Deus ultionum : Ad Dominum cum tribularer : Levavi : Latatus sum : Ad te levavi : Nisi quia : Qui confidunt : In convertendo : Nisi Dominus : Beati omnes :

a De huiusmodi processione anonymus in vit. S. Emenoldi l. 1. c. 4. apud Boll. vj. Jan. ar. [Vespere sabbati cum post officium vespertinum processio ante altare S. Crucis solito ageretur.

b De huiusmodi psalmis extat Petri Venerabilis statutum 31. [ut psalmi illi qui à *Deus auribus* incipiunt, & post orationem quæ fit ante Vesperas decantari solent in omni 12 lectionum festivitate intermittantur.

Sæpe expugnaverunt : &c. usque Laudate nomen Domini (hæc verba &c. usque Laudate nomen Domini rubra linea transversa sunt)

Preces Ostende nobis Domine misericordiam tuam,
 Esto nobis Domine turris fortitudinis.
 Memor esto congregationis tuæ.
 Domine fac Reges salvos.
 Salvos fac servos & ancillas tuas.
 Fiat pax in virtute tua.
 A porta inferi.
 Dominus vobiscum.

Oremus.

Deus à quo sancta desideria &c. cum aliis quatuor collectis.

32. His precibus Vesperas de omnibus SS. prout reperiuntur in M.S. collectaneo S. Petri supra Divam, ut supra de Matutinis fecimus, hic adicere non erit fortè abs re.

De omnibus SS. ad Vesperas.

Antiphona In consilio iustorum & congregatione magna opera Domini.
 Psal. Confitebor

Antiphona Pretiosa in conspectu Domini mors sanctorum ejus : Psal. Credidi.

Antiphona Euntes ibant & flebant mittentes semina sua : Psal. In convertendo.

Antiphona Iusti confitebuntur nomini tuo, & habitabunt recti cum vultu tuo : Psal. Eripe me.

Capit. ut supra ad Laudes.

Resp. Exultent iusti in conspectu tuo. Delectentur in lætitia. Gloria Patri.

Hymnus Christe Redemptor omnium.

✠ Latamini in Domino & exultate iusti. R. Et gloriamini omnes recti corde.

Antiph. in Sancti Dei omnes qui estis concives supernorum civium
 Evang. intercedite pro nobis

Preces & oratio ut supra ad Laudes

33. Tempore Paschali dicebantur omnes psalmi cum unica hac antiphona.

Sancti tui Domine floreunt sicut lilium alleluia, & sicut odor balsami erunt ante te alleluia. R. cum alleluia dicebatur. Antiphona ad Magnificat : Alleluia ; *Ego sum vitis vera, alleluia ; vos palmites estis, alleluia, alleluia.* Idem omnino videre est in M. S. Germaniæ consuetudinibus excepto capitulo quod est : *Scimus quoniam diligentibus Deum, & precibus ; in M. S. S. Dionysij in Francia consuetudinibus except. precibus, & in Breviario M. S. S. Germani à Pratis excepta oratione quæ incipit : Omnipotens Deus. & antiphona ad Magnificat, quæ nonnihil variat, sine precibus.*

34. Cistercienses

14. Cistercienses post regulares Vesperas, Vesperas pro defunctis dicebant; quibus à Dominica 1 Quadragesimæ ad Calendas Novembris vigilias eo quo diximus modo suburgebant, quas reliquo tempore nocte persolvebant, ut docet nos lib. Usuum Cist. c. 30. Neque verò hîc prætereunda est psallendi ratio, quam suis Eremitis præscripsit Petrus Damiani, ut ex his omnibus appareat quàm exiguum sit, & iners nostræ servitutis devotionisque pensum: Ita porro loquitur eo in opusculo quod de institutis suæ Congregationis conscripsit: [De psalmodia verò hæc consuetudo est, ut cum duo simul commoran-^{opus} tur in cella, duo persolvant in die psalteria; unum pro vivis, & ^{15. c. 9} alterum pro defunctis: & illud quidem quod est vivorum cum illis dicitur additamentis, quæ B. Romualdus apponit, quæ etiam nos non gravemur inferere; ne nos conqueratur fortè novitius quæ sibi magnopere noscenda sunt præteriisse: Decursis plane quinque psalmis, protinus subiungitur: *Gloria tibi Trinitas, æqualis una Deitas, & ante omne sæculum, & nunc & in perpetuum. Orate pro nobis omnes sancti Dei, ut digni efficiamur promissionibus Domini Dei nostri Iesu Christi, Pater noster.* His expletis mox subditur: *Adiutorium nostrum in nomine Domini, qui fecit cælum & terram.* Et evolutis aliis quinque psalmis, tunc dicitur: *Te Deum Patrem unigenitum, te filium unigenitum, te Spiritum sanctum paracletum, Sanctam & individuum Trinitatem, toto corde, & ore confitemur, laudamus atque benedicimus, tibi gloria in sæcula amen.* Domine Deus in adiutorium meum intende, Domine ad adjuvandum me festina. Confundantur & revereantur inimici mei, qui querunt animam meam, adiutor meus & liberator meus esto, Domine ne tardaveris. Gloria Patri & Filio & Spiritui sancto. Quo finito rursus dicitur: *Adiutorium nostrum in nomine Domini.* Hæc igitur per quinquenos psalmos alternatim semper adduntur, donec psalterium cum tribus Dominicalibus, necnon & totius hebdomadæ canticis expleatur. His etiam non neglectis quæ in fine psalterij videntur adjecta, videlicet, *Te Deum laudamus; Nunc dimittis Domine servum tuum;* duobus symbolis: *Gloria in excelsis Deo; Pater noster,* cum fide catholica: Postremò litaniarum cum orationibus. Hæc omnia consueto sine concludunt. Psalterium verò pro defunctis cum novem lectionibus dicitur, tribus nimirum per quinquagenos psalmos: Qui autem solus moratur frater psalterium quidem vivorum totum per singulos dies adimplet: defunctorum autem sive medium, sive totum, juxta quod virium possibilitas administrat. Horarum autem psalmodia canonica omnino sicut sit in monasterio, ita hic per ordinem nihilominus tota persolvitur.] Idem habet Opusc. 14. quod est de ordine Eremitarum Fontis Avellani, quoniam verò diei tempore huiusmodi psalteria decantarent, an uno eodemque tenore

^a Huiusmodi vigilias pro defunctis recitare consueverat S. Axbertus ex monacho Crispiniensi reclusus in Hannonia, ut scribit Robertus Archidiaconus Ostreivandensis in ejus vita, c. 14. apud Boll. 7. April.

consequenter, an verò cum intercessionibus per certa intervalla servatis, nos latet; sed hinc ista adnotare libuit.

35. Finitis Vesperis olim ecclesiæ januæ clauderentur, ut discimus ex anonymo S. Germani à Pratis, qui principatu Caroli Magni translationem S. Pontificis describebat; sic enim capit. 7. [Cumque post sinaxim vespertinam fores ecclesiæ juxta morem essent claudendæ, custos ecclesiæ cunctos, ut ad hospitia sua redirent, admonuit:] quod confirmatur ex Herrico Antissiodorensi monacho, qui in lib. de miracul. S. Germani Episcopi sic ait: [Factum est ut officiis vespertinis ex ætis generaliter, ut in cœnobiis mos est, universa vulgi concio à septis ecclesiæ custodum instantia pelleretur:] Et certè non solum post Vesperas olim, sed extra divini tempora officij fores ecclesiæ in monasteriis semper clausæ obseratæque manebant, ut patet ex M. S. S. Benigni conf. & Cluniac. authore Udalrico l. 3. c. 12.

36. Egressi ab ecclesia dormitorium ascendebant, cultellos deponebant, abstractis diurnalibus calceis, nocturnales induebant; inde ad lectionem privatam in claustro sedebant, donec vocati ad refectorium poculum biberent, postque brevi ad collationem accedebant; & ita quidem hieme, nam post Pascha tota æstate [post Vesperos cœna sequebatur, post cœnam cœna servitorum, post cœnam servitorum officium pro defunctis, post officium collatio & ita ad Completorium;] de quibus nunc dicendum.

CAPVT XI.

De Collatione ante Completorium.

Reg 42. 7. Collationem vocamus lectionem eam, quam S. P. B. ante Completorium fieri instituit ex vitis & collationibus Patrum, ex quibus collationis nomen eidem lectioni inditum est. S. Benedicti institutum uti & alia multa piè æmulatus est S. Isidorus in Regula sic scribens: [Post vespertinum autem congregatis fratribus oportet vel aliquid meditari (dest legere,) vel de quibusdam divinæ lectionis questionibus disputare, conferendo piè atque salubriter, tantumque meditando, disputandoque immorari, quo ad usque Completorij tempus possit occurrere.] Idem faciendum decrevit S. Fructuosus æstate quidem post Vesperas; hyeme verò post nocturnas vigilias: [Sic post mediam noctem, inquit, si hyemis tempus est sedentibus cunctis unus medio residens releget librum, & ab Abbate vel à Præposito dissidente cæteris simplicioribus quod legitur patefi t. Quod quidem & æstate post Vesperam conservetur, ut priusquam compleant liber legatur.

2. Hanc ad lectionem convenire solemus in ecclesia, idque omnino,

ut videtur, ad mentem S. Benedicti, qui eodem planè in loco lectionem fieri voluit, quo & Completorium cantari, ut satis innuunt hæc ejus verba: *Omnes ergo in unum positi compleant.* Id ipsum etiam à S. Dunstano præscriptum fuisse existimat Hæftenus, quamquam S. Dunstani textus non mihi videatur satis clarus: *facto signo in ecclesiam initietur collatio*, inquit, incertum est enim an velit in ecclesia signum collationis pulsari, quo dato initietur loco solito; an verò signo dato, collationem initiari in ecclesia; vox enim *in ecclesiam* & ad prima & ad ultima propositionis ejus verba potest referri. Et certè communis monasteriorum usus aliud habuit. In M. S. Germaniæ conf. etsi locus nullus nominatim notetur, extra ecclesiam tamen fuisse constat.

3. Antiquus Ordo conversationis Monasticæ locum collationis faciendæ designat capitulum: [Post Vesperas, inquit, hora competenti facto signo omnes conveniant in capitulo, & legatur Scriptura quæ ad fiet audientes:] Ita apud Hæft. Aliter enim legit editio Neapolitana: Eundem locum non obscure assignat Hildemar in suo super Regulam S. Benedicti commentario, cum dormitorij candelas æstate post capitulum hyeme cum completur capitulum accendendas esse dicit: Cluniacenses etiam collationem agebant in capitulo, ut docent nos M. S. consuet. monast. Cluniac. [Finita collatione, egressi de capitulo, &c. & alibi: Quotiescumque fratres de collatione vadunt in refectorium ad caritatem, si altera candela fuerit in capitulo quàm lectoris &c.] & alibi passim: In nostro etiam S. Germani à Pratis monasterio collatio fiebat in capitulo ex M. S. conf. infra citandis; His adde Cassinensium declarationes in quibus lego: [Pro qua lectione pulsatur primum signum Completorii, & fratres omnes in capitulo conveniunt ad hujusmodi lectionem.]

4. Alium tamen locum assignat Nicolaus De Fractura, & ipse Cassinensis monachus, cum explicans illa Regulæ Benedictinæ verba: [Sedeant omnes in unum, ita scribit, idest conveniant omnes in clauastro si habent, vel in aliquem locum communem ad silentium tamen aptum.] Quem etiam in locum convenisse Cistercienses existimat Benedictus Hæftenus, unde & apud eos lectio collationis *Leccio claustræ* appellatur.

5. Petrus Boherius utrumque hunc locum, scilicet claustrum, vel capitulum ad collationis lectionem designat in 1. super Regulam S. B. commentario ad c. 42. idque observabatur in suo S. Aniani Tomeriarum monasterio, uti ipse testatur, ad hæc verba: *Et lectis quatuor aut quinque foliis*, sic scribens: [Istud optimè apud nos servatur in Quadragesima, quo tempore in clauastro legimus, aliis autem temporibus consuevimus in capitulo ad hanc lectionem congregari.]

6. Camaldulenses etiam ut scribit Hæftenus collationem fieri volunt in capitulo, vel clauastro ecclesiæ proximiori; Vallisoletani in capitulo, vel loco qui choro vicinior est.

7. Bursfeldenses verò hac de re sic decernunt : [Collatio de qua capitulo Reg. 42. fit mentio , his diebus quibus bis reficiunt Fratres , servatur in loco capitulari , aut claustrò , vel alio aptiori , juxta temporis vel cujuslibet monasterij dispositionem ; reliquo verò tempore , idest in diebus jejuniij in refectorio Fratrum solita consuetudine fiat.

8. Hinc ad lectionem dato signo in locum deputatum illico conveniebant , quo audito aliorum divertere nefas ducebatur , unde M. S. consuetud. Cluniacensium : [Dum pulsatur signum ad collationem nullus debet ingredi dormitorium nec ecclesiam.] Nec cuiquam licitum erat abesse ; quin etiam diversis occupati commissis tenebantur occurrere ; hinc capitulum nonum monachorum ad Augiam directorum : [Ut ad collationem accesserint , omnes unanimiter occurrunt debiles , & infirmi etiam , si de lecto surgere valuerint , veniunt ; quid de cæteris dicendum est ? Lector autem tandiu legat usque dum omnes in unum positi compleant.] Immo qui certis de causis Completorio non interesse permittebantur , ad lectionem collationis tamen cogebantur occurrere , ut patet ex M. S. consuetudinibus Cluniac. [Omnes qui remanent de Completorio , finita collatione , egressi de capitulo ad sinistram partem introitus debent in trifantia remanere donec toto conventu egresso , Abbati sive Priori quærant licentiam remanendi , & ad ejus nutum tunc remanebunt quique vel non.

9. Omnibus in unum congregatis lector accedens ad analogium lectionem incipiebat ; idque petita benedictione ex lib. Usuum Cisterciensium : [Tunc lector accepta benedictione legat. Huic benedictioni intersint omnes exceptis Priore , vel alio qui conventum tenuerit , Cellariis &c.] ex M. S. consuetudinibus S. Germani à Pratis , & ex ceremoniali Bursfeldensium dist. 3. c. 4. De hujusmodi lectore ita scribit Boherius in 1. comm. ad c. 42. [Quod iste lector benedictionem in Missa diei Dominicæ accipiat , aut ad legendum per totam hebdomadam intret , in regula non caveretur : Placet tamen sicut servatur apud nos , quod per Priorem eligatur diè sabbati , ut per sequentem septimanam prævisus devotè hujusmodi officium valeat adimplere.] Apud Cistercienses lector collationis is erat , qui præcedenti hebdomada legerat in refectorio , ex lib. Usuum c. 106. Idipsum observabant etiam Beccenses nostri , ut ex M. S. eorum rituali colligere licet , ubi præscribitur ut [à Pascha ad Pentecosten tota hebdomada debeat esse in refectorio ipse cantor lector , & sequenti hebdomada ad collationem.] Quos verò tunc legerent libros , quantumque temporis hac in lectione impederent , hic referre non moror , utpote quæ satis fusè tractavi in comm. ad c. 42. Certè S. Benedictus collationes , aut vitas Patrum , aut certè aliquid quod ædificet audientes legi voluit , idque quantum hora permittit : Hic tantum observandum est , quod præter lectionem , ipse Abbas aut qui collationi præerat sermonem

exhortatorium, aut saltem lectionis expositum ad congregatos fratres habebat: ut discimus ex his Hildemari verbis: [Et hoc sciendum est quia tempore collationis, & in loco collationis nullus debet loqui, nisi aut lector qui legit, aut Abbas qui exponit, aut certe talis frater cui iusserit tradere lectionem.] Idipsum clare & disertè suis præscripsit S. Fructuosus Bracarenfis: [Seditibus cunctis, inquit, unus medio residens relegit librum & ab Abbate vel à Præposito cæteris simplicioribus quod legitur patefiat;] & S. Isidorus: [De his autem quæstionibus quæ leguntur, nec fortè intelliguntur, unusquisque fratrum aut in collatione, aut post Vesperum Abbatem interroget; & recitata ad locum lectione, ab eo expositionem accipiat, ita ut dum uni exponitur, cæteri audiant.]

10. Finita ad nutum Abbatis collatione, & dicto ab lectore: *Tu autem Domine* &c. subjungebat Abbas: *Adjuvatorium nostrum*, &c. & sic intrabant ad Completorium: Ita antiquus Ordo conversationis monasticæ: [Finita lectione surgant omnes pariter, & dicat Dominus Abbas: *Adjuvatorium nostrum in nomine Domini*. Respondeant omnes: *Qui fecit cælum & terram*, & recepto silentio nocturno cum reverentia intrent oratorium ad Completum;] & liber Ul. Cist. [Lectio- ne igitur finita surgant omnes, & stantes versi ad Orientem dicat Abbas, *Adjuvatorium nostrum in nomine Domini*, & conventus respondeat, *Qui fecit cælum & terram*, & inclinantes omnes ingrediantur ecclesiam.]

11. Successu verò temporis antequam collationis lectioni finem imponerent; propinabatur certis diebus, idque satis frequenter, singulis fratribus haustus vini, atque hunc ritum *Caritatem* vocabant, quem integrum ex M. S. consuetudinibus S. Germani à Pratis refert hic non pigebit: sic ergo ad Sabbatum ante Dominicam primam Adventus: [Expleto mandato pedum & manuum, Sacrista accipiet licentiam ante pulpituin capituli per signum manus pulsandi collationem: expleto mandato, Cantor incipiet antiphonam: *Domini istam*. Tunc Hebdomadarius lectionis de collatione accipiet benedictionem, dicens: *Domine iube* &c. & Prior dabit benedictionem, quæ sic incipit: *Angelorum custodia*, quæ solum dicitur diebus quibus fit mandatum. Cum autem dicti de lectione duo versus vel circiter fuerint; Prior faciet signum Subpriori, vel ordinis alteri, ut exeat à capitulo caput proprium inclinando, & exiens ibit ad tympanum, & in fine unius versus lectionis quæ debet esse de libro dialogorum Gregorij Papæ, percutiet tympanum; tunc surgent omnes, & ibunt ordinatim in refectorium, subsequente Priore cum duobus cereis, qui debent accendi in medio capituli antequam incipiatur mandatum: Cùmque conventus per ante illum transierit, qui tympanum pulsabit, omnes inclinabunt capita sua coram eo transeuntes, conventus ascendet ad mensas; Sed non sedebunt quousque Prior sederit ad dasum, & sederit super sedem.]

Si verò Abbas fuerit ad collationem, conventus non erit superius ad
 mensas, sed stabunt inferius donec Abbas transierit, & sederit ad
 dasium supradictum; Et tunc debet legere lector lectionis, & non ante-
 quam sederit Prior, vel Abbas. Primo versu dicto lectionis, quidam
 juvenis pulsabit uno ictu campanam, quæ pendet super petram ele-
 mosinæ, & tunc surgent quatuor, aut quinque, vel plures, & ac-
 cipient modellos vitreos, aut argenteos, & implebunt cos vino. Et
 cum impleti fuerint, juvenis pulsabit campanam supra dictam; & tunc
 ibunt illi quatuor ordinate, unus juxta alium versus dasium, & illis
 inclinatis coram primo gradu ascensus dasij, Cantor incipiet: *Bene-*
dicite, & Hebdomadarius magnæ Missæ dabit benedictionem hanc:
Dextera Dei omnipotentis, &c. quæ numquam dicitur nisi duo cerei
 magni positi fuerint coram Priore. Nota quod sic debet fieri in om-
 nibus diebus Sabbatis totius anni, & omnibus diebus Sabbatis totius
 anni, mandatum, nisi fuerit causa qua non possit convenienter fieri.
 Et sciendum est quod tale debet esse luminare in refectorio per totam
 hyemem, dum bibit conventus, qui antequam intret in refectorium,
 Refectorarius debet accendere ad dasium duos cereos, & in unaqua-
 que tabula inferius tres cereos. Postea dabunt illi qui modellos te-
 nent bibere Priori, & conventui, unicuique in ordine suo, inci-
 pientes ab antiquis usque ad juniores. Completo potu, facient ante
 & retro in loco ubi acceperunt benedictionem, & tunc venient &
 sedebunt juxta alios, & dabunt sibi potum ad invicem, & quando
 Priori placuerit, finire faciet lectionem. Finita lectione, lector des-
 cendet, & faciet ante & retro, & ibit sessum juxta alios; & tunc
 unus qui expectabat illum, stans in medio refectorij, habens in ma-
 nu plenum modellum vini dabit ei bibere. Et sciendum est quod con-
 ventus debet habere caritatem boni vini quotiescumque fit manda-
 tum. Finito potu Prior percutiet stalam tribus vicibus vel quatuor;
 & tunc surgens dicet: *Adjutorium nostrum* &c. & conventus respon-
 deat: *Qui fecit cælum*, &c. & facient ante & retro, & ibunt processiona-
 liter ad monasterium; & Prior ibit in locutorium Cellarij, præceden-
 ribus duobus cereis, & dicet: *Benedicite*, & dabit licentiam cui sibi
 placuerit, & videbitur expedire. Conventu eunte ad ecclesiam, Sa-
 crista pulsabit Completorium cum una minima campana, & cum se-
 derit Prior ordinis, qui fuerit in choro terminabit *Pater noster*, & di-
 cet: *Confiteor* cum conventu, tunc Hebdomadarius incipiet Completo-
 rium.

12. Quandonam inceperit iste ritus non liquet: Constat tamen esse
 antiquissimum & annos minimum septingentos superare, ut patet ex
 Concordia S. Dunstani, in qua præscribitur, ut mandato peracto [Fa-
 cto signo in ecclesiam initiatur collatio, rursumque dato tintinnabuli
 signo, refectorium introcant caritatis gratia. Quotiescumque fratri-
 bus caritas interim dum collatio legitur præbatur, lectione finita,

omnibusque surgentibus, dicat Prior: *Sit nomen Domini benedictum*, & "
Benedicamus Domino, ceteris ut mos est respondentibus;] & in M. S. "
 consuetudinibus Cluniacensium extant hac de re duo capitula, in
 quorum uno dicitur esse Conuersorum, & juvenum propinare cari-
 tatem de potu in refectorio; in altero agitur de accēdendis ad eam can-
 delis; sed & Boherius id se vidisse testatur in Sublacensi Monasterio:
 [Vidi, *inquit*, in specu, & monasterio Sublacensi, quod in medio "
 sectionis hujusmodi diebus jejuni potat conventus.] Verum non so- "
 lum diebus jejuni, sed aliis in super diebus propinatam fuisse hujusmo- "
 di caritatem docent nos M. S. consuetudines S. Germani à Pratis,
 in quibus etiam Dominicis diebus caritatem boni vini ad collatio-
 nem præberi præcipitur.

13. Præterea singulis jejuni diebus ante collationem convenie-
 bant hauriri singuli calicem vini, ut patet ex Concordia S. Dunstani,
 & consuetudinibus S. Germani à Pratis, in quibus præscribitur ut
 Sabbatho ante monachorum mandatum eant in refectorium *ad hau-*
rienda pocula. Deinde peracto mandato initietur collatio, rursusque
 pergant ad refectorium ad percipiendam caritatem, unde accedant
 ad Completorium: quapropter cum præbebatur ista ad collationem
 caritas vini, his serò conveniebant in refectorio, bisque bibebant.

14. Porro hæc diebus jejuni serò bibendi consuetudo est antiquissi-
 ma; nam M. gister in sua regula jubet, ut cum ad Nonam reficiunt
 Fratres serò singuli singulos caldos accipiant: Postea etiam Aquisgra-
 nense Concilium indulget, [ut si necessitas poposcerit ob operis la-
 bore, post refectionem vespertinam, etiam & in Quadragesima pa-
 ri modo, & quando officium mortuorum celebratur, priusquam le-
 ctio Completorii legatur, bibant.] Exhinc ad nos usque pervenit iste
 ritus, ut etiam in monasteriis in quibus strictior vigeret observantia,
 quæque ne vel minimum unguem ab Regula littera se recedere profi-
 terentur, quales fuere Cistercienses primi, post Vesperas tamen bibe-
 retur; sed ad potum aliquid superaddere cibi recentis omnino est
 consuetudinis, quæ nec ducentos fortè superat annos, certè in
 consuetudinibus quas Guillelmus pius S. Germani Praten-
 sis Abbas anno 1395. conscripsit ne unum quidem verbum de pane, mul-
 to minus de fructibus addendis ad potum serotinum diebus jejuni
 regularibus, quid de quadragesimalibus? Ne quid tamen dissimulem,
 nonnihil aliquando cum potu manducasse leguntur Cassinenses in ve-
 rusto codice annorum 800. in quo hæc scribuntur: [Cum autem liberi
 à vindemia fuerint, statim ad Nonam horam refecerint, & post
 Vesperas *gustum manducant*, & bibunt iterum, quod in regula non
 est scriptum. Similiter & Quinquagesima post refectionem secundum
 consuetudinem antequam lectio legatur tota hebdomada bibunt; quod
 nec istud in Regula dicitur. Quando autem mandatum faciunt, si Do-
 minus abundantiam vini dederit, semper bibunt, si exiguum fuerit, "

c. 27.

c. 12.

abstinebunt.] Sed hîc *gustum manducare* nihil aliud esse existimo, quam tantillum quid quasi prægustando comedere, idque quando fratres ad Nonam reficiunt, non autem in Quadragesima.

CAPVT XII.

De completorio & dici termino.

1. Completorij, siue ut alij volunt Completx nomen, & officium pene ignotum fuit Antiquis monachis, quorum alij Martina vespertinaque sinaxi fuerunt contenti; alij Nonam, nonnulli verò etiam Tertiam, Sextam, & Nonam, his superaddiderunt. Reg. ful Primus inter eos sub *petitionis* nomine, quam post Eucharistiam, c. 37. siue Vesperas initio noctis dici iubet, S. Basilii Completorij meminisse videtur; quamvis apud eum petitionem ab Eucharistia non distinguere censet Joannes Bona Cardinalis; sed nobis aliud suadere videtur ipse S. Basilij textus, multique non contemnendæ eruditionis viri, qui utrumque ab invicem secerunt: nihilominus tamen antiquiorem Basilio aut posteriorem Græcum authorem aliquem qui Completorij meminerit ad hæc nostra ferè tempora nusquam reperire est. Quidquid sit, certè primus in Occidente qui Completorij officium instituerit nemine refragante agnoscendus est S. Benedictus in regula sua de div. psal. c. 21. statuens, ut [Completorium trium psalmorum dictione terminetur. c. 17.
 - „ Qui psalmi directæ, sine antiphona dicendi sunt, post quos hymnus
 - „ ejusdem horæ, lectio una, versus, Kyrie eleison, benedictio, & post
 - „ missæ fiant: & sequenti capite ut ad Completorium iidem psalmi repetantur quotidie, idest quartus nonagesimus & centesimus trigessimus tertius.
2. Sanctum Benedictum non multò post sequutus est S. Aurelianus in utraque ad monachos, & ad Virgines regula ita decernens: [Quando repausaturi estis in schola in qua manetis, completa dicatur; in primis directæ, & psalmus nonagesimus dicatur; deinde capitella consuetudinaria.
3. In vulgata inter opera S. Augustini incerti authoris Regula Completorium ac Vesperas eodem prorsus modo atque Sextam, & Nonam persolvi præcipitur. At in eadem M. S. Regula codicis Corbeiensis annorum circiter mille nulla satis aperta nobis fieri Completorij mentio videtur, nisi fortè his verbis, quæ desunt editis: [Post hæc autem consuetudinarij psalmi ante somnium dicantur,] quibus psalmis etiam lectiones præmitti voluit. in app. ad tom. 1. c. 1.- 4. S. Columbanus *ad initium noctis* duodecim psalmos decantari imperat.

9. Quidam postea facimus, peccatorum confessio longè est antiquior, ut pote cujus non solum meminere M. S. consuetudines S. Germani à Pratis; sed etiam multò anterior S. Dunstani Concordia, quæ sic habet: [Signo namque Completorii pulsato, agatur oratio, qua finita, facto signo à Priore, invicem sibi dent confessionis salubre remedium;] & antea antiquissimus Ordo conversationis monasticæ: [Et recepto silentio nocturno cum reverentiæ intrent oratorium ad Completam, orent cum intentione mentis, & dent confessiones suas alternatim, & incipiant Completorium.] Eundem ritum, sed post Completorium tantum observandum præcepisse videtur S. Fructuosus Episc. Brac. his verbis: [Deinde valescentes invicem & reconciliationi ac satisfactioni alterutrum insistentes laxant mutuo debita; cujus rei proximè videre est in observationibus præviis ad Vit. S. Dunstani n. 9. sæc. 5. Hanc confessionem, quam Prior Ordinis cum conventu facere jubetur in M. S. consuetudinibus S. Germani à Pratis, & quidem ad signum Prioris ex Conc. Dunstani, sedem percutientis ex Conf. S. Dionysij, uni è nostris, quos sciam, omittunt Bursfeldenses, qui dicto *Pater & Ave*, Completorium imponunt, & peragunt *Prout disponit Regula*, hoc est à *ψ. Deus in adiutorium*.

10. Versus *Converte nos* non extat in consuetudinibus S. Germani; sed dicto *Confiteor* cum conventu; [Tunc, inquit, Hebdomadarius incipiet Completorium, & dicet *Deus in adiutorium*;] sed neque in Ordinario Bursfeldensium, sed neque etiam nunc à Cisterciensibus dicitur, ut testatur Joannes Bona in l. de divina Psalmidia: Præscribitur tamen in antiquis S. Dionysij in Francia cons. ubi hæc lego: [Eant ad collationem, deinde ad Completorium, post percutiet unus Prior super sedem, & dicat unus ad alterum: *Confiteor Deo*; deinde incipiat à sacerdote Hebdomadario: *Converte nos*.]

11. Psalmos ad Completorium tres sine antiphona eosque quotidie repetendos S. Benedictus præscribit totidemque Magister, sed cum antiphonis psalli instituit. Ex his celeberrimus omnium censendus est psalmus nonagesimus, quem etiam ad petitionem S. Basilii, ad Completam S. Aurelianus decantari voluerunt. Dicto ultimo psalmo, nocturnum silentium incipiebant Parisienses nostri S. Germani, ut ex his verbis discimus: [Et sciendum est quod post *Gloria* ultimi psalmi, non debet aliquis de conventu vocari ad licentiam, nec alicui loqui.

12. Psalmos sequebatur hymnus, quem pro temporis diversitate variabant; scilicet à Pascha ad Dominicam primam Novembris, omnibusque diebus xij. Lectionum, sive trium Lectionum solemniū, seu trium lectionum octav. dicebatur hymnus: *Te lucis ante terminum*; reliquo tempore: *Christe qui lux es, & dies*.

13. Post hymnum Lectio, Versus, Kyrie eleison, Benedictio & missæ sive collectæ subjiunguntur: Ubi S. Benedictus missis sive orationibus benedictionem præmittit; & tamen communis usus Ordinis ob-

tinuit, ut non nisi post preces & collectam Benedictio detur, quemadmodum videre est in Vit. S. Aicadri Abbatis Gemeticens. [qui Completorio decantato, omnes sua sancta benedictione munivit, & eos Domino commendans simul cum eis ad cubile devenit.] n. 30. fac. 2. p. 966. clarius in consuetudibus S. Germani: [Postea, id est post versum: *Custodi nos*, dicitur: *Kyrie eleison: Christe eleison: Kyrie eleison: Pater noster: Credo in Deum*; & preces: *Benedictus es Deus Patrum nostrorum*, & alias, Oratio: *Visita quasumus Domine*, & quando dicitur: *Et benedictio tua sit super nos semper*; unusquisque debet signare se: finita oratione dicitur: *Benedictio Dei omnipotentis*;] & iterum signabit se unusquisque tribus vicibus. Porro quod preces spectat, eas nobis sic exhibet Breviarium M.S. ad usum S. Germani à Pratis.

Benedictus es Domine Deus Patrum nostrorum

Benedicamus Patri & Filio cum sancto Spiritu

Benedictus es Domine in firmamento cæli

Benedicat nos omnipotens Dominus

Dignare Domine nocte ista

Fiat misericordia tua Domine super nos, ut supra,

nempe ad Primam, ubi post ultimum hunc versiculum, alij decem subjiciuntur, quos etiam haud dubium dicebant ad Completorium. Apud Cluniacenses preces ad Completorium erant versiculorum septemdecim, ut discimus ex Udalrico; Sed Cassinenses videntur his sex quos hic representamus, versiculis fuisse contenti; hi enim soli in eorum antiquissimo Breviario extant.

14. Benedictio, cujus hic prima verba referuntur, integra effertur in prædicto Breviario S. Germani Pratenfis hoc modo: *Benedictio Dei omnipotentis Patris, & Filij, & Spiritus sancti descendat & maneat super nos: Amen.* Quæ formula est antiquissima, ut patet ex Hildemaro infra citando; & ad hæc nostra ferè tempora apud nostros in usu fuit; illius enim meminit Boherius in 1. comment. ad c. 17. neque aliam proferebant Bursfeldenses, sed neque etiam Casalini.

15. Hanc ad Benedictionem omnes in genua provoluti manebant, ita scribente Hildemaro: [Ad ipsum officium Completorii tandiu debes jacere, quo usque dicat Sacerdos: *Benedictio Dei Patris, & Filij, & Spiritus sancti*; & tu erectus respondeas: *Amen.*] Triplexque ut modo vidimus crucis signum efformabant, idque fronti, ori, & pectori, ex Bursfeldensium Ordinario c. 23.

16. Quod autem à Sacerdote proferretur Statutum erat Concilij Aquilgranensis decernentis, [ut Benedictio post Completorium à Sacerdote dicatur;] & tamen Petrus Boherius in 1. super Regulam S. B. commentario [Finita, inquit, conclusione orationis, dicit Abbas vel Prior: *Benedictio Dei omnipotentis*, &c.] De Cassinensibus suo tempore ita Bernardus Cassinensis: [Si autem Abbas est in Completorio præsens, hæc sibi Benedictio reservatur; alias Sacerdos, qui agit

Ord.
Bu. s. fel.
c. 13.

officium, hanc Benedictionem dicere consuevit.] Apud Bursfeldenses verò datur à Præsidente.

17. Ab hac Benedictione nemini fas erat abesse, nequidem his qui justis de causis Completorio non interfuerant; hinc illud Lantfranci Statutum: [Dum regularem horam fratres in ecclesia dicunt, nullus comedat in refectorio, excepto solo Completorio; tunc enim licet iis quæ aliqua utilitate impediti ante illam horam se expedire non possunt, & fratribus qui de foris veniunt comedere in refectorio, qui si ante collationem incipientes comedere circa finem Completorij cœnam suam commode explere non valent, licet eis à mensa surgere, & in monasterium ad Benedictionem ire, & postea in refectorium ad complendam cœnam redire;] & hac etiam fortè de causa in nostris olim monasteriis audito Completorij signo clauderantur monasterij portæ, ut nimirum ipse janitor Completorio adstans Benedictionem percipere posset cum aliis, qua de re Anonymus in vita S. Agili Abbatis Resbacensis: [Consuetudo talis erat, quod janitor ut signum pulsabatur ad Completam, confestim portas monasterij firmans, ei claves deferrebat.] Ubi obiter observabis antiquum ritum nocte claves monasterij ad superiorem deferendi, quam etiam videre est in regula Cujusdam ad Virgines, ubi de Portariis ita: [Claves ostiorum, vel portæ nullatenus penes se nocte retineant; sed ad Abbatissam nocte deferentes præsentent, & mane post secundam recipiant.] ^a Sed ad Completorium revertamur. [Finito Completorio, inquit, S. Dunstanus, & ad ultimum more solito *Miserere mei Deus* decantato, addantur duo psalmi: *Deus in adiutorium meum*, & *Levavi* pro Rege, & Regina, & benefactoribus.] Hi nimirum sunt duo psalmi familiares dicti, quos post singulas horas dicere consueverant; eosdem assignant antiquæ Germaniæ consuetudines M. S., totidemque recitabant olim Cluniacenses teste Udalrico, licet alias ad horas quatuor psalmos cantare consuevissent. In M. S. verò S. Germani Præsentis consuetudinibus legimus, [quod in diebus feriatis dicitur psalmus ad preces *Miserere mei Deus*; postea, idest post benedictionem ut opinor; dicetur Completorium Beatæ Mariæ, nisi fuerit festum duplex.] Bursfeldenses verò statuunt, ut data Benedictione, dictisque pro revertentibus de via precibus, decantetur laus Beatæ Mariæ, hoc est antiphona cum collecta, deinde Completorium Beatæ Mariæ: De hujusmodi Laude Beatæ Virginis extat Decretum capituli Generalis Anglorum monachorum anno 1444. Northamptoniæ celebrati: [Ne ^{apud.} ^{Clem.,} serpens versutus quos vigilantes nequit subvertere, dormientes no-

^a In Nunbergenſi S. Erendrudis monaſterio Vviradis Abbatiffa fores monaſterij ſui quotidie nocte claudere, & mane referare ſolebat, ut diſcimus ex Cæſario in lib. mir. S. Erendrudis n. 6 [Et mane ante diluculum venit ad portam monaſterij, expectans quando veniret Abbatiffa, & januas referaret, quod per ſe ſingulis diebus & noctibus faciebat, ſæc. 3. Bened. part. 1. p. 352.

deanter illudat ; opus esse censemus ante somnum ejus implorare ^{Reyn.} suffragium , per quam extitit caput ipsius serpentis contritum : hinc ^{in app} est quod statuimus , ut singulis diebus statim post Completorium in ho- ^{script.} nore B. Virginis una in choro canteretur antiphona , tractum , pariter , & ^{63.} devotè ; post quam sequatur oratio de eadem ;] quod jam diu sancitum ^{c. 1.} fuerat in capitulo Provinciali an. 1343. ibidem celebrato. Idipsum ob-
servabant etiam nostri Casalini , & ante hos omnes Floriacenses nostri
ut discimus ex M. S. Statutis capituli Floriacensis Abbatum Floriaci
& Prioris ac conventus de Regula c. 4. [In fine Completorii loco
antiphonarum quæ dicuntur de B. Maria , videlicet : *Completi sunt* ,
& : *Ecce completa sunt* , debet alia antiphona , scilicet : *Alma Redem-*
toris , aut : *Salve Regina* , seu quælibet alia antiphona ad libitum
cantoris singulis diebus in conventu solemniter decantari.

18. Denique finito B.M. Completorio , Bursfeldenses statuunt , [ut ^{c. 13.} ab omnibus genuflexis , aut juxta tempus profunde incurvaris , dica-
tur : [*Pater noster* : *Ave Maria* : *Credo in Deum*. Postmodum ad so-
nitum campanæ , ter *Ave Maria* à prostratis.] Hæc autem post Com-
pletorium campanam pulsandi consuetudo Bursfeldensibus est multò
antiquior ; nam antea consuetudines S. Dionysij in Francia : [Post
Completorium , inquit , sonet unus Prior unam campanam ter pa-
rum ; deinde fiant orationes ab omnibus ;] & sub finem sæculi X. ^{n. 33.}
M. S. Consuetudines Germaniæ : [Finita Completa primitus pueri fa-
ciunt tres orationes , & postea Abbas pulsat tintinnabulum , tresque
orationes fundit simul cum Fratribus.

19. Hujusmodi campanæ sonitus signum erat ad faciendas tres oratio-
nes , de quibus Usus Beccenses : [Omnibus per annum diebus post
Completam prius à pueris , dein à reliquo conventu fiant tres ora-
tiones ; à Pascha usque ad octavam Pentecosten , & omnibus festis per
annum , & die ante festum , & Octavis , corpore tantum inclinato , reliquo
anni tempore genu in terram deposito.] Nimirum ut diem ipsum à tribus
orationibus inceperant , tribus pariter & claudere & terminare voluerunt.
Has tres orationes ita nobis exhibet Concordia S. Dunstani : [In prima
oratione canant psalmos : *Usquequo Domine* , & *Judica me Deus* : *Kyrie eleison* :
Pater noster , & preces : *Averte faciem tuam* : *Cor mundum* : *Ne projicias* :
Redde mihi latitiam : *Gratias tibi ago Domine sancte Pater omnipotens*
æternæ Deus , *qui me dignatus es in hac die custodire per tuam sanctam*
clementiam ; *concede mihi hanc noctem mundo corde & casto corpore sic per-*
agere , *qualiter mane surgens gratum tibi servitium persolvere possim* : *Per*
Dominum nostrum &c. In secunda oratione : *Deus misereatur nostri* , &
Nisi Dominus : *Kyrie eleison* : *Pater noster* : easdem preces , quas supra
ad collectam : *Deus cui omne cor patet* , & *omnis voluntas loquitur* , &
quem nullum latet secretum , *purifica per infusionem sancti Spiritus cogi-*
sationes cordis nostri ; *ut perfecte te diligere* , & *dignè laudare merea-*
mur : *Per Dominum nostrum &c.* In tertia oratione : *De profundis* : *Ky-*

rie eleison : Pater noster, eadem preces, collect. Omnipotens mitissime
 sine Deus, qui sitienti populo fontem viventis aqua de petra produxisti,
 educ de cordis nostri duritia compunctionis lacrimas; ut peccata nostra
 plangere valeamus, remissionemque te miserante mereamur accipere: Per
 Dominum nostrum &c. Omnipotens mitissime Deus respice propitius ad pre-
 ces nostras, & libera cor nostrum de malorum tentatione cogitationum,
 ut Spiritus sancti dignum fieri habitaculum mereamur inveniri: Per Do-
 minum nostrum.

20. In nostro S. Germani Pratenfis cœnobio finito B. Virginis Comple-
 torio, seu data benedictione, ante tres orationes dicebantur consequen-
 ter prænotati hîc à Dunstano quinque psalmi cum his precibus & col-
 lecta: Kyrie: Pater noster.

ex M.
confuct
& bre-
viario
M. S. S.
Germ.

Quoniam tu illuminas lucernam meam Domine

Deus meus illumina tenebras meas

Quoniam in te eripiar à tentatione. Et in Deo meo transgrediar

Deus illuminatio mea, & salus mea: Quem timebo.

Dominus protector meus à quo trepidabo.

Exurge Domine adjuva nos, Et libera nos propter nomen tuum

Domine.

Dominus vobiscum, Et cum Spiritu tuo

Oratio: Deus qui illuminas noctem, & lucem post tenebras facis; concede
 nobis, ut hanc noctem sine impedimento satana transcamus, atque matutinis
 horis ad altare tuum recurrentes, tibi Deo gratias referamus.

21. Isthæc verò post Completorium quinque psalmos recitandi con-
 suetudo est ex institutione magni quondam Benedicti Abbatis Ania-
 nensis, qui teste Ardone ejus discipulo [Post Completorium instituit,
 ut non pro libita quis, aut egrediatur, aut moretur in Oratorio; sed
 hiemis tempore decem prius canant psalmos; æstate verò quinque; sic-
 que pulsato signo omnes pariter, juxta præfatum modum, altaria
 cuncta circum eant, & sic ad lecta sua singuli pausaturi accedant.]
 Convenientius ergo ad primam institutionem Sangermanenses nostri
 psalmos quinque præmittebant orationibus, quas circumeundo altaria
 Benedictus Anianensis fieri voluit: Ita tamen ut [ad primum ex eis
 orationem Dominicam dicant & symbolum, cæteris orationem Do-
 minicam, vel sua confiteantur delicta.] inquit Ardo discipulus ejus.
 Has ad orationes ita procedendum sanciant consuetudines S. Germani
 à Pratis: Dictis supradictis quinque psalmis cum precibus, & col-
 lecta, [Prior surget, & ibit per medium chori ad orationes suas
 antegradum, & conventus inclinabit eum; & postea deponentes stilos
 suos, & sequentur eum unusquisque in ordine suo; & tunc Prior in-
 clinabit se, & duo antiquiores erunt juxta eum, & postea pueri ha-
 bentes lanternas, & magister eorum debet esse in medio eorum; &
 quando Prior surget, omnes surgent, & signabunt se tribus vicibus,

in ejus,
vic. ,,
n. 52.,,
sæc. 4.,,
Bened.,

ibi l.,

& tribus vicibus inclinabunt se; primò in medio chori, post ad dextram, & ultimò ad sinistram.

22. De hac oratione à pueris etiam facienda ita scribit Hildemarus in suo super Reg. S. Benedicti Commentario : [Post Completorium autem signo facto, debent exire de choro, & magister illorum debet accendere lucernam, & ire cum illis infantibus per singula altaria oratorij, & per unumquodque altare usque dum oraverint, unus magister in ante, alter magister vadat in medio, & tertius magister retro. Deinde debent ire ad necessaria naturæ cum lumine, & magister ipsum cum ipsis, qui ad exitum voluerint venire.

23. Absolutis tribus orationibus, fiebat sollemnis aquæ lustralis aspersio, idque à Sacerdote Hebdomadario ex Dunstani Concordia, Germaniæ consuetudinibus, S. Dionysij in Francia, S. Germani à Præstis; vel ab ipso Abbate ex lib. Usuum Cisterciensium; sive à Præsidente ut volunt Bursfeldenses. Quod duobus modis fieri contingebat; vel enim cunctos suis in locis stantes circumgyrando aspergebat, vel ipse stans ante ostium singulos ante se transeuntes conspergebat: Primum indicare videtur S. Dunstanus: [His peractis, inquit, conspergantur à Sacerdote Hebdomadario benedicta aqua, & sic pergant ad requiem suam cum summa tranquillitatis voce, & reverentia;] Similiter consuetudines Germaniæ: [Et Presbiter spargit singulos benedicta aqua, sicque revertentur ad lectulos;] & consuetudines S. Dionysij in Francia: [Post orationes eat Sacerdos ad aquam benedictam, de qua aspergit conventum, post aspersionem eant omnes dormire usque ad Matutinas;] hic enim nulla fit mentio Fratrum ante Sacerdotem venientium; sed tantum eos aspergere jubetur: Secundum præscribunt Sangermanenses consuetudines in quibus Hebdomadarius Missæ primus exire de choro jubetur, tum additur: [Post orationes ibit Prior ad aquam benedictam, subsequente conventu; Hebdomadarius autem Missæ dabit eis de aqua benedicta;] Divionenses S. Benigni c. 21. [Sacerdos Hebdomadarius ante alios exit de choro ad aquam benedictam ut de ea singulos reverenter aspergat;] & liber Usuum Cisterciensium: [Completa autem oratione, exiens Abbas aspergat singulos aqua benedicta post se ordinatim egredientes:] Bursfeldenses verò in Ordinario suo statuunt, ut [dato signo à Præsidente, surgentes exeant: egressi verò stent ordinatè foris ostium, præstolantes aspersionem aquæ benedictæ à præsentente faciendam.

24. Post aspersionem aquæ benedictæ, nulla interposita mora, ascendebant dormitorium, ut patet ex modo dictis, nisi quod S. Dunstanus permittit, ut [si quis post hæc devotionis suæ fortè fervore his diutius incumbere voluerit, agat quidem hæc; sed audito signo æditui, quo residues ad egrediendum vocat, nihil moretur:] Signum hoc æditui erat haud dubium ad obserandas ecclesiæ fores, quas nocte clausas tenebant, ut patet ex Vit. Sanctæ Liobæ ubi de monasterio

c. 5. » Sanctæ Tettæ : [Alio quoque tempore contigit ut soror cui orato-
 fac. 3. » rij cura commissa erat , cum post Completorium cubitum itura fores
 part. 2. » ecclesiæ obleraret , claves universas ipsa nocte nesciens perderet &c.]
 p. 248. » & ex consuetud. S. Benigni : [Sacrista post Completorium attendit dili-
 c. 6. » genter ut portarius cum aliis æquè duobus , nequis latro latendi pos-
 » sic habere occasionem : ostium deinde ecclesiæ clauastro vicinum
 » clausum sera oblerat , & obfirmat clavi , quæ nimirum clavis à latere
 » ejus noctu nunquam recedit.

25. Ingressi dormitorium propriæ conscientiæ vacabant examini an-
 tequam sese lectulo committerent : [Facta aquæ lustralis asperione ,
 In ord. » inquit Bursfeldenses , quisque petat cellæ secretum , præeuntibus
 c. 13. » junioribus , ad recolligendum se de negligentis suis.] Idem Virginibus
 » in sua Regula faciendum præscribit Aelredus Abbas : [Prostrata le-
 » ctulo pudicitiam tuam commenda , & sic signo crucis armata , revolve
 » animo quomodo die illo vixisti ; si verbo , si opere , si affectu Domini
 » tui oculos offendisti ; si levior , si otiosior , si negligentior debito fuisti ;
 » si plus cibo crudior , potu dissolutior metas necessitatis excessisti ; si
 » subreptum tibi aliquid horum deprehendis , suspira , pectus tunde , & hoc
 » sacrificio reconciliatam sponso sponsum excipiat.] Hoc tamen præsta-
 » bant olim priusquam de ecclesia ascenderent in dormitorio , ut vi-
 » dere est in antiquo Ordine , conversationis monasticæ , ubi sic lego :
 » [Expleto officio , scilicet Completorij , summum silentium teneant ,
 » & ore & corde fiant orationes secretæ , & recordatio peccatorum cum
 » gemitu , & lacrimis , & fletu , sine suspirio , ita ut nullus alij noceat ,
 » tunc agant gratias Deo ita referendo : Gratias tibi ago Domine &c.
 » ut supra ex S. Dunstano , & sic cum magna cautela vadant ad dormi-
 » torium.

26. Præter diurnorum peccatorum suorum discussionem peculiaribus
 etiam orationibus incumbabant , de quibus Regula Abbatis Isaïæ :
 c. 18. » [Ora multum ante cubitum , quamvis defatigatus sis ab itinere ;] &
 c. 57. » iterum : [Antequam verò cubitum eas , vigila per duas horas in
 » oratione , & laudibus ; & tunc corpori tuo da requiem :] Specialius
 » S. Fructuosus ipsas orationes singillatim determinans : [Cum demum per-
 e. 2. » gentes ad cubilia , inquit , atque in unum cuncti coeuntes ob perfectio-
 » nem pacis , & reorum absolutionem , cantatis tribus psalmis juxta mo-
 » rem , cum Laude & Benedictione , symbolum Christianæ fidei communi
 » omnes recitent voce ; ut fidem suam puram coram Domino ostenden-
 » tes , si , quod dubium non est fieri vel accidere , ut nocturno quisquam
 » tempore evocetur à corpore , commendatam jam fidem suam & expia-
 » tam ab omni scandalo conscientiam proferat ante Deum.] Hujus-
 » modi orationis meminit etiam Regula cujusdam ad virgines ubi appel-
 e. 9. » latur *oratio ad somnum capiendum* ; eamque commendat S. Athanasius in
 » tract. de Virginitate his verbis : [Sive cubitum vadis ad somnum
 » capiendum ; sive cubitu surgis , non absistat hymnus Dei à labiis tuis.

17. His omnibus ita peractis, suo singuli sese collocabant in lecto, aliquas interim preces iterum recitantes, de quibus Ordo conversationis monasticae: [Et dum ad proprium lectum frater accesserit, dum se collocat, dicat psalmum: *Deus in adiutorium meum intende* totum, cum *Gloria patri*; & postea dicat versum: *Pone Domine custodiam ori meo & ostium circumstantia labiis meis*; & sic muniat se signo venerabili S. Crucis, & dormiat in Domino: Amen.] & S. Fructuosus: [Post deinde aduectus cubilia summo cum silentio, & habitu tacito, gressuque quieto: nec ullus se vel ultra cubiti spatium jungens ad alterutrum, vel saltem alium respicere audens, pergat ad lectulum suum; ubi tacite orationi insistens, psalmosque recensens, ultimò orationem suam quinquagesimi psalmi recitationem atque oratione consummet: nec strepere, nec mutire ausus, aut excreare, cum gratia nocturni somni capiat silentium.] Neque verò hic prætereundum est quod monet Guillelmus Abbas S. Theoderici ad Fratres de Monte Dei, sic scribens: [Iturus ad somnum semper aliquid defer tecum in memoria, vel cogitatione, in quo placidè obdormias, quod nonnunquam etiam somnare juvet, quod etiam vigilantiem te excipiens in statum hesternæ intentionis restituat: sic tibi nox sicut dies illuminabitur, & nox illuminatio tua erit in deliciis tuis, placidè obdormies, in pace quiesces, facile exvigilabis, & surgens facilis, & agilis eris ad redeundum in id unde non totus discessisti.] Sic haud dubium gerebat se sanctissimus Cluniacensis Abbas Odilo de quo Lorfaldus Monachus in ejus vita c. 5. [Cum sapius illum psallentem somnus exciperet, tamen psalmus ab ore dormientis non recedebat, ut si nescires, vigilare cum putares.] Vid. ejus decessoris S. Maioli vit. authore Syro l. 3. n. 17.

28. Omnibus suis in lectis compositis S. Dunstanus præscribit ut iterum aqua lustrali conspergatur dormitorium: [Omni etiam nocte inquit, post Completorium aspergatur domus requietionis eorum, recumbentibus eis, propter illusiones diabolicas] & M. S. conf. Germaniæ n. 18. Hebdomadarij Sacerdotis est [Post Completorium super fratres aquam benedictam spargere, & per omnes illorum lectulos] S. Fructuosus autem perlustrari à Præposito lecta imperat: [Præpositus in medio consistens dormitorio, quoad usque cuncti quiescant; omnibus jam cubantibus circumbeat silenter lecta singulorum, ne quis aut tardè se jaceret, aut extra regulam oculis missitationibus vacet; & ut plenius perscrutans gesta singulorum & merita, intelligat quem quomodo veneretur aut suscipiat. Similiter & aut Decanus alius, aut quisquam è fratribus bene probatus assistit in secessu communi, quousque quieti se tradant cuncti; ne aut fabulas inter se ventilent vanas aut ridiculis studeant, aut quodlibet noxiale vitium consuecant;] & Regula cujusdam ad Virgines: [Itemque post Completam lectos omnium cum luminariis visitent Præpositæ, ut omnium expergiscentem sensum, vel tepescientem ex oratione agnoscant.]

Idipsum præstabat in Gemeticensi cœnobio S. Aicadri Abbas ut scribit anonymus in ejus vit. n. 30. sæc. 2. p. 967. [Itaque fratribus in lecto locatis, totum dormitorium lustrando gyravit seque Dominicæ custodiæ in loco destinato statuit, hanc orationem decantans: Suscipe Domine preces nostras, & muro custodiæ tuæ hoc sanctum ovile circumda, & omni adversitate depulsa, sit hoc semper domicilium incolumitatis & pacis per Dominum nostrum. &c. Finita denique oratione, & ob confirmationem dicentes: Amen, convertit se ad Dominum, &c.

29. Denique Bursfeldenses volunt sera obfirmetur dormitorium dum quiescunt ibidem monachi: [Prior autem ante signum repositionis januas dormitorij firma clausura munire procuret.] Neque solum dormitorium nocte obserabatur, sed etiam claustrum ut patet ex conf. S. Benigni supra citatis, & ex vita S. Stephani Abbatis Obazinensis l. 3. n. 13. [Et quia idem claustrum ut pote nocturnis horis obseratum erat, festinanter ad ecclesiam perrexit. &c.

tom. 4.,
Misc.,
Baluz.

30. Porro dormire extra dormitorium absque gravi aliqua necessitate nemini fas erat, qua de re habemus statutum Floriacensis capituli Abbatis Flor. & Prioris ac Conventus de Regula anni 1244. [Omnes in uno dormitorio simul ordinatè jaceant, exceptis iis, quos pro necessitate monasterij solus Prior viderit excludendos.] Idem statuitur in decretis capituli Generalis Provinciarum Bituricensis, & Burdigalensis in monasterio S. Augustini Lemovicensis an. 1367. celebrati, in quibus expressè prohibetur ne ulli etiam officarij extra dormitorium jaceant, alioquin disciplinæ subjaceant, [vel portionem quotidianam non recipiant consuetam, in usum pauperum convertendam;] & Capitulum Generale Anglorum monachorum an. 1444. c. 2. [A Completorio omnes tam obedientiarj, quàm alij cum conventu ad dormitorium se transferant ad pausandum, nec aliunde se divertere valeant, nisi licentiam habuerint specialem, quam quidem à Præposito concedi firmiter inhibemus, nisi subit causa rationabilis atque justa, vel nisi Major in monasterio cum aliquo ex causa justa, vel meriti exigentia dispensare voluerit.] Ab hac tamen lege Cistercienses eximere videntur Sacristam, Cellarium, Custodem infirmorum, Hospitalarium, & alios forsan, quibus etiam Bursfeldenses locum alium dormitioni aptum deputant; & certè quod Sacristam spectat, olim in aliquo ecclesiæ angulo proprium lectulum habebat ut patet ex vit. S. Lindgeri l. 2. n. 19. sæc. 4. Bened. ex histor. transl. S. Mauri n. 22. ibid. ex serm. de S. Marculfo n. 2. ibid. ex Lamberto monacho Trevirensi in hist. de Inventione & mir. S. Mathiæ n. 9. apud Bol. 24. Febr. ex vit. S. Petri Urscoli n. 14. sæc. 5. & ex conf. S. Benigni.

l. Uf.
c. 82.
dist. 3.
c. 12.

31. Tandem quod jam observasse debueramus, serò post Completorium, vel etiam antea omnia monasterij loca Abbas perlustrabat, unà cum socio ut videre est in actis S. Agili Abbatis Resbaccensis, 2. 10. ubi describitur [Vespere circumiens officinas monasterij ... unius tan-

tum potius fratris Solatio, qui vocabatur Brandolinus] & in vit. S. Ste-
phani Abbatis Obazinensis Ord. Cist. l. 2. n. 54. [Dum quadam die
Sabbati post Completorium officinas circuiret *ex more* &c.] Tom. 4.
Misc. Baluz.

32. Tanta verò erat apud eos silentij nocturni religio, ut si quis
vel minimum strepitum edidisset, aut aliorum somnum in aliquo per-
turbasset; statim ad Crucem penitentiae gratia ire jubebatur: Extat
hujus rei exemplum in vita S. Austrobertae Abbatis Pauliacensis n. 15.
[Die quadam matutinis expletis cum sorores fessis corporibus post
laborem se in lectulis collocassent, in ipso lucis crepusculo cum auro-
ra terram perfunderet, & ipsa volens cognoscere, an cunctae quiesce-
rent, progrediebatur leviter per dormitorium, inspicens lectulos sin-
gularum; evigilansque Praeposita nesciens esse Dei famulam, valde
eam increpavit, dicens: Cur ita agis Soror, quare inquietas quiescen-
tes? Vade, inquit, ad Crucem: Illa autem gavisa cucurrit quanto-
cuius.] Idem erat usus in Stabulensi monasterio, ut patet ex Vit. S. Lan-
deberti Episcopi n. 5. qui cum mediante nocte orationis causa sur-
rexisset, [porrectaque manu arreptisque sandalibus, de quibus unus
elapsus corruens de manu ejus cecidit in pavementum sonusque ejus
quiescentium aures inquietavit. Hæc audiens Pater monasterij nesciens
quis hoc egisset, ait qui istum sonum fecit, statim ambulet ad Cru-
cem: Tunc Sacerdos religiosus ilico obedientiam sine mora sequens &c.]

Sed de his satis, nosque interim dum quiescentes in dormitorio fra-
tres relinquimus, ab hujusce de Veterum monachorum ritibus libri
lucubratione quiescamus.






LIBER SECUNDUS,
DE RITIBVS
Per Hebdomadam & Menssem occurrentibus.

CAPVT PRIMVM.

De Dominica, & primò de nocturnis ejus vigiliis.



1. Uos in fine prioris libri dormientes dimisimus veteres monachos, hos in hujusce principio ad celebrandas diei Dominicæ vigiliis nocturnas iterum excitare necesse est. Nimirum ut singularis est inter alias dies Dominica; ita singulares eam decebant vigiliæ, licet eodem modo, ac ritu apud Ægypti Thebaidisque monachos, ac

1.2.c.6. privatis diebus celebratas fuisse Cassianus indicare videatur; nempe cum 12 psalmis, totidemque orationibus; quibus binas addebant lectiones, cum hoc dumtaxat discrimine, quod privatis diebus, una ex Veteri, altera ex Novo; dicebatur Testamento; Sabbatis verò Dominicisque diebus utraque de Novo; scilicet una de Apostolo, vel Actibus Apostolorum, alia de Evangeliiis. De reliquis Orientis monachis nihil certi aut explorati habemus.

2. Si tamen de Dominica, ac de Sabbato, quorum par fuit apud eos cultus, similis ubique solemnitas & devotio, idem judicium ferre liceat; certò affirmare poterimus eos per totam fere noctem, si postremas duas horas excipias, vigiliis insomnes perduxisse; tales enim

1. 3. „ eorum Sabbato vigiliis describit Cassianus his verbis: [Sanè vigiliis
c 8. „ quæ singulis hebdomadibus à Vespera illucescente Sabbato celebrantur, idcirco seniores hyemali tempore, quo noctes sunt longiores,
„ usque ad quartum gallorum cantum per monasteria moderantur;
„ ut post excubias totius noctis reliquis duabus ferme horis reficientes
„ corpora sua, nequaquam per totum diei spatium somni torpore marcescant, requie brevis hujus temporis pro totius noctis refectioe contenti.] Quod confirmat Cyril. Scythop. in vit. S. Sabæ p. 32. Sanxit etiam
tom. 3. „ ut Sabbato quidem synaxis in ecclesia à Deo condita, Dominica vero
mon. „
Eccl. „
græc. „
p. 265, „ in Deiparæ templo celebraretur, nec non sine intermissione à Vespera

usque ad mane vigilie in utraque ecclesia diebus & festis Dominicis fierent.

3. Quas porro per tantum temporis spatium preces persolverent ^{ibid.} non satis indicat Cassianus cum ait: [Eas tripartitis distinguunt officiis, ut labor hac diversitate divisus, delectatione quadam defectionem corporis releveret. Nam cum stantes Antiphonas tres concituerint, humi post hæc vel sedilibus humillimis insidentes tres psalmos uno modulante respondent, qui tamen singuli à singulis fratribus vicissim succedentibus sibi præbentur, atque his sub eadem quiete residentibus ternas adjiciunt lectiones.] Nisi fortè quis dicat repetitis eos vicibus idem pluries præstitisse, ut dictis tribus lectionibus, tres aliæ succederent antiphonæ, quibus tres alios subjungerent psalmos, psalmisque lectiones totidem; neque enim placet quod dicit nonnemo antiphonas atque lectiones illas valde fuisse prolixas, aut lentè admodum fuisse decantatas.

4. Clariùs atque distinctiùs qui per Occidentem monachis tradiderunt regulas, vigiliarum Dominicarum officia precesque describunt: Sanctus Casarius in sua ad monachos Regula Dominicas vigilias in hoc dumtaxat discernit à nocturnis dierum privatorum, quod privatis diebus tres tantum missas, sive orationes cum lectionibus dici velit, Dominicis verò sex, quibus subjungit Matutinos: [Omni Dominica, inquit, sex missas facite: Prima missa semper resurrectio legatur; dum resurrectio legitur nullus sedeat; peractis missis dicite Matutinos.] Missam autem hic intelligo orationem simul cum lectione; nam lectionibus orationes præmittit & immiscet privatis diebus S. Casarius, ut patet ex c. 20. Resurrectio verò cujus hic fit mentio, est Lectio ex Evangelio de Resurrectione Domini, quæ alternis Dominicis mutabatur, ut patet ex ejusdem Regula ad Virgines ubi idem præscribit his verbis: [Omibus verò diebus Dominicis ad vigilias Evangelia legantur, sed semper in prima missa una resurrectio legatur, altera Dominica, altera resurrectio, sic & tertia, sicque quarta.] S. Aurelianus Casario subscribit in utraque ad monachos, & ad Virgines Regula, aut certè parum ab eo discrepat. ^{n. 6. apud Boll. xij. lan.}

5. S. Benedictus Veterum monachorum æmulatus exempla, nocturnas Dominicæ vigilias ab hora noctis octava, vel etiam priùs ad auroram usque perduxit (ut probavimus in commentario; ideo enim Matutinos, qui *incipiente luce* dicendi sunt, vigiliis conjunxit) quare perplura ad privatarum nocturnarum vigilias superaddidit, nempe Lectiones novem, totidemque responsoria, tria cantica, hymnum *Te Deum laudamus*, lectionem de Evangelio, hymnum *Te decet laus*, & Benedictionem, quæ omnia videre est in ejus Regula c. 11. ubi sic loquitur: [Dominico die temperius surgatur ad vigilias. In quibus vigiliis teneatur mensura, id est modulatis ut supra disposuimus sex psalmis; & versu; residentibus cunctis dispositè, & per ordinem in subselliis; legantur in codice, ut supra diximus, quatuor lectiones, cum respon-

” foris suis, ubi tantum in quarto responso dicatur à cantante *Gloria* quam dum incipit, mox omnes cum reverentia surgant; post quas lectiones, sequantur ex ordine alij sex psalmi cum antiphonis sicut anteriores, & versu. Post quos iterum legantur alie quatuor lectiones cum responso suis ordine quo supra. Post quas iterum dicantur tria cantica de Prophetis, quæ instituerit Abbas, quæ cantica cum alleluia psallantur. Dicto etiam versu, & benedicente Abbate, legantur alie quatuor lectiones de Novo Testamento ordine quo supra. Post quartum autem 32. incipiat Abbas hymnum *Te Deum laudamus*, quo per dicto legat Abbas lectionem de Evangelio cum honore & tremore stantibus omnibus; qua perfecta respondeant omnes: *Amen*; Et subsequatur mox Abbas hymnum: *Te decet laus*; & data benedictione incipiant Matutinos.] Hactenus S. Benedictus cujus verba postea exponemus.

6. S. Columbanus etiam reverendissimis Sabbati ac Dominicæ noctibus divini cursum officij plurimum auxit; sed ejus textus cum adeo sit obscurus, ut vix intelligi possit, sensum ejus tantum hinc referimus.

c. 7. ” Itaque habita ratione temporum, brevium, longarumque noctium, statuit ut hyeme, idest à Calendis Novembris ad Calendas Februarij, ad reverendissimas Sabbati ac Dominicæ noctes septuaginta quinque psalmi cum antiphonis viginti quinque decantentur; ita ut singulis tribus psalmis una interseratur antiphona, & totum psalterium duabus illis noctibus ex integro decurratur. A Calendis verò Februarii ad Calendas Maias singulis hebdomadis ternos detrahit psalmos cum una antiphona; ita ut Sabbato Calendis Maiis proximo triginta sex tantum psalmi cum antiphonis duodecim dicantur, sicque fiat per totum tempus, quod à Calendis Maiis ad solstitium æstivale seu 8. Calendas Julias intercedit; à solstitio verò æstivali sensim augeatur cursus nocturnus Sabbati & Dominicæ per tres psalmos usque ad Calendas Novembris, in quibus psalmi 75 cum antiphonis 25 decantandi sunt. Vid. Carol. Cointium Ann. Eccles. Franc. ad an. 590. n. 43. & sequentibus.

7. S. Columbano in omnibus pene concinit S. Donatus in sua ad Virgines Regula: nimirum [tota hyeme quæ à Calendis Novembris incipit, & finit in Calendis Februarij] psalmis septuaginta quinque cum antiphonis 25 noctes Sabbati & Dominicæ consecrat, à quibus Primo post Calendas Februarij Sabbato 15 psalmos cum antiphonis 5 detrahit; ita ut psalmi 60 cum antiphonis 20 dicantur: deinde alternis hebdomadis usque ad æquinoctium veris tres psalmos cum una antiphona; ab æquinoctio verò veris ad Calendas Maias tres etiam psalmos cum una antiphona singulis hebdomadis, ita ut Calendis Maiis triginta sex psalmi duodecimque antiphonæ persolvantur; sicque per totam æstatem usque ad æquinoctium autumnale, sive ad 8 Calendas Octobris fiat. Ab Æquinoctio verò autumnale ad Calendas No-

vembris ita cursum auget, ut Sabbato primo 5 choræ, sive quinde-
cim psalmi cum antiphonis 5 superaddantur, reliquis verò Sabbatis
singulis singulæ choræ, sive tres psalmi & una antiphona; ita ut ad
Calendas Novembris psalmi 75 & antiphonæ 25 dicantur.

8. S. Isidorus Dominicis noctibus unicam tantum missam superadde-
re videtur. Sanctus Fructuosus mentem suam ita explicat: [Sabbato-
rum verò & Dominicarum noctium curculis sine missarum super
adjecto officio, senis etiam missis vigiliæ cum senis responsoriis cele-
brentur, ut Resurrectionis Dominicæ solemnitas ampliori officiorum
psalmodia magis honoretur.

9. Regula cujusdam ad Monachos ad antiquam Orientalium mo-
nachorum praxim accedit: [In his verò conventibus, inquit, idest
Sabbati & Dominicæ, usque ad gallorum cantus missa celebranda est,
& quomodo vires uniuscujusque sufferre poterint excubiæ peragen-
dæ sunt;] Ubi gallorum cantum non pro primo, qui fit post mediam
noctem; sed pro ultimo cantu, qui proximè ante diem auditur, sumendum
existimo; hoc enim sensu frequenter gallorum cantus simpliciter prolatus
sumitur apud authores; ut videre est in Regula S. Columbani. c. 7.

10. Magister denique nocturnas Dominicæ vigilias non immutat;
sed præscribit tantum ut [omnibus diebus Dominicis Benedictio-
nibus dictis, omnes antiphonæ, vel responsoria cum alleluia dicantur
usque ad secundæ feriæ nocturnos: & genua non flectantur, quia
Dominica Paschalis Resurrectio imputatur.] Sed ad S. Benedicti tex-
tum nostrorumque ritus redeamus.

11. Igitur Sanctus Benedictus qui privatis diebus duos dumtaxat
nocturnos ad vigilias præscripserat, tres omnibus diebus Domini-
cis assignat; ita ut sex psalmi singulis duobus primis nocturnis,
quemadmodum privatis noctibus, dicerentur: ad tertium verò no-
cturnam, ne recederet à sacratio 12 psalmodum numero, tria can-
tica singulis nocturnis cum antiphonis, aut alleluia canendis psal-
mis vel canticis quatuor lectiones subjungit cum totidem responsoriis.
Dictoque postea hymno *Tu Deum laudamus*, lectione de Evange-
lio, hymno *Tu decet laus*, tandem benedictione sive collecta, totum
terminat officium. His in omnibus persolvendis certos quosdam ritus ad-
hibuerunt Patres nostri, in quibus referendis nunc incumbendum est.

12. In primis Invitorium, quod privatis diebus ab uno dum-
taxat *Hebdomadario Invitatorij* dicebatur, Dominicis diebus à duobus,
nempe ab Hebdomadario, & ab eo qui præcedenti hebdomada Heb-
domadarij vicibus functus erat, concinebatur: Ita liber Usuum Ci-
sterciensium agens de Vigilis Dominicis: [*Venite exultemus*, inquit,
Cum Invitorio dicatur ante gradum Presbiterij à duobus fra-
tribus; illo videlicet qui præsentem facit Hebdomadam Invitatorij, &
illo qui præteritam fecit: Quod etiam observabant Cluniacenses quoties
apud eos à duobus Invitorium diceretur, ut patet ex Udalrico l. 2. c. 29.

13. Psalmos uti privatis diebus cum vocis modulatione cantari voluit S. Benedictus, sed hoc omnino cum longè majori gravitate: Hos ad psalmos antiphonas præmittebant, unam scilicet singulis duobus psalmis. Primam ex M. S. consuetudinibus Germaniæ imponebat Hebdomadarius cantus sive melodiæ, secundam tertiamque Abbas in utroque nocturno, ad cantica prædictus Hebdomadarius: cum verò singulis psalmis præmitterentur antiphonæ, reliquæ à prioribus suo dicebantur ordine: [Hoc sit officium Hebdomadarij melodiæ: Primam in primo nocturno, & secundam ad Matutinum inchoet antiphonam, & ad Cantica Dominus Abbas secundam & tertiam tam in prima nocturna, quam in secunda, seu matutina possideat omni tempore antiphonam: octavum quoque & duodecimam lectionem; à Prioribus deinde incipiantur antiphonæ per ordinem veniendo ad juniiores.] Apud Cistercienses primam ad vigilias antiphonam Abbas imponebat, psalmum verò secundus ab eo, reliquas antiphonas omnes ordine quique suo descendendo ad inferiores, vel pro ut notati erant; ita tamen ut cum clericorum ultimus suam intonaret antiphonam, psalmum imponeret superior ab illo; ita enim habet liber c. 68.] Usuum: [Abbas incipiat primam antiphonam, vel alleluia in primo nocturno; qui si defuerit, ille qui prior est in illo choro, in quo est invitorium. Cætera verò alleluia Hebdomadarius: qui autem incipit antiphonam aut alleluia reverenter, & paululum à podio sed motus stet usque ad metrum, nec inclinet donec primus verus impleatur. Psalmum autem incipiat, & intonet qui juxta eum stat inferior, tam per diem quam per noctem, similiter semotus à podio usque ad metrum. Illo tamen qui novissimus est Clericorum incipiente suam antiphonam, tunc tantum qui superior illo est psalmum imponat Et notandum quia quotiescunque ille qui novissimus in choro est, antiphonam suam imponas quotquot supersunt in eodem choro dicendæ, etiam si quis eorum aliam antiphonam ad idem officium imposuit, incipiat, ... Quod si antiphona adscripta fuerit Abbati, & ipse dixerit; si Invitorium in dextro choro fuerit, ille qui juxta eum stat incipiat eam, deinde suam. Si autem in sinistro similiter faciat. Eodem modo unusquisque incipiat antiphonam illius qui superior illo stat si defuerint.] In nostro Sancti Germani Pratenfis monasterio primam antiphonam incipiebat Hebdomarius cantus, alias vero pueri ut videre an is fuerit tempore S. Benedicti antiphonarum usus, quas olim, saltem aliquibus in locis, ad singulos psalmorum usus, quas olim, saltem aliquibus in locis, ad singulos psalmorum versiculos reperebant. Sub finem ultimi psalmi cujusque nocturni lectiones decantaturus in ord., accedebat ad analogium: [Lecturus lectionem, inquit Bursfel-

c. 9.] dens, dum dicitur penultimus versus sexti psalmi ante Gloria Patri

Patri, accenso lumine accedat ad gradum; & facta ibidem profun-
da inclinatione, incedens per medium chorum cum gravitate, humi-
lianque se parumper ante Abbatem, veniat ad analogium; ubi mox
finito versiculo, inclinans se versùs præsentem, eadem voce qua le-
cturus est, benedictionem petat. Qua percepta non legat donec tumul-
tus residentium conquiescat. Lectione autem finita, eadem disciplina
qua venerat, redeat ad gradum; & ibidem supra genua prostratus
veniam petat. Ita se gerat qui primam, qui quintam, & qui nonam
leget lectionem: qui autem cæteras lecturi sunt, eant legere dum
responsorium canitur ante versum.] Hæc illi, quæ desumisse viden-
tur ex lib. Usuum Cist. c. 68. Quem porro in dicendis lectionibus ser-
varent ordinem aliunde repetere oportet. Hildemarus cujus hac in re
plurimum valere debet autoritas, in suo super Regulam S. Benedi-
cti Commentario ad c. 38. ita scribit: [Ille ordo debet esse in ecclesia
legendi; Prius debent legere quatuor infantes, deinde quatuor Presbi-
teri, deinde tres Diaconi, postea Abbas.] Ultimam ergo lectionem
Abbati tribuit, idque usus in omnibus Ordinis nostri monasteriis ob-
tinuisse videtur, ut prope infinitis testimoniis comprobari potest.
Luculentum nobis exhibet Odo Abbas Glannofoliensis in historia
Transl. S. Mauri n. 21. [Tempore Gauzlini Abbatis in solemnitate
Innocentium, cum nocturnum officium fratres in ecclesia S. Salvato-
ris celebrarent, & duodecimam lectionem idem Abba ut in Congrega-
tionibus monachorum mos est, recitaret &c.] sæc. 4. part. 2. p. 177. Idip-
sum videre est in M. S. Germaniæ consuetud. supra cit. n. 12. apud
Udalricum in consuetud. Cluniacensium ubi sic loquitur. [Quandiu est
(Abbas) in conventu, numquam omittitur ut non ad octavum
responsorium notetur, & ad duodecimam lectionem, ad quam in-
cedenti & recedenti universi assurgunt;] & in libro Usuum & Rituali
Beccensis monasterij [ad octavum &c. & ad xij lectionem Abbas scribitur.]
Extat etiam nunc in nostro S. Dionysij in Francia monasterio ad Usuum
Abbatis, vel eo absente, Prioris hac de re Codex M. S. in quo lectio 12.
cum 8. Responso pro omnibus 12 lectionum festis descripta habetur.

14. Ex antiquis Germaniæ consuetudinibus. [Octava quoque lectio
librorum inspectori, & xij. responso Cantori omni tempore assig-
netur.] Sed tam in Rituali quam in libro Usuum Beccensium [ad
octavam lectionem, & ad xij Responso Prior scribitur;] de re-
liquis verò lectionibus id tantum accipere liceat, quod habent Ger-
maniæ consuetudines: [A Prioribus incipiuntur antiphonæ per or-
dinem veniendo ad juniores, sed responso à junioribus derivetur ad
Priores; similiter lectiones.

15. Idipsum observant etiam nunc Carthusienses monachi, in quo-
rum antiquis statutis hæc lego: [In officio duodecim lectionum qui
inferior est ordine primam lectionem legit, & singuli per ordinem sin-
gulas. In officio trium lectionum terni lectiones legimus; unus de in-

„ferioribus primam, de mediocribus secundam, & de superioribus tertiam;] & in nova collectione Statutorum: [Diebus 12. lectionum
 part. 1. „Prior semper legit duodecimam, & ultimus in ordine licet sit no-
 c. 16. „vitiis primam, & qui sequuntur singuli per ordinem, alias etiam
 n. 1. „ipse Procurator, si aliqua evenerit ei.

16. Quod pertinet ad responsoria ex M. S. Germaniæ consuetudinibus Hebdomadarius melodiæ primum *clarificet responsum*. Reliqua verò responsoria à junioribus ad Priores derivare debent. In M. S. etiam consuetudinibus tam Compendiensis quam Sandionysiani monasterij primum Responsorium Cantor concinere jubetur. Octavum responsum ad Abbatem pertinebat, ut patet ex dictis. Duodecimum verò ad Priorem: quamquam in antiquis Germaniæ S. Dionysij in Francia & Compendiensis monasterij consuetudinibus duodecimum Cantori assignetur. Porro antiquæ Germaniæ consuetudines præscribunt, „ut [Uniuscujusque nocturnæ quartum responsum post gloria à capite repetatur, & excelsius cantetur.] Saltem in summis festivitibus.

17. [Finito ultimo responso, hymnum *Te Deum laudamus* Abbas si. n. f. „imponere jubetur, quem dum cantant fratres humiliant se ad Sanctus. Cist. „*Sanctus, sanctus*, surgentes ad *pleni sunt*, & dum finiunt canticum ver- c. 68. „tant se ad altare,] inquit lib. *Uitium Cist.* Hanc autem humilitationem 9. „nem ita explicant Bursfeldenses in Ordinario: [Humiliet se chorus „contra chorum profundè inclinantes ad *Sanctus Sanctus Sanctus*, erigentes se ad *Dominus Deus Sabaoth*;] adduntque: [Ad versum autem „*te ergo quasumus*, prosternent se universi recumbentes super formas „usque ad finem versûs, qui cantari debet aliquantulum maturius „cæteris ab utroque choro in simul.... Ita etiam ut post finem talis „clausulæ inter surgendum modicè respiretur. partem verò ultimam versus hujus hymni, scilicet: *Non confundar in aeternum*, uterque „chorus similiter cantet.

18. His adde quod de S. Odilone Abbate Cluniacensi scribit Petrus Dam. in ejus vit. c. 3. quod [Constitutus in choro psallentium, cum apud „ad illum veniretur ex modulantium alternatione versiculum: *Tu ad Boll. „liberandum suscepturus hominem non horruisti virginis uterum*, in terram 1. Jan „se prosterneret.

19. Lectio S. Evangelij ex Regula pertinet ad Abbatem, & tamen ex communi ordinis usu Sacerdoti Hebdomadario commissa est, cujus rei exemplum tradit Anonymus in l. 3. de gestis SS. Rotonensium c. 1. „sæc. 4. part. 2. p. 215. [Peractis verò responsoriis cum lectionibus, „tempus adfuit quando S. Evangelium recitari fratribus debuisset; tunc „unus ex fratribus Presbiter religiosus *Omin* nomine ex more se induit „sanctis Vestibus, & cœpit Evangelium legere cunctis stantibus, & „eum silentio attentè audientibus.] Ritum ita exponit Udalricus in antiquis Cluniacensis monasterij consuetudinibus, ubi agens de Sacerdote

Hebdomadario, ita habet: [Quoties autē sunt xij Lectiones post noctur-
 nos lecturus Evangelium non prius exit de choro, quā ex alternatio-
 ne modulantium ventum fuerit ad illum versiculum: *Pleni sunt cali-
 & terra*; & tunc festinanter lavatis manibus, sacarium intrat, vesti-
 tus alba, stola, & casula; rursus versiculo illo imposito: *Per singulos
 dies*, præcedit tenens ambabus manibus Evangelij textum reverenter
 contra pectus reclinatum, quem etiam accedens ponit in medio al-
 taris, & cum incenso facit super eum crucis signum semel tan-
 tum; inclinatur se ad orationem maximè Dominicā; ad ultimum versum
 hymni præsignati erigens se tollit textum de altari deosculato, &
 pergit ad analogium; contra quem etiam conventus totus conver-
 sus inclinat; matutinis laudibus inceptis, non movet se à loco
 usque dum dixerit cum aliis: *Gloria Patri*, & aliquantulum inclinans;
 quibus se erigentibus ipse quoque recedit: verum semper accelerat,
 ut prius sit reversus in chorum, quā primus psalmus finiatur;] &
 Boherius in 1. super Regul. S. Benedicti Commentario: [Mos autem
 apud nos inolevit, quod semper Hebdomadarius Missæ majoris hoc
 legit Evangelium. Indutus Sacerdotalibus indumentis, & altare in-
 censato, venit ad pulpitem contra altare positum, in quo legere
 habet Evangelium; & facta humili supplicatione ante & retro, salu-
 tatoque populo, ac Evangelio thurificato, ipsum legit. Et hoc verum
 cunctis diebus Dominicis, & festivis; aliis autem diebus simplicibus
 12 lectionum non induitur Presbiter vestibus sacris, nec legitur in dicto
 pulpito ante altare, sed in analogio ubi lectiones leguntur;] & in con-
 suetudinibus monasterij S. Germani Præfatus: [Incipiet Prior *Te Deum
 laudamus*; tunc Hebdomadarius Missæ ibit accipere Albam, stolas,
 & manipulum, & casulam; & accipiet librum Evangeliorum, & ibit ad
 magnum altare cum sociis suis; videlicet tribus monachis, quorum
 duo portabunt duos cereos, & alter thuribulum; & veniens coram al-
 tari inclinabit, & faciet orationes suas privatas, & incensabit Cor-
 pus Domini, & altare. & accipiet librum super altare, & veniens
 ad pulpitem inclinabit conventum, & posito libro super pulpitem, in-
 cipiet Evangelium finito *Te Deum laudamus*; & dicet *Dominus vobiscum*,
 & conventus dicet *Et cum spiritu tuo*. Et perleget Evangelium sicut
 in Missa solet fieri. . . . Finito Evangelio, respondet conventus: *Amen*.
 Et Hebdomadarius incipiet hanc antiphonam *Te decet laus* quæ di-
 citur omnibus diebus post Evangelium, & iste ordo tenendus est in
 omnibus diebus festis xij lectionum. Post antiphonam dicet oratio-
 nem, postea incipiet Laudes in eodem loco.] Aliter Bursfeldenses no-
 stri præscribunt, scilicet ut [*Te Deum* finito, versant se ad altare,
 lecturus autem Evangelium accedens ad summum altare, præmissaque
 genuflexione, ac ritu privatim celebrantium benedictione accepta,
 accedit ad analogium cum reverenti inclinatione ad fenestram Ve-
 nerabilis Sacramenti, si eam pertransire habuerit. Et accepta stola,

„ dum dicitur *Initium*, vel : *Sequentia sancti Evangelij secundum N.*
 „ signent se fronti, ori, & pectori figuram crucis pollice imprimentes:
 „ Ad *Gloria tibi Domine* inclinent versus altare, & mox erecti non mu-
 „ tent facies donec incipiat *Benedictio*, idest collecta immediate se-
 „ quens, ad quam reducentes facies ab altari, chorus contra chorum
 „ se humiliet, ut moris est.] Quibus in verbis notandum, primò quod
 „ lecturus Evangelium, textum ejus desuper altari desumebat. 2. Quod
 „ benedictionem ritu, privatim celebrantium accipiebat. 3. Quod trans-
 „ siens ante fenestram SS. Sacramenti inclinabat, quod proinde non
 „ servabatur in altari. 4. Quod cum sola stola legeret Evangelium. Sed
 „ de his satis.

CAPVT II.

De Matutinis & Prima diebus Dominicis.

1. **N**Octurnis Dominicæ vigiliis Matutinos cum S. Benedicto adjungunt
 Cæsarius & Aurelianus Arelatensis Episcopi, quos etiam cum spe-
 ciali officio & precibus decantari volunt. Et quidem S. Cæsarius in sua
 c. 11. „ ad monachos regula instituit, ut ad Dominicæ Matutinos dicatur pri-
 „ mum [Directaneò. *Exaltabo te Deus meus, & Rex meus.* Deinde : *Confite-*
 „ *mini.* Inde : *Cantemus Domino : Lauda anima mea Dominum : Benedi-*
 „ *ctionem : Laudate Dominum de cælis : Te Deum laudamus : Gloria in*
 „ *excelsis Deo ;* & capitellum omni Dominica sic dicatur.] Et in Re-
 n. 69. „ gula ad Virgines : [In primis, inquit, dicite directaneum parvulum :
 apud „ *Confitemini*, cum antiphona : *Cantemus Domino*, & omnes matutina-
 Boll. „ rij cum alleluia dicantur.] Sanctus Aurelianus verò [Ad Matutinos,
 „ inquit, in primis directaneum *Exaltabo te Deus meus & Rex meus :*
 „ Inde : *Judica me Deus, & Deus Deus meus ad te de luce vigilo*
 „ cum alleluia. Deinde : *Confitemini Domino cum alleluia.* Inde : *Cante-*
 „ *mus Domino*, & ipsum sic : Postea : *Lauda anima mea Dominum : Lau-*
 „ *date Dominum quoniam bonus est psalmus : Lauda Jerusalem Dominum :*
 „ totos tres cum alleluia ; deinde benedictio dicenda est. Post benedictio
 „ nem *Laudate Dominum de cælis : Cantate Domino canticum novum :*
 „ *Laudate Dominum in sanctis ejus cum alleluia : Magnificat anima mea*
 „ *Dominum*, aut cum antiphona, aut cum alleluia : hymnum : *Gloria*
 „ *in excelsis Deo*, & capitellum Sic omni die Dominico, & omni-
 „ bus majoribus festivitatis, in quibus ab opere vacabitis.] Specia-
 „ les etiam ad Dominicos Matutinos preces, & psalmos adhibebant
 Reg. „ laudati à Sancto Columbano in Regula monachi, qui cum privatis
 c. 7. „ diebus duodecim ad Matutinos psalmos recitarent ; [Noctibus re-

verendissimis Dominicæ, scilicet vel Sabbati, *inquit*, ad Matutinum ter idem volvitur numerus, idest ter denis & sex psalmis.] S. Benedictus verò precum & orationum numerum Matutinis Dominicis augendum esse non censuit, eundem omnino servans ordinem, quem diebus privatis; sed in hoc persolvendo nonnullos ritus speciales observaverunt ejus postea discipuli, & Patres nostri; quos hic referre nostri existimamus esse officij.

2. In primis ergo observandum est quod dum Sacerdos lecto Evangelio collectam concluderet, signum seu classicum ad Laudes tandiu resonaret, quoad psalmus *Deus misereatur nostri*, & *Gloria Patri*, terminaretur; satis id colligere licet de Beccensibus nostris ex libro Usuum Becc.

3. Secundò Sacerdos incepto eodem ipso in loco quo Evangelium legerat, versu *Deus in adjutorium*, revertebatur in Sacristiam, sacerdotalibus indumentis depositis mox reversurus in chorum ante *Gloria psalmi Deus misereatur nostri*: [matutinis Laudibus inceptis, inquit, Udalricus, non se movet à loco usque dum dixerit cum aliis *Gloria Patri*, & aliquantulum inclinans, quibus se erigentibus ipse quoque recedit; verum semper accelerat ut prius sit reversus in chorum, quàm primus psalmus finiatur. [M.S. consuetudines sic habent: quibus se erigentibus, ipse discedit ferens similiter textum, ut apportavit, donec Secretarius accipiat; verum semper accelerat &c.

4. Tertio revertebatur indutus alba, & manipulo, ex consuetud. S. Germani à Pratis, in quibus sic lego: [Postea incipiet Laudes in eodem loco antequam discedat à loco; & tunc recedet cum sociis, suis & veniet in vestiariū, & expoliabit casulam, & veniet in chorum indutus alba, & habens manipulum in brachio tantum.] Ideo autem revertebatur ante gloriam primi psalmi, haud dubium ut primam posset incipere antiphonam, unde etiam M. S. consuetudines S. Germani Pratenſis: post *Gloria* & *Deus misereatur* Hebdomadarius incipiet antiphonam.

5. Quarto sub finem hymni reversus in Sacristiam assumptaque cappa thure adolebat altaria: [In fine hymni, *inquiunt* consuetudines S. Germani Pratenſis, ibit Sacerdos in vestiariū, & si Abbas fuerit in choro Sacerdos apportabit incensum ad benedicendum ei; & si non fuerit, ipse met benedicet, & ibit incensare Corpus Domini, & duo altaria, & Corpora Sanctorum, & ibit circa sacrum intus indutus cappa.] modū verò altaris incensandi ita describit Udalricus in consuetudinibus Cluniacensis monasterij: a [De incenso ita gerit, ut primum incenset faciem altaris, tunc superficiem, manu ter cum incenso porrecta per diversa loca latitudinis altaris, & semel in transversum, tum retro dextrum cornu altaris, tum cornu altaris sinistrum. Incensat etiam altaria quæ-

a Eadem ferè leguntur in Benignianis cons. c. 20.

que minora choro proxima, & sanctæ Crucis altare faciens per singula cum incenso crucis tantummodo signum.] Addunt consuetudines M. S. [Qui postquam in chorum redierit, dat incensum majori Priori sive Abbas sit in choro, sive non; si Abbas est post eum: si non est similiter sicut Abbati.] Tempus porro suum sic temperabat, ut rediens per chorum non ambularet dum diceretur: *Gloria Patri*.

6. Quinto post dictam ad officium diei pertinentem collectam, Sacerdos revertebatur ad Sacristiam, alteri de choro significans, ut consueta Sanctorum suffragia diceret. Ita M. S. consuetudines Cluniacensis monasterij, & Divionenses S. Benigni c. 20. [Quando finita collecta vadit divestitum se, sive ad Vesperos, sive ad Matutinos semper debet uni de choro suo significare, ut dicat suffragia Sanctorum.] Dicta autem ista prima collecta subjungebatur *Benedicamus Domino* ex consuetudinibus S. Germani à Pratis etiam ante suffragia.

7. Sexto cum S. P. Benedictus, finitis Dominicæ diei Matutinis, cum c. 35. exeuntes, tum intrantes benedici velit servitores; hujusmodi benedictio ante SS. suffragia dabatur, ut patet ex consuetudinibus Sangermanensibus ubi sic lego: [Dicto *Benedicamus*, Hebdomadarij coquinæ exeuntes accipient benedictionem ad gradum dicentes: *Benedictus es Domine*, &c. tribus vicibus, & hoc idem tertio repetet conventus; & Sacerdos dicet: *Salvos fac servos: Convertere Domine: Dominus vobiscum*. Oratio: *Deus cui humilium*. Intrantes autem in officio coquinæ post ipsos accipient benedictionem & dicent: *Deus in adiutorium* tribus vicibus, & conventus similiter repetet hoc idem tertio; & Sacerdos dicet *Salvos fac servos tuos: mitte eis auxilium de Sancto: Dominus vobiscum*: Oratio: *Misericors*, &c. post hæc fiet memoria de Patronis nostris Vincentio, & Germano vel alicujus Sancti, si in ipsa die supervenerit, & postea suffragia SS. & duo psalmi familiares & post Matutinæ B. Mariæ.] De hac benedictione servitorum satis diximus in comm. ad c. 35. Regulæ.

8. Septimo post hæc in M. S. consuetudinibus S. Germani à Pratis facienda præscribitur processio, cujus usus apud monachos est antiquissimus; ut si S. Benedicto non antequior, saltem ejusdem cum eo temporis; nam S. Cæsarius Arelatensis Episc. in ea psallendi ratione, quam magna ex parte ex Lyrinensium disciplina Sanctimonialibus tradidit, instituit [ut in solemnitatibus ipsis, implevis Matutinis, & hymnum dicant: *Te Deum laudamus*. Tum subdit: In exteriori oratorio procedendum est & dicendus est directus parvulus. Post hoc canticum: *Cantemus Domino*, deinde Benedictio trium puerorum, post benedictionem hymnus *Gloria in excelsis Deo*.] Idemque faciendum statuit post Vesperas. An verò idem in suis monasteriis instituerit S. Benedictus non liquet; constat tamen hunc ritum apud nostros esse antiquissimum; & annos circiter nongentos minimum obtinere, ut patet ex charta S. Angilberti Abbatis Centulensis ab Hariulpho in chronico

n. 69. apud coll. xij Janu.

Centulensi relata, ubi de divinorum officiorum institutione ita habetur " 1. 2.
 [Matutinali etenim seu Vespertinali Officio consummato, mox omnes " c. 11.
 chori ordinabiliter se ante sanctam Passionem congregent, decem tan- " specil
 tum psalmistis unicuique choro remanentibus, & sic per portam S. Ga- " to. 4.
 brielis, & per solam Domini Abbatis ambulando, per occidentalem
 claustrum regionem cantando veniant ad S. Mariam, ubi oratione pro
 temporis ratione deposita, remeando veniant ad S. Benedictum in o-
 rientali parte claustrum situm, inde per gradus arcuum intrent ad S. Mau-
 ritium; sicque intrantes S. Richarii Basilicam, restituantur suis choris. " c. 1.
 Huiusmodi processionis meminit S. Dunstanus in Concordia sic scri-
 bens: [Post psalmos familiares, & nonnullas commemorationes,
 eundem est ad matutinas Laudes de omnibus Sanctis, decantando
 antiphonam ad venerationem Sancti, cui porticus ad quam itur de-
 dicata est; post quos Laudes de defunctis;] & M. S. consuetudines
 S. Dionysii in Francia mox citandæ.

9. De hac porro processione nonnulla observanda sunt. 1. Quod non-
 nullis in monasteriis quotidie celebraretur, ut in Centulensi S. Ri-
 charii ex citata Angilberti charta, in Anglicanis in quibus recepta erat
 S. Dunstani Concordia ex eadem Concordia, in Regali S. Dionysii
 ex ejusdem consuetudinibus M. S. quæ ab octava Pentecostes ad Cal.
 Novembris quotidie præscribunt in capitio faciendam processionem;
 In aliis vero non nisi Dominicis aliisque diebus solemnibus, ut in
 Parisiensi S. Germani à Pratis, quod ad primævam huius processionis
 institutionem magis accedere videtur, ut colligere est ex S. Casario
 supra citato; apud quem primam ejus mentionem mihi reperire licuit.

10. Secundò cum in nostris olim monasteriis duo ad minus ha-
 berentur oratoria sive ecclesiæ; fiebat isthæ processio ab eo in quo
 matutinas Laudes celebraverant ad aliud; immo etiam in pluribus, si
 plura duobus essent oratoria; ut apud Centulenses, qui ab ecclesia
 S. Richarii ad S. Mariam; inde ad S. Benedictum, tum ad S. Mauritium
 procedebant. Aliquando tamen ad sacellum aliquod ejusdem oratorii fie-
 bat, maximè in eorum Sanctorum festis quibus illud altare conse-
 cratum erat; id videre est passim in consuetudinibus S. Dionysii, & S.
 Germani à Pratis.

11. Tertiò bini & bini *Praeantibus duobus cereis* procedebant. ex
 M. S. consuet. S. Germani; idque imposita à Cantore vel alio antipho-
 na aut responsorio de Sanctis, quibus ecclesia ad quam procedebant
 erat dedicata. Aliquando cum antiphona cantabant canticum: *Bene-*
dictus, aut *Magnificat*: Ita Cluniacenses nostri atque Sandionysiani
 ex utrorumque monasterii consuetudinibus; absolutoque responsorio
 subiciebat Sacerdos orationem seu collectam temporis aut loco con-
 gruenter.

12. Quartò fiebat huiusmodi processio in aliquibus monasteriis ante
 sanctorum suffragia, ut patet ex consuetudinibus S. Dionysii in Francia

in quibus sic lego: [Post Matutinas dicantur commemorationes de Trinitate, & de Cruce; deinde processio in capitiu, & incipiatur una antiphona de Beato Dionysio, ad illam antiphonam dicatur: *Benedictus Dominus Deus Israel*. Ante orationem dicatur: *Dominus vobiscum*; & dicat Sacerdos orationem, quam voluerit de B. Dionysio. Ad finem orationis dicat *Per Dominum nostrum*, usque *Per omnia*; post fiat commemoratio de B. Maria, post comin. de Virgine sequuntur alia SS. suffragia, scilicet de Angelis, & aliis SS. hic ordo teneatur per omnes hebdomadas ab octava Pentecostes ad Nativitatem Domini.

13. Quinto his omnibus expletis quod super erat psalmodia, scilicet Laudes de omnibus SS. pro defunctis, aliosque psalmos persolvebant aut eodem in loco, aut in ea ecclesia ubi Regulare celebrabant officium. Et hæc de Dominicis matutinis.

14. De prima vix nobis singulare aliquid observandam occurrit. Ad illam excitati confestim è strato surgebant, lotisque manibus ac facie, pexoque capite, ad privatas orationes veniebant in ecclesiam, ubi Dominicis diebus illud peculiare erat, quod habent Parisienses S. Germani consuetudines his verbis: [Et venient in medio chori, & non debent accipere de aqua benedicta ad portam monasterij (idest ecclesie) diebus Dominicis; sed in omnibus aliis diebus accipient; post hæc facient orationes privatas, & revertentur in claustrum & sedebunt in claustro donec pulsabitur ad Primam, quæ debet pulsari in magna turri cum una campana;] & liber Usuum Cisterc. c. 69. [Revertentes ad Primam aspergant se aqua benedicta *excepta Dominica*.]

15. Audito horæ Primæ signo, in chorum conveniebant, quam more solito decantabant, cum hoc tantum discrimine, quod sub finem precum ante collectam symbolum vulgò S. Athanasij appellatam dice-
 ex M.S. rent, post cujus *Gloria*, dicto: *Benedicat nos Deus Deus noster, & Domi-*
 Brev. S. nus vobiscum subjungebat Sacerdos hanc de Trinitate collectam. *Om-*
 Germ. à nipotens sempiterne Deus qui dedisti famulis tuis in confessione vera fidei

Pratis. *æterne Trinitatis gloriam agnoscere, & in potentia majestatis adorare unitatem, quasumus ut ejusdem fidei firmitate, ab omnibus semper muniamur adversis. Per Dominum, &c.*

16. In nostris Angliæ monasteriis duplex dicebatur collecta; una ante, altera post dictum Athanasij symbolum; ut pater ex hoc Statuto Capituli generalis Nortamptoniæ an. 1343. celebrati c. 1. [Statuimus insuper ut ad Primam Dominicis diebus tantum post collectam: *In hac hora hujus diei* dicatur symbolum Athanasij, videlicet: *Quicumque vult*, sequaturque oratio de Trinitate: *Omnipotens sempiterne Deus*. Diebus autem ferialibus psalmi pœnitentiales cum litania dicantur in choro post Primam.] Prima autem collecta cujus hic mentio fit, ita habetur in Breviario M. S. S. Germani à Pratis: Pro festis xij lect. ad Primam: *In hac hora hujus diei quasumus Domine tua nos reple misericordia, ut per totum diem exultantes in tuis laudibus delectemur. Per Dominum.*

17. Post

17. Post collectam in M. S. consuetudinibus S. Germani subjungitur Prima Beatæ Mariæ; deinde duo psalmi familiares, nulla 7 psalmodium facta mentione, quos fortè cum aliis psalmis dicebant post capitulum, ut colligere licet ex l. Usuum Becc. [Festis diebus post capitulum, facto intervallo, septem psalmi diei possunt.]

CAPVT III.

De solempni Lustralis Aquæ benedictione
& Processione Dominica.

1. Q Uod privatis diebus partim lectioni, partim labori, vetres monachi impendebant tempus medium Primam inter & refectiorem, hoc diebus Dominicis totum pietati divinisque laudibus consecrabant. Inde est quod præci illi Ægyptij Patres nocturnis vespertinisque officiis diebus privatis contenti; Sabbato & Dominica etiam hora tertia sacra communione obientu conveniebant, quemadmodum refert Cassianus; & Regula SS. Serapionis, Macharij, Paphnutij, & alterius Macharij [Die autem Dominica, inquit, nihil aliud agant nisi Deo vacent, ne pro aliqua occasione se velint, aut alios excusare; tamen contestor fratres, quod nulla operatio in die illa sancta comperiat; nisi tantum hymnis, & psalmis, & canticis spiritualibus dies illa transigatur.] S. Benedictus etiam ubi de labore manuum diebus privatis agendo dixit, addit: [Dominico die lectioni vacent omnes;] & alibi meminit Missæ die Dominico celebrandæ decernens, [ut lecturus Dominica ingrediatur, qui ingrediens post missas, & communionem petat ab omnibus pro se orari.] Hanc Missam apud nostros præcedebat processio; hancque solempnis aquæ lustralis benedictio ut discimus ex M. S. Germaniæ consuetudinibus n. 17. [Die Dominico, inquit, post Missam matutinalem non Tertia, sed aqua efficiatur benedicta; deinde processio.] De utrisque priusquam de Missa disseramus, paucis dicendum.

2. De Benedictionis aquæ institutione, variisque ejus effectibus multa hic congerere non est animus; hanc enim Apostolis referendam esse, & ab Alexandro Papa solempni Decreto confirmatam ad effugandos demones, morbosque pellendos, insidias inimici dissipandas, omnemque ejus potestatem effringendam; nemo est qui nesciat. Quibus verò potissimum temporibus apud antiquos fieret, omnino nos committat, nisi quod solempnis inter alias semper fuerit, ad baptizandos catechumenos Paschalibus, Pentecostesque diebus aquæ benedictio. Notat præterea Menardus moris esse apud Græcos ut sacro Epiphania

Pap. „ rum die [omnibus ad fontes convenientibus cum lampadibus, & thu-
 P. 35. „ re; ibi multis precibus aqua benedicatur, tum ad baptismum, tum
 „ ad varios usus Christianorum. Sacerdos sanctam crucem rectam in
 „ aquam mergit, & ex eadem aqua templum & populum aspergit.

3. Circa medium sæculum nonum præceptum de benedicenda sin-
 to. 8. „ gulis diebus Dominicis aqua reperio in quadam homilia Leonis Papæ
 conc. „ IV. de cura Pastoralis in qua sic lego: [Omni die Dominica ante Mis-
 P. 34. „ sam, aquam benedicite, unde populus aspergatur, & ad hoc pro-
 „ prium vas habete,] & in Capitulis Hincmari Remensis Episcopi ad
 to. 8. „ Presbiteros parochiæ suæ anno 852. datis c. 5. [Ut omni Dominico
 conc. „ die quisque Presbiter in sua ecclesia ante Missarum solemniam aquam be-
 P. 569 „ nedictam faciat in vase nitido, & tanto ministerio convenienti; de
 „ qua populus intrans ecclesiam aspergatur, & qui voluerint in vascu-
 „ lis suis nitidis ex illa accipiant, & per mansiones, & agros, & vineas,
 „ super pecora quoque sua, atque super pabula eorum, nec non & super
 „ cibos, & potum suum conspergant.

4. Hunc ritum à Clericis ad monachos transiisse certissimum est, tum ex
 Udalrico tum ex lib. Usuum Cist. Ord. Bursf. & consuet. S. Germani Pra-
 tensis (si tamen à monachis, ut & multa alia, illum non acceperint ipsi
 1. r. „ Clerici:) [Missa matutinali finita, inquit Udalricus, confestim à Sacerdote
 conf. „ qui maiorem Missam cantabit, sal & aqua consecratur,] cuius con-
 Clun. „ secrationis ritum fusè omnino describunt M. S. consuetudines Clu-
 c. 10. „ niacenses his verbis: [In diebus Dominicis post Evangelium Missæ
 „ minoris, Hebdomadarius majoris manus, & faciem, atque os ablu-
 „ it, & post modum revestiarium petit, ac sacerdotalibus vestimentis, sola
 „ casula usque ad introitum Missæ dimissa, se induit. Postea chorum in-
 „ greditur, sic expectans donec eadem Missa finiatur. Si dies Dominica
 „ non est, facta oratione, & secundo signo pulsato, Tertiam incipit: si verò
 „ adest Dominica; confestim ut Missa matutinalis fuerit finita, ab eo-
 „ dem Hebdomadario sal & aqua consecratur; nisi fortè sit in illis fe-
 „ stis, quando alba deaurata induitur; tunc enim alius pro eo stola
 „ munitus facit consecrationem, ac officinarum perlustrationem. Bene-
 „ dictione super salem & aquam singulari data; dum miscet salem aquæ,
 „ dicit sub silentio: *Commixtio salis & aqua pariter in nomine Patris &
 „ Filij, & Spiritus sancti fiat sacramentum salutare, & aspergendo faciens*
 „ de ipso sale ter signum Crucis; quo facto dicit: *Dominus vobiscum:*
 „ *Oremus: Deus invictæ virtutis.* Post cuius finem, ponit librum super
 „ analogium, quod semper ante altare est; & accipit sparsorium, &
 „ mittit prius in ipsum vas, in quo aqua consecrata est, miscens ali-
 „ quantulum utrumque. Inde abstrahens mox cum sinistra manu giro-
 „ nes albæ, accipiens, & ante se tenens, spargit primum de aqua bene-
 „ dicta super pavementum in circuitu majoris altaris; & exiens per januam
 „ ferream, quæ est ad sinistram partem altaris, vadit primum ad altare
 „ Apostolorum Philippi & Jacobi, & transit ante ipsa tria altaria, quæ

sunt post majus altare, usque ad altare S. Johannis Evangelistæ & Jacobi fratris ejus; & tandem redit super gradum semper spargendo aquam. Con-
 versus autem qui cum comitatur, jugiter portat urceolum continen-
 tem aquam benedictam sumptam ex illo vase, in quo consecrata fuit,
 postquam Sacerdos sparsorium primò inde abstrahit. Postquam autem
 super gradum redit, singulos cum aqua benedicta reverenter aspergit,
 & ad ultimum infantes. Quo peracto librum desuper analogium acci-
 pit, & præmisso tantum: *Dominus vobiscum*, dicit: *Oremus: Exaudi*
nos Domine sancte. moxque conversis duobus; altero crucem, altero
 qui portat aquam benedictam, præeuntibus, exit de choro; & veniens
 ante altare B. Johannis, dicit hanc orationem, præmisso: *Dominus vo-*
biscum: Omnipotens Deus qui sacerdotum ministerio, &c. conventu in-
 terim stante in choro. Sciendum autem quodd quoniam ad hanc & paulo
 ante dictam collectam minimè expectet, ut antiphona post *ψ.* & item
 post *Gloria Patri*: repetita finiatur; sed si prius quam finita sit, pote-
 rit omnes aspersisse, audientibus duobus conversis, & respondentibus:
Et cum spiritu tuo, & *Amen*, primam dicit in choro, secundam extra
 chorum: Si verò prius finiatur antiphona quàm omnes asperferit, ex-
 pectatur à conventu in choro manente, donec utramque finierit col-
 lectam, ipso conventu respondente, & audiente. Quibus finitis Ar-
 mario antiphonam, seu responsorium incipiente, præcedit Sacerdos
 cum duobus conversis, & per ecclesiam B. Mariæ ad domum infirmo-
 rum primùm vadit, inde rediens in eandem ecclesiam, unam collectam
 de eadem Dei Genitrice, præmisso *ψ. Post partum virgo*, & in Adventu
 Domini: *Benedicta tu in mulieribus*, præmissoque: *Dominus vobiscum*,
 tonali pronuntiatione dicit. Deinde reliquas officinas cum duobus
 conversis perlustrat; primùm dormitorium, postea refectorium, co-
 quinam regularem, & cellarium. & in singulis sicut in domo infirmo-
 rum factum est, ipse proprias orationes dicit; & conversorum unus in
 circuitu cujusque aquam benedictam spargit. De quibus conversis scien-
 dum est, quia ille qui fert aquam ad dextram Sacerdotis, ille verò qui
 Crucem ad sinistram debet esse, quando in uno loco stant; quando autem
 vadunt, aqua præcedit, & crux sequitur, & deinde Sacerdos. Conventus
 autem facit primam stationem in ecclesia S. Mariæ, secundam Sacerdo-
 tem expectando ante dormitorium, tertiam ante refectorium, quartam
 simul in vestibulo ecclesiæ, ubi & una collecta dicitur: *Domine*
Jesu Christe qui introitum; duobus audientibus conversis, & respon-
 dentibus, quintam facit ipse Sacerdos cum conventu ante Crucem à
 Pascha usque ad octavam Pentecostes, ubi rursus præmisso versiculo:
Dicite in nationibus, & præmisso: *Dominus vobiscum*, tonali pronun-
 tiatione dicit de ipsa Cruce collectam: *Respice quasumus Domine super*
hanc familiam. His ritè peractis, Armario antiphonam seu *ψ.* incipiente,
 præcedentibus conversis duobus, chorum ante alios ingreditur; &
 nisi omnes in albis fuerint; tunc enim prior omnium in choro stat cum

aliis, nisi alba deaurata indutus sit, quia tunc stat super pavimentum ante altare juxta ultimam stationem chori, & tunc offertur ei fauilestolus in quo sedeat. Reliquis omnibus Dominicis stat aliquantulum juxta majus altare super pavimentum superiori parte, & ibi quoque sedes illi offertur, in qua sedeat, qui postquam in stationem suam erit, expectat donec omnia signa pulsari conversi desinant, & mox sine qualibet mora dicit: *Constitues eos principes*, respondente conventu: *memores erunt*, adjungente, *Kyrie*. Finita autem Dominica oratione sub silentio, dicit: *Et ne nos: In omnem terram: Exultabunt sancti in gloria: Dominus vobiscum*; & tunc surgit, vertitque se versus caput ecclesiae, & stans dicit hanc orationem: *Oremus: Via sanctorum omnium*, qua finita continuo incipit Tertiam. Eadem ferè habent Divionenses S. Be-

extat ad
ca/cem
breviar,
Cassin.
instit.
orat.
Paris. 5. Brevius & solemnius etiam Cassinenses in pervetusto rituali, seu Ordinario tempore Oderisij Abbatis litteris Longobardicis manu exarato: [Convenientibus in choro fratribus, Presbiter Hebdomadarius indutus pluviali cum Diacono, ac Subdiacono, vel cum Acolytho, nec non cum aliis tribus Acolythis, & cum Presbitero qui aquam benedictam per omnes officinas aspersurus est, induti nigris casulis, venientes ante altare pergant ad dexteram; alij ad sinistram, & stent usque dum Presbiter Hebdomadarius benedicat aquam ante altare. Mox autem ut benedicta fuerit, incipiat in choro: *Asperges me Domine*, cum Psalm. *Miserere mei Deus: Et secundum: Amplius: Gloria Patri: Sicut erat*. Et incipiat Sacerdos aspergere aquam sanctificatam per altaria, dehinc per ordinem cunctis fratribus interea venientibus ante altare Diacono, & Subdiacono, & duobus Acolythis cum cruce, & incenso dicat Presbiter orationem. Et incipientibus in choro antiphonam: *Signum salutis*, exeat prius Sacerdos cum ipsis ministris. Deinde alia Crux quæ præcedat congregationem, postquam omnes exeant bini & bini cantantes antiphonas ad processionem dispositas. Interim verò alius Presbiter cum Acolytho induti lineis, vadant per omnes officinas monasterij spargendo aquam sanctificatam, quos sequatur Hebdomadarius cum Diacono, & Subdiacono, & Acolythis cum Cruce & incenso. Processio autem fiat in circuitu claustræ dispositæ & ordinatæ, incedentibus binis & binis. At ubi ad fores ecclesiae redierint, expectent Hebdomadarium; ut dicat orationem ad introitum ecclesiae; qua finita ingrediantur omnes simul ecclesiam, cantando antiphonam S. Mariæ, quam subsequatur antiphona S. Benedicti; deinde de dicta oratione ante altare incipiat Tertiam.

6. Ex his plurima observanda occurrunt. Primo quodd sollemnis aquæ consecratio fiebat finita Missa matutinali ante Tertiam, idque à Sacerdote Hebdomadario, & præsentem conventu; qua tamen in re ab aliis Ordinis nostri Congregationibus discrepant Bursfeldenses, statuentes, ut præveniens conventum Sacerdos aquam sanctificatam faciat,

antequam congregetur conventus: Ita enim illi in Ordinario: [Omni die Dominica tempestive ordinetur sal & aqua à Sacrifica super gradum p esbiterij, cum aspersorio & collectario; pulsatoque signo ad Tertiam, Sacerdos hebdomadarius cum ministris sine mora veniat ad armarium ad induendum se, & cum induti fuerint sicut interesse solent horæ, mox præveniendò pulsū ingradientur chorū: & benedicatur à Sacerdote sal & aqua juxta formam in collectario descriptam.] Nulla hætenus præsentis conventus mentio: Additur: [Sub hujusmodi autem benedictionis mora pulsus fiat, & congregetur conventus.] Idem præscribunt in suo ceremoniali c. 17. Casalini.

7. Secundò benedicturus aquam Sacerdos pluviali indutus apud Cassinenses, vel omnibus quibus ad Missam, una excepta casula, vestibus, ut apud Cluniacenses, ea propter veniebat ante majoris altaris gradus, adstantibus sibi ministris, scilicet duobus conversis apud Cluniacenses, vel Diacono, Subdiacono, tribus Acolythiis, & Presbitero, omnibus casulis nigris indutis, ut apud Cassinenses, ibique aquæ benedictionem faciebat. Parisienses verò S. Germani in suis M.S. consuetudinibus hæc præscribunt: [In fine Missæ matutinalis Hebdomadarius Missæ magnæ, & Hebdomadarij Evangelij, Epistolæ, tres servitores, duo qui cantabunt & duo qui cantabunt Alleluia, & Hebdomadarius cantus revestient se; ita quod Sacerdos habeat stolas & manipulum; Diaconus manipulum; & Subdiaconus similiter; omnes alij erunt in albis. Sacerdos & Diaconus debet habere albam paratam & etiam Subdiaconus, & ministrabitur aqua in pelvim, & sal, & veniet ad gradum Sacerdos, & incipiet benedictionem salis.]

8. Tertio cum Sacerdos preces ad benedictionem salis & aquæ institutas decantaret; [Quidam de Servitoribus ecclesiæ, inquit Sangermanenses consuetudines tenebit sal juxta illum, & alter sanctam Crucem à sinistris secus illum;] resonantibus interim duabus campanis quandiu duraret ipsa aquæ benedictæ consecratio ex eisdem consuetudinibus.

9. Quarto facta salis & aquæ consecratione; utriusque etiam fiebat à Sacerdote commixtio; idque, ut ait Rabanus ex divina auctoritate: [Quod autem sal sanctificatum, inquit, aquæ immiscetur ex divina auctoritate processit; quia illud per Eliseum in fontem mitti jussit, ut sanaretur sterilitas aquarum Jerico: additque, natura salis & aquæ vicina & conjunctissima est, quia ejusdem elementi ambo sunt, & idem officium & significationem habent. Nam aqua à sordibus mundat, sal putredinem fugat, aqua nitorem præbet, sal sinceritatem adhibet. &c.]

10. Quintò peracta aquæ benedictione, fiebat ejusdem aspersio tam apud Cassinenses, quam apud Cluniacenses, Cistercienses, Sangermanenses, aliosque communiter Ordinis nostri monachos, discrepantibus etiam hæc in re solis Bursfeldensibus, & Casaliniis, apud quos absoluta aquæ sanctificatione, Sacerdos cum ministris adveniens

congregationi sese adjungebat in choro, statim absque ullo intervallo Tertiam incepturus, quam sequebatur aspersio. Ita quippe illi in Ordinario suo: [Benedictione quoque & pulsu, (scilicet quo fratres in chorum vocati sunt) pariter consummatis, jungatur conventui Sacerdos, & ministri, & iter Sacerdos immediate post fratres cappatos in choro suo.... Subdiaconus verò immediate sub Sacerdote iter, & Diaconus post fratres locum alterius chori observet; & ita omni tempore collocentur quando intersunt horæ ante missam.... Finita autem hora, & cantore inchoante antiphonam ad asperisionem &c. Idem fere habent in suo ceremoniali c. 17. Casalini.

11. Sextò. In hac aquæ sanctificatæ aspersione majus altare circumcunctes primùm irrigabant; deinde viciniora etiam altaria; ut patet ex consuetudinibus Clun. Rituali Cassinensium, & ceremoniali Casalis Benedicti, in cujus capite 17. sic lego: [Post asperisionem summi altaris, eo ritu & cætera altaria quæ tantum in cancello sunt aspergat, nec opus est ut ad alia divertat.] Singulare aliquid addunt Sangermanenses consuetudines: [Et Sacerdos irrigabit magnum altare & post altare B. Germani, & Sancta Sanctorum, & post circa Sacrarium.] Cistercienses & Bursfeldenses unum aspergebant majus altare ritu in lib. Usuum Cisterciensium his verbis descripto: [Cantore imponente antiphonam, c. 55. sumat Sacerdos sparsorium, qui intingens in aqua, ascendat ad altare, inclinans ad gradum ipsius altaris: Deinde aspergat aquam ante ipsum altare, & incipiens à dextra parte, circumeat illud aspergendo quousque perveniat in anteriorem partem; ubi inclinans aspergat Presbiterium hinc & inde;] & in Ordinario Bursfeldensium: [Sacerdos c. 42. intincto sparsorio in aquam, accedat ad altare, ac ad illius gradus accepta venia, aspergat ipsum circa medium, in utrumque cornu, & postea circuiens altare per gyrum, aspergat similiter & presbiterium hinc & inde.

12. Septimò. Facta altarium aspersione, ipse consequenter conventus aspergebatur, idque duobus modis; vel Sacerdote ad chorum accedente, omnesque suis in locis stantes circumgyrando aspergentes; vel choro ipsum ad Sacerdotem stantem ad gradus altaris accedente, & ab eo pertranscundo ante ipsum asperisionem aquæ recipiente. Primum observabant Cassinenses, Cluniacenses, Bursfeldenses & Casalini, posterius Cistercienses, Sangermanenses, & Cartusienenses monachi: [Et exinde veniet ad gradum Sacerdos, (ita habent Sangermanenses consuetudines) & transibit conventus per chorum juxta illum, & asperget eum Sacerdos de aqua benedicta, & præcedent illi qui sunt in albis, & post Prior, & alij unusquisque in ordine suo, & revertentur in sedibus suis;] & lib. Usuum Cisterciensium: [Sacerdos c. 55. verò stans supra gradum Presbiterij aspergat prius Abbatem, postea seipsum, deinde ministros, & cæteros accedentes à superiori parte chori;] Fusius antiqua Cartusienensium Statuta: [Aquâ benedictâ, vadens

Sacerdos ad aspergendum eam, transit per sinistram chorum, veniens-^{1. part} que ad gradum altaris inclinat; incipiensque antiphonam: *Asperges*^{c. 43.} *me*, aspergit semel ante faciem altaris, semel ad dexteram, semel ad si-^{n. 6.} nistram partem; ascenditque gradum à parte evangelij & altare cir-^{1.} cuit aspergendo, veniensque ad gradum primò aspergit Abbatem, si^{1.} adsit, deinde Priorem, & hospites Religiosos, post modum mona-^{1.} chos per ordinem, deinde Diaconum, si sit indutus cuculla ecclesia-^{1.} stica, deinde illum qui aquam attulit, & seipsum. Rediensque Sacer-^{1.} dos per sinistram chorum aspergit infirmum monachum si sit ad ostium^{1.} ecclesiar, postea Clericum, & Conversos, & hospites seculares.] Ex his^{1.} postremis verbis patet infirmos monachos, fratres laicos, seu ut loqui-^{1.} mur, Conversos, aliosque seculares viros etiam hospites, chorum non^{1.} intrasse, ut pote quos Sacerdos ad ipsum ecclesiar seu chori ostium^{1.} aspergeret; & certè quoad seculares hospites, hos expressis verbis ex-^{1.} cludunt Guigonis Statuta his verbis: [In chorum nostrum hospites tan-^{1.} tum Religiosos introducimus;] idque omnino juxta veterum mona-^{1.} chorum praxim, qui seculares viros suis sacris non per mittebant in-^{1.} teresse, ut videre est in vir. S. Johannis Reomaensis n. 10. ubi prædictus^{1.} S. Johannes Agrestium quemdam qui die Dominico ad monasterium^{1.} venerat, [ut ab ore Johannis corpus consecratum Christi mereretur^{1.} accipere,] ab ecclesia dimissus scribitur, dicens: [Non ideo hæc fa-^{1.} cimus, quod exsecrari velimus tuæ caritatis præsentiam, sed ne videamur^{1.} SS. Patrum irrita præcepta facere, neve præsumamus regularem^{1.} laxare censuram.] Bursfeldenses etiam fratres laicos in choro non^{1.} admittebant, unde & in Ordinario [choro utroque expedito, *inquit*,^{1.} declinet Sacerdos ad ecclesiam inferiorem, fratres laicos, familiam,^{1.} & hospites illic aspergendo.] Apud Cistercienses verò non Sacerdos,^{1.} sed Secretarius aquam hospitibus, & familiarum portabat ex l. Usuum loco^{1.} citato. Porro apud Calalinos Sacerdos Abbati sparsorium aqua bene-^{1.} dicta intinctum porrigebat, quod ille accipiens primò Sacerdotem as-^{1.} pergebat, deinde seipsum, postea verò Sacerdos cunctos.^{1.}

13. Octavò impositam à Cantore vel Presbitero antiphonam cho-^{1.} rus interim proferebatur cum tribus psalmi 50 versiculis, & *Gloria*^{1.} id tamen solis Cassinensibus, quod sciam, peculiare fuit, aliis primo^{1.} versiculo contentis. [eaque finita antiphona *inquit liber Usuum*^{1.} *Cisterc.* Sacerdos intermittens asperisionis officium, versus ad altare^{1.} dicat, collectam: *Exaudi nos* in loco quo stat. Et incepta Tertia, post^{1.} *Gloria Patri* ceptam subsequatur asperisionem. Quæ si fortè ad *Gloria*^{1.} primi psalmi nondum peracta fuerit, Presbiter stans in eodem loco usque^{1.} post *Gloria Patri* asperisionem intermittat, qua peracta, redeat in^{1.} locum suum, & sedeat cum ministris.] E contra verò apud Clunia-^{1.} censes, si finita antiphona needum Hebdomadarius asperisionem con-^{1.} summasset, conventus expectabat, sin autem Prior ipse asperisionem^{1.} absolvisset, quàm chorus antiphonam; collectas sub silentio dicebat,^{1.}

respondentibus sibi conversis.

14. Nondè peracta aquæ sanctificatæ aspersione, dictaque collecta, ordinabatur per claustrum circuitum processio. Processionum Usus apud monachos est antiquissimus, ut vidimus præcedenti capite ex S. Casario, duas solemnibus diebus statuente processiones in exteriori oratorio; unam post Matutinos, alteram post Vesperos; & patet ex Magistri Regula, quæ processions diebus festis in albis faciendæ meminit, cùm loquens de vestimentis fratrum, inter alia hæc dicit: [Et habeant singulas paraturas linostimas subtiliores, quas in diebus festis solum in processionibus utantur.] Et clariùs de nostris ex libello supplicii monachorum Fuldens. in. cujus c. 19. postulant [ut crucis gloriatio in singulis diebus Dominicis fiat ante Missam, fratribus omnibus circa vicina quæque loca monasterij crucem sequentibus, hymnos & antiphonas cantantibus, sicut apud Majores nostros usus erat, in diebus Dominicis, Passionis, & Resurrectionis Domini gloriam celebrari. Neque solum monachi, sed etiam sanctimonialis diebus Dominicis processiones agebant; ut patet ex vit. S. Cunegundis apud Boll. 3. Mart. n. 12. [Quadam die cùm ipsa cum conventu crucem (nam dies Dominicus erat) sequitur, Abbatissa defuit &c.] Inchoato autem à Cantore &c, vel antiphona; præeunte cruce, bini & bini per claustrum in cucullis procedebant; in his tamen monasteriis, in quibus duo existebant oratoria, primum in eorum altero; deinde per claustrum circuitum incedebant. Interim Sacerdos Hebdomadarius [uno converso cum cruce sinistro ejus lateri jugiter adhærente, & altero consecratam aquam præferente, perlustrat claustrum officinas, inquit Udalricus, in singulis unam collectam benedictionalem dicendo; 1. Domum infirmorum: 2. Dormitorium; 3. Refectorium: 4. Coquinam regularem: 5. Cellarium] Idem videre est in M. S. conf. S. Germani à Pratis, in quibus ipsa processio incipit post dormitorij benedictionem. Solemniùs omnino Calsinenses, apud quos [alius Presbiter cum Acolitho induti lineis vadant per omnes officinas, spargendo aquam sanctificatam; quos sequatur Hebdomadarius cum Diacono, & Subdiacono, & Acolythis cum cruce, & incenso.] De nostris verò Germaniæ monasteriis ita Einsidenses consuet. n. 17 In processione verò illa nihil aliud feratur nisi aqua benedicta, crux, missale ante Presbiterum, & ipse Sacerdos in collo suo Philacterium cum ligno Domini gerat. Denique de primis discipulis S. Stephani Obazinensis postea Abbatis in ejus vit. l. 1. n. 22. tom. 4. Misc. Baluz. Diebus Dominicis tam ipse quàm fratres lectionibus, & Missarum celebrationibus insistebant agentes processionem per claustrum & singulas officinas singulis benedictionibus perlustrantes.

15. Apud Cistercienses, & Bursfeldenses, qui nullas diebus Dominicis processiones celebrare consueverant; incepta à Sacerdote in ecclesia aquæ lustralis aspersione, alter omnes claustrum officinas eadem aqua

aqua perlustrabat; ut videre est in libro Usuum Cisterciensium in quo sic habetur: [Interim verò miniller recipiat aquam in quolibet vase de urceolo, in quo est aqua benedicta, & habens sparsorium aliud, claustrum aspergat, & officinas, scilicet capitulum, auditorium, dormitorium, & dormitorij necessaria, calefactorium, refectorium, coquinam, cellarium. Rediens autem de officinis, si quid superest ei de ipsa aqua, infundat in receptaculum, quod est ad introitum ecclesie ad hoc deputatum;] & in Ordinario Bursfeldensium: [Cantore inchoante antiphonam ad asperisionem, accedens ad gradus presbiterij unus ex conventu Sacerdos, vel Diaconus ad hoc à Priore ordinatus, accipiat ex urceolo in quo est aqua benedicta, partem ejusdem aquæ in vase alio, & habens sparsorium aliud, & stolam, claustrum circumeat aspergendo officinas ejus, scilicet capitulum, auditorium, dormitorium, & dormitorij necessaria, calefactorium, refectorium, coquinam, & cellarium.

16. De Cartusianis etiam hæc habent antiqua eorum Statuta: [Asperisione autem facta, aquam unus è fratribus accipit, & per omnes officinas, & per cimiterium spargit, postea in vas quod ad domum inferiorem portandum est, mittit; tandem post epistolam, eam reddit Procuratori.] De Casaliniis verò M. S. ceremoniale: [Fratribus post processionem chorum ingredientibus mox petita venia, Sacerdos & Clericus præcedentis hebdomadæ egrediantur chorum, & sumpta stola cum aspersorio, & aqua benedicta, eant ad officinas monasterij aspergendas; videlicet dormitorium, calefactorium, infirmatorium, coquinam, refectorium, cellarium, ut moris est; claustrum enim jam aspersum est à Clerico] Scilicet tempore processionis, quam præeunte clerico cum aqua benedicta Subdiacono cum cruce, Diacono, & Sacerdote, postea subsequente conventu per claustrum circuitum faciebant. Hæc porro apud monachos officinarum pelustratio est antiquissima, utpote quam videre est in antiquo Ordine in domo S. Benedicti ante Pascha, quem ex pervetusto codice ab annis ferè nongentis exarato edidit Mabillonius noster, in quo ad Dominicam Resurrectionis hæc leguntur: [Item Dominico die vadunt cum antiphona, & aqua sancta per singulas mansiones.] In ipsa verò refectorij statione dum Sacerdos orationem recitaret, omnibus in salutiis benedictum & consecratum sal ponebatur ex consuet. M. S. Cluniacensis monasterij; & S. Benigni Divionensis infra referendis l. 5. c. 5.

17. Decimo unam; duntaxat ad processionem Dominicam stationem faciebant Calsinenses ad fores scilicet ecclesie, expectantes Sacerdotem officinas interim perlustrantem, ut diceret orationem. Hæc statio postea congruentius visa in ipsa ecclesie navi esse facienda: Apud Cluniacenses quatuor fiebant stationes, quibus à Pascha ad Pentecosten quintam adiebant: Conventus eum expectando, inquit Udalricus, facit primam stationem in ecclesia S. Mariæ, ubi & una collecta de ipsa tonali

est pronuntiatione dicenda : secunda ante dormitorium : tertia ante re-
 fectorium : quarta simul cum ipso in vestibulo ecclesiæ : quinta à Pas-
 cha usque ad Pentecostem ad sanctam Crucem ubi rursus mos est , ut
 de illa una collecta dicatur] sextam addebant nostri Divionenses S.
 Benigni nempe ad tumulum S. Martyris, cujus aram simul & sepulchrum
 Sacerdos incensabat. In Parisiensi S. Germani à Pratis monasterio tres
 fiebant stationes ; in majori S. Mariæ capella , ubi Sacerdos irrigato
 altari , finito resp. ante gradum , & orationem de ea cantabat : 2. ante
 refectorium , dum Sacerdos illud ingressus orationem in eo diceret : 3.

In medio navis monasterij idest ecclesiæ.

18. Undecimo completa oratione , vel finito &c. in iis monasteriis ,
 in quibus ad stationem navis non dicebatur ; imponebatur antiphona ,
 vel &c. de Patronis loci seu monasterij , resonantibusque inter m. cam-
 panis , chorum omnes intrabant ; ubi finita antiphona , vel &c.
 humiliato super formas conventu , ex consuet. S. Germani , Sacer-
 dos ante altare versus , orationem Dominicam , & collectam : *Viam*
sanctorum omnium dicebat , statimque Tertiam incipiebat sine *Pater no-*
ster , inquit consuetudines S. Germani à Pratis. Apud Casalinos
 antiphona ad ingressum chori erat de Beata Maria ad cujus prima
 verba omnes genu flectebant ; postea surgentes , & antiphonam pro-
 sequentes , chorum ingressi ad ima se subsellia collocabant ; versa ad
 altare facie donec Sacerdos astantibus sibi ministris , & Kyrie eleison ,
 orationem Dominicam & collectam : *Viam sanctorum* , ad quam
 inclinabat conventus , consummasset , ex cerem. c. 17. De hac porro
 ecclesiæ diceretur : *Domine Iesu Christe* , ita scribit Udalricus : *Nescio*
si apud Teutonicos ita sunt in usu , de aliis verò non meminit , utpote
 quæ omnibus erant notæ.

19. Porro antequam capitulum istud absolvam , præmittenda non
 videtur laudabilis monachorum S. Galli sæc. ix consuetudo , quæ sæ-
 culares viros , cujuscunque conditionis existerent , etiam Dominicis
 diebus festisque processionem sequentes , claustrum ingredi non per-
 mittebant , sine prævio duce & nisi monachica cuculla indutos , ut
 videre est apud Ekkehardum juniorem in vita Notkeri Balbuli n. 21. &
 22. apud Boll. 6. April.

CAPVT IV.

DE MISSA ET DE MAIORI PRIMVM.

§ 1.

De Missa usque ad Evangelium.

1. CUM Sacrosanctum Missæ sacrificium multis jam ante sæculis
 apud monachos quotidie offeratur ; queretur fortè non nemo

quoddam superiori de ritibus quotidianis libro illud prætermittentes, in hunc, qui est de ritibus per hebdomadam contingentibus, de eo differere distulimus. Sed propositi nostri ratio ea fuit, quod licet nunc Missam quotidie celebrent monachi, non tamen ita consueverant, in prima sui institutione; quo tempore Sabbatis tantum Dominicisque diebus hora diei tertia sacre communionis obtenta conveniebant, ut docet in primis Cassianus, & nominatim de Pachomianis insinuat Palladius. Clarius tamen de Nibricensibus de quibus [Solam] ^{Cast.} ^{c. 2.} ^{Lauf.} ^{c. 18.} ^{ibid.} ^{c. 69.} Sabbato & Dominico congregantur in ecclesiis, & se invicem excipiunt. Ipse S. P. Benedictus Reg. c. 48. ubi quotidiana diei exercitia temporarie disponit, omnia aut labori, aut lectioni, aut psalmis consecrat spatia, nulla Missæ facta mentione, cuius dumtaxat meminisse cum de lectore mensæ præcipit, ut Dominico die post Missas & communionem ingrediatur ad legendum. In antiquo etiam Ordine conversationis monasticæ in quo singulatim cuncta diei exercitia describuntur, ne quidem unum verbum de Missa. Quin & ipsi Cartusienfes monachi in ipso Ordinis sui nascentis exordio Missis singulis diebus non faciebant, ut docet Petrus Blesensis ad Richardum Londoniensem Episcop. scribens his verbis: *Raro sacrificat Cartusienfis Ordo*, & alibi ad Alexandrum monachum, qui hac de causa Ordinem deferere volebat: [Hoc in Ordine Cartusienfi cunctis, & arguis, quod singulis diebus Missas non faciunt, atque hujus religionis, aut potius superstitionis obtentu turba machinatus egressum.] Immo quod de Nibricensibus monachis affirmat Palladius in Lauf. c. 7. apud eos fuisse octo Presbiteros, ex quibus unus dumtaxat, scilicet primus, quando viveret, Sacerdotisungebatur officio; id de primis S. Brunonis discipulis non obscure invenit Galga in vit. S. Hugonis Episc. n. 1. apud Boll. 1. 2. p. 115, ubi S. Brunonis socios recensens, inter alios nominat Hugonem, quem cognominabant, inquit, Capellanium, eo quod solus ex eis Sacerdotisungebatur officio.

2. Quandonam verò apud monachos invaluerit usus & consuetudo quotidie Missis solemmniter decantandi, certò definire non possumus. Constat planè morem hunc apud eos esse antiquissimum, ut prorsus mirari habeat, quod de Cisterciensibus hic scribitur. Certè religiosissimi omnium Regulæ Benedictinæ observatores monachi Cistercienses, ab ipsis Origines sui primordiis Missis quodidie decantabant, ut patet ex libro Unum; licet ab iis tempore creationis, & institutionis conventus nonnumquam abesset; quo casu *missæ*, & *infirmis* ^{Cast.} ^{c. 2.} ^{Lauf.} ^{c. 18.} ^{ibid.} ^{c. 69.} *chorum*, & *de infirmitate* ea præstabant, quæ præsens conventus præstitisset. Item in aliis Ordinis monasteriis ante Cistercienses generaliter observatum fuisse colligitur tam ex Udalrico quàm ex M. S. S. consuet. Cluniac. Germaniæ, & Benignianis, ex Lanfranci Statutis, & ex in conc. Concordia Dunstani sæculo x. edita. Ita in Prioratu S. Launomani de Magenciaco Missa singulis diebus solemmniter cantabatur; ut discimus

- n. 3. ex donatione Guillelmi Ducis Aquitaniae ann. 1064. facta, in qua postulat ut pro se ad *Missam quotidianam unam orationem cantent*. Sub finem saeculi 1x Frotharius Bituricensis Episcopus Bellilocensibus monachis Orbaciacum villam concedit, ut annuatim custodi ecclesiae vini modij decem tribuerentur, unde sacrificium *quotidie* Domino offerant; ut videre est in vit. S. Rodulfi Epi. Bituric. n. 12. saec. 4. part. 2. p. 163.
- Spicil. 3. In Centulensi S. Richarij monasterio duae quotidie Missae sol mnes tom. 4. decantabantur tempore S. Angilberti Abbatis, hoc est incunte saeculo 1x, ut patet ex ejus charta ab Hariulfo relata in chron. Centul. l. 2. c. 11. In editis etiam circa idem tempus capitulis monachorum ad Augiam directorum sex reperio [quotidie deputatos fratres, sacram offerentes oblationem, incipientes ab Abbate, omnes per ordinem;] & in consuetudinibus S. Benedicti Abbatis Anianensis decernitur ut c. 3. [post opus & Tertiam & Missam pleniter conveniatur ad lectionem.] Denique S. Guillelmus Dux Gellonensis monasterium anno 804 condidit tom. 4. anal. in quo *perpes oblatio, iuge sacrificium* offerretur, ut scribit anonym. in ejus saec. 4. vit. n. 8. quod ego de quotidiano interpreto, maxime cum Gellonense coenobium Anianensi subiectum fuerit. Idem videre est in regula M. S. incerti authoris ex cuius cap. 2. a Pascha ad Cal. Octobr. *post Tertiam Missarum solennia celebranda sunt. & praedictis Cal. ad Pascha post Nonam.*
- apud. 4. Saeculo octavo in Kitzingo monasterio *virginibus Christi Missas* quotidie celebravit earum Capellanus & fundator, ut scribit Anonymus in vit. S. Hadelogæ n. 5. & Ceolfrius Abbas in Anglia, qui anno 716. apud Lingonas diem clausit extremum, [primo mane Missam in ecclesia B. Dei genitricis semperque Virginis Mariae, & in ecclesia Apostoli Petri pridie nonas Julias feria v. communicantibus qui aderant,] cantasse legitur; si feria v. ergo non solum Dominica.
- Reda. 5. Tandem S. Bertilla quæ post medium saeculum vij. Kalense San- in vit. S. Bened. 1.2 n. 17. ctimonialium regebat monasterium [quotidie quoque pro salvatione animarum fidelium, & recto statu S. Ecclesiae Dei, Domino hostias sacras suos jubebat offerre Sacerdotes,] ut discimus ex Anonymo saec. 3. in ejus vit. n. 6. & S. Serenicus in pago Oximensi confessor qui medio part. 1. etiam saeculo vij. florebat, [humilitatis gratia Sacerdotalem gradum p. 24. suscipere renuebat, ipsum quod acceperat Diaconatus officium *quotidie* sollicitus Deo exhibebat, *per singulos enim dies* sacris altaribus, Sacerdotique ministrando adstans, oblationes Deo pectore casto, inejus. vit. n. 15. menteque devota offerre studebat;] & ante hæc omnia in quadam saec. 2. S. Euthymij Laura qui anno 405. in solitudinem secessit, *sacra mysteria* quotidie peragebantur, teste Cyrillo Scytopol. in vit. S. Euthymij tom. 2. n. 45. Ex quibus omnibus patet quàm longo jam usu receptum sit monum. eccl. apud monachos, ut Missa quotidie solemniter decanteretur: quoniam Græc. verò ritu cuncta peragerent jam inquirendum est.
6. Omnium ad instar nobis hanc in rem esse debent Cassinenses nostri, quorum proinde ritus antiquos in celebratione Missarum ex

pervetusto Institutionis Oratorij rituali M. S. hinc ex integro referre operæ pretium existimamus, ostensuri postmodum, in quibus aliis consentiant & in quibus discrepent: Hi autem tales sunt

7. Tertia [finita Sacerdos cum ministris vadat induere se sacris vestibus, & cum inceperint Clerici in choro gloriam post introitum, procedant antecedente eum Diacono, & Subdiacono, cum libro Evangelij, & ante Subdiaconum Acolytho cum thimiamate, ante quem duo alij Acolythi procedant cum incensis luminaribus, & sic ordinatè exeant à secretario, & ut pervenerint ante altare, incipiat Sacerdos antiphonam: *Introibo ad*, cum psalmo: *Judica me Deus*. Deinde faciant confessionem, Diacono stante ad dextram Sacerdotis, & Subdiacono tenente librum Evangelij contra faciem ejus; ubi autem finierint confessionem, Subdiaconus apertum librum Sacerdoti præbeat osculandum, & statim dum inceperint in choro *Kyrie eleison*, Acolythi deponant candelas in pavimento, Diaconus verò finita confessione, accipiat thuribulum de manu Acolythi, & accedens osculetur altare, quem subsequatur Sacerdos, & inclinatus secretè orat prius, deinde surgat, & osculetur altare, & sic accepto thuribulo de manu Diaconi, facit incensum super altare, & reddat eidem Diacono porrigens ei osculum. Diaconus ergo faciat incensum circum altare, & revertens odorem præbeat Sacerdoti, redditoque thuribulo ipsi Acolitho, stet post Sacerdotem, & Subdiaconus retro post eum. Finientibus in choro *Kyrie*, si tempus fuerit, dicat Sacerdos: *Gloria in excelsis Deo*. Sciendum quod ab hac Dominica (*Adventus*) usque in natali Domini, & à Septuagesima usque in ecena Domini: *Gloria in excelsis Deo*, ad Missam non canent, exceptis festivitibus S. Andree, & S. Thomæ, & Purificatione, & Annunciatione S. Mariæ, S. Scolasticæ, S. Benedicti. Præterea nec ministri induunt tunicas seu Dalmaticas; sed in nigris planetis ad Missam procedunt, exceptis festivitibus SS. & Ecena Domini, & Sabbato sancto. Finita itaque *Gloria*, Sacerdos versus ad populum dicat: *Dominus vobiscum*, & orationem; qua dicta Subdiaconus versus contra altare legat epistolam, quam dum incipit, Sacerdos & Diaconus sedcant in sedilibus suis in dextra parte altaris, juxta quos & Subdiaconus post lectam epistolam sedeat. Deinde cantetur gradaale, & alleluia. Tunc surgat Diaconus, & inclinato capite, petat benedictionem à Sacerdote, & sic pergat ad altare, accipiatque librum Evangelij ex eo, quem osculetur, partemque ejus in sinistro humero ponens, præcedentibus ante eum candelis, & incenso, vadat legere Evangelium versus ad Septentrionem, vel Meridiem; quod statim ut incipit, candelæ deponantur in pavimento, & stet ante eum Acolythus cum incenso usque dum finiatur; & tunc primum præbeat odorem Diacono, & Diaconus osculato Evangelio recedat; quod Subdiaconus accipiens, præcedente eum Acolytho cum incenso præsentet osculandum Sacerdoti, deinde cæteris in choro. Sed finito Evangelio extinguendæ sunt ipsæ duæ candelæ ab Aco-

lythis in loco suo; & Sacerdos osculato Evangelio dicat: *Credo in unum*
Deum. Sciendum tamen est, quia hoc symbolum non in omni festo de-
bet cantari, nisi tantum in diebus Dominicis, & in solemnitatibus
Domini, idest Nativitate, Epiphania, Ypopanti, Resurrectione, As-
censione, Pentecoste, Transfiguratione, S. Crucis, S. Angeli, & in fe-
stivitatibus S. Mariæ, & in natalibus Apostolorum, & solemnitate Om-
nium SS. & Dedicatione Ecclesiæ. Hoc ergo finito, vertat se Sacer-
dos ad populum dicens: *Dominus vobiscum: Oremus*. Deinde incipien-
tibus in choro offertorium, qui ministraturi sunt abluant manus.
Tunc Subdiaconus accipiat calicem cum vino, & corporali desuper
& patenam cum oblatis de manu Acolythi; veniatque ante altare,
ferens calicem in sinistra manu, & patenam in dextra. Tunc Diaconus
prius accepto corporali, ornet altare in dextro latere, deinde acci-
piens patenam cum oblatis offerat Sacerdoti. Calicem vero ipse Dia-
conus ponat super altare, iterumque acceptam ampullam à Subdiacono
cum aqua fundat in calicem, faciens crucem, & operiat eam dimidia
parte ipsius sindonis. Ita tamen ordinandum est, ut calix, & oblata
juxta ponantur; calix in dextra parte, oblata in sinistra; & reddatur pa-
tena Subdiacono. Tunc Sacerdos suscepto thuribulo à Diacono facit
incensum super calicem, & oblatas, & reddat thuribulum Diacono,
cum quo Diaconus faciat incensum in circuitu altaris, & præbens in-
censum Sacerdoti reddat Acolytho, ipseque stet in loco suo post Sacerdo-
tem. Inter hæc Sacerdos inclinatus contra altare oret; Deinde surgens
osculetur altare; versusque ad populum petat pro se orari. Tunc Sub-
diaconus vadat post altare, & tenens patenam in manibus, stans erectus,
respiciat contra faciem Sacerdotis. Finita itaque secreta, & oratione Do-
minica revertatur Subdiaconus, & offerat patenam Diacono, & Diaconus
Sacerdoti; Sacerdos autem cum dixerit: *Per omnia secula seculorum*,
rumpat oblatam in dextro latere super calicem, dicens: *Pax Domini*,
& sic dimittat eandem particulam in calicem; postea dicat: *Agnus*
Dei, & osculato altari convertat se, & det pacem primum Diacono,
deinde Subdiacono, & cæteris per ordinem, & communicent. Quo
finito dicit orationem ad complendum, & in fine Diaconus dicit: *Be-*
nedicamus Domino. Hoc tamen sciendum est, quoddam in omnibus so-
lemnitatibus, vel SS. festivitatibus, & in omnibus per annum Domi-
nicis diebus, quando *Gloria in excelsis Deo* ad Missam canitur, debet
dicere in fine: *Ite missa est*, cæteris autem diebus sive Dominicis, sive
solemnitatibus non dicitur nisi *Benedicamus Domino*. Tunc demum re-
vertantur ad secretarium ordinatè ut venerant, cantantes hymnum
trium puerorum & *Laudate Dominum in sanctis ejus*. Ad Missam autem
ordo, qui superius scriptus est ad celebrandam Missam, observan-
dus est quodcumque festum celebratur cum xij lectionibus: In diebus
autem quotidianis incipientibus in choro introitum procedat Presbiter
à Secretario antecedentibus eum Diacono, & Subdiacono, & Aco-

lytho cum incenso, lineis albis induti; & venientes ante altare, data confessione omnia ut supra peragant. Et hoc sciendum est, quia omni tempore quando prima oratio dicitur ad Missam, liber poni debet in dextra parte altaris, & quando preparari debet altare, removeatur in sinistra; & post communionem reducatur in dextra, & ibi dicatur oratio ad complendum. Et hoc sciendum est, quia quotiescumque ad Missam symbolum canitur, exceptis præcipuis festivitatibus, duo Subdiaconi, & duo Acolythi ad Missam induantur; ut cum idem symbolum canitur, simul in utroque choro ab eisdem incensum fratribus, & osculandum Evangelium præbeatur, ipsi etiam Subdiaconi postquam à Sacerdote pacem acceperint, eandem pacem in choro deferant, & osculatis utriusque chori primatibus, ad altare sicut venerant redeunt, sicque omnes fratres se invicem ac per ordinem osculantur. In festivitatis tamen duabus per annum, scilicet Nativitat. & Resurrect. omnes singillatim ad pacem à Sacerdote accipiendam ad altare accedimus, & sic omnes per ordinem invicem osculamur.

8. Hactenus Cassianensium in Missarum celebratione ritus satis fusè prosecuti sumus; nunc quæ sit eorum cum aliis concordia, quæ discrepantia investigare oportet. Volunt itaque in primis ut dicta Tertia, *Sacerdos cum ministris vadat induere se sacris vestibus*, quæ scilicet induendæ supersunt; Tertiam enim, ut patet ex superiori capite cantabat sacris vestibus indutus; sed non omnibus; quod omnibus privatis diebus, maxime quibus his reficiebant, præstabat, ut constat ex Udalrico de Sacerdote Hebdomadatio ita differente: [In privatis diebus quotiens bis comeditur, priusquam signum pulsetur ad Tertiam, manus lavat ex more, ut oratione facta mox Sacerdotalibus induat se, & Tertiam imponat. Quà finita litania qua Missa prævenitur cum decantata fuerit usque ad illum versiculum: *Omnes sancti*, exit de choro, ut casula quoque vestiatur, & cum processione veniat ante altare: Si dies est talis, ut non nisi semel comedatur, vestit se inter cantandum litaniam: Et si processio agenda est ut in 4 & 6 feria in Quadragesima non se vestit donec & ipsa jam facta fuerit. Eadem fere habent Divionenses S. Benigni conf. c. 20. & liber Usuum Cisterciensium: [In xij lectionibus Sacerdos induat se ad celebrandam Missam cum Diacono, & Subdiacono, quos adjuvent ad induendum præteritæ septimanæ Hebdomadarij . . . ad Tertiam ambo maneant in presbiterio cum Sacerdote, ubi eis & sedere ad psalmos liceat. Finita Tertia exeant, & unus ministrorum, qui adjuverunt eos ad induendum, pulset signum & accendat duas candelas quæ solent ardere juxta altare, hinc & inde, & absconsam cum lumine super altare si necesse fuerit, præparet: Alter verò deserviat Sacerdoti in induenda casula. Postea infundat ei aquam in manibus: Diaconus verò sumat stolam & aspergat manus aqua data sibi à Ministro, & Subdiaconus similiter, quas tergant Sacerdos, & Diaconus ad tersorium sibi deputatum, Sub-

diaconus verò ad alterum.

9. Sacris acceptis vestibus Calsinenses ad altare non accedebant, nisi incepta in choro post introitum *Gloria*, quod observabant etiam Benigniani, Sangermanenses nostri ex consuetudinibus M.S. mox citandis, & Cistercienses ex libro Usum. Introitum autem vocamus antiphonam illam, quam chorus cantat, & Sacerdos ut ascendit ad altare legit cum versu, & gloria; de qua Udalricus in antiquis Cluniacensis monasterij consuetudinibus: [In Dominicis diebus ad majorem Missam introitus post versum dimidiis solet recantari, post *Gloria Patri*, totus;] & M.S. consuetudines: [In diebus Dominicis, & in minoribus festivitatis, ad majorem Missam introitus post versum dimidiis recantatur: In mediocribus autem quæ vel in albis vel in cappis sunt, & in quinque præcipuis Dominicis, & in vigiliis quinque præcipuarum festivitatum, totus recantatur, & in majoribus verò aliquando versus dicitur, & post singulos introitus totus repetitur, & semper post gloriam: [Et cæremionale Cafalis Benedict. c. 18. Qui quidem introitus bis tantum dicitur, præterquam in summis & duplicibus majoribus in quibus triplicatur.] Rationem reddunt conf. Grand. c. 129. [In præcipuis festivitatis ter cantatur introitus, propter tres leges, scilicet naturalem, Mosaicam, & legem Evangelicam gratiæ, quia in unaquaque Deus habet præcones suos, quod significat ter repetitum officium.

10. Olim post introitum integer decantabatur psalmus, ut docet Menardus noster in notis ad librum Sacramentorum S. Gregorij Papæ; Quamvis Alcuinus in lib. de divinis off. c. de celebratione Missæ nullam psalmi aut versiculi faciat mentionem, sed antiphonæ immediate subjungat *Gloria*: [Primò, inquit, omnium dicitur antiphona ad introitum... deinde imponitur *Gloria Patri, & Filio & Spiritui sancto*... & hoc, ait, ad nutum Diaconi ait Cantor, sicut & *Kyrie eleison*, qui ad hoc ministerium admittitur, ut officium integrè peragi possit; quæ posteriora verba: *Et hoc ad nutum Diaconi ait Cantor*, explicant M. S. Germaniæ conf. n. 18. ubi dicitur esse Diaconi *Gloria Patri*, nutu suo incipere à Præcentore, & *Kyrie eleison*, fortè quia totius introitus repeteret Cantor, donec sibi Diaconus innueret, aut *Gloria*, & *Kyrie* omitteret, si non significasset. Porro introitus Missæ Cælestinum Papam authorem agnoscunt idem Alcuinus & Amalarius [Officium Missæ, inquit Alcuinus addidit Cælestinus Papa, & constituit ut psalmi CL. ante Sacrificium psallerentur antiphonatim ex omnibus, quod antea non fiebat, nisi tantum Epistola Pauli recitabatur, & sanctum Evangelium, & sic Missa celebrabatur. Quod nos ita intelligimus quia ex omnibus psalmis exciperet antiphonas, quæ psallerentur in officio Missæ, nam antea inchoabatur Missa à lectione, qui mos adhuc retinetur in vigilia Paschæ & Pentecostes.

11. Incepta itaque *Gloria* in choro, Sacerdos cum ministris ad altare procedebat hoc ordine: duo primum Acolythi cum luminibus, deinde alter

alter Acolythus cum incenso, postea Subdiaconus ferens Evangeliorum librum, cum Diacono, ac tandem ipse Sacerdos. Eundem pene ordinem advertere licet in M. S. consuetudinibus S. Germani à Pratis, in quibus sic lego: Sic autem ibit Sacerdos ad altare: primò præcedet thuribulum, & post duo cerei, & Subdiaconus ferens textum & Diaconus ferens missale, & Sacerdos habens casulam albam nimirum si tempus exigit & Diaconus & Subdiaconus suo modo, & non debent intrare sacrarium donec cantetur *Gloria Patri*.

12. Quis fuerit apud Cluniacenses ordo procedendi ad altare habemus ex Udalrico, & consuetudinibus eorum M. S. iisdem nimirum qui apud Casinenses; nam ex M. S. consuet. c. 100. reliquos ministros ad altare procedentes præcedunt simul duo ferentes candelabra, tertius thuribulum; & ex Udalrico l. 2. c. 32. [Diaconus Sacerdotem præcedere solet ad altare.] Hoc unum Cluniacensibus erat singulare, quod Subdiaconus librum Evangeliorum, Sacerdos verò *codicem missalem in brachio sinistro* deferret, ex Udalrico l. 2. c. 30. & 31. quod tamen Abbate celebrante præstabat Diaconus ex M. S. consuet. c. 34. Sed hoc agebant apud Cistercienses Diaconus & Subdiaconus ante Tertiam restante libro Usuum Cist. his verbis: [Quibus indutis, Diaconus & Subdiaconus cum manipulis eant præparare altare, petentes veniam ad gradum altaris, & ponentes textum super analogium, & missale super altare in dextro cornu, in sinistro verò ponant versorium, &c.] In antiquis Germaniæ consuetudinibus processions ad Missam ordo committitur Diacono: [Diaconi est . . . processio ad introitum ordinare, & incensum ponere, *Gloria Patri* nutu suo incipere à præcentore, & *Kyrie eleison*, Presbiterum quoque de sacrario manu ad altare deducere;] cum tamen apud alios præcederet. De Cisterciensibus autem ita liber Usuum: [Pulsato signo à ministro exeant de vestiario, & ordinentur ante altare, quod est in prima statione, habentes vultum ad ingressum chori, ita ut Subdiaconus prior sit, & Diaconus posterior, & Sacerdos novissimus; & sic maneant usque ad *Gloria Patri*; & cum inde se moverint, inclinent ante ipsum altare. Deinde ingredientiæ inclinent rursus ad gradum Presbiterij, & sic ascendentes divertat Diaconus ad dextram, & Subdiaconus ad sinistram, Sacerdos verò inter eos transeat ad altare, & dum transiit inclinent ei.] Grandimontenses verò ex Guillelmi Pellicerij consuetudinibus præscriptum à Casinensibus servabant ordinem.

13. Ut autem ad altare pervenerat Sacerdos, habens Diaconum à dextris, Subdiaconum à sinistris tenentem librum Evang. incipiebat antiphonam: *Introibo ad altare*; cum psalmo: *Judic*; deinde confessionem. Hunc ritum quem etiam nunc religiosè observamus apud antiquos nobis reperire non licuit, nam licet ab oratione, & confessione Missam inciperent, non tamen ab antiphona psalmoque prædictis. De Cluniacensibus ita scribit Udalric. [Sacerdos ad altare

1. 2. „ accedens portat & ipse codicem missalem in brachio sinistro, quo
c. 30. „ deposito in dextrum cornu altaris, inclinat ad orationem maximè
„ Dominicam, vel si magis voluerit: *Domine sancte &c.*, osculatur al-
„ tare, & textum Evangelij, dat locum Diacono, ut stare possit prope
„ dextrum cornu altaris, ipse quoque stat prope sinistrum, & inclinans
„ contra Diaconum similiter inclinem, dicit confessionem cujus etiam
„ forma ita est præscripta, ut nec ad Missam, nec ad horas quibus est
„ dicenda, verbis amplioribus dicatur quam hujusmodi: *Confiteor Deo,*
„ *& omnibus sanctis ejus, & vobis pater, quia peccavi in cogitatione, locu-*
„ *tatione, & opere, mea culpa; precor vos orate pro me.* Resp. *Misereat-*
„ *ur vestri omnipotens Deus, & dimittat vobis omnia peccata vestra, liberet*
„ *vos ab omni malo, conservet, & confirmet vos in omni opere bono, &*
„ *& perducatur vos ad vitam eternam amen;*] De Cisterciensibus liber
„ Usuum: [Tunc Sacerdos incurvus ante medium altaris faciat ora-
c. 53. „ tionem, & Diaconus similiter retro ipsum & Subdiaconus post Diaconum,
„ quia completa erigant se. Deinde Sacerdos osculato altari signet se.
„ Diaconus verò signans se inclinet, & pergat osculari sinistrum cornu al-
„ taris. Quo osculato inclinet, & eat in dextram partem, stans sub gradu
„ altaris paululum remotus à pariete, & Subdiaconus retro ipsum. Sacer-
„ dos autem descendens sub gradu altaris, inclinet circa medium altaris
„ ad dicendam confessionem, Diacono existente ad dextram, Sub-
„ diacono ad sinistram, & dicant invicem confessionem Sacerdote
„ incipiente.... qua dicta erigant se, & sic accedat Sacerdos ad librum
„ qui est super dextrum cornu altaris. Quam confessionem si ea hora
„ completere non potuerint, dicant postea cum eis vacuum fuerit.]
„ M. S. consuetudines S. Germani à Pratis: [Et venient coram altari
„ & dicet Sacerdos *Confiteor*, & sicut ei placuerit faciet prout habue-
„ rit in consuetudine.] quibus ex verbis colligitur has preces sive ora-
„ tiones ad Sacerdotis libitum extitisse; Bursfeldenses suas nobis ex-
c. 43. „ ponunt in Ordinario suo, ubi sic lego: [Venientes ante altare re-
„ verenter inclinent, dispositisque Diacono à dextris, & Subdiacono
„ à sinistris, Sacerdos inter illos stans circa altaris medium supplici de-
„ votione legat versus subsequentes, scilicet *Judica me Deus & discerne:*
„ *Quia tu es Deus fortitudo mea: Emittite lucem tuam: Et introibo ad altare*
„ *Dei; Confitebor tibi Domine quoniam bonus: Dignare Domine die isto; tres*
„ *primos cum silentio solus, reliquos verò cum ministris.* Deinde inclini
„ dicant invicem confessionem, Sacerdote incipiente sub hac forma:
„ *Confiteor Deo, B. Maria, omnibus SS. & vobis fratres quia peccavi nimis*
„ *mea culpa per superbiam, cogitatione, locutione, opere, & omissione;*
„ *precor vos orare pro me.* Et inter pronuntiandum hæc verba: *cogita-*
„ *tione, locutione, opere, & omissione, tertio pectus tundat; & continuo*
„ *ministris precando subjungant: Misereatur tui omnipotens Deus per*
„ *intercessionem B. Maria, & omnium Sanctorum, & dimittat tibi omnia*
„ *peccata tua, & perducatur ad vitam eternam;* Sacerdote respondente

Amer. ministri suam subsequantur confessionem modo prædicto. Quibus simili modo Sacerdos precatur subinferens : *I. indulgentiam & remissionem omnium peccatorum vestrorum tribuat vobis omnipotens, & misericors Dominus : Amen.* Confessione peracta erigant se ministri, ac etiam Sacerdos; signansque se subjungat ex more. *Aufer à nobis Domine . . .* qui accedens ad altare impresso signo crucis labio illius, ipsum osculatur, dicens : Tuam crucem adoramus Domine, tuam gloriosam &c. Deinde ad latus sinistrum etiam textum Evangelij illic apertum, sibi à Subdiacono exhibentium (si tale festum fuerit idest summum, majus aut minus in quo plenarius deferri solet) post hoc divertens ad dextrum cornu altaris, aperto missali dicit : *Adjutorium nostrum in nomine Domini*; & ministris respondentibus : *Qui fecit cælum & terram* mox incipiens legat introitum Missæ cum ministris. Incipientes autem & iterum repetentes introitum, Sacerdos signando se parum incurvus genua, & ad gloriam introitus modicè caput inclinet. Finito introitu eodem loco dicant : *Kyrie eleison*, Sacerdote incipiente & ministris respondentibus.

14. Denique de Casaliniis nostris ita in eorum ceremoniali M. S. [Postquam Sacerdos & ministri ad Missam conventualem præparati ritu & ordine præactis vestiarii ingressi fuerint, Diaconus & Subdiaconus sine tunicis, excepto in magnis solemnitatibus, Subdiacono tamen præeunte, simul exeant ad altare discooperiendum super quod Subdiaconus in dextro cornu ponat missale, Diaconus verd corporalia explicet, & super illa calicem, quem secum veniens cum pane detulit, nudatum reclinet. Clerico interim vinum & aquam deferente, & luminaria juxta ritum monasterij accendente; quibus peractis simul redeant ad vestiarium, & ita moderentur omnia, ut antequam introitum repetat chorus, in vestiarium sese recipiant; quo repetito, & antequam finiatur Sacerdos crucem ferens, complois manibus unà cum ministris eodem ritu incedentibus ordinatè procedant à vestiario ad altare dicentes alternatim Sacerdos videlicet cum Diacono & Subdiacono psalmum: *Judica m. Deus & discerne.* &c. cum *Gloria Patri*, & *Sicut erat*; & genua simul flectentes ad primum altaris gradum, Diacono ad dextram, Subdiacono verd ad sinistram, Sacerdote in medio eorum constitutis. Tunc Sacerdos det crucem quam à Sacristia ad altare secum detulit, Diacono, & si sit Abbas, Subdiacono, quam super altare ponat; & antequam inclinent dicat Sacerdos, vel Abbas oculis in cælum erectis: *Oremus actiones nostras* &c; qua finita, & non ante inclinent profundè simul omnes, moxque pariter se erigentes signet se Sacerdos dicendo: *In nomine Patris, & Filij, & Spiritus sancti, amen.* Deinde: *Et introibo ad altare Dei*, & reliqua dicens. *Confiteor* profundè cum ministris inclinet, non se erecturis donec & ipsi absolutionem à Sacerdote acceperint, Sacerdos tamen ministris *Confiteor* dicentibus, se erigens subjungat *Miserere vestri O. D. & d. o. p. v. p. v. ad v. a. semper erectus Diaconus*

„ nus, & Subdiaconus, ministri respondeant: *amen*, ad altare simul
 „ accedentes sicut sunt ordinati dictis omnibus quæ prædicenda sunt,
 „ veluti in privata Missa tractavimus. vid. inf. c. 6. Illud quoque simul reve-
 „ renter osculentur; tunc divertentes ad dextrum cornu altaris . . . mi-
 „ nistri cum Sacerdote dicant introitum Missæ, Diacono ad dextram,
 „ Subdiacono verò ad sinistram constitutis. . . . *Kyrie eleison* similiter cum
 „ Sacerdote alternatim pronunciare debent.]

15. Post hæc præscribitur in Rituali Cassinensium altaris per Sacerdo-
 tem incensatio, in qua tria maximè notanda sunt 1. quod Sacerdos
 reddens thuribulum Diacono, eidem osculum porrigeret. 2. quod Dia-
 conus accepto à Sacerdote thuribulo circum altare incensum faceret.
 3. quod post hæc Diaconus revertens odorem præberet Sacerdoti. De hac
 altaris incensatione ita scribit Udalricus officium Diaconi apud Clunia-
 censes referens: [Porrigit incensum, quo imposito, porrigit quo-
 1. 2. „ que ipsum thuribulum, quod postea recipiens, si est dies sollemnis in-
 c. 32. „ censat altaria quæque proxima choro, & maximè ipsius altaris prin-
 „ cipalis cornua posteriora.] In M. S. verò consuetudinibus Diaconus
 „ thuribulum à Sacerdote [recipiens, ipsum Sacerdotem incensat, &
 e. 99. „ casulam inter brachia trahit;] ex quibus etiam habemus quod die-
 „ bus privatis usque post offerendam incensum non offeretur. Singulare
 aliquid addunt Sangermanenses consuetudines, scilicet quod conventus
 „ etiam incensaretur: [Et incensato altari, *inquunt*, Diaconus incensabit
 „ sacrum, & post servitor ecclesiæ conventum.] Servitores ecclesiæ
 vocabant Acolythos thuribulum & candelabra ad Missam aliaque divina
 officia deferentes, de quibus Udalric. l. 2. c. 33. & M. S. conf. c. 100. Con-
 suet. S. Benigni c. 22. addunt: [In solemnitatibus quoque Sancto-
 „ rum, in quorum honore altare aliquod de ecclesia dedicatum est, ubi
 „ etiam tunc luminare tam in nocte quàm in die ardere debet, & in qua-
 „ tuor diebus Paschæ, & Pentecostes, tam illud ante quod luminare pro
 „ aliqua festivitate arserit, quàm illud de S. Maria, & illud de S. Be-
 „ nigno, & illud de Crucifixo, incensatur ad majorem Missam.
 16. Interim incepto in choro *Kyrie* Acolythi candelas in pavimen-
 to deponere jubentur in Rituali Cassin. hi apud Cluniacenses & Beni-
 gnianos ut pervenerant ad altare, unus ad dextram & alter ad si-
 nistram se collocabant; inceptoque etiam in choro *Kyrie* candelab-
 ra deponebant, eadem ad Evangelium resumturi ex M. S. conf.
 c. 100. Apud Casalinos nostros ceroferariorum usus nullus exitit
 exceptis duplicibus majoribus, & maximis solemnitatibus in quibus ut
 habet eorum ceremoniale M. S. [ob reverentiam solemnitatis duo
 c. 18. „ adhibebuntur qui Sacerdotem & ministros cum luminaribus ad altare
 „ præcedentes, ad cornua altaris se collocabunt, candelabra sua sem-
 „ per tenentes donec Sacerdos confessione peracta cum ministris ad al-
 „ tare conscendat; tunc retrocedentes candelabra sua super altaris gradum
 „ sicut in Vesperis & Laudibus ejusdem solemnitatis collocare debent,

ea denuo resumturi cum institerit hora Evangelij.

17. Finito in choro *Kyrie*, ad quod tam Bursfeldenses ex Ord. c. 49. quam Casalini ex cerem. M. S. c. 19. denudabant capita, Sacerdos imponebat hymnum: *Gloria in excelsis*, quem solus chorus prosequabatur; neq; enim Sacerdos olim solemniter celebrans hunc hymnum integrum dicebat, immo solis Episcopis illum cantare licebat non Presbiteris, nisi fortè in die Paschæ, ut patet ex lib. Sacramentorum S. Greg. Pap. qua de re queritur Berno Abbas Augiensis in libro quem de quibusdam rebus ad Missam spectantibus composuit: [Cur non liceat omni die Dominico, vel natalitiis Sanctorum Presbiteros illum hymnum canere, quem nato in carne Domino Angeli cecinere dicentes *Gloria in excelsis Deo*, quod si concessum est illum cantare in Pascha secundum prætulationem Missalis, non multo minus licitum puto in Nativitate Domini, quando primum cepit audiri ab hominibus in terris, qualiter ab Angelis canebatur in cœlis.] Porro apud Casalinos ministri unâ cum Sacerdote Introitum, *Kyrie*, *Gloria in excelsis Deo*, *Credo*, *Sanctus*, & *Agnus Dei* dicebant ex eorum cerem. M. S. c. 18. Cartusienfes autem monachi *Gloria* canunt in cornu Epistolæ ex Ordinario c. 25. non elevatis manibus ex antiquis Statutis 1. part. c. 43. Incipiente autem Sacerdote *Gloria in excelsis* chorus ad altare se convertebat, prosequente Cantore: *Et in terra pax*, vultum ut antea reducebat ex lib. Uf. Cisterc. c. 56. Ord. Bursf. c. 49. cerem. Casalini. c. 19. Inclinaus ad verba: *Asternamus te: Suscipe deprecationem nostram*; & insuper apud Casalinos ad *Gratias agimus tibi*, quod etiam cum Bursfeldensibus observabant ad sanctissimum *Jesu* nomen tam initio quam in fine prædicti hymni, ad cuius extrema verba: *Cum sancto Spiritu signent se*, inquit lib. Usuum Cist. & converiantur ad altare.

18. Porro Angelicum hymnum in Adventu, & à Septuagesima usque ad Pascha dicere usus non tulit, neque apud Cassinenses ex eorum Rituali neque apud Cluniacenses ex Udalt. l. 1. c. 8. & conf. M. S. neque apud Divionenses ex Benignianis conf. c. 29. neque apud Cisterc. ex lib. Usuum c. 63. sed neque apud alios. Immo neque in ipso Purificationis die si in Septuagesima accidisset olim dicebatur, ut patet ex Alcuino in l. de eccles. off. c. de Purificatione S. Mariæ; [Quod etiam, ut scribit *Micrologus*, numquam post meridiem legitur dicendum, nisi in cœna Domini ubi christina conficitur, & in Sabbatis Paschæ & Pentecostes.

19. Quare autem istis temporibus omittatur vid. apud Amalar. l. 1. c. 1. & l. 3. c. 40. scilicet in Septuagesima, quia tempori tristitiæ non competit hymnus lætitiæ & in Adventu, quia tempus Veteris Testamenti significat; [Vidi, inquit tempore prædicto *Gloria in excelsis Deo* prætermitti in diebus Adventus Domini, & in aliquibus locis dalmaticas; habet enim & istud aliquid rationis ad insinuandum tempus Veteris Testamenti, &c.

20. Finito *Gloria in excelsis Deo* Sacerdos ad populum conversus, dicebat *Dominus vobiscum*, & quidem apud Cartulianos in cornu episto-

In Ord. c. 43. & 49. c. 19. c. 56. lae, ex antiquis eorum Statutis 1. part. c. 43. & ex Ord. c. 25; ubi etiam observandum quod apud Bursfeldenses Diaconus etiam se cum Sacerdote convertebat, non tamen Subdiaconus; choro interim nudo capite, facie ad altare conversa ex eorum Ordinario, & caput humiliter inclinante ex cerem. M. S. Casal, qui respondens *Et cum spiritu tuo*, signabat se, & ad altare convertebatur, reclinans se super misericordias, donec epistola inchoaretur, ut praescribit liber Usuum Cist.

21. Post hæc Sacerdos orationem sive collectam subjungebat dicens: *Oremus*, quam ad vocem [Flexis poplitibus modicè se humiliet, in Ord. c. 43. inquit Bursfeldenses, Similiter faciat repetendo: *Oremus* ante secundam collectam, necnon ad *oremus* in secretis & complendis.] Unicam verò collectam assignat Rituale Cassinensium, unicam lib. Sacramentorum S. Gregorij Papæ, unicam etiam Dominicis diebus Benignianæ conf. c. 29. & Udalricus in antiquis consuet. monasterij Cluniac; plures verò privatis diebus, quas ibidem notat agens de c. 6. majore Missa privatis diebus: [Prima collecta præmissa, inquit, hæc rite sequuntur: *Deus cuius dextra B. Petrum: Concede quasumus omnipotens Deus ut intercessio nos: Quasumus omnipotens Deus ut famuli: Omnipotens sempiterne Deus qui facis: Deus à quo: Omnipotens sempiterne Deus miserere famul.* Ab octavis Paschæ usque ad festum S. Michaelis: *A domo tua quasumus.*] In M. S. consuet. his omnibus præmittitur oratio: *Concede nos*, & orationi: *Deus à quo sancta desideria* subjungitur: *Præcede domine famulis & famularibus tuis*, ex quibus, ut dicit idem Udalricus, [quarta est pro Regibus aliisque Principibus, quinta pro Episcopis & Abbatibus nostris, sexta pro familiaribus nostris, septima pro Regibus Hispaniarum per vices;] M. S. verò conf. [quarum quinta est pro Regibus, . . . sexta pro Episcopis & Abbatibus nostris, septima pro pace, octava pro nostris familiaribus. *Addit Udalricus*: Et aliæ collectæ si est causa pro qua opus fuerit adjiciuntur, ut v. g. pro iter agentibus, pro infirmis, vel pro qualibet alia tribulatione superveniente.

22. Quod Cistercienses spectat, hos diebus Dominicis duas ad Missam collectas cantasse credimus ex his verbis libri Usuum: [Omnes Dominicales collectæ quæ binæ dicuntur &c.] quatuor verò privatis diebus certo affirmamus ex eodem libro, ubi hæc inter alia leguntur: c. 32. c. 38. [Privatis diebus non amplius quàm quatuor collectæ ad Missam in conventu dicantur, exceptis octavis Domini, & commemorationibus, octavisque Sanctorum, & illis quatuor diebus, qui sequuntur diem Circumcisionis, & feria 6 post octavas Ascensionis: aut si Abbas unam tantummodo collectam dicendam adjunxit; vel præsens defunctus fuerit: excipitur etiam tricenarium quod fit post generale Abbatum capitulum, cujus collecta idest: *Deus venia largitor* per omnes triginta dies exceptis solemnitatibus xij lect. tam ad Vesperas, quàm ad Laudes & ad Missas continuetur.] De Bursfeldensibus Cartu-

lianisque monachis vid. eorum Ordinarium, Bursfeldens. c. 51. Cartusien-
sium c. 26.

23. Dicta per Sacerdotem collecta, [Subdiaconus versus contra
altare legat epistolam, inquit *Rituale Cassinensium*; atque inchoans
lectionem, vel ea finita, ad utramque vicem facit ante & retro ibi-
dem ubi lecturus est,] ut ait Udalricus, sive ut habent liber *Usuum*
Cister. c. 53. Ord. Bursfeldensium cap. 43. Ceremon. Casalinor. c. 18.
[Inclilians priusquam incipiat legere, & postquam legerit.

24. Hanc tam apud Cistercienses, quam apud Bursfeldenses, & Ca-
salinos, legebat ad gradus presbyterij ante medium altaris, & quidem
apud Casalinos super analogium ibidem ab Acolyto præparatum.
[Qui si fortè in ipsa epistola erraverit, inquit, liber *Usuum* loco cita-
to, perlecta epistola satisfaciatur ibidem;] quod etiam præscribunt
Casalini in ceremoniali M. S; immo si taliter erraverit, ut inde scan-
dalizetur chorus, etiam in choro post Missam. Apud Cartusientes
monachos absente Subdiacono procurator legit Epistolam, [absente
procuratore unus ex Diaconibus; quod si unus tantum sit Diaconus,
& nullus Subdiaconus, absente procuratore ultimus in ordine Sacerdos
epistolam legit.

25. Epistolam sequebatur Graduale, sive ut alij loquuntur Responsum;
deinde alleluia, quod apud Cluniacenses, teste Udalrico à duobus
in albis cantabatur Dominicis diebus; ita enim ille [de Missa me-
jore in diebus Dominicis agens: Graduale à duobus albatibus can-
tur, ita ut versu finito à principio repetatur; Item alleluia à duo-
bus; [& M. S. consuetudines: & à duobus albatibus canitur in Domi-
nicis, & in minoribus festis; quod si in cappis omnes sunt, à tribus
vel à quatuor secundum quod Armario videtur, canitur, ita ut versu fini-
to, semper à principio repetatur. Item alleluia, à duobus, vel si in
albis aut in cappis fiat solemnitas, à tribus, vel quatuor, seu à plu-
ribus secundum nutum Armarii. Idem habent Benignæ conf. c. 29.
& M. S. consuetudines S. Germani à Pratis ad Dominicam primam Ad-
ventus: [& *Universi qui te &c. & Vias tuas Domine*, quem duo mo-
nachi cantabunt in albis; alleluia, quam duo presbyteri cantabunt
in cappis similiter.] Simplicius & fortè religiosius Cistercienses no-
stri, apud quos [in omnibus præcipuis festivitibus sicuti & cæteris
diebus *Responsorio*, alleluia cantantur communiter ab utroque choro.]
Idem observabant nostri Casalini, qui tamen in majoribus duplicibus
ita præscribunt: Responsorium inchoabitur à duobus fratribus
junioribus albis indutis, versusque ab eisdem decantabitur; alleluia
verdè cum & à duobus Cantoribus tantum.

26. Interim inchoante Subdiacono Epistolam *Rituale Cassinensium*
prescribit, ut [Sacerdos & Diaconus sedent in sedilibus suis in dex-
tra parte altaris, juxta quos & Subdiaconus post lectam epistolam
sedeat. Idem videre est apud Cluniacenses, teste Udalrico, qui de S.

1. 2. "cerdote [ad epistolam, *inquit*, sedet usque dum ad Evangelium ve-
 c. 30. "nitur;] & de Diacono: [Cùm Sacerdos sederit ipse quoque sedet,
 c. 32. "priùs tamen Sacerdote innuente, nec sedet absque licentia ejus;]
 "consentiunt Benign. cons. c. 22. De Cisterciensibus in libro Usuum:
 " [Interim Sacerdos usque ad Evangelium sedere, & in Missali le-
 c. 53. "gere potest, & Diaconus ad nutum ejus sedere, & in textu legere
 "si voluerit.] De Bursfeldensibus in eorum Ordinario: [Subdiaconus
 "descendat legere Epistolam, . . . Sacerdos verò declinans ab altari
 c. 43. "ad dextrum latus in medio sedilis illic pro se & ministris preparati
 "se collocet.] De Cartusiensibus monachis in eorum item Ordin.
 " [Finitis orationibus Sacerdos deferret Missale clausum ad alterum
 "cornu altaris ante medium ejus inclinando. . . Tum pergit ad cathe-
 "dram cum simili inclinatione manus tenens simul insertas: Ubi re-
 "cepta à Diacono mappula, libroque aperto, epistolam attentè audit,
 "aut legit, cum responso, & alleluia, vel tractu.] Tria hîc ob-
 "servanda esse existimo. Primum quod epistola olim à solo Subdiacono
 "legeretur, graduale & alleluia sive tractus in solo choro cantaretur,
 "non autem à Sacerdote quamvis ei sedenti prædicta legere apud Cister-
 "cienses & Cartusianos liceret. Secundum quod sedenti Sacerdoti assidere
 "Diacono non liceret, nisi jussisset ille; immo nec ipsi etiam Sacerdoti
 "si præsens Abbas extitisset, ut patet ex M.S. consuetudinibus Germaniæ:
 n. 21. " [Presbiter vel Diaconus præsentem Abbate non sedent absque illius li-
 "centia.] Tertium quod lecta epistola, Subdiaconus etiam cum Sacerdote
 " & Diacono resideret tempore responso, & alleluia, quamvis apud Ci-
 l. 1. "stercienses. [Perlecta Epistola Subdiaconus sedeat juxta Diaconum aut
 c. 53. "eat in chorum cantare cum aliis si necesse fuerit;] & apud Bursfeldenses
 " [ministri, idest Diaconus & Subdiaconus expleto ministerio suo, sociantur
 in ord. "conventui ad adjuvandum in cantu, si propter paucitatem fratrum, aut
 c. 43. "aliàs opportunum viderint; alioquin confidere poterunt Sacerdoti,
 "Diaconus ad dextram, Subdiaconus ad sinistram.

§. 1.

De Missa ab Evangelio usque ad Canonem.

1. **A**D Evangelium, quod finito, in choro *Alleluia*, dicebatur à
 Diacono, sex præcipuè observabant Cassinenses. 1. Surgens
 ante Diaconus inclinato capite benedictionem à Sacerdote postula-
 bat. 2. Evangelium vel ad Septentrionem vel ad Meridiem pronun-
 ciabat. 3. Incipiente eo Evangelium Acolythi candelas in pavimen-
 to deponebant. 4. Finito Evangelio Acolythus incensi odorem præ-
 bebant Diacono. 5. Osculato postea per Diaconum Evangelio, Subdia-
 conus præcedente cum Acolytho cum incenso primùm Sacerdoti;
 deinde

deinde ceteris de choro osculandum textum præsentabat. 6. Acolyths finito Evangelio candelas suas suo in loco exstinguebant. Hæc omnia sigillatim observare placuit, ut facilius postea aliorum cum Cassinensibus concordiam discordiamque demonstraremus.

2. Primum quod spectat, generalis & ubique recepta consuetudo fuit, benedictionem ad Evangelij lectionem petendi, licet in modo & forma non unus ubique usus fuerit. Hanc apud Cassinenses Diaconus, uti observavimus, inclinato capite postulabat, quoniam verò in loco ibi non dicitur. Apud Cluniacenses, Benignianos, Bursfeldenses, Casalinos in cornu altaris sinistro à Sacerdote in cornu altaris dextro stante, [Diacono lecturo inquit *Adalricus agens de Sacerdote Hebdomadario*, dat benedictionem hujusmodi: *Deus misereatur vestri & benedicat*: Ea vice stat prope dextrum cornu altaris, & Diaconus prope sinistrum;] Ordinarium Bursfeldensium: [Ad sinistrum cornu altaris Diaconus textum Evangelij utraque manu ante pectus tenens, humiliet se versus Sacerdotem ad benedictionem, quam submissa voce petat his verbis: *Domne iube benedicere*; & Sacerdos in dextro cornu stans eadem voce respondeat;] Et Casalinarum M. S. ceremoniale postquam præscripsit, ut Diaconus ante medium altaris genu-flexus præmittat orationem: *Afunda cor meum &c.* (quod iis solis ex antiquioribus singulare quod sciam fuit) subiungit: [Librum Evangeliorum clausum ante pectus utraque manu tenens, ad sinistrum altaris cornu genibus flexis petat benedictionem à Presbitero dicens: *Iube Domne benedicere*; & Sacerdos ad eum conversus manibus iunctis in dextro cornu altaris dicat, Dominus sit, &c.] Apud Cistercienses Diaconus ab eo loco ubi Evangelium erat pronuntiaturus Benedictionem petebat, & quidem ab Abbate, non à Sacerdote, nisi forte in ejus absentia: [Diaconus verò ponens textum super analogium, vertat se ad Abbatem, humiliter petens benedictionem sub silentio dicens: *Domne iube benedicere*; si vero ad Sacerdotem si Abbas defuerit;] quod & præsentem Abbatem observabant Bursfeldenses: [Quod si Missam cantat alius ab Abbate, inquit in Ordinario, & ille tamè primus fuerit in choro, antequam cantus finiatur tempestivè Diaconus portans utraque manu textum descendat in chorum, & stans contra Abbatem humiliato capite, ut moris est, ab eo benedictionem petat & suscipiat.] Divionenses etiam S. Benigni ab Abbate, aut Episcopo præsentem benedictionem petebant ex conf. c. 20.

3. Benedictionis hujus forma hæc erat apud Cluniacenses: *Deus misereatur vestri & benedicat*; apud Cistercienses: *Dominus sit in corde & in ore tuo, ut dignè annunties Evangelium Christi*; apud Bursfeldenses: In ord. *Dominus sit in corde tuo & in labiis tuis ad dignè annunciandum Evangelium pacis, dando signum Crucis*; apud Cartusianos: *Dominus sit in corde tuo, & in labiis tuis, ut rectè nobis pronuncies Evangelium pacis*, apud Casalinos denique: *Dominus sit in corde tuo & in labiis tuis, ut*

ccr. M. *dignè & competenter annuncies sanctum Evangelium pacis. In nomine*
 s.c. 18. *Patris, & Filij, & Spiritus sancti, ministrum signando, & respondeat*
 Diaconus: *Amen.*

4. De benedictione incensi, quæ aliquibus in locis ante Diaconi Evangelium cantaturi benedictionem, in aliis postea fiebat, nullum quidem verbum in Rituali Cassinensium; sed neque apud Udalicum, neque in libro Usuum Cisterciensium. Cluniacensium tamen ritus M. S. consuetudinibus ita nobis repræsentant c. 34. [Sacerdos antequam benedictionem det, si dies festus est, ponit incensum in thuribulum, Converso tenente ipsum thuribulum, & Diacono acerram: quo accepto de manu Diaconi osculantis ei manum (sic semper quando ei aliquid ad Missarum solemniam dat) facit super textum tantummodo crucis signum cum ipso thuribulo; Diaconus autem accepta benedictione, accipit textum & ante pectus portans pergit ad analogium; Subdiaconus verò, si dies festus est, præcedens portat pulvillum, & ponit super analogium. Conuersus pulvillum cum analogio incensat cum uno tantum signo crucis, ac Diaconus textum desuper ponit, & Evangelium inchoat.] Idem habent Benignianæ conf. c. 20. M. S. verò Sancti Germani Præsentis ita: [Versus finem alleluia, faciet signum ille qui tenet chorum, & surgent de sedibus suis servitores ecclesiæ, & ibunt; & accipiet unus thuribulum & incensum, & porriget Diacono ad benedicendum; & Diaconus porriget Presbitero, & Sacerdos debet incensare corpus Domini, & altare; & Diaconus accipiet benedictionem à Sacerdote in sinistro altaris cornu dicens: Domne jube benedicere, & dicit Sacerdos: Dominus sit in corde tuo.] Apud Casalinos singulari ut credo ritu benedicebatur incensum ad Evangelium, quem ritum ita describunt in ceremoniali M. S. [Diacono incipiente: *Dominus vobiscum*, vel ante, Subdiaconus ipse super gradum altaris in dextro cornu genua flectens, utraque manu teneat acerram sive vas incensi à Sacerdote benedictionem postulans, atque dicens: *Benedic Pater*; Presbiter verò benedicendo dicat: Ab illo benedicaris, in cujus honore cremaberis, *In nomine Patris & Filij, & Spiritus sancti. Amen* respondeat minister sive Diaconus. Quo benedicto mox imponat ipse Subdiaconus cum coleari in thuribulum à clerico præsentatum cum eo crucem faciendo.] Apud Cartusianos [Cum impositurus est Sacerdos incensum thuribulo quod solis diebus capituli adoletur; imponendo nihil dicit.] Denique de hac incensi benedictione pauca hæc præscribunt consuetudines Germaniæ n. 21. [Ad Evangelium si placuerit incensum ponat Abbas super ignem.]

5. Secundò Evangelium ad Septentrionem vel Meridiem legebant Cassinenses; ad analogium Cistercienses, Bursfeldenses, & Casalini; ad Aquilam verò Sangermanenses: [Et veniet Diaconus cum sociis suis, *inquiunt M. S. conf.* videlicet Subdiacono, & thuribulo, & duobus ceteris ad Aquilam, & inclinabit conventum.] Diacono autem incipiente

Evangelium tam ipse, quàm Sacerdos ac conventus ^a signabat se, & quidem ad hæc verba: *Initium*, vel *Sequentia sancti Evangelij*, fronti, & pectori crucis signum imprimentes; & ad resp. *Gloria tibi Domine*, versus altere se humiliantes ex Ord. Bursf. c. 44. & cerem. M.S. Casal. c. 18. Apud Cistercienses verò Diaconus dicens: *Initium*, vel *Sequentia sancti Evangelij* signabat se, reliqui autem ad *Gloria tibi Domine* ex lib. Ul. c. 53. Apud Benignianos, dum dicit Diaconus: *Sequentia sancti Evangelij*, singulas cruces cum pollice & in fronte & in pectore sibi facit, cum respondetur: *Gloria tibi Domine* unam ante faciem suam cum digitis, inquit in conf. c. 20. & ita prosequatur Lectionem; Acolytho interim continuò thurificante ex Ordinario Bursfeldens. c. 44. Apud Cassinos tamen dicto per Diaconum, *Sequentia sancti Evangelij*, mox sine mora offerebat illi Subdiaconus thuribulum, quo stans Evangeliorum librum tribus quatuorve revolutionibus incensabat, redditoque Subdiacono thuribulo, & ab eo Clerico, Evangelium prosequatur.

6. Perlecto autem Evangelio, *inquit liber Usuum Cisterciensium*, (si fortè erraverit Diaconus in ipso, vertat se ad Orientem satisfaciens eo modo quo Subdiaconus.) Similiter Casalini in ceremoniali M. S. [Quod si contingat Diaconum errare inter legendum Evangelium, more Subdiaconi per omnia satisficiat.]

7. Tertio quod incipiente Evangelium Diacono, Acolythi apud Cassinenses candelas ad terram deponere jubentur, solis, quod sciam, Cassinensibus singulare exitit. Idem & de præbendo post Evangelium Diacono odore incensæ sentiendum esse existimo; quin ex M.S. consuet. Germ. n. 18. ad ipsum pertinebat Diaconum thuribulum offerre post Evangelium Presbitero, & per tria altaria deferre; deinde solò modo Abbati. De extinguendis verò tunc Acolythorum cereis hanc rationem reddit ritus antiquus celebrandi Missæ à Menardo editus in appendice ad lib. Sacrament. S. Greg. Papæ p. 275. [Evangelio lecto candelabra extinguantur, immolatione enim veri agni, typici cessavit immolatio, & cetera mysteria quæ in lege continebantur, & Prophetis per candelabra designatis.] Fortè quibusdam in locis viguerit usus cereos ad initium tantum Missæ, & ad Evangelium accendendi, id saltem suspicari licet de Bursfeldensibus, quorum in Ordinario hæc lego: [Priusquam finiatur cantus ante Evangelium, Sacerdos & ministri surgentes ordinent, præparentque se ad officij sequentia prosequenda; missali & textu Evangelij in pulpitis seu locis suis collocatis, accensis cereis, præparatoque thuribulo.] Quibus ex verbis patet aliquos ad Evangelium cereos accensos fuisse, an acolythorum; certè nullibi respirare licuit.

^a Huius rei videre est exemplum sæculo 9. in l. Mir. S. Bertæ n. 1. Sæcul. 9. part. 1. p. 454. Postquam autem Diaconus S. Evangelij initium incepit, præfatus Salomon manum ad se signandum elevavit, &c.

8. Quod verò tandem observavimus apud Cassinenses de textu Sacerdoti reliquisque de choro ad osculandum præbendo, hoc communi consuetudine nostris in monasteriis ubique receptum fuisse constat. De Cluniacensibus tacet equidem Udalricus, sed ex M. S. consuetudinebus res est manifesta: [Prius tamen quàm Sacerdos procedat ad offerendam osculatur textum in privatis diebus ad majorem Missam à ministro, & ad minorem quotiens cappa non est in choro à Converso sibi delatum. Qui textus, postquàm Sacerdos osculatus fuerit, semper debet deferri illi qui primus offert, vel qui solus facit offerendam: in Dominicis autem, & festis diebus, & ad alias matutinas Missas, in quibus ille qui tenet chorum cappa induitur, Subdiaconi est ferre textum, prius Sacerdoti, deinde illi qui facit offerendam, deinde Archichoro, deinde per dextrum chorum, inde sinistram, deinde his qui sunt in minore choro, & postea his qui stant ad formas in dextro, ad ultimum & ipsis his qui stant & in sinistro, & semper de utroque choro; post alios qui in eadem sunt parte infantes osculantur. Qui dum per chorum transit omnes altiùs inclinant illi, & si alicui tale quid contigerit, signum sibi cum manu facit, ut eat in antea, & inclinatur. Quo completo ad Presbiterum reddit, Converso ipsum textum reddit, qui ante armariolum prædictum tenet, ut hi qui sunt extra chorum illuc venientes osculari possint, & sic tandem ipsum textum super altare ponit.] Quibus in verbis nonnulla sunt observanda 1. quod in Missis quotidianis solus Sacerdos cum eo qui offerendam esset facturus textum oscularetur, non quidem à Subdiacono, sed à ministro vel Converso sibi præsentatum. 2. Quod Dominicis ac festis omnibus etiam in choro assistentibus à Subdiacono osculandus præberetur. 3. quod nocturnam illusionem his diebus passim Evangelium osculari non liceret; hos enim notant hæc verba: *Si alicui tale quid contigeris*. 4. quod ipsis & extra chorum existentibus licet ab alio quàm Subdiacono Evangelij textus osculandus præberetur.

9. De Parisiensibus nostris S. Germani à Pratis M. S. consuetudines [A Diacono perlecto Evangelio, Subdiaconus accipiet Evangelium, & portabit Sacerdoti ad osculandum, & tunc accipiet textum argenteum, & portabit in choro, & dabit osculari primò Priori, & si Abbas fuerit, ad Missam Diaconus dabit Evangelium osculari ei, & post dabit Subdiaconus osculari textum illi qui tenet chorum, postea antiquioribus à parte chori Domini Abbatis usque ad novitios ultimos, post hæc incipiet à parte chori Prioris à senioribus usque ad novissimos, & postea ponet textum super altare;] & de Bursfeldensibus in eorum Ordinario: [Evangelio finito, & osculato per Diaconum textum ipsum Subdiaconus accipiat, & osculandum exhibeat Sacerdoti, ac deinde accedens inferius ante stallum Abbatis, si primus fuerit, eidem Evangelium exhibiturus, à quo cum reverenti geniculatione osculetur. Quod si festum præcipuum fuerit, id est sum-

inum majus, vel minus, osculum præbeatur cum textu gemmato, interius Sacerdoti, exterius verò cæteris per ordinem fratribus in choro, Subdiacono eundem utraque manu circumferente super cassinum, aut pectus.] Apud Cistercienses verò ex lib. Usuum c. 53. Cartusianos ex Ordin. c. 29. & ex antiq. Stat. part. 1. c. 43. & Casalinos ex ceremoniali M. S. c. 18. solus Sacerdos, & post eum Diaconus textum Evangelij osculabatur, quem tamen præsentì Episcopo prius offerebant Cartusienfes & Casalini. Neque verò absque observatione prætereundum est, quod in Rituali Cassinensium sub finem legitur: [Et hoc sciendum est, quia quotiescûque ad Missam symbolum canitur, exceptis præcipuis festivitibus, duo Subdiaconi & duo Acolythi ad Missam induantur, ut cum idem symbolum canitur, simul in utroque choro ab eisdem incensum fratribus, & osculandum Evangelium præbeatur;] & tamen prius dixerat: [Diaconus osculato Evangelio recedat, quod Subdiaconus accipiens, præcedente cum Acolytho cum incenso præsentat osculandum Sacerdoti, deinde cæteris de choro.] quæ quomodo conciliari debeant aliorum relinquitur judicio, hoc unum observandum, quod in utroque textu Acolythus cum incenso Subdiaconum textum osculandum offerentem præcedit; quod etiam præscribitur in antiquo ritu celebrandi Missam, quem ex codice Prioratus Salicofani Ord. Canonic. S. August. edidit Menardus. Apud Divionenses S. Benigni ministrorum altaris erat textum osculandum præbere, cum id munus non obiret Subdiaconus, ex cons. S. Benig. c. 25.

in app.
ad lib.
sacr. S.
Gieg.

P. 175.

10. Post hæc Sacerdos osculato Evangelio dicebat: *Credo in unum Deum*; quod diebus Dominicis, aliisque Domini nostri Jesu Christi, B. Mariæ, Apostolorum, S. Michaelis, Omnium Sanctorum, Dedicationisque ecclesiæ solemnitatibus tantum canchant Cassinenses. Eadem fere habent sed pro majori tantum Missa Lanfranci Statuta in quorum capite primo §. 11. hæc habentur: [In omnibus Dominicis diebus, & in prima die Dominicæ Nativitatis ad majorem Missam tantum, & in die Dominicæ Circumcisionis, & Epiphaniæ, & in prima die Paschalis solemnitatis, & in die Ascensionis, & in prima die Pentecostes, & in festivitate Omnium Sanctorum & in Dedicatione Ecclesiæ, & in omnibus festivitibus B. Mariæ, & in die Passionis Apostolorum Petri & Pauli, & in cæteris festivitibus aliorum Apostolorum dicatur ad majorem Missam *Credo in unum Deum*: nam ad matutinalem Missam in conventu numquam dicitur.] De Apostolis tamen extat Pet. Vener. Stat. 57. [Ut in festivit. xij. Apostolorum *Credo in unum Deum* ad Missam majorem dicatur, sive ad alias, quaslibet Missas quæ extra conventum cantantur. Causa hujus instituti fuit, aliarum ecclesiarum & pene omnium rationabilis mos, quem ab antiquis Patribus institutum retinent.] De Cisterciensibus ita liber Usuum: [In die Natalis Circumcisionis & Epiphaniæ Domini: In die Paschæ, Ascensionis, & Pentecostes, & omnibus diebus Dominicis, & ad omnes Missas nisi sint pro

- Defunctis, *Credo in unum Deum* dicatur. Porro in Inventione, & Exaltatione sanctæ Crucis, & in solemnitate S. Coronæ, & in omnibus solemnitatibus S. Mariæ, & in omnibus solemnitatibus Apostolorum, & Evangelistarum, in festivitate omnium Sanctorum, & Dedicatione ecclesiæ tantum ad propriam Missam ipsius solemnitatis dicatur.]
- M. S. consuetudines S. Germani à Pratis symbolum tantum cantandum notant in festivitibus Domini, B. Mariæ, SS. Apostolorum, Omnium Sanctorum, Dedicationis ecclesiæ, SS. Vincentij, & Germani, omnibusque Dominicis diebus. Bursfeldenses in Natali Domini, & per ejus octavam ad Missas de ipso festo, in Circumcisione, Epiphania, in die Paschæ & per totam octavam, in die Ascensionis Domini, in die & per totam oct. Pentecostes, in festo Corporis Christi, & omnibus Dominicis & quidem ad omnes Missas nisi pro defunctis. Porro in festis Inventionis & Exaltationis S. Crucis, B. Mariæ, S. Apostolorum, Conversionis & Commemorationis S. Pauli, in octavis Corporis Christi, Epiphaniæ, Ascensionis, Visitationis, Assumptionis, & Nativitatis B. Mariæ, necnon Apostolorum Petri & Pauli, sed non infra octavas, insuper in festo omnium Sanctorum, Dedicationis ecclesiæ tantum ad propriam Missam ipsius solemnitatis symbolum dicebant.
11. Notandum verò quod de symbolo scribit Berno Augiensis
- c. 1. Abbas in libello de quibusdam rebus ad Missam spectantibus, quod nempe ad sua usque tempora in ecclesia Romana non cantaretur ad Missam; ejus verba hæc sunt: [Nam si ideo, ut sæpe dictum, illum Angelicum hymnum probibemur in festivis diebus cantare, eo quod Romanorum Presbyteri non solent eum canere, possumus simili modo post Evangelium symbolum recitare, quod Romani usque ad hæc tempora divæ memoriæ Henrici Imperatoris nullo modo cecinerunt; sed ab eodem interrogati, cur ita agerent, me coram assistente audiui eos hujusmodi responsum reddere; videlicet quod Romana Ecclesia non fuisset aliquando ulla hæreseos facie infecta, sed secundum S. Petri doctrinam in soliditate Catholicæ fidei permanere inconcussa, & ideo magis his necessarium esse illud symbolum sæpius cantando frequentare, qui aliquando ulla hæresi potuerunt maculari. At Dominus Imperator non ante defuit, quàm omnium consensu id Domino Benedicto Apostolico persuasit, ut ad publicam Missam illud decantarent; Sed utrum hanc consuetudinem servant adhuc, affirmare non possumus, quia certum non tenemus.
12. Porro non legimus Sacerdotem olim vel ministros ad symbolum vel hymnum Angelicum sedisse ad Missam, ut nunc moris est; immo quod hymnum angelicum spectat Ordo Romanus expresse dicit: [Sedere autem non oportet Pontificem antequam dicant amen post primam orationem,] & de symbolo liber Usum Cisterciensium: [Sacerdos dum *Credo in unum Deum* dicitur à conventu, stet in eodem loco, donec illo cantato dicat: *Dominus vobiscum*.] Quod verò conventum

adinet, ad verba: *Et homo factus est*, genuflectebat, & ad *Adoratur*, inclinabat tam apud Cister, ex l. V. c. 56. quam apud Bursf. ex Ord. c. 49. & Casalinus ex ceremon. M. S. c. 19.

13. Postea Sacerdos salutato conventu, lotisque manibus, interim dum chorus offertorium decantaret panem & vinum, sacrificij materiam offerebat; quoniam verò ritu, ita habemus in Calsinensium Rituali: [Hoc ergo finito, vertat se Sacerdos ad populum dicens: *Dominus vobiscum: Oremus* Deinde incipientibus in choro offertorium, qui ministraturi sunt abluant manus; tunc Subdiaconus accipiat calicem, cum vino, & corporali desuper, & patenam cum oblatiis de manu Acolythi, veniatque ante altare ferens calicem in sinistra manu, & patenam in dextra; tunc Diaconus, prius accepto corporali, ornet altare in dextro latere; deinde accipiens patenam cum oblatiis, offerat Sacerdoti. Calicem verò ipse Diaconus ponat super altare; iterumque acceptam ampullam à Subdiacono cum aqua fundat in calicem faciens crucem, & operiat eam dimidia parte ipsius sindonis. Ita tamen ordinandum est, ut calix, & oblata juxta ponantur; calix in dextra parte, oblata in sinistra, & reddatur patena Subdiacono.] Hic nulla fit mentio offerendæ qua unus olim, vel plures de choro, immo etiam omnes panem & vinum in Missa consecrandum ad Sacerdotem accedentes offerebant, cujus ritus meminisse videntur capitula monachorum ad Augiam directorum n. 3. [Sunt equidem sex per brevem deputati fratres sacram offerentes oblationem, incipientes ab Abbate, omnes per ordinem, sicut & nos aliquando fecimus;] Et Concordia S. Dunstani: [Deinde Missam matutinalem celebrent, ad quam secunda feria dexter offerat chorus, sinister ad principalem Missam tertia rursus feria sinister offerat ad matutinalem, dexter ad principalem, sicque alternati in eo hebdomadam percurrent;] & M. S. consuetudines Germaniæ n. 21. [Quando xij lectiones faciunt, Abbas tantummodo offerat ad generalem Missam vel pro eo aliquis Priorum; privatis autem diebus si pro defunctis cantaverint omnes, nullusque omittat sine conscientia Prioris. Ad generalem vero Missam secunda feria sinister chorus, tertia dexter & sic vicibus sibi succedant usque ad sabbatum. Dominus etiam Abbas quotiens ei visum fuerit, id ipsum agat... oblationem quoque tempore suo nullus prætermittere audeat absque permisso Prioris.] Et Udalricus pluribus in locis, sed maximè in l. 3. c. 12. ubi ritum hunc describit his verbis: [In privatis diebus ad Missam matutinalem, quia cuncti offerunt, curat Hebdomadarius Apocrisiarii sive thesaurarii adjutor ut inter calices mediocres ad hoc solum factos, & inter ampullas cum vino habeat quinque, & totidem patenas cum hostiis, quas ordinatim pronit forinsecus prope chorum super tabulam desuper coopertam, & panno intrinsecus amictâ, ut inde fratres eas accipiant cum offertoriis oblaturi ad majorem Missam, quia non offertur nisi ab uno choro, tres tantum calices seu ampullæ præparantur, & Hebdomadarius stat in choro sinistro tenens in manu auream

in app.
ad sac.
4. Ben.
p. 1. p.
778.
c. 1.

„patenam, & ampliorem hostiis refertam, quas cum aureo cochleari offerentibus distribuit sigillatim;] & lib 1. c. 8. Ad maiorem Missam Dominica [Nisi unus offert, sed quinque simul hostias, ut qui voluerint possint communicare;] & cap. 9. ad Missam matutinalem Dominica solus Prior offert unam tantum hostiam. Ad recipiendas autem offerentium oblationes, paululum ab altari procedebat Sacerdos cum ministrorum aliquo, hoc est Subdiacono ex Udalrico l. 2. c. 30. [Subdiaconus, *inquit*, calicem retinens & patenam, comitatur Sacerdotem praecedentem aliquantulum contra fratres, ut à singulis offeratur vel puero.] ut discimus ex M. S. consuetudinibus Cluniac. [Ad maiorem Missam de calice in his diebus, & corporali unus interim ministrorum servit; ad minorem unus infantum, qui & cum Sacerdote ad offerendam procedit calicem & patenam cum linteolo jugiter tenens, ut in altero vinum, in altero hostiae oblatae ponantur. Si quis autem est Sacerdos vel Levita de his qui offerunt, vinum ipse infundit in calicem ceteri omnes cuiuscunque sint ordinis tam vinum quam hostias offerant Sacerdoti.] Hoc in textu observandum est quod pueri manu nuda calicem non tangebant, sed involuta tantum linteo.

14. Porro cum nullum hoc de ritu verbum extet in Rituali Cassinensi, nullum in antiquo ritu celebrandi Missam Maurilio Rotomagenfi Archiepiscopo inscripto, quem ex codice M. S. Prioratus Salicofani apud Velocassès Ordinis Sancti Augustini Canonicorum edidit Menardus noster, nullum in libro Usuum Cisterciensium, nullum in Ordinario Bursfeldensium, aliisque recentioribus, signum est jam tunc ex illis temporibus abire in dissuetudinem coepisse, quamvis in Parisiensi S. Germani Monasterio ad finem usque saeculi decimi quarti perseveraverit, ut patet ex consuetudinibus M. S. quas Guillelmus Episcopi Abbas ejusdem monasterij anno 1395. conscripsit, ubi dicitur quod Subdiaconus post Evangelium textum praeberebatur osculandum, [Et postea ponet textum super altare, & accipiet calicem cum offertorio, & veniet ad suscipiendam oblationem, unus de Prioribus ordinis debet facere oblationem, & debent poni ibi hostiae ad consecrandum.] Fluxerat apud nostros hic ritus ex antiqua Ecclesiae consuetudine, qua fideles quique in Missa communicaturi panem & vinum Sacerdoti offerebant, manum ejus dextram offerendo osculantes, ut discimus ex consuet. M. S. Guillelmi primi Abbatis Grandimontensis c. 129. quo de argumento vid. Menardum in notis ad librum Sacramentorum S. Greg. Papae pag. 371. & Mabillonium in Praefatione ad saec. 3. Benedict. part. 1. pag. 40. observat. 7. certè saeculo adhuc decimo oblatio vini in Sacrificio fiebat à Laicis ex Transl. S. Gloucesindis, n. 41. saec. 4. part. 1. p. 446. & ex vit. B. Mathildis Reginae n. 23. [Mos quippe fuerat S. Dominæ quotidie Sacerdoti ad Missam praesentare oblationem panis & vini pro salute & utilitate totius Sanctae Ecclesiae.] Sed revertamur ad Cassinensem ritum.

apud „
coll. 14.
Mart.,

15. Ante

15. Ante omnia præscribunt, ut qui ministraturi sunt abluant manus. Apud Cluniacenses Subdiaconus interim dum Evangelium cantaretur manus suas lavabat, Diaconus dum oblatio fieret, Sacerdos vero postea, ut discimus tum ex Udalrico, tum ex M. S. consuetud. Quod Subdiaconus anticiparet manus lavare, hanc rationem reddit Udalricus: nimirum [ut ipse ad ministerium calicis sit paratus,] quem nempe ad recipiendas oblationes cum patena tenebat. Quoniam vero ritu Diaconus, Sacerdosque manus abluerent, habemus ex M. S. Consuet. [Diacono aqua cum manutergio apportatur, & à duobus Conversis qui de manutergio serviunt brachium utrumque osculatur; similiter postea fit Sacerdoti, qui lavatis manibus accedit ad altare.] Apud Cistercienses econtra primus Sacerdos [aqua sibi à Subdiacono de ampullâ datâ & in pelvi ad hoc præparata, recepta digitos abluerebat, tergebatque ad linientum ad hoc deputatum, sed post factam super oblata thurificationem,] interim vero dum Sacerdos secreta sub silentio diceret [minister ille qui thuribulum obtulerat, Sacerdoti, dabat Diacono & Subdiacono aquam ad lavandum manus suas.] Apud Bursfeldenses solus Sacerdos binos utriusque manus digitos abluerebat, sed post thurificationem, interque lavandum dicebat: *Lavabo inter innocentes manus meas & circumdabo altare tuum Domine: Veni sancte Spiritus etc.* usque: *congregasti.* Idem pene erat ritus Casalinatorum. Sed apud Cartusienenses cum dicitur symbolum, [dicto: *Et homo factus est,* Sacerdos manus abluit dicens versum: *Lavabo inter innocentes manus,* cum uno aut duobus sequentibus, aquam infundente Diacono; cum vero non dicitur *Credo*, lecto offertorio, inclinans ad altaris medium, pergit ad cornu Epistolæ, ubi primum manus lavat, & corporale suscipit; Diaconus vero quoties tractaturus est calicem aut corporale, toties digitos lavare debet, nisi lotio huiusmodi jam præcesserit, quin etiam sunt lavandæ post rerum consecratarum tractationem quando finis imponitur.

16. Tunc Subdiaconus, inquit *Ritu le Cassinensium*, accipiat calicem cum vino, & corporali desuper, & patenam cum oblati de manu Acolithi. Hic calix cum corporali &c. conservari solebat in armariolo altari proximo, quale erat illud quod describit Udalricus his verbis. [Propter hoc ipsum factum est armariolum unum ante faciem majoris altaris optimè compaginaturn, & intrinsecus pannis vestitum, in quo nihil aliud reconditur præter illa utensilia quæ necessari sunt ad Missarum solemniam dumtaxat in conventu generaliter agendarum; præcipue duo calices aurei, cum patenis diversæ quantitatis; & duo corporalia: unum duplum sicut omnia corporalia solent esse ad privatas Missas, alterum simplum. Minor calix cum duplo corporali ad matutinalem Missam, major cum simplo ad majorem; nam & unum simplum semper jacet in sinistro cornu altaris, ut à Prioribus nostris accepi, propter hoc, ut ad majorem possit esse contra periculum ignis, contra quod si fortè contigerit creditur à multis quia multum valeat expansum. Item ibi est pa-

„tena mediocris, & argentea, & aurea scutella, habens operculum
 „ejusdem metalli fabrilis opere colligatum, ibi ampullæ ad subministra-
 „tionem vini, & aquæ; nam & in am ulla vinum ante consecratio-
 „nem solet offerri. Ibi urceus argenteus cum appenditio suo ad manuum
 „ablutionem, ibi linteola plura, sine quibus singula sacrata vasa nec
 „levantur, nec quoquam portantur. Ipsum autem armariolum habet in
 „medio tabulatum, ut quæque sacratiora sunt sursum, cætera deor-
 „sum. Ad initium Missarum referatur à majore custode ecclesiæ, vel ejus
 „suffraganeo, qui est hebdomadarius; panno totum desuper operitur,
 „qui & patenam ibi ponit simul cum corporali; calicem verò cum lin-
 „teolo in longum extenro tenens, & desuper operiens portat ad am-
 „phoram aquæ, quæ de stanno semper est in ecclesia, & in loco com-
 „petenti, ut omnes ibi calices laventur, quorum usus est ad privatas
 „Missas. Ibi quoque tunc hebdomadarius apportatum calicem diligenter
 „lavat aqua bis infusa, & si non est Sacerdos vel Levita, quærit
 „ad hoc Vicarium alterius ordinis, ut in quarta feria & Sabbato manu in-
 „terius missa bene quoque infundo ipse calix confricetur, ne fortè ali-
 „quantulum sceriscat, propter vini crebram infusionem, ergo lavatus re-
 „portatur & ponitur super armariolum.] Hunc locum licet valde pro-
 „lixum cui simile legitur in Benignianis cons. c. 21. ex integro referre
 „libuit, tum quia nonnullos ritus continet quos prætermittere par
 „non erat, tum ut majorum nostrorum exemplo discamus quanta
 „cum reverentia res sacras contingere conservareque debeamus. Extat
 „etiam nunc in Regali S. Dionysij prope Parisios monasterio hujus-
 „modi armariolum à latere summi altaris positum, hunc ad usum de-
 „stinatum, in quo vasa sacra ad majorem Missam inservientia summa
 „cum religione servantur; visunturque etiam in multis aliis monaste-
 „riis, licet nunc alios ad usum destinata. Hæc obiter dicta sint.

17. Apud Cluniacenses Subdiaconus calicem prius patenamque acci-
 „piebat, nimirum dum cantaretur Evangelium, testante Udalrico loco ci-
 „tato : [Subdiaconus, *inquit*, anticipat lavare manus, ut ipse ad ministe-
 „rium calicis sit paratus, quem interim dum Evangelium legitur, ac-
 „cipiens simul cum corporali, & patena, experitur si quid aquæ in
 „illo remansit inter lavandum.] Similiter apud Benignianos, sed apud
 „Cistercienses, Bursfeldenses, Casalinos, adhuc prius : nimirum apud
 „Cistercienses ante Tertiam : [Diaconus & Subdiaconus cum mani-
 „pulis, *inquit liber Usuum*, eant præparare altare petentes veniam ad
 „gradum altaris, & ponentes textum super analogium, & Missale super
 „altare in dextro cornu. In sinistro verò ponant terforium sub palla, cui
 „benedicta superponitur. Quatuor enim pallæ absque sudario super altare
 „poni debent. Postea præparent ministerium quod est juxta altare, in
 „quo ministratur, ponentes calicem desuper cum corporali, & offerro-
 „rio, & sedes in quibus sedent Sacerdos, & ipsi ministri, & piscinam. . . .]
 „Facta verò confessione, [Diaconus si spatium habuerit antequam Sa-

cerdos dicat *Dominus vobiscum*, ponat corporale super altare, & liniens calicem intus aqua, ministrat panem super patenam, & vinum in calice, Subdiacono ei ministrante &c.] Similiter & Bursfeldenses: [Diaconus si spatium habuerit antequam Sacerdos dicat: *Dominus vobiscum*: sin autem post finem collectarum extendat super altare corporale in longum, non tamen explicet ne pulveribus maculetur, ministrans panem super patenam, & vinum in calice.] Apud Casalinos verò choro Missæ introitum canente, Diaconus & Subdiaconus exhibant, ad altare discooperiendum, super quod Subdiaconus in dextro cornu Missale ponebat, Diaconus vero corporalia explicabat, & super ea calicem, quem secum veniens cum pane detulerat, nudatum reclinabat, Clerico interim vinum & aquam deferente, & luminaria juxta ritum monasterij accendente. Propius ad Cassinensium nostrorum ritus monachi Cartusienfes, apud quos cantato symbolo *Et homo factus est*, lotisque manibus, Diaconus [mox caplam corporalis apertam profert Sacerdoti, ut ipse sumens corporale, sic idem super lapidem altaris consecratum expandit, ut aliqua sit distantia utrimque tam inter frontem altaris, quam illius tabulam, & corporale;] si verò non canteretur symbolum, lecto Offertorio, lotisque manibus, [corporale suscipit si hæc jam ante non egerit: deinceps calicem accipit à Diacono osculante manum ejus.

18. Allatis per Subdiaconum calice, patena cum oblatis, & corporali; [Tunc, *subjungit Rituale Cassi.* Diaconus prius accepto corporali, ornet altare in dextro latere. Deinde accipiens patenam cum oblatibus offerat Sacerdoti; calicem verò ipse Diaconus accipiens ponat super altare. Iterumque acceptam ampullam à Subdiacono cum aqua, fundat in calicem faciens crucem, & operiat eum dimidia parte ipsius sindonis. Ita tamen ordinandum est, ut calix & oblata juxta ponantur, calix in dextra parte, oblata in sinistra.] Hic multa sunt observanda. Primò quod Diaconus corporale non in ipso altaris medio explicabat, sed in dextra ejus parte: Accepto corporali ornet altare in dextro latere; è contra apud Cistercienses in medio: [Diaconus autem, *inquit liber Vsum*, displicet corporale, habens tres plicatus in latum, & quatuor in longum, medium latitudinis ponens in medio altaris.] Similiter & Bursfeldenses in Ordinario c. 44. Apud Cluniacenses & Benignianos singulari omnino ritu corporale explicabatur, quem ita describit Udalricus: Diaconus [utrumque corporale vel quod in altari semper jacet, vel quod Subdiaconus apportavit, accipiens expandit; pollicem tamen & indicem utriusque manus combinatos diligenter constringit, ne vel ipsa corporalia cum eis tangat cum quibus hostias habebit in proximo tangere, & tractare;] quod lotis manibus præstabat dum Sacerdos oblationes reciperet.

19. Secundò Diaconus oblata Sacerdoti patena cum pane, calicem super altare ponebat; haud dubium ut una utriusque simul oblatio

- fieret, non separata, ut nunc usus obtinet, quod patet ex libro Usuum
 c. 33. Cisterciensium: Diaconus [statim post *oramus*, opertis manibus de
 offertorio, tenens sinistra manu pedem calicis, dextra patenam offerat
 Sacerdoti simul utramque manum ejus semel osculans: Sacerdos simul
 utrumque assumens deponat juxta corporale ad dextram partem, relin-
 quens ea Diacono preparanda, & postea trahat se ad sinistrum cor-
 nu altaris, ibidem consistens donec recipiat thuribulum ad thurifi-
 candum calicem; Ex M.S. Consuetudin. Guillelmi primi Abbatis Gran-
 dim. c. 129. [Post offerendam d. & m. Sacerdos accipit calicem cum pa-
 ne, vino & aqua mixta, & offert in medio altaris;] Ex Ordinario Burs-
 c. 44. feldensium: [Postquam Sacerdos offertorium dixerit, ipse Diaconus
 ad dextram ejus stans, tenensque sinistra manu pedem calicis, dextra
 autem patenam, parum elevatas super altari, offert Sacerdoti dicens
 submissa voce: *Immo! a Deo sacrificium laudis, & reddae Altissimo vota*
tua, quod in Missi soli Abbati adscriptis fieri consuevit; Sacerdos
 verò elevatis manibus dicens: *Veni invisibilis sanctificator spes aeternae*
Deus, Benedic, facit desuper crucis signaculum; complosisque ma-
 nibus dicendo: *Quid retribuam Domino pro omnibus quae retribuit mihi,*
 & continuo subjungens, *Calicem salutaris accipiam*, ipsam oblationem
 de manibus Diaconi suscipiat, tenensque eam parum elevatam ante
 pectus, hanc tota devotione prosequitur orationem: *Suscipe sancta Tri-*
nitatis hanc oblationem, ut dum in illa, seu aliunde, quolibet loco *Iesus*
 vel *Maria* dixerit, reverentiam faciat modicè incurvando genua:
 Finita autem oratione, cum dicit *In nomine Domini nostri Iesu Christi*,
 facta cruce cum calice, ipsum super corporale deponat in secundo pli-
 catu anterioris & sinistrae, dextraeque partis, & panem ante calicem.]
 c. 15. ex Ceremoniali M. S. Cafalis Benedicti: [Absoluto offertorio, cum
 dextra manu removeat parvum corporale, quod est supra calicem,
 & continuo calicem cum patena & oblata accipiens, honestè ante
 pectus teneat elevatum, oculisque sursum erectis, ac reverenter toto
 corpore paululum inclinatus, & contra altare modicè appodiatu dicat
 hanc orationem: *Grata sit tibi Domine Deus haec oblatio, quam tibi offe-*
rimus pro nostris delictis & ecclesiae tuae sanctae catholicae, amen.] Quod etiam
 patet ex Ordinario Cartusienium c. 26. n. 20. Et tamen olim saltem
 in aliquibus ecclesiis tam panis quàm vini, sua utriusque erat spe-
 cialis ac singularis oblatio; ut videre est in antiquo Ordine celebra-
 ndi Missam, quem ex codice Tilliano edidit Menardus noster in Ap-
 pendice ad librum Sacramentorum S. Gregorij Papæ p. 269. In eo
 enim distinctæ & diversæ preces leguntur, ad oblationem primum obla-
 tarum, deinde calicis.
 20. Tertio non legimus in prædicto Cassinensium Rituali Diaconum
 infudisse vinum in calicem, sed tantum Subdiaconum patenam cum
 oblata, & calicem cum vino obtulisse Diacono, Diaconum verò Sa-
 cerdoti, quod signum est jam antè vinum in calicem infusum fuisse,

& fortè ante Missam; quod apud Cistercienses, & Bursfeldenses præstabat ipse Diaconus statim post confessionem, ut supra vidimus; Apud Casalienses ante evangelium immediatè, Cartusiani verò vinum in calicem fundunt priusquam Missa incipiatur. Alius apud Cluniacenses usus omnino vigeat: Nimirum unus saltem ex præcipuis choro assistentibus panem vinumque in Missa consecrandum offerebat, ut supra vidimus; qui si Sacerdos aut Levita extitisset, vinum ipse in calicem sibi à Subdiacono tenente exhibitum infundebat, alioquin ipse Sacerdos; quo ex vino tantum reservabatur, quantum consecrationi sufficeret; reliquum verò alium in calicem transfundebatur à Subdiacono: [Consummata autem oblatione, inquit *Udalricus*, Subdiaconus portat hostias ad Diaconum secus altare stantem, & se operientem, ut de omnibus tres quas voluerit eligat ad consecrandum; propter quod dimissa patena cum hostiis super altare, vinum quod oblatum est funditur ab ipso quoque Subdiacono in alterum calicem, tantumque relinquit quod sufficit ad consecrationem. "

21. Quartò Diaconus ex Cassinensium Rituali aquam in calicem non miscebat nisi post oblatum Sacerdoti calicem. Hunc ritum videre est in supra citato antiquo ordine Missam celebrandi Codicis Tilliani, in quo post orationem, quam Episcopus calicem offerens dicebat, alia subiungitur oratio *ad miscendum vinum cum aqua: Deus qui humane substantia* &c. Apud Cistercienses & Bursfeldenses vino in calice infuso, statim miscebatur aqua; neque à Diacono aut Subdiacono, verum ab ipso Sacerdote aut Abbate. [Et notandum, inquit *liber Vsum*, quia live " c. 93.
Diaconus live Subdiaconus sit qui ministrat, prius vinum infundat: " Deinde ampullam cum aqua Sacerdoti tradat, *quando eum videris magis expeditum*, & Sacerdos aquam in calicem fundat, deinde posita " patena super calicem, cooperiat eam de offertorio;] Et Ordinarium " Bursfeldensium: Diaconus [ministrans panem super patenam, & " vinum in calice, aquam verò ministrante Diacono misceat Abbas *per se*, " & fiat mixtura cum parvo cocleari in omni Missa. Infusa autem aqua " dicat: *Fiat hac commixtio vini & aqua pariter salutare sacramentum: " In nomine Patris, & Filii, & Spiritus sancti.*] Cartusiani etiam vinum " ut diximus, ante Missam, aquam verò tantum ad offertorium mittunt " in calicem;] tunc enim Sacerdos calicem accipit à Diacono osculante " Ord. Cartus. " c. 16.
manum ejus: ibidemque expectat calice superposito altari donec Diaconus aquam infundente dixerit: *De latere Domini nostri Iesu Christi exivit sanguis & aqua in remissionem peccatorum*, & addens: *In nomine Patris & Filii, & Spiritus sancti, amen*, integram oblationem signaverit.] Casalienses verò eodem simul tempore vinum & aquam in calice miscebant; sed Diaconus vinum, Sacerdos aquam fundebat, idque immediate antequam Sacerdos Evangelium legcret: [Diaconus tamen illic assistens, calicem sinistra manu teneat sine patena; dextera verò utceolum vini in manu Subdiaconi accipiens, coram presbitero vinum fun- " Cer. m. " M. S. " c. 18.

- „ dat in calicem ; presbiter verò sumto parvo cocleari paululum aquæ
 „ similiter infundat, atque dicat : *Fiat hæc commixtio vini & aqua pariter*
 „ *salutare Sacramentum : In nomine Patris , & Fi \times li , & Spiritus sancti.*
 „ *Amen* ; responso, subjungat hanc orationem : *Deus qui humana substan-*
 „ *tiæ , &c.* Quo facto, Diaconus ipse calicem super corporalia collocet,
 „ atque cooperiat sicut in privatis Missis fieri consuetum est, quo facto
 „ ad dicendum Evangelium properet Sacerdos.] Quoniam verò ritu aqua
 „ misceretur in calice apud Cluniacenses docet Udalricus, his verbis :
 1. 2. „ [Vinum quod oblatum est funditur ab ipso quoque Subdiacono in alte-
 c. 30. „ rum calicem, tantumque relinquit quod sufficit ad consecrationem ; ad
 „ quod tamen ipse non miscet aquam, quia ei nec vinum nec aquam licet
 „ infundere, sed allatam ampullam aquæ simul cum calice dat Diacono,
 „ ut ille misceat ; dat & linteolum, ut calix de foris tergatur diligenter, ne
 „ fortè quid vini vel aquæ exterius remaneat, & consecratum pereat. Hac
 „ vice non caver digitos Diaconus, quorum supra memini, disjungere
 „ qui has hostias jam posuit quas erat positurus, & sic tandem calice super
 „ altare posito, Subdiaconus cum patena & ampulla revertens, patenam
 „ hostiis refertam ponit super armariolum, & patenam in loco, quo so-
 „ let reservari] Simile aliquid habent cons. Benign. c. 21. Nec verò hîc
 „ prætereundum est quod in antiquo ritu celebrandi Missam codicis Salicofani legitur : [Cantor aquam linteo coopertam in festis Diacono
 „ deferat, quam Diaconus vino misceat aliis diebus ministrat eam
 „ Acolythus.
 22. Quintò Cassinenses calicem dimidia sindonis, idest corporalis,
 parte cooperiebant, idque etiam nunc præstant monachi Cartusien-
 „ corporale super calicem replicantes, quod & præscribitur in lib. Usuum
 „ Cist. c. 53. & in Ordinario Bursfeldensium, his verbis : [Plicatu verò
 „. 44. „ extremitatē partis corporalis calicem operiat, & patenam sub corporali
 „ in dextra parte abscondat, ita tamen ut circumferentiæ ejus pars ali-
 „ qua extensa remaneat.
 23. Sextò Cassinenses calicem & oblatas ita collocabant, ut calix
 dextram, oblata sinistram partem obtinerent, cujus ritus rationem
 „ hanc reddit Codex Prioratus Salicofani : [Sacerdos oblationem ita
 „ componat, ut in dextera parte hostiæ calicem constituat, à dextro
 „ enim latere Domini sanguis defluxit & aqua ;] & tamen Cistercienses,
 „ Bursfeldenses, Casalini, Cartusien-
 „ sesque monachi panem ante calicem
 „ non à latere collocabant, sed ita ut cum plures consecrarent obla-
 „ tas, unam ante calicem, reliquas separatim disponderent. Cluniacen-
 1. 2. c. 30. „ ses, teste Udalrico, tres quotidie consecrabant hostias, quas ex om-
 „ nibus oblatis eligebat Diaconus, Subdiacono reliquas super patenam
 1. 1. „ in armariolum deferente ; sed Dominica quinque consecrabant : [Tamen
 c. 8. „ ipsi unus offert, inquit Udalricus, sed quinque simul hostias, ut qui
 „ voluerint possint communicare.
 24. Ex his quinque mutabantur, [quatuor cum illis quæ in pixide

& in aurea columba super altare pendente jugiter servabantur maxime
 propter infirmos, ut quidquid de eis eveniat viaticum sit in promptu.]
 Nimirum, quod hoc loco prætermittendum non fuit, singulis Domi-
 nicis Corpus Domini renovare solebant, neque ultra unius hebdomadæ
 spatium eisdem sacras hostias reservare fas erat, ut patet tum ex Udal-
 rico l. 2. c. 30. tum ex Germaniæ conf. n. 21. tum ex l. Uf. Cist. c. 53. qua
 de re extat Concilij Eboracensis in Anglia anno 1195 Decretum in
 hæc verba: [Provideatur etiam ut in pixide munda & honesta hostia
 reseretur, singulisque Dominicis diebus renovetur;] Concilij Lon-
 donensis anno 1200. [Renovetur quoque hostia ipsa singulis Dominicis
 diebus, habeaturque certitudo circa ipsam Eucharistiam, ita quod
 non sumat non consecratam pro consecrata;] Concilij Wigorniensis
 an. 1240. [Circa species quæ exiguntur ad hoc Sacramentum quod pie
 recordationis W. prædecessor noster statuit in prima constitutione appro-
 bantes, & verba canonis distinctè proferenda, de hostiis consecratis non
 ultra septem dies conservandis, ut fortè per vasis vitium vel diuturnam
 conservationem humiditatem contrahant, aut mucorem propter abomi-
 nabiles gustui vel aspectui turpes appareant, firmiter præcipimus quod
 ipse super hoc provide statuit observari;] Concilij Exoniensis an. 1287.
 [Habeat Sacerdos parochialis propter infirmos semper hostias conse-
 cratas, quas ultra septem dies conservari firmiter prohibemus; &c.]
 Concilij Wintoniensis an. 1308. [Ne autem ipsa Eucharistia commu-
 nicantibus reddatur abominabilis; præcipimus quod ipsa in vase mun-
 do & contra vintorem, seu humiditatem apto, & non ultra octo dies
 postquam consecrata fuerit conservetur;] Quibus accedunt constitu-
 tiones Richardi Episcopi Sarum apud Spelmannum Tom. 2 Concil. Angl.
 ad an. 1217. decernentes, ut [Eucharistia in munda pixide conservetur,
 nec ultra septem dies serventur hostiæ consecratæ, sed qualibet heb-
 domada die Dominica innoventur;] Constitutiones Richardi Episcopi
 Dunelmensis an. 1220. & Constitutiones Episcopi anonymi an. 1237.
 ibidem rem eandem statuentes. Cartusienles tamen monachi Eucharis-
 tiam non renovabant nisi bis in mense; ex tertia statutorum compi-
 latione c. 1. §. 62.

25. Porro cum renovaretur Eucharistia, Diaconus apte oblationem
 à Sacerdote faciendam, conservatas in pixide consecratas hostias ad
 altare deferrebat, deponere ut patet ex M. S. consuetudinibus S.
 Germani à Pratis, ubi ad Dominicam primam Adventus hæc lego:
 Subdiaconus [accipiet calicem cum offertorio & veniet ad suscipien-
 dum oblationem juxta altare, unus de Prioribus ordinis debet facere
 oblationem. . . & debet Sacrista deponere Corpus Domini, & Dia-
 conus illud suscipiens honorificè cooperiet eum juxta calicem. Obla-
 tione facta suscipiet eam Diaconus & cum magna diligentia ordi-
 nabit hostias, & cooperiet calicem.] Ritum hunc paulò fusiùs descri-
 bunt Bursfeldenses in Ordinario: [Quod si vasculum in quo servatur

can. 1

apud

I pel.

to. 2.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

ibid.

c. 44. „ communio sacra pro infirmis deferri debeat super altare, sub *Credo*,
 „ aut alias dum magis vacat, apportetur à Diacono, quem præcedat
 „ Subdiaconus ferens manu una cereum ardentem, & alia stillam a.
 „ Quam inter eundum continuò pulset, quod simili modo fiat dum circa
 „ antiphonam post finem Missæ refertur in locum suum. Diaconus verò
 „ stans ante altare in dextro cornu versa facie ad chorum tenensque utra-
 „ que manu vasculum, sive cum ipsum apportaverit, sive cum ipsum
 „ referre voluerit, cum eo signum crucis faciat versus chorum;] & Ca-
 „ salini in ceremoniali M. S. [Quoties sub Missa conventuali pretiosissi-
 c. 18. mum Christi corpus è sacratio, ubi reponi consuevit, super altare
 „ fuerit deferendum, postquam cum Presbitero ministri ex integro di-
 „ xerint *Credo*, Diaconus ipse præcedente Subdiacono cum thuribulo,
 „ quod semper est adhibendum etiam die privata, si contingat pretio-
 „ sissimum Christi Corpus à loco suo transferri sive deponi; cerofera-
 „ riis tamen cum duabus tædis versus sacrarium præcuntibus, ac omni-
 „ bus genua flectentibus, illud incenset. Quo factò illud ad altare per-
 „ ferat, & super corporalia demittat; Subdiacono inter eundum & re-
 „ deundum si fieri potest à latere thurificante. Sic tamen moderentur om-
 „ nia in ipso accessu ad altare, ut dum chorus canit: *Et homo factus est*.
 „ sub illis verbis dictum pretiosissimum corpus super altare præcisè re-
 „ ponatur, omnibus tam propter verba hæc: *Et homo factus est*, quàm
 „ propter reverentiam Dominici corporis genua flectentibus. Reposito
 „ autem Dominico corpore super altare, Diaconus genua flectens in me-
 „ dio illud reverenter incenset, Sacerdote à medio altaris paululum se-
 „ moto, atque juxta sinistrum altaris cornu genua flectente; quod &
 „ observetur quando idem pretiosissimum sacramentum ad sacrarium
 „ refertur.] Apud Cluniacenses hoc præstabat Diaconus ante Missam,
 „ testante Udalr. l. 2. c. 30. his verbis: Sciendum quoque quoniam omni
 „ die Dominico Corpus Domini mutatur, & dum Sacerdos procedit ad
 „ pacem, recens consecratum à Diacono in pixide cortica reponitur. ...
 „ Prædictam autem pixidem dum psalmi familiares post Tertiam dicun-
 „ tur, Diaconus de columba jugiter pendente super altare, bene cum lin-
 „ teolo de pulvere exterius terla abstrahit, & super dextrum cornu sub
 „ coopertorio ponit, Missæque finita in eodem loco reponit.] Idem ha-
 „ bent Divionenses S. Benigni conf. c. 21. Hic obiter observandum est
 „ Bursfeldenses, Casalinosque nostros saltem communiter extra altare
 „ Christi Corpus in Eucharistia reservasse; Sangermanenses verò Benignia-
 „ ni, Cluniacensesque super altare, idque in columba aurea suspensum
 „ ut de Cluniacensibus adfirmat Udalricus l. 1. c. 8. Sed de his satis; Missæ
 „ celebrandæ ritus prosequamur.

26. Facta panis ac vini per Sacerdotem oblatione, super oblata solebant
 incensum adolere; ejus rei antiquum habemus exemplum inter Patr.

• forte squillam

apophtegma

apophteg. tom. I. Mon. Eccl. Græc. p. 491. ubi dicitur de Abbate Isaaco
[quod cinerem thuribuli oblationis manducaret cum pane suo.] Ritu
verò ita exprimit Rituale Cassinensium [Tunc Sacerdos suscepto thu-
ribulo à Diacono facit incensum super calicem & oblatas, & reddit
thuribulum Diacono, cum quo Diaconus faciat incensum in circuitu
altaris, & præbens incensum Sacerdoti reddat Acolytho, ipseque stet
in loco suo post Sacerdotem.]

27. Hic tria notanda, 1. quod Sacerdos sola thurificaret oblata. 2. quod
Diaconus postea in circuitu altaris incensum faceret. 3. quod deinde
solus Sacerdos à Diacono incensaretur. Eadem videre est in antiquo ritu
celebrandi Missam codicis Salicofani: [Sacerdos oblationem ita com-
ponat, ut in dextra parte hostiæ calicem constituat, . . . sicque corpo-
rali cooperta incensum desuper offerat, & sic Diacono præbeat, Dia-
conus verò in circuitu altaris deferat, postea Sacerdoti; deinde ministro
reddat, ut clero populoque deferat.] Amplius aliquid præstabant Clu-
niacenses de quibus Udalricus: [Sacerdos interim calicem & hostiam
incensans facit cum incenso super ambo tres cruces, & unum quasi cir-
culum. Incensat quoque contra utraque altaris cornua, dextrum & fini-
strum quantum manum extendere possit pedibus tamen immotis: Deinde
reddit thuribulum Diacono, qui prius incensat Sacerdotem, & casulam
inter brachia versus pedes trahit, postea faciem dextri cornu altaris, &
superficiem ad extremum sinistri faciem & superficiem. Si verò dies festus
adest, quinque illa altaria & principalia proxima incensat, & illud ad
quod conventus ad Vesperos & Matutinas Laudes ivit, ubi & cereus tam
in nocte quam in die ardet. . . . Postquam autem Diaconus altare, vel si
forte affuerit, iuxta columnam ciborij stans thuribulum Converso reddit
à quo & incensatur. . . . Conversus quoque, si cappa est in choro, prius
illum incensat qui ea indutus est; deinde incipiens à dextra eodem mo-
do & ordine thuribulum portat quo superius diximus his qui sunt in cho-
ro majori vel minori; hoc plus faciendo, quòd in minorem chorum exit
prius ad dextram, postea ad sinistram. Post hoc verò exiens incensat
eos qui extra chorum sunt, incipiens ab introitu chori in superiori
parte, deinde alios, sicut sunt in stationibus suis per circuitum; po-
streind ipsa minora altaria quæ sunt prope chorum, quæ à Diacono
non incensantur, in anteriori parte, & in latere dextro, & in sinistro,
non tamen præsumit super altare manum extendere. Quod si aliquem
Sacerdotem Missam ibi cantantem ostenderit, vel ipse, vel Diaconus,
si competenter fieri potest, ei thuribulum offert, & ipse altare vel sa-
cræ oblationem incensans ei thuribulum reddit, ipseque Conversus
vel Diaconus eum reverenter incensare, & casulam inter brachia ap-
tare non negligit. Cum autem: *Per omnia secula &c.* ante præfatio-
nem audierit, si jam de incensandis altaribus rediit, vel si ibi præsens
est ut in privatis diebus, vadit post Sacerdotem retro &c.] In hoc

ergo discrepabant à Cassinensibus. 1. quod non incensum oblata thurificaret Sacerdos, sed utrumque insuper cornu altaris, eodem tamen in loco stans, & pedibus immotis. 2. prius Sacerdotem quàm altare Diaconus incensabat, 3. præter Sacerdotem Diaconus etiam Episcopo aut Abbati incensum præbebat. 4. cæteris diebus (id autem Dominica præstabat ex Udalrico ibi) etiam quinque minora altaria incensabat. 5. Diaconus ipse à Conuerso incensabatur. 6. chorum postea eosque qui erant extra chorum ideam Conuersus incensabat. 7. etiam minora altaria quæ Diaconus non incensasset; ubi etiam notandum quod Sacerdoti eisdem in altaribus celebranti thuribulum offerret; quæ quidem omnia offensus in consuetudinibus S. Benigni c. 21. nisi quod Diaconus majus & matutinale tantum altare incensaret. Cùm Clunaciensibus etiam conveniebant in aliquibus Parisienses nostri S. Germani, in aliis discrepabant.

Horum ritus ita repræsentant antiquæ consuetudines M. S. ejusdem monasterij: [Post hæc ministrabitur incensum Diacono ad benedicendum, & post Diaconus dabit Sacerdoti thuribulum osculata manu, incensatis corpore Domini & altari, suscipiet Diaconus thuribulum & stabit retro Sacerdotem, & incipiet Sacerdos: *In Spiritu*, inclinans se toto corpore, & erigens se, vertet faciem suam versus conventum dicens: *Orate* &c; & tunc debet Diaconus accipere Sacerdotem per inferiorem partem casulæ, & incensabit eum, & post etiam altare, & Sancta Sanctorum, & etiam sacrarium. Interim Subdiaconus præparabit patenam suam super altare B. Germani, & tunc Sacerdos dicet secretam suam. Interim incensabit servitor ecclesiæ conventum.] De Cisterciensibus ita liber Usuum: [Unus ministrorum, cujus officium est, teneat thuribulum ante Abbatem, vel ante Sacerdotem si Abbas deest, Subdiacono incensum tenente. Posito itaque incenso in thuribulo, qui thuribulum tenet offerat illud Sacerdoti, osculans ei manum; quod Sacerdos accipiens thurificet calicem isto modo: Semel volvat illud circa calicem, semel thurificet dextram partem altaris desuper, semel & sinistram, semel quoque anteriorem; quod dum fecerit Diaconus ponat manum suam sub asella ipsius tenens ei casulam ut expeditius possit agere. Quo facto, reddat thuribulum Diacono. . . . Diaconus autem thurificet prius dextram partem ipsius altaris bis de foris; deinde elevans manum thurificet bis crucem, & inde transiens per retro altare ad sinistram partem, thurificet eam, similiter & crucem; deinde reddat thuribulum Subdiacono, qui ponat illud ubi poni solet.] Bursfeldensium ritus habemus in eorum Ordinario his verbis: [Thuribularius præparet thuribulum, & tradat c. 44. Subdiacono, Diaconus verò incensum tenens in dextra ante Sacerdotem, illo benedicente hoc modo: *Acceptum sit hoc incensum omnipotenti Deo, & sit benedictum in nomine Patris & Filii, & Spiritus sancti*, imponat thuribulo, ipsumque thuribulum accipiens à Subdiacono, tradat Sacerdoti manum ei osculando. Sacerdos verò accepto thuribulo adoleat hoc mo-

do: prius cum thuribulo super oblationem tres cruces faciat, deinde ter
 volvat girando circa calicem, deinde semel thurificet dextram partem
 altaris, de super semel & sinistram, semelque anteriorem; & interim
 legat: *Incensum hoc à te Domine benedictum ascendat* . . . Diacono sup-
 ponente minum sub ascella Sacerdotis, & tenente ei casulam ut expeditius
 possit agere. Quo facto restituat Sacerdos thuribulum Diacono
 genui. Atenti ante se ad dextrum cornu altaris, qui suscepto thuribulo
 in dextra, ac sinistra trahens oram casulæ ipsam Sacerdotem trina vice
 thurificet, & postea altare incipiendo à parte dextra & circa medium,
 elevans manum versus crucifixum, & postremo sinistram partem, & in-
 de transiens per retro altare, thurificet ut moris est fieri in Vesperis &
 Laudibus. Postea reddat thuribulum thuribulario, qui incensatis
 prius Diacono, deinde Subdiacono, accedat ad chorum illic thuri-
 ficando singulos ordine suo.] Casalini denique in ceremoniali M. S.
 suum thurificandi ritum ita describunt: Sacerdos [prius cum thuribulo
 supra calicem unam crucem reverenter faciat, deinde ter lentè ducendo
 ipsum circumgyret calicem, postmodum thurificet dextram altaris par-
 tem semel, & sinistram, non se inde movendo, semelque inferiorem per
 longum ipsius altaris thuribulum ducendo: Interim verò dum hæc per-
 agit dicat: *Incensum* &c. Interim etiam Diaconus cautè sublevet casu-
 lam Sacerdotis ut expeditius thurificare possit. Thurificatione peracta
 Presbiter Diacono rediens thuribulum dicat: *accendat* &c. & respon-
 deatur: *Amen*: Diaconus verò illud à Sacerdote reverenter sumens,
 mox genua flectat ad dextrum altaris cornu, & Sacerdotem ad se con-
 versum incenset, quo incensato oram casulæ ipsius sinistra manu acci-
 piens, illam deosculetur, exinde ad reliqua altaria. si quæ in can-
 cello sint, assumpto secum uno ex thurificatoribus, si plures
 sunt, subsequente thurificando pergat.] Tandem apud Cartusianos
 Sacerdos [thurificaturus dicit: *Dirigatur Domine oratio mea sicut incen-*
sum in conspectu tuo, postea thurificat semel super calicem & hostiam in
 modum crucis dicens: *In nomine Patris & Filij & Spiritus sancti. Amen*,
 & semel in modum coronæ ducendo thuribulum ab Epistolæ cornu
 versus alterum post calicem; deinde semel ad crucem, semel ad cor-
 nu Epistolæ, semel ad cornu Evangelij, & ter inferius ante faciem alta-
 ris. Redditoque thuribulo Diacono lavat digitos, & extergit stans in
 cornu altaris, donec Diaconus ter ad corpus Domini thurificaverit.
 Quo facto ad medium altaris rediens expectat, donec Diaconus,
 qui interim altare circuit, reverius fuerit.] Hæc omnia fusiùs quàm fortè
 par erat referre oportuit, eo quod in singulis speciales diversique ritus
 advertimus. Ceterum quod de aliorum altarium à Diacono incensatione
 dicitur, hoc etiam nunc in nostro S. Dionysij in Francia monasterio
 observatur, ibi enim incensato à Sacerdote majori altari, Diaconus
 recepto thuribulo ad altare SS. Martyrum pergit, ac deinde ad Regum
 Christianissimorum sepulchra, tandemque ad chorum.

Ord.
Cart.
c. 26.

28. Postea Sacerdos osculato altari, conversus ad populum rogabat pro se orari dicens: *Orate fratres pro me peccatore*, quod apud Cartusianos non dicit nisi absoluto in choro offertorio. ^a Tunc verò ut subiungit Rituale Cassinensium, [Subdiaconus vadat post altare, & tenens patenam in manibus, stans erectus respiciat contra faciem Sacerdotis;] Quod Cassinensibus extitit singulare, nam apud Cluniacenses, Benignianos, Cistercienses, Bursfeldenses, Casalinos Subdiaconus non pone altare facie ad Sacerdotem conversa stabat; sed retro Diaconum manu sustentans involutam patenam, quam apud Cistercienses, & Bursfeldenses initio præfationis; Apud Casalinos post *Sanctum* à Diacono accipiebat. Apud Cluniacenses verò alius vigeat usus nimirum postquam consecrandas hostias de patena Diaconus acceperat, eandem oblati plenam ad armariolum Subdiaconus reportabat, aliamque assumens, primum linteolo ibidem jugiter dependente tergebat; deinde involutam manumque sustentandam secum deferens pone Diaconum sese collocabat. In Divionensi S. Benigni monasterio patenam in xij Lectionibus sustentare solebat unus ministrorum, manens pone Subdiaconum ex conf. c. 21.

c. 44.

In Ord.
c. 26

29. Præfationi Sacerdos præmittebat secretas orationes, sic dictas eo quod secretè, & sub silentio dicerentur. De his ita Bursfeldenses in Ordinario: [Diacono verò sub silentio orante psalmum: *Exaudiat*, cum tribus versibus sequentibus; Sacerdos dicat secretas præmittendo: *Domine exaudi orationem meam, & clamor meus ad te veniat* Oremus &c. quas dum legit, teneat manus oppanfas super calicem, combinatis tantum digitis consecratis utriusque manus. Dicendo: *Per omnia*, in fine ultimæ secretæ, manus levet super humeros.] Idem omisso *Domine exaudi orationem meam* observat apud Cartusienses Sacerdos choro interim tacente & cum Sacerdote secretè orante, quod etiam faciebant Grandimontenses ex M.S. conf. Guillelmi primi Abbatis Grandim. c. 129 dicto [*Orate fratres* à Sacerdote, ipse Sacerdos statim incipit dicere secretas orationes Missæ quo Sacerdote orante, debet chorus fratrum orare cum eo secretè & potest quilibet in Missa præsens dicere sicut Clericus: *Domine exaudi orationem meam*, vel *Exaudi Deus deprecationem meam*, vel Sacerdoti oranti secreto: *Suscipiat Dominus sacrificium de manibus tuis, & dimittat tibi omnia peccata tua*. secretas sequebatur præfatio, quæ pro diversitate temporis, aut festivitatis, erat diversa; tot quippe habebant præfationes distinctas, quot fere festivitates, ut passim videre est in antiquis missalibus & in M.S. con-

^a Observandum hinc antiquum Petri Venerabilis statutum, ne ad Missam matutinalem & majorem, finito cantu offerendæ usque ad præfationem conventus, ut olim fi bar, stare cogatur; sed mox ut cantus cessaverit, qui sedere voluerint sedent, tamen ut cum Sacerdos conversus ad chorum dixerit: *Orate fratres* modestè scabellis elevatis in illis subselliis quæ illis sedilibus inhaerent acclives ex more resideant privatis diebus; festivis autem inclinentur ante formas.

suetudinibus S. Germani à Pratis, sub quarum finem hæc leguntur :
 [Sequitur videre quando dicatur præfatio : In vigilia natalis Domini, in die ad tres Missas, in natali sancti Stephani, & Johannis Evangeliste, nec non SS. Innocentium, in Circumcisione Domini, in Epiphania, in festo S. Vincentij, in Hypapanti Domini, in vigilia Paschæ, & in die, & reliquis vij diebus ad utramque Missam, in Ascensione Domini ad utramque Missam, in vigilia Pentecostes, & in die & reliquis septem diebus ad utramque Missam; in solemnitate sanctæ Trinitatis ad utramque Missam, in Nativitate S. Johannis Baptistæ, in die Apostolorum Petri & Pauli, & generaliter in omnibus festis omnium Apostolorum, & etiam Evangelistarum, quæ sic incipit : *Te Dominum suppliciter exorare*; in Transfiguratione Domini, in die Assumptionis S. Mariæ, in octavis ejusdem ad utramque Missam, in natiuitate ejusdem, & octavis ejus, & generaliter in omnibus festis Beatæ Mariæ, in festo omnium SS. in Dedicatione Ecclesiæ, in Inventione sanctæ Crucis præfatio : *Qui salutem humani generis*; similiter in Exaltatione sanctæ Crucis eadem præfatio, in festo Sacramenti, & oct. ejusdem præfatio : *Qui per incarnati.*] & in libro Unum Beccensium, in quo capitulum 53. extat : [Quando debet dici ad Missam Credo in unum Deum, & præfatio, & quot collectæ ad majorem Missam;] ubi quod præfationem spectat ita habetur : [Omnibus Dominicis diebus, & omnibus festiuitatibus quæ in cappis, vel in albis fuerint præfatio dicitur, & in aliis simplicibus festis, & in vigiliis festiuis, si Dominica euenierint ad majorem Missam præfatio dicatur; item in nocte natalis, vel illucescente die, infra octavas quando vel magna vel matutinalis Missa de die Natiuitatis dicitur, præfatio ipsius dici dicatur; si aliunde fuerit præfatio non dicitur; in vigilia, & in die Paschæ, & in vigilia, & in die Pentecostes præfatio dicitur: in cæna Domini, & octo diebus Paschæ; similiter & Pentecostes ad utramque Missam præfatio ipsius diei dicitur; octava tamen die Paschæ matutinalis Missa de Dominica dicitur, hoc est : *Quasi modo geniti*, & ideo præfatio non dicitur, octava die Pentecostes Missa matutinalis de Trinitate dicitur, & præfatio idest : *Qui cum unigenito tuo* dicitur, privatis diebus ad Missam matutinalem præfatio nunquam dicitur, nisi festiue pro defunctis dicatur, vel de festiuitate ejus quartum responsoriū à duobus dicitur si die jejuniij dicitur. His ad le M. S. consuetudines Cluniacensis monasterij c. 102. ita statuentes: [His quoque tantūdiu præfationem ad Missam dicimus: vigilia Natiuit. Domini & ad tres Missas ipsius diei, natali S. Stephani, & S. Johannis Evangelistæ Sanctorumque Innocentium, Circumcisione Domini, Epiphania, Hypapanti Domini, vigilia Paschæ, in die sancto Paschæ & reliquis septem diebus ad utramque Missam, Ascensione Domini ad utramque Missam, vigilia Pentecostes, & in die, & reliquis septem diebus ad utramq; Missam, in solemnitate sanctæ Trinitatis ad utramque Missam, S. Johannis Baptistæ, vigilia Apo-

stolorum Petri & Pauli, & die; Festo S. L. urentij, Assumptione S. Mariae ad utramque Missam, Nativitate ejusdem, solemnitate omnium Sanctorum, & S. Andreae, & Dedicatione Ecclesiae;] sed hujus modi praefationes ad denarium numerum restrinxit Conc. Wistmonasteriens. ann. 1175. quem nunc retinemus servabantque olim nostri Divionenses S. Benigni, reiectis aliis quibuscumque ex Conf. S. Benigni, c. 28.

30. Quonam vero ritu dicerentur ita describit lib. Usuum Cisterc. c. 53. [Ut autem Sacerdos finierit secretas, retrahat se contra medium altaris, dicens: *Per omnia saecula saeculorum*, sed non elevans manus usque ad *Sursum corda*. Diaconus autem audiens: *Per omnia saecula saeculorum*, veniat post ipsum Sacerdotem supplicans ad altare, & stet habens faciem ad Sacerdotem usque ad *Pater noster*. Subdiaconus eadem hora accipiat patenam offertorio coopertam, & veniat post Diaconum, supplicans circa altare. Deinde erigens se, supponat sinistram manum brachio dextro, ut levius ferat ipsam patenam; qui Subdiaconus signet se ad *Sanctus* de ipsa patena; Diaconus similiter signet se, manens curvus dum ipse dixerit: *Sanctus Sanctus Sanctus* breviter sub silentio. Finita vero praefatione, Sacerdos inclinet se ante altare dicens, *Sanctus Sanctus Sanctus* breviter, & signans se mox, incipiat. *Te igitur*;] Et Bursfeldenses in Ordinario suo: [Sacerdos dicendo: *Per omnia* in fine ultimae secretae, manus levet super humeros: Ad *Sursum corda* crucem pectori imprimat cum pollice dextrae manus: Postquam dixerit: *Gratias agamus Domino Deo nostro* manus jungat, inclinans reverenter cum capite, inclinet etiam parumper conjungendo manus ad *Per Christum Dominum nostrum*. Ad *Sanctus* autem profundius incurvatur, complofis manibus, quarum extremitates digitorum labium altaris contingant, ita manens usque ad *Benedictus*, quod dum incipit, erigendo se cruce signat.] porro apud Cistercienses ad *Sanctus* se se conventus inclinabat; ad *Pleni sunt* se erigebat, & ad *In nomine Domini* signabat se, ex lib. Us. c. 56.

§. 3.

De Canone usque ad finem Missae.

1. DE Canone, ut vocant, Missae usque ad orationem Dominicam ne quidem unum verbum in Rituali Cassinensium, vixque aliquid de eo reperire licet apud Udalicum, aut in M. S. conf. Cluniac. Benig. lib. Usuum Cisterc. consuetudinibusque Sangermanensibus. Bursfeldenses, & Casalini eosdem, aut pene eosdem ac nos ritus observabant: Si quid autem diversum aut singulare alicubi fuerit observatum, huc breviter adnotandum est.

a. Illud autem imprimis praetermittendum non fuit quod de Clunia-

censibus scribit Udalricus, præscribuntque cons. S. Benigni c. 21. [Unus autem ministrorum, qui semper duo debent esse, stans cum flabello prope Sacerdotem, ex quo muscarum infestatio exurgere incipit, donec finiatur, eas arcere à sacrificio a, & ab altari, seu ab ipso Sacerdote non negligit. Diaconus verò, Subdiaconus, & unus ministrorum, si dies festus est, acclives postea manent orationi intenti,] & M. S. consuet. Guillelmi primi Abbatis Grandim. [Dicente ergo Sacerdote: *Te igitur*, & usque, *sed libera nos à malo*, Diaconi. & alij ministri in orationibus humiliato capite perseverare debent.] Secundo Cartusienes ad hæc verba: *In primis que tibi offerimus*, elevabant manus, & expansis in modum crucis tenebant ulque ad *Hanc igitur*, b

3. Tertiò Cistercienses facta consecratione hostiam & calicem adorandam populo non ostendebant, ut patet ex libro Usum: [Cum pervenerit ad: *Qui pridie quam pateretur*, sumat hostiam, & elevans ante calicem pauld altius inter alios digitos, quos ad hoc conservavit, benedicat eam: si verò plures fuerint, non deponens ipsam, quam tenet, & simul omnes benedicat; & iterum utraque manu eam teneat, usquequo dicat: *Hoc est enim corpus meum*; & tunc remittet eam in loco suo. Cum autem dixerit: *Simili modo postquam cænam est*, accipiat calicem stringens corporale cum calice inter utramque manum, & sic elevet eum paululum usque ad signum faciendum, & tunc deponat faciens signum crucis desuper, quod postquam fecerit, elevet sicut superius donec dicat: *In mei memoriam faciens*; & tunc dimittat.] Ita primi Cistercienses qui tamen non multò post in capitulo Generali ann. 1215, statuerunt, ut [cum Missæ celebrantur, consecratione peracta, hostia elevetur. In Missis verò de conventu in ipsa elevatione minor campana uno ictu pulsetur, & omnes qui audierint, exceptis his qui in dormitorio fuerint, petant veniam, nec à terra surgant qui in choro fuerint, donec post consecrationem elevet manus.]

a Hunc ritum respicere videtur locus ex vit. S. Euthymii n. 78. tom. 1. monum. Eccl. Græc. [Aliquando una Sabbatorum iste quidem Deo ministrabat, eique instructionem offerebat sacroscium: Donatianus autem adibat ad dexteram partem cum mystico illo ventillibro,] & Theodoretus in vit. S. Nicetæ Hegumeni monasterij Medieasis in Bithynia n. 14. apud Boll. 1. April. [Quando divina peraguntur mysteria ... S. Athanasius intendendo ad rem animo assistebat, liturgicum tenebat flabellum, erat enim Diaconus, &c.] & Venosinus Abbas in vit. S. Petri Abbatis Cavenf. num. 11. apud Boll. 4. Martij: [Cum in ecclesia S. Iohannis missas celebrares, & quidam flagelli ministerium negligenter exhiberet lampadem impulit, & oleum super altare fudit &c.] Denique Hildebertus Polse. Cænom. epist. 8. quem vid. & Clement. 18. c. 11. Porro isti apud nostros distincti erant à Diacono, Subdiacono, Ceroferariis, & thuribulario, quorum officium describitur in Benigianis Consuet. c. 15.

b Cujus ritus sit mentio in M. S. cons. Guillelmi primi Abbatis Grandim c. 129. & in vit. S. Elphegi Cantuar. Episc. n. 12. apud Boll. 19. April. Cum manus ecclesiastico more tenso in altum porrigeret &c.

cerem. Cafalini ad elevationem SS. Sacramenti cantabunt stropham : *O salu-*
 m. s. *taris hostia*, idque *propter instantes necessitates bellorum & hæresim.*

4. Quartò. Tam apud Cistercienses, quàm apud Cartusienſes Sacer-
 c. 19. dos post consecrationem manus expansas in formam crucis tenebat,
 Ord. Cartus. quas tamen dimittebat, cum calix aut hostia esset signanda; sed hanc
 c. 27. manuum expansionem, licet à nonnullis fieri consueantur, Bursfel-
 denses prohibent in Ordinario c. 45.

5. Quintò In nostro S. Germani Pratenſis monasterio ad hæc verba:
Supplices te rogamus, Diaconus manus lavabat ex M. S. consuetudini-
 bus: [Quando Sacerdos dicet : *Supplices*, Diaconus inclinabit toto cor-
 pore sicut & Sacerdos; & tunc ibit lavare manus suas, & veniet retro
 Sacerdotem;] quem ritum à Cluniacensibus mutuati erant Sangerma-
 nenses nostri, ut patet ex Udalrico ita scribente. [Notat tamen Dia-
 conus quando Sacerdos ad *supplices te rogamus*, inclinatus se erexit
 & tunc quoque ipse se elevans, ut quatuor digitos quibus Domini-
 cum corpus tangendum, & dividendum est abluat; in partem ante
 supra dictum armariolum secessit ... Digitis ablutis, & tersis ad locum
 ubi primitus inclinatus manebat redit.

6. Sextò. Paulo antequam Sacerdos orationem Dominicam incipe-
 ret, Diaconus accedens ad Sacerdotem discooperiebat calicem, aut solus,
 ut apud Sangermanenses & Grandimontenses, aut simul cum Sacerdote,
 ut apud Cluniacenses, & Cistercienses, prius tamen osculato altari, ut ob-
 servabant Cistercienses; aut humero Sacerdotis, ut præscribunt M. S.
 consuetudines sancti Germani à Pratis; aut altari simul & humero Sa-
 cerdotis, ut de Cluniacensibus narrat Udalricus, & Grandimontensibus
 præscribit Guillelmus primus eorum Abbas in M. S. consuet. c. 129. quod
 etiam habent Divionenses S. Benigni cons. c. 21.

7. Factis à Sacerdote cum Dominico corpore super calicem cruci-
 bus, statim Diaconus eundem cooperiebat apud Cluniacenses, Divio-
 nenses & Cistercienses; quod tamen Sangermanenses non præstabant,
 nisi ad *panem nostrum*; Grandimontenses nisi finita oratione Domi-
 nica. Interim Subdiaconus accedens ad Diaconum patenam quam ha-
 ctenus sustinuerat eidem tradebat, ille verò Sacerdoti. Rem ita descri-
 bit Udalricus: [Subdiaconus non prius se erigit, neque de loco in
 quo post Diaconum acclivis ex quo *Sanctus* inceptum fuerat, manser-
 rat, recedit, donec à Sacerdote *Panem nostrum* in oratione Dominica
 dicatur. Sed tunc inde secedens, atque reverenter incedens, & lin-
 teamen de patena devolvens, manuque linteaminis parte involuta ip-
 sum tenens, partem ejusdem linteaminis pendere ex industria facit, ut
 Diaconus quoque cum digitis mediis linteamine involutis eandem
 patenam ab ipso osculante ei manum accipiens, finita oratione Domi-
 nica offerat Sacerdoti: propter quod tamen pollicem & indicem
 minime disjungit, sicut tunc non disjunxit quando calicem cum Sa-
 cerdote levavit.] Idem habent cons. Benignianæ c. 21. in quibus additur:
 [Cum

[Cùm in duodecim Lectionibus patenam minister tenet ipse eam Sub-
diacono, ille verò Diacono, ut dictum est, offert:] & M. S. Consuetud.
S. Germani à Pratis: [Subdiaconus incepto *Pater noster* debet disco-
operire patenam, & quando dictum fuerit: *Panem nostrum*, debet
venire ad altare, & tradere patenam Diacono, & osculari manum ejus;
& Diaconus dabit eam Sacerdoti dum opus fuerit; & tunc venient juxta
Sacerdotem, & flectent genua, & dicent *Agnus Dei*.] Finita oratione
Dominica, & tradita Sacerdoti patena, Diaconus & Subdiaconus ge-
nua flectebant, ut habent consuetudines S. Germani vel quid simile
faciebant; quod non obscure insinuat Udalticus dum ait: Postquam
verò Diaconus Sacerdoti patenam obrulit, ibi prope dextrum cornu al-
taris orationi, si sapit, intentus manet acclivis, donec: *Per omnia secula*
seculorum dicatur; quæ etiam verba leguntur in Benignianis Conf. c. 21. l. 2.
c. 30.

8. Sacerdos verò acceptam patenam deponebat super corporale ad ca-
licis pedem, ex Udaltico; & conf. Benign. c. 21. subtus, vel si conven-
tus ibat ad pacem super ex lib. Us. Cist. vel tandem ad caput elevatam
tenebat ex Ordinatio Bursfeld. c. 45. Postea sacram hostiam sumens
tres dividebat in partes: Deinde pacem Diacono, ceterisque dabat;
Tum sacram communionem volentibus communicare distribuebat: hæc
tria breviter tangit Rituale Cassinensium, his verbis [Sacerdos autem
cùm dixerit, *Per omnia secula seculorum*, rumpat oblatam in dextro
latere super calicem, & cum ipsa particula oblata faciat crucem super
calicem dicens: *a Pax Domini*, & sic dimittat eandem particulam in
calicem; postea dicat *Agnus Dei*, & osculato altari convertat se, &
det pacem primum Diacono, deinde Subdiacono, & cæteris per
ordinem, & communicent. c. 29.

9. De fractione hostiæ ita M.S. Consuetudines Grandimont. [Sacerdos
post orationem Dominicam dictam, in fine orationis: *Libera nos quasumus*
Domine ab omnibus malis, &c. Dominicum corpus in tres dividit, & cum
illa parte quam calici immittit, dicit: *Pax Domini sit semper vobiscum*,
& parte hostiæ posita in calice, à Sacerdote pax Diacono, & à Diacono
Subdiacono datur;] quibus ex verbis colligimus hostiæ particulam
non ante *Agnus Dei*, ut apud Cassinenses olim, & etiam nunc apud
nos observatur, in calicem fuisse immisissam; sed postea: Ea siquidem
immissa, statim Diacono pacem dabat Sacerdos, quam tamen nisi
premissis *Agnus Dei* non præbebat: Hæc clarius patent ex libro Usuum
Cisterciensium in quo præscribitur, ut Sacerdos [dicendo: *Per eun-*
dem Dominum nostrum frangat Corpus Domini super calicem in tres c. 53.

a Apud Bursfeldenses ad *Pax Domini sit semper vobiscum*, conventus fronti, ori,
& pectori pollice dextræ manus crucis signum imprimebat ex Ordin. Bursf. c. 49.
Apud Cisterc. dicto semel *Agnus Dei* conventus genuflectebat, factaque mora unius
Pater noster, Cantor secundum *Agnus Dei* subjungebat, ex lib. Usuum c. 56. San-
germanenses etiam secundum & tertium *Agnus Dei*, non cantabant nisi facta fra-
trum communiione ex consuet. 14. 9.

partes, & dicto *Per omnia secula seculorum*, faciat ad *Pax Domini*
 intra calicem unam crucem, & aliam ad *sit semper*, tertiam ad *vobiscum*; & postquam ter dixerit *Agnus Dei* & dimiserit in calicem illam
 partem Domini corporis, quam tenebat in dextra manu dicens:
Hæc sacrosancta commixtio totam orationem sub silentio, divertat os
 ad Diaconum osculans illum;] & Ordinarium Bursfeldensium: [Dicto
 ter *Agnus Dei*, mittat ipsam particulam in sanguinem dicens: *Fiat*
hæc commixtio;] Ceremoniale Casalinorum: [continuo subjungat Sa-
 cerdos: *Agnus Dei*; quo ter dicto, mittat simpliciter sine signaculo ip-
 sum particulam quam dextra manu tenet, in calicem dicendo: *Hæc*
sacrosancta commixtio;] Apud Cartusienſes verò Sacerdos particulam,
 ipsam dimitit in calicem cum responderetur: *Et cum spiritu tuo*; & tunc
 dicit: *Agnus Dei*, semel, excutiendo digitos in calicem, & ipsum cooperit.
 10. Duas alias particulas super patenam depositas, prius excussis su-
 per calicem digitis, corporali tegebat, ut patet ex Udalrico: [Unam
 particulam, ut mos est, mittit in calicem, duas supra patenam, & cum
 corporali tegit utramque; prius tamen super ipsum calicem digitis
 quibus tetigit diligenter fricat, & excutit, ne quid fortè inter frangen-
 dum de corpore Domini adhæserit;] quæ totidem verbis leguntur in
 Benignianis conf. c. 21.

11. De pace plurima dici possent, hanc olim ad Missam omnes Christi
 fideles per mutuum osculum ante communionem sibi dabant, ut patet
 ex Tertulliano in l. de orat. Innocentio Papa I. in epist. ad Decentium
 Eugubinum Episcopum, August. ser. 83. de diversis, qua de re vide Me-
 nard in not. ad l. Sacram S. Greg. p. 376. Idem in signum mutui
 amoris & unitatis præstabant veteres monachi, unde S. Benedictus, in
 Regulæ cap. 63. præscribit ut omnes secundum conversionis ordinem ac-
 cedant *ad pacem*; & Adrevaldus in vita S. Aigulfi Abbatis Lirinensis
 de Columbo monacho omnium flagitiosissimo narrat, quod in insula
 Caprasia sacro Resurrectionis Dominicæ die Diaconatus officio fungens,
 Cum ad id loci ventum esset quo Corporis & Sanguinis Christi sacra-
 menta percepturi oscula sibi invicem libant, ille infelix non dubitavit
 à se sic crudeliter multatis oscula porrigere non columbina, sed pro-
 prius corvina, aut certè canina.

12. Pacis dandæ ritus apud eos diversi extiterunt; aut enim per oscu-
 lum, aut per instrumenti porrectionem id exquebantur. Aliquando
 etiam solis altaris ministris, aliquando omnibus in choro existentibus,
 aliquando uni dumtaxat choro, idque per vices dabatur. Hac de re sic
 scribit Udalricus in antiquis Cluniacensis monasterij consuetudinibus:
 Sacerdos [manus interim cum summo studio claudens, & in modum
 crucis ad pectus applicans, vertit se primum Diacono reverenter in-
 clinanti, & casulam cum duobus mediis digitis post pacis osculum
 inter brachia aptanti, dans illi pacem. Deinde Subdiacono; & in pro-
 cedendo contra conventum duobus ministris; ad ultimum veniens super

gradum ante analogium dat pacem ceteris, sicut annotari decrevimus, in quinque præcipuis festivitibus toto conventui; cæteris autem diebus, exceptis Sabbatis in quibus eveniunt jejunia quatuor temporum, & exceptis Missis jejuniis in festivitibus quadragesimæ, & reliquis jejuniis, in quibus festivas 12 lectionum evenit, quando una hostia offertur, & pax uni Diacono datur, sic itur ad pacem: in tertia, & quinta feria, & Sabbato semper dexter chorus vadit ad pacem; præter illum cui tale quid in nocte contigit: In secunda, quarta, & sexta sinister; In Dominicis autem alternatim, ut alter chorus in una, alter in altera, sicut alternatim incipiuntur hymni, antiphonæ, & Psalmi, ab uno choro in una hebdomada, ab altero in alia. Si vero revestiti sunt in cappis seu in albis, secundum dignitatem ordinis ibunt ad pacem, ut primo loco Sacerdotes sicut sunt priores, secundum Diaconi, tertio Subdiaconi, deinde alij sicut ordo eorum exigit; ad extremum Conversi. Si autem aliqui sunt in cappis, & aliqui in albis, & aliqui in frocis, vel cucullis, secundum dignitatem ordinis prius ibunt hi qui in cappis, deinde qui in albis, postremo qui in frocis, seu cucullis erunt, sicut semper prout ad conversionem venerunt, seu à Domino Abbate levati sunt, sive sint Cantores, sive Conversi. In privatis autem diebus Conversus qui servit de candelabro, quia alba indutus est, primus postquam Sacerdos super gradum venerit, vadit ad pacem.] Hactenus Udalricus fuisse, sed clarè Cluniacensium ritus exprimens quibus ferè in omnibus concinunt Divionenses S. Benigni Consuetudin. c. 21 in quibus additur: [Sacerdote ad pacem procedente, Diaconus ad altare accedit, nusquam recedens, donec Sacerdos redeat.] His subjicienda sunt nonnulla quæ habentur in M. S. Germaniæ consuetudinibus, his verbis: [Ad pacem Cantor inter majores & pueros vadit propter: *Agnus Dei*. Pueri cum magistris suis intermixti.] Et infra: [Illi quoque eant ad pacem qui oblationem obtulerunt.] De Cisterciensibus liber Uivum Cisterciensium: [Sacerdos, inquit, divertat os suum ad Diaconum osculans illum, & Diaconus Subdiaconum sibi invicem supplicando; & Subdiaconus similiter alium si pacem quaesierit eundo ad gradum;] & alibi: [Pacem nisi communicaturus nemo accipiat, nisi fortè Prior cum necesse fuerit, ut hospitibus porrigat, aut Subprior absente Priore, aut qui superior tunc fuerit ex omnibus in choro, si uterque defuerit. Diebus vero Dominicis & festis quibus solent ire Fratres ad communionem, Prior illorum qui communicare voluerit, veniens ad gradum accipiat à Subdiacono pacem: quo redeunte ad altare, qui communicaturi sunt ordine suo accedant ad Priorem, ita ut prior stet ad gradum, ubi pacem accepit, quo usque qui post eum primus est, pacem ab eo acceperit. Qua data secedat in dextrum chorum novitiorum. relicto ad gradum cui dedit. Qui & ipse ubi sequenti pacem dedit, manente ibi similiter cui dedit, cedat post Priorem. Et istis interim facientibus ad invicem confessionem,

„ cæteri sequantur per ordinem eo modo quo descriptum est de primis ,
 „ pacem ab invicem accipientes ordinatim post Priorem sese collocantes,
 „ bini & bini alterutrum confitentes , vultus suos post confessionem ad
 „ altare vertentes , nec ad sua stalla usque post perceptam communionem
 „ revertentes. Porro novissimus novitio dabit pacem occurrenti sibi in me-
 „ dio chori, qui portabit & Converso cum se ad ostium chori ostenderit ;
 „ Deinde ordinans se ultimus cum penultimo confiteatur.

M. S. „ 13. Apud Grandimontenses [A Sacerdote pax Diacono , & à Dia-
 conf. „ cono Subdiacono datur dumtaxat.] Cassinenses etiam tempore Bernardi
 c. 129 „ Cassinensis pacem sibi saltem omnes quotidie non dabant , sed diebus
 tantum solemnibus, ut colligere est ex eodem Bernardo in comment. ad
 „ Reg. S. Benedicti cap. 63. ubi sic loquitur : [Quod manifestius appa-
 „ rere potest apud nos in Natali Domini , Resurrectione & Pentecoste,
 „ quoniam singuli post *Agnus Dei* ante communionem ab Abbate pa-
 „ cem assumunt , & qui prior assumit , secundus in ordine stat , & ac-
 „ cedit secundus ab Abbate pacem sumpturus , qua percepta , à Priore
 „ stante pacis osculum sumit , & stat juxta Priorem ; accedit tertius ad
 „ Abbatem , & sumta pace ab Abbate , & primo , & secundo stantibus ,
 „ stat & ipse. Sic omnes ordinatim accedunt ad pacem , & singuli à sin-
 „ gulis pacem sumunt.

14. De suo S. Aniani S. Pontij Tomeriarum monasterio Petrus Bohe-
 „ rius , relatis mox citatis Bernardi Cassinensis verbis , in suo item Com-
 „ mentario ad reg. S. Bened. primo ita loquitur : [Hoc quidem apud nos non
 „ servatur , quia in Missa monachorum qui mundo sunt mortui , sicut in
 „ Missa mortuorum pax non datur , & est ratio quia in perturbatione hu-
 „ jus mundi non sunt ; verumtamen Abbas solus , vel Prior absente Ab-
 „ bate , vel alius post ipsos proximè stans , ipsis absentibus , recipit quo-
 „ tidie pacem in Missa conventuali Diacono ministrante.] Hac fortè ra-
 „ tione Bursfeldenses à danda sibi invicem pace abstinuerunt , saltem
 „ nullum hac de re verbum extat eorum in Ordinario. Casalini, Cartu-
 „ sianensesque non per osculum , sed per instrumentum pacem sibi exhi-
 „ bebant , quod ita præscribit Cæremoniale M. S. Casal. [Pacem Sacer-
 „ doti utrisque manibus Diaconus reverenter offerat , Magnatibus seu
 „ Ecclesiasticis sive Laicis , si qui præsentés fuerint , ut Episcopis & Con-
 „ sulibus , quam ubi osculati fuerint , illam ipse quoque mox osculetur ,
 „ osculandamque Subdiacono tradat , Subdiaconus verò illam thurifica-
 „ toribus Clericis , Ceroferariis ; demum omnibus Fratribus communica-
 „ taris , qui per ordinem ex utroque altaris latere tunc genua flectent ,
 „ & propterea tempestivè ante majus altare se ordinare debent , & qui
 „ illam offeret , sequetur ex integro unum ordinem , postea alterum] Vi d.
 „ Ordinar. Cart. c. 27. n. 12. & c. 29. num. 15.

15. Data omnibus quibus danda erat , pace , Sacerdos primus ,
 „ deinde singuli per ordinem sacram communionem percipiebant.
 „ De communiione satis multa in commentario , hic dicendum mihi

tantum superest, quoniam ritu perciperetur, quod ut expediam, singulas singulorum consuetudines per ordinem referre visum est. Cluniacensium ritus habemus in eorum M. S. consuetudinibus & apud Udalicum ubi sic describuntur [Sacerdore ad pacem procedente, Diaconus ad altare accedit, duasque hostias, vel si plures fuerint, ut in Dominicis frangit; & dividit; quas Sacerdos non divisit, duasque particulas illius hostie quam Sacerdos divisit separatim dimittit, ut de altera ipse, de altera Sacerdos communicetur, & si priusquam Sacerdos redeat, perfecerit; nusquam tamen recedit. Mox vero ut Subdiaconus, & ministri pacem acceperint, manus ablueri in piscina, quæ est prope altare non negligunt, & Subdiaconus patenam auream ad calicem pertinentem, quam posuerat super armariolum, reportat ponens super altare, & simul linteolum extensum in transverso altaris; & postea stat inclivis inter reclinatorium, & dextrum cornu altaris usque dum redeat. Qui rediens, & illam portiunculam Dominei corporis, quam sumpturus est, de patena accipiens cum duobus mediis digitis sinistrae manus, patenam modicè Diacono porrigit, & super calicem ipsam portiunculam sumens, postea eundem calicem cum sanguine Diacono dat. Unus autem de ministris tollit de armario scutellam, & allatam tenet cum linteolo super reclinatorium, quod est, quantum puto, propter hoc maxime factum inter duas ciborij columnas: super quod Diaconus mittit patenam in qua Dominicum corpus est divisum, calicem quoque cum sanguine dat Subdiacono intrinsecus stanti inter reclinatorium & altare: qui tenebit eum reclinem quam conjunctius poterit erga scutellam: communicat primus Diaconus, & post eum alij forinsecus accedentes, eo ordine quo & ad pacem, & præter illos qui in albis sunt, antequam communicent, cuncti veniam petentes, & manum Sacerdotis osculantes, tam illi, quam alij. Si quis autem qui non sit de illo choro qui vadit ad pacem voluerit communicare, facto inde signo illi qui servat ordinem, si Dominus Abbas vel Prior abest, accedit tam ad pacem, quam ad communionem in suo ordine. Debent autem singuli ita se scutellæ adjungere, ut si fortè inter sumendum Corpus Domini aliquando vel de ore sumentis, vel de manu porrigentis lapsus fuerit, nisi in scutellam cadere possit Quotquot autem ipsum corpus sacrum dederit, singulis sanguine prius intingit. Communicatis autem omnibus qui voluerint, & novissimè Subdiacono, qui semper per consuetudinem ad majorem Missam communicare debet, exceptis his diebus in quibus tantum una hostia consecratur, & communicato illo qui tenet scutellam; si Corpus Domini superest, vel si videtur sibi, cooperitur ipsa scutella, & qui tenet eam non se subinover inde quousque Sacerdos calicem à Subdiacono recepto, sanguinem sumat, vinumque quo postea calicem lavat, infusum ab eodem Subdiacono in altera manu tenente ampullam, & cum altera involuta linteolo quod cum patena super

„ altare posuerat, sublevante calicis pedem. Diaconus percepta communione prope armariolum venit, ut cum vino in altero calice digitos abluat, quibus Dominicum corpus tractavit, ministro qui supererat, cum ampulla fundente vinum, & pedem calicis sublevante; quos ablutos ad calicem prius tergit, deinde ad faciem, & eam partem quam ter sit ori applicat, & vinum sumit vertens se ad orientem; & tunc corporalia plicare, & librum missalem de sinistro cornu altaris in dextrum ponere, & ad locum illum, ubi prior collecta est in proximo dicenda, vertere accelerat. Subdiaconus vero mox ut sanguinem sumsit Sacerdos, & vinum quo postea calicem lavit, accipit ab eodem calicem, osculans ei manum; & à Diacono patenam calicis, ab altari semper imposito uno corporali acceptam; nam alteram in locum suum super altare reponit; & tunc ille qui tenet scutellam alius eam elevans vadit ante sinistram cornu altaris, & Subdiaconus remanet cum calice ante dextrum; post Sacerdotem tenens cum altera manu calicem, cum altera patenâ parumper sublevatâ cum corporali. Verum contra ipsos totus conventus pro reverentia Dominici corporis & sanguinis veniam petit Mox autem ut ille minister, qui supererat, digitis Diaconi vinum superfudit, accedit extra reclinatorium, deferens alium calicem minorem cum ampulla, quam subministravit Diacono, & post ab eodem recipit, ut Sacerdos quoque digitos illos lavet quibus Dominicum corpus tractavit, quos numquam in majoris Missæ calice abluere licet. Quo sumto iterum vinum in calicem funditur, ut ipse aliquantulum calix abluatur, & à Sacerdote sumitur.] Hactenus Cluniacensium ritus ab Udalrico descripti.

Divionenses S. Benigni in M. S. ejusdem monasterij consuetudinibus c. 21. ita habentur: [Mox vero ut Subdiaconus pacem accepit, fistulam argenteam, cum qua sanguis Domini ebibi solet, in sacculo ex panno mundissimo ad hoc ipsum facto reconditam, de armariolo Diacono defert; ipseque eam accipiens, super corporale juxta calicem ponit. Idem vero Subdiaconus ad dextram partem secedens, intendit orationi usque dum redeat Sacerdos. Qui rediens, & illud Dominici corporis quod sumitur est de patena accipiens; postquam se, & Diaconum osculantem sibi manum communicaverit, mediis digitis utriusque manus patenam modicam eidem Diacono porrigit. Subdiaconus autem interim tollit de armariolo scutellam, & allatam tenet cum linoleo super dextrum cornu altaris, super quam Diaconus mittit patenam in qua Dominicum corpus est positum; excepto quando non nisi una hostia consecratur; quia tunc prædicta scutella minimè apportatur. Sacerdos vero accipiens præfatam fistulam, & longiorem à gibbo partem deorsum in Domini sanguinem mittens; breviorē vero, quæ & superior, ori immitens; posteaquam de sanguine Domini sumserit, eundem calicem cum sanguine & fistula Diacono dat. Qui accipiens, fistulam subtrus digitos sacros, duobus primis digitis manus dexteræ,

manu verò sinistra calicem defert ad altare huic officio deputatum, linteoque mundissimo reverenter ornatum; totusque conventus pro reverentia Domini Corporis & Sanguinis veniam petit: Illis tamen diebus in quibus non nisi tres hostiæ consecrantur, expectat ut simul cum Subdiacono patenam ferente ad præfatum altare deveniat. Qui postquam illuc pervenerit, juxta dextrum cornu altaris stans, manu sinistra calicem per mediam super ipsum, duobus verò, ut dictum est, digitis fistulam in ipsius calicis medio inter sumendum Domini sanguinem jugiter tenet; donec omnes, & ad ultimum ipse quoque percipiat. (Debet autem vinum in ampulla juxta eum jugiter esse; ut quando opus esse perspexerit, eodem vino Dominicum Sanguinem augere possit.) Communicant verò post Diaconum & alij, eo ordine accedentes quo ad pacem, & præter illos qui in albis sunt antequam communicent, cuncti veniam petentes, & manum Sacerdotis osculantes tum illi quam alij. Si quis autem privatis diebus, qui non sit de illo choro, qui valit ad pacem, voluerit communicare; facto inde signo illi qui servat ordinem, si Dominus Abbas vel Prior abest, accedit tam ad pacem, quam ad communionem in suo ordine. Debent autem singuli ita se scutellæ adjungere; ut si fortè inter sumendum aliquando Corpus Domini, vel de ore sumentis, vel de manu porrigentis lapsus fuerit, nisi in scutellam cadere non possit. Quotquot autem ipsam corpus Sacerdos dederit, singulis sanguinem Diaconus cum fistula dabit. Communicatis autem omnibus qui voluerint, & novissimè Subdiacono, qui semper per consuetudinem ad majorem Missam communicare debet, exceptis his diebus in quibus tantùm una hostia consecratur; si corpus Domini superest, vel si videtur sibi, dat eum sumendum Subdiacono, aut recondit in pipite. Quo facto ille qui tenet scutellam altius eam elevans, vadit ante sinistram cornu altaris, ubi Diaconus juxta dextrum stando Domini sanguinem percipientibus subministrat. Verùm contra ipsum totus conventus pro reverentia Domini Corporis veniam petit. Sciendum autem quoniam si quilibet post communem veniam supervenerit, nec in choro, nec extra chorum veniam petere debet. Similiter postquam aliquis communicaverit, præter hanc communem, nullam veniam consuetudinaliter petit. Mox autem ut Subdiaconus cum scutella discedit; ille minister, qui digitis Diaconi vinum superfudit, accedit deferens sinistra linteolo involuta calicem, dextra verò ampullam cum vino, ut Sacerdos quoque lavet digitos illos, quibus Dominicum corpus tractavit, quos numquam in majoris Missæ calice abluere licet. Quo sumpto, iterum vinum in calicem funditur, ut ipse etiam calix aliquantulum prolatur, & à Sacerdote sumitur, quod dum sumit faciem versùs altare, vel versùs orientem vertit. Duo autem Conversi qui portant candela-

• Quæ ansulis includuntur addita sunt in margine, sed eadem ut videtur manu.

» bra, & tertius tenens thuribulum postquam Sacerdos à pace redierit,
 » continuò accipiunt tenentes ea ante gradum sublevata, nec priùs re-
 » cedunt, quàm Diaconum cum Domini sanguine recedentem comi-
 » rando, candelabra juxta eum hinc inde deponant: tunc quoque ille qui
 » fert thuribulum de ante altare discedit. Privatis verò diebus, ille qui por-
 » tat candelabrum eodem omnino modo ante gradum & accedit, & dis-
 » cedit, quo dictum est de duobus in xij lect. Sciendum verò quoniam
 » quoties non nisi una hostia consecratur ad majorem Missam, eadem
 » Missa cum calice minoris Missæ cantatur; & tunc neque patena à
 » Subdiacono suscipitur, neque Conversus de candelabro serviens, post-
 » quam Sacerdos post ablutionem digitorum vinum calici infusum bi-
 » berit, amplius operitur. Subdiaconus autem perveniens ad supra dictum
 » altare, quantumlibet clara dies sit, tamen cum cereo patenam super
 » quam Domini corpus fractum fuit diligentissimè considerat: Si quid
 » fortè minutissimum de eodem remanserit, & si quid viderit remansisse,
 » sive talis sit particula, quæ convenienter sumi possit, seu minutissima,
 » & indivisibilis, & atomo similis, hanc non manu tangere præsumit;
 » sed in eo tantum loco ubi eam viderit linguam summam applicando
 » levat & sumit, sicque patenam cum linteo ponit. Quod si Subdiacono
 » aut Diacono est in custodia; Custodis est tunc cereum ad hoc
 » tunc videndum tenere; sin autem unius servitorum ecclesiæ. Expletis
 » verò omnibus, qui Sanguinem Domini sumturi erant, ipse etiam Sub-
 » diaconus accedens sumit. Diaconus quoque postmodum fistulam de
 » calice levans, & ori admovent, postquam eam ex utraque parte sugen-
 » gendo, Sanguine vacuaverit, Subdiacono eam interim custodiendam
 » committit; ipseque residuum Sanguinem cum ea particula Dominici
 » corporis, quam Sacerdos in eum miserat, per anteriorem partem ca-
 » lici sumit. Post hoc fistulam ab eo qui eam duobus primis digitis ma-
 » nus dextræ per gibbum inversam in longum super lævam extensam te-
 » nuerat, accipiens, primùm illam partem quæ in Domini, de hinc
 » illam quæ in Fratrum ore fuit; utramque versa vice deorsum tenendo,
 » & vinum cum ampulla fundendo, deorsum abluat, postmodum per me-
 » dium concavitas ipsius bis, hinc inde semel mittendo vinum currere
 » facit, sicque eam Subdiacono panno mundissimo ad hoc ipsum depu-
 » tato tergendam tradens, hoc idem vinum, sicut & aliud quo post
 » eum eundem calicem lavat, vertendo se versus orientem, per antero-
 » rem ut supra partem calici sumit. Deinde patenam à Subdiacono ac-
 » cipiens, diligentissimè eam vinum super infundendo abluat, & illam
 » superfusionem Subdiacono eodem modo quo ipse priùs sumendam tri-
 » buit, & post eundem calicem, quo vinum illud patenæ superfusum
 » fuerat, alio vino abluens, similiter eidem sumendum. Postquam pate-
 » nam, ut fistulam, priùs tergendam tradit. Et tunc non alio vino ip-
 » sum calicem abluat, nisi fortè tale aliquid postea ibi diligenter cum ce-
 » reo respiciendo remansisse cognoverit. Quando autem in majori calice
 aureo

aureo Missæ cantatur, tunc postquam Sanguis Domini bibitus fuerit, ipse calix semel & iterum diligenter abluatur; ipsaque ablutio in alterum calicem funditur. Prædicta verò omnia de fistula vel patena in alio calice complentur. His expletis Diaconus ad altare majus revertens corporale plicat, & ibidem relinquit super altare . . . Subdiaconus verò calicem cum patena accipit, & sic cætera quæque sacrata suo loco componit.] De Cisterciensibus hæc in libro Usuum Cisterciensium leguntur: [Sacerdos dicat orationem *Domine Jesu Christe*, qua dicta, statim sumens Corpus Domini cum calice, utraque manu applicet ad se; & sic percipiat Corpus Domini super calicem; deinde sanguinem. Itaque deposito calice super Corporale non cooperto, vertat se ad dextrum cornu altaris, & posita ibi patena cum hostiis, sumat hostiam de vasculo præparato à Diacono, quam ponat super patenam, & unam vel plures, ubi necesse fuerit, ex illis quæ ibi sunt recondat in illo vasculo: hoc autem fiat tantum Dominicis diebus, & in cæna Domini. Vasculum autem illud super altare dimittatur usque post Missam; quo facto, Sacerdos communicet Diaconum, & Subdiaconum de tertia parte: Deinde de aliis hostiis cæteros qui communicaturi sunt. Provideat autem quantum poterit, ne aliqua pars Domini corporis remaneat; Diaconus verò accedens ad communionem, non osculans manum Sacerdotis, sublevet albam ab anteriori parte flectens genua juxta altare, & resupinato capite sub manu Sacerdotis, convenienter aperto ore percipiat corpus Domini. Quo percepto surgat, & supplicet: Similiter & Subdiaconus, quod postquam fecerit, sumens fistulam, si tunc necessaria est, eat ad sinistram per retro altare. Quod si tunc necessaria non fuerit, sequatur Diaconum. Qui Diaconus veniens ante calicem inclinet, & ad nutum Sacerdotis accipiat illum, sumatque sanguinem eadem parte calicis qua & Sacerdos; nec tangat eam manu, donec vino abluatur; quod si unus, vel duo tantum post eum communicaturi sunt, ministret eis sanguinem eadem parte calicis, qua ipse recepit; ita ut ipse dextra manu calicem tenens, sinistram mento illorum supponat. Qui verò percepturi sunt Diaconi, vel Subdiaconi sinistram manu pedem calicis tenentes ad os suum, sicut sibi viderint expedire, coaptent. Quod si plures fuerint, Diaconus percepto sanguine, ibidem ponat calicem super sinistram cornu altaris tenens illum, Subdiacono sibi assistente, atque adjuvante hoc modo: scilicet ut dextram manum teneat expanfam juxta labium calicis deforis; sinistra verò teneat pedem ipsius calicis; Diaconus autem teneat utraque manu in calice fistulam à Subdiacono antea præparatam. Qui Subdiaconus percipiat sanguinem cum fistula priusquam se componat ad tenendum calicem eo modo quo diximus. Dum autem fratres percipiunt sanguinem, infundatur vinum in calice à Diacono, cum opus fuerit, de ampulla à Subdiacono ante præparata juxta altare. Si quid autem residuum fuerit de ipso Sanguine, bibat illud cum calice, postquam fi-

fistulam reddiderit Subdiacono. Quam fistulam antequam reddat, in
 quantum potuerit ab utraque parte sugendo à sanguine Domini eva-
 cuet, & calicem reddat Sacerdoti, non osculans ei manum. Subdiaconus
 verò tenens fistulam contra faciem suam in transverso, eat ad Sacer-
 dotem per retro altare ministrare ei vinum in calice. Sacerdos autem an-
 tequam recipiat calicem, si quæ hostiæ integræ superfuerint communi-
 caris, reponat in vasculo. Qui recepro calice, respergat digitos suos in
 ipso calice, quem ponens super altare, eat ad piscinam ablueri ipsos di-
 gitos in aqua. Quibus tersis ad medium linteum ad hoc ipsi præparatum,
 redeat ad altare sumere vinum quod dimisit in calice. Quo sumto, iterum
 aspergat calicem vino. Quo hausto ponat illum non reclinatum super
 altare iuxta patenam. Similiter nec ad privatas Missas reclinatur. Ex
 hinc Subdiaconus tenens fistulam assistat altari, habens faciem in pa-
 tena usque ad finem collectæ. Interim Diaconus complicit corporale
 super altare, & vertens ad Postcommunionem referat Missale ad dex-
 trum cornu altaris;] & alibi: [Qui primi sunt, ordine suo accedant ad
 communionem; venientes verò ad gradum altaris proximum incum-
 bant super articulos manuum; ascensoque gradu, flexoque genu iuxta
 cornu altaris, & suscepta Eucharistia, cum se erexerint, inclinent; &
 sic per retro Sacerdotem accedant ad Calicem; ubi iterum inclinantes
 hauriant, & rursus inclinent regredientibus ab altari. Sacrista stans
 in capite sinistri chori Novitiorum vinum propinet, inclinans singulis,
 sicut & ipsi inclinatur à singulis ante, & post susceptionem, quod non
 solum hic, sed etiam ubique quoties vel dant, vel suscipiunt aliquid
 faciendum est. Quibus peractis inclinantes ad altare ascendant ad stalla
 sua.

16. In Ordine Grandimontensi tenetur hoc de consuetudine, quod
 c. 129. omnibus diebus Dominicis communicant Diaconus, & Subdiaconus
 in Missa ministrantes Presbitero celebranti, inquit Guillelmus primus
 Abbas in M. S. consuet. quoniam verò ritu id præstarent, ni fallor ibi
 non exprimitur.

17. Apud Bursfeldenses dicto ter *Agnus Dei*, Sacerdos subjungebat
 orationem *Domine Iesu Christe qui ex voluntate Patris*, &c. qua fini-
 ta, tundendo ter pectus, dicebat: *Dens propitius esto mihi peccatori*;
 & complois manibus, modicè inclinans genibus semel subjungebat:
Domine non sum dignus. Deinde seipsum communicabat, tum hausto in
 calice vino, & cebat: *Corpus Domini nostri Iesu Christi* &c. Postea alios
 c. 45. binos & binos communicabat, fratrumque communione peracta,
 subjungebat: *Quod ore sumimus*, &c. Interim abluitionem digitorum fa-
 ciens super calicem, collectis prius reliquiis per excussionem corporalis
 super patenam, haustaque abluitione, iteratam abluitionem digitorum &
 calicis cum aqua faciebat piscinæ infundendam.

18. In Calalis Benedicti Congregatione Sacerdos sumto pretioso
 Ord. Corpore & Sanguine Domini, fratres binos & binos communicabat,
 Cal.

qui propterea, Cantore in choro *Agnus Dei* incipiente, ad altare bini ^{Bened.} accedebant, susceptaque sacra communione retro altare divertentes, vini ^{c. 18.} paululum degustabant; ibique usque ad finem Missæ genuflexi manebant, donec Sacerdos ultimam collectam concluderet. (Illud autem notandum quod cantores ad percipiendam sacram communionem cap-pas deponebant.) Communicatis omnibus, utramque de manu Sub-diaconi Sacerdos ablutionem sumebat; adstante etiam cum pelvi Cle-rico, ultimam ut calicis ablutionem, quæ sola fiebat aqua, reciperet. Abbas autem celebrans post ultimam ablutionem ministrantibus Dia-cono & Subdiacono manus lavabat.

19. Peracta eo quo diximus modo communione Sacerdos ora-
tiones ad complendum cantabat, quarum in fine Diaconus con-
versus ad populum: *Ite missa est*, vel non conversus: *Benedi-*
camus Domino subungebat, & sic Missæ finis imponebatur; nam
quod postea Evangelium S. Joannis superaddimus recentioris est
institutum, cujus nulla mentio in Rituali Cassinensium, Consuetudi-
nibus Germaniæ, aut Cluniacensium, libro Usuum Cisterciensium,
neque in Ordinario Cartusienfium. Inmo Rituale Cassinensium ex-
presse jubet, ut dicto *Ite missa est*, aut [*Benedicamus*, revertantur
ad secretarium ordinatè, ut venerant, cantantes hymnum trium
puerorum, & *Laudate Dominum in sanctis ejus.*] Prima ritus istius
mentio occurrit mihi in Ordinario Bursfeldensium ubi sic lego: [Tam
Diaconus, quam Sacerdos, stent versis vultibus ad chorum dum cani-
tur: *Ite missa est*; sed antequam plene finiatur, circa conclusionem facies
reducant ad altare; sin autem, cum: *Benedicamus Domino*, aut: *Re-*
quiescant in pace concluditur, manent versis faciebus ad altare. Postre-
mo Sacerdos responso *Deo gratias*, vel: *Amen* subjungat dicens sub-
missa voce, *Fidelium anima*, nisi Missa fuerit pro defunctis &c, Diacono
respondente *Amen*; Et insuper: *Sit nomen Domini benedictum, ex*
hinc nunc & usque in seculum; Deinde crucem pollice imprimat altari ip-
sum osculando: & mox erectus dicit sub silentio: *Celesti benedictione*
benedicas nos, crucem faciendo ante se versus crucifixum; deinde ver-
tens se ad meridiem, dicendo: *Omnipotens Pater* +, & ad occidentem
dicendo: *Et Fi+lius*, & ad septentrionem quoque dicendo: *Et Spi-*
ritus + sanctus, singulas cruces faciat sinistra manu ante pectus col-
locata; sicque benedictione completa, incurvatus ante altare di-
cat: *Placat tibi Sancta Trinitas.* Deinde erigendo se di-
cat: *Dominus vobiscum*, &c: *Initium sancti Evangelij secundum Joan-*
nem, &c.

20. Finita Missa Sacerdos cum ministris ordine quo venerant in Sacri-
ficiam revertebantur: [Recedens autem Sacerdos ab altari, inquit
Udalricus, dat Missalem Diacono ut ab eo reportetur.] quæ verba
leguntur etiam in Benign. conf. c. 21. Sed apud Cistercienses [Finita
Missâ Sacerdos incurvet se ante medium altaris, faciens orationem

„ solus sine Diacono. Qua facta erigat se, & osculans altare, signet se,]
 ibid. „ ex lib. Usuum Cister. Interim verò Diaconus [dicto *Benedicamus Domino*,
 „ vel: *Ite missa est*, inclinet; Deinde iens ad altare transferat inde calicem,
 „ & patenam super ministerium, sumens ibi lingua sua, si quid de corpore
 „ Domini remanserit super patenam. Et postea accipiens fistulam, abluat
 „ eam vino, & postea patenam; quod bibens infundat aliud vinum circum-
 „ liniens ipsum calicem intus, quod iterum percipiat. Tertio infundat vi-
 „ num, eo modo circumliniens, quod percipiat Subdiaconus. Et adhuc
 „ alia vice infundat, si necesse fuerit, quibus lotis, & deterfis ad linteum
 „ quo Sacerdos paulo ante digitos suos deterfit, recondat ea, & corporalia
 cum calicibus.

21. Apud Cluniacenses verò Diaconus mutatus à se, dum pacem
 præberet fratribus Sacerdos, hostias, finita Missa loco consueto reponere-
 bat, ex Udalrico lib. 2. c. 30. quod Bursfeldenses præstabant circa an-
 „ tiphonom post finem Missæ; Casalini verò [mox finita Fratrum
 „ communione ministris cum thure, & luminaribus præeuntibus,
 „ omnibusque in choro genua flectentibus.] ex cerem. M. S. c. 18. Perro
 exutas Sacerdotis & Diaconi vestes sacras Conversi notati ad cande-
 labra & thuribulum infra suam hebdomadam complicare solebant.
 ex conf. S. Benigni, c. 24.

22. Denique post Missam Lector hebdomadarius benedictionem postu-
 labat; qua de re in comm. ad c. 38.

23. Neque verò hîc prætereunda est optima S. Stephani Grandi-
 montensis institutio, quam scriptam habemus ejus in Regula his ver-
 bis: [Dominicis etiam & festis diebus quibus eis (sæcularibus viris)
 „ convenit in ecclesiis divinis interesse officiis, si ad audienda Missa-
 „ rum solemnia apud vos frequenter venerint, eos ne recipiatis; si verò
 „ quandoque Deo inspirante, vos visitare voluerint, à divinis non ex-
 „ cludantur officiis.]

24. Hactenus de Missa satis: Cæterum ritus hîc descriptimus quales
 observarentur Dominicis diebus; cum verò quotidie Missam decantare
 publicè cœperunt monachi, privatis diebus non adeo solemniter celebra-
 bant, & quidem quod Cassinenses Cluniacensesque spectat privatis diebus
 uno contenti erant Acolytho sacros ministros ad altare cum incenso
 præeunte. Hic apud Cluniacenses procedebat ad altare candelabrum de-
 ferens, ad offertorium ministrabat de incenso, solusque id omne præ-
 stabat, quod Dominicis festisque xij lectonum tres exsolvebant.

25. Præterea, [privatis diebus ad majorem Missam semel incensum
 offertur, scilicet post offerendam, & solummodo sacra oblatio, quæ
 „ est in altari principali incensatur,] inquit Udalricus; hinc M. S. con-
 „ fuerudines c. 34. Ad Evangelium, [si dies privatus est, textus non in-
 „ censatur, neque analogium, neque à Subdiacono porratur pulvillum.

26. Insuper nec hymnus angelicus, nec symbolum Nicænum pri-
 vatis diebus decantabantur; & Diaconus in fine Missæ non *Ite Missa*

est, sed *Benedicamus Domino* pronunciabat.

27. Cistercienses, Bursfeldenses & Casalini Missam cum uno dumtaxat ministro quantum conijcere possumus decantabant, sive de *Missis* in quibus tantum unus minister fuerit cap. 34. in lib. Usuum Cist. 46. in Ordinario Bursfeld. & 20. in Cæremoniali Casal.

28. Hanc autem ad Missam hebdomadatim celebrandam omnes monasterij Sacerdotes suo quique ordine in tabella notabantur, nec cuiquam fas erat, nisi urgente gravi necessitate, vices suas alteri committere; qua de re extat Decretum inter Statuta in capitulo ad Sanctum Germanum à Pratis congregato anno 1303. promulgata; præscribens c. 10. ut [omnes qui scripti erunt ad magnam Missam, celebrent ipsam per totam hebdomadam & completam, nec per aliam dictam Missam celebrari faciant, nisi legitima necessitas excuset eos &c.] Neque ipsi vel occupatissimi rerum monasterij administratores, quos Officiales vulgo nuncupamus, ab hoc munere eximebantur, unde inter M. S. Statuta Abbatum Lyrensiū istud habetur: [Ille monachus qui fuerit Custos operationum vineæ, minimus erit in omnibus officiis in monasterio, & in refectorio, excepta Missa quam celebrabit sicut alij loco suo, & ponetur in tabella sicut alij, &c.] Immo ipsi etiam Monachi in Prioratibus habitantes ad suam ordine suo hebdomadam persolvendam ad monasterium accedere cogebantur, quod videre est in edito anno 1283. à R. De Rommilleio Abbate de Lyra assentiente ejusdem loci conventu Statuto his verbis: [Anno Domini M C C octogesimo tertio statutum est in Capitulo per Dominum R. De Rommilleio Abbatem Lyra, per voluntatem & assensum ejusdem loci Conventus, ob religionis augmentum, & salutem animarum quod omnes monachi moram facientes in prioratibus nostris de Capellis, de Deserto, exceptis Prioribus, veniant unusquisque in ordine suo ad domum nostram de Lyra ad majorem Missam celebrandam. Quod si Abbas absens sit, Prior de claustris, vel alius qui vice Prioris conventum custodit, poterit eosdem monachos in septimanis suis ad hoc mandare. Fortè etiam huc respexerit Carolus Magnus in charta ad Manassem Flaviniacensē Abbatem in qua Flaviniacensibus concedens cœnobiolum construere apud Corbinia: [Et præcipimus, t. qui, ut monachi quos ibi mittetis ne aliquando mandatorum Dei viam obliti, sæpius in Flaviniacum revertantur cœnobiolum ibique officia sua confirment. Clarius & expressius Eigilis Abbatis Flaviniacenses litteræ: [Ut semel in anno singuli qui Sacerdotali seu Levitico funguntur officio per singulas hebdomadas repræsentent s. Flaviniaco, ibique sibi commissum celebrent officium: quo expleto nemo eorum ad cellam Corbiniacensem regressi audeat, donec ab Abbate loci ipsius, & à fratribus probata ejus vita in timore sancto sive propositi voto imperetur regressus.] Denique notandum est quod de S. Wlftino Episcopo Wigornienfi scribit Willelmus Malmesburiensis: [Quotiescumque Wigornia esset, Missam

majorem impiger cantabat, dicens id se rependere septimanarij officio quo ipse pro Episcopatu absolvi volebat.] Cathedrali Wigornienſi deſerviebant Benedictini.

28. Qui verò Sacerdotis Hebdomadarij, Diaconi, Subdiaconi, aut ſervitoris officio hanc ad Miſſam functi erant; eadem ministeria ſequenti hebdomada explebant ad Miſſam matutinalem, de qua nunc paucis agendum.

CAPVT V.

De Miſſa Matutinali.

1. **P**RÆter majorem Miſſam quam Conventualem appellare ſolemus, multis jam ante ſæculis in omnibus paſſim Ordinis noſtri monaſteriis uſus obtinuit, ut mane poſt Primam a æſtate, vel hyeme poſt Tertiam alia ſolemniter celebretur, Matutinalis vulgò appellata, eo quod manè decantetur, ut paſſim teſtantur monaſteriorum tum ediſſæ, tum manu deſcriptæ Conſuetudines, Statuta Lanſfranci, & Concordia Dunſtani, cujus rei luculentum nobis teſtimonium exhibet charta S. Angilberti pro monaſterio Centulenſi, in ejuſdem monaſterij chronico l. 2. c. 11. ab Hariulpho relata, ubi hæc inter alia leguntur: [Illud etiam obſervari præcipua devotione mandamus, ut nulla dies prætereat abſque ſacrarum Miſſarum decantatione, videlicet ut ſi non plus vel xxx. à fratribus diverſorum chororum per diverſa altaria Miſſæ quotidie agantur, exceptis illis duabus de conventu, quæ manè, & meridie ſolemniffimè celebrantur. &c; & Beda Venerabilis in vit. S. Benedicti Biſcopi n. 17. l. 2. ubi refert Ceolfridum Abbatem, qui anno 716. obiit, [primo manè Miſſam in eccleſia B. Dei Genitricis . . . quinta feria communicantibus qui aderant] cantafſe.

2 Hæc Miſſa in quamplurimis monaſteriis quotidie cantabatur, in nonnullis certis quibuſdam dumtaxat diebus, in aliis verò numquam: Unde nulla Miſſæ matutinalis mentio in Rituali ſive Ordinario Caſſinenſium tempore Oderiſij Abbatis deſcripto. Ciſterciennes Dominici tantum certisſque ſolemnitatibus duas in conventu Miſſas celebrabant, quod nonnullis diebus etiam faciebant Buſſfeldenſes. Cluniacenſes verò & alij communiter Nigri monachi quotidie.

3. Cantabatur in altari Capitaneo ſive Cardinali, (hoc erat primum altare in apſide ſeu in fronte Baſilicæ pone majorem aram locatum, ut docet me Mabilonius noſter) unde *Miſſa Cardinalis* aliquando dici-

^a In Bobienſi monaſterio ſæc. 10. dicebatur poſt matutinos, ex l. Mir. S. Columbani Abbatis c. 7. ſæc. 2. p. 44.

tur, nonnumquam in aliis altaribus, sed præcipuè in eorum SS. Festis, quibus dicata sacrataque erant; rariùs in ara majori.

4. Dicebatur autem vel pro monasterij benefactoribus, vel pro necessitatibus personisque publicis; Unde S. Angilbertus in sua pro Censualibus monachis charta jubet, ut in duabus de conventu Missis quæ mane & meridie solemnissimè celebrantur [quotidie memoria Sanctissimi Papæ Adriani, & Gloriosi Domini mei Augusti Charoli, conjugis & prolis ejus teneatur, qualiter juxta verbum Apostoli, pro Regibus & omnibus qui in sublimitate sunt constituti Salvatori Deo nostro obsecrationum vel orationum gratias jugiter persolvamus;] & S. Dunstanus in Concordia Regulari monachorum Sanctimonialiumque Angliæ præscribit, ut [eadem matutinalis Missa pro Rege, vel quacunque necessitate imminente celebretur.] Aliquando pro particularibus secularium hominum necessitatibus, ut videre est in libro Miraculorum S. Bercharij Abbatis n. 13. ubi Adlo Dervenfis monasterij Abbas pro Heriberto Comite gravi morbo laborante Missam celebrari matutinalem jussisse scribitur.

5. In præcipuis anni Solemnitatibus dicebatur de die festo; Concurrentibus duobus simul officiis aut Sanctorum festis, de minùs principali, alias semper votiva de Trinitate, vel de B. Virgine Dei genitrice Maria, vel de Defunctis, aut hujusmodi. Extant hanc in rem generalia nonnulla Statuta pro monasterio S. Germani à Pratis ad calcem M. S. consuetudinum ejusdem monasterij, quæ hîc subjicimus.

Primò notandum est, quod omnibus Dominicis diebus de Adventu Domini, Missa matutinalis debet esse de Dominica, nisi fuerit festum trium lectionum. Per hebdomadam, nisi 12 Lectiones fuerint, vel festum trium lectionum, major Missa fiet de Dominica.

A Pascha usque ad Ascensionem Domini omnibus diebus Dominicis, exceptis xij Lectionibus alicujus Sancti, vel tribus, Missa matutinalis erit de Resurrectione: *Resurrexi*; si festum evenierit, fiet de Dominica.

A Nativitate Domini usque ad Purificationem B. M. simili modo: *Puer natus est nobis*. Si aliis Dominicis diebus festum de tribus lectionibus evenierit, tertium nocturnum erit de sancto; si historia alias cantata fuerit, & Missa matutinalis erit de sancto similiter. Si non, nihil fiet nisi Memoria, & Missa matutinalis erit de Trinitate, vel de Sancto.

Quotiescumque conventus fuerit in albis Dominicis diebus, Missa matutinalis erit de Dominica cum tribus orationibus tantum scilicet de Dominica, de festo, & *Ecclesia tua*, nisi fuerit festum aliquod trium lectionum.

Quotiescumque festum duplex fuerit, Missa matutinalis erit de festo, nisi interfuerit aliquod festum. Et est sciendum, quod quando

„ fuerint xij lectiones simplices, Missa matutinalis erit de S. Vincen-
 „ tio, vel de S. Germano, vel pro Defunctis.

„ Et in libro Usuum Beccensium istæ sequentes de matutinali
 „ Missa, quæ etiam ibidem *parva* appellatur, Rubricæ continentur.

„ Ab Octava Pentecostes usque ad Adventum, Dominicis diebus
 „ dicitur parva Missa de Trinitate, nisi sit festum quod aliquam pieta-
 „ tem habeat. Quod si aliqua festivitas xij Lectionum evenerit, & offi-
 „ cium non est reservandum, de Dominica dicitur parva Missa, etiam si
 „ mul aliqua festivitas fuerit, de qua parva Missa soleat dici, nisi de ea
 „ tertius nocturnus dicatur & Laudes. Similiter ab octava Epiphaniæ us-
 „ que lxx, & ab oct. Paschæ usque Pentecosten.

„ A lxx. usque feriam quartam in capite jejuniij, si sit festivitas;
 „ lect. de Dominica; parva missa de ea sicut alio tempore.

„ In adventu, & ab adventu usque Pascha, de Dominica dicitur parva
 „ Missa. Si aliquod festum triam lect. occurrerit, & in adventu, & in xl.
 „ comm. ad Vesperas, & ad Laudes, & ad Missam matutinalem. A Pascha
 „ usque ad Ascensionem de Resurrectione, nisi ejusmodi idest 3 lectionum
 „ contingat festum; quodd si contigerit, post primam Collectam dicitur
 „ de Resurrectione collecta, & post de Trinitate.

„ In duplicibus festis, sive solum quartum & à duobus fratribus
 „ dicatur, dicitur parva Missa, unde magna, nisi alia occurrat festivi-
 „ tas, vel necessitas unde Missam oporteat dici. Similiter in quibuli-
 „ bet festis xij Lect. nisi Dominica quando officium non est reservan-
 „ dum.

„ Sciendum quod si in Dominica vel in festis xij lect. dicitur par-
 „ va Missa de aliqua necessitate & non de festo, debet dici: *Gloria in
 „ excelsis Deo.*

„ Per totam septimanam Paschæ quælibet alia festivitas eveniet, de
 „ Resurrectione: per totam Pentecostes, de Pentecoste parva Missa di-
 „ cetur, comm. de festis.

„ In xl. feria secunda pro congregatione, quarta pro pace, sex-
 „ ta pro familiaribus parva Missa dicetur, omnibus aliis diebus privatis
 „ per annum parva Missa pro defunctis dicetur, nisi necessaria res con-
 „ tingat, unde eam dici oporteat . . . In præcipuis Festis à Nativitate
 „ Domini, Pascha, Pentecoste, Assumptione S. Mariæ, festo omnium San-
 „ ctorum, quælibet causa eveniat, non aliunde quàm de ipsa festivitate
 „ Missa matutinalis dicitur.

„ Et in M. S. consuetudinibus monasterij Corbeiensis: Prima Domi-
 „ nica Adventus Domini usque ad octavam Epiphaniæ, cantabimus Do-
 „ minicis diebus Missam matutinalem, & magnam de Dominicis nisi
 „ festa evenerint.

„ Ab oct. Epiphaniæ usque ad lxx. cantabimus Dominicis diebus

„ idest privata, vel prima.

Missa

Missam matutinalem de Trinitate, nisi festa evenierint.

A Prima Dominica lxx. usque ad octavam Pentecostes, cantabimus Dominicis diebus Missam matutinalem, & magnam de dictis Dominicis, nisi festa evenierint.

A die Trinitatis usque ad primam Dominicam Adventus Domini, cantabimus Dominicis diebus Missam matutinalem de Trinitate, nisi festa vel octavæ SS. evenierint. Denique in M. S. conf. Guillelmi primi Abbatis Grandim. circa medium sæc. 14. editis c. 111. In omnibus festivitibus unius Ordinis de quibus dictum est supra c. 81. potest dici Missa matutinalis de B. Maria, vel de familiaribus, vel pace.

In diebus Dominicis à Purificatione B. Mariæ usque ad Dominicam in Passione Domini, & à quindena Pentecostes usque ad Adventum Domini, Missa matutinalis de sancta Trinitate dicitur cum oratione *Omnipotens semper-ne D. q. dedisti*, secunda de B. Maria, tertia de S. Johanne Baptista, quarta de omnibus Sanctis, quinta *Ecclesia tua*, & hæc vera sunt nisi proprietas supervenerit festivitatis trium lectionum.

Per tempus Resurrectionis Domini, diebus Dominicis Missa matutinalis dicitur de Resurrectione cum oratione & præfatione Paschali.

Per Adventum Domini, die Dominica dicitur Missa matutinalis de B. Maria cum oratione: *Deus qui de Beata Maria Virgine natus*, nisi ut prædictum aliqua proprietas festivitatis impedit. Missa Dominicalis in Adventu, & ab oct. Paschæ usque ad Ascensionem Domini, in sequentibus hebdomadis bis vel ter in septimana certis feriis potest major Missa dici, exceptis diebus festivitatum 9 lectionum in quibus matutinalis dicitur Missa Dominicalis, vel de mortuis; major de festo 9 Lectionum.

Et dicitur Missa matutinalis omni die Lunæ, & omnibus aliis diebus ferialibus per annum, nisi proprietas aliqua, ut dicitur, impediat, de mortuis cum tribus vel quinque orationibus.

6. Quod ritus hanc ad Missam pertinentes spectat, præter ea quæ modo de majori Missa discevimus, pauca nobis dicenda supersunt. Nam licet solemniter cantaretur, non tamen ea cum celebritate quæ major Missa.

7. In ea siquidem unus ministrabat Acolythus, etiam diebus Dominicis; qui ut ex M. S. consuetudinibus Cluniacensibus & S. Germani de Pratis discimus sacros ministros, ad altare cereum seu candelabrum deferens præcedebat, eaque omnia solus præstabat, quæ ad majorem Missam tres præstare solebant.

8. Rarius incensum in ea offerebatur, nisi fortè in præcipuis festis, in quibus etiam major solemnitas observabatur: [Ad minorem Missam, inquit *Udalricus*, nisi signa pulsentur, numquam incensum offertur; hoc est neque ad Introitum, neque ad Evangelium, neque ad offereendam.

conf.
Clun.
c. 99.
conf. S.
Ger. ad
Domin.
1. Adv.
" 1. 1.
" c. 30.

9. De orationibus seu collectis in ea dicendis Udalricus agens de
 „ Dominicali Missa matutina [Post primam, inquit, collecta secunda
 1. 1. „ est de Trinitate, postea hæc omnes quæ in privatis diebus ad maiorem
 c. 9. „ Missam dicuntur, novissimè : *Sanctorum tuorum*.] Et liber Usuum Bec-
 „ censium : [Festis diebus, si de alia festivitate, quàm ipsius dici solemnitate,
 „ parva Missa dicitur; post primam collectam dicitur collecta de
 „ principali festo, post de sancta Maria, & de omnibus SS. & sic dicuntur
 „ collectæ pro familiaribus. Similiter in Dominicis diebus, quibus de
 „ Trinitate, vel de Resurrectione parva Missa dicitur, si hoc contingat,
 „ post primam collectam dicitur collecta de Trinitate, vel de
 „ Resurrectione. In aliis Dominicis quibus parva Missa dicitur de Dominica;
 „ si aliunde contingat dici, non resumitur collecta de Dominica;
 „ de Trinitate tamen semper dicitur collecta Similiter privatis diebus
 „ si pro alia re, quàm pro defunctis, parva Missa dicitur, post primam
 „ collectam resumuntur per ordinem collectæ pro defunctis. In omnibus
 „ festis ad parvam Missam collectæ pro defunctis dimittuntur. Quod
 „ si quartum & à duobus dicitur, etiam *Sanctorum tuorum* dimittitur.
 „ Post primas collectas, de S. Maria, & de omnibus SS. & sic pro familiaribus
 „ collectæ dicuntur. Similiter *Sanctorum tuorum* in Ramis palmarum dimittitur.]

10. Reliqua quæ ad Missam matutinalem spectantia dicenda supersunt
 partim ab Udalrico, partim ex Benignianis cons. accipere oportet; pauca
 enim nobis aliunde dicenda occurrunt. Igitur Udalricus hæc subdit
 „ in capite à nobis supra citato: [cantatur autem absque symbolo Apostolico,
 „ nisi aliquando eveniat ut propter aliquam tribulationem plebs rusticana
 „ convocetur ad eandem Missam audiendam; tunc non omittitur.
 „ Si est in xl. absque Tractu; si in Paschali tempore, cum uno tantum *Alleluia*.
 „ Solus Prior offert unam tantum hostiam. A Diacono accipit pacem
 „ alicui foris chorum de popularibus dandam. Diaconus quoque ex
 „ more communicat.

11. Ubi quod de symbolo omittendo dicitur, ex Benignianis consuetudinibus c. 28. & ex Sangermanensibus confirmatur: quod verò
 ab uno Priore offerendum esse asserit, repugnat Dunstani Concordiæ c. 1. præscribenti ut alternis diebus ad oblationem singuli chori offerant;
 concinunt tamen Udalrico Benignianæ consuetudines, ex quibus omnes offerebant,
 ubi quod solennes Missas defunctorum spectat, c. 16. „ notandum quod habent eadem consuetudines: [Postquam altare principale à Diacono incensatum fuerit, thuribulum Converso reddit, casulam exuit,
 „ & super sinistram humerum complicatam ponit, sicque eam usque ad Postcommunionem gerit, & tunc sicut in principio eandem induit.
 „ Subdiaconus verò mox ut Kyrie incipitur, casulam suam exuit, itemque lecta epistola reinduit usque ad finem Missæ non exuturus.
 „ Ad hujusmodi Missam aliquis puerorum vel juvenum rectu-

rus chorum cappa induitur, & à duobus pueris albatis *ps.* cantatur, ita ut *ps.* finito, à capite repetatur. Aliquando talis, tamque celebris anniversarius agitur, ut pueri *ps.* cantaturi sericis tunicis induantur, & duo fratres cappis ad Tractum cantandum. De aliis verò solemnibus item alibi: [Quod si talis matutinalis Missa fuerit ad quam tres obsequantur *Conversj*, post Evangelium duo se divestiant, & tertius postquam portaverit thuribulum post offerendam per chorum & extra chorum. Candelabra quæ ibi remanent Secretarius Hebdomadarius tantum, non se exiit usque post communionem, quia dum communicatio suscipitur, candelabrum tenet, & tunc tantum expectat, ut secundum vinum post ablutionem digitorum Sacerdos somat, & mox discedens divestire festinat.]

12. Denique in Gellonensi olim S. Guillelmi monasterio expleta matutinali Missa, Sacerdos cum ligno salutiferæ crucis populum benedicere solebat, ut discimus ex libello Miraculorum S. Guillelmi monachi Gellonensis n. 2. in app. ad sæc. 4. Bened. part. 2.

13. Præter majorem matutinalemque Missam, in omnibus penè nostræ Galliæ monasteriis tertia etiam solemniter cantabatur, immo in aliquibus & quarta; sed hæc recentioris sunt instituti, quæ vix alteram tertiumve sæculum superant, alioquin rarè apud veteres tertiam Missam reperies: Audiendæ sunt hanc in rem Divionenses S. Benigni consuetudines: [Sciendum est quoniam cum quoridie duæ Missas in conventu dicamus, in festis Quadragesimæ, & in diebus jejuniij, in quibus festum xij læt. evenerit, si obitus fratris contingat, tertiam addimus. Prima igitur est pro fratre, secunda de festivitate, tertia de jejunio. De duabus verò quas reliquis diebus cantamus, altera est de die; altera, si dies privatus est, pro defunctis. Quod si etiam in diebus jejuniij, præter Quadragesimam, evenerit festum trium lectionum, minor Missa erit de festivitate, major de jejunio, nisi pro obitu patris remaneat; qui si contigerit, minor Missa erit pro defuncto, & ad majorem dicitur collecta de festivitate post primam Collectam.]

CAPVT VI.

De Missis privatis.

1. **N**Ecessaria materici connexio exigit, ut postquam de majori, matutinalique Missa disseruimus; de Missis etiam privatis aliquid dicamus; maxime cum injunctum olim Abbatibus ac Presbiteris legamus, ut Dominicis diebus ad monasteria sua sese reciperent, Missamque iis diebus celebrarent, quod videre est in Concilio Clovesho-

apud Spehm. ro. 1. Conc. Angl. 11
vienti anno 747. celebrato c. 14. [Ut Dominicus dies legitima veneratione à cunctis celebretur, sitque divino tantum cultui dedicatus omnesque Abbates ac Presbyteri isto sacratissimo die in suis monasteriis, atque ecclesiis maneant, Missarumque solemnia agant.

2. De privatis Missis 5 hic inquirenda sunt. 1 quam frequenter olim apud monachos celebrarentur. 2 quibus horis. 3 quibus in altaribus. 4 quo ritu. 5 de Missis votivis.

3. Etsi nunc in omnibus Religiosorum hominum familiis singuli quotidie celebrare soleant Sacerdotes, idque olim multa cum laude & religione præstiterint ex monachis non pauci; ut S. Goar Eremita cui teste Wandelberto [erat sollemnis consuetudo, ut omni die Missarum solemnia celebrans sacrificium Corporis & Sanguinis Christi pro statu ecclesiæ offerret;] S. Geremarus Abbas Flaviacensis, de quo anonymus in ejus vita: [offerebat illi sacrificium per singulos dies cum lachrymis, & contritione cordis.] Kalenses monachi, quibus Bertissa Parthenonis Kalensis Abbatissa [quotidie quoque pro salvatione animarum fidelium, & recto statu sanctæ Ecclesiæ Domino hostias sacras jubebat offerre;] S. Aldelmus Abbas Meldunensis ac deinde Episcopus, qui Romæ existens Missas *nullo die prætermisit*, ut scribit Harpesfeldius citatus in ejus elogio historico n. 7. Ceolfrius Abbas in Anglia, qui ut testatur Beda Romam pergens [ex die quo de monasterio suo profectus abiit, usque ad diem quo defunctus est quotidie Missa cantata salutaris hostiæ Deo munus offerebat;] S. Hermelandus Abbas Antrensis, qui [Ordinatus tanta Sacerdotalis officij perfectione vigeat: ut cum devotus Deo oblationem studiosè quotidie offerret, maceratione sui corporis ipsa fieret; S. Wando Abbas Fontanellensis, de quo Chronographus ejusdem monasterij: [Victimam quoque hostiæ salutaris quandiu capitis habuit lumina immolabat quotidie.] Etsi inquam, nonnulli olim quotidie celebraverint Presbyteri; idque ipsum solitariis permittere videatur Grimlaicus in regula Solitiorum c. 36. tamen paucorum erat ista virtus penesque omnes augustissimi mysterij horror à quotidiano celebrandi ausu arcere solebat: Nam præter Nitrienses monachos, apud quos ut supra diximus ex octo Presbyteris unus dumtaxat sacrosanctum sacrificium offerebat, singularia hæc quæ produximus aliquorum monachorum exempla, qui quotidie offerrent, quid aliud docent, quàm alios non ita frequenter celebrasse? Nam si generalis Missas dicendi consuetudo extitisset apud omnes monachos, frustra isti hac de re tanquam de singulari aliquo facinore laudarentur, cum aliis omnibus foret commune.

4. Neque alia nobis desunt argumenta quibus monachos Sacerdotes olim quotidie non celebrasse probetur. Nam illud quod hujus capituli initio protulimus Concilij Cloveshovienensis statutum Abbatibus Presbyterisque præscribens Missas Dominicis diebus canere, hoc manifestis-

sine exineit. S. Rodingus Abbas Bellilocensis festiuis dumtaxat diebus celebrabat, ut colligitur ex ejus vita, authore Richardo Abbate n. 12. in app. ad lxx. 4. part. 2. p. 535, florebat autem post medium sæculum septimum; Et sæculo x. S. Antlens Abbas Mettensis [omnibus Dominicis, & festiuitatibus Sanctorum celebrioribus Missas publicè dixit; ad hoc unaquaque quarta feria privatim.] Quod de eo tanquam aliquid singulare refert Johannes Abbas Mettensis in vita S. Johan. Abbatis Gorziensis n. 68. Præterea non videmus Cluniacenses ex Udalrico, Alemannos monachos ex cons. Germania, sed neque Cistercienses Presbiteros quotidie Missas facisse; immo de Cisterciensibus constat ex libro Ulfum Presbiteros sæpius in ipsis etiam Dominicis non celebrasse; sed privatim tantum communicasse: [Omnibus Dominicis diebus communicet qui potuerit, Sacerdotes tamen, qui per septimanam cantant, si die Dominico non cantant, in eorum sit potestate communicare, vel non. Cæteris verd diebus qui fortè Dominica non communicauerit, poterit communicare si voluerit.] De Cartusiis verd exploratum est, ipsis olim quotidie sacrificium offerre non fuisse licitum; ut patet ex Petro Blesensi in epistola quam scripsit ad Alexandrum Cartusianum novitum, ut cum in vitæ monasticæ proposito retineret, quod ille volebat abjicere, eo quod Missas quotidie canere sibi fas non esset. Vigebatque isthæc apud Cartusianos consuetudo, etiam circa medium sæculum 14. ut patet ex Petro Boherio in Apparatu ad Constitut. Bened. Papæ XII. ubi ad c. 27. ita loquitur: [Unde non quotidie, immo raro sacrificat Cartusienſis Ordo; sicut enim solet generari ex assiduitate contemptus, sic attenditur ex ipsa raritate devotio.] Aliam rationem reddit Guigo in Statutis c. 14. [Ratio, inquit, hic Missa canitur, quoniam præcipuè studium & propositum nostrum est silentio & solitudini vacare &c.] Insuper in editis circa annum 1198. Statutis Petri Abbatis Silvæ-majoris istud legitur: [Monemus omnes nostros subditos in Sacerdotio constitutos psalteriam, & ter in septimana Missarum solemnita studeant celebrare; Et in promulgatis anno 1303. in Capitulo ad sanctum Germanum à Pratis congregato Statutis n. 10. decernitur [quod omnes Sacerdotes intrus commemorantes bis celebrent, vel ad minus semel Missas suas infra mensem;] & Benedictus Papa XII. in sua ad monachos Benedictinos Constitutione ita scribit: [Monemus insuper universos Priores Administratores, & monachos ipsius Ordinis seu Religionis in Sacerdotio constitutos, intra ecclesias, monasteria, & alia loca eorum conventualia residentes; ut eorum quilibet bis vel ter; qui verd in Prioratibus, vel aliis locis non Conventualibus, aut in scholis, sive alibi fuerint; & si non frequentiùs saltem semel in septimana salva honestate, & debita devotione Missas studeant celebrare;] quam Constitutionem renovarunt congregati in Compendiensi S. Cornelij monasterio Abbates Provinciarum Remensis & Senonensis in Capitulo Ge-

nerali an. 1379. cap. 29. ita statuentes : [Item monemus quod
 „ monachi Sacerdotes cujuscunque conditionis existant , Missas suas
 „ celebrent ter vel bis ad minus qualibet septimana secundum
 „ prædictas constitutiones : nisi de consensu Abbatis , vel Prioris in ejus
 „ absentia ex causâ rationabili , & expressâ duxerint abstinendum ;]
 „ & congregati apud Nortamptoniam in Capitulo Provinciali Abbates
 Anglicani an. 1343. decernunt ; [ut id quod de Missarum celebratione
 c. 1. n. 3
 extat „ nibus in constitutionibus Benedictinis statutum existit , inviolabiliter
 apud „ observetur. Et ne hæc transgredientium culpa pertranseat aliqua-
 Reynet. „ liter impunita ; statuimus , ut si quis Ordinis nostri Sacerdos harum
 in app. „ constitutionum in ea parte transgressor extiterit , vel ultra qua-
 3. p. 152 „ tuor dies continuos sine licentia , & causâ rationabili suo mani-
 „ fistata Prælato , à celebratione cessaverit ; in capitulo publicè procla-
 „ metur , & quo usque id quod negligenter omiserit , correxerit , extra
 „ refectorium non manducet , nec claustrum permittatur exire ; si autem
 ibid. „ talis in cella extiterit , ei usque ad sufficientem emendam carnes præ-
 pag 119 „ cipimus subtrahi : ipsique de uno genere piscium tantummodo mi-
 „ nistrari.] Idem renovatum est in Capitulo anni 1444. c. 2. Denique in
 „ editis an. 1531. constitutionibus Congregationis Casalis Benedicti lego:
 „ [Sacerdotes autem omni tempore , & ultra triduum sine celebratione
 c. 62. „ absque Abbatis licentia non vacent ;] & in impressis Romæ anno 1602.
 „ constitutionibus Congregationis Montis Oliveti : [Singuli Sacerdo-
 part. 2. „ tes singulis diebus Dominicis , & solemnibus infra hebdomadam occur-
 c. 62. „ rentibus Missam celebrent ; ij verò monachi qui stant ex ea parte chori
 „ in quo stat Hebdomadarius quotidie per illam hebdomadam altaris
 „ sacrificium offerant.] Tandem impressæ Romæ an. 1629. Cœlestino-
 Tract. 1 „ rum constitutiones : [Omnes Presbyteri quoad fieri poterit , sæpius tam
 c. 2. „ ex debito pro mortuis persolvendo , quàm ex devotione Missas cele-
 §. 6. „ brent ; officiales quidem singulis diebus festis , & ter saltem in heb-
 „ domada ; cæteri autem Sacerdotes tertio quoque die , nisi fuerint impe-
 „ diti. Prælati verò pariter sæpius celebrent , & quotidie (si legitime
 „ impediti non celebrant) Missam audiant , nisi nostrarum ecclesiarum
 „ onera sæpius celebrari requirant.] Ex quibus omnibus pater non ita
 „ frequenter Sacerdotes monachos olim Missas fecisse , nos autem pia
 „ fidelium devotio religioque cogit incruentum sacrificium in dies singu-
 „ los offerre ; an verò majori devotione aut religione judicent alij.
 „ Nunc videamus quibus potissimum horis privatas Missas canerent.
 „ 5. De Missæ privatæ celebrandæ hora audiendus est in primis Udal-
 „ ricus in antiquis Cluniacensis monasterij consuetudinibus sic loquens :
 l. 2. „ [Hæ sunt autem vices , in quibus Sacerdotes possunt hujusmodi Mis-
 c. 30. „ sas absque licentia cantare : quotidie ante Primam , si tamen Prima
 „ non conjungitur matutinis Laudibus , ut sæpius in hyeme , & post ca-
 „ pitulum usque ad Tertiam ; aut si capitulum est post Tertiam ,
 „ usque ad Sextam , nec minus post Nonam ; si tamen fratres non

ierint dormitum. Aliquando post Evangelium majoris Missæ aliquis Sacerdotum licentiam accipere potest, quod tamen reprehenditur si frequentare voluerit, & in usu habere] Hanc consuetudinem, postea antiquavit Petrus Vener. Stat. 6. decernens [ut dum major Missa in conventu cantatur, nullus alicubi in toto monasterio Missam caneret, quia occasione illarum Missarum in tantum major & principalis Missa negligebatur, ut vix quarta pars, cum eadem celebraretur, adessent.] M. S. verò consuetudines habita temporum ratione ita decernunt: [A Pascha usque ad Idus Septembris, & in omnibus xij Lectionibus, & in omnibus octavis, & à Nativitate Domini usque ad octavas Theophaniæ, Sacerdotes cantant Missas suas quotidie sine licentia ante Primam, & post capitulum ante Tertiam; postea verò non cantabunt absque licentia. Ab Idibus autem Septembris usque ad Calendas Octobris similiter ante Primam; post Capitulum verò ad omnia intervalla, quæ sunt inter regulares horas donec incipiat pulsari signum ad orationem majoris Missæ; nisi fortè in jejuniis 4. temporum evenierit aliqua festivitas xij Lectionum, in qua quia post Tertiam cantatur festiva Missa, petenda est licentia sicut in omnibus festis Quadragesimæ ad utramque Missam. A Cal. quoque Novembris usque in Pascha cantant usque ad Tertiam sine licentia, ita tamen si prius se laverint, vel ad lavatorium fuerint, vel ea intentione ut lavent de sede sua surrexerint antequam scilla pulsetur, quæ est signum calceandi fratres; post capitulum ad omnia intervalla quæ sunt inter regulares horas, donec incipiat pulsari signum ad orationem majoris Missæ, postea verò numquam cantabunt sine licentia.

6. Et hæc quoad Cluniacenses quibus concinunt Divionenses S. Benigni ex cons. cap. 12. Quod verò nostra Germaniæ monasteria spectat; in his Quadragesimali tempore minimo signo post Sextam dabatur licentia Presbiteris Missas celebrandi, quo tempore etiam permittebatur infantibus lineolas scribere; pro qua eadem ratione idem ætate signum capitulum inter & Tertiam dabatur: Dominicis verò, diebusque solemnibus, dum Missa matutinalis dicebatur cantabant ex Presbiteris quicumque volebant, ut docent M. S. Germaniæ consuet. n. s. Farfenses horam assignant: [Mox ut exierint ex matutinalibus officiis, si dies fuerit.]

7. De Cisterciensibus liber Usuum Cisterciensium [Per totum annum possunt fratres cantare Missas privatim tempore lectionis, & post offerendam Missæ in conventu, etiam in xl. excepta feria quarta in capite jejunii. In festis autem Quadragesimæ quibus laboramus, & in festo S. Mauritij, quando die jejunii evenierit, teneatur sicut in decimo quarto capite continetur. Diebus autem quibus duæ Missæ canuntur, statim post Primam possunt Sacerdotes cantare privatim, ubi Abbati visum fuerit, exceptis Missis juniorum. Porro in xl. si festivitas in qua non laboramus per septimanam evenierit, non cantant nisi post offerendam: Quod si habuerint spatium cantandi ante majo-

rem Missam, non permittatur eis ipsam Missam dimittere. Omnibus
verò diebus in quibus jejunamus nec laboramus, potest cantare Mis-
sam usque ad Nonam, & in xl. usque ad Vesperas qui voluerit, & cui
vacuum fuerit. Qui quoties dubitaverit ne ab hora præoccupetur, si
cantaverit, interroget Sacristam per signum; si annuerit, cantet; si con-
tradixerit, dimittat.

8. In Lyrensi B. Mariæ monasterio qui vinearum Custos institutus erat;
is quotidie hora post mediam noctem quarta operariis Missam cantabat,
c. 26. „ estque illâ horâ Missas cantandi antiqua satis consuetudo; ut patet ex
sec. 2. „ vita S. Galli Abbatis qui aliquando dum fratres [post laborem matutina-
245. „ lis officij lectos suos reviserent primo diluculo] Missam cantasse legitur;
& ex vit. S. Wunibaldi in qua Presbiter quidam valde diluculo ecclesiam
intraſſe ad Missam faciendam dicitur. n. 22. sæc. 3. Ad viaticum verò in-
firmis præbendum quacumque hora Missam celebrabant, ut colli-
13. c. 7. „ gitor ex S. Odone in vita S. Geraldii Comitis Auriliacensis, cui ut
in bibl. „ viaticum exhiberetur, Sacerdos post Completorium celebrasse dicitur.
Clun.

9. De altaribus in quibus veteres monachi celebrarent, duo nobis
hic notanda occurrunt. Primum est quod eodem in altari Sacerdotes
duo absque necessitate eodem die sacrum Missæ sacrificium nusquam
offerebant. Extat hujus rei luculentum testimonium in citata jam à
spicil. „ nobis S. Angilberti charta, in qua præscribit; ut [nulla dies prætereat
To. 4. „ absque sacrarum Missarum decantatione; videlicet, ut si non plus,
c. 11. „ vel triginta à fratribus diversorum chororum *per diversa altaria* Missæ
quotidie agantur.

10. Quare in Divionensi S. Benigni monasterio jejuniij Quadragesi-
malis initio singulis Sacerdotibus suum assignabatur altare, in quo
Missam in posterum celebraret; ut docet nos M. S. Ceremoniale ejus-
dem monasterij quod vidit Mabillonius noster. Idipsum observa-
bant nostri Casalini respectu Episcoporum, ut discimus ex Ceremo-
niali M. S. Non præsumat Sacerdos celebrare in aliquo altari, ubi
c. 13. „ ipsa die Episcopus celebraverit.] Cartusienſes autem bini & bini in
O. d. „ sacella, quibus per Sacristam deputati sunt] celebrant; ut habetur
c. 32. „ in eorum Ordinario. Secundum est quod in viam directi altaria iis in
n. 2. „ locis erigebant in quibus existebant, hæcque altaria *viatica* appella-
bantur, ut discimus ex Petro Boherio in Apparatu ad Benedicti Pa-
pæ XII. Constitutionem ubi ad c. 27. sic loquitur: [Ex hoc videtur
„ & ex c. l. Regulæ nostræ, ac etiam de cons. dist. 1. Concedimus, li-
„ cere nedum Abbati 1. eodem §. Abbates. Immo etiam monacho ubi
„ erit altare viaticum erigere, cum aliquando habeant etiam secundum
„ Regulam extra monasterium proficisci; ut patet in Regulæ c. lxvij.
„ Sed contrarium credo, nisi habeant speciale privilegium. De privileg.
„ c. fi. li. vi. & de pœn. dist. 1. sicut. Et hoc est quod dicit salva honestate,
„ &c. Non tamen faciliter est eis denegandum.] An verò locus is intel-
ligendus sit de altaribus portatilibus, quale erat illud quod Fontanel-
lenſi

lenſi monaſterio largitus eſt Sanctus Wlframmus cū monachicum ſponderet votum, ſcilicet [altare conſecratum in quatuor angulo- rum locis, & in medio reliquiis continens Sanctorum in medum clypei, quod ſecum dum iter ageret vehere ſolitus erat,] ut teſta- tur Jonas in vita Sancti Wlframmi c. 5. Aliis iudicandum relinquo. Huiusmodi altari utebantur haud dubium Sandionyſiani Monachi in caſtra Caroli Magni adverſus Saxones proſecti, quibus [ſollemnis ara tum lignea tabula erat, quæ linteo adoperta modum altaris effere- bat,] ut ait anonymus in l. 1. Mir. S. Dionyſ. c. 20. & Fuldenſes mo- nachi ſub Rabano Abbate, qui in translatione SS. Reliquiarum in prate Miſſarum ſolennia propter multitudinem celebrariſſe ſub dio le- guntur in vit. Rabani auctore Rudolpho ejus diſcipulo.

11. Hic prætereire non poſſum quod de Baſilicæ Anianenſis à S. Be- nedicto conſtructæ altari refert. Ardo ejus diſcipulus, in ejus vita n. 26. S. Benedictus [in altari, quod poſſimum præ ceteris videtur, tres aras cenſuit ſubponi. . . . altare verò illud forinſecus eſt ſolidum, b in- tus autem cavum retrorſum habens oſtiolum, quo privatis diebus incluſæ tenentur capſæ cū diverſis reliquiis Patrum.

12. Quod ſpectat ad ritus inter celebrandum obſervari ſolitos, obſer- vandum primò quòd ſolus Sacerdos numquam ſine comite ſocio cele- brabat; hinc ſanctus Gallus Miſſam cantaturus [vocavit Magnoadum Diaconum ſuum dicens illi: Inſtrue ſacræ oblationis miniſterium, ut poſſim divina ſine dilatione celebrare myſteria,] ut ſcribit Walfridus ſtrabus in ejus vit. c. 26. Hic ex Concilio Eboracenſi an. 1195. celebra- to debebat eſſe *Litteratus*; & apud Cluniacenſes & Farſenſes Converſus monachus erat.

13. Ciſterciènſes duos minimùm adhibebant teſtes quorum munia deſcribit lib. Uſum his verbis: [Qui autem cantare voluerit, duos teſtes habeat, unum clericum qui ei miniſtrare poſſit; qui ſi Acolythus tantum fuerit, non præſumat calicem deferre ſuper altare, neque panem, & vinum miniſtrare, neque Sacerdoti offerre: cætera verò po- teſt adimplere. Quod ſi Sacerdos, vel Diaconus, vel Subdiaconus fuerit, poteſt panem & vinum in calice miniſtrare, atque Sacerdoti offerre; aquam tamen non niſi Sacerdos qui cantat admisceat. Alter verò frater, ſi laicus eſt, niſi horum præſumere debet, niſi aquam afferre, & Sacerdoti infundere antequam induatur ſacerdotalibus veſtibus, candelam, vel lampadem accendere. Presbyterium poteſt af-

* Contrarium tamen videtur ex vita S. Vvonebaldi, in qua Presbyter quidam eccleſiam valde diluculo intraſſe dicitur ad Miſſam faciendam pro eo; unde ſuaviſſimo odore reſpiratus exiit ad conſortem habes miraculi querendum, quod certe non feciſſet ſi ſocium Miſſæ miniſtrum habuiſſet. Idem colligere eſt ex vit. S. Me- gnaſtradi Eremitæ, qui à ſecuriis Miſſam celebrans ſolus inventus eſt, ac poſtea occiſus eſt. ſæc. 4. part. 2. Vide tamen regulam Croddegangi ad Canonicos c. 77. Speil. tom. 1.

„ cendere, tam ipse, quàm ceteri laici, non solum ad Missam; sed
 „ quoties necesse fuerit; gradum tamen altaris non ascendunt, nisi
 „ propter aliquam necessitatem eis præcipiatur, vel quando commu-
 „ nicant.

14. De huiusmodi ministro hæc statuunt congregati Nortamptoniæ
 apud „ ad Provinciale Capitul. an. 1343. Abbates Anglicani c. 1. [Statuimus,
 Reyr. „ ut nostri Ordinis Sacerdotes, sine monacho, vel alio Religioso socio
 clem. „ aut saltem honesto clerico non celebrent Missas suas, & ut præsto sint
 in app. „ huiusmodi clerici celebrare volentibus; statuimus ut in singulis monaste-
 3. P. „ riis, altaribus singulis per Prælatos honesti deputentur ministri, quibus
 153. „ exhibeantur victualia de communi elemosina, vel aliunde prout Præ-
 „ lati duxerint ordinandum.] Idem renovant in Capitulo anni 1444. c. 2.

15. Secundo ad Missas etiam privatas signum aliquod pulsabant, ut
 „ patet ex Valefrido in vita S. Galli c. 26. [Et signo pulsato, oratorium
 „ ingressi prostraverunt se in orationem, & cœperunt Missas agere.

16. Tertio, Etsi B. Benedictus solis itinerantibus femoralia conce-
 dere videatur; tamen nullus Sacerdos sacrum & incruentum sacrificium
 absque femorali offerre præsumebat, ut colligitur ex vit. S. Constabilis
 Abbatis Cavenensis apud Boll. 17. Feb. n. 11. in quo refertur quod Rossa-
 mandus monasterij Prior [quodam tempore cum petenti pauperi fe-
 „ moralem lineam tribuisset, sequenti die, ut proposuerat, pro venera-
 „ tione ejusdem patris Missas celebrare non potuit; subito tunc adfuit
 „ qui ei suta femoralia detulit, atque tanti patris obsequio aptum fecit.]
 „ Ideo enim ille Missas celebrare non poterat, quia datis pauperi femo-
 „ ralibus carebat, quæ cum aliunde accepisset sacro obsequio aptus
 factus est.

17. Quarto Sacerdos ad altare sacris se vestibus induebat, ut videre
 1. 2. „ est apud Udalricum in antiq. Clun. Monast. conf. ubi sic loquitur: [Sac-
 c. 30. „ cerdos si Missam privatam cantare voluerit, innuit *Converso* cum signo
 „ Crucis. quod est signum Missæ cantandæ; qui continuo sequens illum
 „ ad locum ubi sunt utensilia recondita ad solemnia Missarum; accen-
 „ dit candelam, ponit in brachium sinistrum vestimentum sacerdotale,
 „ & desuper librum missalem. Sacerdos autem primò manus suas lavat
 „ & tergit, mittit hostiam cum cocleari super patenam: Calicem quo-
 „ que lavat, & tergit. Item in ampullas duas mittit vinum & aquam,
 „ quas & cum sinistra lavat, & cum dextra calicem, superpositis pate-
 „ na & corporali. Ita præcedens *Conversum* sequentem pergit ad altare,
 „ ubi est cantaturus; cujus linteum complicatum explicat, ponit cali-
 „ cem, & librum missalem. Ad vestimentum non est improvisum, nec
 „ omisum, ut ad singula altaria una sit tabula, in qua ponatur, unum-
 „ que lignum patulum, & muro infixum, super quod ponuntur ampullæ:
 „ pender quoque in promptu manutergiolum ad quod Sacerdos postquam
 „ se induerit, lavatus tergit summitates digitorum quibus necessariò
 „ tangit res sacratas.] Idem patet ex Antiquioribus Farfensis mona-

sterij conf. in quibus præscribitur ut Sacerdos, [mox ut exierint ex matutinalibus officiis, si dies fuerit, annuat uni ex Conversis, quali velit, & . . . ex tunc eat & accipiat librum & albam, & ponat ad unum ex altaribus: nam nulli est licentia aliunde auferre postquam acceptum habet. Denuo revertatur in sacrum, & accipiat hostiam & calicem; tunc perfundat eum cum aqua infusorio, atque tergat linteolo priusquam habuerit missum vinum & aquam. Conversus qui ad iuratus est eum accipiat candelam & accendat & pergat ad locum ubi sacra agere debet.

18. Quinto notandum quod ait ibidem idem Udalricus [Sacerdos quando se vestit ad Missam privatam, si pulsatur signum ad horam regularem, & necdum stolam misit super collum, exuens se cessat à Missa, & pergit ad Horam.] Idem habent Conf. S. Benigni c. 13. Reliquos Missæ private ritus, quia nos aliunde deficiunt antiqua monumenta, ex M. S. Cluniacensium consuetudinibus & Divionensibus S. Benigni c. 13. repetere oportet; ibi enim omnes describuntur prout sequuntur: [Sacerdos Missam cantaturus primùm ablucere debet manus cum vase in ecclesia parato ad hoc opus, tum parans hostiam ad hoc opus in patenam, abluto calice simpliciter, aut si necesse fuerit cum digitis, immittit in ipsum vinum & aquam, & tergit; qui premens corporale cum pollice ac patenam, accipit calicem manu dextra, sinistraque binas ampullas, & socius ejus vestimentum limbum ejus subtus ponendo cum missali & candelâ; & adeunt altaris sacrosancta, ubi in loco suo positis ampullis, & tenendo calicem, ipse à parte dextra, & socius à sinistra aptant altare velamentis; sicque ponit calicem in medio altaris, ac missalem in parte dextra. Post exuens tunicam facit ante altare metaneam. Interim socius ejus vestimentum dissigat, amictum displicatum capiti applicat, albam à parte capitis tenendo plicatam, ora expansa cum lingulo & manipulo donat. Hinc ipse Sacerdos intenenendo stolam Confiteor dicit, respondet socius: *Misereatur vestri cum Confiteor*, sed antequam respondeat: *Misereatur vestri*, ipsam osculando sibi imponit, adjungendo: *Indulgentiam & remissionem omnium peccatorum nostrorum*, cum *Ad iuramentum nostrum in nomine Domini*; sicque casulam induit, quam etiam socius studiosè inter brachia plicat, & amictum desuper aptat. Tunc ablutis digitis ac terfis orationem brevem facit acclivis qua terminata, erectus se crucis signaculo munit, post osculato altari dicenda in missali circumspicit, moderate Introitum cum Gloria, ad quam se inclinando, & Kyrie eleison ipse inchoando, absque tono ad dextram dicit. Sed lecturus Epistolam ad sinistram transit, ibique reliqua usque post communionem canit. Dum collectas primas, medias

• Hic Divionenses consuetud. ad marginem addunt: [Debet calicem aspicere, ne aliquid de fragmento Dominici Corporis per negligentiam sit remanens; postea intus vinum & aquam mittere & calicem tergere; deinde orationem brevem facit acclivis,

„ & ultimas dicit, socius ejus acclinis est; sed ad Canonem erectus in diebus festis, & octavis; & super genua prostratus diebus privatis.

„ 19. Quando debet recitare Evangelium, osculatur altare & ipsum; singulas cruces ad *Sequentia S. Evangelii* in fronte, & in pectore sibi depingit cum pollice, ac tertiam cum digitis duobus ante se ad *Gloria tibi Domine*. Quo lecto, & osculato, præsenter sociis ad osculandum; & offeritorium & calicem portigit ad offerendum, ac recipit facta offerenda honestè plicatum. Inter dicendum offerendam, vel post, corpore in medio altaris displicat, hostiam & calicem à socio accipiens in ipso aptat, patenam sub corporale tectam locat; binos utriusque manus digitos lavat, & combinat; orationi se inclinat, quam osculatione altaris terminat. Inde versus ad adstantes, divinæ meditationi insilire nitibus & voce supplicat. Eo ordine collectas Secretarum, quo primas contra calicem stando, totiensque *Per Dominum nostrum* replicat; atque in ultima: *Per omnia secula seculorum*, altè pronunciat. Inter dicendum, *Sursum corda* digitos utriusque manus, quatuor primis combinatis, reverenter usque ad humeros elevat; præfationem recitat, qua dicta ad *Sanctus Sanctus Sanctus* se humiliat, & dum dicit: *Benedictus qui venit*, se inclinans signat. Dum inchoat: *Te igitur clementissime Pater, per Dominum nostrum Jesum Christum filium tuum*, se erigit; sed acclinis usque ad altare, quod & osculatur *Supplices rogamus & petimus* dicit. Et inter: *Hac dona, hac munera, hac sancta sacrificia illibata*, tres cruces super utramque oblationem facit.

„ 20. Hinc usque ad *Quam oblationem* simpliciter quæque prosequens, ubi dicit: *Benedictam, adscriptam, ratam*, tres cruces communes facit super utrumque. Dum dicit: *Corpus & Sanguis*, duas semotim super hostiam & calicem. Dum dicit: *Accipit panem*, accipit hostiam, quatuor primis digitis ad hoc ipsum ablutis & præparatis, & usque contra pectus levat. Et dicto: *Gratias agens*, ponit. Dum dicit: *Benedixit*, crucem desuper facit. Iterumque dum dicit: *Accipite*, accipit, & tenet usquequo dicat: *Hoc est corpus meum*. Item dum dicit: *Accipiens hunc præclarum calicem*, accipit ipsum coopertum corporali; dictoque ut supra: *Gratias agens*, ponit; & ad: *Benedixit*, benedicit, & ad: *Accipite*, accipit, ac tenet usque: *In mei memoriam facietis*. Item dum dicit: *Hostiam puram, hostiam sanctam, hostiam immaculatam*, facit tres communes cruces super utrumque, & unam super corpus, dum dicit: *Panem sanctum vite aeternæ*; alteram super calicem, ad: *Calicem salutis perpetuæ*. Ad: *Supplices te rogamus* se inclinat. Dum dicit: *Ex hac altaris participatione*, altare osculando se elevat; & inter dicendum: *Sacrosanctum filij tui corpus & sanguinem*, corpori & sanguini singulas cruces imprimens, semetipsum tertia cruce signat. Item ad: *Sanctificas, vivificas, benedixis*, tres communes cruces super utrumque facit. Ad: *Præstas nobis*, calicem discooperit, corpus Dominicum accipiens. Inter dicendum: *Per ipsum, & cum ipso, & in ipso*, tres

crucis dextra, sinistra calicem tenens, de ipso corpore per medium calicis peragit. Cum dicit: *Omnis honor & gloria* extra calicem in summitate ipsius duas cruces imprimit. *Per omnia secula seculorum* dicendo, corpus Dominicum intra calicem primis digitis tenens, ipsum calicem de corporali amb. bus manibus levat praeumer, ac sustentat. Ad: *Pax* ceptis pat. carbas, posito calice, corpus Domini in corporali ponit, digitis quatuor intra calicem fricatis, deque ipso corporali sicut antea erat calicem operit. *Pax vobis*, cum *Libera nos* quassimus Domine usque *omni perturbatione seculi* dicit. Tunc calicem discooperiens, corpus Domini accipit. Inter dicendum: *Per eundem Dominum nostrum* / *C. pium tuum*, particulam dextram Dominici corporis digito secans, non penitus separat, & dum: *Qui tecum vivis & regnas in unitate Spiritus sancti* dicit, hanc particulam ex toto dividit, medietate conjungit; ac dum: *Per omnia secula seculorum* dicit, dextram particulam prendit. Ad: *Pax Domini sit semper vobiscum* tres veloces cruciculas de ipsa particula per medium calicis faciens, in sanguinem mittit. *Agnus Dei* per se incipiendo canit. Pacem socio, si vivorum est Missa porrigit. Primum se media particula; post socium tertiam, veniam usque ad terram, & osculatione manus praemissa, communicat, si nutu significavit. Deinde sanguinem sumit. Tunc socius sibi prima & tertia vice in calice super quatuor digitos primos, qui corpus Domini traheverant, vinum infundit, quos debet tergere post abluitionem in anteriori parte calicis, unde sanguinem sumit. Deinde ad faciem suam; sicque calicem socio, si communicavit, tribuit, & recipit, osculaturque manum socii dum calicem Sacerdoti reddit. Hoc expleto, corporale plicat & dicta communionem, missalem ad dextram ponendo Missam consummat. Quod si vivorum Missa est, & collect. pro defunctis dixerit, dicto *hie missa est*, vel: *Benedicamus Domino*, potest adungere: *Amen omnium fidelium defunctorum requiescant in pace*, ita altè, ut respondeat socius: *Amen*. Ita libro clauso, manus sub casula tenendo, socius per summitatem capitij accipit ipsum, Sacerdos manipulum cum stola, atque albam per manicas & socius . . . de . . . cum amict simile aptant, quibus plicatis & cum conjunctis, Sacerdos metaneam coram altare facit, tunicam induit, manus in piscina abluit, calicem accipit, altare cooperit, uterque quoque in suo loco honestè composita restituit.

21. In his omnibus plura observanda sunt. 1. Quod ante Missam vinum & aquam in calicem infunderent; idem praestabant Cartusienles, saltem quoad vinum; nam unam aut duas aquae guttas cum coleari post offertorium immittebant, ex eorum ordin. c. 32. in quo tamen additur: *nisi prius hoc fecerit*, Sacerdos: Vigebat tamen saeculo x hodiernus post Evangelium in calicem fundendi vinum usus; ut patet ex Folcuino in libro Miraculorum S. Ursinari Abbatis Laubiensis, n. 12. [Retulit isdem Presbiter nobis, quod dum quodam die in ipsa eccle-

Pax tecum frater. Cuilibet enim religioso, vel sæculari cum datur pax osculanda, dici debet: *Pax tecum frater*; & osculans illam respondet similiter summissa voce: *Et cum spiritu tuo.* Cistercienses sibi invicem pacem non dabant, nisi presentibus hospitibus, aut fratribus communicaturis: oblata sibi tamen extra monasterium recipiebant: ut præscribit liber Usuum his verbis: Sacerdos [pacem non dabit nisi forte presentes fuerint illi Missæ hospites, vel frater communicaturus... notandum verò quod Abbates, monachi, & Conversi quando Missas audiunt in ecclesiis quæ non sunt de Ordine nostro, sicut ceteri pacem accipiunt, si eis offertur.

30. Decimo notandum quod seipsum & ministrum eadem hostia Sacerdos communicabit.

31. Undecimo Evangelium Sancti Johannis in fine Missæ omittebant.

32. Duodecimo, Quod finita Missa manus lavaret Sacerdos. Hanc rationem offert Udalricus: [Finita Missa cum redierit nec tunc omitte lavare summitates digitorum maxime propter calicem, & propter corporale reportandum.] Hujusce ritus fit mentio in l. 2. de Gestis SS. Rotonensium c. 1. [Accelera huc concham æneam cum aqua, in qua lavant sancti Sacerdotes manus suas post immolationem sacrificij;] & in vit. S. Popponis n. 47. [Hora tunc erat quando vir Dei Missarum solemnia expleverat, cum ministri aquam ad ablundas manus vel os porrexerant;] & in lib. 1. Dial. S. Victoris par. III. n. 5. Quicumque febre detentus hausisset ex aqua, quæ de manibus ejus defluebat, dum post Missarum solemnia ablueretur, mox sanitate recepta liberaretur.] An verò huc etiam referendus sit locus ex vita S. Stephani Abbatis Obazimensis l. 2. n. 33 [accedens enim ad Missam antequam eam consummasset aquam de puteo verè tunc novam ad abluendas manus, & calicem detulerunt.

33. Decimotertio, His omnibus etiam illud addendum quod subdit paulo post idem Udalricus: [Interim dum hora cantatur si Missam finierit, & ipse venire potuerit in chorum ante *Gloria* primi psalmi, Conversum dimittit cum vestimento complicato, vel non complicato, & ipse pergit ad Horam. At si venire non potest, non se movere à loco, nec Conversas, quousque hora finiatur.] Extat hanc in rem inter Capitula sancti Adalardi Abbatis Corbeienfis de admonitionibus in congregatione c. 23. [ut Presbiteri Missa sua expleta ad Sextam vel Nonam, si convenienter possunt occurrant.

34. Decimoquarto, Denique præterire non possum quod de S. Stephano Obazimensi legitur in ejus vit. l. 2. n. 60. [Peracta Missa, mox sanctum altare linteaminibus aptissime componebat; ut nihil ejus intectum maneret, nihil foras ex linteamine turpiter promineret, sed cuncta desuper plana, deorsum æqualiter pendentia, undique bene parata, pulvere mundata relinqueret, nihilque circumcirca eo discedente indecens,

vel incongruum remaneret. Vestimenta quibus exuebatur quantquam ministri hinc inde parati assisterent, propriis manibus ipse plicabat ut & minus promptos hac sedulitate instrueret, & exemplum aliis daret ne quis quantilibet occupationibus implicatus hoc facere recusaret.] Superiori saeculo speciales in Missis etiam privatis ritus observabant nostri Casalini, quos hic breviter perstringere necessarium duximus.

35. In primis Sacerdos praemissa sacramentali confessione & brevi Passionis Christi meditatione, hisce precibus ad celebrandum sacrosanctum Missae sacrificium se se preparabat: *Veni creator Spiritus*, &c. *Veni sancte Spiritus*, &c. *ψ. Enate*, Oratio, *Deus qui corda*: Psalmus *Credidi*: *Kyrie eleison*: *Pater noster*: *ψ. Ostende nobis Domine misericordiam*: *Domine exaudi orationem*: Oratio: *Aures tua pietatis*, &c.

36. Deinde exuens cucullam dicebat: *Exue me Domine veterem manus lavando*: *Largire sensibus nostris*, &c. tergendo manus: *Da Domine virtutem*. Tum genuflexus: *Fac me quae so omnipotens* &c. Ad amictum: *Pone Domine galeam*. Ad albam: *Indue me Domine* Ad cingulum: *Proscinde Domine*. Ad manipulum: *Merear precor Domine* Ad stolam: *Redde mihi Domine*. Ad casulam: *Indue me Domine ornamento*: E Sacrificia procedendo: *Deduc me Domine in via mandatorum tuorum*, &c.: Psalm. *Judica*: Ad altaris gradus accedens simul cum ministro genuflectebat, surgensque calicem aptabat, pergens ad missilem, officium querebat, reversus in medio altaris dicebat submissa voce: *Actus nostras* &c; altare in labio ejusdem signando, quo deosculato ad gradum ipsius retrocedebat, ubi facta inclinatione dicebat: *In nomine Patris*, &c. *Et Introibo ad altare Dei*: *Confitemini Domino quoniam bonus*: Ministro ad singula respondente. Subjungebat confessionem, & absolutionem: *Adjutorium nostrum*: *Domine exaudi*: *Dominus vobiscum*; tum profundè inclinatus: *Aufer à nobis*. Progrediendo ad altare: *Conscientias nostras*; factoque signo crucis in medio altaris, illud deosculabatur: Inde accedens ad librum, inclinando dicebat: *Tham crucem adoramus*. Postea incipiens Introitum, se signabat, manus super margines libri tenens, quod Introitum repetendo iterum praestabat. *Kyrie eleison* eodem in loco incipiebat, procedendo in medio altaris illic perficiebat.

37. Post Epistolam dicto Alleluia, vel Tractu, Sacerdos apertum librum in cornu sinistrum defererebat dicens: *Domine labia mea aperies* ante medium altaris paululum inclinando. Quibus peractis, oblati à ministro vini & aquae ampullis, vinum infundebat in calicem primum, tum aquam cum parvo coeleari dicens: *Fiat hac commixtio vini & aquae pariter salutare sacramentum in nomine Patris & Filii & Spiritus sancti* signando calicem, & responso: *Amen*; subjungebat: *Deus qui humanae substantiae*, & continuò patena cum vane super calicem posita, coeperiebatur cum parvo corporali. Deinde priusquam Evangelium

Evangelium inciperet, dicebat: *Iube Domine benedicere: Dominus sit in corde meo.*

38. Ad Evangelium ministro respondente *Gloria tibi Domine*, Sacerdos conversus ad medium altaris inclinabat; & in fine responso: *Deo gratias*, librum signabat, & osculabatur dicens: *Per Evangelica dicta*. Ad hæc symboli verba: *Et homo factus est* genuflectebat, erigens se tantum; ad: *Resurrexit*. In defunctorum Missis ad hæc offertorii verba: *Hostias & preces tibi*, calicem tenebat Sacerdos.

39. Lecto offertorio, calicem cum patena & oblata desuper accipiens, paululum inclinatus hac oratione oblationem faciebat: *Grata sit tibi Domine Deus hac oblatio, quam tibi offerimus pro nostris delictis, & Ecclesie tue sanctæ Catholice. Amen.* sub cujus finem crucis signum cum calice faciebat; deinde accepta patena, oblatas super corporale dimittebat; ipsamque patenam media sui parte sub corporali abscondebatur; interim dicens: *In nomine sanctæ & indivisæ Trinitatis, Patris, & Filij, & Spiritus sancti descendat Angelus benedictionis, & consecrationis super hoc munus oblatum. Amen;* calicem ipsum signando; postea divertens ad cornu altaris dextrum dicebat: *Lavabo inter &c.* manus ablucens, & tergens; revertensque ad altaris medium: *Veni sancte Spiritus reple &c.* ubi perveniens, inclinatus addebat: *In spiritu humilitatis*, cujus in fine altare signabat & osculabatur; tum extensis super calicem manibus, subjungebat: *Veni invisibilis sancti fector*, calicem desuper signando. Postea conversus ad populum dicebat: *Orate fratres*; cui minister respondebat: deinde dicto: *Domine exaudi orationem meam*, secretas recitabat, & præfationem.

40. Ad Canonem eisdem fere ritus observabant quos nunc habemus in usu, excepto quoddam Sacerdos osculaturus altare, prius illud signabat, peracta consecratione, brachia in modum crucis expansa tenebat; ante orationem Dominicam quinque cum hostia super calicem cruce faciebat, postea corpus Dominicum à latere dextro reverenter ostendens populo. Ad hæc verba: *Et dimitte nobis debita* pectus tundebat, fractam hostiæ particulam in calicem non mittebat, nisi post ter dictum: *Agnus Dei*, idque dicendo: *Hæc sacrosancta commixtio*. Postea cooperto calice, utraque manu corpus Dominicum super patenam sustinens dicebat orationem: *Domine Jesu Christe qui dixisti*; qua finita, corpus Dominicum osculabatur subjungens: *Pax tua Christe mihi sit semper. Amen*. Postea corpus Domini in patenam dimittebat, patenam verò super calicis pedem reclinabat, minister autem utrisque manibus pacem osculandam Sacerdoti offerebat; quam ipse osculando dicebat: *Pax tibi frater & Ecclesia sancta Dei*; ministro submissa voce respondente: *Et cum spiritu tuo pater*. Deinde duas alias orationes subjungebat ac ter: *Domine non sum dignus*, manu dextra pectus percussens, sinistram pectori applicans: tum genuflectens corpus Domini accipiebat dicens: *Panem celestem*. Facta communione, primo vinum in calice accipie-

E c

bat, quo hausto dicebat: *Corpus tuum Domine*. Postea accedens ad cornu altaris digitos vino simul & aqua in calicem abluebat dicens: *Quod ore sumpsimus: O sacrum convivium: Nunc dimittis* Sumptaque secunda hac ablutione, minister solam aquam in calicem fundebat, quam Sacerdos circumducens tandem in pelvim vel in piscinam effundebat, calicem linteo tergens. H's peractis, Sacerdos in medio altaris constitutus dicebat: *Agimus tibi gratias*, postea Postcommunio- nem & reliqua. Dicens verò Evangelium S. Johannis corporalia pli- cabat &c. Hæc sunt præcipua quæ Missæ privatæ ritus spectant; quæ verò de Missis votivis restant dicenda; breviter expedio.

41. Missas votivas vocamus eas, quæ nec officio dici in quo dicun- tur, nec ipsi tempori conveniunt. Harum usus apud antiquos non planè infrequens extitit; maximè earum quæ pro defunctis, pro infirmis, pro iter agentibus, pro necessitatibus publicis dicebantur; de quibus Missas proprias videre est in antiqua Liturgia Gallicana, & in lib. Sacramen- torum S. Gregorij Papæ. Quæ verò nunc de Spiritu sancto, de Cruce, de Beata Maria, de Sanctis dicuntur, harum usus non ita videtur antiquus; quippe Alcuinus Missarum de Trinitate, de Angelis, de Cruce, de Spiritu sancto, & B. Maria in Sabbatho author esse dici- tur apud Gavantum Comm. in rub. Miss. part. 1. tit. 4. Et certè ipse, ut scribit in ejus vita anonymus n. 26. sæc. 4. [celebrabat omni die Missarum solemnia multa cum honestatis diligentia, habens singulis hebdomadæ diebus Missas deputatas proprias;] postea etiam Missas de cruce votivas dictas fuisse reperi sæculo x, quo Sacerdos quidam ad alta- re S. Wiboradæ sepulchro appositum *Missam de sancta Cruce feria sex- ta* omni hebdomada celebraturum se spondit; ut testantur Acta ejusdem S. Wiboradæ n. 38. sæculo xj. Cluniacenses de Trinitate votivas Missas dicebant, ut patet ex Udalrico. Cistercienses in institutioni- bus Capitul. Cisterc. omni Sabbatho aliqua festivitate vacuo Missam solemniter dici de B. Maria præscribunt; & in libello antiq. definitionum: *Omni die inquit*, [quo Missa quotidiana cantatur pro defunctis, debet dici Missa de B. Maria; præter festa Natalis Domini, Paschæ, & Pentecostes; in quibus tribus diebus nec de ipsa, nec pro defunctis privatim dicitur.] In M. S. consuetudinibus Guillelmi primi Abbatis pro Ordine Grandim. sæc. 14. editis assignantur feria secunda Missa de S. Angelis, tertia de S. Maria, quarta de Sancto Stephano insti- tutore Ord. Grand. quinta de Spiritu sancto, sexta de sancta Cruce, Sabbatho de sancta Maria. Atque ante hoc tempus Missas votivas de privatis aliquibus sanctis non legi, licet Petrus Damiani ad Desi- derium Abbatem Cassinensem scribens dicat: [Nos etiam in eremis sive monasteriis, quorum videlicet ad Christi gloriam ministri sumus, tres per hebdomadas singulas dies sanctis assignatos habemus, ad quo- rum honorem Missas specialiter celebramus;] Istæ enim Missæ ut ex consequentibus patet, erant feria secunda de Angelis pro Defunctis,

feria sexta de S. Cruce, & Sabbato de S. Maria.

41. Porro huiusmodi Missas omni die, etiam festivitate præcipua solemni cantare solebant; quod cum Lyrensis nostris grave esset, scilicet Missas de defunctis in die Natalis Domini, Paschæ, &c. dicere, [concessum est à Domino Abbate Gilleberto propter reverentiam & honorem sanctorum, & propter pacem cordium aliquorum, qui feriebant molestè, ut in præcipuis festis cantarent pro defunctis; quod hi qui in tabula fuerint ad Missam pro defunctis in his solemnitatibus, scilicet Natalis Domini, Paschæ, Pentecostes, Assumptione B. Virginis, Annunciatione ejusdem & omnium Sanctorum, in præcedenti feria se adquirent. Similiter si tricennale fuerit in conventu pro monacho nuper defuncto, ille qui in die unius dictarum solemnitarum deberet habere Missam pro mortuo, præcedenti die se adquirebit; & nihilominus in die solemnitatis ipsius reddet Missam in capitulo ac si eam eadem die celebrasset. Qui verò ad Missam de sancto Spiritu scribuntur, in his festivit, scilicet Nat. Domini, Paschæ, Pentecostes, cantabunt de die; tamen post primam collectam dicent orationem: *Familiam*, hoc antiquum est.] Ita M. S. Statuta Abbatum Lirensium. Porro Gillebertus de quo hic, dictus *De Haia* Lyrense monasterium regebat an. MCC LX. At multò ante hæc tempora nonnullis religio fuerat Dominicis diebus Missas de defunctis celebrare, ut patet ex antiquioribus Farsensis monasterij cons. in quibus hæc leguntur: [Solent verò interrogare, si liceat quotidie orare, aut sacrificium Deo offerre pro mortuis: Quibus respondetur, quia plerique in Dominicis diebus sacrificium pro mortuis non offerunt propter singularem reverentiam Dominicæ Resurrectionis, videlicet quia ille solus inter mortuos liber fuit, Deo valde condecet, ut ejus singularis Resurrectio venerabiliter ab omnibus, & sine alicujus amixtione defuncti celebretur.] Cistercienses etiam nonnullos dies excipiebant à Missis votivis, ut docet nos liber Usuum, in quo hæc habentur: [Missæ quoque pro defunctis non solent cantari Dominicis diebus, & solemnitatibus quibus sermo fieri debet in capitulo; nisi præsens defunctus fuerit. Missa verò quotidiana, quæ solet dici pro fratribus nostris defunctis, tantum intermittenda est die Parasceve & sequenti Sabbato, & die Paschæ, Pentecostes, & Natalis Domini. Hebdomadarius Missæ illius quotidianæ cantet de festo ad altare, ubi Missa eadem cantari solet, & dicat collectam: *Inclina* in secundo loco: si tricenarium fuerit, subjungat: *Deus cui proprium*. Quod si his tribus diebus præsens defunctus supervenerit, supradictus Hebdomadarius dimittat Missam de festo, & agat Missam pro eo, & dicat primam collectam pro eo, scilicet: *Inclina*; secundam verò: *Omnipotens sempiterna Deus cui numquam* pro illis, quibus: *Inclina* dicebatur. Et si tricenarium fuerit, dicat tertiam: *Deus cui proprium*. Ad utramque verò Missam in conventu quandiu præsens fuerit, dicatur collecta pro eo. Qui cantant

E c 2

„privatim, collectam tantum dicant pro eo, tam ante sepulturam,
„quam postea; poterit tamen cantare pro eo, qui voluerit.

CAPVT VII.

In quo referuntur nonnulla Veterum Monachorum consuetudines circa defectus in ipso sacrificio accidentes.

1. **H**actenus de Missa majori, matutinali, privataque satis. Reliquum est, ut nonnullas Patrum nostrorum consuetudines circa defectus in earum celebratione contingentes ex M. S. sive editis libris referamus.

Ex Statutis Lanfranci.

Cap. xj. *De negligentia circa Corpus Domini.*

2. Cum de Corpore vel de Sanguine Domini tanta negligentia aliquo casu accidit, ut cadat deorsum; sive in alium locum, ubi plene percipi non possit, quo ceciderit, & utrum ad terram inde aliquid venerit; quam citius fieri possit, indicetur res Abbati vel Priori; qui adjunctis sibi aliquibus fratribus properè veniat ad locum ubi hoc contigerit. Et si Corpus ceciderit, vel Sanguis effusus fuerit super lapidem, aut terram, aut lignum, aut mattam, aut tapetum, aut aliquid huiusmodi, pulvis terræ colligatur, pars illa lapidis radatur, pars ligni, mattæ, tapetis, aut si quid aliud est huiusmodi abscindatur, & in sacrarium projiciatur. Quod si locus ubi ceciderit manifestè deprehendi nequiverit, & tamen seorsum cecidisse constiterit, in loco, & circa locum in quem maximè cecidisse crediderint, similiter colligatur, radatur, abscindatur, & in sacrarium recondatur. Hi vero, quorum negligentia hoc euenit, in proximo capitulo humiliter culpam suam dicant, iudicium suscipiant nudi, & iungatur eis poenitentia, vel de jejuniis, vel iudiciis, vel psalmis, vel aliquid huiusmodi. Quibus de iudicio ad loca sua reversis, omnes Sacerdotes, qui tunc præsentibus erunt, surgant, & ad iudicia suscipienda cum omni devotione se offerant; tunc ille qui capitulum tenet septem tantum quos voluerit de ipsis ad suscipienda iudicia retineat, & ceteris ire solum præcipiat. Finito capitulo omnes simul prostrati dicant septem psalmos in monasterio, incipientes eos psallere cum exeunt de capitulo. Quos sequatur: *Pater noster* cum his capitulis, & collecta: *Sit super nos misericordia tua Domine: Ne memineris iniquitatum nostrarum antiquarum: Dominus vobiscum. Oremus: Exaudi quæsumus Domine preces nostras, & consentium tibi parce peccatis;*

ut quos conscientia reatus accusat, indulgentia tua miserationis absolvat, ce-
per; aut illam collectam: Deus cui proprium est miseri semper; aut
aliam pro peccatis. Si verò super corporale vel super aliquem honestum
pannum Sanguis ceciderit, certumque fuerit quod ceciderit; pars illa
panni in aliquo calice abluatur, & prima ablutio à fratribus ablu-
matur, reliquæ dux in sacarium projiciantur. In primo autem capi-
tulo dicta culpa, hi soli tantum, quorum negligentia hoc evenit,
supradictam disciplinam sustineant; Fratres verò omnes septem psal-
mos cum capitulis, & collecta sicut superius dictum est in mona-
sterio dicant; si ipsa die brevis pro defuncto in capitulo lectus fue-
rit, prius canant: *Verba mea*, pergentes in ecclesiam; postea septem
psalmos, sicut superius dictum est; si verò alio aliquo modo de hoc sa-
cramento levior negligentia evenierit; ex iudicio Abbatis vel Prioris
leviori vindicta frater cuius culpa hoc contigerit puniatur.

Ex M.S. Consuetudinibus Monasterij Cluniacensis.
Cap. 93. *De negligentia Sanguinis & Corporis si acci-
derit, quid fiat.*

3. Si de Sanguine Domini super corporale ceciderit aliquid, reci-
dendum est ipsum corporale, ac reliquiarum loco reservandum. Si
super pallam altaris, incidenda est particula illa, & pro reliquiis re-
servanda est. Si super casulam, similiter agendum est. Si in terram, ex-
tergendus est locus atque radendus, si sit lapis, si sit terra, ipseque pulvis
in sacario, vel in piscina radendus. Is autem cui accidit hæc negligentia
sub habitu stamineo cingulo tenus se nudare debet, ut petita venia iussu
Abbatis iudicium accipiat. Post hæc surgentes de aliis Sacerdotibus sep-
tem iussu Abbatis iudicia in stamineis accipiant, & post capitulum à toto
conventu prostrato canantur cum versu: *Domine non secundum peccata
nostra facias nobis*, & collecta: *Exaudi quasumus Domine supplicum preces.*
Si super altaris pallam de Corpore Domini aliquid ceciderit, non est tan-
ta negligentia sicut de Sanguine: pars itaque illa, in qua cecidit, vino
abluatur, sed non ideo inciditur: Ille verò cui talis evenierit negligentia
veniam in capitulo petens, iussu præsentis competens super stamineam
iudicium accipit cum illo cuius occasione tale quid acciderit. Si
verò in terram Dominicum ceciderit corpus, simili per omnia modo
agendum est, sicut supradicta docet de Sanguine narratio. Quod si in
Domini Sanguine musca, vel aranea, vel tale quid ceciderit,
quando talis res sine periculo non potest glutiri; nam necesse est
aut vomitum, aut ipsam consequi mortem; ut jam probatum est,
idecirco igne cremandum est: Satisfactio autem huiusmodi casus in ar-
bitrio præsentis est; quod scilicet illi, cui hoc accidit, aut iudicium
accipere jubeat, vel psalmos canere iungat: aut etiam publicè
eleemosinas dare, vel in conventu psalmos, prout sibi visum fuerit,
jubeat decantari.

4. Si fortè alicui fratri contigerit negligentia de Sanguine & Corpore Domini, si certus est; debet indicare Abbati. Si mediocris culpa est, ut cum sine lumine cantat, vel cum guttam, vel micam videt post actionem *a*, & nescit unde sit, sive digiti post consecrationem alicubi tetigerint, vel aliquid hujusmodi evenerit, pro talibus nudus ipse iudicium suscipiet. Et si sine vino *b*, vel sine stola, aut manipulo cantaverit; cum eo suscipiet disciplinam Conversi, & *c* qui videbuntur participes culpæ, pro vino *d* vel stola cessabit à Missa *e*, & majorem pœnitentiam sustinebit secundum visum præsentis. Similiter Levita, si sine stola legerit Evangelium, disciplinam; & cessatio- nem officij sui sustinebit pro dispositione Abbatis; *f* si sine manipulo, iudicium tantum suscipiet.

5. Si verò Corpus Domini, quod ipse avertat, ceciderit, vel Sanguis effusus fuerit, aut vinum quod post Sanguinem mittitur, sive micæ de patena perierint; abluantur panni super quos ceciderint prius vino, post aqua, & ipse binæ ablutiones bibentur à fratribus, qui affuerint, tertio laventur in sacrario. Frater, cui hoc acciderit, accipiat veniam in capitulo, & suscipiet iudicium, à Missa cessabit, disciplinas, jejunia, psalmos, secundum dispositionem Abbatis. Totus conventus, primus Abbas, deinde omnes à Priore usque ad novissimum iudicium accipient VII L. ictus secundum consuetudinem monasterij; post absolvat Abbas Fratrem, & omnes alios. Deinde surgentes post: *Verba mea* cantent vij psalmos prostrati ante majus altare; preces: *Post partum virgo: Exultabunt Sancti: Domine non secundum: Ne memineris: Domine exaudi: Dominus vobiscum: collecta: Concede nos: Ineffabilem: Deus cui proprium est.* Si super lapidem vel ad terram, aut super lignum aut fœnum ceciderit; aut colligatur, vel radatur quicquid poterit, & lotum diligenter in sacrario reponatur, & lavatura bibatur.

Item c. 62. Si Presbyter tota nocte vigilaverit.

6. Si quis per totam noctem vigilaverit aliquo negotio sua culpa intentus, non debet ipsa die Missam cantare. Si verò cum aliis fratribus ierit dormitum, & causa infirmitatis dormire nequiverit, cantabit si voluerit.

a Lyr. acceptionem.

b Lyr. addit: Aqua

c Lyr. Et ministri.

d Lyr. addit: Aqua

e Lyr. addit: 8 vel 3 diebus ad minus, & tres disciplinas suscipiet secundum visum præsentis.

f Lyr. secundum visum præsentis.

Item ex M. S. Rituali Beccensis monasterij,
& ex M. S. consuetudinibus Beatæ Mariæ de Lyra :

Incipit de emendatione sacramenti.

7. Si fortè alicui fratri acciderit negligentia de Corpore & Sanguine,
&c. ut suprà usque : Ipse nudus pro talibus suscipit iudicium. Si quis sine
altare benedicto cantaverit, solus iudicium habebit, & cessabit à Missa
pro dispositione Præsidentis ; Si sine vino, vel stola, &c. ut suprà, usque :
si sine manipulo cantaverit, iudicium tantùm sustinebit, quisquis ille
fuerit.

8. Cùm vinum vel aqua non mittuntur in calicem pro oblivione
si ad : *Per ipsum*, vel : *Agnus Dei* hoc averterit, mittat tunc vinum
vel aquam, & dicat : *simili modo usque in mei memoriam facietis*. Deinde
faciat : *Per ipsum*, & dicat *Pater noster* etiam si jam dixerit, & cætera
quæ sequuntur. Et ne hoc alicui eveniat, habeat in usu levare corpo-
rale & videre *b* calicem antequam dicat : *simili modo*. Inde solùm *c* ju-
diciū accipit *d*, & cessabit à Missa octo diebus, vel quindecim cum
psalmis, & jejuniis feria 4. & 6. secundum dispositionem præsidentis.

9. Si musca, vel pulex tangit, vel insidet super Corpus, vel locum
ubi est, solus Sacerdos iudiciū accipit, & vij psalmos tantùm dicat.
Si vomit post Missam pro infirmitate etiam in sacratio, vel in alio
loco extra calicem vel extra *e* quo non possit observari, omnes ju-
diciū accipere *f*, & illum cessare, cùm aliud de infirmitate, & ne-
cessitate ; aliud de incuria, & negligentia iudicandum sit. Et tamen
de hac re pro veneratione & reverentia Sacramenti ultra modum fieri
minimè potest.

10. Si fortè corpus intinctum ponatur in cruce corporalium, vel
alicubi *g* extra calicem ceciderit, totus conventus iudiciū habebit,
prima & secunda & tertia lavatura biberur *h* : Ille cessabit à Missa
ut dictum est. Si verò Corpus non tinctum, quod ipse Dominus avertat,
extra corporalia ceciderit, vel Sanguis effusus fuerit, aut vinum quod
post Sanguinem mittitur, sive micæ de patena perierint, similiter
conventus iudiciū habebit, panni super quos ceciderint, ablentur
prius vino, deinde aqua, & ipsæ binæ ablutiones à Fratribus qui af-
fuerint bibentur ; tertio laventur in sacratio. Si super lapidem, aut

a Lyr. per oblivionem.

b Lyr. addit Intus

c Lyr. solus

d Lyr. accipiat.

e Lyr. addit : Vas

f Lyr. addit : Vidi

g Lyr. aliquid

h Lyr. bibatur,

i Lyr. Laventur in sacratio. Reliqua desunt usque : si super.

„ terram, aut lignum ceciderit; radatur quantum poterit, & lotum
 „ diligenter in sacrario reponatur, lavatura verò i bibatur. Si verò super
 „ mattam, vel fœnum ceciderit, comburatur fœnum, vel illa pars mat-
 „ tæ super quam ceciderit, & in sacrario cinis mittatur: Frater cui hoc
 „ acciderit, accipiat veniam in capitulo, & postea iudicium ad duplum
 „ aliorum; deinde vadit sedere: Tunc Abbas, vel Prior qui tenet Ca-
 „ pitulum, surgit *m* solus, & accipit iudicium, & post vadit sedere
 „ surgentibus omnibus: deinde omnes à primo usque ad novissimum vij
 „ ictus iudicium suscipient secundum consuetudinem monasterij. *n* No-
 „ vitij, si qui sunt qui non habent Capitulum, non revocentur in
 „ Capitulum ad iudicium accipere. Fratres ejusdem monasterij, qui præ-
 „ sentes non fuerint usque ad octo dies suscipient iudicium, cum om-
 „ nes sederint, surgit ille per cujus manum hoc acciderit *o*, & stans
 „ ante analogiam absolvitur *p* cum omnibus aliis, deinde injungit *q* ei
 „ Abbas, vel Prior pœnitentiam secundum modum culpæ, & consuetu-
 „ dinem loci: scilicet disciplinas, jejunia, quinquaginta psalmos can-
 „ tabit *r* quandiu à Missa cessabit secundum dispositionem Abbatis. Dein-
 „ de surgentes, post *verba mea* cantent 7 psalmos prostrati ante majus
 „ altare, *s* subjungentes: *Kyrie eleison ter: Pater noster, Et ne nos: Post*
 „ *partum: Exultabunt sancti: Domine non secundum: Ne memineris Do-*
 „ *mine: Domine exaudi orationem: Dominus vobiscum Oratio: Concede*
 „ *nos famulos: Oratio: Deus cui proprium. Oratio: Ineffabilem misericor-*
 „ *diam tuam Domine nobis clementer ostende, & simul nos à peccatis om-*
 „ *nibus exuas, & à pœnis quas meremur eripias. Per Dominum. t*
 „

Item. De eodem post acceptionem.

„ *rr.* Quidam frater cantaverat, post acceptionem hostiæ, & vini
 „ haustum tribus vel quatuor vicibus, fratrem cogente nimia necessi-

l Lyr. autem.

m Lyr. surgat solus, & alius qui secundus est ab illo vadat sedere in locum suum; Abbas verò accipit iudicium & postea vadit sedere.

n Lyr. deest novitij usque cum omnes sederint.

o Lyr. accidit

p Lyr. absolvatur simul.

q Lyr. injungat.

r Lyr. cantare.

s Lyr. in choro, si fortè tunc corpus fratris defuncti jacuerit in ecclesia; post secundum *verba mea* in chorum intrabant, & dicent vij psalmos, ut dictum, subjungentes &c.

t Lyr. ad lit: Pro offensione sacramenti, xl diebus à Missa debet cessare in audientia, sed ex xl diebus potest prælatus in secreto *xx* relaxare pœnitenti, si placet; & pro unaquaque die quibus à Missa cessabit, *L.* psalmos dicere debet & *vj* feria in pane & aqua jejunare. Quando sacram facit frater communionem, & media pars Corporis in calicem ceciderit, de alia media parte debet fieri fractio, quoquo modo fiat, tres partes semper fieri debent de corpore nisi totum in calicem ceciderit... si alicui accidat ut nasus Sanguinem Domini tetigerit, & ipsum abluerit, ipse solus iudicium habebit.

tare

tate, excreavit; in ipsa excrementum quod tam partem hostiæ salutaris
super mappam ejecit. Comperit hæc fratres, & cum omni humore quem
expuerat illam partem hostiæ quam ejecit ore suscepit, & mappam
ut potuit lavavit in sacratio; propter hoc omnes susceperunt iudicium,
& ille frater xl. diebus cessavit: Insuper in pane & aqua fuit quandiu
placuit Abbati, forte tunc corpus fratris defuncti iacebat in ecclesia,
& ideo post secundam *Verba mea* dixerunt psalmos prostratos.

De effusione extra monasterium facta.

12. Si frater in cella commoranti, vel alicubi extra monasterium
suum infortunia de Corpore vel Sanguine Domini evenierit, hic cum
ad monasterium suum redierit, solus sine conventu iudicium accipiet,
& penam pro modo culpe sustinebit secundum dispositionem præsi-
dentis.

Ex M. S. Rituali Corbeiensis monasterij, M. SS. consuetudinibus
eiusdem, nec non & S. Cornelij Compendiensis.

*De negligentia, si acciderit nobis aliqua ad altare, quod absit;
hic continetur quod agere debemus.*

De effusione Sanguinis.

13. Si de Sanguine Domini super corporale ceciderit aliquid; re-
cidendum est ipsum corporale, & reliquiarum loco reservandum. Si
super mappulam benedictam altaris, incidenda est particula illa, & cum
reliquis reservanda. Si super casulam, similiter est agendum. Si verò
in terram; extergendus est locus, atque radendus, si sit lapis, si sit
terra, ipsæque pulvis in sacratio, vel in piscinam ponendus. Is autem
cui acciderit hæc negligentia, & minister, vel ministri ejus sumentes
veniam in capitulo debent recognoscere coram Abbate, vel Priore
qui capitulum tenet, & præcepto præsidentis debent iudicium accipe-
re, & post iudicium dictus Abbas, vel Prior debet Sacerdoti, cui
hæc negligentia acciderit, injungere ut in tribus feriis sextis in pane &
aqua jejunet, vel tria psalteria dicat, & tres Missas pro defunctis
celebret, & septem iudicia privata accipiat, & ministro, vel ministris
ejus debet injungere ut unusquisque septem psalmos dicat; & post
omnis conventus debet iudicium accipere, & post capitulum 7 psal-
mos prostratus dicere cum &. *Domine non secundum peccata nostra*, &
collectas: *Exaudi quasumus Domine supplicum preces*, & Eleemosinator
debet p'scere xlii pauperes de pane, & vino, & carnibus.

*De Corpore Domini super mappulam benedictam altaris
vel ad terram lapso.*

14. Si aliquis Sacerdos celebret divina, & infra Canonem Missæ post
Verbum caro factum, si eadem caro, scilicet Corpus Dominicum su-
per mappulam altaris ceciderit, dictus Sacerdos corpus Dominicum
capiens, reponet super corporale, & post Missam locum mappule,
ubi corpus Dominicum cecidit, abluet de vino super piscinam: Et si
super dictam mappulam benedictam de corpore Domini aliquid ceci-

FF

derit, non est tanta negligentia. Sanguine: pars autem illa in qua cecidit vino abluitur super patenam, sed non ideo inciditur: is autem cui talis negligentia accidit, & minister, vel ministri ejus debent recognoscere in capitulo coram Abbate, vel Priore, qui capitulum tenet, & præcepto præsentis debent judicium accipere, & post judicium dictus Abbas, vel Prior debet Sacerdoti injungere ut 7 psalmos dicat. Si verò ad terram Corpus Dominicum ceciderit; simili modo pet omnia agendum est, sicut supradicta docet de Sanguine narratio.

De Sacerdote qui cantat Missam usque ad: Simili modo, vel usque ad: Pater noster sine ministracione vini & aqua, vel totam Missam suam sine prædicta ministracione.

15. Si contingat quod aliquis Sacerdos celebrans divina prospiciat ad: *simili modo*, vel ad: *Pater noster* vinum cum aqua non esse ministratum in calice, hostiam quæ a posita erat super corporale sine ministracione vini & aquæ, debet tollere de dicto corporali, & ponere super mappulam benedictam, & aliam hostiam super patenam calicis debet apponere, & vinum cum aqua in calicem ministrare, & iterum incipere hanc orationem, scilicet: *Suscipe quesumus omnipotens Deus: Et si celebret pro defunctis, debet reincipere: Hostias & preces tibi Domine offerimus*, vel: *Domine Jesu Christe*, & submissè dicere, sicut: *Suscipe quesumus omnipotens Deus*, & post Missam hostiam quam posuerat super mappulam benedictam debet uti, vel tradere ministro suo ad utendum. Et si talis negligentia accidat Sacerdoti, qui cantet matutinalem Missam, vel magnam, sicut superius est expressum debet facere, sed: *Per omnia seculi, & Dominus vobiscum*, &: *Sursum corda, & Gratias agamus*, & præfationem debet submissè propter scandalum dicere; & Diaconus prope eum stans ad singula respondere. Ille Sacerdos cui hæc negligentia accidit, & minister, vel ministri ejus debent recognoscere in Capitulo coram Abbate, vel Priore qui capitulum tenet, & præcepto præsentis debent judicium accipere, & post judicium dictus Abbas, vel Prior injungat Sacerdoti ut quinquaginta psalmos dicat, & tria judicia privata sumat, & ministro, vel ministris ejus injungat, ut unusquisque vij psalmos dicat. Et si totam Missam suam dictus Sacerdos celebret sine ministracione vini & aquæ; ipse, & minister, vel ministri ejus recognoscere in capitulo, præcepto illius qui tenet capitulum debent accipere judicium, & post judicium ille qui tenet capitulum debet ei injungere ut in una feria sexta in pane & aqua jejundet, vel unum psalterium dicat, & quinque privata judicia sumat; & ministro, vel ministris ejus injungat, ut unusquisque vij psalmos cum leta-

a Comp. præposita

b Comp. Domine Domine

c al. singulas

nia dicat, & post omnis conventus debet iudicium accipere in Ca-
pitulo, & post Capitulum vij psalmos prostratus dicere cum *ps. Domine*
non secundum p. n. & collecta: Exaudi quesumus Domine supplicium
preces.

De Sacerdote qui cantat Missam, & ministrat
in calicem aquam sine vino.

16. Si aliquis Sacerdos celebrans divina ministrat in calicem aquam
sine vino, non est sacramentum; quia substantia deficit; & ideo ma-
xima *d* est negligentia. Is autem cui hæc negligentia accidit, & mi-
nister, vel ministri ejus debent recognoscere in capitulo coram Abbate,
vel Priore qui capitulum tenet, & præcepto præsentis debent iudicium
accipere, & post iudicium dictus Abbas, vel Prior debet injungere Sa-
cerdoti, ut in una feria *e* vj in pane & aqua jejunet, vel unum psalterium
dicat, & quinque judicia privata sumat, & ministro, vel ministris
ejus præcipiat, ut unusquisque in una feria sexta in pane & aqua je-
junet vel unum psalterium dicat, & quinque privata judicia sumat;
quia *f* ministro, vel ministris pertinet, ut ponentes vinum in ho-
ra sua, vel aquam, & statim retro facientes sciant sine dubio
quid *g* ministrent Sacerdoti. Postea omnis conventus debet iudicium
accipere, & post capitulum vij psalmos prostratus dicere cum *ps. Do-*
mine non secundum peccata nostra, & collecta: Exaudi quesumus
Domine.

De Sacerdote qui ministrat in calicem vinum sine
aqua ad Missam suam.

17. Si aliquis Sacerdos celebrans divina ministrat in calicem vinum
sine aqua nescienter, ipse & minister vel ministri ejus recognoscentes
in capitulo, præcepto illius qui capitulum tenet, debent iudicium
accipere, & post iudicium ille qui tenet capitulum injungat Sacerdoti
ut tribus vicibus vij psalmos dicat, & ministro vel ministris ejus injungat
ut unusquisque similiter tribus vicibus vij psalmos dicat.

De Sacerdote qui cantat Missam super altare non
benedictum.

18. Si aliquis Sacerdos celebret divina *h* super altare non benedi-
ctum, ipse, & minister, vel ministri ejus debent recognoscere in
capitulo coram Abbate, vel Priore qui capitulum tenet, & præcepto
præsentis debent iudicium accipere, & post iudicium dictus Abbas, vel
Prior debet injungere Sacerdoti ut in una feria sexta in pane & aqua
jejunet, vel unum psalterium dicat, & tria judicia privata accipiat;
& ministro, vel ministris ejus injungat, ut unusquisque vij psalmos dicat:

d Comp. magna

e Comp. una feria.

f Comp. Et sciendum est quod

g Comp. quia

h al. missam

Deinde omnis conventus debet iudicium accipere in capitulo, & post capitulum vij psalmos prostratus dicere, cum *v. Domine non secundum peccata*, & collecta: *Exaudi quesumus Domine.*

De Sacerdote qui cantat Missam sine stola,

& manipulo.

19. Si aliquis Sacerdos cantet Missam sine stola, & manipulo, ipse & ministri, vel ministri ejus recognoscentes in capitulo coram Abbate vel Priore, qui capitulum tenet, debent iudicium accipere, & post iudicium dictus Abbas, vel Prior præcipiat Sacerdoti ut tribus vicibus vij psalmos dicat, & ministro, vel ministris ejus injungat, ut vij psalmos dicat. *i*

De Sacerdote qui cantat Missam sine igne.

20. Si aliquis Sacerdos celebret divina sine igne, ipse *m* & minister vel ministri ejus recognoscentes in capitulo coram illo, qui Capitulum tenet, accipiant *n* iudicium & post iudicium, ille qui tenet Capitulum injungat Sacerdoti ut vij psalmos dicat, & ministro, vel ministris ejus præcipiat ut unusquisque vij psalmos dicat.

De Sacerdote qui tangit corpus Dominicum de o digitis inunctis.

21. Si aliquis Sacerdos celebrat *p* divina, tangat *q* Corpus Dominicum de alio digito, vel de aliis digitis, quam de primis quatuor digitis, eundem locum digiti, vel digitorum, de quo vel de quibus Corpus Dominicum tetigerit de vino in calicem debet ablucere de ablutione *r* primorum quatuor digitorum, & post Missam debet ad confessionem ire, & pro dicta negligentia penitentiam accipere & facere.

De Sacerdote qui per oblivionem sinet s cadere Corpus Dominicum ante Pater noster in calicem.

22. Si aliquis Sacerdos celebrans divina per oblivionem, vel austeritatem frigoris sinat cadere ante *Pater noster* Corpus Dominicum in calicem, propter hoc dictus Sacerdos non sinet ne faciat cruces suas quæ faciendæ sunt de duobus digitis, scilicet de pollice, & de indice, veluti si teneret Corpus Dominicum inter duos digitos prædictos, & ne levet calicem ad: *Pater noster* & cooperiatur *t*, & discooperiat de corporali, & ne faciat cruces suas ad *Pax Domini*, sicuti si fra-

i Comp. dicant.

l Comp. Missam suam.

m Comp. & ipse.

n Comp. accipiant.

o Comp. digitis.

p Comp. celebrans.

q Comp. tangit.

r Comp. & ablutionem. al. de ablutione.

s Comp. Sin t

t Comp. cooperiat. al. cooperiantur

tionem de Corpore Domini fecisset, & ne dicat post: *Agnus Dei*,
Hac sacrosancta commixtio. Is autem cui hæc negligentia accidit, &
 minister, vel ministri ejus recognoscentes in Capitulo coram Abbate vel
 Priore qui Capitulum tenet, præcepto præsentis accipiunt judicium,
 & post judicium dictus Abbas vel Prior debet injungere Sacerdoti ut
 dicat vij psalmos cum letania, & tria privata judicia assumat.

De Sacerdote qui per oblivionem ante: Pater noster
fiat u fractionem.

23. Si aliquis x, Sacerdos celebrans divina faciat fractionem ante:
Pater noster, per oblivionem, de tribus partibus fractionis unam su-
 per aliam positis cruce, si aliqua faciendæ sunt, usque ad: *Pater*
noster debet facere, & dictas tres partes fractionis ad: *Pater noster*
 inter digitos suos super calicem tenere, & prædictis tribus partibus
 fractionis super calicem tenens y, & prædictis tribus quantum debet
 tentis prædictas tres partes super patenam, & super corporale ante
 se debet ponere usque ad: *Per eundem* de: *Libera nos quasimus Do-*
mine, & crucem z quam ante faciem suam de patena calicis solet facere,
 de duobus digitis, scilicet de indice & de medio debet facere ut ad: *Per*
eundem de: *Libera nos*, duas partes fractionis ex una parte, & aliam
 ex altera capiens facit cruce ad a: *Pax Domini* sicut solet facere, &
 non ponat super patenam corporale, donec locum dictæ patenæ
 ubi Corpus Dominicum tetigit de vino in calicem abluerit, & illud
 vinum utatur. Is autem cui talis negligentia accidit, & minister vel mi-
 nistri ejus recognoscentes in Capitulo coram Abbate vel Priore qui Ca-
 pitulum tenet, præcepto præsentis accipiant judicium, & post judicium
 dictus Abbas vel Prior debet injungere Sacerdoti ut vij psalmos dicat
 cum letania.

De Sacerdote qui per oblivionem, sinit b cadere in calicem
illam partem fractionis, de qua debet facere
cruce ad: Pax Domini.

24. Si aliquis Sacerdos cantat Missam, & faciat post: *Agnus Dei* fra-
 ctionem, & illa pars fractionis de qua debet ad: *Pax Domini* cruce facere
 cadit in calicem, unam partem de aliis duabus partibus debet sumere,
 & de illa cruce ad: *Pax Domini* facere, & quando cruce sunt factæ,
 illam partem cum alia parte, quam inter digitos suos tenet pariter de-
 bet ponere, &: *Hac sacrosancta commixtio* post *Agnus Dei* dicere pro illa
 parte quæ in calicem c ante cecidit. Is autem cui hæc negligentia

n Comp. facit

x Comp. quis

y Comp. & prædictis tribus partibus fractionis super calicem quantum debet
 tentis, prædictas tres partes.

z Comp. ad crucem

a Comp. &

b Al. Sinit

c Comp. calice

accidit, post Missam debet ad confessionem ire, & pro dicta negligentia poenitentiam accipere, & facere.

25. Quod si in Sanguine Domini mulca, vel aranea, vel tale quid ceciderit; quoniam talis res sine periculo non potest glutiri; nam necesse est aut vomitum, aut ipsam consequi mortem, ut jam probatum est: Idcirco igne cremandum est: Satisfactio autem hujusmodi casus in arbitrio praesidentis est, quod scilicet illi cui hoc accidit, aut judicium accipere jubeat, vel ^e psalmos canere injungat, aut etiam publicè eleemosinas dare, vel in conventu psalmos, prout sibi placitum fuerit jubeat decantari.

26. Si contingat quod aliqua negligentia praedictarum negligentiarum alicui Sacerdoti in monasterio isto ^fmanenti, vel prope monasterium istud commoranti accidat, quod absit, non debet divina celebrare donec de dicta negligentia sit recognitus in Capitulo, & poenitentia competens ab Abbate, vel Priore qui Capitulum tenebit sit ei injuncta.

De prima ablutione post perceptionem Corporis & Sanguinis Domini g.

27. Si contingat alicui Sacerdoti divina celebranti, quod aliquid primae ablutionis post perceptionem de calice super casulam, vel super mappulam benedictam cadat, quod absit, simili modo per omnia agendum est, sicut supradicta docet de Sanguine Domini narratio.

De secunda ablutione post perceptionem.

28. Si aliquis Sacerdos Missam cantet, & aliquid secundae ablutionis post perceptionem de calice super casulam, vel super mappulam benedictam cadat, quod absit, particula illa casulae, vel mappulae, ubi ablutio dicta ceciderit, erit recidenda, nisi dicta casula magni sit pretij, & si magni pretij sit, non rescindetur; sed abluetur post Missam à Sacerdote de vino in calicem, & dictus Sacerdos utendo sumet vinum jam dictum. Is autem cui haec negligentia accidit & minister, vel ministri ejus recognoscetes in capitulo coram Abbate, vel Priore qui Capitulum tenet, praepo praesidentis debent judicia accipere, & post judicia dictus Abbas, vel Prior injungat Sacerdoti, ut pro dicta negligentia quinquaginta psalmos dicat & tria judicia privata sumat, & ministro, vel ministris praecipiat ut quisque vij psalmos dicat.

29. Si aliqua gutta secundae ablutionis post ablutionem de digitis Sacerdotis divina celebrantis super mappulam benedictam ceciderit, illa particula dictae mappulae, ubi ceciderit, non recindetur ^h, nec

^d Comp. nocere est

^e Vel deest in Comp.

^f Comp. Canenti

^g Comp. Domini nostri I. C.

^h Al. recinditur.

abluetur; sed Sacerdos pro tali negligentia ad confessionem debet ire, & poenitentiam accipere, & facere.

De tertia ablutione post perceptionem.

30. Si alicui Sacerdoti divina celebranti contingat, quod aliquid tertiae ablutionis post perceptionem de calice super casulam, vel super mappulam benedictam cadat, quod absit, particula illa casulae, vel mappulae ubi ablutio dicta ceciderit post Missam de aqua super piscinam à Sacerdote abluatur, & in capitulo ipse, & minister, vel ministri ejus recognoscentes coram Abbate, vel Priore qui capitulum tenet, praecepto praesidentis debent judicium accipere, & post judicium dictus Abbas, vel Prior injungat Sacerdoti ut pro negligentia praedicta vij psalmos cum letania dicat.

31. Si aliquis Sacerdos canter Missam sine administratione vini & aquae, vel sine administratione vini tantummodo, non debet dicere post perceptionem: *Quod ore sumpsimus*, & post Missam: *Placeat tibi*.

i Comp. tibi sancta Trinitas.

CAPVT VIII.

De reverentia veterum Monachorum circa sacrificium.

1. **H**Uic de negligentis in sacrificio contingentibus Capitulo aliud de praeursorum Patrum nostrorum reverentia circa idem sacrificium subungere visum est; quam quidem reverentiam in duobus duntaxat, scilicet in consecrandae materiae confectioe, & in vasis sacrificiique vestibus, & ornamentis, quibus in sacrificio utebantur, considerabimus.

2. Materia sacrificij duplex est: panis, & vinum; de utraque materia M. S. Lyrensis monasterij consuetudines ita decernunt: [Sex sunt consideranda in sacrati altaris hostia; ut solida sit, & recta; rotunda & rigida; sine macula, sine rimae scissura. Similiter in vino quatuor sunt consideranda, color, & sapor; ut purum sit, & non acidum. In aqua duo sunt consideranda, ut munda sit & recens. De vino tantum debet poni in calicem & non amplius, quantum quo tertia pars hostiae competenter enatare queat; de aqua tantum non plus, quantum possit absorberi aqua à vino.] De vino nihil praeterea nobis dicendum occurrit ex antiquis autoribus; De pane plurima, & primò quidem observandum est oblati seu pane Eucharistico praeparando ac confi-

ciendo duo potissimum tempora ab antiquis monachis esse attributa; ante Natalem Domini nimirum, & ante Pascha.

3. Hæc duo signanter tempora notat Udalricus in antiquis Cluniacensium Consuetudinibus: [Quotiescumque, *inquit*, fieri hostias necesse fuerit, præcipue tamen ante Domini Natalem, vel sanctæ Resurrectionis diem fieri solent;] Cui concinunt Divionenses S. Benigni consuet. c. 8. Et quidem de primo extat luculentum exemplum in lib. Miracul. S. Wandregisili. c. 29. [Tempestate quadam cum vigilia ad- esset Nativitatis Dominicæ, & sodales suas sanctimoniales fœminas multimoda prece rogitaret] scilicet fœmina à S. Wandregisilo sanata modo ne ad ignem accederet, [ut oblatas, quas oblatura Domino in crastinum erat, formarent, ignique, cui appropinquare non audebat, decoquerent, & minimè impetraret; accessit ad ignem, ferroque quo imprimendæ ac decoquendæ erant oblatæ, arrepto; mox nervi manus ejus dextræ contracti sunt &c.]. De altero in vita S. Radegundis Reginæ apud Fortunatum. n. 16. [Tum more S. Germani jubet sibi molam secretissimè deferri, ad quam tota Quadagesima tantum laboravit; quantum quatruiduana refectio postulavit; oblationem etiam suis manibus faciens, locis venerabilibus incessabiliter dispensavit;] Et tamen M. S. Germaniæ Consuetudines præscribunt ut [Corpus Dominicum per Dominicas renovetur, oblatæ per duodecim dies.

4. Secundo. Etsi conficiendis hostiis nobiles quasdam fœminas olim religionis ergo operam dedisse legamus, tamen non nisi sacratissimis personis id muneris committi solebat, ut minus sanctimonialibus; & quidem in Croylandensi monasterio ad Subsacristum pertinebat hostias & oblationes pinsere, ut patet Ingulsi hist. p. 132. & ex manuscriptis Germaniæ Consuetudinibus [A Custode Presbitero quidem, & Diacono componi debent;] quod etiam summa cum religione observabant Cluniacenses, & Divionenses nostri, ut discimus ex Udalrico, & cons. S. Benigni c. 8. licet frumentum ex quo conficiebantur hostiæ granatim electam, atque à fratribus lotum uni commendarent [famulo non lascivo, qui portans illud ad molendinum, molam lavabat utramque, operiebatque sursum & deorsum cortinis, seipsum induens alba, & super caput mittens, & alligans super humerale, idest amictum, ut nihil de facie præter oculos posset apparere.] Perseveravitque hic ritus usque ad sæculum xv, ut patet ex Bernardo Tergensensi Priore in libello M. S. de materia Eucharistiæ sacramenti adversus quorundam circa hoc dubia, & errores, cujus sub finem ita scribit: [Agitur igitur cautè, & securam, immo certam partem eligit. Dubia, immo reprobata parte prætermittit, sectamini in hac re morem & ritum Patrum præcedentium monachorum, qui pro statu, & lege habuerunt, suisque posteris in scriptis reliquerunt; ut sibi met suisque manibus de granis tritici exquisitis, & electis pro sacramenti debita materia

materia mundas conficere oblatas: quod & hodie cum summa diligencia multi Claustralium sollicitè observant. Et revera meritò ac justè, quia res ipsa tam gravis & ardua idipsum rationabiliter exposcit: suntque non modicè culpandi, quin & arctius arguendi, qui oblatas manibus laicorum confectas pro sacrificio acceptant, de quibus tamen dubitatur, an de debita materia existat. Gravissimè autem reprehendi & puniendi veniunt qui tales oblatas in sacrificio scienter assument, quia juxta magnorum, & potiorum sententiam Doctorum in ejusmodi conficere non possunt. Vellem ego numquam potius missare, quàm sic damnaviliter idololatrare, & populo quantum in me esset occasionem idololatrandi præstare.] Ita homo sæculi xv, cujus verba licet paullo austeriora, hæc tamen referenda duximus.

5. Tertid. Ex frumento quantumlibet naturaliter bono & puro, granatim tamen à fratribus electo conficiebantur, ut discimus tum ex Udalrico, & Bernardo Tegerensensi citatis, tum ex M. S. Germaniæ consuetudinibus: [Super tabulam, *inquiunt*, singula eligantur grana, mola ex alio frumento mundetur, multipliciter farina purificetur, massa sine fermento conficiatur;] Quibus accedunt Divionenses S. Benigni: [Frumentum de quo faciendæ sunt hostiæ, quantumlibet bonum sit naturaliter, & purum; tamen granatim eligitur, nec per alias personas quàm per ipsos fratres. Cùm ergo ita fuerit electum, lavatur studiòse, & in panno nitido diffusum siccatur ad solem; colligitur deinde in saccum, non qualemcumque, sed qui ad hoc solum de bono panno confitus est & reservatus:] Hæc autem frumenti granatim eligendi cura Novitiis potissimum committebatur, Ex eisdem cons. c. 30.

6. Quartid. Conficiebantur hostiæ à fratribus jejunis: [Nam post prandium, *testis Udalricus*, hujusmodi opus gerere non licet;] & quidem summum interim silentium servantibus, ut discimus ex libro Viuum Cisterc. Sacrista [alba indutus hostias faciat in loco mundis linteis cooperto; etiam extra terminos, si necesse fuerit, in silentio tamen. Cui duo fratres scapularibus induti ita subministrent, ne aliud quàm ipsas hostias manibus tractare cogantur, quorum unus ignem sollicitè faciat; alter verò instrumentum ferreum ad coquendas hostias teneat, & cum eas faciunt, *non loquantur*;] Et multò antè S. Pachomius præceperat fratribus, qui in pistotia arte laborabant, in eius apud semetipsos salutaria meditarentur eloquia.] De Cluniacensibus ita scribit Udalricus: [Canunt psalmodiam quæ remansit, *scilicet post Laudes & Primam*, & si voluerint horas de S. Maria, ad alias omnino horas tenent silentium, & summo opere cavent ut non modò saliva, sed nec flatus eorum aliquomodo ad hostias pertingere possit. Solus Conversus (*is ferrum tenebat*,) si quid opus fuerit, breviter famulis innotescit, qui faciunt focum, non nisi de aridis lignis, & ad hoc de industria præparatis;] quæ verba leguntur etiam in Benign. cons. c. 8.

Gg

7. Quintò. Conficiētes hostiam intus albis erant induti, ut patet libro Usuum Cisterciensium mox citato; immo & amictis vultum præter oculos ex integro operientibus, ut discimus ex M. S. Germaniæ
 n. 21. „ consu. et. [Massa sine fermento conficiatur, maceretur ab ipsis, si re-
 „ vestit sint, capitibus coopertis & constrictis;] clariùs ex consue-
 „ S. Benigni & ex Udalrico loco citato, quo etiam teste erant [albæ &
 „ amictus quidam huic solo negotio deputati.

8. Sextò. Diebus ad hostias faciendas assignatis qui huic negotio erant deputati (erant autem tres Presbyteri, vel Diaconi cum quarto Converso apud Cluniacenses & Benignianos) finitis nocturnis, sumtis calceis, facie manibusque lotis, capita pexebant; deinde ad altare S. Benedicti Matutinas Laudes, Primam cum vij psalmis & litania privatim cantabant; postea tres Presbyteri, vel Diaconi albis & superhumeralibus eo quo diximus modo induti, unus eorum farinam conspergebat & compingebat super tabulam nitidissimam, habentem limbum in circuitu; conspergebat autem aqua frigidissima; quia inde sunt hostiæ candidiores. Alij duo hostias formabant, Conversus verò in manibus chirotecas habens ferrum tenebat, in quo sex simul hostiæ coquebantur, coctæ cultello abradebantur, cadebantque in disco deorsum in tabula imposito, & linteo jugiter cooperto. Eademque die non cum fratribus, sed cum servitoribus reficiebant, & pro tanti laboris levamine, de Apocrifario pitantiam & pigmentum habebant ad prandium. Conf. S. Benigni pro pigmento habent absintiatum.

9. Quod spectat ad vasa & ornamenta ad usum sacrificij destinata; etsi nostros frequentius legamus argenteis, aureis, aliàsve pretiosis vasis usos fuisse, ut videre est in vita S. Ansegisi Abbatis qui Fontanel-
 „ lensibus suis legavit [calicem aureum mirificè factum, duas hinc
 „ inde habentem ansulas, gemmis pretiosissimis decoratum] ut in ejus
 vita n. 17. sæc. 4. Bened. non defuerunt tamen, qui propriæ professionis, paupertatisq; Christi Domini memorie monachos magis, decere & Christo magis placere existimaverunt sacrificium in vilis, pauperisque materiæ
 sæc. 2. „ vasis offerre; Ex quibus eximium habemus exemplum in vita S. Galli
 „ 241. Abbatis; qui vas argenteum ad altaris officium recusans, fertur res-
 „ pondisse: [Beatissimus Columbanus in vasis æneis Domino solet sa-
 „ crificium offerre salutis; quia fertur Dominus & Salvator noster clavis
 in ejus „ æneis cruci confixus.] Huic certè non cedit S. Benedictus secundus,
 vita „ Anianensē intelligo qui teste discipulo ejus Ardone, [vasa ad Christi con-
 n. 14. „ ficiendum corpus nolebat sibi esse argentea; siquidem primum ei fuerunt
 sæc. 4. „ lignea; deinceps vitrea, sic tandem conscendit ad stannea. His addere pos-
 sæc. 1. „ sem etiam S. Winoci monachos qui sæculo etiam X vase vitreo uteban-
 p. 309. „ tur ad sacrum Missæ sacrificium offerendum, ut videre est in vit. S. Winoci
 c. 12. De aliis vero ornamentis, quomodo se gesserit idem Benedictus Ania-
 „ nensis ita subdit præfatus Ardo: [Planetam verò refutabat habere
 „ sericeam, & si aliquis illi dedisset, mox alijs ad utendum præstabat.]

Hoc in genere plurimum laudandi sunt nostri Cistercienses, de quibus au-
 thor Exordij magni Cisterc. l. 1. c. 27. ita scribit [Confirmarunt etiam ne
 retinerent cruces aureas vel argenteas, sed tantum ligneas coloribus de-
 pictas, neque candelabra, præter unum ferreum; neque thuribula, nisi cu-
 prea, vel ferrea, neque casulas, nisi de fustaneo, vel lino sive panino, sed sine
 auro, vel argento; neque albas vel amictus, nisi de lino, similiter sine au-
 ro vel argento. Pallia vero omnia, & cappas, atque dalmaticas, tunicasque
 ex toto dimiserunt. Calices non aureos, sed argenteos, & si fieri posset
 deauratos; fistulam argenteam, & si possibile sit deauratam; stolas
 quoque ac manipulos de panno tantum, sine auro & argento haberi
 voluerunt. Pallæ quoque altarium, ut de lino fierent, & planæ sine
 pictura, statuerunt: & ut ampullæ ad ministerium altaris sine auro &
 argento essent;] Quæ quidem omnia ex parte confirmant Institutiones
 Ordinis Cisterciensis distinctione 1. cap. 7. & 9. His adjicio Guigonis
 Decretum pro Cartusianis: [Ornamenta aurea vel argentea, præter
 calicem & calamum quo Sanguis Domini sumitur in ecclesia non
 habemus: Pallia tapetiaque reliquimus;] & antiqua Cartusianorum
 Statuta: [Ornamenta aurea vel argentea, præter calicem, in eccle-
 sia non habemus, nisi forè in stolis aut manipulis, sive in signacu-
 lis librorum. Casulas de boccaram, & de serico albo sustinemus,
 pallia tapetiaque reliquimus. Aurifrigia de casulis removeantur.
 10. Vide etiam Udalricum l. 3. cap. 14. de corporalibus abluendis,
 quem exprimunt Divionenses S. Benigni consuet. c. 9.

CAPVT IX.

De exhortationibus, seu collationibus Monachorum.

1. **E** T si nullum legamus à Sancto Benedicto tempus assignatum ad
 faciendas inter fratres exhortationes, idque ipsum in arbitrio
 Abbatis reliquisse videatur, ut cum expedire viderit, pro ædificatione
 aliquid breviter dicat; hic tamen ea de re tractare visum est, tum quia
 satis probabile est Dominicis diebus à nostris omisso non fuisse exhor-
 tatorios sermones, tum quia id expresse verbis Benedictinis Abbatibus
 præscribit celebratum anno 747. Cloveshoviæ Concilium, in cujus c. 14.
 ita habetur: [Quartodecimo statuitur loco ut Dominicus dies legitima
 veneratione à cunctis celebretur, sitque divino tantum cultui dedicatus,
 omnesque Abbates, ac Presbyteri isto sacratissimo die in suis monaste-
 riis, atque ecclesiis maneant, Missarumque solemnia agant, omissoque
 exterioribus negotiis, ac sæcularium conventibus, atque itineribus,
 nisi inexcusabilis quælibet causa urgeat; religioſæ conversationis ac
 benè vivendi normulam de sacræ Scripturæ eloquiis subiectis famulis
 prædicando insinuent;] & Clemens Papa VIII. in decreto pro reform.
 Reg. n. 38. [Valde opportunum erit, si in quolibet conventu singulis

G g 2

Hier. „ hebdomadis habeatur sermō de religiosa disciplina , regularique obser-
 ep. 12 „ vantia.] Legimus tamen & apud Hieronimum & apud Augustinum quo-
 S. Aug. „ tidie convenisse veteres Monachos ad audiendum Patrem ; Ex quorum
 de mor. „ testimoniis patet tam antiquas apud Monachos esse exhortationes,quàm
 Eccl. „ ipsa monasticæ institutionis origo;quod etiam probant quæ nobis super-
 c. 31. „ sunt SS. Basilij Magni , Macharij , Cæsarij homiliae , sancti Ephræm
 Parænesis , sancti Dorothei doctrinæ , aliorumque plurimorum ser-
 mones.

Lib. de „ 2. Exhortationis officium ad ipsum pertinebat Abbatem : conveniunt
 mor. „ autem, *inquit Augustinus agens de cænobitiis*, [diei tempore extremo de suis
 Eccl. „ quisque habitaculis dum adhuc jejuni sunt ad audiendum illum Patrem.]
 c. 31. „ Aliquando vices suas uni ex suis committebat alteri , ut discipulus ex
 ad an. „ Theodori Studitæ testamento apud Baronium , ubi Præpositum allo-
 826. „ quens , [Observabis , *inquit* prorsus ut catechesim ter qualibet hebdo-
 „ mada facias vesperi , vel per temetipsum , vel alium quempiam è filiis ;
 „ quoniam à Patribus traditum est , & salutare] Ita apud Nostros in
 „ Corbeienfi monasterio Paschasius nondum Abbas [coram Fratribus
 „ Evangelium uti consuetudinis est diebus solemnibus... exhortandi gra-
 „ tia] tractabat , uti ipse restatur in Prologo in Matthæum ; & in Moylia-
 „ censi cænobio B. Geraldus [fratribus in Capitulo fluente prædicationis
 „ effundebat , & eos spiritali cibo jugiter reficiebat] ut scribit in ejus vita
 Bernardus discipulus ejus tom. 3. Miscell. Baluz. Aliquando etiam hono-
 ris ac reverentiæ causa alterius congregationis Monachos , & maxime
 Abbates de divinis Scripturis aliisque ædificationis sermonibus loqui
 & rogabant & cogeant , quod quàm plurimis exemplis demonstrari
 posset.

3. Vnum hîc dumtaxat profero ex S. Bernardo qui de Cluniacensi-
 apol. „ bus loquens , [Ipsorum , *inquit* , me commendavi orationibus , interfui
 ad „ collationibus , sæpe & de scripturis & de salute animarum habui sermo-
 Guill. „ nem cum multis , & publicè in capitulis , & privatim in cameris.
 Abb. „

4. Exhortationis locus erat aut Ecclesia , aut capitulum , aut locus
 aliquis communis. Et quidem Theodorus Studita , teste Michaële ejus
 discipulo , [Ecclesiam *petiisse legitur* , tum sacris operaturus , tum verba
 factururus ad fratres ;] & sanctus Wulframnus ex Episcopo Senonensi
 Monachus Fontanellensis [plura S. exhortationis verba inter sacra Mis-
 sarum solemnia] fratribus loquutus est , ut scribit Jonas in ejus vit. n. 13.
 sec. „ Econtra verò sanctus Stephanus ordinis Grandimontensis institutor
 3. part. „ mane [discipulos in capitulo instruebat ,] quemadmodum legimus in
 1. p. „ ejus vita apud Labbeum , quod in moris fuit apud Cluniacenses , ut pa-
 364 „ ter ex supra citato S. Bernardi loco.
 tom. „

2. Bib. „ 5. Quanta verò aviditate , quanto studio , quo fructu , loquentem aus-
 p. 679. „ cultarentur , discendum ex Hieronimo : [Post horam , *inquit* , nonam in
 Epist. „ commune concurritur : Psalmi resonant , Scripturæ recitantur ex more ,
 21. „ & completis orationibus cunctisque residentibus , medius quem Patrem

vocant, incipit disputare; quo loquente tantum silentium fit, ut nemo alium respicere, nemo audeat excreare. Dicentis laus in fletu est audientium. Tacite voluntas per ora lachrimarum, & ne in singultus quidem erumpit dolor. Cum vero de regno Christi, & de futura beatitudine, & de gloria cœperit annunciare futura, videas cunctos moderato suspirio, & oculis ad cœlum levatis intra se dicere: Quis dabit mihi pennas sicut columbarum, & volabo, & requiescam.]

6. Similia habet sanctus Augustinus: [Et conveniunt ad singulos Patres terra ut minimum hominum millia, nam etiam multo numerosiores sub uno agunt, audiunt autem incredibili studio, summo silentio, affectiones animorum suorum prout eos pepulerit differentis oratio vel gemitu, vel fletu, vel modesto & omni clamore vacuo gaudio significantes.] Plurimum hac in re commendandi sunt nostri Fontanellenses, apud quos, teste Aigrado in vita sancti Ansberti, [quadam die cum more solito edicta divinæ legis in conventu omnium recitaret Ansbertus, ita affluentia eloquiorum illius nimio caritatis ardore reddita sunt audientium corda flammivivana, ut plurimi ex illis ad lachrimas compulsi immensas cunctipotentis Deo gratias redderent &c.]

7. Huc referendæ sunt disputationes, seu collationes quas certis per hebdomadam diebus faciebant; de quibus sanctus Pachomius in regula: [Disputatio autem à Præpositis domorum per singulas hebdomadas tertio fiet;] Et iterum: [Per singulas hebdomadas binæ disputationes, id est catecheles à Præposito complebuntur;] Et S. Isidorus agens de Monachis: Conveniunt diebus singulis interpositis dum adhuc jejuni sunt in collatione ad audiendum Patrem; & in regula: [ad audiendum in collatione patrem tribus in hebdomada vicibus Fratres post celebratam tertiam dato signo ad collectam veniant;] Et sanctus Fructuosus Bracerensis Episcopus in prima Regula: [Ter per omnem hebdomadam collecta facienda est.] In hoc differebant exhortationes, & collationes, quod unus dumtaxat in exhortationibus, in collationibus vero plures loquerentur. Nullus tamen ab Abbate non iussus sermonem proferre audebat, ut discimus ex Regula sancti Isidori: [Sedentes autem omnes in collatione tacebunt, nisi forte quem autoritas patris præceperit ut loquatur;] sed loquentem omnes cum summo silentio audiebant, & quidem sedentis ordine quique suo: [In ipsa disputatione, inquit S. Pachomius; sedentes sive stantes fratres suum ordinem non mutabunt juxta domorum ordinem & hominum singulorum.] Si quem vero somnus occuparet, hic statim iussus stare cogebatur, unde idem Pachomius: [Si quis dormitaverit sedens, Præposito domus, vel monasterij Principe disputante, statim surgere compelletur, & tandiu stabit donec ei jubeatur ut sedeat.]

8. Præcipuus autem collationis scopus erat ad corrigenda vitia & mores instruendos: [Ipsa quoque collatio, inquit Isidorus, erit, vel pro corrigendis vitiis, instruendisque moribus, vel pro reliquis causis ad

- c. 10. "utilitatem cœnobij pertinentibus;] & *S. Frustruosus*: [Ter per hebdomadam collecta facienda est, & regulæ Patrum legendæ, differendum, vel à seniore, & castigatio, ac sermo ædificationis proferenda ad fratres, negligentia emendanda, excommunicatis miserendum, & procacibus sive durecervicibus iterum irroganda censura.] Quod dicit Patrum regulas in collatione esse legendas, intelligendum est ex his quæ sanctus Isidorus citatis verbis subjungit: [Quod si talia desunt, pro consuetudine tamen disciplinæ nequaquam erit omittenda collatio; sed in præfinitis diebus, cunctis pariter congregatis præcepta Patrum regularia recensenda sunt, ut qui necdum didicerunt, percipiant quod sequantur; qui verò didicerunt, frequenti memoria admoniti sollicitè custodiant quod noverunt.
9. Præterea si quis tam in privatis, quàm in publicis lectionibus difficultatis aliquid offendisset, difficultatem in collatione proponebat, ejusque solutionem efflagitabat: [De his, autem quæstionibus, inquit *S. Isidorus*, quæ leguntur, nec fortè intelliguntur, unusquisque fratrum aut in collatione, aut post vesperum Abbatem interroget, & recitata ad locum lectione ab eo expositionem accipiat, ita ut dum uni exponitur cæteri audiant.] Ab his autem qui difficultates in collatione proponebant unum maximè desiderabat apud Cassianum Abbas Nesteros, quod exprimit his verbis: [Nihil in collatione seniorum proferre audeas nisi quod interrogare te, aut ignoratio nocitura, aut ratio necessaria cognitionis impulerit, ut quidam vanæ gloriæ amore distenti, pro ostentatione doctrinæ ea quæ optimè norunt interrogare se simulant:] Quod verò collationi adstantes attinet; [Illud, inquit, omni observantia custodire te convenit, ut etiam si ea, quæ optimè nosti fortè audieris in collatione proferri, non ex hoc quod tibi jam nota sint, aspernanter fastidiosèque suscipias, sed ea cordi tuo aviditate commendas, qua debent desiderabilia salutis verba, vel auribus nostris indefinenter infundi, vel de nostro jugiter ore proferri.
10. Denique summopere cavebant nequis prætextu quovis abesset à Collatione: [Quando signum insonuerit ut conveniant, & audiant præcepta Majorum] nullus remanebit, inquit *S. Pachomius*; & alibi: [Quando præpositi domorum fratres de conversatione sanctæ vitæ docent] absque gravissima necessitate nullus aberit.
11. Tales erant veterum monachorum Collationes; nostros verò quod spectat, suis in collationibus quæstiones de Scripturis sanctis, de vitis Patrum, & de sancta Regula potissimum movebant; qua in re notandum planè quod de *S. Cuthberto* narrat Venerabilis Beda in ejus vita c. 16. [Sæpius in cœtu fratrum de Regula disputans, cum acerrimis contradicentium fatigaretur injuriis, exsurgebat repente, & placido vultu, atque animo egrediens dimittebat conventum, ac sequente nihilominus die quasi nihil objectionis pridie sustinuisset, eadem quæ prius monita eisdem dabat auditoribus, donec illos pau-

latim, ut diximus, ad ea quæ vellet converteret.] Vid. Bursfeld. Cerem. c. dist. 3. c. 11. vel Hæftenum l. 9. tr. 5. disq. 7.

CAPVT X.

*De consuetudinibus feriæ secundæ, & feriæ
quintæ.*

1. **C**onsuetudines seu ritus feriæ secundæ & feriæ quintæ sub uno brevi comprehendimus capitulo. Et quidem ad feriam secundam spectant preces singulares, quas pro benefactoribus nonnullis in cœnobii hac die faciebant antiquiores Patres nostri, maximè Fuldenses in suo ad Carolum Imperatorem libello supplici postulantes, ut sibi liceat facere [in secunda quaque feria uniuscujusque septimanæ ^{n. 1.} orationem pro omnibus elemosinas sibi tribuentibus, idest eundem ^{n. 1.} psalmum L, quem tota Congregatio juxta Corpus Beati Martyris ^{n. 1.} simul prostrata cantavit cum oratione Dominica, & versibus;] & ^{n. 1.} Hirsaugienses quibus Urbanus Papa secundus præcipit, ut pro Episcopis sui monasterij privilegia non perturbantibus [agatur omni feria ^{n. 1.} secunda privata Missa defunctorum,] ut videre est in ejusdem privilegi ^{n. 1.} à Trithemio relato in Chron. Hirsaug. ad an. 1099.

2. Ad quintam verò feriam pertinet solemnitas jejuniorum relaxatio, quam excepta Quadragesima pari religione feriâ quintâ, ac Dominicâ ^{c. 18.} monachis præscribit in Regula Magister : [Omni, ^{c. 18.} inquit, tempore in septimanæ duobus diebus ad Sextam reficere debent, hoc est feria ^{c. 18.} quinta, & Dominica, ceteris aliis in septimana diebus ad Nonam ^{c. 18.} horam reficere oportet, &c.] Eandem remissionem suis eremitis indulget Petrus Damiani eo in opusculo quod de institutis suæ Congre- ^{opus.} gationis conscripsit, idemque de Eremitis Fontis Avellani narrat ^{c. 6.} opusc. 14. ubi eorum vivendi rationem describit. Jejunium etiam sol- ^{M. S.} vebant nostri Sandionisiani feria quinta in gratiam Sanctorum Mar- ^{conf.} tyrum Dionysij & sociorum, quorum hac die parvum officium trium ^{S. Dio.} lect. sicut & Compendienses de suis Martyribus ita peragebant, ut adveniente festo xij lectionum, tertium nihilominus nocturnum cum Laudibus obtinerent S. Martyres etiam in Adventu, saltem primis hebdomadibus; quamvis in Adventu jejunarent feria quinta. Jejunium etiam nunc relaxant feria quinta Cassinenses, aliique Congregationis S. Vitoni, & strictioris observantiæ in Belgio monachi.

3. Instituti sui rationem hanc reddit Magister, quod feria quinta Christus ad cælos ascenderit: [Ideo, ^{c. 18.} inquit, omni tempore quinta ^{c. 18.} feria non licet jejunare, quia Ascensu Domini ipso die omni anno ^{c. 18.}

„ occurrit ; Dominica verò die ideo non licet jejunare , quia Resur-
 „ rectio Domini imputatur ; ubi respexit haud dubium ad Melchiadis
 de div. Papæ decretum , qui ut scribit Alcuinus , [Constituit ut nemo præ-
 offic. „ sumeret in prima & quinta feria jejunare ; in prima propter Domini
 c. de „ Resurrectionem ; in quinta , quia in ea cœnavit Dominus cum dis-
 Septuag cipulis suis , & in ea ascendit in cœlum.] Idem scribit anonymus
 apud eundem Alcuinum epist. 109. & Walfridus Strabo in lib. de reb.
 eccles. c. 20. ubi aliam hujus instituti causam profert , scilicet quod
 „ [Pagani his diebus quasi jejunia frequentabant :] sed hanc legem
 Nork „ postea temperavit Gregorius Papa secundus , qui teste Norkero [ut
 in Mart in quadagesimali tempore quinta feria jejunium , atque Missarum cele-
 pridie „ bratio fieret , quod non agebatur , instituit.
 Idus „
 Februar

4. Quod de officio feria quinta faciendo de Sanctis monasterij Pa-
 tronis ex Dionysianis , Compendiensibusque consuetudinibus modo di-
 cebamus ; id in aliis etiam passim Ordinis nostri monasteriis legem
 obtinuit ; Hujus rei exemplum videre est in Craylandensi Ingulfi
 historia , ubi in gratiam Miraculi meritis S. Guthlaci patrati [Decre-
 „ vimus omnes , inquit Ingulfus , semper in futurum divinum offi-
 „ cium de Sanctissimo Patrono nostro Guthlaco , quandocumque feria v
 „ vacare contigerit , in choro solemniter persolvendum.

5. Alij diem alium hujusmodi officio consecrabant ; Aduenses
 Sancti Martini feria secunda sancti Hugonis sui quondam monasterij
 monachi commemorationem agebant , uti observavit noster Mabil-
 lonius in observ. præviis ad ejus vit. n. 10. Tornodoreses Sancti Mi-
 chaelis singulis feriis tertiis canonicum de S. Theodorico Aurelianensi
 Episcopo officium extra Adventum & Quadragesimam celebrabant ,
 ut testatur Carolus Sausséyus l. 8. Ann. Eccl. Aurel.

CAPVT XI.

De Feria sexta & maxime de Disciplina.

1. **D**UO sunt potissimum mortificationum genera , quibus hac
 die Passionibus Christi per pœnitentiam participare solent mo-
 nachi ; jejunium nempe , & disciplina. De jejunio feriæ sextæ quod
 olim in solo pane , herbisque hortensibus peragebant ex Cassinensibus
 nostris plerique , multa passim occurrunt ; de disciplina verò hîc bre-
 viter pro modulo nostro differendum.

2. Disciplinam vocamus salutiferam per verbera corporis afflictio-
 nem , cujus usus apud veteres monachos duplex extitit , primò ad
 emendandas , corrigendas delinquentium culpas , secundò pœnitentiæ
 majoris , aut mortificationis causâ.

3. Verberibus

3. Verberibus olim castigata fuisse monachorum, & maximè Benedictinorum delicta, patet tum ex Regula, tum ex vita S. Benedicti: ex Regula; quæ in incorrigibiles verberum vindictam procedere jubet, c. 18. ex vita, in qua monachum orationis tempore vagum virga percussisse legitur, c. 4. Ita etiam Benedictus alter Anianensis, in eius nimirum Præpositum quemdam ab officio depositum, & monasterio egressum atque latrocinia exercentem, captum ob ejus insipientiam virgis levigare jussit, cædendoque ad meliorem frugem revocavit. Idem patet ex Concilio Vener. in cujus Canone 6 hæc lego: [In monachis quoque pat. sententiæ forma servatur, quos si verborum emendatio non emendaverit, etiam verberibus statuimus coerceri;] & Conc. Agath. c. 38. [Clericum aut monachum sine commendatitiis vagum si verborum increpatione non emendetur, etiam verberibus statuimus coercere.]

4. De correptionis modo silet tam ipse S. Benedictus, quam prædicta Concilia; non tamen aliz Sanctorum monachorum Regulæ, quæ etiam ictuum numerum determinant. Hunc triginta novem percussiones excedere non permittit Regula Pachomij art. 87. præcipiens ut fratrum perturbatorem, & in malicia perseverantem, extra monasterium positum ante fores triginta novem verberent. Idem & in deprehensum in furto monachum decernit art. 121, quem numerum quinquies se accepisse testatur Apostolus Cor. 11.

5. Totidem percussiones præscripserat S. Casarius Arelatensis Episc. teste Cypriano in ejus vit. apud Surium 27. Aug. denique hunc numerum, ut legitimum, approbat S. Aurelianus in sua ad monachos Regula, præcipiens, ut [pro qualibet culpa, si necesse fuerit, flagelli accipere disciplinam, numquam legitimus excedatur numerus, idest triginta novem.] Et tamen S. Fructuosus jubet, ut [si solus cum sola fabulare deprehenditur, centum ictibus flagellorum extensus publice verberetur.]

6. Ex postremis his S. Fructuosi verbis habemus non solum determinatum fuisse percussionum sive ictuum numerum; sed etiam de more fuisse ut publice verberarentur; quod amplius patet ex Regula S. Macharij statuentis: ut [Abbas coram omnibus fratribus resideat, & eum exhiberi jubeat, & virgis purgetur, & oratio fiat.] & ex Regula S. Pachomij art. 87. [Verberabunt eum ante fores triginta novem.] In monte Nitriæ erat in ecclesia ad palmam [suspensum flagellum ad castigandos monachos qui delinquebant,] ut testatur Palladius in Laus. c. 7.

7. An verò super nudam cutem, aut super stamineam, ibi non explicatur; satis probabile tamen est nudos omnino scapulis verberatos fuisse, maximè cum plerique sint inverecundi, quos non tam confusio, quam poenæ convertere, & ad meliorem frugem reducere possit; saltem id colligi posse videtur ex verbis Sancti Bene-

Hh

e. 18. „dicti, dum ait: [Acrior ei accedat correctio,] quæ verba gravem ali-
 quam pœnam corpori infligendam esse potius, quàm pudorem, deno-
 c. 14. „tant: quamquam in Concilio Aquisgranensi decernatur, [ut nu-
 „di pro qualibet culpa coram fratribus obtutibus non flagellentur:]
 „quod etiam in Statutis Lanfranci observare licet [Suscepturus iudicium
 „aut sola grossiori virga super stamineam verberetur, & prostratus jaceat,
 „aut pluribus gracilioribus virgis, & nudus sedeat, utrumque ad ar-
 „bitrium ejus qui præest.] Contrarius tamen usus viguit apud Clu-
 stat. 63 „niacenses, ut ex sequenti Petri Venerabilis statuto discimus: [Statu-
 „tum est ne stamineæ quæ ex more antiquo propter graviora qualibet
 „fratribus acriter flagellandis scindi solebant, & usque ad cingulum
 „violenter detrahi, ulterius scinderentur, sed staminea integra manente,
 „verberibus subjiciendus frater, ea ex toto exueretur. Causa instituti
 „hujus fuit, ut & frequens damnum scissarum staminearum vitaretur,
 „& plenius nudatus frater expeditius verberaretur.

8. Quæ puniendis olim fratrum delinquentium culpis ab antiquis
 Patribus instituta est verberum multa; hanc in se ultronei peccato-
 rum suorum tortores pœnitentiæ causa adhibuerunt & ex antiquis
 & ex recentioribus monachis non pauci. Plurima praxeos hujusce
 nobis suppetunt exempla, ex quibus pauca duntaxat proferre lubet.
 Boll. „S. Kentigernus ex monacho Episcopus Glasguensis [in die Parasceves
 13. Jan. „plagis virgarum, & nuditate, & crebris genuflectionibus diem cum
 „nocte continuavit. Sabato autem sancto, & usque ad horam Resur-
 „rectionis Dominicæ, tempore divini officij excepto, in quodam sepul-
 „cro se flagellando latitabat] ut legitur in ejus vita n. 18. S. Bavo à servo
 sæc. 2. „olim à se vendito corpus suum flagellis cædi postulavit, ex ejus vita
 sæc. 3. „n. 10. S. Pardulfus Abbas [quadagesimis temporibus omni nudato
 „corpore à discipulo suo virgis cædi se præcipiebat] teste anonymo in
 in ejus „ejus vita n. 5. S. Guillelmus ex Duce monachus Gellonenfis [recolens
 vit. „agni occisionem, illas injurias, illam accusationem, alapas, sputa,
 n. 31. „flagella, omnemque derisionem, à fratre familiari, & amico singulari
 sæc. 4. „fecit se in conclavi pro Christo expoliari, pro illo adjudicari, se iudice
 „condemnari, sicque cædi virgis, & acriter flagellari.] S. Popo Abbas
 Boll. „Stabulensis carnem jejuniis flagellisque atterebat, ut quidquid vitiosum
 25. „sua caro adversus spiritum concupisceret ipse flagellis propria sibi
 Jan. „manu illatis extirperet,] ut scribit Everhelmus in ejus vita n. 59. Sed
 quod de S. Dominico Loricato refert Petrus Damiani omnem pene
 opus. 15 „exsuperat sensum: [Idem senex Dominicus nomine nonnumquam
 c. 14. „uno die continuato cum nocte, novem psalteria meditando decurrit,
 „& interim pene semper utraque manu scopis armata nudum corpus
 „afficit.] Alia iterum vice duodecim psalteria continenter absolvit,
 In vit. „ac decimum tertium incepit virgis interim indefinenter se cædens.
 S. Dom. „Vid. Hieron. monach. Camaldul. in serm. de S. Romualdo n. 23. apud
 c. 10. & „Boll. 7. Februar. Et hic erat apud monachos disciplinarum usus ad unde-
 op. 50. „c. 14.

cinum usque sæculum, in quo quod hætenus fuerat aut delinquen-
tiam monachorum poena, aut spontanea ultro poenitentium satisfac-
tio, commune nonnullis in cœnobiis evasis, omnium monachorum
exercitium, agente in primis Petro Damiani, qui in cœnobiis à se
instituti morem inexit disciplinas feriis sextis universaliter faciendi,
ut ipse testatur ad Desiderium Cassinensium Abbatem ita scribens:
[Sexta quoque feria vivificæ cruci non inconvenienter adscribitur, ^{op. 6}
quæ scilicet dies pendens in cruce glorioso sanguine purpuratur, qua ³³
die omnes fratres nostri; quos utique monasterialis ordo connectit, ^{c. 3.}
hoc etiam ad cumulumpropriæ salutis adijciunt, ut & se mactent in
capitulo vicaria collisione scoparum, & insuper celebrent in pane &
aqua jejunium.] Idem in omnibus quibuscumque potuit monasteriis
qua verbo, qua exemplo observari laboravit, nec distitit quin in prin-
cipe & capite omnium monasteriorum, Cassinense intelligo, piam hæc
salutaremque consuetudinem introduceret. Ideo enim, ut scribit Leo
Marsicanus, [ad monasterium veniens, cum verbo pariter & exemplo ^{Chron.}
ad Dei servitium quoscumque posset ferventer accenderet, tandem ^{Cassin.}
permissionem Domni Abbatis ab omni congregatione obtinuit volun- ^{c. 3.}
taria oblatione, in remissionem peccatorum omnium, ut sexta feria ^{c. 11.}
per totum annum pane & aqua contenti, disciplinam singuli facta
confessione perciperent.] Leoni suffragatur Joannes Petri discipulus in
ejus vita, ubi postquam invectæ ab eo in aliquibus monasteriis con-
suetudinis feria sexta jejunium in pane & aqua peragendi, & scoparum
disciplinam in capitulo suscipiendi mentionem fecit, subdit: [Denique ^{c. 19.}
omnis illius adhortatio adeo cooperante Domino fructificasse dignos-
citur, ut insigne illud quoque Cassini montis cœnobium tanto eam
fervore summisset, quod præfata omnia inter regularia mandata con-
scribenda statisset:] Cassinensis monasterij exemplum quamplurima
alia monasteria ad sui imitationem pertraxit, ut discimus ex eodem
Petro Damiani ad monachos Cassinenses hunc in modum scribente:
[Observatio sextæ feriæ dilectissimi, cui vestra sancta devotio dedi- ^{op. 43}
cavit, & jejunijs salutaris inedia, & apostolicorum verberum disci-
plinam, quot hominum multitudines ad exemplum salutis adtraxerit,
& tanquam novella divinæ plantationis oliva in exuberantium ger-
minum propagines pullulaverit, testes sunt non modo monasteria
vestra, hoc est, quæ suorum gaudent imitari vestigia magistrorum,
sed & multitudines urbium, atque villarum quæ se communiter in-
gerentes, atque lætantes idipsum plausibiliter arripiunt institutum.]
Adeo feliciter recepta per universa passim Italiæ monasteria disci-
plinæ observatio ad alias, etiam exteras nationes brevi disseminata est, quod
probat liber Miraculorum S. Virgilij Episc. Saltzburgensis, in quo
refertur [quod monachus quidam de *Rottenhaklach* diutino langore
scapulæ laborans, dum in comitatu Abbatis sui quodam tempore ^{n. 7.}
iter ageret, prætaxata passione graviter correptus, accepta via defecit ^{fac. 3}
iter ageret, prætaxata passione graviter correptus, accepta via defecit ^{Ben.}

part. 2., viribus corporis destitutus. Cæterum juxta monachicæ Regulæ rigorem
 p. 318., fortè diem in quo flagella carnis monachi de *more* suscipiunt, adesse
 » contingit, & cum cæteris qui tunc aderant etiam ille morbidus coram
 » Domino Abbate prosternitur castigandus: partem quoque dorsi, vide-
 » licet saniozem, plagis exponens, cum bene exarata sensisset, alteram
 » quoque cui pepercerat in honore S. Virgilij flagellari suppliciter postu-
 » lavit, post cujus petitionis effectum plenariæ salutis adeptus est præsi-
 » dium.] Atque ita ad nos usque pervenit disciplinarum ferialis sexta
 » usus, opera S. Petri Damiani potissimum institutus, & promotus;
 » quamvis ipse illius author videri minimè voluerit; nam scribens ad
 l. 6. » Petrum Cerebrosum monachum: [Hoc itaque disciplinæ genus, *infir-*
 ep. 27 » nequaquam modernis est studiis noviter adinventum nam & ante
 » nos omnibus fere sanctis monasteriis, hæc disciplinæ regula nequa-
 » quam fuit incognita, etsi non adeo frequentata, unde & singulos an-
 » nos poenitentia millenis scopis redimere consueverant.] Porro institu-
 » tum istud à se tantopere promotum omni nisu conservare studuit; Unde
 » cum suadente Stephano S. R. E. Cardinali Cassinenses disciplinam
 » aliquandiu intermisissent, scripto ad eos opusculo 43. *de Laude flagel-*
 » *lorum*, multis rationibus ad priorem observantiam revocare conatur;
 » quod & ab ipsis obtinuisse pie credimus. Ipse tamen ad Congregationis
 l. 6. » suæ eremitas scribens hanc eis disciplinæ legem tulit: [Adhibito
 ep. 34 » discretionis moderamine constituimus, ut ad disciplinam sibi in-
 » gerendam nullus in eremo compellatur; quem verò sanctus ad hanc
 » fervor impellit, per quadraginta psalmos in unoquoque die disci-
 » plinam sibi facere liceat: Ita dumtaxat ut quadragenarium hunc psal-
 » morum numerum non excedat. In duabus autem Quadragesimis, quæ
 » videlicet Natalem Domini, vel sacrosanctum Pascha præcedunt us-
 » que ad sexaginta psalmos cum disciplina procedere liceat; neque
 » hanc mensuræ quam præfigimus regulam temeraria, quod absit,
 » quisque præsumptione transcendat.] Legis hujus causam discipulis suis
 » ibidem significat his verbis: [Propterea scilicet corpora vestra viri-
 » bus effecta deficiunt, & aliquando sicut à quibusdam creditur tot al-
 » lisionibus tabefacta languescunt: Nimirum cum nonnulli vestrum
 » unum continuum, vel etiam duo psalteria quotidie cum disciplina
 » decurrant. Huc accedit quia plerique fratres venire volentes ad eremum,
 » cum hæc audiunt percussæ formidine deterrentur. Et quia disciplina du-
 » rior creditur, quam sentitur; & austerioris est formidinis, quam do-
 » loris; cum eam apud vos tam longam fieri fratres quique debiles
 » audiunt, medullitus expavescunt, & ab accessu protinus eremi revo-
 » cantur.] Hæc de disciplina brevi delibasse sufficiat, qui plura de-
 » sideraverit videat Bened. Hæftenum lib. 8. tract. 5. integrò.

CAPVT XII.

De consuetudinibus Sabbati.

1. Inter Sabbati consuetudines recensendæ sunt, 1. Singularis nostrorum erga Deiparam Virginem Mariam devotio. 2. Officialium institutio. 3. Monasterij munditiæ. 4. Fratrum mandatum. 5. Scrutatio lectorum. 6. denique operis manualis ab hora nona cessatio. Hæc omnia breviter perstringenda sunt.

2. Additum ab initio fuisse solido B. Virginis cultui Benedictinum Ordinem nemo est qui nesciat. Testantur hoc tot tamque docta plurimorum Monachorum ad ejus laudem Scripta, ædificata insigniorum cœnobiorum ad ejus honorem templa; institutæ de ea speciales festivitates, & alia id genus permulta. Ne quam verò diem aut hebdomadam absque singulari etiam ejusdem cultu transigerent, præter parvum B. Virginis officium, quod primi omnium quotidie recitandum & suscepunt, & ubique propagare studuerunt; etiam integrum in hebdomada diem sabbati ejus cultui consecrarunt: hoc non obscure significare videtur Petrus Damiani cum ad Desiderium Cassinensem Abbatem scribens ait: [Pulcher etiam mos, in nonnullis ecclesiis inolevit ut specialiter ad ejus sanctæ Mariæ honorem per omne sabbatum Missarum celebrentur officia, nisi fortè festivitas vel feria quadragesimalis obliat.] Hæc planè observabat haud dubium in suis monasteriis, & eremis ut ex consequentibus colligitur. Eandem institutionem, fortè etiam hortante Petro Damiani, in suo Cluniacensi monasterio inexit S. Hugo Abbas, ut discimus ex antiquo Corbeienſi Ordin. tempore S. Hugonis M. S. cujus hæc verba: [Sciendum quoque quod à Domino Hugone totius religionis præcipuo cultore, in communi capitulo, rogatu, & assensu Fratrum sancitum est, ut ab octavis Pentecostes usque ad Adventum Domini, etiam per octavas S. Benedicti, & his similes, & ab octavis Epiphaniæ usque ad lxx canteretur Missa major de inte-

4 In multis olim monasteriis una quotidie Missa de B. Maria dicebatur. De Tironensibus habemus exemplum in vita B. Bernardi primi Abbatis Tiron n. 76. apud Boll. 14. Aprilis, qui [ad honorem ipsius B. M. Missam de ea pro salute omnium monasterio suo beneficia impendentium, & maxime Canonico-rum Car-noniensium singulis diebus perpetuò celebrare instituit; quæ usque in hodiernum diem solemniter celebratur,] inquit Gaufridus. De Cluniacensibus extat Petri Venerabilis Statutum 54. [ut ad altare matutinalis Missæ, quod est consecratum in honore B. Mariæ de eadem matre Domini Missa quotidie secretò canteretur] Idem de Cisterciensibus colligitur ex vita B. Vvakterij de Birketo. n. 7. apud Bolland. 11. Januar. [Hic enim Missæ quotidianæ quæ in conventu de Domina nostra celebratur semper interesse voluit.

„ merata , & perpetua Virgine Maria Dei genitrice , spe nostra singulari
 „ post Filium suum in illis Sabbatis quæ vacant à festivitibus vel à fe-
 „ rialibus Epistolis vel Evangelis , quæque quolibet modo in aliis feriis
 „ per hebdomadam dici potuerint , sive à Dominicali officio duabus
 „ vicibus vel amplius dicto , etiam si una vice ad Missam minorem
 „ dictum sit , & alia per hebdomadam ad maiorem , & in octavis simi-
 „ liter dicto , scilicet ad minorem Missam in Dominica , & in alia feria.
 „ Quod etiam si sabbatum occupatum sit , in una aliarum feriarum ,
 „ quæ à festivitibus , vel ferialibus Epistolis vel Evangelis seu Domi-
 „ nicali officio , modo quo supra dictum est vacuæ fuerint , in toto jam
 „ dicto tempore eadem commemoratio celebretur.] Idem decretum à
 „ Benignianis nostris statim receptum fuisse docent S. Benigni consuet.
 „ c. 68. De Dionysianis habemus Sugerij Abbatis constitutionem apud
 „ Chesnium tom. 4. pag. 546. Primi quoque S. Stephani postea Abbatis
 „ Obazinensis discipuli [Sabbato solemnifabant ob honorem B. Mariæ
 „ Dominæ nostræ cum ix lect. & duabus Missis , quibusdam eas festivis
 „ decantationibus illustrantes ob honorem & reverentiam illius almæ
 „ Dei genitricis.] De Cisterciensibus idem constat ex lib. Institutionum
 „ in quo hæc lego : [In omnibus Sabbatis omnino vacantibus Missa
 „ de B. Maria solemniter cum tribus ministris sine flexione genuum ,
 „ omisissis usitatis collectis , in conventu cantabitur cum *Gloria in excelsis* ,
 „ & præfatione : *Et te in veneratione* &c. Idipsum qui Sabbato cantaverint
 „ privatim de B. Maria observent.] Denique Rituale Beccensis monasterij
 „ totum officium ita disponit : [Ab octava Pentecostes usque ad Adven-
 „ tum si Sabbata vacant totum dicitur de S. Maria , præter lectiones à
 „ Calendis Novembris usque ad Adventum , & ab Oct. Epipaniæ usque
 „ ad caput jejuniij. Si verò festum 3. lect. in iis Sabbatis evenerit , comm.
 „ tantum habeat ad maiorem Missam , quæ erit festiva de S. Maria. Si
 „ vigilia festiva , vel non festiva , vel Quatuor temporum evenerit , Missa
 „ matutinalis erit festiva de S. Maria , & comm. ad eam de festo trium lect.
 „ si fuerit , & tunc non fit comm. ad maiorem Missam de S. Maria. Quan-
 „ do agitur de S. Maria , & unum de Quatuor temporibus evenerit , &
 „ hæc quatuor similiter evenerint , idest comm. de S. Maria , vigilia ,
 „ jejuniium , & festum 3 lect. Missa matutinalis erit de vigilia , post pri-
 „ mam , collectum oratio : *Inclina Domine* , cum cæteris ; major Missa
 „ de jejuniio , prima comm. de S. Maria , deinde de festo , omnes tamen
 „ horæ diurnæ usque ad Vesp. de sancta Maria. Sciendum autem quod
 „ infra omnes oct. Sabbato totum fit de S. Maria , comm. tamen fit ad
 „ Vesp. & ad Laudes de oct. & ad maiorem Missam , excipiuntur oct.
 „ Nat. Domini , & Paschæ , & Pentecostes. Item in Sabbatis Adventus
 „ nisi tantum Missa matutinalis non festiva , & tunc non fit comm. de ea
 „ ad maiorem Missam &c.

3. Porro istud B. Mariæ in Sabbato officium à monachis Occidenta-

in eius
 vit l 1.
 n. 22.

libus, idest Benedictinis acceperunt Clerici, ut tradit Baronius ad annum 1056; quod si credimus Radulfo Tungrensi, factum est in Concilio Claromontensi ann. 1096, in quo Urbanus Papa secundus, & ipse Benedictinus statuit, [quod horæ B. Mariæ Virginis quotidie dicantur, officiumque ejus diebus Sabbatorum solemniter fiat.] Missæ verd hæc die dicendæ authorem faciunt Alcuinum monachum Benedictinum, qui illam aliasque de Trinitate, de Angelis, de Spiritu sancto, de Cruce, ad præcem S. Bonifacii Moguntini Episcopi, qui & ipse Benedictinus fuerat composuit, si Gavanto fides sit.

4. Officialium institutio de qua hic, ea præsertim officia respicit, quæ hebdomatim apud monachos exercebantur, ut sunt ea quæ M. S. Germaniæ consuetudines recensent his verbis: [Officium hoc prosequatur ordine. Primum choro præficiatur Hebdomadarius harmoniæ, deinde missæ legantur, & epistolæ & Responsorium, alleluia quoque & Evangelium. Postea lector mensæ fratrum, & alius servitorum, aliquis collationis seu novitiorum. Tunc servitores ecclesiæ inferantur, omni tempore ex illis qui laici conversi sunt, vel qui minoris utilitatis sunt in choro: ad ultimum coquina.] Horum institutio duobus modis fiebat: vel enim prius notari in tabella seu brevi; publicè pronunciabantur in Capitulo sabatino, vel notari in tabella patenti aliquo in loco omnium obrutibus exponebantur. Prior antiquis magis placuit, ut patet ex M. S. Germaniæ consuet. [Breve Cantorum, & lectorum, seu servitorum pridie antequam in capitulo reciteretur scribi debet, v. g. si Sabbato est legendum, sexta feria ante Nonam sit compositum &c.] ex libro Ulvum Cisterciensium in quo præscribitur, ut in Capitulo finita lectione Regulæ, Lector [accipiens tabulam legat breve, si ipso die legendum fuerit;] huncque ritum respicere videtur Leo Maricanus cum loquens de Cassinensi monasterio tempore Desiderij Abbatis fulmine icto, inter alios fulminis effectus, [in capitulo, inquit, officiales excidit tabulas, ipsumque tabularium quasi mortuum reddidit.] Posterius tamen magis arrisit modus posterior, unde ceremoniale S. Justiniæ: [habeat Sacrista tabulam in choro vel juxta, prout Prælatus ordinaverit; in qua secundum ordinationem Superioris tales officiales, qui possunt ipsa officia bene & edificatorie complere, habeat descriptos ordinatè & divisim per choros. Primò Hebdomadarios officij, secundò Cantores, tertio Succentores, quarto Antiphonistas. Tabulam hanc semper ordinet sabbato antequam pulsetur tertium signum Vesperarum.]

5. Formulam verd sive describendi, sive pronunciandi officialis discere possumus, ex ea quam ex Bernardo Cassinensi refert Arnoldus Wion his verbis:

Cerimonia sacri monasterij Cassinensis
facta per D. Bernardum Abbatem Cassinensem
Vicarius ordo postulat ut in hac futura hebdomada canat Nonnus

Amicus Missam, Epistolam frater Desiderius legat, Evangelium, responforium, & versum frater Vincentius canat; lectionem memoriter frater Thomas legat; lucernam frater Andreas procuret; coquinae servitiū Nonnus Remigius cum fratre Macario faciat, lectionem ad mensam frater Antonius legat, ad Collationē vel ad Capitulum frater Maurus legat, ad servitiū ecclesiæ Nonnus Jacobus cum fratre Basilio ministerio succedat.

6. Apud Cistercienses cum lector tabulæ majorem aliquem se pronunciabat eum *Nonnum* nominabat; si inferiorem, *fratrem*; & ita
 c. 70. „ etiam se ipsum pronunciabat. Hinc liber Us. [Quod si Subprior Capitulum tenet, & qui legit Prior ipsius fuerit, si eum pronunciaverit, fratrem eum nominet, & sic etiam se ipsum nominet.] Addit liber Usuum
 „ [& dum breve recitatur, qui nomen suum intellexerit, inclinet;] quod multo ante præscriptum reperitur in antiquis Germaniæ consuetudinibus.
 n. 14. „ his verbis: [Observandum tamen est, ut cum monachus nomen suum audit recitare, devotissimè se inclinet, & corde gratias agat.] Sed quid
 lib. „ si in assignato sibi officio exequendo impar sit? [Cui autem hebdomada aliqua ascripta fuerit, si intelligat se illam propter quamlibet
 Us. „ incommoditatem non posse complere, potest inde misericordiam in
 ibid. „ præfidenti capitulo quærere, nam extra non licet: quod tamen si pro gravi necessitate fieri contigerit sequenti capitulo veniam petat
 „ & necessitatem intimet,] inquiunt Cistercienses in libro Us.

7. Quæret aliquis cujusnam esset hujusmodi officiales instituere, & in tabella notare. Respondebit Hæftenus ex Statutis Lantfranci fuisse Cantoris, cui etiam munus illud assignant Cistercienses, Bursfeldenses, & Vallisoletani. Apud Cluniacenses autem Armarij, quod probat ex vetusto Asligienensi Rituali, patetque ex Udalrico l. 3. c. 10. At fortè Cantor ipse etiam Armarius erat. Sed paulo aliter præscribunt M.S. consuetudines Germaniæ, in quibus nimirum diversis hoc munus committitur: [Hoc omne prætaxatum breviarium, sicut jam diximus pridie antequam sit legendum scribi debet suis scilicet auctoribus *per antiquam consuetudinem*. Hebdomadarius Cantor solummodo scribat capita antiphonarum, & psalmorum, & Responsoriorum quoque & versuum. Cantor nomina inchoantium, & cantantium in die, etiam Responsoriorum, quis vel alter canat. Armarius lectoris Missæ etiam, Epistolæ, Evangelij, mensis Fratrum, Servitorum, Novitiorum collationes prosecutores. Tandem à Cellerario coquinae cultores assignentur.] Addunt tamen [notandum verò quod non jugiter hoc attendi potest:] ubi certè illud observatu dignum est, quod non solum officiales in tabella notabant, sed etiam cantanda omnia per hebdomadam, ita ut [unicuique antiphonæ vel Responsorio nomen monachi
 ibid. „ tribuatur, & psalmus, & versus,] qua de re hæc reperio in antiquo
 n. 10. „ libro Usuum Beccensium: [In omnibus festis xij lectionum post hebdomadarium scribuntur in tabula in primo nocturno Abbas & Prior:
 „ si hebdomadaria fuerit in choro Abbatis, hoc est in dextro; post hebdomadarium

domadariū scribitur Prior, dein Abbas: si hebdomadaria in choro Prioris, hoc est in sinistro; post hebdomadariū Abbas, dein Prior; & sic cæteri per ordinem huic inscribuntur. Ad quartam Lectionem Attentius idest Cantor; ad viij. & ad xij. Lect. Abbas; ad viij. Lect. Prior & ad xij. & si iv. à duobus dicitur, cum Abbate Cantor & Capellanus Abbatis, cum Priore duo similiter scribuntur, quos Cantor voluerit; in præcipuis festis plures scribuntur.

8. Nequis verò in eodem sæpius exercendo officio plus æquo gravaretur, præter officialium tabellam, apud Cluniacenses erat & alia *non inutilis*, inquit Udalricus, in qua fratres qui servierant in coquina, omnes per ordinem scribebantur, ne fortè contingeret, ut quisquam frequentius quàm alius eo munere fungeretur: Et tamen Lanfranci statuta volunt, ut omnes fratres ad omnia officia notentur; [non considerato conversionis ordine, aut voluntate eorum; sed secundum quod Cantori visum fuerit, honestatem aut ædificationem in hoc vigilanter consideranti.

9. Porro mos iste notandi officiales in tabella à monachis etiam transit ad Canonicos, ut videre est in Concilio Basileensi sess. 21. cap. 7.

10. De monasterij munditiis quas sabbatho fieri S. Benedictus præscribit regulæ c. 35. illud tantum observandum venit, quod scribit Hildemarus morem sui temporis haud dubium referens: [Nunc quia labor grandis est, eo quod non possunt servitores in coquina servire, & iterum porticus scopare, & cæteras munditias facere, ideo dividitur isto modo; id est: In die sabbati scopatur coquina & lavantur lapideæ, & scutella, sive etiam scamna; in altera verò sequenti hebdomada scopant totas porticus, id est ante coquinam, & ante refectoryum, Capitulum verò, & dormitorium, ante vestiaryum debet Camerarius scopare; & ante basilicam Basilicanus. Refectoryum vero Cellerarius debet scopare; si labor illi fuerit, debet petere adiutorem à Decano.] Nos verò ita sabbatinis diebus munditias monasterij peragimus, ut nullus ab hoc munere eximatur, in quo exsolvendo quid cuique sit verrendum, post solitas preces, pro libitu & voluntate assignat superior. Præter has monasterij munditias, erant & aliæ, pedum scilicet, à servitoribus coquinæ ex regulæ præscripto sabbato faciendæ, quas vulgari nomine Mandatum appellamus, de quibus diximus in commentario ad c. 35. dictisque nihil superaddendum credimus, nisi quod in nostro sancti Germani à pratis monasterio duplex sabbato fiebat mandatum post Vesperas. Utrumque sic describunt M.S. ejusdem monasterij consuetudines: Post Vesperas ibit conventus in dormitorium, & discalciabunt sotulares, & accipient botas, & facient Mandatum in claustro, pro ut consuetum est; postea sonabitur tympanum, & ibit conventus ad potum, Hebdomadarius Missæ dabit benedictionem: *Potum servorum suorum filius Dei benedicat.* Postea

„ prior pulsabit campanam dalsij, & conventus ibit in capitulum; Hebdo-
 „ madatij coquinae intrantes, & exegentes accipient linteamina, & præ-
 „ cingent se illis, & quando parati fuerint, Prior percutiet tabulam sæ-
 „ pius, & tunc intrabit capitulum, & sedens discalciabit se, & omnes alij
 „ similiter; & Prior incipiet: *Mandatum eorum*, & tunc lavabunt pedes
 „ Prioris illi Hebdomadrij, habentes aquam calidam in tintinnabulis, &
 „ sic lavabunt per omnes in ordine. Interim cantabunt antiphonas
 „ cantore incipiente: antiphona: *Vbi est charitas*; antiphona: *ibi nec ira*
 „ *est*, antiphona: *Christus descendit*; antiphona: *exemplum præbuit*, &
 „ alias prout tempus exquisierit. Expleto Mandato pedum & manuum,
 „ Sacrista accipiet licentiam ante pulpitem capituli per signum manus
 „ pulsandi collationem.

11. Fortè primum Mandatum, erat Mandatum pauperum; secundum Monachorum; vel primum manuum, secundum pedum; quod aliis expendendum relinquimus. Verum non solum pedes lavabantur; sed ipsa etiam indumenta pedum, saltem id de pueris affirmat Udalricus, & M.S. consuet. Cluniac. [In omni quarta feria si est privata dies, & in sabbato lavant calceos suos post vespervas], inquit ubi de pueris, quibus consentiunt ni fallor Conf. Farfenses.

12. Cùm S. Benedictus fratrum lecta frequenter scrutari præscribat, id saltem in hebdomada semel fieri necesse erat. Huic officio sabbatum assignat Regula cujusdam ad Virginem his verbis: [Omnibus sabbatis post horam orationis nonam, tam senior, quàm juniores præpositæ lectos omnium sororum visitent, & faciant propter earum negligentias inquirendas, aut si aliquid inveniatur illicitè, & sine comatu retentum.] Idem bis in hebdomada fieri præscribit S. Fructuosus Reg. c. 17. semel in mense S. Isidorus Reg. c. 14.

13. Restat ut de cessatione operum manualium ab hora nona sabbati, quo majori cum devotione & reverentia Dominica observaretur, aliqua proferamus exempla: Egregium suppeditat nobis Regula Magistri, edito hanc in rem singulari capite *De Cessatorio Dominica*, ubi sic loquitur:
 „ [A nona hora sabbati post refectorem in æstate jam legant; in hyeme
 „ à nona in sabbato sicut constitutum est superius non operentur; sed
 „ etiam & sequenti die Dominico ab omni opere laboris cessent, & etiam
 „ à meditatione quotidianæ consuetudinis per tres horas in die in utrif-
 „ que temporibus hyemis vel æstatis. Sed post missas ecclesiæ pro volun-
 „ tate sua quis quid voluerit aut delectatus fuerit, ex suo arbitrio legat;
 „ vel omnem licentiam repausationis habeant; ut latentur sibi ad re-
 „ quem diem Dominicum constitutum.] Aliud exemplum profert Anony-
 „ mus in vita sancti Aicadri Abbatis Gemmeticensis n. 25. [Quadam die
 „ quæ nominatur Sabbatum quo solent Monachi exercere novitia,
 „ sanctus Dei famulus Aicadrius præcepit cuidam Monacho Procuratori
 „ suo, ut capillos sancti sui capitis cum forcipe adæquaret; qui il-

lico festinanter explens hoc quod à sancto Patre visum fuerat, forcipe
allata, hoc quod illicitum erat prætergredi, cum summa reverentia
fieri procurabat; eratque jam illo in die tanquam hora diei nona trans-
acta, & hoc adtentissimus animarum sanctarum procurator aliis præ-
ventus & occupatus curis minimè sancto suo studio tunc hoc pro ex-
colenda memoria commendabat;] cui cum diabolus exprobraret:
[Hora nona transacta est, operari non licet;] tunc respondisse fertur:
[Et hora nona transacta habetur, & hoc quod hic in proprio corpore
injustè egi, ipse peccavi; attamen opus male à me inceptum omitta-
tur nunc imperfectum.

CAPVT XIII.

*De Ritibus per mensem contingentibus & maxime
de sanguinis minutione.*

.1. **Q**Uæ de prædictis monachorum ritibus per mensem contingentibus
apud authores reperire licuit, pauca sub uno capitulo com-
prehendere necesse fuit. In his primò observandum est quod præscribit
S. Fructuosus in Regula monastica communi: Per capita mensium Ab-
bates de uno confinio uno se copulent loco, & mensales litanias stre-
nuè celebrent, & pro animabus sibi subditis auxilium Domini implo-
rent.] Hac referendum est quod in libello supplici ad Carolum Impe-
ratorem postulant Fuldenses monachi, nempe ut [in Calendis om-
nium mensium unam vigiliam, & quinquaginta psalmos pro fra-
tribus defunctis sibi dicere liceat.] Et Statutum monachorum Provin-
ciarum Bituricensium, & Burdegalsium in Capitulo Provinciali
an. 1367. editum, ut [ex filiali affectione in quolibet Provinciarum
monasterio hujus Ordinis singulis mensibus à modo Missa S. Spiritus
solemniter celebretur, in qua convenient Abbas, & alij administratores
& monachi pro salute & incolumitate SS in Christo Patris Domini
Domini Urbani Papæ, & sui Sancti Collegij Cardinalium, ut post
decursum præsentis vitæ perveniant ad vitam sempiternam.

.2. Secundò, Inter mensis consuetudines referte oportet antiquum
morem rationis reddendæ ab Oeconomo de sua administratione, cujus
meminit S. Hieronimus ad Eustochium scribens: [Opus diei statutum
est, inquit, quod Decano traditum fertur ad Oeconomum, qui &
ipse per singulos menses Patri omnium cum magno tremore reddit ra-
tionem.] Idem Præposito, cui omnem monasterij substantiam committit,
S. Fructuosus injungit in Regula monastica communi: [Quod per sin-

- gulos menses expensum fuerit, per omnium capita mensium rationem suo Abbati faciat, & hoc cum tremore, & simplicitate, & vera cordis humilitate tanquam Domino redditurus rationem.] Hujus rei praxim apud Nostros videre est in vita S. Johannis Gorzienfis, qui prius monasterij sui Cellerarius [quæcumque nummis vel quibuscumque aliis rebus expendit, summam eorum in breve notatam Abbati post hebdoma aut mensem reddidit,] ut refert in ejus vit. Johannes Mettenfis Abbas n. 73. sæc. 5.
- apud „ 3. Tertiò, S. Poppo Abbas Stabulensis [trecentos singulis calendis Boll. „ Christi pauperes plenè reficiebat,] ut scribit Everhelmus in ejus 25. Jan. vit. n. 60.
- n. 22. „ 4. Quarto, M. S. Germaniæ consuetudines præscribunt, ut [San-
guinis minutio generaliter fiat in Calendis ^a, nisi fortè occurrerit
præcipua solemnitas, pro qua re, aut anticipanda erit, aut differen-
da in postmodum;] quæ res nos impellit ut de sanguinis minutione
aliquid hîc loci dicamus; licet statutum legamus in Concilio Aquif-
can. 11. granensi, [ut certum phlebotomiæ tempus non observent: sed uni-
cuique secundum quod necessitas postulat concedatur; & specialis in
cibo & in potu tunc consolatio præbeatur;] Neque apud Udalicum
neque in M. S. Cluniacensium consuetudinibus ullos videamus dies
assignatos ad secandam venam, constetque olim magna cum religione
in omnibus passim monasteriis observatos fuisse Aquigranensis Syno-
dus Canones, quibus tamen hac in re præter antiqua Germaniæ mo-
nasteria in quibus præcitata M. S. consuetudines erant in usu, dero-
garunt Cistercienses, Bursfeldensesque monachi. Et quidem Cister-
cienses permittentes ut [quater in anno minui possint, & si fieri con-
Usu. „ venienter potest his minuantur mensibus: Febuario, Aprili, Septem-
c. 90. bri, quarta verò minutio circa festivitatem S. Johannis fiat;] quibus
ferè consentiunt Bursfeldenses cum statuunt, ut [quater in anno ha-
dist. 3. „ beatur minutio generalis, scilicet ante Adventum Domini, ante quin-
c. 14. „ quagesimam, post octavam Paschæ, & post festum sancti Bartholo-
mæi congruo observato tempore;] Sed & Guigo in antiquis Car-
tusiensium monachorum Statutis [Minuimur, *inquit*, in anno quin-
c. 39. „ quies: post octavas Paschæ, post solemnitatem Apostolorum Petri &
Pauli, secunda hebdomada Septembris, septimana ante Adventum, &
hebdomada ante Quinquagesimam;] Et antiqua Præmonstratensium
dist. 1. „ Statuta: [Minutio quoque in terminis istis fiat; Prima erit feria 2.
c. 13. „ post octavas Paschæ, secunda post festum B. Johannis Bapt. tertia post
Nativitatem B. Mariæ, quarta post festum B. Martini hyemalis, &

^a Sanctus Johannes Gorzienfis [In sanguinis minutione quàm plus mense differre vix poterat, curam corporis non respuebat] in ejus vit. n. 93. sæc. 5. p. 397.

quinta in Purificatione , sexta autem in dispositione Abbatis remanebit.

5. Cluniacenses verò nullos ut diximus ad minutionem sanguinis dies determinatos habebant ; sed cum opus esset [omni tempore præter quadragesimam consuetudinaliter,] ut habent M. S. consuetudines minuebantur , obtemperantes tamen licentia , quam modo ibidem his verbis descripto petebant : [Licentia minuendi à Domino Abbate petenda est , si in tali loco sit , quo is qui minuendus est sine licentia ire possit. Eodem modo observandum est , si Dominus Abbas defuerit , à majore Priore. Cum verò ille à quo petenda est licentia , in Capitulo est ; statim finito Capitulo ibidem signo petenda est ; aut si tunc non fuerit commodum , postea , si verò ea die locutio fuerit in claustris , si potest sedere juxta Priorem , verbo petitur ; si non potest sedere , signo petitur.

6. Porro in hujusmodi generalibus minutionibus procurabat Prior , ut [unus Presbyter , Diaconus , Cellarius , idest Hebdomadarius coquinæ , vel Refectorarius , mensæ Lector , & Servitor , custos ecclesiæ idest , remaneant usque in quartum diem , ut nec divino nec humano careant servitio ,] quemadmodum loquuntur M. S. Germaniæ consuetud. sive ut habet lib. Usuum Cisterc. [qui extra chorum pro infirmitate est , donec chorum intraverit. Hebdomadarij quoque Missæ , aut coquinæ , vel lectionis mensæ non se minuunt , nisi pro gravi necessitate misericordiam in capitulo petentibus concessum fuerit. Reversus verò de via eodem die non se minuat , nisi de consilio Abbatis ;] in quibus ferè consentiunt Bursfeldenses.

7. Præterea summo opere præcavebant ne duodecim Lectionum festum in secundam tertiamve minutionis diem incideret , aut jejunium aliquod quod temere violari non posset ; ut nimirum possent liberius recreari. Insuper qui certa distinctaque tempora ad minutionem sanguinis habebant , absque urgente gravique necessitate , ab ea in quadragesima abstinebant ; quo casu sabbato id semper præstabant , ut sequenti diè Dominico sine jejunio liberius refici possent. Qui verò omni tempore , sed tamen cum licentia , minui poterant ; abstinebant nihilominus à Dominica Passionis ad Pascha : ita Cluniacenses ex Udalrico , & M. S. consuetud. quibus Lanfrancus addit tres dies post Pascha , totidemque post Pentecosten , festumque omnium SS. [quia inquit , in crastino omnes Sacerdotes pro defunctis Missas celebrare & reliqui psalmos pro Missis ordinatos dicere debent.] Addunt Floriacenses consuetudines : [Ex quo incipitur O in adventu , nullus sanguine minuat , nisi cui in capitulo petita venia conceditur.

8. Adveniente autem minutionum die ita se gerebant : [Tempore hyemis , inquit Germaniæ consuetudines , à Calendis , scilicet Octobris , usque ad Quadragesimam , quando ad Nonam comedunt fratres

II ;

„ die Calendarum Horæ temperiùs pulsentur, atque post mensam tabu-
 „ la Prioris manu percussa congregentur omnes, etiam & ministeriales,
 „ antequam reficiantur. Dictoque *Benedicite*, interroget singulatim
 „ Prior quibus sit necessarium venas incidere, cùmque didicerit,
 „ conignet eis vascula, quæ ibi præparata debent esse ab infirmorum
 „ servitore. Deinde facto signo, communiter in refectorium per-
 „ gant bibituri potionem; unde exeuntes exuant se diurnalibus calcea-
 „ mentis, & induantur nocturnalibus. Inde conveniant in domo huic
 „ ministerio congruenti in quo inveniantur grandis ignis, & clarè
 „ ardens, factus à prædicto servitore. Quod si domus non potuerit
 „ eos capere, faciant hoc per turmas, & vices suas. Aqua ibi sit,
 „ ligamenta brachiorum penes se habeant: cultellos jam habeant
 „ depositos ad lectos suos, quando mutaverint indumenta pedum;
 „ versum sibi imponent: *Deus in adjutorium*, ter: *Gloria: Kyrie*
 „ *eleison*: ter: *Pater noster*: *Adjutorium nostrum: Benedicite*.
 „ Tunc prout sunt sibi invicem ex charitate serviant, & perficiant
 „ ibi hoc quod serò & mane regularibus additum est horis, sci-
 „ licet & Vesperas de omnibus Sanctis, pro defunctis etiam, cum
 „ sequenti vigilia, necnon &: *Deus auribus nostris*. Nullus loqua-
 „ tur ibi præter Priorem, & Decanum sine licentia; nullus pro
 „ arbitrio suo quasi tardè faciens nimium dimittat sanguinem, ne
 „ corde palpiter, & in opere Dei sit segnior, nec possit cum aliis
 „ consuetudinem servare. Iterum per turmas suas redeuntes in re-
 „ fectonium, offeratur eis à Cellulario panis tantummodo, & vi-
 „ num, vel potius aqua, quæ tunc cum suppis, ut fertur à Me-
 „ dicis, salubris est; cùm autem signum sonuerit Vesperæ, eant in
 „ oratorium; & dum complentur quatuor psalmi primi ipsius horæ,
 „ sedeant sibi: & dum sederint, si expedierit, induant capita
 „ pilleis, & cùm surrexerint auferant; numquam in choro stando ha-
 „ beant, nec ante altaria transeundo, &c. Post Vesperas au-
 „ tem vadant in refectorium, & dentur unicuique tria ova tenera
 „ cum pane & vino, dicto ante Versu, & Benedictione. Quod si
 „ plus eis datum fuerit; gratia est, non debitum. Post Completorium
 „ mox eant in dormitorium. Infirmorum minister sive Decanus, vel Cir-
 „ catores vigilanter prævideant ne incautè soporati exsanguinen-
 „ tur.

9. Hactenus & quidem satis fusè M. S. Germaniæ consuetudi-
 nes minutionis ordinem seu ritum antiquum describentes; sequen-
 ti nocte minuti vigiliis intererant ex eisdem consuetudinibus,
 sed sedentes, ad officium defunctorum exhibant, lectos repetentes,
 toto & integro intervallo usque ad matutinos dormientes. Post
 Capitulum refectonium adibant, ubi eis à Cellulario serviebat,
 consuetumque refectiois ordinem tenebant. Post fratrum verò

cœnam, ipsi cum servitoribus cœnabant: Sequenti nocte & die idem præstabant: Tertia verò nocte stando regulares psalmos canebant, nec quicquam cibi, antequam ministeriales panem & vinum sumerent, accipere præsumebant; qua hora nihil aliud præterea, quam cascum habebant, mox cum aliis cœnaturi. Et hic erat apud eos minutionis ordo tempore hyemali. Æstate verò sive à P. f. h. ad Idus Octobris eundem omnino morem servabant; sed non cominebant quicquam usque post Missam publicam, & tunc solummodo panem & vinum cum casco; quia mox post Sextam erant refecturi: feria tamen iv & vj hiemalem ordinem observabant. Apud Cist. reïcens, etsi certa essent assignata ad minutionem tempora, non tamen simul omnes minuebantur, sed Prior in Capitulo dicebat: [Illi qui sedent ad illam vel ad illam tabulam minuantur;] quod diebus prandij Tertiam inter & Sextam, idque post Evangelium, vel ante, si necesse esset, præstabant; diebus jejuniij Sextam inter & Nonam. Minuti pergebant in refectorium aliquid, si volebant, prægustare; & exinde tempore lectionis, & laboris, aut in lecto jacere, aut sedere in capitulo, vel claustro poterant. Jejunium per tres dies solvebant lautioribus etiam cibis quantum tamen Cisterciensium paupertas patiebatur, reficiendi. Completorium & vigiliis nocturnas aut in infirmitorio, aut in capitulo simul dicebant; in quibus vigiliis, inquit liber Usuum, [possunt breviores quàm in conventu lectiones fieri, & sub una benedictione tres, si tres tantum dicendæ sunt, vel quatuor in duodecim lectionibus legi.] Officium defunctorum omittiebant [Cæteras verò horas diei *subdit* idem lib. Usuum, non extra cantare, sed intus ex integro auscultare debet.]

10. In Statutis Lanfranci hæc assignantur ad minutionum tempora, scilicet [in hieme post Evangelium majoris Missæ; in æstate post Nonam ante Vesperas; in Quadragesima post Vesperas.] Minuendi antequam vena aperiretur versum: *Deus in adiutorium meum intende* ter dicebant, omniaque summo cum silentio persolvebant. Chorum usque in crastinum minutionis diem post orationem Primæ, vel Tertie non intrabant, duobusque diebus mixtum sumebant in refectorio. In crastino verò minutionis die clammati in Capitulo surgebant, ad petendam veniam se offerre; sed jubente Priore stantes loquebantur. Si levis culpa esset, indulgebatur; si talis quæ disciplina corporali multari deberet in aliud tempus differebatur.

11. Apud Cluniacenses verò minuendi post Evangelium Missæ, præmissis ter versu, *Deus in adiutorium* &c. id summo cum silentio præstabant: minuti refectorium intrabant, panem & vinum sumturi, per tres dies jejunium solvebant, ad nocturnos. His tri-

bus diebus dormientes non suscitabantur, ad intervallum *a* in lecto pausabant, proclamati in capitulo veniam non petebant, sed pro venia inclinabant, quæ omnia fusiùs offendes apud Udalricum l. 2. cap. 22. & in M. S. consuetudinibus. Vide Garini Abbatis Sancti Albani Statutum de minutione apud Matthæum Parisium in vitis viginti trium Abbatum S. Albani pag. 65.

a Hunc morem respicit Iohannes Abbas Mettensis in vita Sancti Iohannis Gorziensis, ubi de Angilramno monacho Gorziensi refert, quod [nisi ob sanguinis minutionem à somno post nocturnos] abstineret, sæc. 5. Bened. pag. 388.



LIBER



LIBER TERTIUS,

DE RITIBVS

Per annum contingentibus.

CAPVT PRIMVM.

Generales Ad-ventus consuetudines.

1. **A**NNUM ab Adventu more ecclesiastico auspicamur, ejus generales primùm consuetudines; deinde speciales referre instituiamus. Adventus autem nomine intelligimus præparationem ad Domini nostri Iesu-Christi Diem Natalem ad quem tribus potissimum rebus præparabant se veteres monachi; precibus, jejuniis, & secessu ab hominum communi consortio.

2. Et quidem precibus iisdem Dominicam Nativitatem præveniebant quas ad id adhibere solet universalis Ecclesia, quæ etiam speciales preces, & officia pro Adventu Domini instituit: Sed hujusmodi officia non à Dominica quarta ante Domini Natalem, ut nunc fit, incipiebant; sed priùs: Nam & in Ordine Ambrosiano, ut & in Mozarabo sex de Adventu Domini Missæ assignantur, pro totidem haud dubium Dominicis Nativitatem Domini præcedentibus, existimatque Mabillonius noster non sine fundamento veteres Gallos ab sancti Martini festivitàte Adventum inchoasse. In Ordine verò Gelasiano non nisi quinque de Adventu Domini Missæ adnotantur, ex quo colligimus Adventum Domini olim multis in locis à Dominica quinta ante Nativitatem Domini incæpisse: Id certè non obscurè innuit Amalarius cùm de Adventu Domini ita scribit: [In antiquis libris Missalium & Lectionariorum reperitur scriptum: *Hebdomada quinta ante Natalem Domini*; totidem enim Lectiones habentur in Lectionario, & totidem Evangelia à tempore memorato per dies Domini eos usque ad Nativitatem Domini:] Vidit hujusmodi Lectionarium,

▲ Vide Menardi notas ad Sacram. S. Gregorij Papæ p. 115.

analec.
to 4. p.
632.

sive Homiliarium in bibliotheca Augiensi Mabillonius noster, uti ipse testatur, jussu Caroli Magni à Paulo Diacono digestum, & ab annis octingentis manu descriptum, cujus initio habetur pro [hebdomada quinta ante Natale Domini homilia in Evangelium secundum Johannem: *Cum sublevasset oculos Jesus, & vidisset quia multitudo maxima venit ad eum, &c.* pro hebdomada quarta ante Natale Domini, homil. in Evangelium secundum Matthæum: *Cum appropinquasset Jesus Jerusalem, & venisset Bethphage:* pro hebdomada tertia ante Natale Domini, homil. in Evang secundum Matth. *Erant signa in sole &c.* pro hebdomada secunda ante Natale Domini, homil. in Evang. secundum Johann. *Cum audisset Iohannes in virculis &c.* pro hebdomada prima ante Natale Dñi hom. in Evang. secundum Johan. *Miserunt Iudei ab Jerusalem.*] Extat etiam in nostra Bibliotheca S. Germani de Pratis codex n. 626. ab annis circiter quadringentis manu exaratus, in quo continentur homiliae Dominicis diebus in Capitulo vice Regulæ per annum legendæ ita incipiens: [Dominica quinta ante Adventum Domini: *In illo tempore cum sublevasset oculos Dominus Jesus, &c.* Deinde Dominica prima in Adventu: *In illo tempore cum appropinquasset, &c.*] reliqua ut in codice Augiensi. Idem videre est in Statutis Lanfranci pro Ordine Sancti Benedicti, in quibus post Octobris, & Novembris consuetudines annus incipitur à Dominica ante Adventum Domini, in qua legebatur Evangelium: *Cum sublevasset.* Hac in Dominica specialis agebatur de SS. Trinitate memoria: Duo primi vigiliarum nocturni de ea dicebantur, Laudes atque Horæ diurnæ usque ad Vesperas; Tertium nocturnum tantum cum commemoratione ad Laudes obtinebat Dominica. Hac die sermo habebatur in capitulo, matutinalisque Missa de Dominica, major de SS. Trinitate dicebatur. Sed & in Breviario sive in Ordin. Cassinensi Institutionis Oratorij, in quo quatuor dumtaxat de Adventu Domini assignantur Dominicæ, ultimo loco, si bene memini, scribitur officium SS. Trinitatis; quod signo est, etiam Dominicam illam quæ Adventum præcedit, & à qua videtur Lanfrancus annum incipere, etiam apud Cassinenses nostros ab annis circiter sexcentis SS. Trinitati fuisse dicatam. Et tamen in antiquissimo Bedæ Venerabilis Homiliario cujus meminit noster Mabillonius in ejus vita quatuor solum homiliae habentur ante vigiliam Nativitatis Domini; scilicet in Evangelium: *Misus est,* in Evangelium: *Exsurgens Maria,* in Evangelium: *Fuit Iohannes in deserto,* & in Evangelium: *Iohannes testimonium perhibet;* quod est indicio, multo jam ante tempore usum obtinuisse, ut Adventus à Dominica quarta ante Natalem Domini inciperet.

3. Circa preces in Adventu dicendas nihil nobis specialiter notatu dignum in præsentī occurrit, nisi quod in Adventu usque ad octav. Epiphaniæ omittebatur à nostris commen. de cruce; [ea videlicet ratione, inquit M. S. Lyrensis monasterij consuetudines, quia

non natum, vel adhuc parvulum inconueniens est prædicare crucifixum. Omittebant etiam Callinenses nostri comm. de SS. Trinitate; utramque Sandionysiani, Compendiensesque monachi usque ad Purificationem B. Mariæ ex eorum M. S. consuet; Cartusienfes comm. de Cruce usque ad secundam feriam post octav. Paschæ; de B. Maria usque ad primam diem post octav. Epiphaniæ ex Statut. Guigonis cap. 2. n. 1. Eadem ratione processionem post Laudes & Vesperas toto Adventu ad Crucem, & ad S. Mariam non faciebant. Præterea preces ad nocturnos matutinos & Vesperas mutabant, quas sic repræsentat Breviarium Cassin. Institutionis Oratorii. Item Capitula in Adventu Domini usque in vigilia Nativitatis, & à Capite Quadragesimæ usque in Cæna Domini in nocturn. & Laud. & Vesperis.

Oremus pro omni gradu Ecclesiæ	Sacerdotes tui induant
Pro Pastore nostro.	Beatus qui intelligit
Pro Regibus & Imperatoribus nostris.	Salvos fac Reges
Pro Episcopis & Abbatibus	Deus conserva eos, & noscum
Pro cuncto populo Catholico	Salvum fac populum
Pro pace & unitate Ecclesiæ	Fiat pax in virtute
Pro fratribus & sororibus nostris	Propter fratres meos, &
Pro iter agentibus	O Domine salvos eos fac
Pro fidelibus navigantibus	Exaudi nos Deus salutaris noster
Pro adversantib. & calumniantib. nobis	Domine ne statuas illis
Pro discordantibus	Pax Dei quæ exuperat
Pro pœnitentibus	Convertere Dñe aliquantulũ
Pro eleemosinas facientibus	Dispersit dedit pauperibus
Pro afflictis & captivis	Libera eos Deus Israel
Pro fidelibus defunctis	Requiem æternam
Pro peccatis & negligentiss nostris	Domine ne memineris
Adjuva nos Deus salutaris noster	Et propter honorem nominis
Pro fratribus nostris absentibus	Salvos fac servos
Mitte eis Domine auxilium de sancto	Et de Sion

4. Eisdem omnino preces videre est in Breviario S. Germani de Prædictis, & in collectaneo S. Petri supra Dnyam, sed in priori adduntur hi duo versiculi: *Domine exaudi orationem meam: Domine Deus virtutum converte nos.* In posteriori: *Domine exaudi orationem meam: Et clamor. Psalmus: Misere mei Deus. Domine Deus virtutum converte nos: Et ostende: Dominus vobiscum.* Et hæc de precibus: Nunc de jejunio.

5. Etsi nullum antiqui Regularum monasticarum conditores videntur indixisse in Adventu jejunium; non minus tamen certum veteres monachos, & maxime Benedictinos singulari jejunio Christi Domini Natalem prævenisse. De Orientalibus egregium habemus Diederici monachi in præf. ad hist. Illation. S. P. Benedicti testimonium cujus hæc verba: [In diebus Dominici Adventus Orientales monachi velut

in Quadragesima austerius solent vivere, & sub maxima institutionis monastica disciplina vigilantius Natale Domini expectare.] De Benedictinis luculentum habemus exemplum apud Bedam Venerabilem; ubi de Egberto Presbitero & monacho in Anglia hæc habentur: 1. 3. [Addidit voris quæ diximus, ut semper in Quadragesima non plus hñt. quàm semel in die reficeretur, & non aliud quàm panem, & lac tenuissimum, & hoc cum mensura gustaret.... Cujus modum continentia etiam quadraginta diebus ante Natale Domini; totidem quoque post peracta solemnia Pentecostes, hoc est Quinquagesimæ, semper observare curabat.

6. Huic certè non cedebant Petri Damiani Discipuli, de quibus ipse opusc. de Institutis suæ congregationis agens: [Duabus, inquit, illis Quadragesimis, quæ vel Natale Domini vel sanctum Pascha præcedunt, nonnulli fratres hñc sunt, qui totam hebdomadam jejunando transcurrunt; & quotidie exceptis Dominicis diebus in pane & aqua vivunt. Quidam etiam fratres in utriusque Quadragesimæ non solum quibusque festivitibus, sed & Dominicis diebus coquinalibus abstinent, quod nos in Dominicis diebus primo quidem propter excellentiam Sanctæ Resurrectionis curavimus prohibere, sed rursus coacti sumus fraterna supplicatione permittere: Vescuntur autem pomis & herbarum radicibus, ac leguminibus infusis, vel etiam elixis;] & infra agens de Eremitis in latere Montis Suavicini habitantibus: [In prædictis duabus Quadragesimis consuetudo tenuit, ut neque monachis, neque laicis vini, vel etiam piscis perceptio concedatur; exceptis his quatuor festivitibus, sancti scilicet Andreæ, Beati Benedicti, & Dominica palmarum, & Cœna Domini;] Quod de Laicis in prædicta eremo habitantibus; aut hospitantibus intelligendum est. His adde quæ scribit Nicolaus De Fractura ætatis suæ morem haud dubium referens: [Quadragesima sancti Martini celebratur secundum quosdam ab Adventu Domini usque ad festum Natalis; secundum alios in c. 13. à proximo sequenti die S. Martini usque ad Natale, & hoc in monasterio Casinensi. Nonnulli alij qui ad frugem melioris vitæ suspirant, celebrant Quadragesimam sanctæ Crucis de mense Septembri, & hoc specialiter servatur in Romania, ubi consueverunt esse viri longè arctioris vitæ quàm alibi.] Hujusmodi Quadragesimam observabat Johannes Cellerarius postea Abbas Gorziensis cujus in vita n. 93 sæc. 5. Bened. hæc legimus: [Regulam tolerabiliorem assumpsit, ut duas tantum Quadragesimas in anno perageret; unam ante Nativitatem Dominicam, alteram ante Pascha; Priorem quidem Idibus Septembris, cum nona hora fratres prandium repetunt, incipiens: Sequentem ab oct. Epiphaniæ: Dominica iij & v communem ceteris tenens refectionem; reliquos quatuor abstinebat dies, pane tantum & aqua lege ipsa contentus, quam diximus] præterea Concilium Salisburgense anno 1281. celebratum statuit ut [à Festo sancti Martini ab omnibus Religiosis usque

Comm.
in Reg.
S. Ben.
in c. 13.

ad Nativitatem Domini jejunium observetur, cum multo jam ante tempore Concilium Turonense secundum indixisset monachis, ut in Decembri usque ad Natale Domini jejunent. can. 17.
an. 579

7. Neque verò hoc ita monachis exitit singulare, quin etiam Clericis ac Canonicis fuerit commune, ut pater ex Grodegangi Regula pro Canonicis c. 35. [Ab ipso transitu sancti Martini usque ad Natalem Domini, à carne omnes abstineant, & usque ad Nonam jejunent; & omnibus his diebus in refectorio reficiant:] Hinc etiam S. Aldricus Cænomanensis Episcopus ad Canonicorum suorum refectorem in die Ordinationis sue quæ 21. Decembris, & in die Dedicationis quæ 22. continebat donat ad [pisces emendos de argento solidos quinque, de caseo autem modium unum,] ut videre est in privilegio ab eo hanc in rem confecto, quod refertur in ejus gestis n. 31. Tom. 3. Misc. Baluz.

8. Quid quod secularibus viris eandem legem per multa sæcula constitutam esse legimus? Concilium Matisconense primum an. 581. celebratum decernit, [ut à feria sancti Martini usque ad Natale Domini secunda, quarta & sexta Sabbati jejunetur, & sacrificia quadragesimali debeant ordine celebrari;] quod ex Institutione Perpetui Episcopi Turonensis vj. esse scribit Gregorius Turonensis item Episcopus in hist. l. 10. c. 31. Author Epistolæ ad Bibianum Santonicæ civitatis Antistitem sub falso Augustini nomine, quam ex codice S. Petri Carnotensis ante annos octingentos M. S. vulgavit Mabillonius noster: [Apud nos itaque nos ex ejus (S. Martini) solemnitate abstinencia à carnibus, vel conjugali copula filiis Ecclesiæ indicatur, ut ad Nativitatem Domini securius communicent.] Plus aliquid dicit Anastasius Sinaita: Ille nimirum in singulari tractatu, quem de tribus Quadragesimis edidit, reprehendit eos qui quadragesimas Apostolorum, idest post Pentecostem ante festum SS. Petri & Pauli; & ante Natalem Domini, quam S. Philippi appellat, inventum esse monachorum, & non ab Apostolis & Patribus esse institutas assererent: ex quibus, inquit, [Nonnulli diebus octodecim abstinere duntaxat carne, & caseo, & ovis; quidam verò carne sola, qui reliqua comedunt excepto uno die, alij autem pari modo abstinere diebus 12. tantum, alij sex, alij quatuor;] & postea: [Apostoli xl. dierum jejunium, & preces cunctis fidelibus statuerunt, idque servatum fuit à SS. Patribus, & septem Conciliis Generalibus, atque decretum fuit jejunium non quinque, vel octo, vel decem dierum; sed quadraginta. Vocatur autem Natalis Domini jejunium, quia in fine quadraginta dierum occurrit salutaris Nativitas Domini nostri J.C. duoque bona peraguntur, nam exsequimur traditionem Apostolorum, simulque præpurgamur in occursum, & adorationem Jesu-Christi Domini nostri.] Aistulfus Rex Longobardorum in diplomate monachis Nonantulensibus anno 753. concessio ab eisdem exigit [Pro benedictione in Quadragesima majore xl. Lucios, & in Quadragesima

Spicil.
to. 1.

Liturg.
Gallie.
p. 458.

to. 3.
monum
eccl.
græc.

extae
in vit.

8. An. S. Martini similiter permissum ipsius monasterij consignatos in Papiam,
 Abbat. aut in Mantuam, siue si fuerimus, inquit, Ravennam.] In Capitula-
 Non. ribus etiam Regum à Benedicto. Levita collectis istud habetur: [Ad-
 sac. 4. moneant Sacerdotes ut jejunia tria legitima in anno agantur, idest
 l. 6. quadraginta dies ante Nativitatem Domini, & quadraginta dies
 c. 187. ante Pascha, ubi decimas anni solvimus, & post Pentecosten qua-
 de inst draginta dies;] Et Rabanus: [Autoritate divinæ Scripturæ Ecclesia
 Cleric. morem obtinuit, & universale jejunium incipiens in nono mense in
 l. 2. decimum extenditur, idest usque ad diem Natalis Domini pertingit.
 c. 2. Congrua itaque dispositione à magistris Ecclesiæ hoc loco jejunium qua-
 dragesimali fieri constitutum est, ut ante diem Natalis Domini jejunio &
 abstinencia nosmetipsos castigemus; quatenus venientem Redemptorem
 digna conversatione suscipere possimus.] Nicolaus Papa I. ad Bulgaros:
 [Hæc jejunia sancta Romana Ecclesia suscipit antiquitus, & tenet, qua-
 dragesimali videlicet tempore quod est ante Pascha, post Pentecosten ante
 Assumptionē S. Mariæ Dei genetricis, necnon ante Natalis Domini festi-
 vitarum.] Sæculo x. Ratherius Veronensis Episcopus in Synodica ad Pres-
 biteros: In Adventu Domini nisi festivitas intercedat quatuor hebdoma-
 Spicil., ribus à carne noveritis abstinendum, & coitu.] Sæculo xi. Concilium
 ro. 1. Salingestadense ann. 1022 celebratum: [ut quatuordecim dies omnes
 p. 264. Christiani ante festivitatem S. Johannis Bapt. in abstinencia sint carnis &
 c. 1. sanguinis, nisi infirmitate impediante, aut alicujus festi solemnitate,
 quæ in illo Episcopio celebris habetur intercedente, & ante Nativita-
 tem Domini similiter.] Sæc. xij. in Abrincanensi Concilio an. 1172. cele-
 brato: [In Adventu Domini omnibus qui poterunt, maximè autem cle-
 ricis & militibus, jejunium & abstinencia carniū indicatur.] Denique
 c. 11. apud. in sequenti sæculo xij. Bracarensi Archiepiscopo Innocentium III.
 Spel. consulenti [Utrum jejunandum sit in Adventu cum inde sentiant di-
 tom. 2. versi diversa, quibusdam dicentibus sed paucioribus, jejunandum esse;
 pluribus verò se ad hoc asserentibus non teneri.] Responsum est: [Je-
 junium etiam apud nos in Adventu Domini agitur.] Hoc tamen non-
 nullis jam ab hinc sæculis remissum est, unde Urbanus Papa V. statim
 ab ipsa Ordinatione sua [Volens curiales Ecclesiasticos sic honestè
 Rainal. vivere, quod essent ceteris in exemplum, pœnaliter ordinavit, quod
 an. omnes generaliter, & indistinctè in Adventu Domini ab esu carniū
 1370. abstinerent;] Et hoc non solum apud Clericos aut sæculares viros;
 n. 21. sed etiam apud monachos, ut patet ex Nicephori Constantin. Patriar-
 cha Synodico Canone xx: [In jejunio SS. Apostolorum, & jejunio
 to. 3. sancti Philippi oportet ut monachi, qui in monasterio resident, per
 mon. quartas & sextas ferias semel ad Vesperam cibum sumant, qui verò
 eccl. opera faciunt post horam sextam edant, & gustent, ac vespere cœnent.
 g. æc. 9. Nunc verò ed devenimus, ut à solis monachis religiosisque familiis
 p. 447. qualecumque jejunium in Adventu servetur. Huic addebant nostri ab
 adipe abstinencia, exceptis certis solemnitatibus; ita quippe Dunstanus

in Concordia : [In Adventu Domini pinguedo interdicatur , scilicet c. 2.
 lardi , nisi festis diebus .] Lanfrancus in Statutis : [Dominicis & aliis c. 1.
 festis quibus duodecim lectiones faciunt , adipem comedant in Adventu .] §. 2.
 Udalricus in antiquis consuet. Cluniae . [In Adventu Domini quoties c. 1.
 duodecim sunt Lectiones abstinemus ab adipe] fortè non abstinemus ; c. 44.
 nam privatis diebus abstinabant , quod amplius patet ex hoc Petri Ve-
 nerabilis Statuto ; [Statutum est ut omni die Adventus Domini , ex- stat. 15
 cepta prima Dominica , ab adipe , qui in xij lect. festis in usu esse so-
 lebat , omnes abstineant : M. S. consuetudines S. Dionysij in Francia : c.
 [Fratres in toto Adventu adipem non comedent ;] Compendienses c.
 S. Cornelij ad Dominicam primam Adventus : [Hac die comedant fra- c.
 tres sagimen , ceteris verò diebus usque ad Natale Domini non co- c.
 medant sagimen .] Denique Gerardus Abbas S. Theoderici prope Re- c.
 mos in literis de victu monachorum an. 1233. datis : [In Quadragesi- c.
 ma , & in Adventu , & aliis diebus quibus sagimine non utitur , oleo c.
 vel caseis competenter conficiantur pulmentaria ;] & tamen octo c. 77.
 dumtaxat diebus subtrahit adipem Aquilgranensis Synodus .

10. Superest ut de monachorum in Adventu secessu in solitudine
 aliquid dicamus , quod unico conficimus exemplo à Beda Venerabili
 relato in vita S. Cuthberti Lindisfarnensis Episcopi c. 42. de Eadberto
 Lindisfarnensi item Episcopo , qui in remotiore à monasterio loco
 [semper Quadragesimæ tempus agere , in hoc quadraginta ante Domi- sac. 2.
 nicum Natale dies in magna continentia orationis , & lachrymarum de-
 votione ducere consueverat .

11. Præterea ad generales Adventus consuetudines pertinet anti-
 quus ritus imagines velandi , non secus ac in Quadragesima ; quod dis-
 cimus ex antiquo Ordinario Canonorum ut credo Regularium M. S.
 quod habetur in Bibliotheca Colbertina n. 2736. ubi ad Dominicam
 primam Adventus ita legitur : [Ante Primam cooperiantur tabulæ , & c.
 capsa , & sic usque ad Nativitatem permaneant .] Insuper quod Diaconus
 & Subdiaconus non dalmaticis aut tunicis ; sed casulis sive , ut
 vocant , Planetis , utebantur ad Missam : In Adventu , inquit , Lanfran-
 cus , [omnibus Dominicis , & festis diebus ad Nativitatem Domini c. 1.
Gloria in excelsis Deo minime dicatur , ad majorem Missam Diaconus c. 2.
 & Subdiaconus casulis sint induci ;] & Rituale Beccensis monasterij :
 [Ad majorem Missam omni Dominica , & festo die per Adventum , c.
 & à Septuagesima usque ad Pascha erunt Diaconus & Subdiaconus c.
 in casulis , nisi in vigilia Natalis Domini , & in Cœna Domini , & c.
 Sabbato Paschæ :] Hujusmodi casulæ apud Cassinenses nigri erant c.
 coloris ex M. S. eorum Ordinario tempore Oderisij Abbatis exarato :
 [Præterea , inquit , nec ministri induunt tunicas seu dalmaticas ; sed c.
 in nigris planetis ad Missam procedunt , exceptis festivitibus SS. c.
 & Cœna Domini , & Sabbato sancto ,] & tamen in M. S. S. Ger-
 mani Præterensis consuetudinibus ad Dominicam primam Adventus

Sacerdos *Casulam albam* habere jubetur; ex M. S. etiam Rituali Corbeiensis [Dominicis diebus Adventus, & in omnibus festis xij lectionum, exceptis principalibus, ad magnam Missam Diaconus & Subdiaconus induuntur de albis casulis in loco dalmaticæ & tunicæ.] Quisnam porro esset harum casularum usus discimus ex Dunstani conc. c. 3. [Subdiaconus, *inquit*, quoties casula induitur, exuat eam dum legit Epistolam, qua lecta rursus ea induatur. Diaconus verò antequam ad Evangelium legendum accedat, exuat casulam; & duplicans eam circumponat sibi in sinistra scapula, annectens alteram summitatem ejus cingulo albæ. Peracto communionis sacramento, induat eam antequam collecta finiatur.

12. Huc etiam referri potest Orthobonis in Anglia Legati Constitutio pro monachis Benedictinis ann. 1248. quæ nimirum præscribit, ut Summorum Pontificum spectantes ad monachos Constitutiones in singulis monasteriis, bis in anno, in principio scilicet Adventus Domini, & in capite Quadragesimæ, omnibus fratribus convocatis in capitulo legantur.

CAPVT II.

Particulares Adventus consuetudines.

1. **A**dventus officium Sabbato ante Dominicam primam Adventus uti nunc, ita olim incipiebant veteres monachi; & quidem ad Vesperas, in quibus psalmos & antiphonas de psalterio decantabant, lectionem sive capitulum & reliqua de Adventu. In hymno: *Conditor alme*, ad Tropam *Te deprecamur* omnes se inclinabant, & Sacerdos cappa induebatur ad thuribulum ex M. S. Compendiensis monasterij consuetudinibus. Finitisque Vesperis processionem ad S. Mariam faciebant ex Udalrico in antiq. Clun. cons., Ordinatio Corbeiensis, M. S. Consuetudinibus S. Germani à Pratis, & S. Dionysij.

2. Ad lectionem collationis ante Completorium legebant toto Adventu Sandyonisiani quidem Smaragdi Diadema monachorum; Corbeenses S. Bernardi homilias super *Missus est*, præterquam in vigilia & die festo SS. Fusciani & soc. in quibus legebatur SS. Martyrum passio; Parisienses S. Germani S. Gregorij Papæ Dialogos; atque ea in collatione singulis fratribus caritas vini exhibebatur hac die, modo à nobis supra descripto lib. 1. c. xi.

3. Dominica ad nocturnas vigilias Invitatorum: *Ecce venit Rex occurramus obviam salvatori nostro*, à duobus dicebatur monachis, & quidem in ecclesiis monachorum Cathedralibus in *Cappis* ex Lantfranci statutis; alibi verò in *albis* tantum indutis ex eisdem statutis Udalrico

Udalrico, l. 1. c. 11. M. S. conf. S. Dionysij, & S. Germani, & ex Rituali Beccensis monasterij. In Compendiensi tamen monasterio in fœcis.

4. Primam Nocturnorum antiphonam in Parisiensi Sancti Germani monasterio imponebat Hebdomadarius cantus, aliàs pueri. Prima apud Cassinenses incipiebat: *In medio Ecclesiæ* à nostris diversa.

5. Lectiones in prima secundaque vigilia octo legebant de Isaia Prophetâ, quem in Adventu, sive in reſectorio, sive in choro totum percurrerant; sed integrum intra sex privatas noctes absolvebant Cluniceuses, teste Udalrico, cui Epistolam S. Leonis Papæ de Incarnatione Domini, aliisque SS. Patrum, & maxime S. Augustini sermones subjungebant. Ab his non multum recedebant Corbeienses nostri, qui detractis ex Prophetia Lectionibus pro quatuor Dominicis; reliquum prophetiæ paucis absolvebant; postque Epistolas S. Leonis Papæ, sermonesque S. Augustini legebant, ita quippe illi in Ordinario suo: [Quamvis autem de Isaia ad omnes Dominicas Adventus lectiones excipiantur, tamen ab eo loco in quo prima Dominica lectiones finiuntur usque in finem, totus in privatis noctibus legitur, & eo finito Epistolæ Leonis Papæ de Incarnatione Domini, & sermones D. Augustini sequuntur.] Isaia etiam præmittebant S. Hieronymi prologum in ejusdem prophetiam quem item ad primam lectionem Dominica prima Adventus legebant Parisienses nostri S. Germani, Sandionysiani, & Compendienses, ut in eorum M. S. consuetudinibus videre est, in cujus fine lector dicebat: *Explicit prologus*; tum: *Tu autem*: Legentes verò prophetiam dicebant: *Hæc dicit Dominus*, Ex conf. Compen.

6. Primum nocturnorum Responsorium quod cum tribus v. dicitur magna cum solemnitate decantabant Nostri B. Mariæ Lyrenses, rem ita definiunt in suis consuetudinibus: [Tres v. primi Responsorij primæ historiæ Adventus dicuntur ab Hebdomadario, & à duobus senioribus qui priores sunt in ordine; ita ut si Hebdomadarius sit de choro Abbatibus, qui prior est in choro Prioris dicet secundum v.; si autem Hebdomadarius est de choro Prioris, qui prior est in alio choro dicit secundum versum; & tertium Prior de alio choro; sic etiam sit Dominica secunda. Caveat autem qui scribit tabulam, ne illos scribat in primo nocturno ad Lectionem vel Responsorium.] In Beccensi tamen monasterio solus Hebdomadarius tres versus dicebat. Porro primum istud Respons. quod incipit, *Aspiciens*, infra hebdomadam non repetebant, exceptis Cisterciensibus, qui privatis diebus cum solo ultimo versu illud cantabant.

7. Ad Cantica Sangermanenses hanc præmittebant antiphonam: *Cantate Domino canticum novum, laus eius ab extremis terra* Cantica verò cum Corbeiensibus eadem dicebant, quæ etiam nunc apud nos in usu existunt. Aliter verò Sandionysiani, Compendiensesque monachi, in quorum antiquis conf. M. S. [ad Cantica antiphonæ

alleluia in illa die, Cantica : *Confortato*] notantur.

8. Canticis subungebant Lectiones quatuor ex homilia in Evangelium : *Cum appropinquasset*. Ita communiter in omnibus monasteriis quamvis in Parisiensi S. Germani de Pratis legeretur homilia in Evangelium secundum Marcum : *Principium Evangelij Iesu Christi filij David*, sicut scriptum est in Isaia Propheta, *ecce ego mitto Angelum*. Ultimum Responsorium post *Gloria* repetendum erat ex M. S. conf. S. Dionysij, S. Germani, & Rituali Corbeiensis ; quod tamen vetant Compendienses consuetudines.

9. *Te deum laudamus*, & Evangelium cantabant ritu à nobis lib. 2 descripto.

10. Finitis nocturnis vigiliis, qui Evangelium solemniter cantaverat (hic erat communiter Hebdomadarius) inceptis Laudibus, recedebat cum sociis in vestiarius casulam exuturus, deinde ut habent consuetudines S. Germani redibat in chorum indutus alba, & habens manipulum in brachio tantum. Primam antiphonam : *In illa die* imponebat ; reliquas, ut erant in ordine, tam apud Sandionysianos, quam apud Compendienses incipiebant Priores. Lectionem, sive capitulum : *Ecce dies veniunt* legebant Sangermanenses ; cum tamen in Dionysianis, Compendiensibusque consuetudinibus adnotetur lectio : *Benedictio & claritas*, quam Lectionem exceptis quinque principalibus festivitatibus ; Nativitatis, Paschæ, Pentecostes, Assumptionis B. Mariæ, & S. Dionysij, omnibus per annum Dominicis dicebant. & : *Super te Hierusalem* cantabat Hebdomadarius cantus.

11. [In fine hymni, inquit M. S. S. Germani conf. ibit Sacerdos in vestiarius : & si Abbas fuerit in choro, Sacerdos apportabit incensum ad benedicendum ei, & si non fuerit, ipsemet benedicet, & ibit incensare Corpus Domini, & duo altaria, & corpora SS. & ibit circa sacrarium intus indutus cappa ;] licet Lanfrancus dumtaxat statuatur [ut ad *Benedictus* Sacerdos in alba incenset altaria.

12. Finitis Laudibus psalmisque familiaribus, & in aliquibus locis Matutinis B. Mariæ, Processionem ad S. Mariam faciebant, circa quam istud observant M. S. consuetudines S. Germani : [Quotiescumque cantatur & ad Processionem, dicitur : *Dominus vobiscum* ; & quando cantatur antiphona, non dicitur : *Dominus vobiscum*.] Dictaque oratione, Laudes de omnibus cantabant. Postea : *Verba mea*.

13. Ad Primam hymnus cantandus erat sicut Conditor, ex conf. Dionysij & Comp. Antiphona ex Laudibus, unde etiam ad Tertiam, Sextam, & Nonam desinebantur. Singulis horis singula capitula, singuli versus, singulæ collectæ erant adsignatæ ; ita tamen ut capitulum & collectæ Tertiar eadem essent, quæ ad Vesperas.

14. Hac die Missa major majori etiam solito solemnitate celebrabatur : *Magna Missa*, inquit Dionysiana, Compendiensesque consuetudines, festive celebratur ; quod quasi explicando subjungunt :

[Qui chorum tenuerit festiua cappam habeat, ministri altaris festiuis infalis induantur.] Distinctius consuetudines S. Germani: [Hebdomadarius incipiet Missam indutus cappa serica, sic autem ibit Sacerdos ad altare: primò præcedet thuribulum, & post duo ceteri, & Subdiaconus ferens Textam, & Diaconus ferens Missale, & Sacerdos habens casulam albam, & Diaconus & Subdiaconus suo modo . . . Kyrie eleison cantabitur in cantu illo, quo cantatur in festis quinque ceterorum . . . & (idest graduale) *universi qui te &c &c. Vias tuas Domine*; quem duo monachi cantabunt in albis; *Alleluia* quam Presbyteri cantabunt in cappis similiter &c. Hac in Missa legebatur Evangelium secundum Marcum: *Principium Evangelii*, ut ad Nocturnos; ^a e contra ad matutinalem quæ etiam erat de Adventu, Evangelium secundum Matthæum: *Cum appropinquasset*, sed hoc Sangermanensibus erat peculiare, nam alij matutinalem Missam de Trinitate, majorem de Dominica prima Adventus cantabant; & in ea legebant Evangelium: *Cum appropinquasset*.

15. [Post Missam ibit conventus in dormitorium, consuetudines S. Germani exscribo & revertetur in claustrum, & sedebit ibi quo ad usque pulsabitur ad Meridiem . . . Quando pulsabitur ad Sextam conventus ibit in chorum, . . . & debent accendi tres lampades ad gradum ad Sextam, & ad Nonam. Interea pulsabitur tympanum, & ibit conventus lavare manus suas, & intrabunt in refectorium . . . Lectio debet esse de expositione Evangelij: *Principium Evangelii* &c. *Adventum Dominica prædicationis* &c. & post de Isaia Propheta. Post Lectiones Matutinarum, conventus debet habere duplices mapas, & caritatem boni vini, & pitantiam. Post campanam eleemosinæ debet pulsari grossior campana propter Nonam, & debet cantari Nona stando usque ad Kyrie . . . Post Nonam venient in claustrum, vel in cimiterium.

16. Circa Vesperas nihil peculiare notandum occurrit; antiphonæ enim & psalmi sicut per annum; Reliqua de Adventu; sed ^h, quod apud Parisienses & Dionysianos cantabat Hebdomadarius cantus, Compendij cantabat solus puer.

17. Infra hebdomadam Officium ita agebatur de Adventu, ut tamen psalmi, & antiphonæ de feria dicerentur; quamvis in M. SS. consuetudinibus S. Dionysij, & S. Cornelij Compend. *alleluia* secundi nocturni cum speciali de Adventu antiphona adnotetur, Ad minores diei Horas antiphonæ de Laudibus Dominicæ repetebantur, saltem ex Dionysianis consuetudinibus. Invitatorium ubique notatur: *Regem venturum Dominum*; aliud proinde quàm in Dominica. Responsorium ad Laudes & Vesperas ex cons. S. Dionysij à puero dicendum erat. In iisdem consuetudinibus post Primæ psalmos scribitur symbolum

^a Hoc idem Evangelium à Cluniacensibus etiam legi voluit Petrus Venerabilis, stat. 9.

Quicumque. Feriæ iv & vi. Specialem ad Missam Epistolam & Evangelium habent consuetudines S. Germani à Pratis; & quidem iv fer. Epistolam: *Patientes estote.* Evangelium: *Veni Iohannes Baptista.* Fer. vi Evangelium: *Dicebat Iohannes.*

18. Sandionysiani & Compendienses feriam v Sanctis Martyribus monasterij sui Patronis & Sabbatum B. M. ita consecrabant etiam in Adventu; ut adveniente his diebus festo xii Lectertium nocturnum cum Laudibus de SS. Martyr. aut de B. Maria celebrarent.

19. Sabbato ad Vesperas oratio præcedentis Dominicæ notatur in Ordinario Calsin. consuet. S. Dionysij, & sancti Cornelij Comp. secus in cons. Sancti Germani; quod in sequentibus etiam sabbatis observabatur.

20. Dominicâ 2. Adventus idem omnino ordo servabatur, qui in Dominica prima, excepta fortè solemnitate; nam & 3^a primum cum tribus y. dicebatur, ut patet ex cons. S. Dionysij, & S. Cornelij Compendienses; & ultimum etiam post *Gloria* reperebatur, quod præter prædictas consuetudines, præscribunt etiam MS. S. Germani. Ad Laudes antiphonæ à Prioribus dicebantur; id quod omnibus Adventus Dominicis faciendum decernunt Compendienses & Dionysianæ consuetudines, & Rituale Beccensis monasterij.

21. Invitatorium tamen in diversis monasteriis diversum erat; & quidem in Compendiensi idem quod Dominica prima, in Parisiensi: *Surgite vigilemus*; in Dionysiano: *Ecce venit.* Evangelium ubique idem, scilicet: *Erunt signa.* Ad Primam aliasque Horas diurnas antiphonæ non de Laudibus, ut prima Dominica; sed aliæ, quæ etiam in diversis monasteriis erant diversæ.

22. Infra hebdomadam idem ordo qui in prima hebdomada. Feria iv ad Missam Evangelium: *Amen dico vobis non surrexit,* notatur in cons. Sancti Germani; fer. vi Evangelium: *Iohannes testimonium.* Aliter cons. S. Dionysij, in quibus lego: [Ista Evangelia dicantur per hebdomadam ad magnam Missam, vel ad matutinalem: Cum videritis abominationem desolationis quæ dicta est; aliud: Cum videritis abominationem desolationis stantem ubi non debet;] Ubi etiam ex M. S. consuetudinibus Corbeiensis monasterij observandum est, quod cum propter aliquod festum, Missa feriæ iv vel v cantari non poterat, sequentis hebdomadæ aliquo die resumebatur.

23. Circa Dominicam tertiam pauca nobis observanda sunt: Invitatorium in antiquiori Ordinario Corbeiensi notatur: *Prope est jam Dominus,* in consuet. S. Dionysij & S. Cornelij: *Ecce venit plenitudo temporis*; in MS. S. Germani: *Rex noster adveniet.* Secundum primi nocturni Responsorium speciali solemnitate cantabatur; ita quippe consuetudines S. Dionysij, quibus concinunt Compendienses S. Cornelij [Secundum 3^a: *Bethleem civitas,* quod cantabit aliquis bene canens, cui tamen iusserit Cantor; & post versum repetatur,

24. Evangelium: *Cum audisset Iohannes in vinculis*. Reliqua ut superiori Dominica. In antiquiori Corbeiensis monasterij Ordinario infra hebdomadam tertiam singulis feriis adnotantur speciales antiphonæ ad Laudes, & ad Horas, in quarta septimana iisdem feriis repetendæ; & tamen in Lyrensis conf. & Rituali Beccensi, cui concinere videntur consuet. Grandim. c. 4. pro quarta tantum septimana præscribuntur; licet ita ut si aliqua quartæ hebdomadæ feria assignata sibi antiphonæ dici non possunt, eadem feria præcedentis hebdomadæ dicantur; ut si v.g. feria 2. quartæ hebdomadæ aliquo festo impediatur, feria secunda tertiæ septimæ dicantur antiphonæ assignatæ pro feria secunda quartæ hebdomadæ.

25. Inter omnes Adventus ferias celebris omnino fuit apud antiquiores Benedictinos feria quarta quatuor temporum, in qua legitur Evangelium de Annuntiatione Dominica: Hac scilicet die, quæcumque adveniens festivitas XII etiam lectionum in sequentem feriam v rejiciebatur; hac die omnes monachi quos monasterij contineret ambitus, ipsi etiam infirmi qui de lecto consurgere poterant, nocturnis vigiliis interesse tenebantur; ut nimirum audirent Evangelium, idque, ut habent consuetudines S. Germani à Pratis, ob reverentiam Incarnationis Iesu Christi. Evangelium ex integro homiliæ Venerabilis Bedæ Presbyteri præmittebant, & quidem ritu solemnissimo; qua de re juvat hic consuetudines S. Dionysij in Francia describere: [Dum cantantur psalmi primi est Hebdomadarius Missæ, & Sacerdotalibus indutus vestibus, & candida insula ob honorem Virginis Mariæ, cum ministris qui ferant thuribulum, & candelabra. Legatur Evangelium ex integro cunctis stantibus: *Missus est Angelus* &c. Antequam legat, dicto versu, dicatur ab Abbate, vel à Priore: *Pater noster* sub silentio, & post dicatur *Et ne nos*, & *Ÿ. Ostende nobis*, vel: *Ad utrum nostrum*: Deinde legatur Evangelium quo perlecto non respondeatur: *Amen*: sed dicat Diaconus *Omelia V. ner. Bedæ Presb. de eadem lectione*, & legantur tres lectiones de Omelia: *Exordium nostræ redemptionis*. Omnes infirmi qui possunt ire, esse debent usque post Evangelium; & postea veniant ad cappellam infirmorum, & ibi Capellanus finiat Matutinas. *Ÿ. Missus est*, quod debet cantare puer. *Ÿ. Ave Maria. Ÿ. Suscipe verbum*. Non debet Prior legere tertiam Lectionem, nec Cantor tertium *Ÿ. cantare*, nisi in vigilia Natalis Domini, vigilia Pentecostes, & vigilia Assumptionis B. Mariæ, & vigilia Beati Dionysij.] Eadem iisdem pene verbis leguntur in M. S. consuetud. Compendiensis monasterij, in quibus tamen Evangelio non *Ÿ. Ostende nobis*; sed *Dominus vobiscum* à Sacerdote præmittitur.

26. In M. S. conf. S. Dionysij Invitatorium assignatur: *Regem venturum*; in Sangermanensibus: *Prope est jam Dominus*, quod ab hac die usque ad Nativitatem Domini cantare solebant Beccenses nostri, ut patet ex eorum rituali: Minores B. Mariæ Matutinas hac die dimittit.

tebant Compendienses nostri.

27. Ad Missam orationi quæ dicitur ante Prophetiam, præmittēbant Dionysiani: *Dominus vobiscum*, non autem orationi quæ dicitur ante Epistolam; E contra Sangermanenses nostri, qui ad prandium expositionem in Evangelium hac die legebant. Præterea hac die, & sequentibus feriis sexta & Sabbato ad Laudes, & per Horas speciales antiphonæ dicebantur; ut patet ex conf. S. Dionysij, S. Germani, Grandimontens. & Compendiens.

28. Feria v ejusdem septimanæ Sermones S. Augustini de Incarnatione Domini, videlicet: *Legimus sanctum Moysen*, &: *Vos inquam converto ô Judæi* ad vigilias recitabant Cistercienses, ut discimus ex lib. Us. c. 1. De suis martyribus Dionysiani ac Compendienses nostri; si tamen nondum incepta fuisset antiphona *O Sapientia*, alioquin commemorationem tantum de iis ad Laudes & Vesperas faciebant.

29. Feria vi ad vigilias tres lectiones ex homilia in Evangelium: *Exsurgens Maria*, quod cum sua expositione ad prandium legebant Sangermanenses, qui idem sequenti etiam sabbato præstabant.

30. Circa Sabbatum quatuor temporum vix aliquid dicendum occurrat, nisi quod hac die matutinalem Missam de B. Maria cantabant nostri Sandionysiani, immo & Sangermanenses; idque solemniter; De Majori verò Missa consuetudines S. Germani de Pratis hîc exscribere juvat: [Post Tertiam fiet Missa matutinalis, post Missam matutinalem fiet capitulum, post capitulum sedebit conventus ad parlamentum, & quando tempus fuerit pulsabitur ad Sextam; post Sextam ibit conventus in dormitorium, & veniet ad lavatorium lavare manus suas, & ibit per partem claustrî, ubi sit rasura, in monasterium; & pulsabitur una campana, & terminabitur: *Pater noster*; & erunt omnes in sedibus suis videlicet antiquiores à parte navis, & facient ante & retro, & venient antiquiores à parte sacrarij, & non debet dici letania. Tunc Sacerdos revestiet se, & omnes illi qui scripti fuerint ad officia; & pulsabitur Missa cum duabus campanis sicut solet fieri diebus privatis; Hebdomadarius cantûs debet tenere cantum indutus cappa, & incipiet Missam. Introitus: *Veni & ostende*. Psal. *Qui Regis*: Gloria: *Kyrie eleison* Sacerdos dicet: *Oremus*, sine *Dominus vobiscum* ad omnes orationes usque ad ultimam orationem. Prima oratio: *Deus qui conspicias*; Lectio prima, quam quidam Subdiaconus debet legere in modo quo legitur ad Matutinas, & debet accipere manipulum super aquilam, & perlecta lectione deponere super aquilam, & finiatur in modo quo finiuntur lectiones defunctorum: *In diebus illis clamabant*. & quod quidam puer cantabit, & non reiterabit illud: *A summo celo*. & *Cæli enarrant*; post hoc & dicetur oratio secunda: *Concede quasumus omnipotens*, Lectio secunda, quam Subdiaconus leget in modo prædicto: *Hæc dicit Dominus*: *Larabitur deserta*; & quod alter puer cantabit: *In sole posuit*, & *A summo celo*. Oratio tertia: *Indignos nos*; Lectio tertia

quam alter Subdiaconus vel Diaconus leget : *Hæc dicit Dominus super montem* ; & quod puer cantabit : *Domine Deus virtutum* ; & *Excita Domine*. Oratio : *Præsta quasumus omnipotens Deus , ut fiat*. Lectio quam alter Diaconus vel Subdiaconus leget : *Hæc dicit Dominus Christo meo* ; & quod puer similiter cantabit , & non reiterabit illud : *Excita Domine* , & *Qui regis Israel* : Oratio : *Preces populi tui* ; post hanc lectionem quidam de antiquioribus leget hanc lectionem in modo prædicto : *Angelus Domini* , ulque *Magnificabant in fornace discentes*. Post hanc lectionem tres Presbyteri cantabunt benedictiones : *Benedictus es Domine* , & reiteratur ad unumquemque versum : *Et laudabilis* , & alij : *Laudabilem* , & alij *Et laudabile* , & alij : *Et laudabilis* ; & post *Gloria* reiterabunt : *Benedictus*. Tunc Sacerdos dicet : *Dominus vobiscum*. Oratio : *Deus qui tribus*. Tunc more solito leget Subdiaconus Epistolam : *Frates rogamus vos*. Tractus , quem duo Presbyteri cantabunt : *Qui regis Israel* , &c.] Sed ex M. S. conf. Lyrenf. Mon. [Sint Subdiaconi qui legunt quatuor primas lectiones , quintam quilibet Sacerdos.

31. Dominica IV vix aliquid speciale habebat : Invitatorium ad eam notatur in consuet. S. Germani : *Prope est jam Dominus* ; in Dionys. & Compendiensibus : *Eccce venit plenitudo temporis* Evangelium : *Miserunt Iudæi*. Infra hebdomadam dicenda ista Evangelia assignant consuetudines S. Dionysij : *Venit Iohannes Baptista prædicans*. Aliud : *Initium Evangelij Iesum Christi Filij Dei*. Aliud : *Venit Iohannes in omnem regionem Iordanis*.

32. Præterieram pene majores ut vocant ad *Magnificat* antiphonas , à littera O incipientes , quas die Decembris 16 inchoabant nostri Majores ; nos verò 17 tantum ; prætermittentes octavam , quam illi dicebant antiphonam : [O virgo Virginum , quomodo fiet istud quia nec primam similem visa est , nec habere sequentem. Filie Jerusalem quid me admiramini ? Divinum est mysterium hoc quod cernitis ;] cujus meminit Analarius in l. de Ordine antiph. c. 13.

33. His in dicendis hunc ordinem instituunt Floriacensis monasterij consuetudines ? [Antiphonam O prima die dicit Abbas , secundam Prior , tertiam Hortolanus , quartam Celerarius , quintam Thesaurarius , sextam Præpositus , septimam Annarius , octavam Magister operis , erat & Capicerius.] Addunt , [ea die , qua canitur O , pectantia de bono vino in refectorio ad prandium cum phialis propinanda est , & in vigilia Nativitatis Domini.] In antiquo etiam S. Germani à Pratis Pittantiario omnibus diebus quibus cantatur antiphona O , pittantiâ injungitur , primamque antiphonam : O *Sapientia* Abbas imponere jubetur ; & tamen his octo ante Nativitatem Christi diebus majori sese jejuniis & abstinencia constringebant veteres monachi , ut patet ex Regula Magistri ita decernentis : [Octo illos dies , qui præcedunt Nativitatem Domini in jejuniis Quadragesimæ , vel abstinencia , vel illas

c. 45. „ orationes quæ purè solent in Quadragesima fieri similiter à fratribus
 „ celebrentur; ut ad instar Quadragesimæ tristitiæ ut placabiles servi
 „ supra quotidianum debitum amplius exercentes servitium, Natalem
 „ Domini nostri in stipendiis vel donis lætitiæ mox advenisse læ-
 „ temur.

34. His porro diebus nemini licebat venam aperire: [Ex quo O
 „ incipitur nullus sanguine minuatur, nisi cui in capitulo petita venia
 „ conceditur,] inquit Floriac. consuetud. quibus consentiunt Sandio-
 „ nyfianæ, & Compendienses.

c. 1. „ 35. [Vigilia S. Thomæ Apostoli inquit Lanfrancus in Statutis, si dies
 §. 1. „ Dominicus non fuerit, radantur fratres, & sic balneentur qui vo-
 „ lunt balneari, ut duobus diebus ante Dominicam Nativitatis sint
 „ omnes balneati si necesse sit, in ipso Apostolicæ festivitatis die,
 „ balneari possunt] qua de re plura à nobis dicta sunt in comm. ad

Comm. in Reg. S. Bened. cap. 36. ubi unum observat Hildemarus, ut scilicet singuli singulis
 in tinnis ita se balneent, ut alter ab altero videri nequeat: sed integrum
 balneandi ritum & ordinem ex Lanfranco describere juvat: Ita

c. 36. „ porro ille loco citato: [Ipsa autem balnea hoc ordine dispo-
 „ nantur: Præcedente die debet Abbas, aut qui tenet ordinem, provi-
 „ dere unum senem religiosum atque prudentem, cui præcipiat curam
 „ habere de ipsis; qui commoneat fratres qua hora ire debeant, & vi-
 „ dere quàm ordinatè ibi se contineant: qui senior illuc pergens videat
 „ qualiter sint præparata, & quales famuli ibi sint deputati, scilicet non
 „ infantes, nec juvenes, sed ætate provectiores. Quod si aliquid incon-
 „ gruum viderit, indicet Camerario, & ille statim emendet; reversusque
 „ senior in claustrum commoneat fratres quod opus esse cognoverit. Sed
 „ hoc caveat, ne adolescentes, & novitij simul eant, sed cum senio-
 „ ribus. Illi verò fratres quos commonuerit, postquam rasi fuerint acci-
 „ pientes vestimenta quæ mutare debent, pergant ad locum, in quo
 „ balnea præparantur; ibique exuentes vestimenta sua, sic ordinatè,
 „ ut in dormitorio facere consueverunt; intrent unusquisque ubi ei fue-
 „ rit demonstratum; & deposito velo quod ante eos pender, sedeat cum
 „ silentio. Si quid verò ei necessarium fuerit modeste signo aliquo petat,
 „ famulus verò elevato velo deferat illi celeriter quod petit, & statim re-
 „ vertatur. Postquam satis ablutus fuerit, non delectetur ibi diutius
 „ demorari. Surgens verò calciatus atque vestitus, sicut in dormitorio
 „ consuevit, ablutis manibus, revertatur in claustrum. Adolescentes
 „ qui sunt in custodia, cum custodibus suis eant, & revertantur. A Prima
 „ usque ad Completorium omnibus horis possint ire fratres ad balnea,
 „ sed nullus præsumat ire, absque licentia fratris, cui hoc commis-
 „ sum est.

36. Dies vigiliam Nativitatis Domini antecedens præ cæteris cele-
 „ bris habebatur, de qua M. S. S. Dionysij consuetudines quibus con-
 „ sentiunt Compendienses, ita habent: [In die præcedente vigiliam
 Natalis

Natalis Domini ad Vesperas antiphona de feria, quam Hebdomadariis debet incipere: Cap. *Gaudete*. *Veni ad liberandum*, quod cantetur à duobus pueris. Hymnus: *Conditor*, & *Rorate cali* ab uno puero. Ad *Magnificat* antiphona: *O Virgo Virginum*. Oratio: *Concede quesumus*, magna *fervitatis*. *Benedicamus* à duobus pueris. Sacerdos induatur ad deferendum thuribulum alba cappa; ad Vesperas sonet classicum, & ad Laudes. Post Vesperas nulla fiat commemoratio, nec vigilia mortuorum.

37. Addunt consuetudines Compendienses: [In die pervigiliae Natalis Domini Vesperae & horae de B. Maria non dicantur; non ibi. nt. prostrati ad Vesperas, nec ad horas ceteras.

38. Tandem pergunt consuetud. Dionysinae: [Custodi ut die primo ante vigiliam Natalis Domini dicas sine oblivione hanc antiphonam in Matutinis, Laudibus & ad Primam: *Constantes*, & ad *Benedictus* antiphonam: *Orietur*, & Missa matutinalis sit ipsa die pro defunctis.

CAPVT III.

De vigilia Nativitatis Domini.

1. Circa vigiliam Nativitatis Domini tria potissimum nobis examinanda sunt; Officium, Missa, & Capitulum.

2. Officium quod à nocturnis vigiliis incipit longe feris ceteris solemnitas erat. Invitatorium, quod in Ordinario Calsinensium: *Surgite vigilemus*, in lib. Usuum Beccensium, & cons. S. Dionysij, S. Germani, & S. Cornelij Comp: *Hodie scietis*; in collecta neo S. Petri supra Divam: *Præsolantes*; Denique in lib. Usuum Cist. c. 3. *Levate capita vestra* assignatur, à duobus Fratribus in albis semper cantabatur in monasteriis S. Dionysij, S. Cornelij Compendienses, B. Mariae Beccensis, & de Lyra, & S. Petri supra Divam: quod etiam cum Dominica dies in vigiliis Nativitatis eveniret præscribunt Statuta Lanfranci c. 1. §. 2. Cons. S. Benigni Divionensis c. 53. & antiquius Corbeiensis monasterij Ordinarium: Sin minus quemadmodum privatis per Adventum diebus saltem usque ad Laudes; quod usque ad Vesperas præstabant Cistercienses.

3. Antiphonae ex lib. Ul. Becc. à pueris dicendae, & psalmi de feria occurrente, versus, lectiones, & reliquae ad ipsam vigiliam pertinerent, pro quibus in Ordinario Calsinensi lectio prima notatur de Tractatu S. Hilarij Episcopi: *Cum esset desponsata*; duae posteriores de sermone S. Severiani Episcopi: *Audistis fratres*. In antiquis verò Cluniacensis monasterij consuetudinibus apud Udalr. l. 1. c. 46. homilia

M m

Origenis: *Quæ fuit necessitas*, quam etiam habent M. S. consuetudines S. Germani de Pratis.

4. Primam lectionem Diaconus, tertiam Abbas vel Prior legebat. Primum Responsorium Hebdomadarius, tertium Cantor cantabat ex Dionysianis, Compendiensibusque consuetudinibus. In Lyrensi tamen monasterio primum ~~et~~ cantabat puer; ad tertium verò duo seniores scribebantur.

5. Pro secundo nocturno antiphonam: *Alleluia completi sunt à puero dicendam* signant consuetudines S. Dionysij, Cap. *Sobriè & justè & Crastina die*, orationem: *Conscientias*; quamvis alias notent consuetudines S. Germani, & collectaneum S. Petri supra Divam.

6. Cum die Dominica accidisset vigilia Nativitatis, antiphonæ, psalmi, Lectiones, & 4. primi & secundi nocturni erant de Dominica; Invitatorium, cum integro tertio nocturno, Laudibus, & horis diei de vigilia.

7. Porro siue Dominica, siue quacumque alia die evenisset vigilia Nativitatis Domini, nulli abesse à nocturnis vigiliis licitum erat; immo nec ipsis infirmis: [Omnes monachi, *inquunt cons. S. Germani*, qui sunt infra muros, debent esse ad Matutinas, nisi fuerint graviter infirmati;] hoc est ita, ut de lecto non possint surgere, ut supra fer. 4. quatuor temporum.

8. Nocturnis vigiliis Cassinenses, Matutinas, Laudes immediatè subjungebant, ut ex eorum discimus Ordinario: [Finito nocturno incipiunt Matutinos duobus sonantibus signis. . . . Sacerdos vero indutus pluviali faciat incensum;] Cum tamen aliis in cœnobiis juxta Regulam separarentur; quod hac die potissimum præstabant etiam si, qui ex inertia nocturnis Matutinas Laudes aliis diebus conjungebant, ut de suo monasterio fatetur Petrus Boherius in primo super Regulam S. B. commentario: [Cùm verò tres, vel unam lectionem habemus, *inquit*, fit intervallum, quo solùm cum signo alicujus sonitus, quod Abbas vel Prior facit in choro, unum secretò dicimus: *Pater noster*; & pervenit forsan hæc contraria observantia ex inertia monachorum, qui in ipso intervallo dormitioni non meditationi inserviebant, . . . servamus tamen hujusmodi intervallum, ne ex toto transgressores hujus capitis videamur, in Vigilia Natalis Domini.] Boherio consentiunt M. S. consuetudines S. Germani à Pratis cùm de vigilia Nativitatis Domini ita loquuntur: [Si autem dies Dominica non venerit, post duos nocturnos, incipientur Matutinæ B. Mariæ, & ibit conventus sicut solet processionaliter in capellam; postea ibidem cantabunt: *Exultabunt* pro defunctis, & : *Verba mea*; & ascendent in dormitorium omnes; tunc pulsabitur una campana, & venient in chorum, & erunt prostrati super formas, & ab illo tunc non debemus venire super formas usque dum transierint oct. Epiphaniæ, & terminabitur: *Pater noster*, & Sacerdos incipiet Laudes.] Quid verò in illo intervallo agerent,

discimus ex antiquiori Ordinario Corbeienſi: [Quando autem pri-
vata die acciderit vigilia Nat. ad intervallum, quod eſt inter eſſicium
& Laudes, interim dum conventus eſt ad S. Mariam vertuntur formæ
minores, cooperiuntur formæ majores tapetibus, paratur chorus, &
totum preſbiterium.

9. Laudes ſolemnia ritu cantabantur, ad quas pulſabatur *clafſicum*
ex M. S. conſuetudinibus S. Dionyſij, quod ex Statutis Lanfranci,
lib. Uſ. Beccenſium, Ordinario, & conſuet. Corbeienſis monaſterij,
conſuetudinibus Lyrenſium, interpretor *Omnia ſigna*. Claſſico tamen
præmittebant veteres parvum unius campanæ ſignum, ut pater ex
Statutis Lanfranci conſuetudinibus Cluniacenſium, S. Benigni, & an-
tiquo Corbeienſi ordinario, in quo Laudes in vigilia Nat. ſolis Domini
celebrandi ritus deſcribitur his verbis: [Ante Laudes pulſatur ſignum
quod in alijs privatis diebus pulſari ſolet, congregantur omnes, faciunt
orationes acclines; quibus factis, pulſantur omnia ſigna; ſaccenduntur
quinque cerei ante altare, & tres poſt ipſum altare; diſcoopitur altare
jun paratum; cantantur matutinæ Laudes ſolemniter, nec alijs pſalmi
quàm ſeſtivalis dicuntur, idelt: *Dominus regnavit* & ceteri; Hebdo-
madarius incipit primam antiphonam, & priores reliquas. Capitulum:
Paulus ſervus Chriſti: & Iudæa & Jeruſalem, & Conſtantes, cum Gloria
Patri cantant tres; & ipſi cantant *Benedicamus Domino. & Cræſtina*
erit vobis ſalus, dicit Dominus. Hymnus qui per totum Adventum. Sa-
cerdos ad *Benedictus* cum cappa incenſat altare; Converſus qui por-
tat thuribulum eſt in alba. Antiphona in Evangelio: *Orietur ſicut ſol*
collecta: *Deus qui nos redemptionis noſtræ*.] Hactenus antiquius Cor-
beienſe Ordinarium, cui concinunt Benignianæ conſ. c. 53. in cujus
verbis multa obſervanda ſunt. Primò hic non dicitur à quo Laudes
ſint celebrandæ, quod ſupplendum eſt ex conſuetudinibus Compen-
dienſibus, in quibus ſcribitur *Abbas cantabit Laudes*, quamquam ex
conſ. S. Germani *debet Hebdomadarius incipere Laudes*. Secundo quod
prima antiphona dicitur ab Hebdomadario eſſe imponenda, Idem in
Statutis Lanfranci, lib. Uſum Beccenſium, conſuetudinibus S. Ger-
mani, S. Dionyſij, S. Cornelij Comp. & B. Mariæ de Lyra, præſcribitur.
Tertio quod ſubjungit reliquas antiphonas ab antiquioribus eſſe de-
cantandas, habent etiam Dionyſianæ, Compendienſesque conſuetu-
dines. Sed ex lib. Uſum Beccenſium ab iis, quibus in choro *Cantor di-*
xerit: Lyrenſes verò conſuetudines ſub diſtinctione ita loquuntur:
[Ad Laudes primam antiphonam ipſoabit Hebdomadarius, alias
juniores; ita quod junior habeat in choro ſuo ultimam, & debent
ſcribi in tabula; & ſi ſit Dominica ſeniores incipiant, ſicut agitur
in Adventu & in lxx Dominicis diebus.] Quarto, Etſi capitulum hic
& ab alijs adſignetur: *Paulus ſervus Chriſti*; eveniente tamen Domi-
nica habetur in Dionyſianis Compendienſibusque conſ. Cap. *Benedictio*
& claritas. Quinto, Reſponſorium apud alios omnino diverſum: Diony-

liani & Compendienses : *Crastina die* ; Sangermanenses : *ô Iuda* ; Beccenses & Lyrenses : *De illa occulta* ; Cluniacenses : *Iudæa & Ierusalem* cantabant, quod apud Sangermanenses à *tribus fratribus*, apud Cluniac. & Dionysianos à *duobus*, apud Compendienses à *duobus pueris*, apud Lyr. & Beccenses ab *Hebdomadario* cantabatur. Sexto, Quod Sacerdos ad *Benedictus* cum cappi altaria incensare dicitur, concordat cum Ordinario Cassinensi, & Dionysianis consuetudinibus præscribentibus ut *Hebdomadarius induatur ad thuribulum deferendum, habeat albam cappam*; ex libro tamen Usuum Beccensium, collectaneo S. Petri supra Divam, consuetudinibus Lyrensi, alba & *manipulo* tantum induebatur : ex Statutis Lanfranci sola *alba*. Septimo, Orationi seu collectæ Laudum addebantur suffragia Sanctorum ex eodem Ordinario, quod etiam præscribunt Statuta Lanfranci, lib. Usuum Beccensium, collectaneum S. Petri supra Divam, consuet. S. Germani, & Beatæ Mariæ de Lyra : sed Dionysiani, Compendiensesque nullam faciebant commemorationem. Porro finitis suffragiis, aliisque precibus revertebantur ad strata; sed apud Cluniacenses, Divionenses, Corbeienseseque Sanctorum suffragia statim sequebatur Prima, psalmique familiares, quibus finitis omnis conventus cubilia repetebat, atque *interim*, ut prosequitur Corbeienſe Ordinarium, *Phylacteria suspenduntur, & quod restat de ornatu ecclesiæ adimpletur*. Alibi tamen clarescente dumtaxat aurora, Prima cantabatur, ad quam aliasque diurnas Horas antiphonæ propriæ adsignatæ erant, quas ex lib. Usuum Beccensium, consuetudinibusque Lyrensi imponebant pueri, sicut & hymnum ad Primam ex consuetudinibus S. Dionysij, & S. Cornelij Compendiensis.

10. In gratiam porro solemnitate de solita psalmodia nonnihil remittebant aliqui : nam v. g. quindecim dumtaxat psalmos vigiliis nocturnis præmittebant Beccenses atque Lyrenses, idque si supra septimanam vigilia evenisset ; neque post Laudes officium defunctorum decantabant. An præter Sanctorum commemorationes aliquid prætermitterent Dionysiani, Compendiensesque monachi certò affirmare aut negare non possumus ; constat verò eos post Primam septem psalmos & letaniam prætermisſisse, sicut & Corbeiensēs : Hi in vigilia Nativitatis Domini officium defunctorum sub una antiphona decantabant, hoc est quinque Vesperarum psalmos sub antiphona : *Placebo*, novem nocturnorum sub antiphona : *Diſce*, tribus primis lectionibus & tribus 12 Laudes sub antiphona : *Exultabunt*, & quinque collectis ita M. S. consuetudines ejusdem monasterij. Sed hujusmodi remissiones recentiorum videntur esse temporum, nam antiquiores nihil, aut ferè nihil de solita psalmodia relaxabant, ut patet in Cluniacensibus de quibus Udalricus : [In vigilia Natalis, inquit, Domini nocturni fiunt sicut in quolibet privato die, triginta psalmis præcedentibus, nec quid remanet de cætera psalmodia, quæ vel in choro vel in Ecclesia S. Mariæ cantari solet ante matutinas Lau-

lib. 1.
c. 46.

des.... Prima non separatur ab ipsis matutinis Laudibus, nec à Prima solito more septem psalmi cum letania, psalmus quoque *Miserere* pro defunctis Abbatibus, licet duo alij remaneant, præcedens & sequens, sicut etiam postea ad omnes horas;] & in Statutis Lanfranci in quibus præscribitur ut [triginta psalmi dicantur.... cætera sicut retro actis diebus, scilicet officium mortuorum, matutinæ de omnibus sanctis, & post primam *psalmi & letania*.

11. Vesperæ solemniter catabantur, quem ita describunt Dionysianæ Compendiensesque consuetudines : [Ad Vesperas sint omnes in albis, tres cantores in choro assistant cappis festivis induti, & Dominus Abbas festiva cappa induatur. Cantor debet incipere primam antiphonam: *Iuda & Ierusalem*, reliquas incipiant priores. Antiphona *Hodie scietis*. Antiphona: *Compleri sunt*. antiphona: *Cum esset*. Psalmi sint de feriis. Capitulum: *Paulus servus*. R. *O Iuda & Ierusalem*; & cantetur à quatuor in cappis, & post *Gloria* reincipiatur. Hymnus: *Veni Redemptor*. V. *Hodie scietis*. Ad *Magnificat* antiphona: *Dum ortus*, & dicatur ter Oratio: *Deus qui nos redemptionis*.] Ubi observandum 1. Abbatem ad Vesperas celebrantis officium gessisse, eumque festiva cappa, sive ut habet collectaneum S. Petri supra Divam *serica* indutum. 2. Omnes monachos albis indutos fuisse. 3. Primam antiphonam, quam Cantor hic imponere jubetur, ex libro Usuum Beccensium inceptam fuisse ab H. b. lomadari, reliquas ab his quibus Cantor injunxisset: Apud Lyrenses verd primam Hebdomadarius, reliquas seniores incipiebant. 4. Alias antiphonas assignant & collectaneum S. Petri supra Divam, & consuetudines S. Germani à Pratis, scilicet: *antequam convenirent: Ioseph fili David: Completi sunt: Ecce completa* Alias antiquum Corbeienſe Ordinarium nempe: *Levate capita: Scitote quia: Completi sunt: Ecce completa sunt*. 5. Quia psalmi dicebantur de feria, cum vigilia Natalis Domini quinta & sexta feriis evenisset, tres tantum dicebantur antiphonæ, tot scilicet quot psalmi cantabantur; nam iis diebus unus in binas glorias psalmus dividitur; quamquam in collectaneo S. Petri supra Divam Psalmi de Dominica assignantur. Sexto Capitulum in antiquo Corbeienſi Ordinario, collectaneo S. Petri supra Divam, consuetud. S. Germani notatur: *Propter hoc sciet populus*; in Lyrenſium consuetudinibus: *Populus qui ambulabat in tenebris*. 7. R. Quod in Ordinario Corbeienſi erat. *Verbum caro factum est*; in cons. S. Germani: *Propter nimiam*; ex collectaneo S. Petri supra Divam à duobus tantum in cappis cantabatur; ex consuetudinibus verd S. Germani à quatuor etiam in cappis, quorum *Indumenta* erant *rubea*. 8. Aliam ad *Magnificat* antiphonam habent collectan. S. Petri supra Divam, & consuet. S. Germani, nempe: *Ecce iam venit*; Ordinarium Corbeienſe: *Cum esset desponsata*. 9. liber Usuum Beccensium, consuetudinesque Lyrenſiam, addunt comm. de S. Anastasia cum antiphona: *Accinxit*, & *Gloria*; & de S. Maria cum antiphona: *Nesciens*

mater siue Gloria, & Post partum, & Vesp. Omnium Sanctorum; collatione S. Petri supra Divam comin. B. Mariæ per antiphonam: Sancta & immaculata, & Post partum Virgo: Dominus vobiscum, & orationem De S. Anastasia cum antiphona: Accinxit, & Adjuvabit; de reliquis cum antiphona: Corpora Sanctorum; de omnibus sanctis cum antiphona: Laudem dicite.

12. Ad Hymnum Completorii ceterarumque horarum usque ad octavam Epiphaniæ addebantur hæc duæ piissimæ strophæ: *Memento salutis author, & Gloria tibi Domine, qui natus est de Virgine*, addunt Tullenses S. Apri: [Ad Completorium dicto versiculo: *Custodi nos Domine* incipiat à Cantore, etiam si Abbas fuerit præsens, hæc antiphona: *Ecce completa sunt*, & cantetur canticum: *Nunc dimittis*, quo dicto cum Gloria Patri, & finita prædicta antiphona sine nota illa quæ dici solet in fine aliarum antiphonarum, dicatur *Kyrie eleison* &c.] Hactenus de officio vigiliæ Nativitatis Domini fusiùs fortasse quàm par sit, nunc de Missa breviter.

13. Missa in vigilia Nativitatis Domini duplex; matutinalis & major. Matutinalis in monasterio Corbeiensi, & S. Germani de Pratis de Defunctis; in Beccensi, Lyrensi, ac Compendiensi de Beata-Maria, idque ut loquuntur Compendienses consuetudines sicut in xij Lectionibus; in Dionysiano propria: si oculi dicebatur. Si Dominica verò evenisset ubique de Dominica, major verò de Vigilia.

statut. 14. Majoris Missæ ritus breviter describit Lantfrancus in statutis, his
c. 1. ,, verbis: [Post Sextam facto intervallo, pulsetur signum, convenient
§. 2. ,, fratres in ecclesiam, orationem communiter faciant, letania minimè dicatur: Induantur Missam celebraturi, Sacerdos honorificè, Levita
,, dalmatica, duo Subdiaconi tunicis; unus ad Prophetiam, & alter
,, ad Epistolam; duo in albis ad Cantor Hebdomadarius cappa; ad chorum tres Conversi; unus ad thuribulum, duo ad candelabra; pulsetur classicum; ad Canonem supra formas prosternantur;] & Dionys. consuet. [Ad
,, Missam ejusdem diei sonet classicum, & sint omnes in albis; Ministri altaris festivi induantur infulis, duo procedentes sint cum Diacono. Qui
,, tenet chorum habeat albam cappam, & incipiat festivè officium: Hodie scietis: Kyrie festivè . . . & Hodie scietis à duobus: & si Dominica fuerit dicatur: alleluia, Crastina die delebitur à tribus.] His
,, concinunt consuetudines Comp. [Ad Missam sonet classicum, & sint omnes in albis, Abbas Missam cantabit, unus ex Cantoribus festiva
,, cappa induatur; ministri altaris festivi infulis induantur. Officium: Hodie scietis ter dicatur. & à duobus cantetur.] Consuetudines Lyre &
,, liber Usuum Beccensium de Missa hæc pauca dicunt: [Ad majorem Missam . . . tunicis induentur ad Epistolam, & prophetiam, & Diaconus Dalmatica; & Udalricus: major Missa solemniter celebratur,
,, Subdiaconis indutis tunica, Diacono dalmatica, qui tenet chorum cappam, vel qui gradualem cantant.]

15. His de officio Millaque breviter relatis, restat ut de capitulo aliquid paucis subjungamus; Quædam enim hac die singulariter observabantur, quæ nec relatu existimamus indigna. 1. Solitò diutius à Priore capitulum pulsabatur, ut scilicet omnes qui erant in monasterio [cunctis occupationibus prætermisiss, ut loquitur *Larfrancus*, & quidem tam sani quàm infirmi, qui ire possunt,] ut habent Dionys. conf. venire possent ad pronunciationem Adventus Domini nostri Jesu Christi. 2. Omnibus in capitulo congregatis, & sedentibus, lector solito more Martyrologij Lectionem auspicabatur. Cunque ad eum locum qui Nativitatem Domini annunciat, pervenisset; tam ipse, quam omnes alij mox in terram procumbebant, [gratias agentes, propter ejus ineffabilem pietatem, qua mundum à laqueis diaboli redempturus descendit,] inquit S. Dunstanus, ac tandin in oratione prostrati manebant, quoad Abbas seu quivis alius capituli Præses surgeret; atqui hic ritus in omnibus monachorum monasteriis & congregationibus quantum saltem mihi innotuisse potuit observabatur; licet nonnullis in locis prostrationis orationisque spatium esset omnino determinatum; Nam in antiquis Lyrensiū consuetudinibus scriptum reperio: [In capitulo cum audierint pronunciare Nativitatem Domini, prosternant se omnes, etiam lector; & dicat unusquisque sub silentio *Psalm. Miserere mei*; quando ille qui præsidet surrexerit, omnes surgant;] & in Corbeiensibus: [Pulsabunt capitulum prolixè, ut omnes possint venire in capitulo ad veniam: Incepto versu: *Jesu Christe à lectore*, omnes surgant; & prædicto versu finito, omnes prosternent se ad terram, & dicent orationes; Quidam dicunt: *Memento salutis auctoris*, & *Maria mater*, & *Gloria tibi Domine*, alij alias orationes. Surgente Abbate, vel illo qui capitulum tenebit, omnes alij surgent:] & consuet. Floriacenses: [In vigilia Nativitatis Domini quando in capitulo Nativitas Domini à puero pronunciat, omnes in faciem cadant; & tunc in silentio dicant ter: *Gloria tibi Domine qui natus es de Virgine*, & post lectionem fit sermo.] Postea lector ab eo loco unde desierat lectionem prosequatur. 3. Finita lectione silentium solvebant secundum consuetudinem, ut habet Cassinense Ordinarium, hoc est per *Ps. pretiosa*, solitasque preces persolvebant; quamquam ex antiquo Corbeiensi Ordinario ad ipsum versum capituli non dicitur: *Deus in adiutorium meum*. 4. Regula S. Benedicti hac die non legebatur, sed ejus loco Evangelium: *Cum esset desponsata*. 5. [Postea debet esse sermo, postea debet commendari elemosina,] inquit S. Germani consuetudines. 6. [Hac die non pronuntiatur brevis tabula in capitulo,] addunt Divionenses S. Benigni conf. [quoniam pronuntiatus est pridie ante vigiliam, quod ob providentiam majoris servitij; ipsius solemnitate quàm aliarum fit, ut duobus diebus ante festivitatem scientes fratres cui officio quisque deputatus sit, prospiciant sibi ne negligentia eveniat de alicujus officio.] 7. Prætereundum non est quod ait Udalricus: [Transacto

- l. 1. „ capitulo, non cāremus licentia loquendi, & iterum post Sextam, quia
c. 46 „ per totam futuram septimanam debemus generaliter esse tacentes, nisi
„ quantum loquimur in capitulo, & ad confelsionem.

CAPVT IV.

De Nativitate Domini.

- S**acratissimam Nativitatis Domini noctem ferè insomnem pertransibant veteres monachi, quod ex dictis superiori libro de Nocturnis Dominicæ diei vigiliis: facile colligi potest, patetque ex Regula S. Casarii ita statuente: [Natale Domini, & Epiphania ab hora tertia noctis usque ad lucem vigilandum est.] Hoc etiam antiquis Ordinis nostri monachis solemne fuit, ut ad auroram usque Nocturnas laudes protraherent, quod mihi maximè suadent omnes fide quotquot viderim manuscriptæ consuetudines, decernentes ut finitis matutinis Laudibus *si nondum appareat lux*, lecta repetant; alioquin secundam Missam, vel Primam incipiant; quæ certè conditio apponenda non fuisset, si profunda adhuc nocte nocturnas Laudes soliti fuissent terminare; sed non ita fortè citò suas incipiebant vigilias, nam in antiquis Germaniæ consuetudinibus solum præcipitur ut *media nocte surgant, & sonent omnia signa*, sive ut alij loquuntur, sonet classicum. Hoc classico fratres ad vigilias excitabantur, quemadmodum ex lib. Us. Bec. & ex consuet. Lyrensiū discere licet: [In nocte, inquit, Nativitatis Domini, cū tempus fuerit, sonent omnia signa ad excitandum conventum.] Quis verò esset signorum ad vigilias nocturnas pulsandorum modus, docent veteres Germaniæ consuetudines his verbis: [Noctē Natalis Domini, & S. Pâschæ cū surgendum fuerit ad nocturnos, percutiantur primò omnia signa; deinde singillatim, ad ultimum omnia.] Sed antequam fratres excitemus, insignem Floriacensium nostrorum ritum præmittendum censemus. Hunc ita nobis exhibent illius monasterij consuet., [In eadem vigilia post Completorium ponit Capicerius cereos ante unumquodque altare, qui accensi possint sufficere tota nocte donec disceat. Et ante matutinum Sacrista maturius surgens cæteris, accensis cereis super altare P. Benedicti reuestitus cuncta altaria thurificet, quæ sunt in monasterio.] Observandum etiam illud quod de Cluniacensibus scribit Udalricus: [In ipsa nocte Nativitatis Domini priusquam confurgatur ad Nocturnos, quatuor cerei per quatuor angulos claustrī accenduntur, jugiter usque ad diem arsurī, quintus in olla marmoreā pellucida ponitur in medium lavatorij] Idem habetur in Benignianis consuetudinibus, in antiquo

antiquo Corbeienſi Ordinario, & in Dionyſianis conſuetudinibus: [In quatuor angulis clauſtri ponantur quatuor lucernæ cum cereis ardentibus per totam noctem.] Addit præterea Udalricus: [Quamvis autem Miſſarum ſolemnia ter ſint celebranda, tamen cantica quindecim graduum non prætermittimus ante nocturnos,] Quod item legitur in Ordinario Corbeienſi & in conſuetudinibus S. Benigni c. 54. ſed in Dionyſianis, Compendienſibus conſuet. abſolutè habetur: [Ad matutinas non dicatur: *Ad Dominum cum tribularetur.*

2. Nocturnas vigilias ſolemniffimo omnium ritu perſolvebant, quem deſcribunt ſingulæ monaſteriorum conſuetudines; Has de verbo ad verbum hic repræſentare nec vacat, nec expedit; Dionyſianas in quibus major nobis viſa eſt ſolemnitas exhibemus, quid in aliis notatu dignum exiſtimamus poſtea relaturi: Sic ergo loquuntur: [Invitatorium *Chriſtus nature eſt*, quod cantetur à quatuor in cappis inter duo altaria & remanebunt quatuor Cantores in choro, & dicant ſingulas antiphonas prioribus ad incipiendum. . . . Tres lectiones de Iſaia; ad unamque dicitur: *Hæc dicit Dominus*; quarta lectio ſermo qui dicitur: *Audite filij*; ad iſtam dicatur: *Tu autem.* Primum *Re. Hodie nobis*, & cantabitur à quatuor, qui chorum tenent; in quo *Re. dum* dicitur: *Nacſi dignatus eſt*, petant omnes veniam ſuper genua; *ſc. Gloria in excelsis*, & *Gloria Patri*; & poſt reincipiatur Secundum *Re. Hodie nobis.* Tertium *Re. Quem vidisti.* In omnibus Nocturnis deferantur duo thuribula à duobus Sacerdotibus, qui cappis induantur, & thurificent altaria, & conventum ex integro. Quartum *Re. O magnum mysterium*, quod cantetur à quatuor in cappis, qui non remanebunt in choro. In ſecundo nocturno. . . . Lectio de Evangelio: *Exiit edificum*, & dicatur à Diacono qui fuit ſcriptus ad Evangelium in tertia hebdomada præterita. *Re. Beata Dei genitrix.* Sexta Lectio de Evangelio: *Pafiores loquebantur*, quam legat Diaconus de ſecunda hebdomada præterita, *Re. Beata viscera* à duobus. Septima, & octava lectio de ſermonebus Nativitatis. Septimum *Re. Beata & venerabilis* à tribus in frociſ. Octavum *Re. Sancta & immaculata*, quod cantet Dominus Abbas cum quatuor aliis in cappis, qui non remanebunt in choro. . . . Nonam lectionem legat Diaconus præſentis hebdomadæ: *Li. Principio*, *Re. O Regem cæli* à duobus: *Li. principio* à duobus. Tres extreme lectiones de eodem Evangelio: *Re. Verbum caro*, à tribus in frociſ. *Re. Descende de cælis* à ſeptem in cappis qui remanebunt in choro uſque poſt Evangelium. Poſt *Te Deum laudamus* legat Dominus Abbas Evangelium: *Liber generationis*, & ſit indutus candida infula ob honorem Virginis Mariæ. Oratio: *Deus qui hæc ſacratiffimam noctem*: poſt exutus infula induat albam cappam & fiat proceſſio in cappitio, & cantetur *Re. Sancta & immaculata*; & dicatur Oratio: *Deus qui ſalutis æternæ.* Poſtquam thurificaverit ejuſdem oratorij altare, & poſt cantantur ibi matutina omnium Sanctorum & dicetur: *Verba mea*, niſi ſit tricenarius

N. n.

pro aliquo defuncto, alioquin dimittatur; post eat conventus in dormitorio ad necessaria, & cum redierit, eant ad ignem, qui in calefactorio debet preparari, & abluant ibi manus; milites debent dare aquam omni conventui, post eant ad Missam de media nocte.] Hactenus Dionysianæ consuetudines quibus ut sæpe alias conveniunt in multis Compendienses sancti Cornelij: quid vero alia? Certè quod invitatorium hîc à quatuor in cappis dicitur esse cantandum in omnibus pene Ordinis nostri monasteriis observabatur. Hi ex cons. Sancti Germani debebant esse Presbyteri; sed solemnîus aliquid peragebant Cassinenses nostri apud quos *sex Clerici pluvialibus induti* cantabant Invitatorium; & Tullenses S. Apri ex quorum Ordinario septem in albis & cappis invitatorium concinebant. Lectiones 1 nocturni apud Cassinenses omnes de Isaia Propheta; apud Cluniacenses, Corbeïenses, & Compendienses ut hîc tres primæ de Isaia Propheta; quarta verò de libro Sapientiæ: *Ego sapientia*; quæ tamen apud Compendienses eadem erat, quæ apud Dionysianos. Quod de genibus hîc ad primum Responsorium flectendis scribitur, habetur etiam in consuetudinibus S. Germani, S. Cornelij, Corbeïensis monasterij ejusque Ordinario. Primum etiam & duo duntaxat cantabant apud Corbeïenses; apud Sangermanenses verò solus hebdomadarius; apud Compendienses quatuor uti apud Dionysianos. Sed apud Tullenses ab omni simul conventu: [Mox autem ut primum & scilicet: *Hodie nobis* fuerit inceptum, inquit, in Ordinario, surgant omnes fratres de sedilibus suis, & Cantor aliquantulum altius ipsum & incipiat, & chorus ipsum prosequatur; & canteretur ab omni conventu stante, finitaque repetitione post & cum ad secundam Lectionem benedictio data fuerit, resideant omnes fratres ut prius in sedilibus suis.] Quod de thurificandis ad Tertiam lectionem altaribus hîc notatur, præscribunt etiam Statuta Lanfranci, consuetudines Cluniacenses apud Udalricum l. i. c. ii. Compendienses, & S. Germani Pratenfis, idque communiter in omnibus Ordinis nostri monasteriis observabatur. Quod quartum primi nocturni & spectat, ita de eo Concordia Dunstani: [In quarto & ut honorificentius agatur, duo simul cantant illud]; quod in multis haud dubium monasteriis observari solebat.

3. Lectiones quæ secundo nocturno hîc adscribuntur, eadem eodemque ritu in Compendiensi S. Cornelij monasterio legebantur; sed in Cassinensi pro quinta lectione sermo S. Ambrosij Episcopi: *De ortu Salvatoris*; pro sexta sermo S. Aug. *Natus est nobis hodie*; pro septima alius ejusdem sermo: *Commendat nobis*; pro octava alius item ejusdem S. Doctoris: *Vos inquam convenio* legebantur. De Corbeïensi verò antiquum ejus Ordin. ita habet: lectio [quinta & sexta de sermone B. Aug. *Hodie veritas*, septima & octava de sermone S. Fulgentij: *cupientes aliquid*] Octavum etiam & uti & duodecimum quinque cantabant apud Compendienses.

4. Ad tertium nocturnum easdem Lectiones habebant nostri Compendienses, quas & Dionysiani; sed Cassinenses legebant tractatum S. Hilarij Episcopi: *A transmigratione*, homil. B. Greg. Papæ: *Quia largiente Domino*, homil. Venerabilis Bedæ: *Nato in Bethlem*, tractatum S. Augustini Episcopi: *Inuentus*. Cluniacenses uti & Corbeiensis ad Nonam duasque sequentes lectiones assunebant homiliam V. Bed. in Evangelium: *In principio*, duodecimam ex homilia S. Gregorij Papæ in Evangelium: *Exiit editum*, ex Statutis verd Lanfranci pronuntiabantur Evangelia hæc: *Liber Generationis*: *Exiit editum*: *Pastores*: *In principio*. Circa ultimum hæc præscribit Tullense S. Apri Ordinarium [xij]. scilicet: *Verbum caro* debet reiterari hoc modo: finita repetitione post *Gloria Patri*, cantatur à Cantoribus in medio choro hæc prosa: *Quem aspera*, & post finem cuiuslibet versiculi prosæ respondet chorus neuma super illum versiculum, quibus finitis, incipiat à Cantoribus idem. *Verbum caro* & chorus prosequitur.

5. Quod, finito: *Te Deum laudamus*, cantatur Evangelium, solenni ritu legebant Cassinenses nostri: Ita quippe antiquum eorum Ordinarium: [Finito duodecimo incipiat Abbas hymnum: *Te Deum laudamus*, Deinde pergat in secretarium, & induat se planeta, & veniat ad altare, quem præcedant duo Diaconi, & duo Subdiaconi pluvialibus induti cum thuribus, & duo Acolythi induti in albis, portantes candelabra cum luminatibus, & dū pervenerit ad altare, osculetur illud, tollatque Evangelium desuper altare, & legat super analogium verso vultu ad altare: *Liber generationis*; & cū legitur, Diaconi stent juxta Sacerdotem; Deinde Subdiaconi cum thuribus, & incenso. Quo finito, & dicto: *Amen*, incipiat: *Te decet laus* & dicat orationem, deinde revertatur in secretarium, & præparet se cum ministris ad celebrandam Missam.] Missam ergo nocturnis vigiliis immediate subungebant Cassinenses, uti & Compendienses, quorum antiquæ consuetudines hæc scribunt: [Dom legitur Evangelium, ministri præparare debent altare; duo cerei ponantur in choro. Hebdomadarius qui in tertia præterita hebdomada fuit ad officium induatur festiva cappa, & incipiat Missam: *Dominus dixit*;] sed & Dunstani Concordia: [Evangelium inquit, post *Te Deum laudamus* ab Abbate more solito legatur, dicta oratione sub silentio, egrediantur ministri, ut calcient se, lavent, & induant sub festinatione, omnibusque signis motis agatur Missa.] Alij verd finita oratione: *Deus qui hanc sacratissimam nossem*, processionem agebant ad B.M. rix Cappellam, vel ad Crucifixum, vel ad altare quodlibet; pro qua processione Abbas exiit planeta sive casula, cappam induebat; Cantor autem imponebat apud Cluniacenses quidem & Corbeiensis. *Confirmatum est*; apud Becenses, Lyrenses, & eos qui Statuta Lanfranci tenebant antiphonam: *O Beata Infantia*; in monasterio S. Germani à Pratis, Tullensi, S. Apri, & S. Petri supra Divam: *O mundi Domina*; qua finita, subjunctis & oratione, cantabant

Laudes de omnibus Sanctis, & si tricenarium esset: *Verba mea*; sed pro laudibus de omnibus SS. quas solis Laudibus Nativitatis subjungit Concordia Dunstani, Collectaneum S. Petri supra Divam habet solum Commemorationem de reliquiis.

6. His completis omnibus, vel in dormitorium ascendebant, naturæ necessariis provisorum, vel urgente frigore accedebant ad ignem, quem ex Udalrico l. i. c. 46. Ordinario Corbeienſi, & consuetudin. Floriac. & Benign. circa nonam nocturnorum lectionem accendere debebant monasterij famuli, vel Cellerarius ipse; sed in libro Usuum Cist. hoc munus committitur duobus Conversis, qui jubente Cellerario, [ignem in calefactorio monachis ad intervallum calefaciendis.]
c. 4. » preparabant; [Finita namque post Evangelium collecta, inquit, » exhibit conventus de Ecclesia, & lampadibus in clauſtro & in lavatorio accensis ab illo fratre qui in capitulo per intervalla post nocturnos nos lumen solet deferre, sedebunt fratres in clauſtro, & qui voluerit » calefaciat se.

7. Postmodum lotis aqua calida manibus, pexo capite, calciatis pedibus, signis omnibus sonantibus, ad chorum revertebantur Missam Primam cantaturi; quam tamen omnium SS. Laudibus immediatè subjungebant nostri Tullenses.

8. In insignioribus Ordinis nostri monasteriis omnes hanc ad Missam albis induebantur, ut in Einsidlenſi, aliisque Germaniæ cenobiis, in Dionysiano prope Parisios, & in monasterio S. Petri supra Divam dicto. In nonnullis tamen solus Sacerdos cum ministris, hoc est Diacono uno, Subdiaconis duobus; uno ad Prophetiam; altero ad Epistolam, tribus Conversis sive Acolythis, tribus Cantoribus ad chorum regendum, duobus ad ps. seu Graduale, ad alleluia item duobus reveſtiebantur; atque ita præſcribunt Lantfranci statuta, consuetudines Cluniacens. apud Udalricum, & S. Germani à Pratis, quibus in ordinario Corbeienſi & cons. S. Benigni c. 54. additur: *Infant s etiam albis reveſtiuntur.* Cantores duos ante se cereos super candelabra positos, vel à latere habebant, ps. autem vel alleluia cantaturi super gradus Presbyterij stabant, responsorioque, & alleluia cantato, tribus se Cantoribus adjungebant, una cum ipsis chorum reſturi. Sed in Beccensi, atque Lyrenſi monasteriis unus Subcentor cappa indutus chorum regebat, in Dionysiano Hebdomadarius cantus.

9. Sacerdotis & ministrorum indumenta in Dionysiano quidem monasterio erant albi coloris, sed in Corbeienſi & Parisienſi S. Germani rubei.

10. Hanc Missam communiter non celebrabat Abbas, sed alius ex dignioribus, in libro Usuum Becc. & consuet. Lyrenſium Priori, aut ejus vice Subpriori hoc munus committitur. In antiq. Cartusienſium statutis primo in ordine, seu ut Ordinarium Vicario.

11. Imposito à Cantore seu Cantoribus introitu, quem tertio dicebant Beccenses atque Lyrenses, Sacerdos una cum ministris ad altare accedebat, ubi certe illud notandum est quod habent Consuetudines S. Dionysii in Francia: [Eant ad Missam de media nocte, & sint omnes in albis. Sacerdos induatur alba infula, Diaconus alba dalmatica, Subdiaconus alba tunica. Cum Diacono procedant duo Diaconi & cum Subdiacono duo Subdiaconi cum textibus. Hebdomadarius habeat albam cappam & incipiat officium: *Domine dixit.*

12. Hymnam Angelicam sine Cantoris annunciatione Sacerdos inchoabat, ut discimus ex lib. Ul. Bec. & conf. Lyr. quo imposito omnia pulsabantur signa usque in finem; choroque responde te *Et in terra pax hominibus; omnes flectant genua* inquit conf. Lyr. quibus con-
tinuat Sangermanenses.

13. In hac porro Missa una offertur hostia, inquit Udalricus, & pax ab uno recipitur. Quisnam verd ille sit discimus ex Ordinario Corbeien-
si in quo hæc lego: [Hæc Missa non prævenitur generali oratione, nec ad majus altare canitur; neuma pro sequentia canitur; una tantum ad illam hostia offertur ab Abbate; vel à Priore, & ab eodem solo pax à Diacono suscipitur.] Idem habent Divionenses S. Benigni conf. c. 54. in quibus tamen assignatur sequentia: *nato canant.*

14. De cetero Missam solito more prosequabantur: unum hinc addo ex consuetudinibus Lyrensiarum: [Omnes qui ad hanc Missam revestiti fuerint, possunt exire post communionem, & deponere vestimenta sua, exceptis Diacono & illo qui cappam facit;] sed liber Usuum Beccensium hæc tantum habet: [Post *Sanctus* exuant se qui ad *ps.* & *alleluia* induti fuerunt.] Præterea ex Ordinario Tullensi Diaconus & Subdiaconus communicabant: Ex antiquis etiam Cartusiensium statutis, Diaconus.

15. Finita Missa pulsabantur omnia signa pro Laudibus, quas ipse Sacerdos ad altare incipiebat dicens: *Deus in adiutorium meum.* [Deinde, inquit Ordinarium Cassinensium, revertatur in secretarium, & exutus planeta induat se pluviale, & veniens ante altare cum Diaconis, & Subdiaconis indutis pluvialibus, facta reverentia, stent in capite chori, ita ut unus Diaconus cum uno Subdiacono stent juxta Sacerdotem ex uno choro; alter verd Diaconus cum Subdiacono alio in capite alterius chori;] Sed hic ritus peculiaris fuisse videtur Cassinensibus, alibi enim solus Sacerdos cappa indutus revertebatur in chorum; immo consuetudines Lyrensiarum hæc tantum continent: [Dicto: *Ite Missa est*, sonat classicum dum chorus respondet: *Deo gratias.* Interim Sacerdos dicat orationem: *Placeat*, & remanente classico finitaque oratione dicat ipse Sacerdos qui Missam cantavit: *Deus in adiutorium*, & agantur matutinæ Laudes, & sic exeat Sacerdos, & deponat casulam, & stolam; & cum alba & m. n. pulo intret in chorum ad gloriam de: *Deus misereatur nostræ.*] Hunc psalmum hic loca

omissum post psalmum: *Deus Deus meus*, dicebant nostri Tullenses. Finitis Laudibus consueta suffragia cum duobus psalmis familiaribus addebant, ut patet ex Udaltico l. 1. c. 46. Ordinario Corbeienfi, lib. Usuum Becc. consuet. Lyr. & S. Benigni c. 54. quamquam in collectaneo S. Petri supra Divam hæc duntaxat assignentur commemorationes: de S. Maria, de S. Anastasia, & de omnibus SS; & Statuta Lanfranci unam de Sancta Anastasia cum psalmis familiaribus habeant commemorationem; immo Dionysiana, Compendiensesque consuetudines nullam S. Anastasia mentionem faciunt, quin & à psalmis familiaribus dicendis abstinendum esse præcipiunt.

16. Matutinis Laudibus Dunstanus Laudes de omnibus SS. subjungit, quas alij post nocturnos & processionem cantabant. Postea si numdum appareret lux, strata repetebant.

17. Luce apparente fratres majori ecclesiæ signo excitabantur, qui statim è cubilibus prosilientes, in ecclesiam lotis prius manibus convolabant, ubi præmissis consuetis orationibus, Missam secundam cantabant; & quidem in omnibus communiter monasteriis eodem planè ritu, quo & prima, licet in nonnullis non ita solemnè. Nam v. g. in Dionysiano monasterio omnes hanc ad Missam sicut ad priorem albis non induebantur.

18. Hæc Missa quia matutinalis vicem tenebat, ab iis ministris cantabatur, qui ad majorem præcedenti hebdomada notati fuerant. Unde etiam nec in altari majore, sed in minori, sive ut habet liber Us. Bec: *Matutinali* celebrabatur; qua in re uni fortè ab aliis discrepabant Corbeientes nostri, qui primam Missam in alio, secundam in majore altari cantabant; qui etiam rubeum colorem, quo ad priorem Missam usi, fuerant, ad hanc mutabant in album. De introitu hujus Missæ hæc habent Lyrensiū consuetudines: [Officium: *Lux fulgebit*, quod dicatur per totum, & deinde reiteratur usque: *Et vocabitur*, ubi dicatur: *Gloria* & sic dicatur totum.

19. Collectas habebat duas; unam de festo, alteram de S. Anastasia; quibus tertiam de B. Maria addebant Tullenses, Beccenses, atque Lyrenses, in quorum etiam usibus, consuetudinibus, & Ord. mentio fit prophetiæ ante Epistolam dicendæ, uti ad primam Missam; & quidem sine intervallo medio Evangelium super analogium ante majus altare dicebatur, ex libro Usuum Beccensium, & consuet. Lyrensiū. ad offertorium tres offerebantur hostiæ ut discimus ex Udaltico, cons. S. Benigni c. 54. & Ordinario Corbeienfi, ut nimirum communicandis efficere possent. Præfatio eadem quæ ad primam Missam scilicet: *Quia per incarnati verbi mysterium*; quamquam alia hanc ad Missam assignetur tam in libro Usuum Becc. quàm in cons. S. Dionysij, & Tullensi Ord. nempe: *Quia nostri Salvatoris*. Ad pacem omnes accedebant apud Cluniacenses quidem, & Benignianos; sed apud Corbeientes unus duntaxat chorus, Postea fiebat communio, non tamen omnium nisi

fortè apud Cluniacenses, Benignianos & Corbeienſes, qui volentibus hanc ad Miſſam communicandi licentiam indulgebant; ſed puerorum tantum ex conſuetudinibus S. Germani, S. Dionyſij, & S. Cornelij, quibus in recentioribus Corbeienſium conſuetudinibus adduntur infirmi. Apud Ciſterciennes verò ſoli *Infirmi, & diverſis officiis deputati* communicabant. Apud Tullenſes Diaconus, Subdiaconus & miniſtri altaris; Apud Cartuſienſes Diaconus cum Laicis, & Redditis ex antiq. ſtat. 1. Part. c. 5. [Poſt Miſſam de Luce celebretur Miſſa ſanctæ Mariæ ſolemniter ad ſanctum Kylianum, cujus officium uſque ad octavum diem: *Puer natus eſt,*] inquit Ordinarium S. Petri ſupra Divam, ſed hoc illi monaſterio peculiare exitit. Nam in aliis Miſſam de Luce pro matutinali celebrabant, idque in altari matutinali, cujus rei veſtigium aliquod etiam nunc reſtat in Dionyſiano & Sangermanenſi cœnobio, in quorum primo Miſſa ſecunda in altari S. Dionyſij, in altero autem in ſacello majori Beata Mariæ ſolemniter decantatur.

20. Quæret fortæſſe non nemo quoniam tempore ſacerdotes privatas Miſſas facerent? Reſpondebunt ſancti Germani de Pratiſ conſuetudines: [Poſt Evangelium qui erit paratus poterit ire celebratum, & hoc licentia habita;] Liber Uſuum Ciſterciienſium: [Ad hanc Miſſam non cantentur Miſſæ privatæ donec offerenda compleatur, exceptis Miſſis pro communicandis Converſis;] Uſus Becceſenſis: [Interim dum Canon dicitur, poſſunt privatas Miſſas cantare, qui volunt; & hoc ſine licentia;] Conſuetudines Lyrenſium: [Interim dum Canon dicitur poſſunt privatas Miſſas cantare Celarii cum licentia;] in alio codice non exprimitur vox *Celarii*; Tullenſe S. Apri Ordinarium: [Hac Miſſa finita poſſunt Sacerdotes uſque ad Tertiam privatas Miſſas celebrare, ut Tertiæ poſſint cum cæteris intereſſe; omnes enim monachi, & pueri, Converſi, & Converſæ in hac die Euchariftiam accipere debent;] Petrus Venerabilis: [Statutum eſt, ut in Nativitate Domini nullus ex fratribus ante finem Miſſæ illius quæ de luce dicitur, & quæ de more in conventu cantatur, Miſſam alicubi vel dicat vel audiat. Excepti ſunt ab hac conſtitutione infirmi, qui in infirmaria comedunt, de quibus antiquus mos conſtituit, ut ſicut ſancto die illotres Miſſæ in conventu cantantur, ita eis eodẽ tempore tres ſimiliter Miſſæ in capella ſanctæ Mariæ, quæ eorum officiis deputata eſt celebrentur;] Cujus ſtatuti rationem hanc reddit: [Quia, inquit, ſolebant Sacerdotes non quidem ex conſuetudine, ſed ex quadam inconfiderata feſtinatione, ſtatim poſt Evangelium illius Miſſæ, cum quibusdam aliis qui vel eos juvabant, vel communicare ad eorum Miſſas volebant, à conventu recedere, ac ſibi unusquiſque Miſſam de die cujus introitus eſt: *Puer natus eſt nobis* celebrare. Ita fiebat ut non ſolum chorus pene vacuus remaneret; ſed non, quod de ipſa Miſſa poſt Evangelium reſtat, audirent.] Iſtud ſtatutum obſervatſe videntur Dionyſiani ac Compendienſes noſtri quorum conſuetudines hæc

habent: [Si aliquis Missam cantare voluerit, & sonante Prima vestire se numdum incœperit, propter hoc non dimittatur etiam has solemnitate, nec in quatuor reliquis festis principalibus.

21. Missæ prædictæ Cassinenses immediate subjungebant Primam; sed alij communiter ascendebant dormitorium, calciamenta diurna sumebant, manus & faciem lavabant, caputque pexebant: tum revertentes in chorum præmissis tribus orationibus consuetis, Primam cantabant, quam sequebatur capitulum solito brevius quod etiam nonnulli consummabant in choro. Hoc in capitulo generalis fiebat peccatorum confessio, & absolutio, ut discimus ex Dunstani Concordia:

c. 3. „ [Finita Prima, venientes ad capitulum, post cætera spiritualis ædificationis colloquia, petunt humili devotione omnes fratres ab Abbate, qui vices Christi agit, postulantes multiplicium indulgentiarum excessuum, dicentes: *Confiteor*; & Abbas respondeat: *Misereamur*: Deum ipse Abbas solo tenus se prosternens eadem à fratribus petat. Idem modus confessionis primâ Paschalis solemnitatis die ita agatur.

22. Parvo post capitulum intervallo, præmissis solitis orationibus, Tertiam cantabant, ad quam se prius omnes induebant. Tertiæ si natalis Domini festivitas Dominica evenisset, aquæ lustralis benedictionem, deinde processionem ut in dominicis præmittebant. Hymnum ad tertiam eodem cantu, quo &: *Veni Creator* decurrebant; saltem id præscribunt consuetudines S. Dionysij in Francia. Ad antiphonam pronuntiantes hæc verba: *Omnes ipsum adoremus*, omnes in genua procumbebant, idque generaliter ubique ab omnibus observabatur.

23. Post Tertiam processionem etiam in Dominicis faciebant & quidem in cappis ex statutis Lanfranci; post processionem Missam solemniter decantabant. Utriusque ordinem describunt fuscæ Cassinenses in Ordinario, & Dionysiani in consuetudinibus M. S. huncque hîc propriis eorum verbis apponere non judicamus otiosum.

24. [Ad Missam majorem, inquit Cassinenses, omnes simul in capitulo fratres induantur pluvialibus, & ingressi ecclesiam cantent Tertiam; finita Tertia, sic ordinatim incedant ad processionem: Unus frater pluviali indutus ferens crucem omnes præcedat, quem cuncti fratres bini & bini subsequantur. Deinde alius indutus imperatoria veste ferat auream crucem, postquam septem Acolythi albis induti bini & bini subsequantur, ferentes totidem candelabra cum luminaribus; post quos tres Acolythi induti tunicis cum singulis thuribulis; Deinde sex Subdiaconi induti tunicis libros Evangeliorum portantes, totidemque Diaconi induti dalmaticis bini & bini sic procedant: Duo Subdiaconi præcedant, & duo Diaconi subsequantur, Septimus autem Subdiaconus, qui lecturus est epistolam, ferens librum, in quo die legendum est Evangelium post eos incedat, quem Diaconus, qui Evangelium lecturus est, subsequatur; post quos Dominus Abbas, vel Sacerdos, qui Missam celebraturus est, pluviali indutus incedat,

incedat, & eum Acolythus manu T^a ferens sequatur. Cùmque à cho-
ro exire perceperint, incipiat Abbas antiphonam: *Hodie Christus* deinde: *Virgo hodie*, & reliquæ antiphonæ per ordinem, & R. *Dies sanctificatus*, & V. ac Abbas post omnes stans imponat antiphonam: *Gloria in excelsis*; Clericis autem in choro abeuntibus, tres ante altare cantent Trophos, Abbas verò cum præfatis ministris pergat in secretarium, & induat se vestimento cum quo Missam celebraturus est. In choro verò Clericis incipientibus: *Gloria Patri* procedant ad altare cum omnibus secum indutis ordine præscripto. Finito introitu, Clerici imponant: *Kyrie*, & continuò Acolythi ponant candelabra in pavimento, tria in dextra parte, & tria in sinistra, & unum in medio: Deinde Sacerdos dicat: *Gloria in excelsis*: Deinde orationem. Post finitam orationem tollantur candelabra de loco priori, & ponantur in una linea per mediam ecclesiam. Subdiaconus autem, qui lecturus est Epistolam, finita oratione, ascendat in gradum, & versus contra altare Epistolam legat; & dum legit Diaconi, Subdiaconi, & Acolythi cum Sacerdote vadant ad sedendum ordinatè.

25. Epistola lecta, duo Clerici vadant, & in ipso gradu cantent graduale. Illis verò recedentibus, alij tres ascendant, & cantent: *Alleluia*. Post hoc in choro cantent sequentiam. Post Diaconus, accepta benedictione, veniat ad altare ad deferendum Evangelium, levans illud in manu, & ferens in sinistro humero; præcedentes eum duo Subdiaconi cum thuribulis, & duo Acolythi, qui recepturi sunt thuribula à Subdiaconis, & ante illos alij duo Acolythi portantes candelabra; & dum transierit Diaconus per medium chorum, inclinet se in utraque parte dicens: *Orate pro me*, & unus chorus dicat secretè: *Dominus sit tecum*, & alter: *Spiritus Domini super te*. Venientibus ante admonem dividantur ipsi Acolythi, & transeant Diaconus & Subdiaconi per medium eorum; Subdiaconus autem, qui legit Epistolam, ascendat ante Diaconum, & faciat incensum super analogiam. Interim verò alius Subdiaconus vertens se ad Diaconum, porrigit ei brachium suum sinistrum, quo ponat Evangelium, ut ibi aperiatur ei locus in quo signum lectionis positum fuerit, & Diaconus intus posito digito suo in loco lectionis, ascendat ad legendum, & sic Subdiaconi reddentes thuribula Acolythis, qui debent stare contra Evangelium, ipsi stent in locis suis post Diaconum. Diaconus verò vertat se ad septentrionalem partem, & legat Evangelium, quo incipiente Acolythi ponant candelabra in pavimento usque dum perlegatur, & eo finito Acolythi extinguant luminaria, quæ ante eum ducebant.

26. Descendente autem Diacono, Acolythi porrigant ei incensum, Subdiaconus verò qui legit Epistolam, recipiat Evangelium, & revertentibus ad altare omnibus ordine quo venerant, ipse ante pectus ferens

a Ita in M.S. hæc litter. T thuribulum aut quid simile significat.

„ Evangelium, præbeat illud osculandum Sacerdoti apertum; deinde clau-
 „ sum cæteris in choro juxta consuetudinem. Finito Evangelio, mox cæteri
 „ quinque Acolythi fumentes reliqua candelabra sua extinguant, & po-
 „ nant illa post altare per ordinem cum aliis duobus. Interim pergant in
 „ secretarium septem Subdiaconi cum Acolithis quatuor, qui deferant sep-
 „ tem calices cum oblationibus hoc modo: Primo antecedant duo Acoly-
 „ thi cum accensis candelabris; dehinc duo alij cum thuribulis, post quos
 „ ipsi Subdiaconi duo & duo incedant, ferentes aureos calices singulos,
 „ postremò autem Subdiaconus qui legit Epistolam bajulans calicem au-
 „ reum majorem; & ita ordinate per medium chori pergant ad altare,
 „ omnibus se hinc inde illis cum transferint reverentissimè inclinan-
 „ tibus. Finito autem symbolo, & dicto: *Dominus vobiscum*, Diacones
 „ lotis manibus, pergant ad parandum altare. Post hæc de manu unius-
 „ cujusque Subdiaconi oblationes recipiens, offerat Sacerdoti, & Sa-
 „ cerdos ponit de more super altare, & sic peragatur Missa ordine suo.]
 Hactenus Cassinensium ritus, in quibus mihi multa forent notanda,
 quorum nonnulla patent ex dictis superiori libro de Missa majori; unum
 hic observo ritum septem calices ad altare deferendi, quem tamen
 improbasse videtur Gregorius Papa secundus, cum respondens ad
 Bonifacium Episcopum dicit congruum non esse *duos vel tres calices*
in altario ponere cum Missarum solemnia celebrantur. Hos calices quan-
 tum mihi conjicere licet, ad altare deferabant vel ad recipiendas
 omnium monachorum oblationes, vel ad communionem fratrum,
 qui omnes, exceptis infantibus & infirmis, hanc ad Missam com-
 municabant. Quandiu perseveraverit apud monachos hic ritus omni-
 nino me latet, ejus vestigium aliquod restat in nostro sancti Dionysij
 monasterio, in quo singulis Dominicis & festis præcipuis, in qui-
 bus fit communio sub utraque specie, etiam nunc duo ad altare de-
 feruntur calices, in quorum uno consecrat, in altero se purificat. Hæc
 obiter dicta sint, nunc Dionysianas consuetudines audiamus.

„ 27. Ad Tertiam revestiant se fratres, cæntent hymnum: *Nunc sancte*:
 „ ut: *Veni creator*. Antiphona: *Hodie intacta*, quam incipiat Cantor, &
 „ cum dicetur: *Ipsam adoremus*, omnes petant veniam super genua.
 „ Capitulum: *Multifarie. Ps. Tamquam*. Oratio: *Concede quasumus*. Post
 „ Tertiam fiat processio in Capicio, in qua præcedant tres cruces, &
 „ aqua benedicta, & thuribulum; & septem Diaconi sint induti dal-
 „ maticis, cum totidem Subdiaconibus, qui deferant septem textus,
 „ & Sacerdos qui deferat brachium S. Simeonis. Et incipiat Cantor
 „ antiphonam: *O beata infantia*, &: *Stirps*, quo dicto, dicant duo
 „ pueri *Ps. Post partum virgo*, & Sacerdos Orationem: *Deus qui salutis*:
 „ Deinde incipiat Cantor *R. Verbum caro*, & si opus fuerit *In principio*.
 „ In navi *R. Descendit de cælis Ps. à tribus*: Deinde Dominus Abbas dicat
 „ *Ps. Viderunt omnes*, & orationem: *Omnipotens sempiterne Deus, qui hanc*.
 „ Ad Introitum chori antiphona: *Verbum caro*, & *R. Sancta & immma-*

enata, si opus fuerit. Post processionem assistant tres Cantores in choro regias virgas in manibus tenentes, & sint monachi parati praevisi à Cantore ante altare Sanctorum Martyrum, qui tropas decantent: *Hæc cantus est* Similiter & in Pascha. Finitis tropis, incipiant Cantores officium: *Puer natus est*, & cum incipitur: *Gloria Patri*, ingreditur Dominus Abbas ad altare cum septem Diaconibus, & totidem Subdiaconibus, & aliis senioribus, cui obviam præcedant monachi à Capite cum candelabris crystallinis, & cruce Domini Caroli Imperatoris, quæ ponatur retro altare S. Trinitatis, & desuper crystallina candelabra ponantur in ordine, & in medio altare parvum pretiosum: Deinde incipiat Cantor: *Kyrie* festive, & post dicatur: *Gloria in excelsis*, quo dicto, sequatur oratio: *Concede quasumus omnipotens Deus*. Subdiaconus vero sceptrum ad Missam in manu teneat, & filixion, & legat Epistolam in parvo textu: *Mulusare. R. Viderunt omnes*, à tribus *Alleluia: Des sanctificatus* à quatuor; qui autem *R. e* vel *Alleluia* cantaverint in speciosis tabulis eburneis cantent. Sequentia: *Christi hodierna*. Post sequentiam incipiat quidam bene cantans à Cantore rogatus ante sanctos Martyres antiphonam ante Evangelium: *Verbum caro*, tenens parvam crucem in manu; & tunc procedat ipse, qui crucem tenet, & Conversi cum candelabris, & thuribulo usque in lectorium; Diaconus vero extremus veniat portans honorificè textum in manibus usque ad lectorium, ibique legat Evangelium: *In principio erat*. Post Evangelium faciet ante aquilam Diaconus ante & retro, & postea redeat ad altare, & præparet altare, & calicem, & de hostiis tantum quantum necesse fuerit illis, qui communicabunt. Dum vero cantatur: *Credo*, afferantur aurea vasa per chorum inter duo altaria, & ibi stent in ordine usque dum incipiatur offertorium: *Tui sunt cali*, & sic faciant offerendam Domino Abbati vel Sacerdoti qui Missam cantaverit: Cantor vero extremus offerat preciosam ampullam cum aqua, nummi vero qui offeruntur pauperibus erogentur. Ipsa die debent omnes fratres communicare, etiam illi quibus aliquid tale contigerit, exceptis his qui in gravi culpa sunt: Præfatio dicant: *Quia per incarnati*. Communio: *Viderunt omnes*. Postcommunio: *Præsta quasumus*. Diaconus dicat: *Ita Missa est* festive, & sonent omnes campanæ. Hæc tenus Dionysianæ consuetudines, quibus in nonnullis Compendienses conveniunt, in nonnullis discrepant. Conveniunt maxime in eo quod ante Evangelium etiam antiphonam decantari volunt: [Post sequentiam, *inquunt*, incipiat aliquis bene cantans antiphonam: *Verbum caro*, & teneat crucem dum incipiet antiphonam, postquam autem inceperit antiphonam tradat eam Converso, qui eam deferat ante Diaconum.] Differunt autem in eo quod communionem etiam iis, quibus tale quid contigerat subtrahunt. Singulare vero illud addunt: [Post Missam sonet classicum, Abbas vel ille qui Missam cantaverit, post accipiat crucem Caroli, & faciat

Benedictionem, & sic in ceteris festivitibus principalibus.

28. In aliis aliorum monasteriorum consuetudinibus vix aliquid singulare occurrit, quas proinde consultò prætermittimus; unum dumtaxat ex Ordinario Corbeie, & Benignianis cons. hic addo, quod mihi non videtur esse prætermittendum: [primo pulsato signo ad Tertiam, & oratione facta, albis induuntur omnes, accipiunt quoque manipulos.

29. Ad Vesperas omnes albis induebantur ex Dionysianis, Compendiensibusque consuetudinibus, atque hymno profam: *Beata es virgo* præmittebant, ex iisdem consuetudinibus.

30. Porro quia vices Christi Abbas agere creditur, ut ait S. Benedictus, ad exhibendum humilitatis exemplum, cujus formam in salutaris sua Nativitate Dominus ac Redemptor noster hac die induit, antiquæ apud Nostros consuetudinis fuit, ut Abbas sacro Nativitatis Domini die coquinæ officium exerceret, quod patet tum ex Udalrico ita scribente: [Aliquando quidam fortè libellus venit in manus nostras simulans quod olim scriptus esset ante plures annos, in quo inter cætera habebatur nostram esse consuetudinem, ut in Natali Domini ministerium coquinæ Dominus Abbas, & Cellerarius cum Decanis simul faciant; quod ideo tacere nolui, ut animadvertas à quantâ sanctitate locus noster inæcepit; quamquam modo non sit, nec absque maxima importunitate esse possit id ipsum humilitatis & Religionis exemplum. &c.] tunc ex M.S. consuet. Lyrensis monasterij, in quibus in die Nativitatis Domini [ad coquinam scribitur Dominus Abbas, Cellerarius, & duo Hebdomadarij, similiter in die Paschæ, & Pentecostes, & in festivitate sanctæ Trinitatis, & in Assumptione S. Mariæ, & in festo omnium SS.] In altero codice pro: *Cellerarius habeatur & Baillivus*, & pro: *Et in festo omnium Sanctorum*, legitur *Et in omnibus festis in quibus Venite cantatur à quatuor monachis*; tum denique ex Benignianis consuetudinibus cap. 53. ex quibus hebdomadarij coquinæ notandi erant [Dominus Abbas, & cum eo omnes qui adsunt.] Atque hic fuit communis monasteriorum usus.

31. Pro conclusione laudabilem S. Alberti Abbatis Gambronensis adjicio consuetudinem quam refert Anonymus in ejus vita his verbis: [Hujusmodi consuetudinis tenorem observabat, quatenus scilicet annuatim bis centum solidos in eleemosina erogaret; in die videlicet Cœnæ Dominicæ & in die Nativitatis ejusdem Domini nostri Jesu Christi.

CAPVT V.

*De Ritibus infra octavam Natiuitatis
contingentibus.*

1. **A**Ntequam ritus ad diuinum officium infra octavam Dominice Natiuitatis pertinentes investigemus, duas celebriores priorum monachorum consuetudines referre operæ pretium existimavi; una generalem jejuniorum relaxationem complectitur, altera continuum his octo diebus silentium.

2. Prima patet 1^o. ex Concilio Turonensi 11^o. in quo monachorum ordinantur jejunia: [Et quia, *inquit*, inter Natalem Domini & Epiphaniam omni die festiuitates sunt, itemque prandebunt. Excipitur triduum quod ad calcandum gentilium consuetudinem Patres nostri statuerunt privatas in Calendis Januarij fieri litanias;] ex Regulis Sancti Aureliani ad monachos & S. Donati ad Virgines c. 76. quæ vacuum jejuniis relinquunt tempus, quod Natalem inter & Epiphaniam Domini intercipitur; ex Regula S. Isidori, quæ inter ferias in quibus monachorum jejunia conquiescunt, [placuit etiam *m. inquit*, Patribus à die Natalis Domini usque ad diem Circumcisionis solemne tempus efficere, licentiamque vescendi habere,] ex Regula Magistri c. 45. [In Natale verò Domini usque Epiphaniam, omnes antiphonæ, & die noctuque cum *alleluia* psallantur, & genua ipsis diebus non flectantur, neque jejunetur, neque abstineatur;] ex Petro Damiani opusculo. 15. ubi agens de Institutis suæ Congregationis: [In festiuitatibus xij. lect. *inquit*, quæcumque venerint ab Ilibis Septembris usque ad Resurrectionem Domini, semel tantum reficiant fratres, exceptis videlicet his solemnitatibus omnium Sanctorum, Sancti Martini, & S. Andreæ, hebdomada Natalis Domini, & uno die Epiphaniæ, & Hypopanti.] ex consuetudinibus Cluniac. apud Udalricum: [Per octavas S. Martini, & per octavas Dominice Natiuitatis, & Epiphaniæ duabus vicibus manducamus;] quibus concinit Petrus Venerabilis in Statutis c. 14. saltem quod oct. Natiuitatis, sicut & Compendiales consuevit. Idem de Primis Cartusianis narrat prædictus Petrus Venerabilis: [Semel in die semper comedunt, exceptis octo diebus Natalis Domini, &c.] quod patet ex Guigonis statutis c. 8. His etiam octo diebus nostri Cassinenses volatilibus vesciebantur, ut discimus ex epistola Theodemari ad Carolum Magnum Imperatorem: [Volatilia numquam nisi in die Natalis Domini, si est unde, usque ad dies octo comedimus.] Hic locus occasionem præbuit isti Concilio

O o 3

c 78 „ Aquilgravenſis conſtitutioni : [Ut volatilia in Natali Domini , & in
 „ Paſcha tantum quatuor diebus , ſi eſt unde , comedant ; ſi verò non fue-
 „ rit unde , non requiratur per debitum.] Hinc etiam Angeſſus
 in eius Abbas Fontanellenſis monachis ſuis in teſtamento ſuo aſſignat in Na-
 vit ſac tali Domini , [Aucipastas , pullipastas , pullos , & ova ;] & Carolus
 4. 2. 6. 9 Calvus in quodam præcepto pro monachis S. Germani Pariſienſis
 „ [reſectiones ... de volatilibus cum pulpaſtis in Natale Domini tribus
 „ diebus , & in Paſcha ſimiliter tribus inrefragabiliter eis ab Abbate
 „ miniſtrari ſufficiens decernit ,] ſac. 3. part. 2. p. 120.

3. Alteram de continuo ſilentio conſuetudinem refert Udalricus in
 antiquis Cluniacenſium conſuetudinibus , cum de vigilia Nativitatis
 l. 1. „ Domini loquens , [tranſacto , *inquit* capitulo non caremus licentia
 c. 46. „ loquendi ; & iterum poſt Sextam , quia per totam futuram ſeptima-
 „ nam debemus generaliter eſſe tacentes , niſi quantum loquimur in ca-
 tom 2. pitulo , & ad confeſſionem ;] & certè inter quinque capitula , quæ receptis
 Capit. Concilij Aquilgr. capitulis permilſerunt Centuriatores , quantum
 Baluz. ita habetur : [Ut in hebdomada Paſchæ in clauſtro non loquantur ,
 p. 109. ſed lectio divina ab omnibus teneatur ; ſimiliter in hebdomada Pen-
 „ tecoſtes , & in omnibus diebus Dominicis , ſeu in Natali Domini , &
 „ in omnibus Sanctorum feſtis præcipuis.] Iſtud inſtitutum exactè ſer-
 „ vabat S. Guillelmus Abbas Divionenſis etiam in extremis poſitus ,
 „ [expletis ſolem nibus totis octo dierum Nativitatis Domini *nihil om-*
 „ *nino loquens* , oculos tantum ad Deum erigens ,] ut ſcribit de eo Glabe
 Rodolphus in ejus vit. c. 16. His præmiſſis , ad ea quæ cultum divinum
 ſpectant veniamus.

4. Prima dies infra octavam Nativitatis Domini S. Stephani Proto-
 martyris feſtivitati conſecratur , cujus ſolemnitati duo potiſſimum
 conferunt ; ejus ſcilicet in octava Natalis Domini occurrentia , & ſin-
 „ gularis illa prærogativa , qua primitias Martyrum præ cunctis Chriſti
 „ diſcipulis referre meruit : hinc Lanfrancus in Statutis [tres , *inquit* ,
 „ ſequentes feſtivities , id eſt S. Stephani , Johannis Apoſtoli , SS. Inno-
 „ centium uno eodemque modo celebrentur. Eccleſia his tribus diebus
 „ ſicut in die Dominicæ Nativitatis ornata permaneat :] Hinc apud
 Nostros Sandionſianos quatuor in cappis perinde atque in Natali Do-
 mini Invitatorium ad Nocturnos cantabant , ex quibus duo in choro
 remanere debebant ; omnia reſponſoria à duobus ; exceptis quarto ,
 „ quod à tribus ; octavo , quod à quatuor ; & duodecimo quod à quin-
 „ que cantabatur. In Noſtro etiam Sangermanenſi , ut & Corbeienſi
 „ monaſterio Invitatorium in cappis à quatuor cantabatur ; ſed in Caſi-
 „ nenſi , Beccenſi , & S. Petri ſupra Divam à tribus ; & quidem junio-
 „ ribus Diaconibus ex collectaneo ejusdem monaſterij , in Tullenſi S.
 „ Apri à duobus item in cappis , ut & in Compendienſi S. Cornelij : hæc
 „ etiam quartum , octavum , & duodecimum ꝛ. cantabatur à tribus.
 „ His adde quod habet antiquum Corbeienſe Ordinarium : [Ad

octavum & viginti quatuor cerei de ciborio accenduntur.] Hac die apud Cassinenses, uti & duobus sequentibus diebus lect. 12. cum suo & erat de Nativitate Domini.

5. Laudes cum proprio de sancto Stephano officio celebrabantur, in quibus ut ad Nocturnos & Vesperas hymnos ab S. Ambrosio vel Prudentio compositos ex statuto Petri Venerabilis cantabant nostri Cluniacenses. Ad hymnum albam & cappam induere solebat, qui altari incensam erat delaturus; quod in nostro Parisiensi S. Germani monasterio, in Compendiensi, & Dionysiano duo præstabant; Hebdomadarius, & cum eo alius; qui cappas rubeas induti, venientes per chorum, benedicto ab Abbate incenso, sacrum & choream thurificabant; quos comitabantur duo juvenes in albis conventum postea incensaturi; sed in aliis communiter monasteriis solus Sacerdos alba & cappa indutus cum thuribulatio in alba, incensum deferrebat, ut patet ex Tullensi S. Apri Ordinario, & collectaneo S. Petri supra Divam.

6. Finitis Laudibus fiebat commemoratio de Nativitate, cui certis in locis addebatur comm. de Beata Maria ut in Beccensi, Lyrensi, Tullensi, & S. Petri supra Divam; sed Cassinenses nostri matutinis Laudibus de S. Stephano integras de Nativitate Laudes subjungebant; quod & aliis de S. Johanne, de SS. Innoc. & de S. Silvestro felis diebus similiter præstabant. Missa matutinalis de Nativitate, major de festo dicebatur; Matutinalis introitus: *Puer natus est* cum Epistola & Evangelio primæ Missæ quæ dicta erat media nocte: *Exiit edictum*. Major solemniter in cappis, vel minimum in albis. Primum præstabant Cassinense Ordinarium, Dionysianæ consuetudines, Ulus Beccensis, qui & illud habent speciale: [Ad Missam omnes cappas habebunt, & pueri tunicas:] Posterius observabant Tullenses S. Apri, Parisienses S. Germani, & in monasterio S. Petri supra Divam. Missæ solemnem processionem præmittebant Sandionysiani, quam ita describunt eorum M. S. consuetudines: [Ad magnam Missam sint omnes in cappis, & ante Missam fiat processio cum parva cruce, & aqua benedicta, & incenso, & candelabris; & dicatur antiphona: *O beata infantia*; eant in Capitio, fiatque statio ad S. Cucuphatem; post antiphonam dicatur & *Post partum* à duobus pueris; deinde cantetur responsum: *Ecce jam coram.* & à duobus: *Karitatis*; & post dicatur & à duobus: *Stephanus vidit*, & Oratio: *Omnipotens sempiterne Deus*; Quatuor procedentes sint cum Diacono, & totidem Subdiaconi cum Subdiacono. Descendendo de Capitio incipiat Cantor & *Sancte Dei pretiose*, & non eant in navi; sed cum venerint ad passum, eant per rubeas portas in choro:] Deinde de Missa subjungitur: [Ad Missam tres Cantores in rubeis cappis in choro assistant, & incipiant officium: *Et enim sederunt*: *Kyrie elemens* à quatuor bene cantantibus. Oratio: *Da nobis*. Epistola: *Stephanus plenus*. & *Sederunt principes* à tribus. *Alleluia*]

„ *Video cælos* à quatuor, sequentia &c.] In aliis tamen monasteriis ut in Sangermanensi, & Compendiensi unus duntaxat Cantor indutus cappa rubea Missam inchoabat: & seu Graduale atque alleluia pro consuetudine monasteriorum; nam in Beccensi v. g. quatuor & quinque alleluia; in Lyrensi tres & quatuor alleluia; in Parisiensi S. Germani tres in cappis & totidemque etiam in cappis *Alleluia*, in Compendiensi S. Cornelij duo tantum & tres alleluia cantabant. *Kyrie. Gloria in excelsis, Sanctus, Agnus* cum adjectis piis devotisque nonnullis vocibus passim dicebatur. Denique Missa finita in Corbeienfi S. Petri monasterio omnia signa pulsabantur.

7. Post Sextam conventus in refectorium ad comestionem procedebat, ubi duplices mappas & pitantiam habere debebat ex consuet. S. Germani.

8. Vesperæ cum antiphonis, & psalmis ad Sancti festivitatem pertinentibus cantabantur; quod duobus etiam sequentibus diebus observabatur; unde quod in Tullensi S. Apri Ordinario, Dionysianis, Compendiensibus, atque Lyrensi consuetudinibus assignantur ad Vesperas usque ad Epiphaniam antiphonæ: *Tecum principium*, & aliæ cum psalmis de Nativitate, recentioris videtur esse instituti, cui refragantur antiquum Corbeienfe Ordinarium in quo singulæ ad psalmos antiphonæ de S. Stephano notantur, Benignianæ consuetudines c. 54. Udalaricus, l. 1. c. 47. Lanfranci Statuta, cujus de tribus sequentibus diebus

c. 1. „ hæc verba: [Ad Vesperas super psalmos imponant antiphonas
s. 2. „ de ipsis festivitibus quibus, & quas Cantor præceperit;] & Concordia Dunstani, qui veteres Nationis suæ consuetudines retinuisse se testatur, nam c. 3. [ad Vesperas ipsius diei, inquit, scilicet Natalis Domini, dicantur antiphonæ: *Tecum principium*, & reliquæ, reliquis verò tribus diebus dicantur antiphonæ de ipsis sanctis, cum psalmis, ipsi solemnitati comperentibus.

9. &. Pro consuetudine locorum cantabant; nam in Pratenfi sancti Germani monasterio à quatuor monachis in frocis; in Compendiensi, & S. Petri supra Divam à duobus in cappis dicebatur.

10. Hymno præmittebant prosam Sandionysiani nostri, eratque consuetudinis nonnullis in locis ad Vesperas majorum solemnitatum prosas de Sancto, vel SS. qui colebantur decantare; quod etiam nunc, si bene memini, observant Suefsionenses nostri Sancti Crispini ad primas Vesperas Sanctorum Martyrum quas cum Cathedralis ecclesiæ Canonicis decantant.

11. Incensum eodem quo ad Laudes modo offerebatur. Post Vesperas fiebant commemorationes; sed non uno eodemque modo; nam quibusdam in locis prima commemoratio erat de S. Johanne, altera de Nativitate, ut in Parisiensi S. Germani à Pratis monasterio; in aliis addebatur memoria de S. Maria, ut in Lyrensi; in aliis hisce tribus commemorationibus addebatur memoria de SS. loci, ut videre est in rituali Beccensi, &
in

in Tullensi S. Apri Ordinario, in quo commemoratio de S. Johanne facienda præfcribitur cum antiphona, *Gloria Patri*, versu, & collecta. Sed in Dionysiano & Compendiensi monasteriis prima commemoratio fiebat de Nativitate, secunda de sancto Johanne, quam faciebant procedendo ad altare ejusdem S. Apostoli, cantantes antiphonam: *Eccce ego*, canticum *Magnificas*, & valde honorandus est, & collectam: *Ecclesiam*. Hujusmodi commemorationes cum antiphona, cantico: *Magnificas*; & oratione frequenter occurrunt in Ordinario Cassinensi, & hac ipsa die commemorationem de Nativitate hoc modo faciebant. Denique in monasterio S. Petri supra Divam primum fiebat comm. de Nativitate, deinde de S. Maria, postea processio in capella in albis cum *Agnus Dei*, & collecta: *Ecclesiam*, ac tandem ibidem memoria de Reliquiis, denique de omnibus Sanctis. In his nihilominus monasteriis in quibus prima erat comm. de S. Johanne, fiebat etiam processio post Vesperas & Laudes, & quidem *cum incenso*, ex Ordinario Tullensi.

12. Festum S. Johannis Evangelistæ consimili prorsus modo celebrabatur ubique, immo fortè solemniori, saltem quibusdam in locis; nam v. g. in Compendiensi monasterio Invitatorium à quatuor in cappis, in monasterio S. Petri supra Divam à tribus senioribus item in cappis, dicebatur. Lectiones primi nocturni ex Ordinario Corbeiensi, & Dionys. conf. initium libri Apocalypsis. Secundam *ex Compendij* [Duo Sacerdotes ex senioribus cantabant.] Lectiones secundi nocturni in Ordinario Corbeiensi. Sermo de Ecclesiastica historia: *Audi fabulam*; in Dionys. consuetudinibus de vita ipsius: *Secundam post Neronem*. Laudes eodem prorsus modo, quo die præcedenti cum comm. de Nat. de S. Stephano & ceteris, atque processione.

13. Missa natalitialis de Nativitate cum comm. S. Johannis, & S. Stephani, Epistola, & Evangelio secundæ Missæ Nativitatis. Ad Tertiam in Dionysianis consuetudinibus assignatur hymnus: *Veni creator*; in Compendiensi. *Nunc sumite robis sub cantu: Veni creator*.

14. Post Tertiam Missa de S. Johanne cum comm. Nativ. & S. Stephani, eodem ritu quo die præcedenti; hoc uno excepto, quod in Dionysiano monasterio ante Evangelium ab uno cantabatur ad altare SS. Martyrum antiphona: *Eccce ego Johannes*. Hæc Missa ut minimum erat in albis, quibusdam in locis in cappis; Missæ præmittebant nocturnam Dionysiani processionem, ut in die Natalis Domini.

15. Vesperæ eodem modo quo præcedenti die cum comm. de Nativ. de S. Stephano, de SS. Innocentibus eo ritu quo pridie de S. Johanne, & de aliis; in quibus hoc unum speciale habebant Compendienses quod *ex* apud eos à quatuor in cappis cantabantur; & Dionysiani, quod prosam in iis non cantabant.

16. Festum SS. Innocentium eandem per omnia solemnitatem obtinebat, quam duobus præcedentibus diebus descripsimus, maximè

S. Stephani: Hoc unum dumtaxat notandum quod in Ordinario Casinensi continetur his verbis: [Ad Missam Diaconus & Subdiaconus in nigris planetis procedant, & nec *Gloria in excelsis Deo*, nec *alleluia* ne: *Credo in unum Deum* dicatur, excepto si Dominica venerit.] ex his nonnulla quibusdam in locis observantur; in aliis nihil omnino.

1. 1. [In Natali Innocentium, inquit *Udalricus*, quod aliæ ecclesiæ non cantant *Gloria in excelsis* nec *alleluia*, hoc minimè curatur à nobis.] Missa matutinalis de Nativitate, scilicet tertia.

17. Tres sequentes infra octavam dies uno eodemque ritu colebantur: De his generatim S. Danstanus in Concordia hæc habet: [His autem diebus inter Innocentium festivitatem, & octavas Domini quia *Gloria in excelsis Deo* ob tantæ festivitatis honorificentiam ad Missam celebratur, ad nocturnum, & ad Vesperam, uti ad Missam sicut in usum hujus Patriæ indigenæ tenent, omnia signa pulsentur; nam honestos hujus Patriæ mores ad Dominum pertinentes, quos veterum usu didicimus, nullo modo abicere; sed undique uti diximus, corroborare decrevimus. Ad Matutinas ob rem prædictam licet *Te Deum laudamus* non canatur, & Evangelium minimè festivo more legatur; cereus tamen accendatur, & signa pulsentur omnia, & thuribulum thurificando deportetur; hinc usque Epiphaniam Domini psalmi ad Vesperas ad feriam pertinentes cum antiphona dicantur;] & hæc quidem ubique observata esse videntur, maximè quoad altaris thurificationem. Invitatorium à duobus in cappis cantabatur ex Tullensi S. Apri Ordinario. Tres lectiones ad nocturnos legebantur ex homilia in Evangelium: *Exiit edictum* prima quidem die; secunda verò ex homilia in Evangelium: *Pastores*; Tertia in Evangelium: *In principio*. Psalmi familiares nocturnos inter & Laudes usque in crastinum octavæ Epiphaniæ, & Vigiliæ mortuorum usque in crastinum oct. S. Iohan. dicebantur ex prædicto Tullensi Ordinario.

18. Ad Laudes psalmi sub una tantum cantabantur antiphona quotidie mutanda, ut patet ex antiquo Corbeiensi Ordinario; conf. S. Dionysij, S. Cornelij Comp. & Rituali Beccensi; sed in conf. Sancti Benigni c. 54., in Tullensi S. Apri Ordinario tres ad Laudes notantur antiphonæ, una ad tres primos psalmos, altera ad canticum: *Benedicite*, tertia ad *Laudate*; in quo Ordinario & illud lego: [Matutinæ B. Mariæ non dicantur, Laudes omnium SS. dicantur; & *Verba mea*, & *Domine exaudi*. Ad Primam hymnus solemniter cantetur, ut in die Natalis Domini, Antiphona: *Christus Dominus*, & infra antiphonam cum dicitur *Adoremus omnes*, flectant omnes genua, & capita denudent.... septem psalmi non dicantur, nec litania, quicumque sit dies. Psalmi familiares post quolibet horas diei dicantur, ut in festis duodecim Lectionum dici solent. Post Primam facto intervallo quo fratres lectioni vacant, capitulum teneatur, festivè non legeretur, loco Regulæ lectio de Evangelio legatur: *Exiit edictum* cum homilia: *Nasciturus*

in carne: Verba mea post capitulum dicatur, post capitulum Missa matutinalis canetur.

19. Hæc matutinalis Missa, uti & major, dicebatur de Nativitate Domini cum una ex tribus ejus diei Missis; quamvis nonnullis in locis majorem ad Missam quotidie tertia adsumeretur, ut apud sanctum Dionysium; in aliis minor Missa, sive matutinalis erat de sancto Stephano, ut in Beccensi monasterio.

20. Ad Vesperas antiphonæ de Nativitate: *Tecum principium* cum psalmis suis; & incensum ad *Magnificat* ab uno minimùm Sacerdote alba & manipulo induto.

21. Dominicâ infra octavam Nativitatis notantur in Ordinario Cassinensi ad primam secundamque vigiliam sermones S. Leonis, & S. Augustini, ad tertiam de homilia Dominicæ. In aliis verò communiter monasteriis si Dominica in unam ex his tribus diebus incidisset, duo primi nocturni de Dominica dicebantur, tertius cum Laudibus de Nativitate; quamvis in his variæ essent monasteriorum rubricæ.

22. De Festo Sancti Sylvestri hæc habet Cassinense Ordinarium: „ [Ad Primam canatur Missa de Nativitate. Si venerit die Dominico in „ prima vigilia, & secunda omnia de Sancto; in tertia verò de Do- „ minica, Evangelium de Dominica, Matutini de Sancto; postea verò „ de Nativitate. Ad Primam canatur Missa de Sancto cum introitu, „ & oratione de Nativitate, vel orat. aliorum Sanctorum. Ad Tertiam „ de Dominica. Ad Vesperas de sancto. Lectio, 2. breve, & Hymnus de „ Nativitate, antiphona ad *Magnificat*: *Magnum hereditatis mysterium*; „ Postea dicatur antiphona S. Sylvestri, *Magnificat*, & oratio; deinde „ S. Stephani, S. Johannis, & Innocentium.] In aliis verò monasteriis tanta erat in hujus sancti cultu & officio diversitas, quot erant monasteria: nam verbi gratia in aliquibus integrum habebat officium cum comm. de octavis ut in Tullensi S. Apri; in aliis duo primi de Sancto nocturni dicebantur, tertius cum Laudibus, & Missa matutinali de Nativitate, ut in Beccensi B. Mariæ; in aliis duo item primi nocturni de eo, tertius verò cum Laudibus & Missa matutinali de S. Columba cum comm. de sancto, de Nativit., aliisque octavis, ut in Parisiensi S. Germani; in aliis sola de eo fiebat ad Laudes, Vesperas, & Missam comm. ut apud Cartusianos. Denique in aliis transferebatur post octavam Nativitatis ut apud S. Dionysium.

CAPVT VI.

De octava Natalis Domini, & aliis consuetudinibus ad mensem Ianuarium pertinentibus.

1. **Q**uāntum Ecclesiæ octava Natalis Domini attulit gaudij, tantum procul dubio lætitiæ detraxerunt profanæ gentilium superstitiones: Hi enim Calendas Ianuarij Jano deo suo sacrañtes, eximium ipsi obsequium sese præstare existimauerunt, si in omne se spurcitiarum genus immergerent; Hinc [quidam, ut scribit Alcuinus, mutabant se in species monstruosas, in ferarumque habitus transformabant: Alij in fœmineo gestu mutati virilem vultum effœminabant: Aliqui phanaticis auguriis profanabantur, perstrepebant saltando pedibus, tripudiando plausibus: nonnulli ita auguria observabant, ut focum de domo sua, vel aliud quodcumque beneficium cuiquam petenti minimè tribuerent. Diabolicas etiam strenas, & ab aliis accipiebant, & ipsi aliis tradebant; nec non etiam mensulas plenas ad manducandum tota nocte paratas habebant, credentes quod Calendæ Ianuarij per totum annum præstare possent,] aliaque id genus per multa peragebant de quibus vid. Menard. in not. ad Conc. Reg. c. 50. §. 4. Horum ineptæ lætitiæ, quam etiam laxato sinu amplexi sunt permulti veri Dei Christi cultores, jejunijs universalis tristitiam, publicasque litaniarum supplicationes opposuit Ecclesia, ut multos docent veterum Scriptorum testimonia, ex quibus unum dumtaxat, quod monachos nominatim spectat, ex Concilio Turonensi secundo referre libuit: ita enim describens monachorum jejunia: [Et quia inquit, inter Natalem Domini & Epiphaniam omni die festiuitates sunt, itemque prandebunt. Excipitur triduum, quod ad calcandam gentilium consuetudinem Patres nostri statuerunt, privatas in Calendis Ianuarij fieri litanias; ut in Ecclesijs psallatur, & hora octava in Calendis ipsius Circumcisionis Missa Deo propitio celebretur,] ut nimirum ad Nonam jejunium solvere possent. Sed his missis ecclesiasticos nostrorum ritus hanc ad diem pertinentes perscrutari tentemus.

2. Duas hac die solemnitates celebrabant maiores nostri; octavam scilicet Nativitatis Domini, & ejus Circumcisionem; unde in quibusdam eorum Ordinariis inscribitur octava Natalis Domini, in alijs Circumcisio Domini. De Circumcisione Domini generatim Lanfrancus in statutis [Circumcisio, inquit, Domini celebretur sicut una de tri-

bus superioribus festivitibus (scilicet S. Stephani , S. Johannis , & SS. Innocentium ,) excepto quod aula monasterij non ornatur , quæ quinta Dominicæ Nativitatis die disparari debet ,] tantam tamen solemnitatem apud alios communiter nobis advertere non licuit ; Nam primo ad Vesperas antiphonas de Nativitate : *Tecum principium* &c. , vel de S. Silvestro : *Incipiebant* pueri in Lyrensi , Beccensi ac Tullensi S. Apri monasteriis , Capitulum legebat Abbas ex Ordinario S. Petri supra Divam. *2. Sancta & immaculata*, in Dionysiano , Compendiensique monasteriis duo cantabant in cappis , ejus loco *2. Verbum caro* , à duobus item hebdomadariis cantandum substituebant Tullenses S. Apri ; Beccenses verd , atque Lyrenses *2. Benedictus qui venit*. Incensum autem ad *Magnificat* ut supra. Collecta pro diversitate monasteriorum diversa : In antiquo Corbeienſi Ordinario notatur Oratio : *Dei qui salutis* ; in Tullensi , Dionysianis , Compendiensibusque consuetudinibus : *Deus qui nobis nati Salvatoris* ; in rituali Beccensium cui concinunt consuetudines Lyrenſium : *Respice nos* , qua finita , dicto : *Benedicamus Domino* fiebant commemorationes solitæ de S. Silvestro , de S. Stephano , aliisque octavis , de B. Maria , & SS. loci : Deinde processio . & quidem cum incenso ex Ordinario S. Apri , cui succedebant Vesperæ omnium SS. idque quæcumque dies eveniret , ut habet idem Ordinarium. In Dionysianis tamen , & Comp. consuet. nullæ præſcribuntur commemorationes.

3. Ad Nocturnos Invitatorium in cappis quidem , sed à duobus tantum cum eodem cantu , quo die Natalis Domini dicebatur in Tullensi , Beccensi , & Dionysiano monasteriis ; in quorum postremo quartum *2. duo* dumtaxat , octavum tres , duodecimum quatuor cantabant , cum plures id aliis tribus diebus præstarent. Paulò solemnius aliquid agebant apud S. Petrum supra Divam ejus Ordinarium nocturnorum officium ita describit : [Ad Matut. Invitatorium tres monachi in cappis . . . in 1. nocturno , ad cantica , & ad Laud. incipiat hebdomadarius antiphonam , cæteras verd utrimque seniores : Deinde cæteri sicut sunt in ordine. Responsorium autem singula primi , secundi , & tertij nocturni canant duo ; octavum verd Abbas , Cantor , & Subcantor ; si autem Abbas defuerit duo tantum. Prior & duo alij senes , quibus in tabula impositum fuerit , canant duodecimum responſorium :] Hic nulla fit mentio lectionum pro quibus in M. S. S. Dionysij consuetudinibus assignantur octo de sermone : *Veniens in carne* , & quatuor de Evangelio : *postquam consummati sunt dies octo* ; Sed Cassinenses septem primas de sermone S. Augustini , octavam cum suo *2. de S. Basilio* , quatuor postremas de homilia faciebant. Ad Laudes & per horas antiphonæ : *O admirabile commercium* , pro quibus in Ordinario S. Petri supra Divam notantur : *Ante luciferum* , &c. Deinde Commemorationes solitæ de octavis &c ; Sed Cassinenses primam commemorationem faciebant de sancto Basilio cum antiphona *Benedictus* , & collecta.

4. Missa matutinalis pro diversitate monasteriorum diversa; nam Cassinenses de Sancto Basilio; Lyrenses & Beccenses de Sancto Stephano, aut aliqua ex octavis; Tullenses, Dionysiani, ac Compendingenses de octava Natalis Domini: *Puer natus*, ut in die; Cluniacenses, Divionenses, & Corbeenses: *Vultum tuum* cum Epistola & Evangelio de die octava cantabant; In monasterio verò S. Petri supra Divam de B. Maria: *Salve S. Parens*, cum Epistola: *Quanto tempore*, R. *Benedicta*, Evangelio: *Erat Joseph*, Credo, præf. *Et te in veneratione* dicebatur. Major Missa de die octava: *Puer natus* cum Evangelio *Pastores loquebantur*, cui & illud subjungebant antiqui: *Et postquam consummati sunt dies octo* &c. ut videre est apud Udalricum l. 1. c. 47. in cons. Sancti Benigni c. 54., in antiquo Corbeienfi Ordinario, & in M. S. consuetudinibus Canonic. Regularium Sancti Ruffi. Hac de Missa hæc habent consuet. S. Dionysij in Francia: [Post Terriam can-
 » tetur Missa, & sint omnes in cappis; & sint Diaconi duo cum Diacono,
 » & duo Subdiaconi cum Subdiacono cum textibus, unus Cantor
 » teneat chorum. Officium: *Puer natus*. Kyrie festivè. Oratio: *Deus qui*
 » *nobis*, Epistola *Apparuit gratia*, R. *Viderunt* à duobus. *Alleluia*, *Mul-*
 » *tifarie* à tribus, vel *Dies sanctificatus*. Sequentia *Latabundus*. Evange-
 » *lium: Postquam consummati*. Credo dicatur. Offert: *Tui sunt celi*. Præfa-
 » *tio: Quia per incarnati*. Communio: *Viderunt omnes*;] quibus ad-
 dendum ex aliis Ordinariis & consuet: *Communicantes* sicut in die
 Natalis Domini. In Calendario S. Petri supra Divam, ut & in Lyrensi
 Circumcisio Domini notatur *in cappis*; sed ex Tullensi S. Apri Or-
 dinario Missa tantùm *in albis* decantari debebat. Graduale, & alleluia
 quod spectat, utrumque à tribus in cœnobio S. Petri supra Divam
 cantabatur; in Lyrensi R. à tribus, alleluia à quatuor; in Beccensi
 verò R. à quinque, alleluia à septem. Ad Vesperas antiphonæ ex Udal-
 rico *O admirabile* cum reliquis de Laudibus pro quibus in antiquo
 Corbeienfi Ordinario, & aliis legimus antiphonas: *Tecum principium*.
 Reliqua ut in hujusmodi festis.

5. Insequentes tres dies octavis SS. Stephani, Johannis, & Innocentium sacros, quos cum duodecim Lectionibus notant recentiores Corbeienfis monasterij & S. Germani à Pratis cons. uti & Tullense S. Apri Ordinarium, saltem quoad duos priores dies, celebrabant antiqui cum psalmis ferialibus, & tribus dumtaxat lectionibus, quas ex Epistolis Apostoli nonnulli, ex sermonibus de sanctis alij desumebant. Atque ita Cassinenses ex eorum Ordinario, Cluniacenses ex Udalrico l. 1. c. 47. Corbeenses ex antiquo eorum Ordinario, Beccenses ex lib. Usuum, & Rituali Beccensium, Lyrenses ex M. S. eorum consuetudinibus, uti etiam in monasterio S. Petri supra Divam.

6. Quod verò horum dierum dispositionem spectat ita breviter Udalricus: [Ad nocturnos hymnus, & super psalmos antiphonæ de
 c. 47. Natali Domini; cætera de præfatis sanctis usque dum major Missa

edito, existimare, immo contendere olim ubique jejunium, omni remota exceptione, observatum fuisse; sed præterquam quod decreta SS. Aureliani, Donati, atque Damiani, aut tacuit, aut ignoravit; ea quæ respondet ad Concilij Turonensis canonem 18., ad Statuta Lanfranci, & ad auctoritatem Udalrici planè non evincunt. Nam primò quod ait Concilium Turonense prandia ad sextam monachis concessisse dumtaxat, non duplicem refectionem; omnino contra se facit. Quis enim rerum antiquitatis vel novitius ignoret apud antiquos idem fuisse, & refectionem licet unicam in die accelerasse, & jejunium violasse? Concesso igitur monachis in vigilia Epiphaniæ prandio, jejunij relaxationem indultam fuisse concedere necessum est. Deinde quod ait hæc Concilij verba: *Inter Natalem Domini & Epiphaniam* intelligenda esse de vigilia Epiphaniæ, quasi diceretur inter Natalem & vigiliam Epiphaniæ, eo sensu quo dicimus à Pascha usque ad Pentecosten non esse jejunandum, licet vigilia Pentecostes cum jejunio celebretur; aliquatenus valeret si nulla facta fuisset exceptio, sed cum exceptio firmet regulam in contrarium, & Concilium permittat monachis prandia à Natali usque ad Epiphaniam excepto triduo in Calendis Januarij, signum est concessisse etiam in Vigilia Epiphaniæ, alioqui dixisset excepto triduo, & vigilia Epiphaniæ; & certè si vigilia Epiphaniæ celebranda fuisset cum jejunio, non triduo sed quinque omnino diebus jejunium à Concilio indictum fuisset, ut multi alij fecerunt; ut quid enim vagum unum diem à Calendis Januarij ad Epiphaniam eximere à jejunio?

op. 55.
c. 2.

9. Ad Lanfranci Statuta & Udalrici auctoritatem primo respondet eorum verba intelligenda esse de jejunio ecclesiastico, non de jejunio Regulæ; ita ut monachi more ex regula præscripto jejunarent, licet jejunium more ecclesiastico non observarent; quod confirmat auctoritate Petri Damiani monachi Benedictini permittente iis [quibus & vina percipere.] At jejunia Regularia olim apud monachos à jejunij ecclesiasticis non differebant, nam in Quadragesima ad Vesperam tantum ex regula reficiebant, aliis temporibus ad Nonam cui jejunandi modo nihil sepe addebant jejunia ecclesiastica. Deinde quis sibi persuaadeat monachos ex professione sua pœnitentiæ addictos, magna cum observantia vitam alioquin agentes, sæcularibus viris remissius jejunasse, ita ut dum reliqui Christi fideles jejunium ecclesiasticum observarent, monachi strictioris observantiæ regulare tantum custodirent? Petri Damiani auctoritas ipsi nullatenus favet; nam præterquamquod ad solos congregationis suæ Eremitas loquitur, non ad alios monachos Benedictinos, sequentia ejus verba contrarium evincunt; nam postquam dixit: [Epiphaniarum quoque vigiliis. . . dignum est jejunare,] paulo post subdit: [Hic ut arbitror stomachabitur vitæ mollioris assertor, hic rugas contrahit fumantis edulij disputator claudens

mitans me peregrina jejunia naviter introducere, quæ nulla Patrum valcam auctoritate firmari. Quæ verba ostendunt non solum ubi, & que aut scilicet in ea ubique jejunium observatum non fuisse; sed jam diu obsoletum & antiquatum fuisse; alioquin non timeret accusari novitatis, tanquam peregrina inducens jejunia, quæ nulla valeant Patrum auctoritate firmari.

10. Secundò responderet hæc verba addita fuisse ad Lanfranci textum; sed hoc ad asserendum niti deberet antiqui alicujus M.S. auctoritate in quo hæc verba desiderarentur: deinde esto addita atque inserta fuerint, certè hoc fieri omnino non potuit nisi ab aliquo antiquo monacho, idque juxta usum monasterij sui; ac proinde jam olim à jejunio abstinerebant monachi, etiam observantiores, in vigilia Epiphaniæ, nihil enim istis in statutis quæcumque tandem illis addita sunt, existit quod ab optima monasteriorum observantia abhorreat. Nam quod capite nono præscribitur ut cellerarius ea die qua ejus sententia Regalæ in capitulo legitur *bonum & festum servum* in refectorio fratribus exhibeat, intelligendum est, remota omni superfluitate, ut fieri solebat certis anni solemnitatibus, quod communi monasteriorum disciplinæ illis temporibus non repugnabat, cum plura hujusmodi exempla reperire sit apud Udalricum.

11. Ad Udalrici textum ait ea verba: *Eo die* &c. referenda esse ad diem Epiphaniæ, non ad ipsam vigiliam. Hæc responsio aliquatenus valeret si dixisset *In die*; hæc enim loquendi ratione intelligebant sequentem diem festum; at cum dicat *eo die*, intelligit haud dubium diem cujus hætenus officium ordinaverat, scilicet vigiliam Epiphaniæ. Quod confirmat communis monasteriorum praxis, quam ostendunt Concordia Dunstani, Statuta Lanfranci, & Petri Damiani verba à nobis supra relata, quibus præscribens Eremitis suis jejunium in vigilia Epiphaniæ, timet ne audiat novitatis amator, & peregrina introducens jejunia, quod certè non faceret si jejunium in vigilia Epiphaniæ ubique observatum fuisset.

12. Cæterum hæc non diximus quasi ventris atque gulæ vellemus esse patrini; aut supersticiosas secularium epotationes vindicare, quas non solum improbamus; sed & omnino damnamus, fatemurque has jejuniorum relaxationes esse meras indulgentias, ac dispensationes præter Regulam S. Benedicti, quæ nullum ab Idibus Septembris ad Pascha diem à jejunio excipit; quibus non diu post Udalricum usi fuerunt Cluniacenses; nam Petrus Venerabilis in statutis enumerans dies, quibus à jejunio abstinendum erat, unam recenset diem Epiphaniæ, non vigiliam, neque octavam, in qua prius jejunium omnino relaxabant: hortamurque eos, si qui fortè adhuc existant, qui vigilia Epiphaniæ non jejunent, ut memores Regulæ, pristinumque monachorum rigorem æmulati, non solum jejunent solido, severius, sed in aliis etiam pœnitentiæ operibus sese exercent, quo iratum de

prophanis sæcularium hominum convivii divinum numen aliquatenus placare possint; sed his missis ad ea quæ divinum spectant officium veniamus.

13. Ad nocturnas vigilas, Laudes, & horas diei omnia ferè de Nativitate Domini cantabant. Invitatorium: *Christus natus est* in cantu feriali, & quidem ab uno dumtaxat puero cantabatur ex Ordinario S. Apri; licet in monasterio S. Petri supra Divam à duobus in albis diceretur. Hymnus, & antiphonæ super psalmos feriales, cum tribus *ps.* de Nativ. tres lectiones de Epistolis Apostoli norant Uius atque Rituale Beccensium, consuetudinesque Lyrensiū; de sermone S. Leonis Papæ: *Exultemus in Domino* conf. Grandimontensium; in Ordinario verò S. Apri [de Evangelio sine titulo. Et prima, *inquit*, legatur ab uno puero.

14. Ad Laudes unica super psalmos dicebatur antiphona: *O admirabile* ex Udalrico antiquo Corbeienſi Ordin., consuet. Lyrenſ. & Canonicorum Regular. S. Rufi, & Tullensī S. Apri Ordinario, in quo & illud habetur: [De S. Maria fiat commemoratio ordine quo supra, sed Matutinæ ejus non dicuntur, nec post Laudes fiet processio; Laudes autem omnium SS. & cætera more solito dicuntur.] Ad Primam antiphona: *O admirabile*: aliæque sequentes ad ceteras Horas.

15. Eveniente autem vigilia Nativitatis in Dominica, octo primæ Lectiones de Epistolis S. Pauli, reliquæ de homilia in Evangelium *Defuncto Herode*, cætera omnia de Nativitate.

16. Missa: *Dominus dixit ad me*, vel *Lux fulgebit* cum Evangelio: *Defuncto Herode*. Prima apud Udalricum, & in Ord. Corbeienſi assignatur; secunda in Tullensī, & Dionysianis consuetudinibus; aliquibus in locis cum *Gloria in excelsis*, in aliquibus sine.

17. Missa matutinalis in lib. Us. Becc., conf. Lyrensiū, & Ordinario S. Petri supra Divam, de B. Maria; in Rituali Beccensī de S. Thoma; in Dionysianis conf. de S. Simeone monacho; licet in codice Colbertino earundem consuetudinum ita legamus: [In quacumque die vigilia Epiphaniæ evenerit, Missa matutinalis sit de Epiphania, cum candelabris, & thuribulo, & ornamentis albis, & festivis, & pulsetur ad eandem Missam, ut in xii lect. Offic.: *Lux fulgebit*. Kyrie ut & in xii lect. *Gloria in excelsis* dicatur. Oratio: *Corda nostra*. Epistola: *Apparuit benignitas*; *ps. Benedictus qui à duobus pueris*. *Alleluia*. *Dominus regnavit à duobus juvenibus*. Evang.: *Defuncto Herode*. Offertorium: *Dominus enim*. Comm. *Tolle puerum*.

18. Vesperas solemniter de Epiphania cum una tantum antiphona: *Stella ista* cantabant antiquiores, saltem id norant Statuta Lanfranci, conf. S. Benigni c. 54., antiquum Corbeienſe Ordinarium, liber Usuum Beccensium, consuet. Lyrenſ.; Unde quod in Tullensī S. Apri, & S. Petri supra Divam Ordinariis, Dionysianis, Compendiensibus consuet. assignantur antiphonæ: *Tecum principium*, & reliquæ de Nativitate à

prioribus dicend^o, recentioris fortè videbitur instituti. *¶ In Columba*, quod à quatuor in cappis ex Dionysⁱ, Comp., Sangermanensibusque consuetudinibus cantabatur, vel à Cantore & alio item in cappis, ut in Tullensi S. Apri monasterio; pro quo in Ordinario S. Petri supra Divam ponitur *¶ Venit lumen* à duobus Hebdomadariis etiam in cappis cantandum. Hymnus *Veni Redemptor*, vel ut habent consuetudines S. Dionysij: *à patre unigenitus*, vel ut Tullense S. Apri Ordinarium: *Emixa est*, & *Hostis Herodes*; ubi etiam notandum quod ibidem scribitur: [Per omnes horas hujus festi dicitur *Gloria tibi Domine qui apparuisti hodie*, & per octavas dicatur: *Qui apparuisti fidere*, in die octava dicitur: *Qui apparuisti hodie*.]

19. Antiphona ad *Magnificat*: *Magi videntes Stellam* ex Ordinario S. Petri supra Divam, & conf. S. Dionysij tribus vicibus repetenda. Cetera ut in aliis festis solemnioribus. Unum hic addo ex Ordinario S. Petri supra Divam de processione ad Completorium, quæ huic monasterio quantum scire potui extitit singularis: [Ad Completorium innuente Cantore Sacerdoti Hebdomadario Missæ, & quatuor aliis de juvenibus, revestiant se post orationes Completorii; Sacerdos scilicet in alba & cappa deferens thuribulum, ceteri in albis deferentes, primus aquam benedictam, secundus crucem, tertius & quartus duo candelabra: Deinde Sacerdos & cum summo silentio agant processionem, primò in dormitorio, deinde in capella infirmorum, egredientesque capellam dicant antiphonam: *Ecce Sacerdos*, *¶. Iustum deduxit*, collectam: *Misericordiam tuam*. Thurificatoque altari procedant in cimiterium dicendo Psalmum: *De profundis*: *Pater noster*: *¶. A porta inferi*, Orationes *Fidelium*, quibus dictis, revertantur per unum infirmorum, deinde per monasterium ad singula lecta S. cristarum.]

20. Nocturnæ Epiphaniarum vigilæ apud veteres monachos per celebres omnino extiterunt, eandem habentes solemnitatem, quam in Natali Domini advertere licebat; hinc Cæsarius Arelatensis Episcopus in sua ad Sanctimonialia Regula: [Natale Domini, & Epiphania ab hora tertia noctis usque ad lucem vigilandum est.] & S. Aurelianus in utraque ad monachos & Virgines Regula: [In Natali Domini, & in Epiphania tertia hora noctis surgite, dicite unum nocturnum, & facite sex missas de Isaia Propheta; iterum dicite secundum nocturnum, & legantur aliæ sex de Evangelio. In Epiphania ita: In primis unum nocturnum; Deinde de Daniele Propheta facite illas sex missas, & nocturnos, & iterum de Evangelio sex. Matutinos eo ordine sicut in Pascha scripsimus, aut Dominicis diebus;] Quæ quidem desumpsit ex Regula S. Cæsarii pro ut extat apud Bollandum in qua hæc sequuntur: [Natalis Domini, & Epiphania ab hora tertia noctis usque ad lucem vigilandum est, ita ut ante nocturnos Missæ sex de Prophetia Isaia, & post nocturnos missæ sex de Evangelio dicantur.]

„ In Epiphania ante nocturnos missæ sex de Daniele fiant , post nocturnos de Evangeliiis missæ sex.] ubi idem utrobique ritus præscribitur, cum hoc solum discrimine, quod S. Aurelianus missas seu Lectiones singulis nocturnis subjungit, e contra sanctus Cæsarius Lectiones sex præmittit, deinde duos eodem tenore nocturnos, postea sex Lectiones subijcit.

21. Solemnnes etiam apud Nostros Epiphaniæ vigiliis semper habuit, hinc quatuor in cappis Invitatorium cantare solebant, sicuti præscribunt M.S. consuetudines S. Germani. S. Dionysij & S. Cornelij Compendiensis : Hi in monasterio S. Petri supra Divam erant *Ballivus, Coquinarius, Granetarius, & Celarius* ex Ordinario ejusdem monasterij ; sed in Tullensi S. Apri monasterio id præstabant Cantor, & duo cum eo Hebdomadarij tantum in albis & cappis, nec plures assignant Lanfranci Statuta. Porro circa hujus diei Invitatorium notandum quod in Cassinensium Ordinario continetur his verbis : [Ad nocturnos post Psalmum *Domine quid multiplicati*, canterur in choro antiphona : *Venite adoremus*, & alter chorus eandem repetat ; dehinc alter chorus incipiat Psalmum : *Venite exultemus Domino*, & per unumquemque versum ipsius psalmi reperatur prædicta antiphona.

22. Ad nocturnorum Lectiones in eodem Ordinario assignantur, quatuor primæ de Isaia Propheta, quinta & sexta sermo S. Augustini, septima sermo S. Maximi, octava S. Fulgentij, tres sequentes homil. S. Gregorij Papæ, Lectio 12. sermo S. Leonis Papæ. In Corbeienſi Lectiones primi nocturni etiam de Isaia, secundi de sermone S. Fulgentij : *Nostis fratres carissimi*, qui integer legebatur ; sed Dionysianæ consuetudines aliquid habent singulare : [Primæ tres Lectiones, inquit, de Isaia : *Hæc est hereditas servorum Domini* & in fine cuiuslibet dicatur : *Hæc dicit Dominus*, Quarta Lectio de sermone : *Nuper celebravimus diem*, & in fine hujus, & aliarum sequentium dicitur : *Tu autem*. In secundo verò nocturno assignant Lectiones de sermonibus Epiphania ; in tertio de Evangelio : *Cum natus esset*.

23. Omnia responſoria ibidem notantur à duobus cantanda, primum quidem à duobus chorum tenentibus, reliqua ab aliis, quartum à tribus, octavum à quatuor, duodecimum à quinque. In Ordinario etiam S. Petri supra Divam reperio : [Singula 12. canant duo monachi, quartum verò, & octavum tres, duodecimum autem quatuor sicut in tabella viderint ordinari.

24. Post *Tu Deum laudamus* Evangelium *Cum natus esset Iesus* habent quidem Corbeienſe Ordinarium, & alij ; sed Cartusienſes monachi hoc quidem Evangelium ad Missam cantant, ad nocturnos autem Evangelium secundum Lucam de Christi Baptismate : *Factum est cum baptisaretur omnis populus &c.* usque ad initium sequentis Cap. : *Iesus autem plenus Spiritu sancto regressus est ab Iordane* ; Sed & Grandimontenses licet ordinem Romanum sequentes, post 12. 12. idem Evangelium solemniter cantabant ; sic quippe Guillelmi Pellicerij primi

Abbatis conf. M. S. [Post cantatum 1x. dicitur Evangelium: *Factum* c. 10. *est*, sicut in die Natalis Domini, cum incenso, & cereis accensis. Quo finito, dicitur mox: *Te Deum laudamus*, & Oratio, & *Benedicamus* &c. In Laudibus more solito peraguntur. Hac die ecclesia dicit duo Evangelia, unum cantatur in Matutinis post 1x. de Baptismo Christi, secundum Evangelium quod legitur in Missa, est de Magis.] Econtra apud Nostrates antiquos Galios ad nocturnas vigilias legebatur Evangelium secundum Matthæum de Adoratione Magorum, ad Missam verd Evangelium secundum Matthæum, & secundum Lucam de Christi Baptismo, tum secundum Johannem de Nuptiis in Cana Galilee, quæ tria Evangelia uno contextu, eodemque tenore legantur.

25. Laudes solemniter cum propriis antiphonis, in quibus hymnus: *Hæstis Herodes impie* in Dionysianis Compendiensibusque consuetudinibus, sed in antiquo Corbeienſi Ordinario [Hymnus incipit ad hunc versum: *Enixa est puerpera*, & post hos tres versus, sequitur totus hymnus: *Hæstis Herodes impie*.] Idem videre est in Benignianis consuet. cap. 54., in Ordinario S. Petri supra Divam, & S. Apri Tullenſis. In quorum posteriori loco precum versus: *Tria sunt munera*, vel alius assignatur; idemque præscribitur post Tertiam.

26. Missa de Epiphania Domini: *Eccæ advenit* utraque, matutinalis & major; sed major longè solemnior, eodem nimirum ritu, quo in Nativitate Domini; saltem apud Cassinenses & Dionysianos, immo & apud alios si pauca fortassis exceperis: post cujus introitum duos versus subjungebant antiqui scilicet: *Deus judicium tuum Regi da &c.*, *Reges Tursis & insula &c.*, uti & post collectam duas Epistolas, unam de Ilia: *Surge illuminare*, alteram de Apostolo: *Apparuit benignitas*. Ita in antiquo Corbeienſi Ordinario. In Dionysiano, Compendiensique monasterio ante Evangelium, cantabatur antiphona: *Hodie cæsti*; sicuti in Natali Domini: *Verbum caro*. Denique in Tullenſi S. Apri monasterio incepto symbolo, fratres deponebant cappas, exceptis chori rectoribus, quod alibi non legimus.

27. Missæ solemnem præmittebant processionem in cappis eodem ordine quo in Nativitate Domini in qua apud Floriacenses portabantur *duæ cruces aurea*, & *dextera aurea*; apud Dionysianos autem ab uno Sacerdote *brachium sancti Symonis*. Si verd Epiphaniam in Dominicam incidisset, alteram etiam ante Tertiam faciebant, quemadmodum vidimus in Nativitate Domini. Utriusque ordinem ita præscribit Ordinarium S. Petri supra Divam: [Si in Dominica evenerit nihil agatur de ipsa Dominica infra octavam, processio tantum sic ordinetur: ante Tertiam sancti fiet. Sacerdos aquam; deinde faciat cum cruce, & aqua benedicta processionem, dicendo orationes constitutas, ad reveſtiarium, dormitorium, capitulum, Refectorium, collect. ante portas Ecclesiæ; quibus dictis dicat etiam antiphonam: *Descendi in hortum*.]

„ vel aliam de S. Maria, & sic intret chorum Sacerdos in primo gradu
 „ dicens *ψ* & orationem qualiter in Dominicis fieri consuevit. Hora igitur
 „ cantata induant omnes cappas à Cantore sibi ministratas, stan-
 „ tibus interim ministris Missæ ante majus altare, cum aqua benedicta,
 „ cruce, candelabris, thuribulo uno, Diacono cum texto, Subdia-
 „ cono cum quasella eburnea; thurificet Abbas altare, deinde textum,
 „ crucem, & gestandas reliquias: Inceptoque *℟*. *Tria sunt munera à Can-*
 „ *tore, procedant ordinatè more solito per claustrum, & galil.*, finitoque
 „ *℟*. incipiat Abbas antiphonam: *Hodie cælesti sponso* ad Introitum chori
 „ & sic incipiat Cantor officium: *Ecce advenit*. Tertio canteretur om-
 „ nino &c.] Sed ex Statutis Lanfranci nulla fiebat in Epiphania Domi-
 „ ni processio, nisi fortè Dominica evenisset; [tunc enim, *infit*, sic in
 „ albis ante Tertiam per claustrum, Sacerdote eunte per officinas sicut
 „ mos est in Dominicis diebus.

28. Ad psalmos ipsius Vesperæ antiphonæ de eadem solemnitate præ-
 scribuntur in Dunstani Concordia; secus apud alios, qui omnes una voce
 unanimique consensu antiphonas de Nativitate Domini: *Tecum princi-*
pium ad Vesperas assignant.

29. Quod ad officium infra octavam Epiphaniæ spectat; cum nulla
 Sanctorum occurreret festivitas, totum officium fiebat de Epiphania,
 cum psalmis ferialibus, tribusque de Epistolis Apostoli Lectionibus,
 hoc nimirum ordine: Invitatorium, & hymnus de Epiphania; deinde
 una super sex feriales psalmos antiphona de Epiphania; versus ante
 Lectiones Apostoli, & *℟*. de Epiphania, uti & sequens antiphona su-
 per psalmos feriales secundi nocturni. Capitulum, *ψ*, & collecta ad
 Epiphaniam pertinebant. Ad Laudes una super omnes psalmos anti-
 phona ex Laudibus diei, quarum antiphonæ infra octavam vicissim
 dicebantur. v. g. hodie: *Ante luciferum*, cras: *Venit lumen*, & sic
 „ deinceps. Quod pertinet ad Missas ex Cassinensi Ordinario [matu-
 „ tinalis de Defunctis, major de Epiphania solemniter;] Grandimon-
 „ tentenses matutinalem Missam de B. Maria, alij alias etiam fortè cantabant.

30. Dixi superius si nulla occurreret SS. festivitas, neque enim eo
 gaudebat olim octava Epiphaniæ privilegio, ut nullum Sanctorum
 festum proprium infra ipsam officium haberet, sicut nunc fit; hinc
 „ antiquum Cassinensium Ordinarium [In festo S. Severini, *inquit*,
 „ duodecima Lectio, & Missa ad Primam de Epiphania canantur, reli-
 „ qua de Sancto;] & in festo [S. Pauli Eremitæ fiant duæ lectiones cum
 „ responso de conf. & matutinum; ad Missam de Epiphania adjungatur
 „ Introitus, & oratio de sancto.] & in Dionysianis Compendiis sive
 consuetudinibus fer. v. infra oct. Epiphaniæ officium de SS. Martyribus
 monasteriorum suorum Patronis, & sabbato de S. Maria præscribitur,
 sicut & officium S. Luciani, quod cum duodecim Lectionibus celebra-
 bant Dionysiani cum sola commemoratione in Laudibus de Epiphania;
 Compendiæse verò licet non ita solemniter, tamè cum duobus de S. Lu-

ciano & ejus sociis nocturnis, tertium cum Laudibus Epiphaniæ sacrâtes.

31. Dominica infra octavâ Epiphaniæ totum fiebat officium de Epiphania, cum una tantum antiphona ad singulos nocturnos super psalmos Dominicales, & ad Laudes. Octo primæ lectiones de Epistolis Apostoli, quatuor ultimæ de homilia in Evangelium Dominicæ. Octavam Epiphaniæ cum eodem Invitatorio, eodem hymno, iisdem antiphonis, & psalmis, quam in ipso die celebrabant olim Cassinenses nostri; sed ad primi nocturni Lectiones sermonem S. Augustini accipiebant, in secundo vitam S. Hilarij Episcopi legebant, cum quatuor r. de Confess., in tertio homiliam de Evangelio cum r. de Epiphania. In Laudibus comm. S. Hilarij cum Missâ matutinali de eo ad Primam. In vesperis etiam commem. ejusdem S. Hilarij, & S. Felicis. Quid verò si Dominica evenisset? [Si Dominico die, *inquunt in Ordinario*, venerit ipsa octava, Invitat., antiphonæ ad nocturnos, & r. de octava canantur, Lectiones quatuor fiant de homilia de Dominica, quatuor verò de S. Hilario cum r. suis, reliqua omnia de octava fiant. Ad Primam canatur Missâ de Dominica, & adjungatur oratio S. Hilarij.

32. In aliis etiam Ordinis nostri monasteriis octava Epiphaniæ Domini solemniter cum Lectionibus XII celebrabatur, sed diversimodè: alij enim ut Lyrenses, atque Beccenses duos primos nocturnos cum Missâ matutinali & commemoratione ad utraque Vesperas de S. Hilario cantabant; tertium verò nocturnum cum omnibus horis diei & majori Missâ de octava: Alij integrum de octava officium faciebant cum Invitatorio, hymnis, antiphonis, psalmis, v. & r. de die festo; ad cantica tamen Laudes minoresque diurnas horas antiphonas de Christi baptismo assunebant, atque ita in Tullensi S. Apri, in Compendiensi sancti Cornelij, in Dionysiano, & S. Petri supra Divam monasteriis, cum sola commemoratione in Tullensi ad utrasque Vesperas, primò S. Remigij, deinde S. Hilarij, cujus officium 12 Lectionum sequentem in diem rejiciebant nostri Compendienses, & S. Petri supra Divam. Sed Dionysianis illud fuit singulare, quod S. Hilarij festum propria die solemniter celebrantes, octavæ Epiphaniæ officium in ejus vigilia facerent, hoc est die Januarij duodecima; ad cujus sollemnitatem statuunt. ut Invitatorium à duobus in cappis dicatur quartum, octavum, duodecimum & sit duplex, antiphonæ Laudum à prioribus incipiantur, & ad majorem Missam omnes sint in cappis.

33. Illud etiam in hoc octavæ Epiphaniæ officio erat peculiare quod non idem ad cantica, idem post *Te Deum laudamus* pronunciabatur Evangelium: Nam in antiquo Corbeienſi Ordinario, libro Usuum Beccensium, consuetudinibus Lyrenſium ad cantica sive ante homiliam notatur Evangelium: *Vidit Johannes Jesum venientem ad se; post Te Deum laudamus: Factum est cum baptizaretur omnis populus.* In Benignianis verò, Dionysianis, Compendiensibusque consuetudinibus, ad Cantica Evangelium: *Venit Jesus à Galilæa; post Te Deum Evan-*

gelium: *Factum est cum baptizaretur*; Sed & illud familiare satis exitit antiquis, ut plura circa idem mysterium Evangelia eodem die pronunciarent, cujus rei plurima nobis suppetunt exempla in Gallicana Liturgia.

34. In Vesperis antiphonæ: *Tecum principium* &c. à capitulo de S. Hilario, aut de S. Remigio, aut de utroque simul. Ab octavis Epiphaniæ ad Septuagesimam usque vix aliquid dicendum occurrit, unum hic duntaxat ex Tullensi S. Apri Ordinario observare licet; præter Dominicales Epistolas & Evangelia ad Missas feriar. iv. & vi. proprias
 » etiam Epistolas & Evangelia fuisse pronunciata: [Nimirum Domi-
 » nica 1 post oct. Epiphaniæ Epist.: *Habentes donationes*; Evang.: *Nuptia*
 » *facta*; feria 4. Epist.: *Andistis dispensationem*. Evangelium: *Regressus est*
 » *Jesus*; fer. 6. Evangelium: *Descendit Jesus in*. Dominica 2 Epist.: *No-*
 » *lite esse prudentes*. Evangel.: *Cum descendisset*; fer. 4. Epist.: *Fidelis*
 » *sermo*. Evangel.: *Circubabat Jesus totam*; fer. 6. Evangel.: *Exeuntes Pha-*
 » *risæ*. Dominica 3 Epist.: *Nemini quicquam*. Evangelium: *Ascendente Je-*
 » *su*; fer. 4. Epist.: *Sicut per unius*. Evang.: *Venit Jesus in patriam*; fer. 6.
 » Evangel.: *Factum est euntibus*. Dominica 4 Epist.: *Induite vos*. Evange-
 » lium: *Confiteor tibi*; fer. 4. Epist.: *Scimus quoniam judicium*. Evangel.:
 » *Offerebant Iesu*; fer. 6. Evangelium: *Homo quidam habebat*.] Cum verò
 propter brevitatem temporis, quod inter Epiphaniam & Sep-
 tuagesimam nonnunquam intercipitur, omnia Dominicarum officia,
 & Evangelia pronunciari non possent, id præstabant diebus feriali-
 bus infra ultimam ante lxx hebdomadam. Illud etiam non omitten-
 dum, quod ab octava Natalis Domini ad Purificationem B. Mariæ
 quotidie Nativitatis Domini commemorationem faciebant, saltem
 ita præscribunt M.S. S. Dionysij consuetudines & Compendientes: Adde
 » quod habent consuetud. Compendientes: [Missa matutinalis usque
 » ad Purificationem: *Puer natus*; similiter & omni feria 6. vacante di-
 » catur totum officium: *Puer natus*, ut in die Natalis, secunda oratio sit
 » de Dominica.

CAPVT VII.

De Purificatione Beate Mariæ.

1. **Q**uem prophanis superstitionisque lustrationibus, quasi Diis ma-
 nibus iusta redditura, antiqua gentilium religio dicavit diem,
 hunc vera sinceraque religione Christi Domini in templo Præsenta-
 tionis, ejusque genetricis Purificationi consecravit Ecclesia; de cujus
 p. 40. festivitatis nominibus, & antiquitate pluribus agit Menardus noster
 & seq. in notis ad librum Sacramentorum Sancti Gregorij Papæ, quem si
 lubet

lubet consule, & interim antiquos nostrorum hoc in festo ritus accipe.

2. Quinque potissimum in hac solemnitate investiganda sunt; ejus vigiliæ, nocturnum diurnumque officium, cereoram benedictio, processio, & Missa.

3. Vigiliæ Purificationis meminere maximè Dionysianæ, Compendientesque consuetudines; Dionysianæ quidem in hæc verba: [In vigilia Purificationis B. M. magna Missa festivè celebretur, ut in xii Lectionibus: Officium: *Puer natus est*: *Kyrie*, ut in xii Lect. *Gloria in excelsis* dicatur, si tamen in lxx evenierit non dicatur: Oratio: *Concede quasumus omnipotens Deus ut nos unigeniti*, secunda oratio de Martyribus, tertia de omnibus SS. Epistola, &, *alleluia*, Evangelium, Offert. Communio ut in die Natalis Domini, & sciendum quod ante Missam sonat Clasicum, & letania non dicitur:] Compendientes verdè sic: [Tertio Nonas Februarij Purificatio B. M. In vigilia ad Missam officium: *Puer natus*, totum officium, & oratio, & Epist. & Evangelium ut in die Natalis; Præfatio non dicitur, Missa B. M. in mane non cantetur; omnia fiant ut privatis diebus.]

4. Ad vigiliam referri etiam possunt primæ Vesperæ & Completorium: Vesperæ autem solemniter cantabantur cum antiphonis de Circumcisione Domini: *O admirabile commercium*, & psalmis de feria ex Lanfranci statutis, Compendiensibusque consuetudinibus; pro quibus Dionysianæ assignant Psalm. *Dixit Dominus: Confitebor: Beatus vir: De profundis*; Beccenses verdè psalmos de confell., scilicet: *Dixit Dominus: Beatus vir: Laudate pueri: Credidi*; quia eo die de S. Severo Episcopo & Confessore officium fecerant. Alij antiphonas de Nativitate: *Tecum principium*, &c. cum suis psalmis dicebant. Atque ita Tullenses S. Apri, Parisienses S. Germani, & in monasterio S. Petri supra Divam.

5. Capitulum: *Eccè ego mitto Angelum* & *Obiulerunt*, vel aliud, quod in Dionysiano, Compendiensique monasteriis à quatuor cantabatur in cappis; In Tullensi à Cantore & alio fratre item in cappis.

6. Hymnus non ubique idem: In Dionysiano, Compendiensi, & S. Petri supra Divam monasteriis cantabatur: *Quod chorus unum*; in Parisiensi S. Germani: *Ave maris stella*, in Tullensi S. Apri: *Lux maris*. Infra cujus hymni unumquemque versum, inquit, ordinarium ejusdem monasterij, [Cum dicitur: *Ave ave*, flectant omnes genua capita denudantes.]

7. Antiphona ad *Magnificat: Cum inducerent*, ex MS. S. Dionysij consuetudinibus ter dicenda erat; qua finita, inquit, ordinarium S. Apri [more solito dicatur *Pater noster*, preces non dicantur; sed *Y. Gaude Maria*, vel alius. Collecta: *Erudi quasumus: Benedicamus flori orto* dicatur; unus Cantor dicat litteram, & alius neuma super litteram.] Nalla hîc assignatur commemoratio; sed neque in Dionysianis, Com-

pendiensibus, Parisiensibus consuetudinibus, nisi fortè de Septuagesima si ea die evenisset; Sed in Ordinario S. Petri supra Divam de reliquiis, ac de omnibus SS. notatur commemoratio.

8. Post Vesperas fiebat processio ad S. Mariam, cum incenso ex Ordinario Tullensi, cantando & *Gaude Maria* cum sua Prosa: *Inviolata*; qua in processione oratorij thurificabatur altare ex Dionysianis consuetudinibus.

9. Ad Completorium quod spectat, notanda sunt hæc verba Tullensis S. Apri Ordinarij: [Hæc nocte ad Completorium dicto versiculo: *Custodi nos Domine*, incipitur à Cantore hæc antiphona: *Lumen ad revelationem* & cantetur Canticum: *Nunc dimittis*, quo dicto cum *Gloria Patri*, & prædicta antiphona finita sine jubilo in fine, dicitur *Kyrie* &c. quæ solent in Completorio dici.] His adde quod ibidem & in Ordinario S. Petri supra Divam præscribitur: [Ad hymnum Completorii & horarum diei cantentur finaliter & *Memento salutis auctor*, *Gloria tibi Domine qui natus es*.

10. Nocturnæ vigiliæ solemnî ritu cantabantur, quarum solemnitati illud maximè conferebat, quod apud Dionysianos Invitatorium à quatuor in cappis cantabatur, singula & à duobus, quartum & à tribus, octavum à quatuor, duodecimum à quinque, cujus in fine subjungebant prosam: *Inviolata*. Quod de Invitatorio hîc à quatuor in cappis decantando dicimus, in multis haud dubium monasteriis servabatur; præter Dionysianum res constat de Compendiensi; sed in Beccensi Beatæ Mariæ, & in Tullensi S. Apri id. præstabant duo Hebdomadarij item in cappis cum tertio Cantore, vel alio cui ipse injunxisset. Porro Invitatorium idem erat cum nostro, nempe: *Ecce venit ad templum* &c. de quo Tullense S. Apri Ordinarium: [Invitatorium; *Ecce venit* & cum tres Cantores dixerint *Dominator Dominus*, chorus reincipiat modicè altius ipsum Invitatorium.

11. De hymno hæc subjungit: [In primo nocturno duo hymni, scilicet: *Quem terra*, & *O gloriosa* simul dicantur;] Sed Parisienses S. Germani unico contenti, primum ad Vigiliæ, secundum ad Laudes decantabant; in aliis etiam monasteriis alij adhibebantur hymni; in Dionysiano: *A solis ortus*; In Compendiensi: *Quod chorus vatum* dicebatur.

12. Lectiones in antiquo Corbeienfi Ordinario notantur [de serm. B. Augustini: *Hodiernus dies magnum nobis contulit gaudium*. Alius: *Sic namque fratres per prophetam*.] In Dionysianis verò consuetud. octo Lectiones de sermone: *Si subtiliter à fidelibus*.

13. Cantica ex officio Nativitatis Domini desumebantur, scilicet: *Populus gentium*, sive ut alij habent: *Populus qui ambulabat*: *Urbs fortitudinis*: *Latere Ierusalem*, idque in omnibus monasteriis; saltem hæc assignant Statuta Lanfranci, conf. S. Benigni, antiquum Corbeienfe Ordinarium, liber Usuum Cisterciensium, & Beccensium, Dionysianæ.

Compendiensisque consuetudines, uti & Tullense S. Apri Ordinarium, neque ulli alij codices ref. agantur.

14. Quatuor ultimæ Lectiões ex homil. in Evang. : *Postquam impleti sunt*. Ultimum & *Gaude Maria* quod post versum repetebatur eique subjungebatur Prosa : *Inviolata*, ex Dionysianis, Compendiensibusque consuet., Ordinario Tullensi, ac Rituali Corbeienſi, & quidem à duobus bene cantantibus apud Dionysianos, & Compend. Laudes solemniter etiam cantabantur, in quibus hymnus : *Quem senex* in Dionysianis Compendiensibusque consuetudinibus adsignatur; *O gloriosa Domina* in Parisiensibus S. Germani; *Lux maris* in Tullensi S. Apri Ordinario; in quo etiam hæc habentur : [Matutinæ B. Mariæ non dicantur, Laudes omnium Sanctorum, & *Verba mea*, & psalmi familiares post horas debent dici.] Circa reliquas horas dici nihil singulare dicendum occurrit. Vesperæ cum antiphonis de Nativitate : *Tecum principium* &c. dicebantur ubique, idque cum hymno : *Inviolata intacta*, ex Dionysianis consuetudinibus; cum tamen Parisienses S. Germani, & Tullense Ordinarium cum, qui ad primas Vesperas dictus esset, adsignent.

15. Cereorum benedictio, sive, ut alij loquuntur, consecratio simul cum processione conjungenda est, quia revera simul conjungebantur olim, ipsaque cereorum consecratio in processione fiebat, aut saltem hæc illam immediate sequebatur.

16. In antiquioribus Ordinis nostri monasteriis in alio oratorio extra propriam ecclesiam, aut saltem in aliquo sacello quo processionaliter pergebatur cerei consecrabantur. Cassinenses in oratorio S. Martini, Einsidenses alique Germanorum monachi, Cluniacenses, Corbeienſes, Divionienses, uti & Tullenses S. Apri in oratorio B. Mariæ, Dionysiani in capitiō, hoc est in superiori parte ecclesiæ id præstabant. S. Dunstanus nullum locum specialiter assignat huic rei; sed generaliter statuit ut [in Purificatione S. Mariæ sint cerei ordinati in Ecclesia ad quam fratres ire debent, ut inde petant luminaria.] Illud ante sive post Tertiam omnes in cappis, aut minimum in albis processdebant. Ita S. Dunstani Concordia : [Euntes autem, inquit, silenter incedant psalmodiæ dediti, & omnes albis induti, si fieri potest, vel aëtis permiserit temperies;] Et consuetudines Germaniæ : [In Purificatione S. Mariæ post matutinalem Missam pergant in oratorium sanctæ ejusdem Dei Genetricis omnes in albis, & ibi cantent Tertiam, qua finita cappis se induant, deinde benedictis ab Abbate cereis &c.] Corbeienſes, Cluniacensesque cappas deferabant, quas ex præscripto S. Hugonis Abbatis ad Missam deponebant. Sed integrum hic processionis ordinem ex vetusto Cassinensium Ordinario describere juvat : [Finita Tertia, antecedente cruce, bini & bini incedant ad processionem, cantantes *ps. V. de te mirabilia*, antiphonam : *Hæc erat*, antiphonam : *Cum inducerent*. Post quos duo Acolythi cum incensis can-

R r 2

- delabris, & alij duo cum thuribulis, dehinc duo Sacerdotes purpureis
 induti planetis, gestantes præ manibus iconas habentes imaginem
 B. Mariæ; tertius verò Sacerdos post eos solus similiter indutus ferat
 habentem Præsentationem Christi in templo: post hunc duo Subdia-
 coni in dalmaticis, quorum unus ferat benedictionem cereorum in
 manibus, quos omnes sequatur Abbas, sive Sacerdos pluviali indutus,
 & sic ordinatè ingredienti ecclesiam S. Martini, vadat Abbas aut
 Sacerdos, qui Missam celebraturus est, ad altare, & oret; dehinc of-
 culetur altare, & Diaconus similiter, & sic juxta morem incipiat be-
 nedicere cereos:] Breviùs M. S. consuet. S. Dionysij: [Post Tertiam
 fiat processio in capitio, ut in Assumptione B. Mariæ, & si est Dominica,
 primo per claustrum, & cantetur antiphona: *O beata infantio*, & Post
 partum virgo, Oratio: *Deus qui salutis*: Sex procedentes cum Diacono,
 totidem cum Subdiacono, & Sacerdos quidam ferat brachium S. Simeon-
 nis, post orationem benedicat Dominus Abbas cereos.] Nonnulli tamen
 extra monasterium seu propriam ecclesiam non procedebant; sed ad
 principale basilicæ altare cereos consecrabant: Ita Beccenses, Lyren-
 ses, Compendienses, Cartusienfes & Casalini; ita etiam decernit
 Lanfrancus in Statutis: [Ad Tertiam sint omnino albis induti, dicta
 Tertia ponatur ante altare tapetum, ubi supra ponantur candelæ, quas
 benedicat Sacerdos;] Sed Parisienses S. Germani uti & Bursfelden-
 ses cereos consecrabant ad gradus Presbyterij quemadmodum disci-
 mus ex illorum consuetudinibus M.S. [Post Missam matutinalem Sacri-
 stæ ponent tapetum unum ad gradum, & ponent cereos congregati
 super tapetum: Abbas verò post Tertiam benedicet eos: Indutus
 verò erit indumentis Pontificalibus; duo cerei cum candelabris po-
 nentur ante cereos alios, facta benedictione cereorum &c.;] &
 ex istorum Ordinario clariùs, [Abbas cum ministris præparatus,
 c. 30.] mox procedat ad benedicendum ex more candelas, benedictionem
 peragens juxta formam in collectario descriptam, & fiat super ana-
 logio in gradibus Presbyterij collocato, candelis illic antea à Sacrista
 dispositis.
1. 1. 17. Benedictionis formam tradit Udalricus his verbis: [Candelæ
 c. 48.] quæ consecrandæ sunt, ibi consecrantur cum hac benedictione *Adesto*
supplicationibus nostris. Alia: *Domine Deus creator*.] Idem habent conf.
 S. Benigni c. 54. & antiquum Corbeienfis monasterij Ordinarium, in quo
 & illud additur: [In fine dicitur: *Per omnia sæcula seculorum amen: Do-*
minus vobiscum, Et cum Spiritu tuo: Sursum corda, Habemus ad Dominum:
Gratias agamus Domino Deo nostro, Dignum & justum: Verè dignum
& justum est æquum & salutare nos tibi semper, & ubique gratias agere
Domine sancte Pater omnipotens æterne Deus, fons & origo totius lu-
minis. Sicut in collectaneo continetur;] quam benedictionis formam
 habet etiam antiquum S. Germani à Pratis breviarium seu potius
 collectaneum. Aliam videre est in Tullensi S. Apri Ordinario, scilicet:

[Sacerdos dicat *Dominus vobiscum*, Oremus; *Cælesti lumine*. Alia: *Omnipotens clementissimè*. Item: *Domine sancte Pater*. Item: *Immensa majestatis*. Item *Omnipotens sempiterne Deus*.] Aliam item exhibet nobis S. Petri supra Divam Ordinarium his verbis: [Finita verò Hora, & stante Abbate juxta altare, incipiat Cantor antiphonam *Hodie Maria virgo*, qua cantata, dicat Abbas versum: *notum fecit: Dominus vobiscum*: unam orationem scilicet: *Erudi quasumus Domine*, statimque subsequatur: *Gaude Maria cum y Gabrielelem*, quem cantent quatuor senes sicut sunt in albis paratis. y. *Post partum* solemniter dicatur: *Dominus vobiscum*, & oratio: *Deus qui salutis*, deinde antiphona: *Veni lumen*, y. *Benedictus qui venit*, consequenter duæ orationes, nimirum: *Cælesti lumine* &: *Domine sancte Pater omnipotens æternæ Deus*.] Cartusienſes & Casalini unica oratione cereos consecrabant, præmissò ab utrisque: *Dominus vobiscum*, scilicet Cartusienſes Orat.: *Deus ineffabilis potentia*; Casalini verò Orat.: *Domine Iesu Christe lux vera*. Illud autem notatu dignum est, quod apud Dionysianos Abbas cereos benedicens *Sancti Simeonis brachium* dextera ferebat. Apud Cartusienſes verò Diaconus benedicendos tenebat.

18. Facta Benedictione, sola cereos aqua lustrali aspergebant Dionysiani, Compendienſes, Tullenſes, Cisterciensēs & Cartusiani; eaque apud Cartusianos à Procuratore cum aspersorio ad Sacerdotem allata: sed Calsinenſes, Cluniacensēs, Beccenſes, Lyrenſes, Bursfeldensēs, & Casalini ad aquæ benedictæ asperſionem, thuris etiam in cereos incensationem adhibebant: Parisienſes verò sancti Germani, Divionenſes S. Benigni, & Corbeienſes, cereos non incensabant nisi thurificato prius altari. Ita quippe isti in antiquiori Ordinario: [Post consecrationem aqua benedicta asperguntur, & prius incensato altari incensantur;] & illi in M. S. consuetudinibus: [Et dabitur incensum Abbati ad benedicendum; Abbas autem incensabit majus altare tantum, postea cereos. Incensatis verò cereis, asperget eos aqua benedicta.] Idem videre est in Ordinario S. Petri supra Divam: [Deinde Abbas aspergat cereos aqua benedicta, offerens incensum super altare, & super cereos, canentibus interim omnibus antiphonam: *hodie B Virgo Maria*, dictoque y, *viderunt oculi mei*, subsequantur duæ orationes, scilicet: *Immensa majestatis*, & *Omnipotens sempiterne Deus*.

19. Præter hanc cereorum benedictionem, benedicebatur etiam & ignis, unde essent illuminandi. saltem id præscribunt M. S. cons. Canonicoꝝ Regularium S. Rufi hæc in verba: [Igitur post Tertiam induti Sacerdos in cappa, ministri in albis, & Ceroferarij duo, & ad crucem tertius, paratisque cereis, & igne de cilice vel cristallo noviter excusso, prius à sacratio cum *Miserere mei Deus* procedant ad altare Sancti Augustini, ibique Sacerdos benedicat ignem

R r 3

„ & post dicit ibi Sacerdos orationem *Domine sancte Pater O. A. D. bene-*
 „ dicere dignare ignem istum, quem nos. *Alia: Domine Deus Pater*
 „ *omnipotens, lumen indeficiens, conditor omnium luminum,* cum psal.
 „ *Latus sum;* Deinde veniant ad altare majus, ubi benedicens cereos
 „ aspergat eos aqua benedicta.] Idem præstabant etiam Cartusien-
 c. 46. „ monachi, ut patet ex his Ordinarij eorum verbis: [Completa bene-
 „ dictione altaris, cerei, & lampades quæ ante ipsam benedictionem ex-
 „ tinctæ fuerant, ex benedicta lucerna accendi debent;] sed hanc ignis
 „ benedictionem absque precibus, & collectis, cum sola aquæ bene-
 „ dictæ aspersione faciebant: Nimirum [Diaconus candelam in later-
 „ na accensam super altare ponebat] completaque benedictione, tam
 „ lucerna, quam ipsi cerei aqua lustrali conspergebantur.

20. Benedicti ergo cerei, igne etiam benedicto, sive non bene-
 dicto accendebantur, distribuebanturque; sed hæc cereorum distribu-
 tio duobus modis fiebat, vel ab Abbate seu Sacerdote qui eos bene-
 dixerat, ad quem singuli bini & bini de choro accedebant; vel à cu-
 stode, hoc est Sacrista singulos in choro remanentes conveniente. Pri-
 mum in usu fuisse apud Calsinenses docet nos vetus eorum Ord-
 „ narium, cujus hæc verba: [Tunc illuminentur, & manu Sacerdo-
 „ tis seu Abbatis primò ministris altaris, deinde fratribus per ordinem
 „ expendantur, ipso incipiente: *Lumen ad;* deinde canatur canticum:
 „ *Nunc dimittis,* & post omnes versus ejus ipsa antiphona repetatur.
 „ Sequitur antiphona: *Hodie beata.*] Idem videre est in supra citatis
 „ consuetudinibus Canonic. Regularium: [Finita oratione, egrediun-
 „ tur fratres bini & bini sicut sunt ordinati in choro, & accedentes ad
 „ Sacerdotem accipiunt ab eo singuli cereos, osculantes manum ejus,
 „ quibus acceptis redeunt ordinati in choro.] Idem etiam observabant
 „ Cartusien- & Casalini ut patet ex rubricis utrorumque Missalis:
 „ Cartusien- verba hîc non sunt omittenda: [Primoque Episcopus
 „ & Abbas si affuerint: Deinde Prior ad gradum altaris genua flectens
 „ de Sacerdotis manu candelam accipit, & osculatur manum Sacer-
 „ dotis; & postea Religiosi hospites si adsint, postmodum primus
 „ in ordine, & sic per ordinem; postea Laici fratres & Redditi. Dia-
 „ conus ultimus duas simul candelas porrigit Sacerdoti, quarum unam
 „ de ipsius manu accipit, alteram retinet Sacerdos sibi.

21. Posterior verò modus in omnibus pene Ordinis nostri monaste-
 n. 30. „ riis receptus fuit, ut patet ex antiquis Germaniæ consuet.: [Bene-
 „ dictis ab Abbate cereis, inchoet Cantor antiphonam: *Ave gratia*
 „ *plena.* Tunc à Custode distribuuntur cerei, sequaturque alia antipho-
 „ na: *Adorna,* qua finiente redeant ad majorem ecclesiam, & dum
 „ introierint, incipiat Abba antiphonam: *Cum induceretur;* deinde pul-
 „ sentur omnia signa, & sic incipiant Introitum;] Ex Concordia Dun-
 c. 3. „ stani: [Abbas stola & cappa indutus benedicat candelas & consper-
 „ gat aqua benedicta, & thurificet; & sic accepto cereo ab Aedituo,

psallentibus cunctis, accipiant singuli singulos, acceptosque accendant;] c. 1.
 Ex Statutis Lantfranci: [Postea Custos dividat eas, singulis singulas §. 2.
 tribuens; cum autem ceperint accendi, Cantor incipiat antiphonam: *Lumen ad revelationem*, &c.;] Ex vetusto Corbeienſi Ordinario: c. 47.
 [Armarius unum de fortioribus cereis ad opus Diaconi eligit, & si-
 militer in ramis palmarum unam de palmis; Inter accendendum autem
 dicitur antiphona: *Lumen ad revelationem*, quam Abbas vel Arma-
 rius, accenso Abbatis cereo, incipit, ac post versum ejusdem qui est:
Nunc dimittis Domine, repetit, post divisionem cereorum dicitur col-
 lecta: *Domine Deus Pater omnipotens, lumen indeficiens*;] Clarius ex li-
 bro Uſuum Cisterc.: [Cantor itaque cum Abbati candelam accensam
 obtulerit, imponat antiphonam: *Lumen ad revelationem*, cui etiam
 subjungat *ψ. Nunc dimittis*, ut in libris invenitur; interim Secretarius
 suo adjutus solatio, & quibus à Priore jussu fuerit, reliquas can-
 delas monachis, & novitiis, ac Conversis, laicis, familiæ etiam,
 atque hospitibus, si affuerint distribuat;] Ex lib. Uſuum Beccensium:
 [Dicta Tertia ponatur ante altare tapetum, ubi superponantur
 candelæ, quas benedicat, & incenset, & aspergat aqua benedicta
 Sacerdos alba & stola indutus; quibus benedictis, custos dividat eas
 singulis singulas tribuens; cum autem ceperint accendi Cantor in-
 cipiat antiphonam: *Lumen*,] sive ut habet alius codex: [Dicta
 Tertia Abbas cappa indutus, stola manipulo; vel Sacerdos stola tan-
 tum, & manipulo indutus cum alba benedicat candelas ante altare,
 & incenset, & aspergat aqua benedicta; quibus benedictis accen-
 dant cereum Abbatis, & Cantorum, & eorum qui in conventu sunt:
 Tunc Cantor incipiat: *Lumen ad revelationem gentium*, *ψ Nunc di-*
mittis...] Dum hæc cantantur, Secretarij dividunt candelas singulis,
 & Cantor præparat processionem; Ex Tullensi S. Apri Ordinario:
 [Iis finitis, aqua benedicta cereos aspergat, & à Cantoribus incipia-
 tur: *Veni lumen tuum*, qua finita, incipiatur à Cantoribus: *Lumen*
ad revelationem, & canetur ab omnibus cum psalmo: *Nunc dimittis*,
 & per unumquemque versum repetatur antiphona: *Lumen*... Inte-
 rim Sacrista incipit in dextro choro à superioribus, & socius suus
 in sinistro cereos fratribus, & Conversis, sororibus quoque, & ex-
 traneis, si affuerint, distribuendo;] Ex Ordin. S. Petri supra Divam:
 [Quibus finitis, accenso cereo Abbatis, ubi accenderit alios, imponat
 antiphonam: *Suscipiens Iesum*; deinde suscipientibus à Secretario om-
 nibus, & accendentibus ordinetur processio;] ex consuet. Lyr.: [Qui-
 bus dictis, accendant cereum Abbatis & aliorum, Cantore incipiente
 antiphonam: *Lumen ad revelationem*... Dum hæc aguntur Secretarij
 dividunt candelas singulis, incipientes à senioribus;] Denique ex
 Ordinario Bursfel tensium: [Diaconus ipsi Abbati candelam tradat
 Interim Sacrista suo adjutus solatio candelas monachis, novitiis,
 Conversis, & aliis fratribus laicis, seu etiam hospitibus distribuat. c. 30.

22. Facta cereorum distributione, processionem inchoabant, aut inceptam jam prosequiebantur, pro qua vetus Calsinenſe Ordinarium
 „ [Expenſis, inquit, cereis, imponit choruſ antiphonam: *Exurge Domine* psalm.: *Deus auribus*, & *Gloria*: Deinde ad repetitionem: *Opus*
 „ quod. Tunc dicat Sacerdos: *Oremus*, & Diaconuſ *Flectamus genua*, &
 „ alter: *Levate*, niſi forte Dominicuſ dieſ fuerit & dicat orationem:
 „ *Erudi quaſumus*: Quo facto, revertantur ad eccleſiam S. Benediſti ſicut
 „ venerant, cantando antiphonaſ haſ: *Ave gratia* & *Adorna*; ante ec-
 „ cleſiam: *O Dei genetrix*, & ſic intranteſ eccleſiam, incipiant Miſ-
 „ ſam;] & conſuetudineſ S. Germani à Pratiſ: [Poſt ordinabitur pro-
 „ ceſſio: Diaconuſ portabit jocale argenteuſ, conventuſ ibit per cho-
 „ ruſ ad proceſſionem in capellam, Cantor incipiet antiphonam: *O*
 „ *beata infantia*; Abbaſ incenſabit altare capellæ, & aſperget aqua be-
 „ nedicta, Incenſato altari ad ſtalluſ ſuuſ redibit: Cappellanuſ tenebit
 „ libruſ coram eo; ¶ Poſt partuſ, poſt ¶ *Dominuſ vobiſcum*: Oratio:
 „ *Perſice in nobiſ Domine gratiam tuam*. Finita oratione, ferenteſ aquam,
 „ crucem, & cereoſ exhibunt primò, poſtea conventuſ totuſ ordinatè,
 „ Abbaſ extremuſ exhibit, & ibunt omneſ per clauſtruſ, non fiet ſtatio
 „ in navi monaſterij, immo ibunt directè in choruſ, antiqui ſtabunt
 „ in ſtalliſ circa majuſ altare, & junioſ ſtabunt in ſtalliſ ſuiſ ſicut
 „ eſt conſuetuſ diebuſ Dominiciſ, Abbaſ ibit in veſtiariuſ, & induet
 „ ſe veſtimentuſ ſolemnibuſ.] Illud autem obſervanduſ in Dionyſia-
 „ niſ conſuetudinibuſ, quod in antiphona: *Reſponſuſ accepit*, quæ
 „ ad ſtationem in navi eccleſiæ cantabatur, ad verba: *Accipit eum*. U-
 „ nuſquiſque textuſ ſuuſ, & cruceſ accipiebat, ſtando donec illic fi-
 „ niretur.

23. Miſſa ſolemniter ut in hujuſmodi ſolemnitatibuſ fieri ſolebat,
 cantabatur; ſed apud Cluniacenſeſ, Divionenſeſ, & Corbeienſeſ ſine
 „ cappiſ, idque ex S. Hugoniſ Abbaſiſ præſcripto, [non ad diminu-
 „ tionem tantæ ſolemnitatiſ; ſed ut expeditiuſ ipſi cerei portentur, &
 „ ne ipſæ cappæ ex deſtrente cera detrimentuſ patiantur,] inquit, vetuſ
 „ Ordinarium Corbeienſe, quæ cauſſa etiam exitit cur apud Pariſien-
 „ ſeſ S. Germani treſ cantanteſ *alleluia*, non induebant cappas ſcilicet
 „ propter cereoſ, quoſ ex antiquo Ordiniſ noſtri uſu tenebant ubique ac-
 „ cenſoſ uſque ad offertoriuſ; hoc enim tempore unuſquiſque celebranti
 „ c. 3. „ Sacerdoti ſuū cereuſ offerebat. [teneant luminaria in manibuſ,
 „ inquit S. Doſtlanuſ, donec poſt oblationem ea Sacerdoti offerant;]
 „ l. 1. „ quod diſtinctiuſ explicat Udalricuſ [ad offerendam oblatiſ primò ho-
 „ c. 48. „ ſtia, & vino offeruntur quoque, Diacono inchoante, candelæ.] Simi-
 „ liter antiquuſ Corbeienſiſ monaſterij Ordinarium, & Divionenſeſ S.
 „ Benigni conſuetudineſ c. 54. [ad offerendam primò oblatiſ hoſtiis,
 „ & vino; offeruntur quoque ab omnibuſ, ab illiſ etiam qui aliſ die-
 „ buſ non vadunt ad offertoriuſ, & etiam ab infirmiſ cerei, inchoante
 „ c. 47. „ Diacono;] Lib. Uſuſ Ciftercienuſ: [Poſtquam Diaconuſ Evan-
 „ gelium

gelium legerit, & Abbati munus Deo sacrandum obtulerit, ipseque
 Diaconus idem munus more solito super altare ordinaverit, Abbas cande-
 lam suam reddat Sacristæ, & Diaconus Abbati suam offerat, & postea
 Subdiaconus: Deinde veniat Abbas ad gradum Presbyterij, & ceteri
 offerant candelas suas à Prioribus incipientes, manum Abbatis, vel
 Sacerdotis, si Abbas defuerit, osculando. Quas candelas Sacrista, &
 solatium ejus à manu Abbatis suscipientes extinguant;] Conf. S.
 Gennani à Pratis: [Post offertorium omnes post Priorem offerent ce-
 reos suos ad manum Abbatis.] Idem continetur in Ordinario S. Pe-
 tri supra Divam, & in Tullensi S. Apri. Denique Bursfeldenses: [Post-
 quam, *inquant*, jam Deo sacrandum munus incensaverit Abbas, Dia-
 conus candelam suam Abbati offerat, deinde Subdiaconus, & con-
 sequenter ceteri ordine suo secundum tempus conversionis venientes
 per retro altare, candelas suas offerant, deosculantes singuli dextram
 Abbatis in cornu altaris dextro. Sacrista verò easdem candelas sus-
 cipiens extinguat, intingens eas aquâ, quæ ibidem ejus procuratione
 habebitur in promptu;] & Cartusienſes: [Finito offertorio, sed dilata
 thurificatione, offerimus Sacerdoti ad gradum altaris cereos; primo
 Diaconus suum, atque celebrantis; deinceps alij eodem ordine quo
 suscepti fuerunt cum genuflectione simul & osculo manus sicuti prius.]
 Uni ab aliis discrepabant Cassinenses nostri, quorum in Ordinario
 hæc lego: [Intrantes ecclesiam incipiant Missam, & usque ad finem
 cereos ipsos teneant.] Singulare est etiam quod apud Beccenses at-
 que Lyrenſes Abbatis seu Sacerdotis celebrantis cereus accensus re-
 manebat, non solum tempore Missæ, sed usque post Completorio-
 rum: [Qui cantat Missam, *inquit Liber Usuum Beccensium*, teneat
 assidue cereum suum in manu usque ad offertorium; tunc ponatur
 in dextra parte altaris super unum candelabrum, & iterumumat
 eum ad ultimam orationem; cereus ille non extinguitur post Mis-
 sam; sed post Completorium; sed tota die ardeat ante majus altare
 super unum candelabrum;] & consuetudines Lyra: [Unusquisque
 autem assidue teneat cereum suum in manibus usque ad offertorium,
 finito offertorio offerat Cantor sive Abbas, vel Prior, si sunt in choro,
 & non cantant Missam, hostiam & vinum, ut mos est; & deinde
 cereum suum, ceteris subsequentibus qui tenent chorum, & alijs
 per ordinem. . . . Qui cantat Missam teneat assidue cereum suum in
 manu usque ad offertorium; post offertorium ablutis manibus, rur-
 sum accipiat cereum in manu sinistra inter digitos; ad *Qui pridie*
 accipiat eum Levita, & teneat eum usque ad *V. de memoria*, & iterum
 tradat eum Sacerdoti usque ad *Per ipsum*; Deinde teneat eum, Levita
 vel Subdiaconus usque ad postcommunionem: Dicto *Ite Missa est*, vel
Benedicamus accipiat Secretarius cereum, & ponat super candelabrum
 ante altare, & non extinguatur post Missam, sed post Completorium,
 ut ardeat tota die.

24. Hæc sunt præcipuè, quæ cereos spectant. Ceterum hæc in Missa, si festum Purificationis in Septuagesima accidisset, tractus à quatuor monachis, aut sex, aut octo secundum locorum consuetudinem cantabatur. Post sequentiam ab uno cantore cantante dicebatur apud Dionysianos antiphona: *Homo erat*, apud Compendienses: *senex*. Præfatio *Quia per incarnati*. Denique in Ordinario Corbeiensi hæc lego: [Ad maiorem Missam duæ collectæ ad complendum leguntur.] Et hæc de festo Purificationis, quibus & illud addo quod in Ordinario Cassinensi continetur: [Ab hac die usque in palmis, quotiens bis in die comedunt, surgentes à mensa expectent servientes, ut simul cantent nonam.] Idem habetur in M. S. Germaniæ consuet. n. 30. in Cluniac. apud Udalric. l. i. c. 48. In Statutis Lanfranci c. i. §. 2., in l. Us. Beccensium, consuet. Lyr., ut scilicet post Nonam omnes simul in refectorio ad potum pergerent, quod tamen cavent Divionenses S. Benigni cons. c. 54.

CAPVT VIII.

De Septuagesima &c. usque ad feriam iv,
in capite j. junij.

1. **H**Ac die tristitiæ tempus incipit in Ecclesia; hinc solemnisi *alleluia* depositio, de casu Adami ad nocturnos Lectio, ornamentorum ad divina mysteria mutatio, & alia id genus nonnulla, quæ pro instituti nostri ratione paucis perstringenda sunt.

2. Etsi Regula S. Benedicti usque ad xl. *alleluia* cantari permittat, multis tamen jam ante sæculis usus apud Nostros invaluit, ut secundum communem Ecclesiæ consuetudinem ex toto dimitteretur in lxx. Extat hæc de re Decretum Concilij Aquisgranensis statuentis, c. 30., *ut alleluia in Septuagesima dimittatur*, quod in omnibus communiter Ordinis Benedictini monasteriis postea receptum fuit, qua de re consule dicta in comm. ad c. 15.

3. Sed in deponendo *alleluia* non una exitit monasteriorum monachorumve consuetudo. Alij enim à Vesperis Sabbati, alij post Vesperas à Completorio, alij sola Dominica lxx ad nocturnos illud omittere incipiebant. Primum observabant in monasterio Sancti Petri supra Divam, ut discimus ex Ordinario ejusdem monasterij: [Dominica prima Septuagesimæ: Sabbato ad ix pullatur unum de minoribus signis, ad Vesperas prætermittitur *alleluia*, & deinceps;] & rectè ut mihi videtur omnino, nam Dominicæ officium à Sabbato incipit. In alijs tamen vulgò etiam ad Vesperas retinebatur,

in quibus etiam omnino solemniter cantabatur, hoc est ad omnes antiphonas, tam super psalmos, quam ad Canticum *Magnificat*, ut videre est in antiquo Corbeienſi Ordinario, Dionysianis, Compendienſibusque conſuetudinibus, Tullenſi S. Apri Ordinario, & conſuetudinibus M. S. Canonicoꝝ Regularium S. Ruſi: Immo etiam in *re* quod poſt Lectionem ſive capitulum dicitur, quemadmodum præſcribitur in antiquis Corbeienſi, Tullenſique Ordinariis & in Breviario S. Germani à Pratiſ, in quo etiam pro antiphona ad *Magnificat* notantur undecim *alleluia*: *Benedicamus* etiam cum duplici dicebatur *alleluia*, excepto Corbeienſi monaſterio, in cujus Ordinario antiquo hæc legimus: [*Benedicamus Domino* ſine *alleluia* quia numquam *alleluia* ad *Benedicamus Domino* apponitur, niſi quando à duobus vel à pluribus ante altare canitur. Poſt Veſperos nec ad ſuffragia SS., nec ad Veſperos de omnibus SS., ſed nec aliud aliquid uſque in vigilia Paſchæ *alleluia* dicitur:] Sed in Beccenſi, atque Lyrenſi monaſteriis *alleluia* etiam ad Completorium retinebatur, ut diſcimus ex iſtorum conſ., & illorum libro Uſum, in quo hæc habentur: [Sabbato ante Septuageſimam ad Veſperos, & Completorium dicitur: *Alleluia*; ad Matutinum: *Laud tibi Domine*.

4. Ad nocturnos Invitatorium à duobus in albis cantabatur, ſaltem in inſignioribus monaſteriis; in Compendienſi tamen in frociſ. Ad Lectiones primi ſecundique nocturni, præmiſſo S. Hieronymi prologo, Eptateucum incipiebant, quem ex integro ante Quadrageſimam ſive in choro ſive in reſectorio decurrebant, quemadmodum videre eſt in Caſſinenſi, antiquoque Corbeienſi Ordinario, & apud Udalricum: Et quidem Caſſinenſe Ordinarium [Lectiones, inquit, in prima & ſecunda vigilia ſiant de Eptateuco, qui hac nocte ponendus eſt ad legendum, & totus legatur uſque in quarta feria caput jejuni; in tertia vigilia homilia legatur.] Apud Cluniacenſes & Corbeienſes integer Geneſeos liber infra primam hebdomadam in ſolo choro legebatur, detractis tamen inde nonnullis Lectionibus ad alias Dominicas: Teſtatur Udalricus cum de Lectionibus per annum legendis ita loquitur: [Ut incipiam de librorum omnium antiquiſſimo ideſt octoteucho, hic liber, ut mos eſt generalis, & in aliis eccleſiis & Septuageſima, ponitur ad legendum. In ipſa Dominica ſunt Lectiones ſatis breves, præter ad primam lectionem, prologus ille: *Deſiderij mei* expenditur totus. Per ſequentes noctes ita protenduntur, ut in illa una ſeptimana Geneſis perlegatur, & in eccleſia tantum. In Sexageſima Exodus inchoatur, & ſimul cum aliis voluminibus quæ leguntur. Legitur utrumque & in eccleſia & in reſectorio, ita ut ubi Lectionis terminus fuerit lectæ, ibi ſemper initium fiat legendæ die ſequenti; & ſi non ante, tamen intrante Quadrageſima ex toto perlegitur Octoteuchus, ex quo tamen ad Dominicas ſunt lectiones exceptæ.] Et antiquum Corbeienſe Ordinarium. [Octo Lectiones de

„ Genesi : Ad primam lectionem prologus totus legitur , ad reliqua
 „ septem legitur usque : *Finis autem quatuor ipse est Enfractus* ,
 „ & in ipsa hebdomada totum quod restat in ecclesia legitur ,
 „ quamvis ad quinque Dominicas , vel inde excipiantur.] In
 „ M. S. etiam Sancti Dionysij in Francia consuetudinibus hæc le-
 „ go : [Et debet provideri ut à Septuagesima usque ad Quadragesimam
 „ legatur Genesis ex integro ad matutinas ; reliqui verò libri qui se-
 „ quantur , legantur in refectorio ad prandium] Cistercienses verò hac
 1. Ut „ de re sic decernunt : [A Septuagesima usque ad Dominicam , qua
 c. 11. „ libri dividuntur , pars Genesis ad vigilias legatur ea , quæ vigilia-
 „ rum Lectionibus per totum hoc tempus ad arbitrium Cantoris con-
 „ venienter sufficere possit , reliqua verò pars si quid ab his vigiliis re-
 „ siduum est , alique libri qui sequuntur usque ad libros Regum in
 „ refectorio legantur ; ubi hoc sollicitè provideatur , ut ante Domini-
 „ cam , qua canitur officium : *Judica me Deus* , perfecti sint.] Paulo
 c. 1. „ aliter Lanfrancus in Statutis [Quinque libri Moyse , inquit , & Josue ,
 s. 3. „ & Judicum , & Ruth ; ad legendum ponantur in Dominicis diebus ,
 „ & ceteris XII Lectionibus usque ad Pascha .

5. Ad Laudes prima antiphona ab Hebdomadario , reliquæ à Prio-
 ribus incipiebantur ex M. S. consuetud. S. Dionysij , Tullensi Ordina-
 rio , & S. Petri supra Divam .

6. Missa Matutinalis si ante Purificationem lxx contigisset , de Nati-
 vitate ; si postea , de Trinitate ; saltem ita præscribunt S. Dionysij
 consuet. Major festivè quidem , sed sine *Gloria in excelsis* , sine *Te igitur*
sa est , sine *alleluia* & sequentia , cujus loco tractus cantabatur à duobus
 in medio chori ex Ordinario S. Petri supra Divam , & Tullensi S. Apri ,
 „ ubi tractuum cantandorum ritus describitur his verbis : [Tractus
 „ *De profundis* : hunc tractum duo fratres in tabula nominati cantant
 „ in albis , & circa finem cujusque versus chorus residuum sumens finit
 „ ipsum versum : finito autem sic ultimo versu , duo qui cantant rein-
 „ ciunt primum versum , & chorus prosequitur ; quod de aliis tra-
 „ ctibus similiter faciendum est diebus Dominicis & festis XII lectionum ,
 „ in quibus festivè legitur ab hac die usque ad cœnam Domini . In omni
 „ autem tractu tam in Dominicis , quàm in festo sedet chorus , præterquam
 „ in Annunciatione Dominica . Tractus Dominicalis per hebdomadam non
 c. 12. „ dicitur.] Apud Cistercienses verò [Omnes tractus ab utroque choro al-
 „ ternatim cantentur ,] inquit liber Usuum .

7. Hanc etiam ad Missam nec Diaconus dalmatica , nec Sub-
 diaconus tunica , sed planetis nigris utebantur apud Cassinenses
 ut supra vidimus in Adventu ; Cassinensibus subscribit Lanfran-
 c. 1. „ cus in Statutis his verbis : [Dalmatica & tunica ad Missam us-
 s. 3. „ que a cœnam Domini minimè induantur , loco earum casulis mi-
 „ nistri vestiantur ;] & consuetudines S. Dionysij in Francia : [Et scien-
 „ dum est quod ab hac die usque in Pascha non induitur Diaconus

dalmatica, nec Subdiaconus tunica; sed induantur infulis, nisi Missa sit de aliquo sancto, & nisi sit feria v, vel Sabbatum, & Missa sit de Beato Dionysio, vel de Beata Maria. Idem videre est in Tullensi S. Apri Ordinario, & in M. S. S. Cornelij Comp. consuetudinibus. Ceterum quia tristicie tempus in Septuagesima incipere diximus, ab hac die adipem ex toto dimittebant, qua de re in comm. ad cap. 39. sed ex hac tristitia nonnihil excusserant nostri Dionysiani, quorum M. S. consuetudines hæc habent: [Et sciendum est quod in v feria, & Sabbato, & xii Lectionibus reficient fratres bis usque feria iv in capite jejuni].

8. Infra hebdomadam propriæ singulis diebus dicebantur ad *Magnificat* & ad *Benedictus* antiphonæ, cum quibus etiam in festis duodecim triumve Lectionum commemorationem faciebant, ut patet ex Dionysianis consuetudinibus; licet in festis nullam nostri Tullenses de tempore memoriam ad Vesperas, Laudesve facerent.

9. Ad Missam privatis diebus tractum non cantabant. Feria iv. & vi. eam cum propria Epistola & Evangelio celebrabant. Epistolas & Evangelia hæc nobis repræsentat Tullense S. Apri Ordinarium. Infra hebdomadam lxx. [Feria iv Epistola: *Festinemus ingredi*; Evangelium: *Egressus Iesus bar*; feria vi epistola de Dominica: Evangelium: *Fatum est dum completeretur*; & infra hebdomadam lx [feria iv. Epist. *Recogitate*. Evangelium: *Qui non est mecum*; feria vi Epistola de Dominica. Evangelium: *Interrogatus Iesus*.] In Dionysianis consuetudinibus nulla infra Septuagesimam notantur Evangelia; infra lx verd [Evangelia infra hebdomadam dicenda ad magnam Missam vel matutinalem: *Congregata sunt*. Aliud: *Congregata est ad Iesum*;] & infra l. : *Egrediente Iesu* Aliud *Proficiente*.

10. De festo trium Lectionum infra hebdomadam quomodo fieret, ita describunt Dionysianæ consuetudines: [Si tres Lectiones de aliquo sancto evenerint, ita fiant. Invitatorium de sancto, Hymnus, antiphonæ, psalmi ad ambos nocturnos de feria, versus de sancto, Lectiones de Genesi, & de Sancto. In secundo nocturno capitulum, versus, & oratio, & cetera omnia ad Laudes, & ad horas in die de sancto sunt. Idem ordo teneatur in omnibus aliis feriis, qui & in secunda feria usque in capite jejuni]. In festis verd xii lect. totum officium de Sancto cum comm. feriæ fiebat; in lx & l. idem omnino Ordo Divini Officii servabatur; sed in Tullensi Ordinario Lectiones ad primum secundumve nocturnum in lx sic incipiunt: *Nemo qui resistit*; in l. verd *Fides est religionis*, quæ erant haud dubium ex sermone alicujus sancti.

11. Unum hæc de l. observandum restat ex Concordia Dunstani: [A Quinquagesima, inquit, quadragesimalem teneant abstinentiam mores solito.] Dunstanum explicant Germaniæ consuetudines decernentes, ut in quinquagesima ova, & caseum dimittant; hinc de Cluniacensibus

lib. 1. „ Udalricus : [In quinquagesima, inquit, quia de cetero nec caseum,
c. 49. „ nec ova comedimus, post Vesperos ad cœnam de ipsis ovis coctis in
„ pipere habemus generale, quod toto anno amplius non contingit, ut
„ aliud quid ea vice habeamus præter solum panem, & si fortè sunt
„ in promptu cruda poma, vel ea quæ in ferramento characterato de
„ conspersione farinæ tenuissimæ sunt, & ab hominibus Romanæ lin-
„ guæ nobulæ, à nostratibus appellantur oblatae.] Simile aliquid extat
in antiquo Corbeienfi Ordinario, & in libro consuetud. S. Benigni Di-
vionensis, ex quibus octo ova duobus monachis apponi debebant, &
pittantia de pane cocis ministrari.

CAPVT IX.

De Capite jejuniij.

1. C Aput jejuniij appellarunt majores nostri quatuor illos dies, qui
Dominicam primam xl præcedunt, & à quarta feria à cineribus
fidelium pœnitentium capitibus imponendis, cinerum dicta incipiunt:
in quibus consuetum psallendi ordinem per annum, saltem multis
in locis retinuerunt nostri, una excepta ad *Benedictus* & ad Vesperas
antiphona quæ erat propria sicut & oratio: Hinc Compendienses S.
Cornelij consuetudines: [Feria quarta, inquit, omnia fiant de fe-
ria, ad *Benedictus* antiphona *um jejunitis*, oratio: *Concede nobis Do-*
mine. Ad horas dicantur antiphonæ, & orationes de feria;] & infra,
„ [In iis quatuor diebus omnia fiant de feriis, præter antiphonam ad
„ B. & ad Magn. & orationem.] Suffragantur consuetudines S. Dionysij
in Francia, à quibus suas acceperunt nostri Compendienses, in quibus
etiam ad nocturnos Lectiones de Genesi assignantur. Cluniacenses
verò propria etiam capitula ad nocturnos habebant, atque ad horas
diurnas testante Udalrico his verbis: [In capite jejuniij inchoatur ut
1. 1. „ nec ad nocturnos, nec ad alias horas capitulum, quàm quod de jeju-
c. 50. „ nio sit, dicatur.] Udalrico subscribunt & vetus Corbeienfis monaste-
rij Ordinarium, & Divionenses S. Benigni consuetudines.
2. De collectis autem addit Udalricus: [Ad tertiã, & ad alias
„ horas sequentes collectæ pro peccatis, quarum prima est: *Exaudi*
„ *quasumus Domine*] (quæ nimirum per totam xl. dicebantur ut haber
„ vetus Corbeienfe Ordinarium) [Ad Matutinas Laudes, & Vesperos
„ de ipsa die. Ad nocturnos eadem quæ per totum annum in privatis
„ noctibus dicebantur;] idque per totam Quadragesimam ex Ordina-
rio Corbeienfi, quibus penè conveniunt Divionenses S. Benigni con-
e. 55. „ suetudines sic scribentes: [Ad Tertiã & duas sequentes Horas
„ collectæ pro peccatis sicut & per totam xl. in diebus privatis. Ad Ma-

rurinos vel Vesperos de die. Ad nocturnos sicut capitula, si etiam col-
 lectæ de instanti tempore dicuntur secundum quod in collectaneo
 continetur.] Singulare est illud quod in Tullensi S. Apri Ordinario,
 legimus, nimirum ad nocturnos iv. feriæ Lectiones de Evangelio :
Cum jejunatis. Capitulum : *Convertimini ad me* & collectam : *Concede*
nobis Domine presidium. Ad Laudes Capitulum : *Convertimini ad Do-*
minum. & *Adjuvator meus* ; antiphonam ad Benedictus : *Cum jejunatis* ,
 & collectam : *Præsta Domine fidelibus.* Ad Primam antiphonam : *me*
etenim. Ad Tertiam antiphonam : *Quare jejunavimus* ; capitulum de je-
 junio, collectam ut in Laudibus. Ad Sextam antiphonam : *Quis scit*
si convertatur. Capitulum & collecta de jejunio. Ad Vesperas capitulum
 de jejunio, & *Spes mea*, ad Magnificat antiphonam : *Thesaurizate vo-*
bis, & collectam : *Inclinantes*, reliqua omnia de feria. His consentit
 in nonnullis S. Petri supra Divam Ordinarium. Breviter verò hac de
 re Cartusienſes in ſuo : [In Capite jejuni] capitula nocturna &
 diurna, orationes quoque ad Laudes, Tertiam, & Vesperas mu-
 tamus; Sed non versiculos; ad Sextam tamen & Nonam infra hebdo-
 madam orationes consuetae per annum usque ad Cœnam Domini non
 mutantur.] Hæc de officio feriæ iv. in capite jejuni pauca dicta suf-
 ficient, nunc de cinerum benedictione, quæ huic diei peculiaris est,
 breviter differendum est.

3. Cinerum benedictio tam apud monachos quàm apud clericos
 solemniter semper celebrata fuit: Huic in monasterio sancti Petri
 supra Divam solemniter peccatorum absolutio præmittebatur, cujus ritus
 in ejusdem Ordinario & collectaneo describitur his verbis; [Post
 Sextam revertantur fratres ad colloquium; interim unum pulsetur
 de majoribus signis ad absolutionem, cùmque tempus fuerit, sonetur
 præparatio Missæ, & tunc procedant in dormitorium, venientesque
 in capitulo discalcient se, lavent, præparent, veniant in oratorium.
 Reveltutus interim Abbas alba parata, manipulo, stola, & cappa
 serica, vadens ad altare incipiat septem psalmos, quos idem & omnes
 prostrati dicant; quibus finitis, dicta oratione Dominica: *Pater noster*
 erigat se solus Abbas dicens: *Et ne nos.* Preces: *Salvos fac servos*
tuos Deus: Eſto eis Domine turris fortitudinis, à facie inimici: Nihil pro-
ficiet inimicus in eis, & filius iniquitatis: Mitte eis Domine auxilium de
Sancto, & de Sion: Domine exaudi orationem: Exurge Domine adjuva
nos, & libera nos propter: Dominus vobiscum Oremus: *Adesto Domine*
supplicationibus &c., alia orat.: *Exaudi Domine preces nostras &c.* alia
 oratio: *Præveniat hos famulos &c.* *Adesto Domine &c.* al. orat.: *Præ-*
ſta quaſumus Domine hīs famulis &c. alia orat. *Domine Deus noster qui*
offensione &c. hic non dicens Oremus Dominus Iesus Christus qui dixit
 discipulis suis &c; neque hic: *Absolutionem & remissionem omnium*
peccatorum vestrorum tribuas vobis omnipotens & misericors Dominus.
Amen. Postea pariter surgant, & sic Abbas stans ad altare, benedicat cineres.

4. Causam hujus institutionis discimus ex M. S. consuetudinibus Guillelmi Pellicerij primi Ordinis Grandimontensis Abbatis, in quibus postquam præscripsit, ut feria quarta cinerum post Primam dicantur septem psalini cum litanis, & quibusdam precibus rationem reddens, [Quia, inquit, antiquitus in capite jejuniij omnes pœnitentes
 c. 14. „ qui publicam suscipiebant pœnitentiam ante portas ecclesiæ se re-
 „ præsentabant Episcopo civitatis nudis pedibus, & sacco induti, vul-
 „ tibus in terram dimissis, reos se esse cognoscentes; ubi erant Presby-
 „ teri parochiales correctiones eorum cognoscentes, & injuncta eis
 „ pœnitentia pœnitentes in ecclesia introducebant; & Episcopus cum
 „ Clericis prostratis pro absolutione eorum septem psalmos pœnitentiales
 „ decantabant, cinerem in capita eorum mittebat, & aquam benedictam
 „ super eos spargebat, & postmodum eis denunciabat, quod sicut Adam
 „ projectus est de paradiso, ita & ipsi pro peccatis ab ecclesiâ abjiciuntur;]
 Quæ omnia fusiùs in Ordine Romano videre est. Hujus ritus fit mentio in vita S. Elphegi Episcopi n. 5. sæc. 5. : [Dies erat cinerum & Pontifex pro more pœnitentes ecclesiæ liminibus exludebat.] Ex his uno excepto S. Petri supra Divam monasterio, apud Nostros sola remansit cinerum super capita monachorum impositio cum aquæ lustralis aspersione; sed priusquam in capita mitterentur cineres, solemniter in ecclesia benedici solebant; ritum describit antiquum Cassinensium Ordinarium his verbis: [Ipsa die ad collectam primitus veniat Sacerdos cum ministris ante altare, induti nigris casulis, & benedicat cinerem; post hæc incipiat chorus antiphonam: *Exaudi nos Deus. Psal. : Salvum me fac Deus, & Gloria;* & pōnatur super capita omnium cinis cum aqua sanctificata, ita dicendo: *Memento homo quia pulvis es, & in pulverem reverteris*: Interim cantetur antiphona: *Immutemur*: Quo finito, dicatur antiphona: *Exurge Domine ad*, ut moris est, & dicta oratione: *Deus qui humiliatione*. Item ad processionem antiphona: *Forata vestibulum. R. Emendemus & Peccavimus*. antiphona: *Parce Domine*; & vadant omnes excalceatis pedibus in circuitu claustrî, & ingressi ad Ecclesiam incipiant letaniam, & sic cantent Missam; deinde Vesperam. Antiphona ad *Magnificat*: *Thesaurizate vobis*.] Hactenus Cassinense Ordinarium, cujus in verbis plurima sunt observanda. Primum quod sollemnis cinerum benedictio fieret post Nonam, id ipsum decernit etiam Dunstanus in Concordia: [Quarta feria capitis jejuniij, inquit, Nona decantata, Abbas stola ornatus benedicat cineres;] & tamen in omnibus aliis quæ mihi videre licuit tam Statutis quàm Ordinariis seu consuetudinariis ad Sextam tantum facienda præscribitur.

5. Secundò, sollemnis cinerum benedictio fiebat apud Cassinenses non ab Abbate, sed à Sacerdote Hebdomadario, quod etiam in Statutis Lanfranci, Tullensi S. Apri Ordinario. & libro Usuum Becc.; præscribitur, idque privatim ut videtur ex eodem libro Usuum Becc.: [Post

[Post Sextam cum exierit conventus ab oratorio, Hebdomadarius benedicat cineres;] communiter tamen aliis in monasteriis id ipse Abbas præstabat, aut eo absente Prior vel Sacerdos, ut videre est in Concordia Dunstani, Ordinario Corbeienſi, consuetudinibus S. Benigni, Sancti Dionysii, S. Cornelii, Beatæ Mariæ de Lyra, & aliis.

6. Tertio, Abbas sive Sacerdos benedicturus cineres apud Cassinenses quidem procedebat ad altare cum ministris indutis *casula nigra*. In monasterio Sancti Petri supra Divam Abbas stolam, manipulum, & cappam quam ad absolutionem acceperat, ad cinerum benedictionem retinebat; sed alibi passim cineres cum sola stola benedicebat, quibusdam quidem in locis ad altare, in aliis in Presbyterio; atque ita ex Dunstani Concordia, Lanfranci Statutis, Udalrico, Corbeienſi Ordinario, consuetudinibus S. Benigni, Tullenſi Ordinario, cons. Lyra, & Ordinario Bursfeldensium; Verum apud Cistercienses [Abbas acceptâ à secretario stola, & pastoralis virga in Presbyterio verso vultu ad Aquilonem benedicit cineres.

7. Quarto in Ordinario Cassinensium non exprimitur quibus precibus fieret cinerum sollemnis benedictio. Unicâ tantum collectâ rem conficiebant antiqui; hæc apud Cluniacenses, Cartusienſes, & Casalinos erat: *Deum qui non moriemur*; apud Corbeienſes: *Omnipotens sempiternus Deus, qui primo homini*; apud Parisienſes S. Gerinani: *Omnipotens sempiternus Deus qui miseris*; quam una cum collectâ: *Deus qui non morietur, & tertia: Omnipotens sempiternus Deus parce metuentibus &c.* continet S. Petri supra Divam collectaneum; sed huiusmodi Benedictioni multas alias preces præmittiebant, quas nobis exhibet Tullenſe S. Apri Ordinarium his verbis: [Dum Sexta cantatur præparet se Hebdomadarius Missæ cum suis ministris ad celebrandam Missam, post Sextam verd eadē Hebdomadarius alba indutus cum stola, & famulo, ad stallum suum in choro cum suis ministris. Puer autem alba indutus ad gradum crucem teneat, aquam benedictam, & vasculum cum cineribus à Sacrista ibidem præparatis, & incipiat à Cantore antiphona: *Exurge Domine*, quam dum incipit, omnes qui sunt in choro flectunt genua, & statim resurgant dictam antiphonam cantantes, finito & sine Gloria Patri, reincipitur ab omnibus dicta antiphona ordine quo prius; qua finita, Hebdomadarius Missæ dicat: *Domine non secundum peccata*; sequitur *Pater noster*, & fratres prosternant se super formas. Tunc Hebdomadarius Missæ dicat: *Et ne nos*. Preces: *Domine ne memineris: Dominus vobiscum*. Collect.: *Exaudi quasumus Domine sup.* & Responso ab omnibus: *Amen*, erigant se fratres, & incipiat à Cantore antiphona: *Exaudi nos Deus*, & chorus prosequitur psalmum: *Salvum me fac Deus*. Finito versu sine Gloria, reincipitur ab omnibus ipsa antiphona; qua finita, Hebdomadarius Missæ dicat: *Ne reminiscaris Deus*. Sequitur: *Pater noster*; tunc fratres prosternant se super formas ut prius; tunc Hebdomadarius Missæ dicat:

T t

- Et ne nos. Preces: *Ostende nobis Domine: Dominus vobiscum.* Collect.: *Deus qui iustè*; iis finitis erigant se omnes; tunc Hebdomadarius Missæ eat ad gradum, & faciat benedictionem super cineres dicendo: *Dominus vobiscum.* Collect.: *Omnipotens sempiterne Deus, qui miserere.* Prior de scolis coram ipso Hebdomadario cineres tenente. Item collect.: *Deus qui non mortem.* Item collect.: *Deus qui humil. tare.* Iis finitis & aqua benedicta super cineres aspersa &c.] Alij alias preces præmittēbant: Lantfrancus in Statutis decernit ut omnes [faciant orationem unam communiter: qua facta pullentur duo signa
- c. 1.
§. 3. inchoante infante: *Exurge Domine:* psalm.: *Deus auribus nostris.* His expletis dicat Sacerdos: *Ostende nobis Domine.* Sequatur: *Kyrie eleison: Pater noster: Et ne nos.* psal.: *Deus misereatur nostri.* Capitulum: *Et veniat super nos.* Collecta pro peccatis: *Exaudi quasumus supplicium preces.*] Eisdem continent Lyrensis monasterij consuetudines; eisdem etiam sive ante, sive post benedictionem dicendas habet & liber Usuum Beccensium; easdem etiam liber Usuum Cisterciensium, una excepta ultima collecta, cujus loco assignatur: *Concede nobis Domine prasidia.* In veteri Corbeiensis Ordinario, & Benignianis consuetudinibus ista continentur: [Facta oratione quæ fieri solet ante processionem, finitaque antiphona: *Exurge Domine* cum versu & *Gloria Patri*, & dicto à Sacerdote versu: *Ostende nobis Domine*, dicitur ab omnibus: *Kyrie*, & Sacerdos Hebdomadarius, dicto: *Et ne nos irascas*, incipit psalmum: *Deus misereatur*, quo finito cum *Gloria Patri*, addit hunc versum: *Et veniat super nos*, & coll.: *Concede nobis Domine quasumus prasidia militia*; quibus dictis stans D. Abbas, vel Sacerdos, si ipse non adest, cum stola tantum benedicit cineres.] Bursfeldenses, & Casalini unica præmissa antiphona: *Exaudi nos Domine quia benigne* cum versu: *Saluum me fac*, & *Gloria* repetitaque antiphona cineres benedicebant; sed hæc fortè fusiùs quàm par sit: Ad cetera veniamus.
8. Quintò facta cinetum benedictione [ponatur super capita omnium, inquit *Cassinenses*, cinis aqua sanctificata, ita dicendo *Memento* &c.] ubi quod aiunt cinerem cum aqua sanctificata capitibus omnium esse imponendum, exponendum est ex Lyrensis monasterij consuetudinibus M. S. in quibus ritus iste cinerum imponendorum præscribitur hoc modo: Post benedictionem [Abbas redeat ad gradum ante analogium, & stet ibi cum stola, & baculo, & Subdiaconus ad dextram ejus, qui teneat cineres, & Diaconus ad sinistram, qui aspergat accedentes ad cineres aqua benedicta: tunc Cantor, incipit antiphonam: *Immutemur*, & aliam: *Inter vestibulum.* Interim accedant fratres ad sumendos cineres, & Abbas mittat eos super capita eorum ita dicens: *Memento homo q. c. es, & in c. r.*; & Diaconus aspergat eos aqua benedicta. Postquam omnes acceperint cineres assumat Prior stolam, vel Subprior, si Prior deest, & det cineres Abbati;] & ex libro

Usuum Beccensium : [Post orationem respondentibus omnibus : *Amen*,
accipiant Sacerdotes Hebdomadarij stolas, & cineres, & Diaconi Heb-
domadarij aquam in pelvium, tunc Cantor incipiat antiphonam :
Immitemur : *juxta vestibulum* : *Emendemus* ; tunc mittant Sacerdotes
cineres super capita fratrum dicentes : *Memento homo quia pulvis es*,
& *in pulverem reverteris* ; & Diaconi aspergant aquam desuper, Sacer-
dos Hebdomadarius majoris Missæ dabit primum Abbati ; deinde ce-
teris ex parte ejus, Sacerdos Missæ matutinalis primum Priori, & ce-
teris ex parte ejus. Postea Sacerdos Hebdomadarius dabit Diacono suo,
similiter & alius Sacerdos alio Diacono. Postea verò Sacerdos Hebdo-
madarius socio suo, ablata prius ab illo stola sua ; Abbas deinde as-
sumpta stola dabit cineres Sacerdoti Hebdomadario ; si Abbas defuerit,
socius socio, si minor conventus fuerit, unus Sacerdos sufficiat.]
Ubi obiter observabis eum qui cineres fratribus imponeret, ultimum
omnium à digniori chori accepisse, quod confirmant vetus Corbeienſe
Ordinarium, & Divionenses S. Benigni consuetudines : [Postquam
autem omnibus cineres dati sunt, etiam infantibus, & ad extremum
infirmis, Domino Abbati vel Sacerdoti Prior dare debet, vel unus
de Prioribus, si ipse non est Sacerdos ;] & Tullense S. Apri Ordi-
narium : [Interim imponat Hebdomadarius Missæ cineres super ca-
pita adstantium incipiens à ministris altaris, & postea à superioribus
fratribus dicendo : *Memento homo &c.* quibus peractis, ille qui in
choro primus est, imponat cineres super caput Hebdomadarij Missæ ;]
& tamen apud Cistercienses, Bursfeldenses, & Casalinos. Primus
omnium deposita stola ab Hebdomadario cineres recipiebat : [Abbas
stola deposita, *inſit lib. Usuum Cister.*, veniens ante gradum, & sub
illo flexis genibus ab Hebdomadario Missæ prius sacros accipiat ci-
neres, quibus acceptis, erigens se resumta stola, stet supra gradum,
& versus ad chorum : super singulorum capita mittat cineres benedi-
ctos, incipiens à ministris altaris omnibus flectentibus genua in terra,
& dum mittuntur sedeat qui voluerit.] Idem fere legitur in Ordina-
rio Bursfeld. c. 31. Cartusienses verò in distribuendis cineribus hunc
servant ordinem : [Cinere benedicto & aqua sancta asperio, Diaconus
incipit antiphonam : *Exaudi*, & flectens genua ad gradum altaris,
primus aspergitur à Sacerdote dicente ipſo per singulos : *Recognosce*
homo quia pulvis es & in pulverem reverteris : Deinde Episcopus, vel
Abbas si affuerint : Deinde Prior aspergitur cinere à Sacerdote, & Sa-
cerdos à Priore vel eo absente, vel celebrante à vicario : & ab ipſo Sa-
cerdote hospites Religiosi si adsint, postea monachi per ordinem :
Deinde Conversi, & postea laici seculares, si adsint :] Sed apud
Cistercienses [extra chorum familie & hospitibus, si affuerint, Prior
adjuncto sibi aliquo fratre imponit cineres.]
9. Sextò Interim dum imponebantur cineres, impositam à Cantore
antiphonam : *Immitemur & Exurge* chorus proſequatur. Unicam

apud Divionenses, & Corbeienſes decantabat, qua finita remanebat sub ſilentio, ut diſcimus ex antiquo Corbeienſi Ordinario, & libro c. 55. „ conſuetudinum S. Benigni Divionenſis: [quos cū orſus fuerit ſingulis imponere, armarius incipit antiphonam: *Inmutemur* ... finita vero „ prædicta antiphona ſiletur ab omnibus, donec cineres dati ſunt.] Alij „ plures cantabant antiphonas, & preces.

10. Septimò quid de ſuperſtite cinere faciendum eſſet, tacet Caſſinenſium Ordinarium, quod proinde repetendum eſt ex libro conſuet. S. Benigni Divionenſis, in quo hæc leguntur: [Cineres verò, „ qui ut prædictum eſt, hac die fratrum capitibus imponantur ex induſtria ſunt de cremis ſarmentorum, qui etiam ſtudioſè mundantur, „ & cribrantur, & benediſti conſervantur ab inſtutario, ut morientibus fratribus cum cilicio ſubſternantur.] His conſentiunt Floriacenſes conſuet.

11. Octavò abſoluta cinerum aſperſione, dictiſque precibus, & collecta, ſequebatur proceſſio, quam ubique nudis pedibus faciebant; unde poſt Sextam exeuntes de choro ad loquendum, calceos antequam cineres benedicerentur, deponerent; eoſdem poſt Miſſam tantum antequam Nona diceretur, reluturi: [Poſt Sextam, inquit c. 1. „ Lanfrancus in Statutis, revertantur in clauſtrum locuturi, cū tempus fuerit, pulſetur unum de mediocribus ſignis, quo pulſato, ſtatim §. 3. „ ſilentium fiat in clauſtro: Diſcalcient ſe, & pergant abluere manus, „ & ſic vadant in eccleſiam... Poſt hæc benedicat Sacerdos cineres... hoc „ facto exeant ad proceſſionem. &c.] Poterat tamen nonnullis in cœnyſianæ conſuetudines [ad feriam iv. in capite jejuniij: Et ſint, inquit „ nudis pedibus niſi per miſericordiam remittatur, uſque ad finem Miſſæ; ſed tamen miniſtri altaris ſint calceati ad Miſſam.] Non tamen apud Cluniacenſes licet [D. Odilo vir planè miſericordiæ, perpendens quàm difficile nonnulli fratrum pati poſſent ut in tanta hyemis c. 4. „ aliquando aſperitate nudis quoque pedibus procederent, hujusmodi „ proceſſionem in iv. & vi. feria à Calendis Novembris uſque ad caput „ jejuniij pro pietate ſua indulſerit,] teſte Udalrico. Hanc proceſſionem Caſſinenſes, Tullenſes, & Compendienſes, in circuitu clauſtri faciebant; Corbeienſes verſus cimiterium; Pariſienſes S. Germani ad oratorium B. Mariæ; Dionyſiani ad oratorium B. Mariæ de ſancto Clemente, hoc erat infirmorum oratorium, ad cujus introitum, inquit conſuetud. S. Dionyſij, [Incipiat Cantor antiphonam: *Ave Regina*, „ vel *Alma*, vel aliam quamlibet de B. Maria; Deinde dicat Sacerdos „ verſum: *Ora pro nobis ſancta Dei genitrix*, vel alium quemlibet, orationem: *Famulorum tuorum*, vel aliam quamlibet de B. Maria; Poſt „ orationem proſternantur fratres, & dicatur oratio Dominica, Poſt „ orationem incipiat Sacerdos pro defunctis pſal. *Lauda anima mea*, vel „ *De profundis*, verſum: *A porta inferi*, orationem: *Deus cujus miſeratione*

Post orationem dicat: *Per Dominum: Requiescant in pace.*] In reditu processioni incipiebatur letania à duobus pueris qui pervenientes in chorum stabant in medio choro; donec dictam letaniam finissent, quemadmodum præscribit Tullense Ordinarium; idque in omnibus monasteriis observatur. Bursfeldenses processioni septem pœnitentiæ psalmos præmittebant: Cistercienses verò & Cartusienſes nullam processionem facientes, absoluta cinerum aspersione, statim Missam inchoabant; ad quam saltem Cistercienses nudis remanebant pedibus, exceptis tamen celebrante, & ministris altaris qui depositos ad benedictionem cinerum calceos resumebant ad Missam.

12. Hac in Missa vix aliquid singulare occurrit. Ante collectam Diaconus præmittebat: *Flectamus genua*, ipseque ex Ordinario Sancti Apri dicebat *Levate*, & ad orationem super populum in fine: *Humiliate capita vestra Deo*, ad quam chorus usque in finem remanebat inclinis, idque in omnibus servabatur monasteriis per totam quadragesimam usque in cena Domini. Tractus: *Domine non secundum &c.* quem omni feria 2. 4. & 6. in xl cantabant. De hoc tractu sic scribit Tullense S. Apri Ordinarium: [Et sciendum est quod iste tractus ab hac die usque ad Pascha ij. iv. & vi. feria ad Missam de jejunio cantatur à toto choro in hunc modum: fratres chori in quo est hebdomada cantant primum versum, fratres alterius chori secundum, & fratres qui cantaverint primum cantent & tertium versum, quem dum incipiunt, fratres utriusque chori flectant genua, dictoque *Salutaris noster*, erigant se, & infra dictum versum fratres utriusque chori dicant simul *Et propitius*, & sic finiatur tractus ab omnibus.] Præfatio: *Qui corporali jejunio* privatis diebus per totam xl. dicenda.

13. Nondè apud Calsinenſes Missam sequebantur Vesperæ, ac proinde refectio non nisi post Vesperas ut in xl. fiebat; sed in aliis communiter monasteriis absoluta Missa, conventus calceos resumebat, Nonam mox cantaturus: [Post Missam, inſit lib. *Uſum Becc.*, sonet Nona, ut solet, & facta oratione cant omnes se recalciare, & sic canant Nonam;] & consuet. Lyræ [Processio fit nudis pedibus etiam si festum xii. Lectionum sit, post Missam sonet Nona, & terminata oratione cant omnes se recalceare, & statim revertantur in chorum; non tamen per ablutorium, & sic cantetur Nona.

14. De festis autem hac die contingentibus ita Lanfrancus in Statutis: [Si in capite jejunii festivitas xii. Lectionum evenierit, non celebratur ipsa die; sed differtur in crastinum.] Corbeienses & Divionenses aut in sequentem feriam v. rejiciebant hujusmodi festa, aut præcedenti feria ij. illa celebrabant: [Illud autem inquirunt cons. S. Benigni Divion. non est ignorandum, quia si evenierit festivitas xii. Lectionum in capite jejunii, vel in crastino, vel in præcedenti ij. feria mutatur; quia nunquam ipsa die apud nos festivitas agitur.] Nonnulli Missa de festo xii. Lectionum post Tertiam decantata, Missam

de jejunio post Sextam celebrabant; atque ita Beccenses, Lyrensesque nostri: [Si in hac iv. feria; *in fit liber Vsf. Becc.*, festivitas xii. lectionum occurrit; dicta Tertia, & Missa de festo, sedeant in clauistro; & iterum post vi. sedeant in clauistro; & sonante signo ibi se discalcient.] Idem habent consuetud. Lyræ, in quibus additur: [Et fiat sicut supra dictum est, [hoc est, benedictio cinerum, processio, & Missa de jejunio.

15. De festo verò trium Lectionum nihil hisce diebus, neque in xl; quamvis de SS. Martyribus Dionysio & sociis ejus in Dionysiano; de SS. Cornelio & Cipriano in Compendiensi monasterio feria v., & Sabbato de B. Maria ad Laudes & Vesperas fieret per totam xl. commemoratio, cum Missa matutinali. Tullenses etiam de festo trium Lectionum in xl. comm. ad primas vesp. & Laudes faciebant.

16. Quid verò de festo xii. Lectionum tribus sequentibus diebus? docent consuetudines S. Benigni supra citatis verbis hæc adjungentes: c. 55. [Si autem in qualibet trium sequentium dierum, eodem modo celebrant: quemadmodum in alio tempore extra xl. si dies jejunijs esset, celebraretur.] Idem habet Corbeiense vetus Ordinarium.

17. [Feria v. & vi., *inquunt Cassinenses in Ordinario*, finita Nona faciant letaniam in choro;] Rectè *in choro*, quia hac sexta feria sequenti processio haud fiebat; De sabbato autem tacuit, quia ea die non dicebatur *letania ante Missam*, ut discimus ex cons. S. Dionysij. Denique his tribus diebus Lectiones ad nocturnos ex homilia in Evangelium agebant nostri Tullenses de genesi Sandionysiani, quam Sabbato ad nocturnos absolvebant.

18. Duo mihi quæ ad caput jejunijs spectant, breviter observanda restant: Prim: inveteri Corbeiensi Ordinario, & in consuetudinibus S. Benigai continetur his verbis: [Ipsa die & vi. feria quæ sequitur, & in omni feria ii. iv. & vi. totius xl, præter primam feriam secundam, nisi festum xii. lectionum in eis eveniat, generale in refectorio non datur; sed herbarum crudarum pro generali, quamvis omni die præter vi. feriam Pasceve duo cocta pulmentaria secundum præceptum B. Benedicti consuetudinaliter tribuantur.] Secundum ita exprimunt Statuta generalia pro monasterio S. Germani à Pratis: [A die cinerum usque ad festum omnium SS. debet fieri mandatum de tribus pauperibus in elemosina;] Et consuetudin. S. Dionysij in Francia: [In ipsa die fit mandatum, & scribantur quotidie in tabula usque in vigilia omnium SS.] Hæc mandato omnes tenebantur interesse ut discimus ex consuetudinibus Floriacensis monasterij, in quibus præscribitur, ut [quicumque mandatum trium pauperum qui crastina die (cinerum nempe) incipietur, perdidit; veniam in capitulo sicut pro regulari hora petere debet.] Istud mandatum observant etiam nostri Sandionysiani à feria iv. in capite jejunijs ad festum omnium SS., sed nec quotidie, nec etiam ab omnibus, sed ter tantum in hebdomada, idque solum à Celebrante Hebdomadario, qui cum socio Aco-

lytho tribus pauperibus peregrinis manus abluit, singulis panem cum denario impertitur, spiritalique eos instructione reficit. In monasterio S. Theoderici prope Remos solisdiebus Dominicis à capite jejuni ad festum omnium SS. pauperum mandatum fiebat, ut discimus ex litteris Johannis de Fago Abbatis anno 1289. datis in historia M. S. ejusdem monasterij.

19. His adde laudabilem Trenorensium nostrorum consuetudinem, qui pauperibus ad se confluentibus singulis annis in principio quadragesimæ sal dare consueverant, ut patet ex quodam additamento ad translationem S. Filiberti n. 3. sæc. 4. part. 1. Sed neque prætermittere possum quod Statuta S. Adalardi Abbatis Corbeiensis l. 1. c. 2. [primo die jejuniorum quadragesimæ, adeo ut spatium habeant confessiones renovare] monasterij servis *ab opere Dominico parcendum* esse decernunt, hoc est ab obsequio dominis debito.

CAPUT X.

Generales Quadragesimæ consuetudines.

1. **G**enerales Quadragesimæ consuetudines duplicis erant generis; alix ad officium cultumque Divinum, alix ad disciplinam observantiamque regularem pertinebant. Inter primas merito recensendus est mos antiquus extendendi veli ad Sanctuarium, quo altare, Sacerdos in eo sacrificans, ministrique ipsi servientes, toto quadragesimali tempore absconderentur. Illud Dominica prima Quadragesimæ post Completorium appendebatur, ut discimus ex Statutis Lanfranci decernentis ut [Dominica prima Quadragesimæ post Completorium suspendatur cortina inter chorum & altare;] & ex libro consuetudinum S. Benigni Divionensis: [Post Completorium appenditur velum inter altare & chorum, quod nullus præter Sanctuarij custodes, atque ministros, absque rationabili causa audeat transire:] His suffragatur liber Usuum Beccensium: [Dominica post completam debet Secretarius tendere cortinam inter chorum & altare, & Crucifixum cooperire;] & liber Usuum Cister. de Dominica prima xl. sic scribens: [Hac die post Completorium cruces cooperiantur, & cortina ante Presbyterium tendatur, quæ ita omnibus diebus privatis per xl usque ad quartam feriam ante Pascha post Completorium remanebit.] Istud tamen post 1x præstabant Tullenses nostri, quorum Ordinarium ad Dominicam 1. xl.: [Hac die, *inquit*, post 1x ante Sanctuarium cortina à Sacrista tendatur, & cruces in ecclesia cooperiantur:] Bursfeldenses feria 1v. in capite jejuni seu potius die præcedenti: ita enim in Ordin. [Vesperæ autem diei præcedentis diem cinerum cruces & imagines

c. 1.

c. 3.

c. 56.

c. 17.

c. 17.

c. 17.

c. 17.

c. 17.

c. 17.

c. 17.

c. 17.

c. 17.

c. 17.

c. 17.

c. 17.

c. 17.

c. 17.

c. 17.

c. 17.

cooperiantur, & cortina ante Presbyterium tendatur, quæ ita omnibus diebus privatis usque ad quartam feriam hebdomadæ palmarum dum canitur: *Et velum templi scissum est*, remanebit.] Quod ait *privatis diebus*, indicat Dominicis festisque diebus velum abstractum fuisse, idque etiam privatis diebus in Missa ad elevationem SS. Corporis & Sanguinis Christi fiebat, ut docet in primis Tullense S. Apri Ordinarium, his verbis: [In festis verò SS. XII Lectionum, & Dominicis, die præcedente ad Vesperos à conspectu sanctuarij cortina abstrahenda est, & in die festi post Completorium retrahenda: similiter singulis diebus ante elevationem Dominici Corporis abstrahatur, & ea facta retrahatur.] Idem & ad Missam pro præsentis defuncto, & ad novitij benedictionem præstabant Cistercienses, quorum liber c. 13. Usuum hæc habet: [In sabbatis verò, & in vigiliis SS. duodecim Lectionum ante Vesperas à conspectu Presbyterij est cortina retrahenda: & in crastino post Completorium est remittenda. Similiter retrahatur ad Missam pro præsentis defuncto, & ad exequias: *Non in tres in iudicium*, donec septem psalmi finiantur post sepulturam, & ad benedictionem novitij.] Idem habet Ordinarium Bursfeldensium, c. 31. subjungitque: [Et omnibus etiam privatis diebus ad elevationem Dominici corporis & Sanguinis missæ conventualis, quæ cantatur in summo altari.] Addit verò liber Usuum Cisterciensium: [Ad Missam verò privatis diebus, ut Sacerdos liberè ab Abbate, si affuerit, ad Evangelium legendum benedictionem petat, Subdiaconus cornu cortinæ in parte Abbatis modicè retrahat, & data benedictione, ut prius erat, remittat. Diaconus verò accedat ad cortinam ubi sublevata est, quærens benedictionem.

2. Secundò non modo sanctuarium, sed cruces, imagines, aliaque ecclesiæ ornamenta velabantur; quod feria 2. ante Tertiam præstabant: [Feria secunda, inquit, *Lanfrancus in Statutis*, ante Tertiam debent esse coopertæ crux, coronæ, capsæ, textus qui imagines de foris habent;] & liber consuetudinum S. Benigni Divionensis: [In crastinum post letaniam cuncta auferantur ornamenta; quæ verò auferri nequeunt, velantur, idest coronæ, capsæ, cruces, columnæ, lineamina altarium, offertoria quoque, & manutergia, albæ etiam quotidianæ mutantur: Diebus Dominicis & privatis ad majorem Missam Sacerdos casula utatur fusca;] & liber Usuum Beccensium [Ante Tertiam Secretarius altaria cooperiat, & crucem, & coronas, & capsas quæ sunt super altaria.] Id tamen in alio exemplo faciendum post Completorium etiam Dominica præscribitur, uti & in consuetudinibus Guillelmi Pellicerij pro Ordine Grandimontensi in quibus legitur: [Dominica prima quadragesimæ post Completorium cooperiuntur cruces, & imagines usque ad Parascevem, quia velata fuit facies Christi in cruce, cum fuit captus à Judæis.] Floriacenses præcedenti sabbato id observabant, si tamen non sit mendum in editis eorum

eorum consuetudinibus, quatum sunt hæc verba: [Sabbato in capite
 jejunii post Vesperas appenditur velum inter chorum & altare, & eun-
 da auferuntur oramenta; quæ verò auferri nequeunt velantur.
 Item aquila, tabernaculum Patris nostri Benedicti, capsula S. Mauri,
 & crucifixus, altaria capituli palliis operiuntur] Cartusienfes fe-
 ria iv. cinerum; sic quippe in Ordinario loquuntur: [Eodem ci-
 nerum die ante Sextam cruces & imagines velamus, in Parasceve de-
 regendas & similiter instrumenta quibus pax datur,] Quod retinent
 ex Guigonis Statutis c. 4: Bursfeldenses etiam pridie: [Vespere
 autem diei præcedentis diem cinerum, *inquiunt*, cruces & imagines
 cooperiantur.] Et tamen in verusto Calsinensis monasterij codice
 circa Bertharii Abbatis tempora scripto hæc leguntur: [Dominica die
 quæ est ante palmas, non canunt & minorem cum *Gloria*; & se-
 cunda feria in ipsa hebdomada iconas velant, & coronas, & the-
 sauros ecclesiæ tollunt; & ad atria induunt vestimenta nigra.] Ob-
 servandum verò quod habet liber Usuum Cisterciensium: [Si acci-
 derit per hos dies quadragesimæ, ut crux quæ est retro altare
 cooperta tollatur inde pro quolibet defuncto, vel infirmo communi-
 cando, sive inungendo, discoperiatur quoadusque proprio loco, sci-
 licet super altare restitatur.] Idem habet Bursfeldens. Ordina-
 rium c. 7.

3. Tertio. Et si Dominicis diebus ad nocturnas vigilias lectiones ex Sacris
 scripturis dicerentur; non tamen privatis diebus; in his enim om-
 nibus in monasteriis passim sermones S. Augustini super psalmos xv
 graduales legebant. De Cluniacensibus res pater ex Udalrico, cujus hæc
 verba: [In aliis noctibus quadragesimæ legitur Expositio S. Augustini
 super psalterium, & maxime super cantica graduum.] Udalrico consentit
 liber consuetudinum S. Benigni Divionensis: [In privatis noctibus de
 expositione Beati Augustini super xv cantica graduum usque in Passione
 Domini per xl. legitur;] Et liber Usuum Cisterciensium: [A prima
 autem Dominica quadragesimæ, qua scilicet libros dividimus, ad
 vigilias in ecclesia privatis diebus utimur tractatibus S. Augustini super
 psalmos, usque ad Dominicam qua Hieremias inchoatur.] Idem vi-
 dere est in Dionysianis, Compendiensibusque consuetudinibus & alibi:
 Uni discrepabant ab aliis nostri Tullenses S. Apri qui [à feria secunda
 post primam Dominicam xl. usque ad Dominicam in passione Domini
 diebus ferialibus... lectiones de Evangeliiis ipsius temporis, & de
 ipsis Dominicis assumebant;] licet idem etiam videre sit in Dionysia-
 nis consuetudinibus codicis Colbertini.

4. Quarto per totam xl. alij ad horas diurnas, præter Primam &
 Completorium, hymni privatis diebus dicebantur, quàm consueti
 per annum: [In feria secunda *inquit Udalricus*, quadragesimæ in-
 choantur hymni de jejuniis ad matutinas Laudes, ad Tertiam, & se-
 quentes horas. Soli nocturni nescio quid hic commiserint, qui cum
 V. y.

- in Adventu Domini, & totiens in solemnitatibus specialem hymnum habeant; in quadragesima hoc amiserunt, in qua etiam tam parva hora sicut est Tertia non caret hymno alio quam consueto, idest: *Ternus ter horis numerus*;] Et vetus Corbeiensis monasterij Ordinarium.
- [In secunda feria hymni tam ad Laudes, quam ad omnes horas præter Primam & Completorium, ad quas omni tempore iidem sunt, mutantur; ad nocturnos tamen hymni feriales, qui in privatis diebus alio tempore dicuntur, idest: *Somno refectis artibus* cum reliquis non mutantur usque in Passione Domini;] Concinit liber consuetudinum S. Benigni Divionensis c. 56. Quinam vero essent illi hymni, discimus tum ex Tullensi S. Apri, & S. Petri supra Divam Ordinariis, tum ex Dionysianis consuetudinibus, in quibus etiam ad nocturnas vigiliis proprius hymnus assignatur, scilicet: *Audi benigne*. Ad Laudes: *Iam Christus sol*. Ad Vesperas: *Ecce tempus idoneum* usque ad Passionem Domini. Ad Tertiam verò: *Dei fide*. Ad Sextam: *Qua Christus hora*; Ad Nonam: *Ternis ter horis* usque in Cœna Domini. Ita in Ordin. S. Petri supra Divam. Iidem in Tullensi continentur, excepto Vesperarum hymno, cujus loco habetur: *Summe largitor*: & in Dionysianis consuetudinibus, in quibus ad nocturnos: *Summe largitor*, ad Vesperas: *Audi benigne* leguntur. In Dominicis tamen hymnos de jejunio usque
- l. 1. „ cantabant, testante Udalrico his verbis: [Per omnes Dominicas usque
c. 51. „ ad passionem Domini, nullus hymnus de jejunio cantatur; sed iidem
„ qui extra quadragesimam in Dominicis diebus] quod de solo Vesperarum hymno intelligendum esse docent conf. S. Benigni Divionensis
c. 56. „ decernentes ut [Nullus hymnus in diebus Dominicis totius xl ad diurnas horas mutetur præter ad Vesperas.] Hanc nihilominus legem haud observabant Tullenses nostri, qui Dominica ad nocturnos cantabant: *Ex more docti*, Ad Laudes: *Dicamus omnes*, Ad Vesp.: *Summe largitor*, sed neque Dionysiani aut Compendienses, qui ad nocturnos: *Summe largitor*, Ad Laudes: *Iam Christe*, ad Vesp.: *Audi benigne* dicebant.
- l. 1. „ 5. Quintò [Sunt autem adhuc & alia, inquit Udalricus, quæ in
c. 51. „ præfata feria (secunda scilicet) solent inchoari: Duo psalmi qui per
„ singulas horas dicuntur à prostratis, & majores preces ad Matutinas
„ Laudes, & ad vespéros scilicet: *Oremus pro omni gradu ecclesia*.]
Has preces majores, quæ etiam in Adventu dicebantur, retulimus in hujusce libri c. 1.; Psalmi verò illi duo, qui psalmi prostrati, eo quod à prostratis dicerentur, appellati sunt; & ad solitos familiares psalmos superadditi sunt, hac potissimum ratione recitabant, ut præcepto S. Benedicti de augendo solito servitutis penso satisfacerent, ut pater
c. 31. „ ex Dunstani Concordia ubi sic loquitur [Et quia Regulæ tenemus
„ ornamentum in his sanctis diebus xl aliquid nobis augendi divinæ
„ servituti ad solitum pensum nostræ servitutis, censuimus, ut à capite
„ xl usque ad cœnam Domini, festivis exceptis diebus, quotidie post

expletionem unius cuiusque horæ duos psalmos prostrati solo oratorij
 percoremus devoti; eo scilicet ordine ut Matutinis finitis mox dicantur
 duo psalmi: *Domine ne in furore* 1. & *Ad Dominum: Kyrie eleison: Pater*
noster, & preces pro peccatis, & oratio. Ad Primam: *Beati quorum*,
 &: *Levavi*, & reliqua ut supra. Ad Tertiam: *Domine ne in furore* 2., &:
Latus sum. Ad Sextam: *Miserere mei Deus*, &: *Ad te levavi*, ad 1x:
Domine exaudi, &: *Nisi quia Dominus*. Ad Vesperam: *De profundis*,
 &: *Qui confidunt*. Ad Completorium: *Domine exaudi* 2., &: *In conver-*
tendo, ut videlicet per singulas horas unus dicatur psalmus pœni-
 tentiæ, & alter graduum.] De huiusmodi prostratis psalmis hæc
 habet liber consuetudinum Sancti Benigni Divionensis: [Sunt
 autem & alia quæ in prædicta feria inchoantur, idest duo
 psalmi qui post singulas horas à prostratis dicuntur, & sicut ni-
 hil est medium inter quatuor psalmos, qui post horas dicuntur,
 & istos duos præter ad Vesperas & Matutinum; sic etiam versus, &
 collectæ amborum conjunguntur, & in fine singularum collectarum
 dicitur & ad beneficia recolenda q. 1. d. t. u. g. *Per Dominum*. Ad sin-
 gulas horas unus de septem psalmis, & unus de canticis graduum,
 sicut sunt in ordine dicuntur; ad Vesperos verò duo de canticis
 qui & Priores dicuntur, & duo de septem psalmis, sicut sunt in
 libro psalmodum. Et sciendum est quoniam quicumque psalmos pro-
 stratos perdiderit, veniam in capitulo sicut pro regulati hora petere
 debet;] ubi contra quod statuit Dunstanus nulli ad Completorium
 psalmi prostrati assignantur; sed vice versa quatuor ad Vesperas
 notantur, quod etiam in aliis, tum Ordinariis, tum consuetudinariis
 offendes. In Tullensi S. Apri Ordinario quinque ad Vesperas psalmi
 prostrati signantur, nempe: *Qui confidunt: In convertendo: De pro-*
fundis: Domine clamavi: Domine exaudi, 2; preces verò & collectas
 ad psalmos prostratos reperies in consuetudinibus S. Dionysij in Fran-
 cia, in quibus etiam & illud peculiare habetur, quod singulis xl.
 feriis novæ & singulares antiphonæ assignantur ad minores Horas
 diei. Præterea ad vii Pœnitentiæ psalmos qui post Primam dicuntur
 psalmus: *Inclina Domine*, post: *Miserere mei* addebatur in monasterio
 S. Petri supra Divam. Quasnam preces ad solitum pensum addiderint
 Cassinenses nostri haud satis exploratum habemus. In antiquo eorum
 Ordinario ad feriam secundam post Dominicam primam Quadrage-
 simæ hæc præscribuntur: [Finito Matutino pro defunctis, canantur
 hi psalmi: *Domine ne in ira tua* 1: *Exaudi Deus: Exaudiat te*; &
Gloria, Deus auribus: Deus venerunt: Deus ultionum, & *Gloria*. Ad De-
minum dum usque Laudate nomen Domini. Deinde canantur Matutini
 omnium SS. & fiat intervallum. . . . Exeuntes à Prima vacent lectio-
 nibus usque ad plenam Tertiam sicut Regula præcipit, tunc can-
 tent . . . & postea canatur Missa pro defunctis. Deinde omnes con-
 venientes in capitulo solvant silentium;] & infra post Sextam canantur

Vespera pro defunctis;] An verò quotidie isthæc persolverent non constat. Præter communes hujusmodi preces fiebant & aliæ particulares & privata de quibus consuetudines S. Dionysij in Francia: [Et sciendum est quod unusquisque debet dicere: *De profundis* unaquaque die xl, vel per singulas hebdomadas septem psalmos pœnitentiales;] & Compendientes: [Unusquisque debet dicere unaquaque die Quadragesimæ totius unum psalmum, quem tamen jusserit Prior, aut septem psalmos in hebdomada.

6. Sextò. Quod spectat ad Missas, major quotidie de die dicebatur cum præfatione: *Qui corporali jejuni*, quam tamen diebus Dominicis non cantabant: matutinalis verò Dominicis quidem de Trinitate, vel de Dominica ipsa; privatis verò diebus pro defunctis, aut aliæ votivæ, de quibus hæc lego in libro Uluum Beccensium: [In Quadragesima hæ missæ dicendæ sunt ad Missam matutinalem: fer. 2. pro Episcopo, & Abbate, & Congregatione monasterij. Officium: *Memento nostri Domine*. Epistola: *Si iniquitates*. Resp.: *Propitius*. Alleluia: *Domine refugium*. Evang.: *Petite & dabitur vobis*. Offertorium: *Sperent*. Comm. *Inclina aurem*. Feria quarta pro pace. Officium: *Da pacem Domine*. Epist. *Orationem faciebant Sacerdotes*. & *Latatus sum*. Alleluia: *Qui posuit*. Evangelium: *Amen dico vobis*. Offert.: *Deus tu convertens*. Communio: *Amen dico vobis*. Feria vi. pro Comite seu pro cunctis familiaribus. Officium: *Salus populi*. Epistola: *Orationem faciebant Sacerdotes*; & *Protektor noster aspice*. Alleluia: *Domine refugium*. Evangelium: *Amen dico vobis*. Offertorium: *Sperent in te*. Communio: *Amen dico vobis*;] ubi certè mirari subit, quod in Missa Quadragesimæ assignetur Alleluia.

7. Septimò; Certis per hebdomadam diebus processiones nudis pedibus faciebant: [Tribus diebus in hebdomada, insit *Cassinense Ord.*, ij. iv. vj. feria finita ix. faciant processionem in circuitu claustrij discalceatis pedibus. Antiphona ad processionem: *Exurge Domine adjuva*; Psalm. *Exurge quare*: *Gloria*: *Kyrie*: *Christe*: *Kyrie*: *Oremus*: *Flectamus genua*: *Levate*, & dicatur oratio, & in fine Diaconus: *Procedamus in pace*. Resp. *In nomine Christi*. Deinde procedant cantando antiphonam: *Ego sum Deus*, & reliquas de letaniis majoribus. Venientes autem ante ecclesiam incipiant letanias *a*, quibus finitis, incipiant Introitum ad Missam.] In aliis monasteriis iv. tantum & vi. feria hujusmodi processiones nudis pedibus faciebant ordine qui supra in feria iv cinerum descriptus est: Illud tantum erat discriminis, quod feria vi. psalmus: *Deus in adiutorium* pro psalmo: *Deus misereatur nostri*, qui feria iv. dicebatur. De hac processione Statuta Lanfranci: [Ad hanc processionem nullus vadat calceatus, nisi Sacerdos & Levita; si quis pro infirmitate nudis pedibus ire nequiverit, de processione re-

a Letaniarum tempore quadragesimali dicendarum meminit Aimoin in l. i. de Mir. S. Bened. n. 19. sæc. 4. part. 2. p. 363.

maneat; redeuntes de processione nullus præsumet se calceare sine licentia;] Hoc autem præstabant post Missam ante Vesperas.

8. Octavò. [Ex hac die, inquit *Ordinarium S. Petri supra Divam*, usque ad clauum Pascha non agimus principaliter tres lectiones de sancta Maria in Sabbatis propter solemne jejunium. Dignum esse videtur ut in ipsis sabbatis post Matutinas dici, ipsius quoque gloriosæ Virginis Matutinæ aliquantulum prolixius atque decentius quàm diebus ceteris decantentur, & post tertiam lectionem *Ad nuntium Domini* vel *Christi Virgo* caneretur; Missa quoque matutinalis de ipsa festaliter celebretur, vel, si necesse fuerit, v feria, sive III præcedenti.

9. Nond. Quod spectat ad festivitates infra Quadragesimam eventientes, ita de illis Lanfranci Statuta: [Si festivitatem celebrari in xl contigerit, præcedenti die dum canitur *Agnus Dei* ad majorem Missam colligatur cortina, & auferantur de choro formæ, quæ auferri solent in xli lectionibus; Missa finita agatur oratio vespertina sicut sabbato. Post collectam de festivitate dicatur antiphona de feria cum *Gloria Patri*: psalmi prostrati minimè dicantur: post Vesperas de omnibus SS. canantur Vesperæ mortuorum, vigilia mortuorum minimè agatur; in die festivitatis post Matutina de omnibus SS. dicantur Matutina mortuorum; postea revertantur ad lectos. Post Primam, dictis consuetis psalmis familiaribus cum capitulis & collectis suis, dicantur septem psalmi cum letania. Per singulas horas usque ad Vesperas, à Prima incipientes dicant psalmum: *Inclina Domine*, pro his quos prostrati dicturi erant. Post capitulum sedeant in clauistro cum silentio usque dum pulsetur signum ad Tertiam. Infantes quoque post capitulum suum descendentes de dormitorio hoc intervallo in scola sua sedeant, & legant. Totam diem solemniter agant. Utræque Missæ ad majus altare celebrentur: ad Missam jejuniij nec letania præmittatur, nec ad canonem supra formas curventur. Ad Vesperas nisi in crastino sit festivitas xli lectionum inter signa dicant: *Deus aures nostras*, post collectam festivitatis collectam de feria cum *Gloria Patri*, post Vesperas de omnibus SS. Vesperas pro defunctis, vigilia mortuorum ipsa die minimè agatur; post Completorium cortina extendatur & formæ in chorum referantur.] Lanfranco consentit in multis liber consuetudinum S. Benigni Divionensis, quibus etiam aliqua superaddit edito hanc in rem singulari capite *de festivitatibus Quadragesimæ*, in quo hæc leguntur: [In SS. Vigiliis, vel omnibus sabbatis post Sextam majus altare ornatur pallio, & ad majorem Missam dicente Sacerdote: *Pax Domini sit semper vobis*, bis cortina in semetipsam replicata amovetur, & formæ in directum vertuntur. Post Vesperas antiphona de jejunio cum collecta, & post Matutinum similiter. Ante nocturnos xv tantum cantica graduum dicuntur; verumtamen post Matutinos de omnibus SS. non remanent Matutini pro defunctis, sicut nec Vesperæ quæ sunt pro familiaribus nostris, nec psalmus l. post Primam pro defunctis, nec septem psalmi

„ cum letania : Officium verò pro defunctis nec in vigilia nec in die
 „ agitur , nisi brevis deforis afferatur , vel frater in monasterio finiat;
 „ sed pro eo ad omnes psalmos familiares post Horas , *Ad Dominum*
 „ *cum tribulaver* dicitur. Post capitulum , finito *Verba mea* , cantantur à
 „ toto conventu in majori ecclesia xxx psalmi à capite psalterij incepti,
 „ & semper tribus finitis adjungitur *Gloria Patri* : Hæc autem sunt capi-
 „ tula & collectæ quæ post hos xxx psalmos dicuntur : *Kyrie* : *Et ne nos* :
 „ *Ostende nobis Domine* : *Fiat misericordia tua* : *Salvos fac servos & ancil-*
 „ *las* : *Mitte eis Domine* : *Fiat pax* : *Oremus pro fidelibus defunctis* :
 „ *Dominus vobiscum* : *Oremus* : *Deus cui proprium est* : *Præcede Domine* :
 „ *Absolve Domine* : *Omnipotens sempiterne Deus qui vivorum*. Post psal-
 „ mos xxx in ecclesia decantatos sedemus ad lectionem in clauetro,
 „ & qui volunt vadunt ad confessionem donec Tertiâ pulsetur : facta
 „ verò oratione induant se omnes Hebdomadarij in alia septimana ad
 „ Missam , quæ Missa ad majus altare post Tertiam festivo more cante-
 „ tur , cujus officium omne à præfatis Hebdomadariis , præteritæ septi-
 „ manæ completur ; tres hostiæ offeruntur , in calice majoris Missæ
 „ sanctum immolatur sacrificium , pacem omnes accipiunt. Missam verò
 „ jejuniij in calice matutinalis Missæ canitur , ad quam una tantum
 „ hostia offertur , solusque Prior pacem à Diacono percipit , quæ con-
 „ suetudo in sabbatis jejuniij quatuor temporum per omnia servatur.
 „ Expleta Missa de festivitate , sedent in clauetro. Post Nonam verò non
 „ dicitur letania ante Missam ; sed mox ut Sacerdos finierit collectam
 „ post psalmos familiares , incipit Cantor officium de jejunio. Ad eam-
 „ dem Missam dicuntur ipsæ collectæ , quæ solent dici quotidianis
 „ diebus. Utræque Missæ ad majus altare canantur. Hymni ad diurnas
 „ Horas iidem qui in Dominicis. Quod si in die Dominica evenerit ali-
 „ qua festivitas , differtur in 11 feriam celebranda ; si verò in aliis diebus
 „ evenerit pleniter fit usque ad 14 feriam , quæ sequitur Ramos palma-
 „ rum : Nam si in ipsa feria vel postea in hebdomada aliqua festivitas
 „ evenerit usque ad 5 feriam sequentis septimanæ est differenda ; & tunc
 „ ita celebratur sicut consuetudo , & altitudo ejus exigit : tantum ta-
 „ men si privata fuerit propter paschalem solemnitatem magis fit ,
 „ quod invitatorium sit in albis. Sciendum autem quoniam festum 111
 „ lection. quandocumque in xl. contingat nihil aliud inde fit , quam
 „ commemoratio ad Vesperas , & Laudes , & ad Missam.] Tullense
 „ Sancti Apri Ordin. pauca hæc habet : [In festis verò SS. xii. lectio-
 „ num post Tertiam dicatur Missa de festo , quam cantabit Hebdo-
 „ marius Missæ , & post Missam dicatur Sexta , qua dicta fit inter-
 „ vallum competens usque ad 1x ; post 1x verò Missa de jejunio cele-
 „ brabitur ab Hebdomadario præcedentis septimanæ , post Missam di-
 „ centur Vesperæ ;] Brevius Calsinenses : [Si venerit aliqua festivitas
 „ SS. intra xl. , quarta lect. & resp. fiat de feria , Missa de SS. canatur
 „ ad Tertiam , & de feria ad Nonam.] Hæcque fuit generalis mona-

steriorum consuetudo ut XII. lect. festiuitas proprium obtineret officium cum commemor. feriæ in Laud. & Vesp., & Missam ad Tertiam: festa verò trium lect. communiter solam comm. ad Vesper. & Laud., & quibusdam etiam in locis ad Missam: In aliis verò nihil omnino. Cistercienses verò primò Missam de ieiunio, postea Missam de festo celebrabant ex lib. 2. Uluum c. 14.

10. Hactenus generales Quadragesimæ consuetudines, quæ cultum Divinum singulari respiciunt ratione retulimus; nunc eas quæ ad disciplinam obiectantiamque regularem pertinent brevi expediamus. In primis quia quadragesimale tempus pœnitentiæ potissimum est consecratum, hanc illis diebus non solum actu; sed habitu etiam ipso foris demonstrare nitebantur; hinc rasuram quam quindenis quibusque diebus exercebant, in XI. penitus obmittebant, Aquilgrancensi Concilio statuente, [ut in XI. nisi in sabbato sancto non radantur,] cui concinunt Germaniæ veteres consuetudines: [A primâ quoque hebdomada Quadragesimæ non se radent usque in ultimam;] Et Petrus Damiani: [Radant autem caput per menses singulos, exceptis quadragesimis duabus, quæ nimirum sine lavacro capitum transigendæ sunt;] Et Petrus alter, Venerabilis nimirum Abbas Cluniacensis, statuens ut fratres radantur [sabbato præcedente eandem primam Dominicam Quadragesimæ, nec deinceps nisi feria tertia hebdomadæ Palmarum.] Unus hic ab aliis discrepat Dunstanus, decernens ut [per tres priores hebdomadas sint inrasi, mediante verò quadragesimali tempore rasuræ officio pilorum evellant superfluitatem.

11. Eadem ratione à pedilavio seu, ut vocamus, *mandato*, quod singulis per annum sabbatis exercebant, in Quadragesima abstinabant. Extat hac de re præceptum in Regula Magistri lancientis, ut [in ipsius quadraginta diebus in monasterio fratribus ab hebdomadariis pedes non laventur, solummodo discalceentur; supervenientibus quibusvis extraneis laventur, propter illius mulieris testimonium, quæ lavit, & de alabastro unxit pedes Salvatori cœnanti.

12. Secundò quia non solum contritione corporis peccata redimuntur, sed etiam elemosina; hinc laudabilis in nostro Parisiensi S. Germani monasterio mos duodecim per Quadragesimam pascendi pauperes, quibus ipse Abbas in cœna Domini pedes lavabat: Huc referendum est, quod in vita S. Anscharij legimus: [In Quadragesimæ verò tempore quatuor pauperes in Brema ad escam suscipi jubebat, duos scilicet viros & duas fœminas; & viris quidem ipse cum fratribus pedes lavabat; fœminas verò in prædicto hospitali pauperum vice illius quædam Deo sacrata, quam ipse in Dei voluntate & religionis amore probatam habebat] n. 61. scz. 4. part. 2. p. 108. Vid. vit. S. Adelheidis n. 13. apud Boll. 5. Febr.

13. Tertò, In M.S. S. Cornelij Compendiensi consuetudinibus ad Dominicam 1. XI. hæc lego: [Hac die habeant fratres pulmentum; &

omnibus diebus usque ad Pascha ad collationem eant fratres ad caritatem,] hoc est pergant in refectorium haustum vini sine pane percepturi, quæ sola illis temporibus erat serotina collatio; nec aliud mihi significare videntur cons. S. Benigni Divionensis, cum scribunt c. 56. post Vesp. dicendas esse [Vesp. de omnibus Sanctis, & pro defunctis.] Postea in refectorio. Post servitores agatur officium mortuorum, sicque postea bibent,] quod nostris indultum est maximè in Concilio Aquilgran.

14. Quartò. Quod jam observavimus in comm. ad c. 49. tribus per hebdomadam diebus ij. iv. vj. scilicet feria continuum à nostris servabatur silentium, idque in omnibus omnino monasteriis lege inviolabili custodiebatur; ut patet ex Calsinensi Ordinario, libro Usuum Beccensium, Ordinario S. Petri supra Divam, consuetudinibus S. Benigni Divion., S. Dionysij in Francia, & aliis. Quibus etiam diebus in Dionysianis consuetudinibus præscribitur, aut saltem permittitur monachis accessus ad confessionem: [Feria 11. inquit, & iv. & vj. non loquantur fratres in claustrò, & in his tribus diebus post capitulum usque ad Sextam eant qui voluerint ad confessionem.

15. Quintò. Inter generales xl consuetudines recenseri etiam potest Orthobonis Legati constitutio pro monachis Benedictinis in Anglia an. 1248 facta, ut scilicet Summorum Pontificum constitutiones ad monachos spectantes [in singulis monasteriis bis in anno in principio scilicet Adventus Domini, & in capite Quadragesimæ omnibus fratribus convocatis in capitulo legantur.]

16. Sextò. Quam privatis diebus ad Vesperam accipiebant refectiorem, hanc festivis diebus post Missam statim etiam in xl percipiebant, ut patet ex vita S. Gertrudis Abbatisse Nivialensis ab Anonymo c. 11. 1. ejus coevo descripta, in cujus festivitate [quæ v hebdomada in xl s. c. 2. in sexta feria, contigerat, omnes qui ad hanc solemnitatem illuc convenerant, sive viri, sive foeminae, monachi, ac virgines Christi, cum honore & reverentia celebrarunt diem illum, & post expleta solemnitate Missarum, tunc sumserunt cibum cum gratiarum actione gaudentes ex omnibus escis quibus licitum fuit xl tempore comedere: sola autem matrona ea die non comedit] scilicet Adula Matrona religiosa, quæ quasi dubitans de Miraculis S. Gertrudis dixerat: [Absit hoc à me, ut pro hac solemnitate aliquid extra solitum pensum nostræ servitutis augere velim in refectiorem;] Quibus in verbis tria observat Mabillonius noster. 1. delectum ciborum in xl. illo tempore servatum fuisse. 2. in SS. festis per xl. occurrentibus nonnihil de jejuniij severitate remissum fuisse. 3. sextæ feriæ jejunium tunc temporis absque ullo cibi usu celebratum fuisse. De jejuniij remissione luculentum habemus testimonium apud Petrum Damiani, cum agens de Ordine Eremitarum fontis Avellani hæc habet: [Ecce enim de duabus opusc. 24. illis Quadragesimis quæ vel Natalem Domini, vel sanctum Pascha præcedunt,

præcedunt, licet ego taceam, vos tamen scitis, quia nonnulli hîc sunt, qui absque diebus Dominicis, duplex illud quadragesimale spatium totum jejunando transcurrere soleant, exceptis his tribus solemnitatibus, S. videlicet Andrea, vel S. Benedicti, & Annunciationis Dominicæ &c.] Quod certè dicit, non quasi duplicem illis diebus refectorem acciperent; sed quia *Sacratissimis illis diebus* vini & piscium esum illis concesserat, & jejunare illos existimabat, [qui panem cum sale & aqua percipiunt: Ubi autem præter hæc aliud aliud additur, inquit, perfectum jejunium non vocatur.

17. Si quæ supersunt monachorum veterum consuetudines in xl. has in comm. ad c. 49. attigimus, quibus proinde superfedendum est; hic tantum aliqua superaddam exempla ad ea quæ de secessu monachorum per xl. in solitudinem diximus: Primum habemus in magno Euthymio Abbate, & Theostisto, de quibus Cyrillus Scytopolitanus in vit. S. Euthymij n. 11.: [Cum ergo esset tam fraternus inter eos consensus, in Cutilæ solitudinem quotannis proficiscebantur octavo die post festum Luminum, separati quidem ab omni humano contubernio, cum Deo autem solo versantes per precationem, & totum tempus quod intercedebat transigentes in solitudine, donec advenisset dies festus Palmarum.] Idem præstibat & Gabrielius ex eodem Cyrillo ibidem n. 103. aliud ejusmodi secessus exemplum profert idem Cyrillus in vita S. Sabæ Abbatis n. 21. ubi sic loquitur: [Quia ergo solebat Euthymius 14. Januarij mensis in vastam solitudinem recedere, illicque peragere Quadragesimam; Sabas more parumper immutato post S. Antonij memoriam proficiscebatur, atque magni Euthymij commemorationem celebrabat, quæ 20. Januarij mensis die peragitur; sicque postea in vastam secedebat solitudinem ab omni humana conversatione sejungens se usque ad festum Palmarum, atque ita faciebat ferè quotannis.] Huc etiam adduci posset Pauli Abbatis exemplum, de quo Rufinus narrat quod [in una Quadragesima cum sextario lenticulæ, & parvo aquæ vasculo perduravit, & unam matram faciens eandem tenebat, & retenebat, ne tantummodo foris exiret;] Et de nostris insigne est illud quod de Eadberto Lindisfarnensi Episcopo refert Beda Venerabilis, quod scilicet in remotiore à monasterio loco [semper Quadragesimæ tempus agere ..., in magna continentia, orationis, & lachrymarum devotione consueverat;] Et de sancta Segotena Abbatissa Troclarensi Anonymus in ejus vit. c. 13., quod [in Quadragesima se retrusit in cellula donec fuisset transacta] Et de S. Petro Abbate Caveni Venuinus Abbas in ejus vit. n. 2.: [Remotioris vitæ studium gerens, ejusdem sacre Quadragesimæ dies in monte S. Eliæ, qui Caveni monasterio altius præeminet observare consueverat.] Vide S. Gennadij Episcopi Asturicensis elogium historicum, n. 6. sæc. 5. p. 37. E contra verd sæc. ix. moris fuit monachis Calsinatibus & S. Vincentij ad Wltunum [caritatis gratia diebus sanctæ

348 *De antiquis Monachorum ritibus*
 fac 4. 11 Quadragesimæ se invicem visitare,] ut observat noster Mabillonius ad
 p. 2. 11 vitam S. Bertharij Abbatis Calsinensis n. 8. non quidem ut fabulis
 11 vacarent; sed ut [de suo invicem ordine loquerentur.

CAPVT XI.

Particulares Quadragesim. consuetudines.

1. **P**articulares Quadragesimæ consuetudines sunt ex, quæ non omnibus; sed certis quibuscumque hujus temporis diebus conveniunt; quas hoc capitulo brevi referre necesse est. Quadragesimam à Dominica prima auspicamur, cujus ad primas Vesp. Psalmi, & antiphonæ de feria per annum dicebantur, Lectio sive Capitulum ex Apostolo: *Hortamur vos*, quod ex Udalrico, veteri Corbeiensis monasterij Ordinario, libro consuetudinum S. Benigni Divion. in omnibus Dominicis ad utrasque Vesperas, Laudes, & Tertiam dicebatur: ex Dionysianis verò consuetudinibus quotidie ad Vesperas, & insuper Dominicis ad utrasque Vesperas, & Tertiam.
2. Ad nocturnos Invitatorium à duobus in albis cantabatur ex Statutis Lanfranci, Udalrico l. 1. c. 11., libro Usuum Beccensium, consuet. S. Dionysij, & Ordin. S. Petri supra Divam. Lectiones ad primum secundumque nocturnum de sermone S. Leonis Papæ: *Licet nobis dilectissimi* assumebant Corbeienses, Divionenses, Sandionysiani, & Compendienses; eundem etiam, sed sub nomine sancti Maximi legebant Cluniacenses, teste Udalrico l. 1. c. 51. De Calsinensibus hæc lego in veteri eorum Ordinario: [Dominica 1. Quadragesimæ lect. in prima vigilia fiant de sermone S. Leonis Papæ: *Prædicaturus vobis*; in 2. de sermone S. Augustini. Lectio tertia: *Semper quidem dilectissimi*, 8. *Moses quadraginta diebus*. In tertia vigilia legatur homilia;] scilicet in Evangelium hujus diei, quam etiam alij ad tertium nocturnum legebant.
3. In Laudibus Lectio sive capitulum: *Hortamur vos*, sicut diximus, pro qua Lectionem ex Apocalypsi: *Benedictio*, juxta Regulam adhibebant nostri Dionysiani; Tulienses verò ex Apostolo: *Fratres eratis aliquando*.
4. Missam matutinalem nonnulli de Dominica; omnes tamen communiter de Trinitate, [In qua, ait *Tullense Ordinar.*, cantetur tractus de Dominica: *Qui habitat*, usque ad illum versum: *In manibus portabunt*; Si verò ad dictam Missam non potest cantari dictus tractus, ad magnam Missam integer cantabitur;] quod planè Tullensibus singulare fuisse crediderim.
5. De majori ita consuetudines S. Dionysij in Francia: [Missa festivè

celebretur sicut in Dominica prima Adventus, excepto quod non canetur sequentia. Hebdomadarius habeat festivam cappam, ministri altaris festivi induantur infulis.] Hanc Missam *in albis* cantabant Floriacenses, & Patiensenses sancti Germani, ut discimus ex utrorumque consuetudinibus: [In ista prima Dominica xl. est conventus in albis;] inquit Floriacenses; Et Sangermanenses: [Dominica in Brando- nibus festum in albis in quinque cereis.] In ea tractus: *Qui habitat* à toto conventu, *Verisque alternantibus choris*, ut loquuntur consuetudines S. Benigni, cantabatur; in Dionysiano tamen monasterio à xii dumtaxat *in albis*; in Compendiensi à sex vel ab octo; in Corbeiensi à sex cantoribus super pulpitu, ut habet vetus Ordinarium; in consuetudinibus tamen ejusdem monasterij hæc lego: [Sex fratres cantabant tractum retro chorum.] Tullenses qui primam hujus tractus partem in Missa matutinali cantaverant, in majori primo versu cantato, statim incipiebant: *In manibus portabunt*, unde desierant. De cetero nihil singulare occurrit in hac die notandum, plura nobis suggerit sequens feria secunda.

6. Primò enim [hac die, inquit *Lanfrancus*, incipiant portare abs-
consam ad secundam tantum lectionem. c. 1.
§. 1.

7. Secundò, solemnitas fiebat librorum distributio, ad quam præmissa Lectione ex Regula de observatione Quadragesimæ, cui & partem præcedentis capituli, quæ agit de Quadragesima, addebant nostri Compendienses, habebatur inter fratres sermo exhortatorius, quem Abbas sive quilibet alius capituli præses, aut ab eo nominatus de præsentis lectione faciebat: Apud Beccenses & Lyrenses erat *De institutione psalmodiarum prostratorum, & abstinentia ciborum, & de lecta Regula*. Si festum duodecim Lectionum hac die contigisset, duplex fiebat Lectio; una Evangelij præsentis festi, altera Regulæ. Utramque simul conjungit Lanfrancus in Statutis decernens, ut [si hac die festi-
vitas xii. Lectionum evenerit, legantur Lectiones in capitulo, una
de Evangelio, & altera de observantia Quadragesimæ; altera legatur
statim post alteram; lecta posteriore Lectione, tunc primùm dicat
Lector: *Tu autem Domine.*] Utramque verò Lectionem dividebant
Cluniacenses & utrique sermonem subjungebant testante Udalrico:
[Si quæ festivitas in eodem die xii. Lection. agenda evenerit, tunc
in capitulo duæ lectiones legantur, duoque sermones; anterior de
festivitate, sequens de Quadragesima.] Idem videre est in libro con-
suetudinum S. Benigni Divionensis: [Si autem quælibet festivitas
xii. Lect. in ipsa secunda feria evenerit, cum, ut moris est, in capi-
tulo dicto versu Evangelica lectio fuerit recitata, & post absolutionem
defunctorum subsequenter exposita, iterum puer accedens ad Lecto-
rium sententiam B. Benedicti de observatione Quadragesimæ sine be-
nedictione legit; quæ juxta morem rursus explanata, Armarius reci-
tat in tabulis omnium fratrum nomina quibus præterito anno eadem

„die libri dati sunt &c.] Idem habet vetus Corbeienſe Ordinarium. Conſuetudines autem S. Dionyſij duplicem præſcribunt lectionem; ſed „unicum ſermonem: [Si ipſa die xii Lectiones evenerint, poſt lectionem Evangelij, & poſt abſolutionem defunctorum, ſubſequenter Regula ſupra dicta; & poſtquam expoſita fuerit nominet Cantor quem „librum quiſque anno præterito acceperit;] Sed Lyrenſes atque Becceſes quæcumque hac die feſtività xii Lectionum accidiffet, una contenti Regulæ Lectione, & uno ſermone erant; poſt quem libri diſtribuebantur modo à nobis in comm. ad c. 48. deſcripto, qui ubique idem erat.

8. Tertio Librorum diſtributioni generalem etiam præmittebant confeſſionem Caſinenſes noſtri: rem ita exponunt in antiquiori „Ordinario: [Deinde omnes convenientes in capitulo ſolvant ſilentium „ſecundum conſuetudinem; dehinc Abbas faciat confeſſionem, & ad „e accipiens orationem ſurgat, & ſic omnes ſimiliter faciant & „fratres confeſſionem, & Abbas ſuper eos dans orationem, ſedeant „omnes; tunc unusquiſque de manu Bibliothecarij Librum accipiat „ſuo ordine incipientes à ſenioribus.] An verò ea reſpiciant conſuetudines Lyre cum dicunt: [Ipſa die fit ſermo à præſidente in capitulo „de inſtitutione pſalmorum proſtratorum, & abſtinentia ciborum; poſtea „loquuntur de ordine: deinde præſidens proferat ſententiam pro criminibus qui numerari ſolent in hac die, pro quibus & ſententia datur. „Deinde præſidens de offeſſis ſuis in ſubditos, & ſubditorum in ſe loquatur. Poſtea dicat: *Confiteor*; & ſubditi reſpondeant: *Mifereatur*; „cipientes veniam in terram tam ſubditi quàm Prælatus, & facta abſolutione à Prælato ſurgant; tunc Cantor legat tabulam librorum &c.] An verò de excommunicatione certorum criminum puta proprietatis, incontinentiæ, &c. quàm feria ſecunda primæ hebdomadæ xl. pronuntiabant Anglicani monachi ex eorum Statutis c. 6., quæ extant apud Reynerium in appendice p. 156.; fortè utrumque. In rituali „Beccenſis monaſterij præſcribitur ſolùm ut poſt ſermonem [loquantur „de ordine; deinde præſidens de offeſſis ſuis in ſubditos & ſubditorum „in ſe loquantur, tunc omnes in terra veniam capiant, & facta abſolutione ſine *Confiteor*; Cantor legat tabulam librorum.

9. Quarto facta librorum diſtributione, & data unicuique jejunandi licentia, inſtituebantur ab Abbate Circatores, qui juxta Regulam horis quibus vacant fratres lectionibus monaſterium circumirent: facta „librorum diſtributione, [datur ab Abbate fratribus licentia cum diſcretionem & moderatè jejunandi; *inquunt conſuetudines S. Benigni* „c. 56. Deinde circatores ſurgentes ante Domnum Abbatem veniunt, & pro- videtur de eis utrum idonei ſint, ſi ſint quot oporteat, vel plus; „præcipiturque eis ut ſecundum Deum *Circam* faciant, nulli pro qua- libet gratia parcentes, nec per malitiam quemquam clamantes.] Idem legitur in veteri Corbeienſi Ordinario, Ciſterciienſes, & Buſfeldenſes, qui

libros Dominica 1. Quadragesimæ distribuebant, Circatores etiam Dominica post librorum distributionem instituebant, ut patet tum ex lib. Usuum Cisterc. c. 15. tum ex Ordin. Bursfeld. c. 32.

10. Quinto notandum quod post Lectionem ex Regula antequam libri distribuerentur præscribitur in uno codice consuetudinum Lyre, his verbis: [Tunc pronuntietur à Cantore Missa de sancto Spiritu, & alia pro fidelibus, quæ debentur illis qui libros fecerint, & dederint isti Abbatibus, & illis qui faciunt elemosynam leprosis in die Palmarum ad sermonem, & quinque Missæ pro fidelibus, pro fratribus de nostra defunctis. Orat.: *Inclina: Deus venia: Ecclesia: Sanctorum: Fidelium* &c. ab unoquoque Sacerdote debentur; ab aliis l. psalmi quinque; ab aliis c. *Pater noster*.] In Rituali etiam Beccensis monasterii præscribitur ut [præfatus absolvat omnes tam vivos quàm defunctos, qui circa libros laboraverunt, seu scripserunt, vel dederunt.

11. Sexto [In eodem die, *infit lib. Usuum Becc.*, pulsantur omnia signa ad vigilias mortuorum, & inchoatur tricenarium in conventu, hoc est septem plena officia, & : *Verba mea* diebus xxx. pro cunctis fratribus monasterii, pro parentibus, pro benefactoribus, & familiaribus ipsius loci, simul & pro cunctis fidelibus defunctis sicuti fieri mos est pro fratribus noviter defunctis.] In Floriacensis vero monasterii consuetud. datur ab Abbate licentia *unum psalterium ex consuetudine recitandi*.

12. Septimo denique mirum est, quod scribit Udalricus ad hanc diem: [Vide quoque quali humanitate Patres nostri ipsam Quadragesimam voluerunt initiari; eo namque die, pro ut ipsis placuit, habemus ad refectorem panem solito meliorem, & calidum, & generale piscium, si quomodo inveniri poterit, & pigmentum ad cuius propitiationem scilla non sonatur.

13. Feria quarta primæ hebdomadæ Quadragesimæ jejunium quatuor temporum in mense Martio celebrabatur, ut nunc fit, licet ejus terminus nundum accidisset, sed postea futurus esset; [qui mos unde primo inoleverit, *infit Udalr.*, de industria & studio, an ex negligentia nescio, nisi hoc scio contra usum esse multarum Ecclesiarum, tam in Romana lingua quàm in Teutonica.] Officium hujus diei nihil habebat singulare; sed eodem modo & ritu, quod privatis diebus celebrabatur: unum dumtaxat habent consuetudines Dionysianæ codicis Colbertini, in quibus ad nocturnos assignantur Lectiones *de expositione Evangelij: Acceperunt ad Jesum scriba & Pharisei*; Sed Dionysianus codex constanter retinet Lectiones de expositione S. Augustini in psalmos, ut aliis diebus. Si quid ergo singulare hanc ad diem pertinet, in una Missa continetur; in qua nimirum duæ epistolæ, duoque canebantur.

14. Ad orationem, quæ primam præcedebat Epistolam, præmittatur: *Dominus vobiscum*; ad alias tantummodo: *Oremus*. Ita consuetudines Benignianæ, Dionysianæ, Compendienses, ac Tullenæ Ord.,

Secus tamen in Ordinario S. Petri supra Divam, in quo præscribitur ut
 „ [ad Missæ majoris collectam non dicat Sacerdos: *Dominus vobiscum*; sed
 „ *Oremus*; post & verò dicat Sacerdos: *Dominus vobiscum*, & collectam
 „ de die, postea faciat memoriam de quibus agenda est.] Ad secundam
 collectam non præcinebant nostri Tullenses: *Flectamus genua*; sed
 tantum ad primam; e contra Dionysiani, & Compendienses ad utram-
 que.

15. Prima lectio, quam vulgò Prophetiam appellamus, ex Benignia-
 nis consuetudinibus in tono Epistolæ cantabatur; & quidem *ab uno*
puero in alba & cum titulo ex Ordinario Tullensi. Hic in monasterio
 S. Petri supra Divam erat *minister candelæ*, sive Acolythus, qui licet
 unus, unum tamen ad altare sacros ministros præcedens deferens can-
 delabrum ut supra vidimus, qui *manipulum, si Subdiaconus esset*, ac-
 cipiebat.

16. Quod sequebatur & *Tribulationes* ab uno puero cantabatur ex
 Dionysianis consuetudinibus, ut & sequens Epistolam tractus: *De*
necessitatibus. Quoniam verò pacto hunc tractum cantarent nostri Cor-
 beenses, exprimunt eorum consuetudines his verbis: [Feria quarta
 „ qua cantatur: *Reminiscere*, cantabunt duo fratres tractum: *De ne-*
 „ *cessitatibus*, mox ut cantaverint primum versum, conventus repetet
 „ eundem versum, & cantabit; & post dicti duo fratres cantabunt se-
 „ cundum versum, & conventus repetet tractum in medio, scilicet:
 „ *Vide humilitatem*; & postea prædicti duo fratres cantabunt tertium ver-
 „ sum, & conventus repetet tractum: *De necessitatibus*, & cantabunt
 „ primum versum.] Huicque tractui subjungebant alterum *Domine non*
secundum ex Rituali ejusdem monasterij, Dionysianis, Compendien-
 sibus, & Tullensi Ordinario; à quo tamen abstinebant, si ea die
 festum XII Lect. accidisset ex Rituali Corbeensi.

17. Sequentis Sabbati Missa majorem habebat solemnitatem, ad eam
 siquidem Cantor indutus cappa, aut minimum alba chorum rege-
 bat; quinque præter epistolam Lectiones dicebantur, totidemque
 Responsoria; aliaque nonnulla fiebant quæ circumstantium devotio-
 nem excitabant & pietatem: Hac de Missa sic loquuntur consuetu-
 dines S. Benigni Divionensis: [Sabbato major Missa non prævenitur
 „ letania, nec ad eam amplius collectarum, quàm de officio est dicendum,
 „ nec offertur, nec pax recipitur nisi ab uno, & una tantum hostia,
 „ nec in refectorio dantur hostiæ;] & infra [In Sabbato illi qui can-
 „ tant & ad Missam totum versum finiunt, & conventus & à capite
 „ incipit: Qui autem benedictiones cantant, non finiunt primum ver-
 „ sum, sed inceptum ab eis chorus persequitur, & finit; ceteros verò,
 „ ut mos est, totos finiunt, choro quod repetendum est repetente.
 „ Hebdomadarius qui cum cappa chorum regit, non ponit thus in
 „ thuribulum post offertorium; non enim fit nisi tantum in diebus
 „ festis. Notandum autem quod in omnibus sabbatis quatuor temporum

illi, qui faciunt officium, donec versus offerendæ finiatur expectant, id est illi qui Lectiones præter epistolam legerint, & *re* cantaverint, præter infantes, & postea albas deponunt. Cantor verd, qui cum cappa tenet chorum, aliis ad orationem procumbentibus, non procumbit, & ad illam orationem quæ fit ante *ix*, de choro exit.

18. Ad Orationes, quæ Lectionibus præmittuntur, non dicebant: *Dominus vobiscum*; sed tantum: *Oremus: Flectamus genua*: e contra ad collectam, quæ ante epistolam dicebatur: *Dominus vobiscum*, sed sine: *Flectamus genua* præmittebant.

19. Lectiones ex Tullensi Ordinario legebant *pueri in albis*; & quidem cum *istulo*. Hi in monasterio S. Petri supra Divam erant *Novitij*, eo excepto, qui quintam Lectionem legebat; erat enim Diaconus. Apud Beccenses quatuor primas Lectiones legebant quatuor *Subdiaconi*, quintam *Presbiter*: Apud Dionysianos quatuor posteriores quatuor *Presbiteri*, primam ille qui facit *platenam*, inquit consuetudines Dionysianæ.

20. Singulas Lectiones singula sequebantur *re* ab aliquibus in albis cantanda ex Benignianis consuetudinibus modo citatis, excepta quinta, post quam hymnus: *Benedictus es* cantabatur, & quidem à quatuor Sacerdotibus ex Dionysianis consuetudinibus; sed in Compendiensi, atque Tullensi monasterio à duobus tantum fratribus; In Corbeienfi à sex. Modum autem illum cantandi ita exprimit Tullense Ordinarium: [Hymnus: *Benedictus es*, eo modo quo dictum est in Adventu, canetur in albis à duobus fratribus, qui in præcedenti Dominica nominati fuerunt ad tractum:] Modus autem Adventus talis erat, cum prædicti duo fratres dixerint: [*Patrum nostrorum* chorus reincipiat: *Benedictus es*, & totum versum finiat, & post unumquemque versum idem chorus respondeat: *Et laudabilis*. Cumque prædicti duo fratres inceperint: *Gloria Patri*, surgant omnes de sedilibus suis; reincipito: que primo versu hymni: *Benedictus es* à prædictis duobus fratribus, chorus stans respondeat: *Domine Deus*, & totum versum finiat,] aliter Corbeienfis monasterij consuetudines: [Sequenti, inquit, Sabato cantabunt sex monachi tractum: *Benedictus es*, mox ut cantaverint primum versum, conventus repeter eundem *ps* & cantabit, & post tres monachi de dictis sex monachis cantabunt unum *ps*, & alij tres cantabunt alium *ps*, & conventus repeter ad unumquemque *ps*: Hymnum dicite; & quando tractus erit cantatus, iterum dicti sex monachi incipient principium primi versu de dicto tractu, scilicet: *Benedictus es*; & conventus cantabit illum primum versum.] Benigniani & Compendienses pro hymno *Benedictus*, hac die cantabant: *Benedicite*.

21. Post epistolam tractus: *Laudate Dominum* cantabatur à duobus ex Ordinario Tullensi, & S. Petri supra Divam, consuetudinibusque S. Cornelij; & quidem Sacerdotibus ex Dionysianis consuetudinibus.

Quonam verò loco tam ipse tractus quàm præcedentes benedictiones cantarentur, habemus ex libro Usuum Beccensium, nimirum [ubi leguntur Lectiones, inquit, ibi cantantur benedictiones. Tractus verò in xl inter cortinam & altare ante analogium, quod ibi poni debet post benedictionem;] & consuet. Lyræ: [Ubi leguntur Lectiones, ibi cantetur Benedictio, tractum verò ante aquilam:] Ordinarium verò S. Petri supra Divam: [Cantent duo ad analogium hymnum: *Benedictus es Domine*; ... Cantent duo ad gradum omnino tractum: *Laudate Dominum*.

22. Denique in fine Missæ non dicebant: *Humiliate capita vestra Deo* ex lib. Us. Becc., & cons. Lyræ.

23. [Dominica secunda xl. ut decet devotissimè celebretur, inquit Ordinarium S. Petri supra Divam, & ut supra dictum est Sacerdos Sabato tantum ad Vesperas revestitur. Hæc igitur Dominica, & aliæ quæ sequuntur, suum plenè habeant servitium, nec carebunt suis utriusque Vesperis, etiam si supervenerit festum in albis] Lectiones ad primum secundumque nocturnum ex libro Genesis: *Senuit Isaac*. De cetero nihil singulare occurrit præter ea quæ tractum utriusque Missæ respiciunt, de quo breviter liber Usuum Becc., & consuetudines Lyræ: [Dominica secunda xl. non dicitur & ad Missam matutinalem, sed tractus: *Dixit Dominus mulieri*. Ad Missam majorem & *Iustus es Domine*, & tractus: *Benedicam Dominum*;] Et Tullense S. Apri Ordinarium: [Ad matutinalem Missam tractus: *Latatus sum*: fratres qui sunt in choro in quo est hebdomada, dicant primum versum, & fratres alterius chori secundum, & sic de aliis; & infra ultimum versum uterque chorus dicat: *In tenebris tuis*, & sic finitur: Ad majorem verò Missam [tractus: *De necessitatibus* cantetur à duobus pueris, & circa finem cuiusque versus chorus residuum sumens finiat versum, finito ultimo versu sequitur alius tractus à duobus fratribus in albis cantandus, scilicet: *Dixit Dominus mulieri*.] Dionysiani unicum ad majorem Missam tractum: *Dixit Dominus mulieri*; Cartusienfes: *De necessitatibus* cantabant. Infra hebdomadam nihil singulare occurrit; sed neque sequenti hebdomada tertia nisi quod in Ordinario Tullensi feria Sexta etiam ad minores Horas propria assignantur antiphonæ, scilicet ad Primam: *Aquam quam ego*; ad Tertiam: *Dixit Samaritana*; ad Sextam: *Mulier venient*; ad Nonam, *Domine ut video*.

24. Dominica iv vulgo Dominica: *Latare* appellata ab Introitu Missæ, qui ab hac incipit voce, paulò majorem habebat solemnitatem; hac siquidem die apud Floriacenses erat *conventus in albis*, uti & apud Nostros S. Germani à Pratis, quorum consuetud. hæc habent: [Dominica in medio xl. qua cantatur *Latare*, in vigilia ipsius Dominicæ debet esse sermo in capitulo, & est illa Dominica festum in albis in quinque cereis.] In quibusdam monasteriis, & fortè in omnibus

omnibus eandem omnino solemnitatem, quam supra ad Dominicam primam advertimus, obtinebat: De Dionysiano & de monasterio Sancti Petri supra Divam res constat, tam ex illius consuetudinibus quam ex istius Ordinario: [In hac Dominica, *inquirunt consuetudines Dionysiana*, omnia festivè celebrentur, ut in prima Dominica Quadragesimæ: Invitatorium: *Populus Domini* in albis;] & Ordinarium S. Petri supra Divam: [Dominica IV. XI. qua cantatur officium: *Lazare Jerusalem*, sicut prima XI. celebretur:] Sed omnium solemnissimè Compendienses nostri; ita quippe M. S. eorum consuetudines: [Sabbato mediæ XI. parabitur ecclesia, sonabit classicum. Ad Vesp. *Audi Israel* à duobus in frocis; Sacerdos induetur ad thuribulum. Ad M. antiphona: *Nemo te*. Oratio: *Pratende Domine: Benedicamus* à duobus in cappis: Ad Completorium pulsabuntur duæ majores campanæ, & ad Primam in Dominica ad Tertiam antiphona: *Nemo te*. Omnes sint albis, & fiat processio, & deferatur sanctuarium post processionem faciat Abbas sermonem ad populum, vel cui iusserit ipse, & recitetur indulgentia Domini Papæ, & faciat benedictionem super populum.

25. Feria iij infra hebdomadam in Tullensi Ordinario ad Primam propria notatur antiphona: *Unum opus feci*; Ad Tertiam: *Et me sci*. Fer. IV. ad Primam: *Ille homo qui dicitur*; ad Tertiam: *Interrogatus cæcus*; ad Sextam: *Dixi vobis*. Feria VI. ad Primam: *Lazarus amicus*.

26. Dominica in Passione Domini, quam veteres *Dominicam medianam* appellabant, novas aliquas habebat consuetudines novosque usus, quos recenset vetus codex consuet. S. Benigni Divion. his verbis: [In Passione Domini tantum ad *Re*, & ad Invitatorium psalmum dimittitur *Gloria Patri*; nam ad officia Missarum dicitur sicut in alio tempore; commemoratio quoque de sancta Cruce dimittitur usque in Pascha; capitula etiam, & versiculi, & collectæ, quæ hætenus dicebantur, mutantur; hymni quoque ad Matut.; vel Vesperos, & ad nocturnos. In crastino ad nocturnos post primum versum psalmi Invitatorij ipsum Invitatorium non à capite, sed ab eo loco: *Et dixi semper erravi*, incipitur; eo scilicet quod in fine *Gloria Patri* non dicitur. Ad Primam Lektionem prologus de Hieremia legitur, ad reliquas septem de eodem Propheta. Legitur autem in ecclesia tantum, ita ut usque ad Lamentationem ad cœnam Domini sit finitus.] Ubi quod ait: *Gloria Patri* ad officium seu Introitum Missæ obmittendum non esse, habetur etiam in veteri Ordinario Corbeienfi, & in antiquis consuetudinibus Cluniacensis monasterij apud Udalricum l. 1. c. 54; sed hoc istis monasteriis extitit peculiare, cui refragatur praxis aliorum monachorum; Hinc etiam Udalticus [In Passione Domini, *inquit*, *Gloria Patri* si ad nullum cantatur Responsorium, cantatur tamen ad Introitus; quamvis iterum contra usum faciamus

„ aliarum ecclesiarum :] Rationem verò cur in Responsoris , Invitato-
 „ riis , & Introitu Missæ *Gloria Patri* dimittamus , hanc afferunt con-
 „ suetudines Grandimontenses : [Quia à Dominica in Passione Domini
 „ incipit Ecclesia recitare ignominiam Passionis Christi , & gloria Christi
 „ cum ignominia Passionis ejus dicenda non est congruè.

27. Commemorationem & processionem ad crucem etiam obmitte-
 bant , alij usque ad octavam Paschæ , uti & memoriam de Trinitate
 usque ad Pentecosten.

28. Hymni novi hi erant ad Vesp.: *Vexilla regis prodeunt*; ad Nocturnos:
Pange lingua; ad Laudes: *Lustra sex*; Sed Cartusienfes hymno: *Vexil-
 la regis* tam in Vesperis , quam in Matutinis usque ad cœnam Do-
 mini utuntur , divisione facta pro Laudibus ante versum: *Arbor decora*:
 ut habetur in eorum Ord. c. 48. n. 11. Porro circa hos hymnos no-
 „ tandum quod habent consuetudines Floriacensium : [Sabbato in
 „ Passione hymni cantantur magis protractè & distinctè , quàm alio
 „ tempore. Dum cantatur: *O crux ave* , omnes pariter genua flectunt.]
 Consuetudines S. Dionysij in Francia , & Compendienses tantùm
 habent: *Inclinent se omnes ob reverentiam Dominica Passionis*: Tul-
 „ lense autem S. Apri Ordinarium: [Infra hymnum cùm dicitur: *O crux
 „ ave* , omnes cum summa devotione flectant genua , & capita denudent,
 „ & cum dixerint: *Spes unica* , surgant.

29. Circa nocturnorum Lectiones illud observandum , quod inte-
 gram Hieremiæ Prophetiam ad cœnam Domini legerent in ecclesia ,
 præmissò ad primam Lectionem prologo , unde tres primas Lection-
 es faciebant nostri Dionysiani , quarum in fine dicebatur quidem:
Tu autem Domine , cujus loco Prophetiæ Lectiones hac clausula ter-
 minabantur: *Hac dicit Dominus*. Tullense Ordinarium addit: *Con-
 vertimini ad me & salvi eritis*. Cistercienses verò Hieremiæ pro-
 phetiam tam in choro , quàm refectorio legebant ex lib. Usuum
 cap. 16.

„ 30. Præterea [hac nocte (scilicet Sabbati ante Dominicam Passio-
 „ nis ,) inquit Tullense Ordinarium , & sabbato ante Palmas ad col-
 „ lationem finitis antiphonis quæ in mandato solent quolibet sabbato
 „ dici , surgant fratres de sedilibus suis , & content hos duos Versus : *O
 „ Crux ave spes : Te summa Deus Trinitas*.

„ 31. Insuper [Dominica in Passione , sic habent consuetudines Cor-
 „ beienfes , . . . Corpora Sanctorum , & crux majoris altaris velabuntur
 „ duobus vexillis rubeis.

„ 32. Denique ex Ordinario S. Petri supra Divam [In capitulo impo-
 „ nendæ sunt Passiones Evangelicæ , quæ in alia hebdomada sunt di-
 „ cendæ.

„ 33. Tandem ad majorem Missam. [Commixtione Corporis & San-
 „ guinis Domini facta , & orationibus dictis , & *Agnus Dei* , & data
 „ pace ; Sacerdos super altare tenens corpus Dominicum & calicem ,

cantet communionem, ad cuius inceptionem totus conventus ob reverentiam Passionis Dominicæ prostrat se in terra cum summa devotione; cūque dicta communio à Sacerdote finita fuerit, omnes à terra surgant.] Ita Tullense Ordin.

34. Porro ab hac die usque ad Pascha nullus sanguine minuebatur, nisi petita in capitulo venia, & obtenta licentia, ut supra observavimus, & hinc expressè habent Floriacenses, & Dionysianæ consuetudines.

35. Infra hebdomadam verò nihil occurrit notandum, nisi fortè quod habet Cassinense Ordinarium his verbis: [Ab hac die usque in feria 4. in cœna Domini in quotidianis diebus legantur duæ lectiones de Propheta; tertia verò de feria. Si autem festivitas S. Benedicti intra hos dies venerit, prima intra octavam legatur de Hieremia, secunda de homilia, tertia de S. Benedicto.] ubi obiter observabis celebratas illis temporibus in xl. octavas.

36. In Dionysianis consuetudinibus feria quarta notatur ultima processio.

CAPVT XII.

*De Dominica in Ramis Palmarum, & tribus
seq. diebus.*

1. Inter omnes Quadragesimæ Dominicas solemnissima semper existit quæ numero est prostrema; sed mysterio & solemnitate prima, à Ramis Palmarum hac die benedicendis *Dominica Palmarum* appellata, quæ proinde proprium jure mereatur Capitulum, in quo potissimum considerare oporteat Regulare officium, Palmarum benedictionem, processions ordinem, utriusque matutinalis & majoris Missæ imino & privatarum Missarum ritus speciales, & alia nonnulla quibus in perquirendis naturalem tamen rerum ordinem prosequi satius existimavimus.

2. Igitur ad nocturnos Invitatorium: *Ipsi verò* à duobus in albis cantabatur ex Lanfranci Statutis, Udalrico lib. 1. c. 11., lib. Usuum Beccensium, Dionysianis, Compendiensibusque consuetudinibus; ad cuius ultimum versum [mox ut cantaverint, *Ipsi verò non cognoverunt vias meas*, conventus respondebit *Quibus juravi*,] inquit Corbeienſes consuetudines, quibus concinit Tullense S. Apri Ordinarium

* Dominica Palmarum in libro 3. de gestis SS. Rotonensium c. 1. dicitur *Sabbatum sanctum* sæc. 4. part. 2. p. 213.

hæc scribens: [Postquam illi duo qui cantant: *Venite*, dixerint hunc
 & *Quadragesima* usque *quibus iuravi*, chorus incipit & finit quod se-
 quitur, scilicet *quibus iuravi*: Postea illi duo qui cantant *Venite* rein-
 cipiant: *Ipsi vero*, choro idipsum prosequente.

3. Etsi in omnibus communiter monasteriis à Dominica Passionis
 ad Cœnam usque Domini Jeremiæ Prophetia ad nocturnas vigilias
 quotidie legeretur, idque ipsum cum summa religione observaverint
 per plures; ab hac tamen communi regula deflectebant nonnulli; alias
 ad hanc Dominicam lectiones adsumentes. Ita vetus Cassinensium or-
 dinarium Dominica in Palmis [Octo, inquit, Lectiones legantur de
 expositione S. Hieronymi super Matthæum: *Scitis quia post*; quatuor
 de homilia S. Johannis Chrysostomi;] & Dionysianæ consuetudines
 M. S. [quatuor primæ Lectiones de Prophetia Zachariæ: *Exulta satis*,
 ad finem quarum dicatur: *Hæc dicit Dominus*. Sequentes quatuor Le-
 ctiones de sermone: *Deus Deus meus*, ad finem quarum dicatur: *Tu*
autem... Quatuor Lectiones de Evangelio: *Cum appropinquasset Iesus*.]
 Denique Tullenſe S. Apri Ordinarium *Lectiones*, inquit, *sic incipiunt*:
psalmi vigesimi primi; deinde quatuor postremas Lectiones adsignat de
 Evangelio *Cum appropinquasset*.

4. [& Nonum: *Ingrediēte Domino*, quod cantet aliquis benè
 cantans] inquit consuetudines Dionysianæ, post versum reincipie-
 batur ex eisdem, & Compendiensibus consuetudinibus.

5. Ad Laudes & per horas antiphonæ propriæ, omīssis suffragiis tam
 ad Laudes, quàm ad utrasque Vesperas ex Dionysianis, Compendien-
 sibusque consuetudinibus; licet in Tullenſi Ordinario ad Laudes adsi-
 gnetur commemoratio de *Trinitate* post hac usque ad oct. Pentecostes
 non faciēda.

6. Missam Matutinalem de *Trinitate* notant consuetudines Dionysia-
 næ, & Compendienses; cū tamen omnes alij Missam de die canē-
 rent, in qua illud præcipuè observandum, quod in ea Passio non lege-
 retur, sed Evangelium: *Cum appropinquasset*, quod etiam privatis in
 c. 1. „ Missis observabant, ut patet ex Lantfranci Statutis: [Sacerdotes ad
 s. 4. „ privatas Missas unam tantum collectam dicant; Evangelium: *Cum*
 „ *appropinquasset*. Passionem nullus legat, nisi fratres qui in formis can-
 l. 1. „ tant;] Ex Udalrico: [In Ramis Palmarum ad Matutinalem Missam
 c. 54. „ nonnisi una collecta est dicenda, nec Passio legitur; sed illa tantum
 „ Lectio S. Evangelij: *Cum appropinquaret Iesus*, quod etiam cunctis
 „ Sacerdotibus, qui privatas Missas cantaverunt, præcipitur; ut sint
 „ parati ad duas processiones, quæ illo die sunt agendæ;] Ex libro
 c. 57. „ conf. S. Benigni Divionensis: [Sabbato ante sanctum diem Palmarum
 „ capsæ in crastinum ad processionem ferendæ præparantur; in crasti-
 „ num nec ad Missam matutinalem, nec ad Missas privatas Passio
 „ legitur; sed illud Evangelium: *Cum appropinquaret Dominus Iesus*.]
 Idem habet vetus Corbeienſe Ordinarium; & M S. consuetudines S.

Dionysij in Francia : [Et est ordo, *inquiunt*, quod si quis Missam pri-
vatim cantaverit, non legat Passionem; sed Evangelium : *Cum appro-*
pinquasset.] & Compendienses : [Si quis Missam privatè cantare vo-
luerit non Passionem leget; sed Evangelium : *Cum appropinquaret;*]
Tullense etiam S. Apri Ordinar. [In omnibus privatis Missis, *inquit*,
quæ de Dominica dicuntur in hac die non legatur Passio; sed Evan-
gelium Missæ matutinalis, scilicet : *Cum appropinquasset;*] Et Consue-
tudines Grandimontensium : [In hac Dominica Ramis Palmarum ^{c. 15}
cantatur Missa matutinalis de eodem die cum duobus aut tribus ver-
sitais tractus, & cum Evangelio : *Cum appropinquasset;*] Consuetudines
S. Germani à Pratis : [Quando erimus circa finem tractus, Sacrista
pullabit unam parvam campanam pro congregando Domnos ad au-
diendam Passionem; quia ipsa die non debet legi nisi in magna Missa;]
Denique rubricæ Missalis Casalis Benedicti : [postea fiat processio &
dicatur Evangelium : *Cum appropinquasset*, ubi consuetum est, quod ^{l. 1.}
etiam in missis privatis dicendum erit, non autem Passio; nisi cui ^{c. 12.}
fecit à superiore concessum.] Ex quibus postremis verbis discimus,
aliquibus fuisse concessum ad privatas Missas Passionem legere, &
certè illud Cellerario permittunt consuetudines Corbeienfes, his verbis:
[Nullus leget passionem, nisi solus Cellarius privatim:] immo om-
nibus ante capitulum Liber Usuum Beccensium & rituale ejusdem
monasterij : [Ante Primam, *inquit*, possunt Passionem legere ad pri-
vatas Missas quicumque voluerint; post capitulum nequaquam, nisi
licentiâ vel pro aliqua necessitate;] quæ totidem verbis habentur
in consuetudinibus Lyrensiū.

7. Præterea hac in Missa matutinali una dumtaxat collecta di-
cebatur, nec tractus ex integro cantabatur, ut patet ex citatis
modo Grandimontensium consuetudinibus, & insuper ex Tullen-
si Sancti Apri Ordinario : [Tractus *Deus Deus* cantetur usque ad
illum versum, *Libera me*; fratres chori in quo est hebdomada
dicant primum versum, & fratres alterius chori secundum, & sic
de aliis.

8. Denique [In hac Missa, *inquit Tullense Ordinarium*, communio
dicatur antequam Corpus & Sanguis Domini sumatur à Sacerdote.
Idem fiat ad magnam Missam.

9. Interim dum hæc Missa cantaretur aquæ Lustralis benedictio-
nem, atque ad officinas monasterij processionem ab uno Sacerdote
faciendam præscribit Concordia Dunstani, his verbis : [Dominica die
Palmarum, quia major restat processio agenda, illa quæ solet in ^{c. 3.}
clauitro agi interim dum Matutinalis Missa canitur, agatur à Sacer-
dote tantum, conspersionem & benedictionem agente;] Et conue-
tudines Germaniæ : [Mox verò post capitulum omnes induti albis, ^{n. 23}
Presbiter Hebdomadarius cum cruce tantummodo, & aqua benedicta
agat benedictiones per omnes officinas, dum à cæteris matutinalis

Missâ completur.] In aliis tamen monasteriis finita Missâ matutinali processio solito more fiebat per claustrum ab omnibus; & quidem albis

c. 7. „indutis ut patet ex Lanfranci Statutis: [Post matutinalem Missâ bened-

5. 4. „edicatur aqua, ad quam sint omnes albis induti, fiat processio per clau-

„strum, ut mos est, omnibus Dominicis diebus;] Ex Udalrico: [Sint

1. 1. „omnes parati ad duas processiones, quæ illo die sunt agendæ: Prior

c. 14. „post Matutinalem Missâ sale & aqua consecratis sicut mos est cun-

„ctis Dominicis diebus per claustrum; Ceterior post Tertiam;] Ex li-

bro consuetudinum S. Benigni Divionensis: [Ipsa die, *scilicet Palma-*

rum, duæ sunt processiones; post matutinalem Missâ, Prior per

c. 57. „claustrum, sicut mos omnibus Dominicis, nec ad ipsam aliud can-

„tatur, quàm in præcedentium Dominicarum processionibus; Poste-

„rior verò post Tertiam cum frondibus & Palmis ante majus altare

„sacris; utraq; tamen aguntur fratribus omnibus albis indutis.]

Idem habet vetus Corbeienſe Ordinarium, & Liber Usuum Beccen-

„sium: [Post Matutinalem Missâ, *inquit*, omnes albas induti, agant

„processionem per claustrum, & cetera, uti mos est, in die Dominica.]

„Consuetudines verò S. Dionysij in Francia hæc scribunt: [Post *Sanctus*

„Missâ matutinalis induantur omnes albis, & post eandem Missâ

„aqua benedicta, & processio eat per claustrum in albis sicut in aliis

„Dominicis, præter quod non ibunt in navi, sed redeant per portas

„eburneas in choro, & ad ipsam processionem canteretur antiphona:

„*Cum sederit*: Ad Introitum chori antiphona: *Turba multa*; deinde

„cantetur Tertia;] In alio verò codice Bibl. Colbertinæ: [Post *Sanctus*

„Missâ matutinalis induantur omnes albis & post eandem Missâ fiat

„aqua benedicta, & eat Sacerdos qui benedixit aquam per officinas

„dicendo orationes. Interim cantetur Tertia,] cui concinit Ordina-

„rium S. Petri supra Divam his verbis: [Missâ Matutinalis de Domi-

„nica; post elevationem Corporis Christi ad ipsam Missâ revestiant

„se omnes in albis, sanctificata quoque aqua à Sacerdote, & aspersa

„more solito, faciat idem Sacerdos processionem cum cruce; & aqua

„benedicta canentibus interim ceteris in choro Tertiam.] Tullensē verò

„Ordinarium: [Finita Missâ matutinali, *inquit*, hebdomadarius Missâ

„faciat aquam benedictam, quâ more solito aspersa, Dominus Ab-

„bas vel eo absente, Prior incipiat Tertiam, interim portetur aqua

„benedicta per claustrum & ceteras officinas, sicut mos est in aliis Do-

„minicis.] Idem habent Corbeienſes cons. Post hæc canteretur Tertia,

„vel etiam prius fiebat extra monasterium processio, & sollemnis Pal-

marum benedictio; sed isthæc Palmarum benedictio seu consecratio

quibusdam in monasteriis in propria peragebatur Ecclesia, ut apud

eos qui Lanfranci Statuta observabant, apud Cluniacenses, Divio-

nenses, Corbeienſes, Beccenses, Tullenses, Sangermanenses, Cister-

cienses, Bursfeldenses, & Casalinos: In aliis extra propriam ecclesiam,

atque ita præscribunt Concordia Dunstani, Germaniæ consuetudines,

Cassinenſe Ordinarium, Dionyſianæ, Floriacenſesque conſuetudines; & quidem omnibus in cappis exiſtentibus ex Germaniæ conſuetudinibus: Benedictionis verd ordinem ita deſcribit vetus Caſſinenſe Ordinarium: [Congregati omnes in eccleſiam, expoſitis in medio Palmarum, & olivarum Ramis; incipiant in choro: *Hofanna filio David*, qua finita Sacerdos dicat orationem: *Deus quem diligere*: Lectio: *Venerunt filij Iſraël*. Sequitur antiphona: *Collegerunt*. Verſus: *Venerunt autem*. & *Ne forte*; & legatur Evangelium ſecundum Mattheum: *Cum appropinquaret Ieſus*; Poſt hæc ſequatur benedictio olivarum atque Palmarum, qua expleta, aſpergatur ſuper eas aqua ſanctificata, & tunc adoleatur.] Paulò aliter Tullenſe Sancti Apri Ordinarium: [Dicta Tertia Subdiaconus Hebdomadarius alba & dalmatica indutus cum famulo veniat ad gradum chori, in quo ſolet quotidie Epistoſta legi, & ibi legat Epistoſtam: *Venerunt filij Iſraël*, qua lecta ſine intervallo, Hebdomadarius Sacerdotalibus indutus veſtibus, thuribulario, & Ceroferariis ipſum præcedentibus veniat, & ſtet juxta Ramos arborum ante majus altare ab Elee-moſinario locatos & ſuper pulpitu ibidem præparatum, legat Evangelium: *Cum appropinquaffent Bethphage*, thuribulario ei thuribulum offerente, ut librum Evangelij incenſet, duobus Ceroferariis adſtantibus hinc & inde ſicut mos eſt ad Matutinos cum Evangelium legitur. Perlecto itaque Evangelio, fiat benedictio ſuper Ramos arborum ab Abbate, & in ejus abſentia à Priore induto alba, ſtola, & cappa, thuribulario juxta eum ſtante ſine cruce tamen, & cereis, & ſic incipiat benedictionem: *Dominus vobiscum*. Oremus: *Deus cujus filius*, Item collecta: *Deus humana*. Item alia: *Benedic Domine*. Finitis collectis aquam benedictam ſuper ramos arborum & Palmas aſpergat, & incenſet.] Grandimontenſes facta in capitulo proceſſione ibidem palmas benedicebant ordine in conſuetudinibus Guillelmi Pellicerij his verbis deſcriptis: [Legitur lectio: *Dicite filia Sion*, in modum lectionis non Epistoſtæ. Et poſt ſequitur ꝛ: *Chriſtus factus eſt. & Propter quod & Deus*. Deinde legitur Evangelium ſicut in eccleſia: *Cum appropinquaffet*. Poſtea benedicuntur cum tribus orationibus, deinde aqua benedicta aſpergatur, & incenſentur.] Alij præmiſſo ſumtaxat unico Evangelio: *Turba multa* uſque *Totus mundus poſt ipſum abiit*, Ramorum benedictionem peragebant: [Cantata Tertia inquit Lanſrancus in Statutis, legatur Evangelium: *Turba multa*; poſtea accedens Abbas, aut Sacerdos benedicat Palmas, & flores, & frondes ante majus altare ſupra tapetum poſitas, aquam benedictam aſpergat, & incenſet;] Et Liber Uſum Becceſium: [Dicta Tertia, Diaconus cui Cantor julle- rit legat Evangelium: *Turba multa*; & poſtea ponetur tapetum ante altare, & deſuper flores, & frondes, & palmæ, quas benedicat Sacerdos alba & ſtola indutus, benedictas incenſet, & aſpergat aqua benedicta.] Idem videre eſt in Concordia Dunſtani, & Ordi-

nario Sancti Petri supra Divam : Ex consuet. tamen Germaniæ & Dionysianis præmittebatur Evangel. : *Cum appropinquasset*. Sed juvat referre integrum ritum quem describant consuetudines Lyre his verbis :
 „ [Post Tertiam dum psalmi familiares dicuntur , exeat unus Diaconus ,
 „ non ille , qui lecturus est passionem , & induat stolam & manipulum .
 „ Finitis psalmis familiaribus adoleat incensum , & intret , Conuersis
 „ candelabra , & thuribulum præferentibus , & Diaconus ferat librum
 „ Evangelij . Secretarius habeat analogium præparatum ante altare ,
 „ palmis & frondibus jam coram positis ; Cùmque venerit Diaconus
 „ ante analogium leget Evangelium : *Turba multa* sine ante & retro ;
 „ quo lecto , faciat ante & retro ; & eat solus in vestiarius , Conuersis
 „ ibi remanentibus cum thuribulo & candelabris ; depositaque stola ,
 „ & manipulo , revertatur in chorum . Interim Abbas in cappa , stola ,
 „ & manipulo , vel Prior aut Sacerdos in alba , stola , & manipulo
 „ tantùm benedicat frondes , & palmas incenset , & aqua benedicta as-
 „ pergat .

10. Benedictionem verò unica oratione : *Omnipotens sempiterne Redemptor* , absolvebant Divionenses S. Benigni , Corbeienfes S. Petri , Parisienses S. Germani , & Cartusienfes monachi , Unicam etiam orationem : *Deus cuius filius pro salute* adhibebant Casalini ; sed in collectaneo S. Petri supra Divam quatuor adnotantur , scilicet : *Omnipotens & misericors Deus : Deus cuius filius pro salute , Deus qui Ierusalem veniens : Christe Iesu fili Dei vivi* .

11. Benedicte Palmæ fratribus distribuebantur , & quidem à Priore ex Germaniæ consuetudinibus ; vel à Secretariis ex Statutis Lanfranci ; sive ut habent Benignianæ consuetudines , & lib. Usuum Beccensium ab ecclesia custodibus . Tullense Ordinarium duobus fratribus hoc munus committit , [quorum unus in dextro à superioribus incipiens ,
 „ & alius in sinistro choro fratribus Palmas & Ramos benedictos di-
 „ stribuebant .] Hi ex Floriacensis monasterij consuetudinibus erant *Treasaurarius & Capicerius* ; Dionysianæ solum *Capitarius* nominant . Cartusienfes & Casalini eodem ritu , ac in Purificatione Beatæ Mariæ candelas , hac die Palmas distribuebant .

12. Interim verò dum isthæc Palmarum distributio fieret , Cassinenses cantabant antiphonam : *Ante sex dies* ; alij : *Pueri Hebræorum* , quas ex Concordia Dunstani & Germaniæ consuet. exclamabant *Pueri* ; in aliis monasteriis ipse Cantor . Cartusienfes & *Collegerunt* cantabant .

13. Ramorum benedictionem ac distributionem sequebatur solemnis extra monasterium processio , in qua deferebantur Reliquiæ mane ad locum ad quem procedebant clam delatæ , ut patet ex MS.
 „ 23. „ Germaniæ consuetudinibus : [Mane in Palmis , *inquiunt* , custodes præ-
 „ parent diligenter quoddam portatorium in modum feretri , in quo re-
 „ ponantur parvæ capsæ , sive textum Evangeliorum , desuper quoque
 „ appendantur

appendantur philacteria, sive buxæ Reliquiarum; ferant autem illud latenter ante horam primam ad ecclesiam, ad locum quo procedere debent, & cruces, & candelabra, & thuribulum, & aquam benedictam, & textum Evangelij, & albas flores, Palmas & omnia quæ processioni illi convenient. Idem videre est in Lanfranci Statutis, ex quibus etiam de ferri debebat hac in processione Corpus sacrum Domini, quod & observabant nostri Beccenses, atque Lyrenses. Interim Lanfrancum hic audiamus: [Cantore incipiente antiphonam, *Occurrunt iube.* (inquit,) exeant duo Sacerdotes albis induti, qui portent feretrum quod parum ante diem ab eisdem Sacerdotibus illuc debet esse delatum, in quo & Corpus Christi debet esse reconditum.

14. Hujus autem processionis ordinem instruebat Abbas in capitulo, ut discimus ex Lanfranci Statutis: [Evangelium pronuncietur; *Cum appropinquasset*, de quo & lectio & sermo in capitulo, in quo capitulo ordinet Abbas, vel Prior processionem, & quid quisque portare debeat, & qualiter ordinatè eant, ac redeant fratres.] Hunc ordinem describit idem Lanfrancus non multò post his verbis: [Præcedant famuli cum vexillis, sequatur Conversus ferens situlam cum aqua benedicta, alij duo portantes duas cruces; item duo cum duobus candelabris accensis desuper cereis; alij duo ferentes duo thuribula igne & thure referta, quod thus in thuribulo debet ponere vel Abbas si in choro est, conversis thuribula & acerram cum thure deferentibus; vel ipse Cantor, si Abbas deest; ipse enim distribuit quæ portanda sunt, & processionem ordinat: hos sequantur duo Subdiaconi portantes duos textus Evangeliorum, post quos Laici monachi, deinde infantes cum magistris, post quos ceteri fratres præcedentes Abbatem, qui ultimus præcedit, duo & duo sicut sunt priores:] Breviùs consuetudines Germaniæ: [Cum verò de illo loco exituri sunt, ordinatim procedant cum præcedenti aqua benedicta, crucibus, thuribulis, candelabris, Evangelio; ac prosequatur illud portatorium ab Abbate & Presbytero delatum cum summa gravitate... Quod si Priori grave fuerit illud ferre, onus Presbyteris illud committat.] Paulo aliter vetus Cassinensium Ordinarium: [Hora Tertia omnes fratres induti albis lineis stent in choro, & cantent Tertiam... Expleta Tertia expendantur in choro stolæ, vel manipuli per Presbyteros, Diaconos, ac Subdiaconos, & sic bini & bini procedant ad ecclesiam S. Martini cantando antiphonam: *Cum audisset populus*, post quos Sacerdos pluviati indutus cum ministris tunicis seu dalmaticis vestitis procedat, simul & Acolythi cum incenso, & luminariis.] De eodem ordine hæc habent consuetudines Floriacensis monasterij: [Præeunt vexilla, & draco; deinde omnes cruces, & capsula S. Mauri à duobus albatis Sacerdotibus, à Subdiacono unus textus, & duo candelabra à duobus pueris; deinde novitij, & ceteri sicut sunt in ordine; ad ultimum Dominus Abbas cum cappa rubea, & virga pastoralis:] Liber verò consuet. S. Benigni Di-

„vionensis : [Antequam exeant omnia signa tanguntur, deinde inchoata
 „antiphona, *Cum appropinquaret Dominus*, quam sequatur, *Cum au-*
 „*disset populus*, egreditur in prima fronte aqua benedicta, sequuntur
 „cruces aureæ duæ, textus Evangeliorum duo, candelabra quatuor,
 c. 57. „thuribula duo, deinde omnes Conversi, ad ultimum a Cantores, pueri
 „verò medij inter Conversos & cantores incedunt. Famuli sartores
 „ante processionem vexilla ferunt.] Et liber I suum Beccensium : [Fa-
 „muli sumant vexilla, unus tantum Subdiaconus ferat textum (alter
 „codex addit *sine manipulo*,) Conversi aquam benedictam, discooper-
 „tam crucem, thuribulum atque candelabra; quos sequuntur pueri,
 „deinde juniores; postremò Priores omnes albis induti duo & duo per-
 c. 17. „gant.] Denique liber Usuum Cisterciensium : [Incipiente Cantore
 „antiphonam : *Occurrunt turba*, exeat Subdiaconus cum aqua benedicta,
 „subsequente Diacono cum cruce discooperta, quem sublequatur con-
 „ventus eo ordine, quo stat in choro, Laicis monachis præeuntibus,
 „ita ut Abbas vel Sacerdos Hebdomadarius, si Abbas defuerit, eat
 „posterior, & post ipsum novitij, post novitios verò Laici fratres : & fiat
 „processio tantum per claustrum.

15. Pervenientes ad locum destinatum faciebant stationem, quàm
 „fusedescribit Lanfrancus his verbis : [Cum autem perventum fuerit
 „ad ipsum locum, fiat statio à toto conventu. Cantore autem incipiente
 „antiphonam, *Occurrunt turba*, exeant duo Sacerdotes albis induti,
 „qui portent feretrum, quod parum ante diem ab eisdem Sacerdotibus
 „illuc debet esse delatum, in quo & corpus Christi debet esse recon-
 „ditum: ad quod feretrum præcedant statim qui vexilla portant, & cruces,
 „& cetera quæ superius dicta sunt. Et stantibus iis qui feretrum portant,
 „stabant, & ipsi à dextra, & à sinistra ipsius feretri ordinatè sicut ve-
 „nerunt. Pueri verò accedentes stabunt versis vultibus ad ipsos reliquos
 „cum magistris suis, & quibusdam Cantoribus, qui auxilio eis esse
 „possunt. Majores verò versi erunt ad invicem eo modo quo in choro
 „stare solent. Sic autem ordinetur hæc statio, ut modicum intervallum
 „sit inter pueros, & majorem conventum: finita antiphona, *Occurrunt*
 „*turba*, incipiant pueri & qui cum eis sunt antiphonam, *Hosanna filio*
 „*David*, flectentes genua & in principio & in fine antiphonæ, quia
 „in utroque *Hosanna* dicitur; quam antiphonam chorus repetat, & si-
 „militer genua flectat: Deinde à pueris cantetur antiphona: *Cum An-*
 „*gelis*, in fine tantum antiphonæ genua flectentibus, quæ antiphona à
 „conventu repetatur, & similiter *venia* accipiatur. Taliter his peractis
 „Abbate vel Cantore incipiente antiphonam, *Ave rex noster*, transeant
 „portitores feretri per medium stationis, præcedentibus his qui vexilla
 „portant, & ceteris superius dictis portitoribus, servato ab omnibus
 „ordine in redeundo, quem habuerunt in eundo, quibus transeuntibus

a Per Cantores intelligitur chorus universus cantans.

flectent genua non simul omnes; sed singuli hinc & inde sicut feretrum
transibit ante eos:] Brevius liber Usuum Beccensium: [Cùm autem
ad locum stationis pervenerint, stent fratres per ordinem sicut solent
in choro; pueri verò versi ad feretrum genua flectentes dicant anti-
phonam, *Hisanna filio David*, qua dicta flectant pueri tantum genua,
quam repetant omnes similiter flectentes genua. Item pueri flectant
genua, & dicant antiphonam: *Dignus es Domine*, qua finita, ut pri-
mum flectant genua: cùm autem inchoaverit Cantor antiphonam,
Ave Rex noster, transibunt latores feretri per medium chori, & ipsis
transcuntibus flectant omnes genua, sequentesque feretrum cantent
antiphonas.] Aliqua superaddunt consuetudines Lyra suorum sti-
tionem ita describentes: [Cùm autem ad locum stationis venerint,
stent fratres ordinatè sicut in choro solent, vertantque vultus suos
ad feretrum; tunc Cantor innuat quatuor fratribus, qui stent in me-
dio processionis, & dicant excelsa voce antiphonam, *Dignus es Do-*
mine totum, quam chorus repetat flectendo genua. Item Cantores
antiphonam, *Hisanna*; Item chorus antiphonam, *Dignus es*. Omnes
illæ antiphonæ dicuntur à choro, & à Cantoribus flectendo genua
in inchoatione uniuscujusque, ac deinde Cantor antiphonam, *Ocur-*
runt turbe. Item Cantor antiphonam: *Flectentes genua*: antiphonam:
Ave Rex noster; chorus autem flectat genua in inchoatione hujus
antiphonæ. Tunc Abbas, vel Prior si Abbas absens est, eat per me-
diam processionem usque ad Eucharistiam, & dicat versum de Cruce,
Omnis terra; *Domine & bis*. Oratio, *Perpetua nos quasumus*; deinde
fiat sermo ad populum sedentibus omnibus; finito sermone, & prece
dicta à Presbytero, & facta collecta leprosis, revertatur processio.

16. Quæ extra monasterium Palmas benedicebant, pervenientes ad
locum stationi destinatum benedictionem ibidem peragebant, qua
facta, & dictis forte nonnullis antiphonis, aut & ad propriam rever-
tebantur ecclesiam. Sermone ad populum addebant Vlacenses
nostri, Cluniacenses, Divionenses, Corbeienfisque, dictis prius non-
nullis antiphonis aut & ubi notandum quod ad antiphonam *Ave*
Rex noster, omnes ubique flectebant genua Pirificenses S. Germani
stationem suam in M. S. suis consuetudinibus ita representant: [Ibi-
mus ad S. Petrum cantando illa que habebimus cantare. Quando ap-
propinquabimus ad ecclesiam, Cantor incipiet unum & de S. Petro;

a Ideo toties flectebant genua ante feretrum, quia in eo secundum erat
Christi Domini Corpus, ut patet ex his precedentibus verbis. [Iste de Secre-
tarius summo mane debet feretrum mitti per fratres cum lumine ad forum, ubi
processio debet ut in quo debet honestè reponi Corpus Domini cum reliquiis] Eum-
dem ritum videri in Angliæ monasterio S. Albani discimus ex Matthæo Paris, in
vit. 23. Abbatum S. Albani pag. 61. ubi describit vasculum seu Scrinium ele-
ganter à Simone Abbate elaboratum ad portandum Corpus Domini in Ramis pal-
marum ad processionem.

tres Domini cantabunt versiculum, post reinceptionem & Dominus Abbas dicat orationem, post orationem nos inclinabimus nos metip-
 sos ad *Pater noster*; quando *Pater noster* erit terminatum, Cantor incipiet istam antiphonam: *Ave Rex noster*, & capiemus venias flexis genibus; dum cantabitur ista antiphona, Diaconus preparabit se pro legendo Evangelium, & portabit incensum ad Dominum Abbatem pro benedicendo, & incensabit altare, & suum Evangelium, & ibit incensatum Dominum Abbatem, & accipiet benedictionem à Domino Abbate, post Evangelium erit sermo... post sermonem nos revertemur.] Cistercienses, qui processionem in clauistro peragebant, tres in ea stationes faciebant; unam *juxta dormitorium*, alteram *juxta refectorium*, tertiam *juxta ecclesiam*. [Et in unaquaque statione, inquit liber c.17. *Usuum*, Diaconus & Subdiaconus habeant vultus suos versos, & crucem versam ad conventum; & in ambulando, & in stando Subdiaconus ante Diaconum sit. Porro in ultima statione incipiente Cantore, *Ave Rex noster fili David*, inclinet ad crucem conventus genibus, & manibus in terra positis: & omnes erecti deinceps stent conversi ad crucem usque dum incipiatur *Gloria laus*. Interea dum hæc antiphona, *Ave Rex noster* canitur, Secretarius analogium quod ipse ante Tertiam collocavit in capitulo cum textu Evangeliorum, & stola ad locum ubi Diaconus Evangelium lecturus est, deferat, hoc est ante ostium ecclesiæ. Circa finem itaque ante dictæ antiphonæ, *Ave Rex noster*, Diaconus crucem sanctam Subdiacono porrigat, qui & ipse interim Subdiaconus aquam benedictam jussu ponat. Cum verò stola ainctus Diaconus fuerit, parum se movendo ab analogio ab Abbate benedictionem petat, & postea versus circa orientem Evangelium legat, Subdiacono ante eum cum cruce adstante: & ad conventum vultum suum habente. Quo perlecto, stolam deponat, & crucem recipiat, atque Subdiaconus aquam benedictam resumat. Tunc etiam conventus stet versis vultibus ad invicem. Duo autem fratres, qui jam à Cantore præmoniti esse debent, circa finem Evangelij ecclesiam intrent: & clauso ostio, stantes versa facie ad processionem versus, *Gloria laus*, uti in libro ordinati sunt, cantent, quibus finitis & ab eisdem fratribus principio eorundem versuum: *Gloria laus* repetito, revertantur ad processionem, & stent in ordine suo. His igitur præactis inchoet Abbas & *Ingrediente Domino*, & ecclesiam omnes illud cantando intrent.

17. Præter eam quam modo descripsimus stationem fiebat & alia ad portam monasterij, seu ecclesiæ monasterij, in qua *foribus clausis intus monasterium* (idest ecclesiam) à quatuor fratribus cantatur, *Gloria laus* ut loquuntur consuet. Floriacenses. Hi ex Udalrico, lib. consuetudinum S. Benigni, veteri Corbeienfi Ordinario, & consuetud. Sancti Germani à Pratis cappis erant induti, chorumque regebant ad Missam; at ex Concordia Dunstani id præstabant *pueri* ex consuetudinibus Lyre

quinque vel sex de junioribus fratribus. Finito hymno additisq; fortè nonnullis antiphonis aut & Cantore vel Abbate imponente: *Ingente Domino*, aperiebantur fores ecclesiæ quam statim conventus ingrediebatur, transeundo sub capla reliquiarum ut patet ex cons. Floriacensis monasterij: [Conventu, *inquunt*, ingrediente in ecclesiā subius capla S. Mauri:] Et ex cons. S. Germani à Prædis: [Nos transibimus per sub caplam & ipsam osculabimur, & stabimus ordinati in navi monasterij & incipietur: *Gloria laus*,] in navi enim stationem secundam faciebant. Tertiam etiam in ea addunt consuetudines Lyræ ante crucifixum discoopertum: [Deinde faciant stationem *inquunt*, ante crucifixum, qui discooperiatur, & incipiat Cantor & *Collegerunt*, & tres seniores vel quatuor dicant & *Unus autem*; quo finito cum regressu incipiat Abbas, vel Cantor antiphonam: *Multa turba*, & ingrediantur chorum.]

18. Statuta Lanfranci, uti & liber Usuum Beccensium præter primam stationem tres alias assignant; primam ad portam civitatis, aut alium locum constitutum in quo deposito feretro Corpus Domini capiente super mensam pallio coopertam, cantabatur à pueris & aliis fortè sibi à Cantore adjunctis hymnus: *Gloria laus*; secundam ad portam monasterij seu ecclesiæ, in qua cantabatur & *Collegerunt*, cujus & *Unus autem* dicebant tres, quatuorve fratres, & quidem Cappis à Secretario acceptis ex Statutis Lanfranci; tertiam in navi ante crucifixum prius detectum, in qua concinebatur & *Circumdederunt* à tribus vel quatuor fratribus in cappis ex Statutis Lanfranci; vel ab omnibus ex lib. Ul. Becc., in qua omnes genuflectebant.

19. Unicam in tota processione præscribunt Bursfeldenses, in qua collocata decenter à Sacrista Cruce, primùm cantabatur à duobus: *Gloria laus*, deinde antiphonæ nonnullæ, postea [Finita ultima antiphona, *inquunt*, accedat Abbas cum ministris ad crucem: & fixis in tetragenibus, manibusque complois suppliciter adoret crucem, & parum elevando ipsam incipiat hunc versum: *O Crux ave*. & postea: *Te summa Deus*, quos versus conventus prosequatur unà cum Abbate, universi genua flectentes: finitis verdè his versibus, & Cantore incipiente & *Ingente Domino*, intrent chorum.] Hactenus de processione satis, & fortè plusquam satis, qua peracta, inquit Tullense Ordinarium, *Auferantur cappæ & almatice*, excepto Cantore: Nunc Missam quæ statim sequebatur videamus.

20. Missa solemnis ab Abbate cantabatur, & quidem in purpureis casulis, ut loquitur vetus Cassinensium Ordinarium, cui concinit liber cons. S. Benigni Divionensis his verbis: [Ad Missam Sacerdos auratis utitur vestimentis, & casula rubea aurata.] In ea unus, tres, quatuorve Cantores pro locorum consuetudine cappis induti chorum regebant, qui Introitum Missæ absque *Gloria* incipiebant; [siquidem ab hac die usque in Cæna Domini ad Introitum *Gloria* non dicitur, inquit Cassinense Ordinarium, & *Tenuisti manum* dicebatur à

- duobus bene cantantibus,] ut habent consuetudines Dionysianæ
1. 1. „ Tractus verò [à solis quatuor Cantoribus hinc & inde, conventu
 6. 54. „ interim confidente, & ex toto tacente, sicut etiam tacet ad ceteros
 „ tractus,] ut ait Udalricus. Ex veteri Corbeiensium Ordinario Tractus
 „ [in pulpito à quatuor ex una parte Cantoribus, & quatuor ex alia]
 „ cantabatur; ex recentioribus vero consuetudinibus eorum id præsta-
 „ bant *sex monachi retro chorum*: Rituale autem Beccensis monasterij
 „ hæc habet: [Tractum dicant octo fratres vicissim, ita tamen ut ter-
 „ tium versum semper dicat conventus, & finem ultimi versus, stanti-
 „ bus tum Cantoribus ibi usque ad finem, chorus Abbatis primum
 „ versum finiet.] Consuetudines Dionysianæ hoc munus xii fratribus
 „ committunt, quamvis ex codice Colbertino, consuet. Lyræ, &
 „ Ordinario Sancti Petri supra Divam, tractus alternis cantaretur
 „ choris.
- „ 21. [Interim dum tractus cantatur, inquit Tullenſe S. Apri Ordin., eat
 „ Diaconus ad locum in quo lecturus est Passionem cum Subdiacono, &
 „ Thuribulario tantum, & sine cereis.] Locum istum discimus ex Com-
 „ pendiensibus S. Cornelij consuetud. in quibus habetur: *Epistola & Passio*
 „ *legantur in Lectorio*; & quidem cum *stola & manipulo tantum* ex Ordin.
 „ S. Petri supra Divam, sine *Dominus vobiscum* & sine *Gloria tibi Domine*
 „ ex Calsinensi, & Tullensi Ordinariis, & consuetudinibus Lyræ; quam-
 „ vis ex Dunstuni Concordia ad tres primas Passiones, ex consuetudi-
 „ nibus Germaniæ ad duas primas: *Dominus vobiscum*, sine *Gloria tibi*
 „ *Domine* tamen; ex cons. Grandimontensium ad primam utrumque
1. 1. „ diceretur. Ad Passionem omnes tenebantur interesse, *nec quisquam ullius*
 c. 54. „ *obedientia occasione*, ut loquitur Udalricus, *desse* præsumebat; ideoque
 „ circa finem tractus squilla, sive campanula pulsabatur ad eos con-
 „ gregandos, qui variis officiis deputati aliorum detinebantur, ut passim
 „ videre est in omnibus pene Ordinariis, & consuetudinariis: [Quando
 „ Diaconus dicer, *Tradidit spiritum*, (inquit consuet. S. Germani à
 „ *Pratis*,) nos capiemus venias flexis genibus, & quando Dominus Abbas
 „ surget, nos surgemus.] Hic ritus non ita videtur antiquus, ut pote
 „ quem silent omnes, quos viderim hanc in rem antiqui; ejus tantum
 „ meminere libellus antiquarum definitionum Ordinis Cisterc., statuens
 „ ut [Quotiescumque in Passionibus Domini nostri Jesu Christi nomi-
 „ nabitur articulus sanctissimæ mortis ejus, omne genu flectatur, pe-
 „ tendo veniam humiliter & devotè,] Et postea Ordinarium Bursfel-
 „ densium: [Cùm insonuerint hæc verba: *Et inclinato capite emisit*
 „ vel: *Tradidit spiritum*, aut: *Expiravit*, nudis capitibus, mox omnes
 „ procedentes flexis genibus summa devotione orent: *Pater noster*, &:
 „ *Ave Maria*. Postea erecti usque ad consummationem residuæ partis
 „ Evangelij se gerant, ut moris est, sub aliis Evangelij.
22. Ad offertorium post oblationem panis & vini omnes suo qui-
 „ que ordine Ramos quos hactenus per totam Missam manu gestayerant,

incipiente Diacono, Sacerdoti offerebant. Uni hac in re ab aliis discrepabant Cassinenses qui *Palmas usque ad finem Missa omnes tenere debent in manibus*, ut loquantur in veteri Ordinario, quod etiam observant Cartusienſes monachi. Cistercienses verò in reditu processio-
nis *Ramos quos manu gestant, intrantes chorum super gradum Presbyterij* Cart. Ord. c. 48. n. 17 l. Ul. c. 17.
disponant.

23. Porro hujusmodi Palmæ, ut aiunt consuetudines Grandimont., [reservantur propter cineres faciendos anno sequenti; licet quidam faciant dictos cineres de famento vitis.] Notandum verò quod habet codex vetustissimus Cassinensium circa Bertharij Abbatis tempora scriptus, ut scilicet post Missam [pergant omnes cum processione ad refectionarium, decantantes iterum: *Turba multa* cum psalmo: *Jubilare Deum*; & data oratione revertuntur omnes sacerdotalis gradus ad ex-

poliandum se; post hæc omnes reficiant.

24. Hæc die post prandium pausabant in lectis cum omni silentio, incipiebantque apud omnes monachos nigros meridianæ; addunt tamen consuetudines Germaniæ: *Si mensis est Aprilis*, quod alij non habent. Meridianam sequebatur Nona; post Nonam verò pergebant in refectionarium potum percepturi. Rem ita enarrant consuetudines S. Benigni Divionensis: Ea die incipitur meridianæ hora Nona scilla sonet modicè, surgunt de lectulis suis, lotis manibus, & faciebus, sive pectinati vadunt, in ecclesia: Custos verò cum viderit infantes venientes, sonat majus signum donec expleatur oratio in conventu; & sic incipitur Nona. Post iterum in refectionarium; fratres Hebdomadarij coquinæ de præterita septimana deferant aquam ad bibendum cum refectionario. Post inclinent se ante & retro, vadant sedere, & facto culpo à Priore bibat cui placuerit de vino cum justitia sua, & non cum anapis; Deinde Prior det modicè culpos in scilla tribus vicibus, sic agitur usque Calendas Octobris.] Ordin. S. Petri supra Divam legit: *Usque ad xviii Cal. Octobris singulis diebus quibus jejunium defuerit*: De hac consuetudine, cujus passim mentionem faciunt Ordinaria, & consuetudines monasteriorum dicemus in commentario super Reg. S.P. Benedicti.

25. Denique unum hic addo ex Udalrico: [Antiquitus, ait, in illa Dominica non dicebatur officium defunctorum, nec modo quoque psalmus ille: *Ad Dominum cum tribulaver* officij vicarius.

26. Tribus sequentibus diebus propriæ ad Laudes & Horas cantabantur antiphonæ, agebanturque officia SS. quorum fortè festivitas his diebus contigisset; quamquam feriam quartam excipiant cons. S. Benigni, & Ordinarium Corbeienſis monasterij, ex quibus quæcumque festivitas feria iv. & sequentibus eveniens post Pascha rejicienda erat, ex referendis infra.

27. [Fer. 2 Hebdomadæ sanctæ, inquiunt consuetudines Floriacenses, post Missam de sancta Maria legitur psalterium in choro, ad finem

» dicitur *Requiem*; & debent omnes prostrari super formas: Cereus Pas-
» chalis debet hodie fieri.

28. De duobus sequentibus diebus hæc consuetud. Germaniæ: *Tertia*
n. 13. » *et quarta feria radendum est, et balneandum*; quod ex Statutis Lan-
» franci ita debet intelligi, ut [feria tertia radendi sint fratres in claustris
» simul ipsa die, & in crastino debent esse balnea præparata] qua de re
actum est supra c. 2.

» 29. De feria item tertia liber Usuum Beccensium [Feria tertia ante
» Tertiam debet Ortolanus mundare refectorium, & post Completorium
» claustrum; Secretarius quoque tunc Capitulum, & feria iv eccle-
» siam;] quæ omnia fieri jubent etiam consuet. Grandimontensium
c. 15.

30. Ad quartam feriam multo plura pertinent. Primò enim Calsi-
» nenses in veteri Ordinario sanciunt, ut [ad capitulum post pronuncia-
» tionem mensis & lunæ dicatur: *Cæna Domini quando cœnam cum dis-*
» *cipulis suis*, & mox projiciant se omnes in terra gratias agentes Deo
» cum silentio; & statim surgentibus cunctis, dicat Sacerdos: *S. Maria*
» *et omnes sancti intercedant*, & reliqua sicut est consuetudo, quod similiter
» feria v & sabbato fiat.

31. Deinde processio solita ante Missam prætermittebatur ex Lan-
franci Statutis, Benignianis consuetudinibus, & Lyrensisibus: Rationem
c. 57. » reddunt Benignianæ consuetudines his verbis: [In hac iv feria est
» quasi xl claudenda, in qua officium Missæ aliquantulum est prolixius
» propter duas Lectiones & Passionem; ideoque Majores nostri decreve-
» runt, ut in illo die non solum nulla festivitas celebraretur; sed nec
» processio, nec officium defunctorum ageretur.] De officio defunctorum
dicemus postea.

32. Ad Missam quod spectat, duæ in ea Lectiones dicebantur, & Passio
secundum Lucam. Ad orationem, quæ primæ Lectioni præmittitur,
dicebant: *Dominus vobiscum*. Oremus: *Flectamus genua*, & *Levate*.
Lectio prima juxta Tullensē S. Apri Ordinarium ab uno puero in alba,
» *et cum titulo* cantabatur: Lectionem sequebatur & ab uno puero vel
à toto conventu decantandum; dictaque deinde collecta cum: *Ore-*
» *mus*, sine: *Flectamus genua*, Subdiaconus Epistolam legebat, quam
excipiebat tractus: *Domine exaudi* à duobus fratribus ex Ordinario S.
Petri supra Divam, & Tullensē, atque ex recentioribus Corbeiensium
consuetudinibus; & quidem in albis ex prædictis Ordinariis. Hi ex Tul-
lensi erant, qui præcedenti Dominica nominati fuerunt ad tractum. Apud
Dionysianos verò duo Sacerdotes in albis: Modum verò prædicti tractus
concinendi docent Corbeiensis monasterij consuetudines, his verbis:
» [Feria quarta sequenti cantabunt duo monachi tractum ad magnam
» Missam; *Domine exaudi*. Mox ut cantaverint primum &, conventus
» repeter eundem versum, & cantabunt; & post prædicti duo mona-
» chi cantabunt alium &, & conventus repeter tractum in medio scili-
cet:

cet: *Et clamor meus*, & sic usque in finem dictus tractus cantabitur; & post prædicti duo monachi iterum incipient principium primi & de dicto tractu, & conventus cantabit eundem & ;] Brevius Calsinensis Ordinar: [Ad Missam unus frater indutus alba linea cantet tractum: *Domine exaudi*, & post omnes & ejus unum versum repetatur in choro: *Domine exaudi*, & ad alium: *Et clamor meus*] Hujus ritus rationem innuunt consuetudines S. Germani à Pratis, nimirum quia tractus est loco *Responsori*; Hunc tamen tractum cantabant nostri Tullenses [More aliorum tractuum per Dominicas xl; huicque subjungebant alium tractuum: *Domine non secundum peccata*.

33. Sub finem tractus scilla sive campanula pulsabatur ad congregandos absentes, ut nempe Passionem audirent, in qua cum Diaconus ad illa verba: *Et velum templi scissum est* pervenisset, cortina deponebatur aut saltem trahebatur.

34. Post Missam, omnibus pulsatis signis, Vesperarum celebrabant officium, quas Abbas solemniter decantabat; & quidem *In cappa rubra*, ut aiunt consuetudines Dionysianæ; licet ex consuetudinibus S. Germani à Pratis Dominus qui cantabit Vesperas habeat cappam de pallio albo. Propter hujus officij dieique solemnitate plurima de solita psalmodia detrahebant, qua de re audiendus in Statutis Lanfrancus: [Ante Vesperas non dicantur psalmi: *Deus auribus nostris*; pulsantur signa sicut in festis diebus. & *Circumdederunt me* Hebdomada. rius canat. Preces, *Ego dixi Domine*. Psalmus ad preces solummodo, *Miserere mei Deus*. Psalmi prostrati non dicantur. Post Vesperas de omnibus SS. dicantur Vesperæ pro defunctis; officium mortuorum quod post mensam dici solet non dicatur.] Ex solita ergo psalmodia præter psalmum: *Miserere mei Deus*, nihil aliud dicebant, quàm Vesperas de omnibus SS., & Vesperas defunctorum, ad quas etiam prætermittebant antiphonas nostri Divionenses S. Benigni: *Ad (placebo Domino) non dicuntur antiphona 15^o die*, inquit in consuetudinibus; nonnulli tam Vesperis, quàm vigiliis defunctorum etiam omittebant; quod tamen sub conditione decernunt Corbeienles nostri in veteri Ordinario, scilicet *nisi brevis deforis afferatur, vel frater in monasterio finiatur*; quod etiam habet lib. cons. S. Benigni additque: [Missa verò pro fratre illo pro quo deforis brevis afferatur, donec privata dies post octavas Paschæ veniat, non dicetur: pro fratre autem qui in monasterio finierit, postquam Missa matutinalis in iv feria dicta fuerit, usque in Pascha in v feria Paschæ differtur, & tunc eodem modo celebrabitur, ac si præsens esset defuncti corpus.

35. In monasterio tamen S. Petri supra Divam Vesperis diei præmittebantur etiam Vesperæ de B. Mariæ cum SS. suffragiis.

36. De Completorio verò sic loquuntur Calsinenses in veteri Ordinario: [Ad Completorium autem sonet tabula, & Abbas faciat confessionem, & sic incipiant canere psalmos sine Gloria, & in fine trium

A a a

” psalmorum nihil dicatur nisi & *Custodi nos Domine ut*, & sic apud se
 ” unusquisque finiat Completorium, & in fine Sacerdos aut Abbas det
 ” benedictionem.

37. Denique cortina quæ hætenus ante altare dependerat, post Com-
 pletorium deponeretur ex Statutis Lanfranci, consuet. Lyrae, & Cor-
 bia, atque rituali Beccensis monasterij.

CAPVT XIII.

De Cæna Domini.

1. **P**ervenimus tandem ad magna & sacrosancta Mysteria, quæ tri-
 duo ante Pascha coluntur & celebrantur, in quibus tot, tam
 frequentes, tamque diversi ritus occurrunt, ut in iis referendis, &
 exponendis, singulis diebus singula merito consecrari debeant capitula;
 & ut à Cæna Domini, quam jure *Pascha Domini* appellant consue-
 tudines Germaniæ, incipiamus, quis nocturnum diurnumve officium
 novo ritu novo ordine decantandum, quis novas capituli observantias
 utramque pauperum & fratrum Missam, utrorumque refectionem &
 mandatum, collationem aliosque hujus diei ritus brevi queat capitulo
 comprehendere, cum teste Udalrico *in toto anni tempore non est ullius diei*
 1. 1. *obsequium tam multiplex, & tam prolixum, ut in Cæna Domini*, in quo
 c. 12. proinde referendo diutius non est immorandum. Et si nocturnus diur-
 numque Officij Divini cursus ex Regula S. Benedicti omni anni tem-
 pore eodem ritu sit celebrandus, nihilominus antiquis nostris Pa-
 tribus visum est ut Romanum psallendi ordinem ne à reliquis Christi
 fidelibus dissiderent, triduo ante Pascha susciperent. Hoc si credimus
 Hil. Hildemaro sub Ludovico Pio Imperatore potissimum factum est,
 comm. autoritate congregati in Francia Concilij, fortè Aquisgranensis, in
 in Reg. quo reluctantibus licet nonnullis Abbatibus Episcopi de consensu
 S. B. aliorum Abbatum sanxerunt, ne hoc triduo monachi in divinis of-
 c. 14. ficiis ab Ecclesia Romana discreparent; qui tamen volentibus Episcopis
 Pascha etiam à monachis Romano more celebrari, fortiter restiterunt;
 antiquior tamen saltem in nonnullis monasteriis hujus ritus extitit
 rom. 4. origo, quam S. Gregorio Magno tribuere videtur Amalarius in Sup-
 anal. plemento ad lib. iv. de divinis officiis tom. 2. Anal. Et certè in antiquo
 ordine officij in domo S. B. ante Pascha quem ex cod. ante annos 900.
 descripto edidit noster Mabillonius, præscribitur ut in Cæna Domini
 ” [Congregati omnes in oratorio versum non dicant, nec vocatorium,
 ” nec Presbyter compleat, nec orationem dicant, nisi tantum simpli-
 ” citer incipiant antiphonam, novem psalmi dividantur in tres vices,
 ” tres tres tres, cum novem & majoribus, & novem Lectionibus de La-

mentatione Jeremiæ, & tractatu de Passione Domini;] quæ omnia
coincidunt cum officio Romano quod in omnibus omnino monasteriis,
saltem multis in rebus, post prædictum Concilium admissum fuisse
constat. [In quibusdam verò locis, inquit Amalarius in præfato supple-
mento, non ignoro in Passione Domini tribus noctibus XII. psalmos &
XII. Lectiones cum responsoriis agi: ubi prætermittuntur hymni &
cantici, quippe qui pertinent ad lætitiā: ut in prima nocturna qua-
tuor psalmi in solito more dicantur, & in secunda itidem quatuor, in
tertia quoque quatuor. Officia tamen sinchoationis, ac tertium amit-
tunt psalmum; itemque Invitatorium sicut & in Theophania non re-
citant.

2. Porro antequam nocturnas vigilias celebrarent, accensis prius
cereis, gradales quindecim psalmos sub silentio recitabant, ut ex
Lanfranci statutis, Udalrico, Benignianis, Floriacensibus, Dyonyisia-
nis, Compendiensibus, Laudunensibus, Sangermanensibus, Lyren-
sibusque consuetudinibus, veteri Ordinatio Corbeiensis, & libro Usuum
Beccensium constat: Rem ita enarrant Divionenses S. Benigni consue-
tudines: [Cœna Domini ante vigilias velum quod pender ante altare
& chorum penitus aufertur, & xv. candelæ in modum Pyramidis ante
sanctum altare accenduntur, quæ ab initio Matutinarum usque ad fi-
nem paulatim & æqualiter extinguuntur, ante nocturnos eodem mo-
do pulsantur signa, quo in XII. Lectionibus, tribus peractis oratio-
nibus, xv. cantica graduum sub silentio ab unoquoque dicuntur, per
singulas incisiones super formas procumbitur.] Quibus in verbis no-
randum primò quod ante vigilias nocturnas velum seu (ut vocant)
cortina penitus auferebatur, alij pridie post Completorium id præ-
stabant.

3. Secundò, Quod quindecim cereos seu candelas ad nocturnos accen-
derent: totidem assignant Udalricus, consuetudines S. Vincentij Lau-
dunensis, consuetudines Corbeiensis monasterij, consuet. Grandimont.,
& Breviarium Casalis Benedicti; tot nimirum quot psalmi aut anti-
phonæ tam ad vigilias quàm ad Matutinos cantarentur: [quæ con-
suetudo, inquit Udalricus, satis nota est & per ecclesias omnes quæ
in istis sunt partibus generalis] M.S. Germaniz consuetudines præ-
scribunt, ut [antequam primum fiat vigiliarum signum, omnia quæ
præparata sunt accendantur luminaria videlicet XVI. & VII.] hoc est
viginti quinque; totidem etiam præscribunt Floriacensis monasterij
consuetudines, tot nimirum quot antiphonæ, & responsoria ad no-
cturnos, & Matutinos notantur; totidem etiam accendebant Beccenses
nostri, præscribentes ut [per unamquamque antiphonam, & per
unumquodque extinguat Secretarius candelam unam.] Sed & Ordo
Romanus notat, quod [accenduntur in quibusdam locis in hac nocte
viginti quatuor lumina, & extinguuntur per singulas lectiones & res-
ponsoria.] Cassinenses non satis clare explicant quot cereos ad noctur-

nas vigiliis accenderent, sed omnia secundum Romanam consuetudinem peragebant; in ordine autem Romano numerus candelarum definitus non legitur. In vetusto codice Corbeiensis monasterij ab annis circiter 800 manu exarato, in quo Ordo Romanus illius monasterij consuetudinibus reperitur adaptatus, decernitur ut ante vigiliis ecclesia omni lumine sit decorata, idest xxxviii luminaribus, quot fortasse accendebant etiam Cassinenses.

4. Tertio, Hujusmodi cereos accendebant in modum Pyramidis ante sanctum altare; Floriacenses super pronas; Cassinenses & Corbeiensis ex citato codice sparsim per omnem ecclesiam.

5. Quarto, Cereos ab initio Matutinorum usque ad finem paulatim & equaliter extinguebant, hoc est ante singulos psalmos ut explicat Udalricus, sive in fine cujuslibet psalmi, ut habet Breviarium Casalis Benedicti, sive incepta qualibet antiphona, ut decernunt Laudunenses S. Vincentij consuetudines. Qui cereos viginti quinque accendebant, per singulas antiphonas & singula responsoria singulos etiam extinguebant, ut patet ex citato libro Usuum Beccensium, & ex Statutis Lanfranci, in quibus idem praescribitur; sed Cassinenses ita luminaria ab Introitu ecclesiae incipiebant extinguere: [ut peracta prima vigilia, tertia pars esset extincta; media autem vigilia, iterum tertia pars; tertia vero vigilia omnia sunt extincta, exceptis septem lampadibus, quae sunt ante altare extinguendae ad Matutinum,] inquit vetus eorum Ordinarium; quod fassus explicat codex Corbeiensis his verbis: [Lumen autem ab initio cantus nocturnae inchoetur extingui, hoc tamen ordine ut ab introitu ipsius ecclesiae incipiatur paulatim tutari, ut v. g. peracto primo nocturno videatur eorum tertia pars extincta esse, medio nocturno iterum tertia pars, tertio vero nocturno expleto, exceptis septem lampadibus, nihil luminis relinquatur; quod hoc modo ordinare possumus: primo nocturno cum incipit Cantor primam antiphonam, sit Custos paratus, & tutat unam lampadem ab introitu ecclesiae, & cum finierit ipsum psalmum, aliam tutat; & cum audierit secundam antiphonam, tutat tertiam; & psalmo finito, tutat quartam; & quando tertia antiphona inchoatur, quintam lampadem tutat, & cum finitur ipse psalmus, tutat Sextam; & dum orant, tutat septimam; cum vero Lector primam Lectionem legerit, tutat octavam; & inchoato primo psalmo, tutat nonam; & cum Lectio secunda legitur, tutat decimam; audito vero secundo psalmo, tutat undecimam; quando autem tertia Lectio inchoatur, tutat duodecimam, & sic inchoato tertio psalmo, tutat decimam tertiam: Ista est tertia pars luminis Ecclesiae. In secundo quoque nocturno ipsum ordinem tutationis quem in primo constituimus observet: porro in tertio nocturno cum audierit primam antiphonam, tutat lampadem unam; & secunda antiphona inchoata, tutat aliam; & cum tertiam audierit, tutat tertiam; quando autem prima Lectio ejusdem nocturnae legitur, tutat quartam; & cum secunda

incipitur, tutat quintam; tertia verd cum inchoatur, tutat sextam; & ita fit ut nihil luminis remaneat, nisi 7 lampades, quæ in Martinis hoc ordine extinguuntur. Initium primi psalmi fit custos paratus in loco dextræ partis ecclesiæ prope lampadibus, ut ubi audierit antiphonam tenens canuam in manu sua tutat lampadam unam; in fine verd psalmi ipsius tutat aliam in sinistra parte; in secundo psalmo cum audierit antiphonam, tutat aliam in dextra parte, & sic unam ex una parte, alia ex alia tutatur usque ad Evangelium; in Evangelio tutatur mediana lampada.] Hujus porro ritus fit mentio in lib. Mirac. Sancti Ursuari Abbatis Laubiensis n. 18. sæc. 3. Bened. part. 1.

6. Quinto, Tres orationes de quibus fit mentio, ex erant quibus circum visitando altaria nocturnos præveniebant, de quibus egimus in libro primo. His omnibus peractis, & recitatis flexis genibus & cum solitis incisionibus in silentio xv psalmis gradalibus, nocturnos incipiebant ab antiphona, *Zelus domus*, quam auspicabatur Hebdomadarius ex Statutis Lanfranci, libr. Usuum Becc., consuetudinibus S. Benigni, S. Dionysij, S. Vincentij, & S. Germani à Pratis: reliquas antiphonas imponebant fratres *secundum quod in tabella notatum fuerat ut in xij Lectionibus*, quemadmodum habent Benignianæ consuetudines. Imposita prima antiphona, omnes petebant veniam, hoc est flecebant genua, idque ab omnibus saltem nigris monachis observabatur. Tres porro tantum antiphonas, tresque psalmos dumtaxat ad singulos nocturnos percutiebant; sed psalmos sine *Gloria*; cujus loco in fine psalmoreum: *Miserere nostri Domine miserere nostri* cantabant Grandimontenses monachi ex consuetud. Guillelmi Pellicerij c. 16. Postea dicto versu ut in officio mortuorum, & oratione Dominica sub silentio, tres Lectiones cum totidem ps. dicebant.

7. Tres autem primas lectiones ex Lamentatione Hieremiæ Prophetæ desumebant, quas *sine cantu & solitis alphabetis* legebant, ut discimus tum ex Statutis Lanfranci, tum ex Udalrico, consuetudinibus S. Benigni Divionensis, & veteri Corbeiensium Ordinatio; neque enim tum apud monachos inoleverat singularis Lamentationes decantandi modus, recentioris omnino instituti; qui nec simplicitatem, nec modestiam redoler monasticæ vitæ convenientem & curiositati potius quàm pietati ac devotioni adstantium excitandæ aptus comprobatur, quem merito à suis ecclesiis procul eliminarunt nostri Cassinenses suis in declarationibus etiam anni 1642. statuentes, [ut in Hebdomada Sancta nullo pacto varietur aut mutetur cantus tam in Lamentationibus, & *Benedictus*, & Passione Domini, quàm in aliis omnibus; sed secundum ritum & morem antiquam Congregationis fiat, ut simplicitas & uniformitas servetur in omnibus, ne scandalizentur Laici hujusmodi vanitatibus.]

8. Legebantur autem sine præmissa benedictione, & sine solita con-

clusione, *Tu autem Domine*, cuius loco in Breviario Casalis Bened. legitur, *Ierusalem, Ierusalem, convertere ad Dominum Deum tuum*. Alij Lectiones ut in officio defunctorum terminabant.

9. In secundo nocturno Lectiones ex S. Augustino super psalmos decurrebant; in tertio verò nocturno ex Epistolis Apostoli, sed in M.S. S. Dionysij consuetudinibus ad tertium nocturnum notantur Lectiones ex Evangelio: *Ante diem festum Pascha*, sine *In illo tempore*, hoc est ex homilia in Evangelium istud. Ultimum cuiusque nocturni & dicebatur sine *Gloria*, & in fine repetebatur.

10. Finito ultimo & Laudes, quas Cistercienses dividebant, & Regulariter circa diem canebant, pulsatis omnibus signis statim incipiebat Hebdomadarius ab antiphona, quam imponendo, omnes illico flebant genua, ut supra ad nocturnos; ei apud Grandimontenses unusquisque per se prae mittebat orationem Dominicam. In Laudunensi verò S. Vincentij monasterio prima incepta antiphona altare dis-cooperiebant.

11. Incepto autem psalmo: *Laudate Dominum de Caelis*, Custodes puerorum ad eos accedebant, sicque inter eos stabant, ut unus inter duos esset, qui ambos per manicas tenebat, ut ait Udalricus, & sic sciret quid agerent; quod ideo maximè faciebant, ne omni ecclesiae lumine extincto, profundis noctis tenebris extererentur; eam ob causam in Parisiensi S. Germani monasterio Custodes ipsi laternas sub fro-cis accensas tenebant: [Quando erit versùs finem de *Laudate Domi-num de Caelis*, (inquiunt consuet. hujus monasterij,) Custodes puerorum exhibunt de choro, & accipient lanternas eorum, & accendent intus candelas, & venient in chorum inter pueros ne pueri timeant, lanternæ erunt sub frocis suis:] Ex consuetudinibus autem Germaniae omnino choro exhibant, & in dormitorium deducebantur: [*Ad Laudate Dominum de Caelis* magistri inter infantes se constituunt, quibus exeundi fratres dent spatium, ut cum lanternis ante sibi paratis ab ostio ecclesiae dormitum pergant.] Tunc verò omnia monasterij, hoc est, ecclesiae luminaria quæ remanebant accensa à Sacrista, sive Capicerio extinguebantur [Præter unam, inquit Lantfrancus, quæ in choro ardeat, quæ & ipsa Cantore incipiente antiphonam: *Traditor autem*, extinguitur.] Cassinenses incepta antiphona: *Traditor autem*, præter septem lampades, quas ad antiphonas, & psalmos Laudum extinxerant, septem alias quæ ante absidam pendebant, extinguebant.

12. Repetita antiphona, *Kyrie eleison* singulari prorsus ritu decantabant, quem ita describunt in veteri Ordinario: [Antiphona: *Traditor finita*, mox incipiant canere: *Kyrie eleison*; & pergant tres Clerici ante altare, & cantent versum *Domine miserere*, & chorus per unumquemque versum repetat *Kyrie*, sive *Christe*; quibus finitis omnes inclinati cum silentio cantent *Pater noster*, & orationem; deinde accendatur ante altare candela una usque ad lucem diei.] Hunc ri-

tum clariùs & distinctiùs exprimit Dunstanus in Concordia : [Compe-
rimus, inquit, etiam in quorundam Religiosorum ecclesiis quiddam
fieri, quod ad animatum compunctionem spiritualis rei indicium exor-
sum est, videlicet ut peracto quidquid ad cantilenam illius noctis per-
tinet, Evangelique antiphona finita, nihilque jam cereorum lumi-
nis remanente, sint duo ad hoc idem destinati pueri in dextera parte
chori, qui sonora psallant voce, *Kyrie eleison*, duoque in sinistra parte
similiter qui respondeant, *Christe eleison*, necnon & in occidentali parte
duo, qui dicant, *Domine miserere nobis*; quibus peractis, respondeat
simul omnis chorus: *Christus Dominus factus est obediens usque ad mortem*.
Demum pueri dexterioris chori repetant quæ supra eodem modo quo
supra usquequo chorus finiat quæ supra, idemque tertio repetant eodem
ordine, quibus tertio finitis agant tacitas genuflexo more solito preces.

13. Similiter liber Usuum Beccensium: [Cum psal. *Laudate Domi-
num* jam prope dictus fuerit, injungat Cantor quatuor fratribus, qui-
bus voluerit, dicendos versus, *Kyrie el.* post *Benedictus*: finita jam pro-
pe antiphona, venient fratres qui versus cantabunt, & stabunt ubi
hospites accipiunt benedictionem; alij verò duo qui respondebunt: *Kyrie eleis.*,
stabunt ante gradum ubi legitur Epistola. Finita antiphona
incipient illi qui in choro sunt ita: *Kyrie eleison*, alij duo qui ante
eos sunt respondeant similiter: *Kyrie eleison*; & illi duo, qui in choro
sunt: *Kyrie eleison*, alij duo: *Christe eleison*; item primi & *Qui passus
es advenisti*, alij duo *Christe eleison*; item primi & *Qui prophetice*, alij
duo: *Christe eleison*; item primi & *Qui expansis*, alij duo: *Kyrie eleison*;
item primi: *Kyrie eleison*, alij duo: *Kyrie eleison*; primi: *Domine mise-
rere*, conventus: *Christus Dominus*; tunc quatuor Cantores simul: *Fa-
ctus est obediens usque*, conventus: *Mortem autem crucis*. Similiter
in crastino, & in sabbato. Illi autem duo, qui stant ubi legitur Epi-
stola, in eodem loco, finito: *Kyrie eleison*, curvent genua, & dicant
preces duo qui sunt in choro super formas. Preces: *Ego dixi Domine*,
Psalm.: *Miserere tantum*. Oratio: *Respice quasumus Domine*; & facto
sono à majore, proferatur laterna cum lucerna, & surgant omnes, &
revertantur ad strata.] Idem habent consuetudines Lyræ. Simile etiam
aliquid innuit Ordinarium S. Petri supra Divam, ex quo duo Presbyteri
in medio chori alta voce incipiebant: *Kyrie eleison*; duo verò novitij
respondebant: *Domine miserere*; item & Dionysianæ Compendiensel-
que consuetudines: sed Statuta Lanfranci, Udalricus, consuetudines
S. Benigni, vetus Corbeienfis monasterij Ordinarium, consuet. S. Ger-
mani, S. Vincentij Laudunenfis & Germaniæ, nullam hujusce ritus
mentionem faciunt; sed tantum ut [finita antiphona, curventur su-
per formas, sub silentio dicentes, *Kyrie eleison*, *Pater noster*. Preces
Ego dixi Domine: Psalmum: *Miserere mei Deus* solum sine *Gloria Pa-
tri*; collectum: *Respice quasumus Domine*, signoque facto ab Abbate,
vel Priore surgentes inclinent sicut solent, ante & retro, & stet unus-

„ quisque in loco suo usquequo Magister infantum laternas accensas
 „ in chorum deferat, & ipsis infantibus tribuat, Secretarius quoque
 „ accendat lumen ante altare, unde juvenes laternas suas accendant. His
 „ ita peractis revertantur omnes ad lectos suos.] Ita Lanfrancus cui
 subscribunt alij.

14. Completis absolutisque Matutinis nullum legimus apud veteres
 monachos editum fuisse fragorem seu strepitum, ut nunc fit, cujus
 ne mentionem quidem faciunt rubricæ Breviarii Casalis Benedicti; sed
 sonitum tantum ab Abbate vel Priore super formas, qui aliud nihil
 erat præter signum, quo fratribus licentia daretur exeundi, & dor-
 mitorium repetendi, ut patet tum ex citato Lanfranco, tum maxime ex
 „ veteri Corbeienfi Ordinario: [Signo facto per sonitum à Domino Ab-
 „ bate vel Priore consurgunt, & lanternis cum lumine apportatis per ma-
 „ gistrum puerorum, & aliis luminaribus per Secretarios, donec con-
 „ ventus possit exire, eunt dormitum;] & ex consuet. S. Cornelij [Post
 „ hæc Dominus Abbas faciat signum, & eant omnes dormitum.

15. Porro ex M. S. Germaniæ consuetudinibus nocturnos ita tem-
 perabant, ut in tenebris complerentur; quod tam de Laudibus quam
 de nocturnis intelligendum est; quamvis Cistercienses Laudes à noctur-
 nis separatas circa diem decantarent, idque regulariter, hoc est juxta
 1. Uf. Regulam S. Benedicti, sive cum psalmis & precibus à sancto Patre
 c 10. ad Laudes constitutis; nam & in eis hymnum dicebant, & Abbas ora-
 tionem Dominicam alta voce pronuntiabat.

16. De officio verò B. Mariæ, quod in quibusdam monasteriis quo-
 tidie dicebatur, hæc lego in veteri Ordinario S. Petri supra Divam:
 „ [De servitio sanctæ Mariæ, in quo reddendo tenetur quilibet, quo-
 „ tiescumque non dicitur in conventu, exceptis aliquibus solemnita-
 „ tibus, quatum servitium partium ad laudem ejus pertinet, ut est Na-
 „ tivitas Domini &c. hujusmodi: Servitium nempe de sancta Maria his
 „ & hujusmodi diebus quibus in conventu minime dicitur, quamvis sit
 „ annualis festivitas, & partim non sit de ipsa servitium celebratum; non
 „ negligat unusquisque reddere prout melius potuerit; ut qui ejus sine
 „ intermissione salutari indiget auxilio, servitium ipsius continua de-
 „ vorione studeat frequentare;] & Rubricæ Breviarii Casalis Benedicti:
 „ [Officium B. Mariæ non dicitur in choro; sed seorsum à singulis:
 „ aut binis fratribus usque ad Vesp. Sabbati in albis.

17. Officium Primæ describunt consuetudines S. Dionysij in Fran-
 „ cia his verbis: [Apparente aurora, pulsetur campana, & surgant
 „ omnes ad horas, & cantetur Prima hoc modo: non dicatur, *Deus*
 „ in adjutorium; sed incipiatur, *Jam lucis*, absque *Deo Patri*, & acci-
 „ piant omnes veniam super genua, & ad omnes Horas dum incipitur
 „ hymnus; postea incipiatur à puero antiphona, *Dominus tanquam ovis*,
 „ & cantentur psalmi, *Usquequo Domine*; Dixit incipiens: *Domine quis*,
 „ & non dicatur *Gloria* post ullum psalmum usque in vigilia Paschæ ad
 Vesperas,

Vesperas; nec dicatur: *Quicumque vult* usque in octavam Pasche. Post tres psalmos prædictos dicatur antiphona, & versus in directum: *Exurge Domine*, nec dicatur capitulum ad aliquam Horam, dicto versu, dicatur *Kyrie*: *Pater noster*, & preces sub silentio, & psalmus *Miserere*, & Oratio *Domine Deus qui nos*, absque *Dominus vobiscum*; & post Primam non dicantur psalmi familiares; sed septem psalmi cum letaniis, & post letaniam sedeant in clauistro.

18. Idem videre est in consuetudinibus S. Cornelij Compendiensis. In quibus multa observare licet. 1. Præmissa oratione Primam incipiebant ab hymno, non à solito versu: *Deus in adiutorium meum*; quod confirmant Statuta Lanfranci, Udalrici, Corbeienſe Ordinarium, consuetud. S. Benigni Divionensis, S. Vincentij Laudunensis & S. Germani à Pratis: In M.S. tamen Germaniæ consuetudinibus hæc lego: [Cum ^{n. 14.} autem claruerit dies, à Custode signo dato horam Primam cantaturi convenient, in qua non dicatur: *Deus in adiutorium* aliè, sed à singulis ¹¹ silenter super scamna; Deinde more solito incipiat hymnum: *Jam lucis* ¹¹ *cû*, *Deo Patri*, & *Præsta Pater*, & *Gloria Patri* dimittantur. ¹¹

19. Cassinenses Primam incipiebant ab antiphona: *Ait Pilatus*, cui statim subjungebant psalmos, à quibus ex Concordia Dunstani, lib. Usuum Beccensium, consuetudinibus Lyre, & Ordinario S. Petri supra Divam, Prima exordium ducere debebat, cujus initio sicut ad nocturnos, & Matutinos in genua procombant.

20. Secundò, In hymno ultimam ejus stropham quæ Trinitatis laudem continere solet, prætermittant. Idem patet ex citatis consuetudinibus Germaniæ, Statutis Lanfranci, Udalrico, Corbeienſi Ordinario, consuetudin. S. Benigni, & S. Vincentij Laudunensis.

21. Tertio, Psalmos consuetos, hoc est Regulares à S. Benedicto institutos subjungebant ex Statutis Lanfranci, Udalrico, Ord. Corb., consuet. S. Benigni; & quidem cum antiphona & tono, quod etiam ad alias Horas usque ad Completorium ipsa die faciebant: psalmis symbolum: *Quicumque*, sed sine Gloria addit Lanfrancus. Alij canonico more psalmos: *Deus in nomine*: *Beati immaculati* &c. decurrebant. Ita præserunt Concordia Dunstani, Cassinense Ordinarium, liber Usuum Becc., consuet. Lyre, & Ord. S. Petri supra Divam.

22. Quarto, Versum, & quæ sequuntur, preces solitas sine psalmis familiaribus; sed tantum cum psalmo: *Miserere mei Deus* sub silentio ita dicebant, ut cum perventum esset ad confessionis locum, Abbas signum eaderet ut diceretur ipsa confessio, ita ut ab invicem audiretur, inquit cons. S. Benigni, & Ord. Corbeienſe, absolutisque precibus, solitæ officium terminabant collectâ quam neque ad Primam, neque ad Completorium mutabant. In Beccensi. Lyrenſi, & S. Petri supra Divam monasteriis preces bini & bini, vel terni dicebant; sed in Congregatione Casalis Benedicti Primam, aliasque Horas ita persolvebant: Præmissa in primis sub silentio oratione Dominica, & Salutatione Angelica,

Bbb

psalmos Canonicorum more in directum pronunciabant, quibus finitis dicebant antiphonam: *Christus factus*; deinde flexis genibus: *Pater noster*, cui ad Primam addebant: *Confiteor*, psalmum: *Miserere*, & collectam: *Respice*.

- „ 23. [His tribus diebus, inquit *Dunstanus*, Prima peracta, psallant „ psalterium ex integro unanimiter in choro, post quod letaniam agant „ prostrati, deinde lectioni vacent.] Idem habent consuet. Floriacensium, „ à quibus suas haurire potuit ipse *Dunstanus*; sed alij hac die psalmos „ dumtaxat septem pœnitentiales sine *Gloria*, cum letania more solito „ persolvere contenti erant.
- „ 24. Post Primam Calsinenses capitulum celebrabant. [Finita Prima, „ inquit in *Ordinario*, absolvatur capitulum secundum consuetudinem, „ Lector autem dicto dataro & luna, adjungat: *Parasceve Dominus noster* „ *Jesus Christus crucifixus est*. Lectione completa, Abbas faciat sermonem, „ deinde confessionem eo ordine quo in capite xl., quo expleto unus- „ quisque librum, quem in capite xl acceperat, quemadmodum Biblio- „ thecarius ex tabella recitaverit, in presenti reddat.] Alij post Tertiam, „ quam sicuti Sextam & Nonam eodem modo quo Primam cantabant, „ hoc est cum hymno, antiphona, psalmis Regularibus &c; vel cum „ antiphona, & psalmis Canonicorum, vel tandem cum solis psalmis „ Canonicorum sine præmissa antiphona, capitulum tenebant. Audiendæ „ sunt hanc in rem M.S. Germaniæ consuetudines: [Statim post Tertiam „ capitulum adeunt, inquit, versum tacitè dicentes, & sermone à Priore „ audito, recitentur consuetudines illorum dierum. Deinde jubente Priore, „ & nominante Camerario surgant non simul; sed singuli, & recipientes „ calcearia cum uncto & sapone in buxis, illi qui distribuit humiliant „ se, manibus defixis in terra: Remeantes verò coram Priore curvent „ genua, capite in terram supresso; hoc in omni dato & accepto fiat: „ accipientes quoque nova vetera reddant.] Quibus ex verbis, & ex ci- „ tato Calsinensi Ordinario discimus quales fuerint hac die capitulares „ actus: Primus nimirum erat Lectio Martyrologij in qua præmissis die & „ luna primo annunciabatur Parasceves, seu Passio Domini nostri Jesu, cujus „ ad verba omnes in terram procumbebant. Legebatur autem sine prævia „ benedictione, & sine: *Tu autem* in fine; quidquid enim his tribus diebus, „ sive in choro, sive in refectorio, sive in capitulo; absque petita benedictio- „ ne, & *Tu autem* legebatur; [tantum enim inclinatur, inquit *conf. S. Benigni* „ ille qui in capitulo, vel in Ecclesia, vel in refectorio legit, antequam „ lectionem incipiat in loco ubi solet.] Laudunenses tamen S. Vincentij „ consuetudines ita statuunt: [Puer ibi legens inclinando se sumit be- „ nedictionem in silentio ad legendum] Secundus actus continebat ver- „ sum, precesque inde consequentes quas sub silentio dicebant, ut patet „ tum ex citatis Germaniæ consuet. tum ex Statutis Lanfranci, ex U- „ dalrico, Corbeienfi Ordinario, consuetudinibus S. Benigni & S. Vin- „ centij, sed ex consuetudinibus Lyrensis monasterij Sacerdos dicebat

moderatè : *Pretiosa in conspectu Domini*, sine Gloria, & sine *Domine nobiscum*; ex libro Usuum Beccens. [Lecta Lectione de sanctis, dicantur duo & duo sub silentio versum : *Pretiosa in conspectu sine Gloria*, sine *Kyrie eleison*, sine *Domine nobiscum*;] ex consuetudinibus verò S. Cornelij Compend. & *Pretiosa est*, & *Isti & omnes sancti* dicatur in audientia, cetera sub silentio.

25. Tertius actus, lectio Regulæ modo prædictæ, quam sequebatur *Sermo*, vel de præsentis festivitatis, vel de ipsius Regulæ expositione.

26. Quartus, Sermonem in Ordinario Cassinensi sequitur confessio, de qua in vita S. Stephani Abbatis Obazinensis n. 17. : [In die verò Cœnæ Dominicæ quæ misericordia plena est, generali applicatione ab universis venia petebatur, ut quidquid per totius anni circulum deliquissent, hac sacra & solemni indulgentia deleteretur. Tunc Venerabilis senior totus lacrimis perfusus, & peccata sua ante oculos sibi rediens, confitens de Dei misericordia, & sibi & aliis indulgentiam tribuebat, & peccatorum vincula in Dei verba laxabat.] Confessionem etiam præscribunt consuetudines S. Dionysij in Francia, & S. Cornelij Compendienses; Sed post factam calceorum distributionem; [Ad finem capituli, inquit *Compendienses*, dicat Dominus Abbas, *Confiteor*, & respondeant *Miserere*; & *Confiteor*; & Abbas : *Miserere*, & *absolutionem*.] An verò illhæ confessio eadem sit cum absolutione, quam tunc temporis præscribunt Floriacenses cons., de qua etiam in consuetudinibus S. Germani à Pratis hæc lego : [Post sermonem nos dicemus ea quæ erimus dicturi feria quinta quando Dominus Abbas præcipiet ire quæsitum baculum pastorem, & stolam, & librum, pro faciendâ absolutionem, tunc ibitur quæsitum :] quæ quidem absolutio fiebat in capitulo præmissis septem psalmis pœnitentialibus ex collectaneo ejusdem monasterij : Illius fit mentio in vita S. Hugonis Abbatis Cluniacensis n. 46. auctore Hildeberto Cœnomanensi Episcopo apud Boll.

29. Aprilis.

27. Alij post sermonem horum dierum legebant consuetudines; [Sermonem audito à Priore recitentur consuetudines illorum dierum inquit cons. *Germania*, & *Statuta Lanfranci* : factoque ex ea (Regula) sermone, correctis quæ corrigi oportet, dicantur consuetudines quæ agendæ sunt ab ipso capitulo usque ad crastinum capitulum : dehinc ordinentur quæ ad servitium totius diei ordinanda sunt;] & Udalricus : [Antiqua consuetudo erat satis probabilis, ut in isto die, & in præcedenti, & in sequenti, etiam per totum annum quotiens tale aliquid debuerit fieri quasi novum, pro qualitate temporis, hoc in capitulo ab uno puero ediceretur, qui si quid mendosum proferret non esset talis persona cui contradici non auderetur : Nunc autem nescio propter quid hoc est mutatum, etsi Dominus Abbas non adest, nec Prior, talis multum inde peritus præcentori, vel alij fratri alicui

Bbb 2

potius quam puero imperat hoc munus.] Idem vel quid simile habent consuetudines S. Benigni, & verus Corbeienſe Ordinarium. In Ordinario etiam S. Petri ſupra Divam hæc lego : [Poſt Tertiam veniant in capitulum, ubi conſuetudines ad hanc diem pertinentes commemorant qui eas noverint ſeniores.] Huc referri debet quod habent conſuetudines Lyra : [In ipſo capitulo debet loqui de mandato, & debent affinari qui ſerviant de Converſis : ſi verò minus ſunt Converſi, de Clericis fortioribus aſſignet,] & Compendienſes : [Hebdomadarij coquinæ venturæ hebdomadæ hac die in tabula recitentur.

28. Ultimo tandem ex Ordinario Caſſinenſi accepti in capite Quadrageſimæ libri reddebantur, quod ſolis (quod ſciam) Caſſinenſibus ſingulare extitit ; alias in Germaniæ conſuetud. ultimo notatur loco calceorum diſtributio, de qua etiam Udalricus l. 1. c. 124, Corbeienſe verus Ordinarium, conſuetudines Floriacenſes, S. Benigni, S. Dionyſij, S. Germani, & S. Cornelij. Modum eos diſtribuendi deſcribit liber conſuetudinum S. Benigni Divionenſis his verbis : [Jubente Domino Abbate ſurgit Camerarius & ſuffraganeus ejus, & per eos fratribus ad ſe vocatis ipſa calceamenta erogantur, in quibus ſingulorum nomina fratrum ſunt in particulis pargameni aſcripta, & ex utraque parte à prioribus incipitur ; accipientes nova, reddant vetera, ut pauperibus tribuantur. Sunt etiam ibi nocturnales æſtivalis parvi ſine filtro, ut quibus neceſſarii fuerint, ut eſt infirmis, qui aſſidue morantur in infirmaria, erogentur.] Ipſi autem calcei prius in capitulo dum Tertia cantaretur, vel etiam antea ſuper perticas afferebantur. Præter calceamenta alia etiam veſtimenta, quæ neceſſitatem patientibus erant eroganda, hoc in capitulo ſimul dabantur, ut diſcimus ex conſuet. Germaniæ ; quibus tamen in rebus cujuſque loci poſſibilitas proſpiciebatur.

29. [Poſt capitulum *inquiunt conſuetudines Lyra*, dicatur : *Verba mea*, & oratio à Sacerdote. Si defunctum habent, & ſi breve legitur, eant in eccleſiam canendo : *Verba mea*, & ſigna ſonent : Sexta feria & ſabbato breve non legitur quia non itur in eccleſiam.] Idem videre eſt apud alios ; pſalmos autem alta voce, preces ſub ſilentio dicebant.

30. Poſt capitulum etiam conſuetudines Floriacenſes præſcribunt faciendam eſſe raſuram ; conſuetudines Sancti Germani à Præſbiteris permittunt his qui vellent, *ire ad confeſſionem, & ad peculiare diſciplinam*.

31. Caſſinenſes qui ſtatim poſt Primam in capitulum conveniebant, præſcribunt ut [Tertia finita canatur Miſſa pauperibus, qua completa inducantur pauperes in atrio eccleſiæ, & ordinentur ad ſedendum. Poſt hæc veniat Abbas cum omnibus fratribus ante illos, & adorent eos ponentes capita ſua in terram, & ſurgentes incipiant eis lavare pedes per ordinem, incipientes à ſenioribus ; ceteris interim fratribus reli-

dentibus, & antiphonas ipsius officij canentibus. Quo finito, cibum ac porum illis ministrantibus, & dent singulis singulos denarios. Finitis omnibus dicantur de more: *Suscipimus Domine*, & cap. & oratio; & iterum flexis genibus adorentur, & dimittantur. Alij verd non statim post Tertiam; sed post capitulum, vel post Sextam Missam quidem pauperibus cantabant, eisque largam & pinguem eleemosynam largiebantur, mandatum autem post majorem Missam ante Vesperas rejiciebant, excepto tamen Dunstano, qui in sua Concordia hæc scribit: [Sexta peracta, celebretur Missa pauperibus ante ad hoc collectis secundum numerum quem Abbas præviderit; dehinc collectis in locum congruum, cant fratres ad agendum mandatum, ubi canentes antiphonas eidem operi congruentes lavent, & extergant pedes pauperum, atque osculentur; & data aqua manibus eorum, dentur eis etiam cibaria, fiatque secundum Abbatis arbitrium in eis distributio numerorum.] Sed quæret aliquis quot nimirum pauperibus isthæc Missa caneretur, quid in ea pauperes, vel monachi præstarent, quæque, qualisve eis eleemossyna distribueretur. Primum non expriment Cassinenses, sed neque Dunstanus, neque Lanfrancus: Consuetudines Germaniæ indefinite decernunt, ut [post Sextam provisor pauperum *multitudinem* indigentium in aliqua curte assideat; &c.] Nonnihil amplius habet Udalicus cum dicit, ut in capitulo post calceamentorum distributionem, [pronunciatur quanti fratres sint in claustro, ut tanti quoque pauperes ad mandatum admittantur; & insuper quantum visum fuerit pro amicis nostris Domino Abbati; ipsis autem pauperibus continuo à Sacerdote, qui Missam matutinalem cantaturus esset, cantatur ad altare sanctæ crucis.] Idem legitur in libro consuetudinum S. Benigni Divion. c. 58., & in veteri Corbeienſi Ordinario: cujus praxim videre est in vita S. Hugonis auctore Hildeberto Cœnomanenſi Episcopo n. 46. apud Boll. 29. Aprilis: Rem absolute definiunt Floriacensis monasterij consuetudines his verbis: [Ipsa die post capitulum Sacerdos qui Missæ minoris Hebdomadarius est, cum Diacono cantat Missam de die ad altare S. Crucis ad centum pauperes,] quod adhuc in hujusce sæculi currentis principio observabant Floriacenses nostri.

32. Idem præscribunt consuetudines S. Germani à Pratis [Quando absolutio erit facta, *inquunt*, Dominus Abbas mittet quæſitum centum pauperes, & debent ire Camerarius, & Subcamerarius, & Eleemosynarius, & Subeleemosynarius, & tres vel quatuor fortiorum Religioſorum. Quando pauperes fuerint reperti, ipsi adducuntur ad navem monasterij... Hebdomadarius Missæ matutinalis ibi celebratum ad altare S. Crucis &c.] quam Missam unâ cum ministris in Vincentiano monasterio cantabant *Pauperes Clerici*.

33. Hac in Missa, quæ de die in altare crucis cum Diacono cantabatur, communicare debebant *pueri & juvenes homines* ex consuetud. S. Germani à Pratis; *pueri & infirmi* ex Dionysianis & Compen-

dienſibus; *Monachi qui ad majorem non poſſunt propter occupationes, ut habent conſuetud. Lyrae, & lib. Uſum Beccenſium: Pauperibus verò iſtis ſingulis ſingulae diſtribuebantur oblatae ſive hoſtiae non conſecratae ut diſcimus ex Statutis Lanfranci, ex Udalrico, veteri Corbeienſi Ordinario, conſuetudinibus S. Benigni, & Floriacenſis monaſterij; Quare verò non conſecratae, docent cum Udalrico conſuetudines S. Benigni;*

c. 58. „ [Et ſingulis, *aiunt*, ſingulae dantur hoſtiae non conſecratae, finita Miſſa, „ non enim congruum eſt, ut ita indiſcretè communicent quorum conſcientia neſcitur.] Ritum autem eos communicandi tradit Lanfrancus „ in Statutis: [Expleta Miſſa communicet Sacerdos ipſos pauperes de „ oblatis non conſecratis, ſigno tantum S. Crucis in nomine Domini „ ſuper eos facto:] Ex conſuetudinibus tamen Germaniae ex omni pauperum multitudine XII eligeantur, poſtea ſeparatim reſcicendi, qui

n. 24. „ reipſa communicabant: [Dum autem hoc agitur, *inquiunt*, audiant „ Miſſam XII pauperes, & ſervitor eorum, atque communicent; poſtea in „ hoſpitale, menſa eorum diligenter praeparata & reſerta, manducant.] niſi fortè hunc locum intelligas de communione panis non conſecrati, ut apud Lanfrancum, & alios. Completa Miſſa pauperibus erogabatur

n. 24. „ eleemoſyna, quae in eduliis maximè conſtabat: [Veniens Abbas cum „ quibus voluerit, *inquiunt conſuetudines Germania*, diſtribuat eis panem, & vinum, legumina, ſeu farinam, ſal, vel ceteras huiusmodi

l. 1. „ ſecundum poſſibilitatem loci.] Udalricus: [In hoſpitali autem reſcicendis bina dantur edulia fabarum & milij.] Idem habent conſuetudines Floriacenſes, S. Benigni, & veteri Corbeienſi Ordinarium; conſuetudines S. Germani haec ſcribunt: [Poſt Miſſam Camerarius ducet „ pauperes in illud cimiterium, & faciet eos lavare pedes ſuos, & dabit „ cuiſlibet duo aleta, & plenam ſcutellam fabarum, & unum ſcopum „ vini, & unum panem.] Denique conſ. Lyrae: [Finita Miſſa cant pauperes in ſalam, & det eis Celarius manducare & bibere uſque ſufficientem reſectionem.] Hanc eleemoſynam ex conſuetudinibus Germaniae faciebant ante Miſſam multitudini pauperum, ex quibus XII tantum Miſſam audiebant, communicabant, & poſt Miſſam reſciebantur: alij verò omnes omnibus poſt Miſſam; factaque eleemoſyna pauperibus aqua calida pedes lavabant, ut nimirum abſterſis groſſioribus ſordibus, id Abbas poſtea minori cum repugnantia praeraret. Haec omnia miſericordiae opera ad inſtar veterum monachorum qui largas in Coena Domini eleemoſynas in pauperes profundere ſolebant, noſtri praerabant; cuius rei egregium nobis exemplum ſuppeditat Johannes Moſchus in Prato ſpir. c. 85. ubi de monaſterio Theodoſij Antiocheni

„ Abbatis loquens haec habet: [Conſuetudo fuit ut in Coena Domini „ pauperes omnes, & pupilli regionis huius confluere huc, & acciperent medium tritici ſextarium, benedictiones tredecim, & ſextarium „ vini, mediumque ſextarium mellis pro quolibet.] Haec porro eleemoſyna ad tritici quingentos modios aſcendebat ut ex conſequentibus patet.

34. Post Nonam sollemnis fiebat novi ignis benedictio, de qua hæc lego in veteri Corbeienſi codice : [Eadem verò die Cœnæ Domini excutiant ignem de lapide in loco foris baſilicæ ſub idem oratorium ; ſin verò in loco quo conſideraverit Prior, ita ut ex eo igne candela poſſit accendi, quæ candela in arundine debet poni, & à Cuſtode eccleſiæ portari præſenti populo, & de ipſo igne continuo in eadem eccleſia vel loco accenditur ; lampada una ſervetur uſque in ſabbatum ad illuminandum cereum, qui eodem die benedicendus eſt : Cuſtos verò ſicut jam diximus accipiat candelam in manu ſua illuminatam in cannam, & pergat proſequentem eum populo cum ſupplicii ſilentio, ita ut ſummitas candelæ qua illuminatur altare verſa inclinata reſpiciat illam eccleſiam qua ſunt ingreſſuri... quæ tamen eccleſia priùs abſque lumine erit, præparatis ante altare vii. lampadibus, ita compoſitæ ut abſque ullo impedimento cuicumque retardationis manu Cuſtodis poſſint accendi, ac deinceps præparatis Cuſtodibus, omni lumine decoretur eccleſia ;] Et Concordia Dunſtani : [Hora congrua agatur Nona, quæ cantata ob arcanum cujuſdam myſterij indicium, ſi ita placuerit induant ſe fratres, & pergant ad oſtium eccleſiæ ferentes haſtam cum imagine ſerpentis, ibique ignis de ſilice excutitur. Illo benedicto ab Abbate candela quæ à more ſerpentis infixæ eſt, ab illo accendatur, ſicque ædituo haſtam deportante, cuncti fratres chorum ingrediantur, unusque dehinc cereus ex illo illuminetur igne.] Ubi non videmus aliquid ſive ante benedictionem ignis procedendo, ſive poſtea revertendo in chorum cantatum fuiſſe, quod neque in Ordinario Caſſinenſi præſcribitur, neque conſuetudinibus Germaniæ ; immo expreſſis decernunt verbis ut procedant omnes cum ſilentio : Aliter tamen viſum eſt poſteris, ut ex conſequentibus ſatis patebit, & primò quidem ex conſuetudinibus S. Benigni Divionenſis, in quibus ipſæ preces tam procedendo, quàm redeundo aſſignantur, & integer ritus ita deſcribitur : [Poſt Sextam majus altare pallio ornatur, quod nequaquam aufertur donec veſperi finiantur. Lapis berillus de quo ignis eſt producendus ſub cuſtodia Apocriſarij ſervatur, quem Præcentori adhibet, ut ab eo ignis proferatur ; qui licet induſtria Præcentoris è lapide producat, vel de ſilice excutitur ; à famulo tamen Sacriſtæ præparatur, & accenditur. Poſt Nonam priores ſtatim mutantur verſus altare, atque mox ſine qualibet ſigni expectatione, ſicut in duobus ſequentibus diebus, Sacerdote induto alba & ſtola, vel Domino Abbate ceteriſque ad Miſſam ſervituris majorem & infantibus, à Domino Abbate vel Priore incepto l. pſalmo, fit proceſſio ad novum ignem conſecrandum : ante ipſam portatur aqua benedicta, thuribulum ſine igne, & crux ; ut novus ignis poſtquam conſecratus fuerit & aſpergatur & incenſetur : portatur quoque per-

a f. in ore.

„ tica super quam ferendus est ignis ab illo à quo portandus est, qui in
 „ processione procedit. Ad benedicendum dicitur hæc oratio: *Domine*
 „ *Deus Pater omnipotens exaudi nos lumen.* Ad processionem post *Mise-*
 „ *re me Deus*, cantantur hi psalmi: *Deus in nomine tuo: Misere me*
 „ *Deus, misere me: Deus misereatur: Deus in adiutorium: Ad Dominum*
 „ *cum tribularer*, & ceteri quantum usque ad ingressum chori dici po-
 „ test; ita ut ad eum ex præscriptis psalmis redeundo incipiatur, ubi in-
 „ cendo finis factus est; per mediam namque ecclesiam revertitur pro-
 „ cefsio usque in chorum, præfatos psalmos canendo: unus verò de
 „ infantibus in sconsa à magistro suo sibi præparata affert candelam
 „ accensam, ut præsto sit ignis si extinguatur, qui super perticam por-
 „ tatur. Ipso die fertur à Magistro Custode ecclesiæ, in crastino à Priore,
 „ in sabbato ab Abbate vel Sacerdote. Dum agitur processio, formæ
 „ complicantur, cum autem processio in chorum redierit, pulsatis
 „ omnibus signis, continuò simul ligata suspenduntur usque in sabba-
 „ tum.] Idem videre est apud Udalicum, & in Corbeienfi Ordinario.
 Idem etiam ferè habent consuetudines Floriacenses, in quibus hic
 „ Ordo processionis instituitur: [Ad processionem primum ibunt pueri
 „ cum magistris; Deinde Dominus Abbas alba parata est virga pasto-
 „ rali ornatus, & cappa candida, postea priores, ad ultimum novitij.]
 His adjicio Beccensium consuetudines prout habentur in libro Usuum
 „ Beccensium: [Post Nonam induatur Abbas, vel Prior, vel Sacerdos
 „ Hebdomadarius, alba cum stola & manipulo; simulque Diaconus &
 „ Subdiaconus cum manipulis, & Acolythus, & Cantor Hebdomadarius,
 „ & duo fratres Hebdomadarij ad responforium, tresque Conversi ad
 „ thuribulum, & candelabra deferenda; & sic ordinatè post Abbatem
 „ eant revestiti ad ignem in clauistro canentes: *Misere sine Gloria*, cum
 „ toto conventu; Diaconus inter thuribulum & candelabra ferentes fe-
 „ rat hastam cum tribus cereis; cùmque ad ignem venerint, ster con-
 „ ventus ordinatè versis vultibus ad invicem, revestiti ad istam proces-
 „ sionem antecedunt; deinde priores; tunc dicat Sacerdos super ignem,
 „ *Dominus vobiscum*, deinde oratio, *Domine sancte Pater*, & responso
 „ *Amen*, aspergat aquam benedictam super ignem; & missis prunis,
 „ tunc primum in thuribulum, & thure supposito incenset ignem; deinde
 „ accensis cereis revertentes per medium chorum revestiti, & post eos
 „ priores, ut sicut primi venerint, ita primi in ecclesiam revertantur,
 „ & dicant hos psalmos: *Deus in nomine tuo: Misere me, Deus mise-*
 „ *re me: Deus misereatur: Deus in adiutorium:* eodem modo faciant
 „ duobus diebus sequentibus.] Idem ferè habent consuetudines Lyræ.
 „ In Tullensi verò S. Apri Ordinario nonnihil diversum legitur: [Post
 „ ix cant pueri & ceteri ministri loturi manus suas, & præparent se
 „ ad officium Missæ, & dum parati fuerint, eat conventus ad benedi-
 „ cendum novum ignem in clauistro à Sacrista paratum, & talis in ista
 „ processione ordo servetur: primò procedant ministri altaris albis
 induiti.

induti, crucem, thuribulum, & aquam benedictam portantes: Deinde sequatur Diaconus alba indutus cum stola, & fanulo candelam sine lumine portans; postmodum Sacerdos indutus alba cum stola & fanulo; Deinde sequantur fratres in ordine suo, ita ut qui primi sunt in choro primi exeant bini & bini cantantes psalmum: *Miserere mei*; finito psalmo sine *Gloria Patri*, dicatur: *Pater noster*; Sacerdos dicat: *Et ne nos*; Preces: *Signatum est super nos: Illumina oculos: Dominus illuminatio mea: Exurge Domine: Dominus vobiscum*. Oremus: *Domine Deus o lumen*. Interim dum collectæ dicuntur, thuribularius ignem in thuribulo ponat & incensum. Facta ergo benedictione ignis, Sacerdos ipsum ignem aqua benedicta aspergat, & incenset; postmodum Diaconus candelam de igne benedicto accendat. Iis omnibus peractis, revertantur omnes ad ecclesiam ordine quo venerunt, cantando psalmum: *Dominus illuminatio mea*. Finito psalmo sequitur Missa.] Denique consuetudines S. Dionysii in Francia: [Post ix induatur Sacerdos alba & stola, & eat ad novum ignem benedicendum cum ministris, qui ferant aquam benedictam, & crucem, & candelabra, & thuribulum, & lanternam; qui ignis preparari debet in quodam angulo claustrii, & cantent hunc psalmum: *Miserere*; & cum pervenerint ad ignem, dicat hanc orationem: *Dominus vobiscum: Domine Deus Pater omnipotens lumen inde*. Post orationem aspergatur ignis aqua benedicta, & impleatur thuribulum ipso igne, & accendantur cerei, & candela portanda super pectus, quæ ipso die ferenda est à Magistro Custode Ecclesiæ, in crastino à Priore, Sabbato ab Abbate, vel à Sacerdote, & redeuntes cantant hunc psalmum: *Dominus illuminatio mea*.

35. Item ferè habent consuetudines Compendienses. Hæc fasidus fortè quàm par fuit, referre libuit ne qua fortè alicujus monasterij quantum in nobis est, consuetudo excideret: Ceterum hujus benedictionis novi ignis nullam ad hanc diem mentionem faciunt Statuta Lanfranci, Ordinarium Sancti Petri supra Divam, neque usus Cistercienses, neque Laudunenses S. Vincentij consuetudines.

36. Benedictionem novi ignis excipit tam in Dionysianis, quàm in Comp. cons. sollemnis super populum benedictio, cujus ritum ita describunt Dionysiani: [Deinde debet Abbas se preparare, & socij sui, & absolutionem facere populo in lectorio, & deferatur ibi clavus, & Corona Domini, & brachium S. Symonis, & crux & thuribulum, & candelabra. Ante absolutionem faciat Dominus Abbas sermonem ad populum, aut cui jussit, & post sermonem fiat absolutio hoc modo: Prosternantur omnes in choro, & dicant septem psalmos penitentiales, & *Gloria Patri*, & antiphonam, quæ incipienda est à Cantore. Antiphona *Ne reminiscaris*: Deinde dicatur: *Kyrie eleison* ter: *Pater noster*. Preces: *Salvos fac servos: Eslo eis Domine: Mitte eis Domine: Nihil proficiat: Exurge Domine adjuva: Domine exaudi*.

Ccc

» orationem meam : Dominus vobiscum. Oratio : Adesto Domine supplica-
 » tionibus. Alia : Presta quasumus Domine. Alia oratio : Deus humani ge-
 » neris. Absolutio : Omnipotens Item alia : Dominus Iesus Christus ; post
 » dicat Diaconus : Humiliate vos ad benedictionem. Sequitur benedictio :
 » Benedicat nos Deus. Et alia.] Brevius consuetudines Comp. : [Post
 » hæc Dominus Abbas & socij ejus eant in lectorium cum Sanctuario , &
 » cereis , & thuribulo , & fiat sermo ad populum : deinde prosternent se
 » omnes fratres , & dicantur septem psalmi cum antiphona : *Ne reminiscaris* ,
 » sine cantu , *Kyrie eleison : Pater noster* ; & sic fiat absolutio.] Hujusmodi
 » absolutionem faciebant nostri Corbeiensis post Sextam , ut discimus ex
 » eorum Cons. manuscriptis : [Cantata Sexta , inquit , sonabitur absolutio
 » duobus signis ter , ut gentes conveniant , & fiet sermo ad populum ; finito
 » sermone conventus procumbet super formas , & dicet septem psalmos ; di-
 » ctis septem psalmis , Dominus Abbas indutus cappa absolvet populum , &
 » benedicet duobus brachiis , quæ duo Diaconi induti tenebunt prope
 » eum :] Ad hanc absolutionem quam aliquando faciebat Episcopus
 » Diocesanus ut in Laudunensi S. Vincentij monasterio , Confessio-
 » nem , sive *Confiteor Deo* , præmittabant psalmis poenitentialibus ipsi Lau-
 » dunenses.

37. Absolutione completa , quæ tamen non omnibus fiebat in mo-
 » nasteriis ; vel statim post novi ignis benedictionem , pulsatis omnibus
 » signis in posterum non sonandis , Missa solemniter cantabatur ; & qui-
 » dem in paramentis *rubeis* ex Laudunensibus Dionysianisque consue-
 » tudinibus & rituali Corbeienfi : Sacerdote festivo & aurato indumento
 » vestito ex libr. cons. S. Benign. c. 58. ; omnibus in *albis* existentibus ex
 » Dunstani Concordia , consuetudinibus Germaniæ , & S. Dionysij in
 » Francia ; ad quam , inquit Calsinenses in Ordinario , [induantur cum
 » Sacerdote duo Diaconi , & duo Subdiaconi , duo quoque Acolythi ,
 » cum thuribulis , & duo cum candelabris.] S. Lanfrancus duos etiam
 » ad præcantandum notat ; in libro Usuum Beccensium , & consuetudi-
 » nibus Lyræ unicus quidem Diaconus sed duo Subdiaconi ad Missam no-
 » minantur , & quidem Diaconus cum dalmatica , Subdiaconi cum tu-
 » nica ; quod etiam observabant alij.

38. Missæ Introitus : *Nos autem* , qui ex Laudunensibus & Compend. S.
 » Cornelij consuetudinibus ter reperendus erat , & ubique ferè cum *Gloria*
 » dicendus ; quo incepto , inquit verus Ordo Corbeienfis pro hebdomada
 » Sancta , ministri [procedant cum candelis ad Missam , & dum venerint
 » ante altare prosternat se Sacerdos super oratorium usque ad repeti-
 » tionem versus ; finito Introitu non dicat (chorus) *Kyrie eleison* , nec
 » Sacerdos : *Dominus vobiscum* ; sed tantum : *Oremus* , & det orationem
 » &c.] Quod ait *Kyrie* non esse dicendum , huic videtur monasterio pe-
 » culiare. Nallam porro mentionem hymni Angelici : *Gloria in excelsis*
 » *Deo* facit , quem etiam expressis verbis reticendum esse dicit Lan-
 » francus in Statutis : [Missa festivè celebretur , *Gloria in excelsis Deo*

minimè dicatur, nisi Episcopus Missam celebret, crisma faciat; Udal-
ricus l. 1. c. 12. : [Pullatis omnibus signis cantatur Missa festivè, ta-
men absque *Gloria in excelsis*.] Quæ verba etiam extant in l. cons. S.
Benigni c. 58. Tullense Ordinarium [*Gloria in excelsis* non dicitur nisi
Episcopus celebret] Idem patet ex Dionysianis consuet.; & tamen con-
suetudines Germaniæ, & vetus Calsinenſe Ordinarium expresse di-
cunt : [*Gloria in excelsis Deo* canatur. Qua incipiente, pergit *Calf-
nense Ordinarium*, statim pullentur omnia signa, & peragatur Missa
ordine suo.] Et tamen in vetusto Calsinenſium codice circa tempus
Bertharii Abbatis scripto legitur : [Feria 1v. quæ est in vigilia de Cœ-
na Domini ... ad Completorium in ipso die signum non tangunt, sed
tantum tabulas usque ad Missam serò in Sabbato Sancto.] Alij omnia
signa pullabant ante Introitum Missæ, & continuò simul ligata sus-
pendebant usque sabbatum; quamvis ex M. S. Germaniæ consuet.
etiam hac die post Missam, ad Mandatum, & Vesperas omnia pul-
sarentur.

39. Quod de *Gloria in excelsis*, hoc de *Dominus vobiscum* cum co-
dice Corbeienſi decernit Dunstanus, ut scilicet [minimè dicatur nisi
ab Episcopo tantummodo, ubi crisma conficitur :] Alij verò commu-
niter dicebant sed sine *Flectamus genua*. Post Epistolam responsorium
sive graduale à duobus concinebatur, & quidem Sacerdotibus ex Dio-
nyſianis consuetudinibus. De Evangelio hæc habet antiquus Ordo Cor-
beienſis pro Majori hebdomada : [Evangelium legatur secundum
Johannem, sed nec Diaconus cum legerit, *Dominus vobiscum* dicat,
sed inchoat : *Sequentia S. Evangelij secundum Johannem*. In illo tem-
pore sciens Jesus quia venit hora ejus, usque *Quemadmodum fecit vobis*,
ita & vos faciatis.] Post Evang. symbolum omittebatur, præterquam
apud Cartusianos, & fortè Parisienses S. Germani à Pratis.

40. Ad offertorium tot apponebantur hostiæ consecrandæ quot fra-
tribus hæc die ac sequenti communicandis sufficerent : [Interim dum
offerenda cantatur, inquit lib. cons. S. Benigni, accedit ad altare Ar-
marius (idest Cantor,) ut provideat de hostiis ministratis à Secretario,
& ponat ad consecrandum quantum necesse fuerit fratribus ipsa die &
in crastino.] Idem legitur in Ordin. Corbeienſi, & in consuet. Floriac.
Hoc munus in Dionysianis, & in libro Usuum Beccensium Diacono
committitur.

41. Præfatio in Dionysianis cons. hæc notatur : *Quem in hac nocte*;
in Tullensi Ordinario Communis. Communicantes : *Hanc igitur*, & *Qui*
pridie erant propria.

42. Ad pacem omnes accedebant apud Cluniacenses, Divionenses,
Corbeienſes, Dionysianos, & Cartusienſes; in Beccensi atque Lyrenſi
monasteriis solus Diaconus & Cantor. In Tullensi S. Apri, & S. Petri
supra Divam uti & apud Bursfeldenses & Grandim. nullus, nimirum
[propter Judam proditorem Domini, & fallax ejus osculum, inquit]

consuet. Grandim. c. 16. Dunstanus à solo Episcopo in Eucharistiæ acceptione pacis osculum Presbyteris ter *Agnus Dei* decantato dari voluit; ab aliis verò, *infit*, minimè præsumatur. In veteri etiam ordine Corbeienſi hæc lego: Neque *Agnus Dei* canetur, neque oscula celebrentur.

43. Data pace ab i dari consueverat, omnes sacram communionem percipiebant: De hac communionem hæc habet prædictus Ordo Corbeienſis
 „monasterij pro Hebdomada Sancta: [Sacerdos verò cum fregerit sancta,
 „mittat unam partem in calicem, & ex alia communicet; porro tertiam in
 „altare dimittat, & confirmetur à Diacono de calice, & illo tantummodo
 „die; postquam confirmaverit, à Sacerdote ponat calicem super altare, &
 „accipiat Diaconus patenam majorem, mitterque in eam de sancta oblatas
 „integras, & ponat juxta calicem in sinistro latere, & duo Subdiaconi ve-
 „niant; unus cum patena, & alius cum calice utrisque vacuis, & tollat Dia-
 „conus cum majore patena ex oblatis quantum sufficere possit ad com-
 „municandum populum, & de calice similiter, & mittat in patenam & ca-
 „licem quæ Subdiaconi tenent in manibus, & statim illud quod remanet
 „super altare cooperietur à duobus Diaconibus, utrumque sindone munda;
 „& de illa alia juxta altare faciat confectionem, redeant ad Sacerdotem,
 „ut communicent ipsi, & reliqui per ordinem;] & in Tullenſi S. Apri
 „Ordinario: [Post ultimum *Agnus Dei*, ille qui primus est in choro,
 „dicat: *Confiteor*, & fratres respondeant: *Misereatur tui*; deinde dicant
 „& ipsi: *Confiteor*, & ille qui primus est dicat: *Misereatur vestri*: Item
 „dicat: *Indulgentiam*, & responso ab omnibus *Amen*, accedant fratres
 „ad sacram communionem, dimittatur aliqua pars de corpore Christi
 „in calice, & portetur à Diacono super altare B. Apri, & teneat ibi
 „calicem, & unus puer ampullam in qua sit vinum, quod in calicem
 „fundatur cum necesse fuerit, donec biberint omnes fratres monachi;
 „sanctificatur enim vinum per Corpus Christi consecratum & in calice
 „depositum cum dicitur: *Fiat hac commixtio*: Sacrista verò habeat
 „aliud calicem, & ulceum cum vino ad altare S. Christophori, ut ibi
 „bibant Conversi, & conversæ qui Corpus Domini susceperunt.

44. Omnes porro hac in Missa de manu Abbatis communicabant
 c. 49. in vivam representationem illius sanctissima Cœna, quam Dominus noster
 n. 6. una cum suis Apostolis celebravit, inquit Cartusienſes in Ordinario,
 nec cuiquam his sanctis diebus à sacra se communionem subtrahere licitum
 erat; nec illis etiam quibus tale quid noctu contigisset. Nullus
 ergo hac die celebrabat præter Abbatem, & eum, qui Missam pau-
 perum cecinisset; id enim expresse prohibent lib. Usuum Cisterciensium,
 lib. Usuum Beccensium, consuetudines Lyrae, & Ordinarium Bursfeldensium.
 Apud Cisterciensium verò privata Missa cantabatur [pro
 Conversis communicandis, ubi multitudo exigebat, & ipsa Missa sit
 c. 17. „de die,] inquit lib. Usuum; insuper Missa de sancta Maria, ad quam
 „nullus hac die communicabat, & quotidiana pro defunctis. In quibusdam
 tamen monasteriis, ut in Floriacensi S. Benedicti, Divionensi

S. Benigni, Corbeienſi S. Petri, Compendienſi S. Cornelij, Pariſienſi S. Dionyſij permittebatur privatas celebrare Miſſas; ſed non aliam quàm de die, & quidem ſine igne, ſi ante novi ignis benedictionem cantaretur. Porro ſingulare eſt illud quod extat in M. S. S. Germani à Pratis conſuetudinibus: [Poſt Primam dicentur ſeptem pſalmi & letania, & poſtea veniemus ſeſſum in clauſtro; Sacerdotes ibunt dictum Miſſas ſuas, & omnes debent celebrare illas, & celebrabunt ſine igne, & dicent: *Credo: Communicantes, & Hanc igitur, & Qui pridie*, quod non dicitur niſi ſolummodo in illa die.] Alij verò non Sacerdotes communicabant [quia *inquunt infra*, omnes debemus eſſe conſeſi & communicare;] Et in Rituali Corbeienſis monaſterij ad Cœnam Domini: [Sciendum quod omnes Presbyteri tenentur dicta die dicere Miſſas ſuas, & omnes ante ignem benedictum poſſunt dicere Miſſas ſuas, ad quas Miſſas *Agnus Dei* dicitur, ſed pax non datur;] ſed & Laudunenſes S. Vincentij conſuetudines [Omnes Sacerdotes, *inquunt*, debent hac die Miſſam celebrare vel communicari.] At hæc recentioris videntur inſtituti.

45. Interim dum fratres communicarent, ſeu potius facta fratrum communionem, Veſperas cantabant noſtri Dionyſiani & Compendienſes, modo in conſuetudinibus Compendienſibus his verbis deſcripto: [Poſtquam omnes communicaverint, dicat Dominus Abbas orationem ſub ſilentio: *Reſeſti vitalibus* Poſt *Sanctus* ſonent Veſperæ, ut in quarto & duplici, & poſt communionem cantentur hoc modo: Hebdomadarius chori incipiat antiphonam: *Calicem*: Pſal. & ceteræ antiphonæ dicantur ſicut in libro: Ad *Magnificat* incipiat Hebdomadarius: *Cænantibus*. Gloria Patri non dicitur, poſt hæc dicat Sacerdos orationem ad altare: *Reſpice*. Dominus vobiscum dicatur ante & poſt, & dicat Diaconus *Benedicamus Domino* ut in quarto & duplici.] In Dionyſianis verò ita habetur: [*Dum fratres communicant cantentur Veſperæ* hoc modo: Hebdomadarius incipiat antiphonam: *Calicem* .. poſt *Magnificat* dicat Sacerdos: *Dominus vobiscum*, orationem: *Reſeſti vitalibus*, poſt orationem dicat Diaconus: *Benedicamus Domino*, & ſic finiatur Miſſa. Si quis ad Veſperas præſens non fuerit, dicat orat. poſt *Magnificat*, *Reſpice*.] Sed hoc duobus illis monaſteriis extitit ſingulare; nam in alijs facta communionem, ſtatim Miſſa per orationem finiebatur ſine: *Ite Miſſa eſt*, ut patet ex veteri ordine Corbeienſi pro Hebdomada ſancta: [Comunicent ipſi, & reliqui per ordinem, & data oratione poſt communionem Diaconus non dicat: *Ite Miſſa eſt*; ſed ipſa oratione finiantur univerſa. Ipſa verò oblata quæ ſuper altare cooperta remanſerant, ſerventur in craſtinum juxta conſuetudinem.

46. Ritum ſacræ Euchariſtiæ poſt Miſſam recondendæ habemus tam apud Lanfrancum, quàm apud Udalricum, & alios, quos hîc referimus: [Expleta Miſſa, *inquit Lanfrancus*, fiat oratio veſpertina ſupra formas. Interea Sacerdos, præcedente proceſſione, cùm ad al-

- „tare venit, vadat ad locum constitutum decentissimè præparatum, ibi-
 „que reponat Corpus Domini, incensato ipso loco & ante repositio-
 „nem & post repositionem; ante quem locum lumen continuè ardeat.¹]
 l. 1. „Udalricus: [Finita Missa, tabula percutitur pro signo ad orationem
 c. 12. „Vesperorum, quam formis iterum explicatis faciunt procumbendo,
 „Interea verò reconditur Dominicum Corpus à Sacerdote, retro altare
 „ponitur in patena aurea, & patena inter scutellas aureas, & adhuc
 „scutellæ inter tabulas argenteas, quæ factæ sunt ad textum Evangelij.
 „Eo autem quo ab altari portatur cum cereis & plurimo incenso.]
 c. 58. „Liber consuetudinum S. Benigni Divionensis: [Missa autem finita,
 „tabula percutitur pro signo ad orationem Vesperorum, quæ iterum
 „formis versis & explicatis fit fratribus super eas procumbentibus. Post
 „orationem Corpus Dominicum diligenter à Diacono, & ab Armario
 „undique patenis obvolutum in tabulis quoque locatum, & à Sacer-
 „dote incensatum cum candelabris, & thuribulo defertur retro majus
 „altare, & in loco editiori ab Apocrifario reponitur, nec una hora
 „sine lumine manet; interim verò conventus sedet in choro.] Tul-
 „lense S. Apri Ordinarium: [Missa finita, involvat Sacerdos Eucharis-
 „tiam in corporali, & portetur ab ipso in armario retro majus altare,
 „Ceroferariis, Thuribulario, & Diacono ipsum præcedentibus; & ibi
 „reservetur usque ad crastinum.] Consuetudines Lyre: [Dicto à Sa-
 „cerdote *Placeat tibi sancta Trinitas*, ipse & Diaconus adstante
 „etiam Cantore & Sacrista, hostias consecratas corporalibus involvant
 „diligenter, & linteo altaris iterato; tunc Sacerdos offerat incensum,
 „& cum Diacono eam ferat cum summa diligentia in locum constitu-
 „tum, omnibus flectentibus genua, conversis cum candelabris, & thu-
 „ribulo præcedentibus. Sacrista extendat pallium, & unam tuillam super
 „Corpus Domini, & cereum coram eo accendat, qui jugiter ardeat us-
 „que ad tenebras, quando omnia luminaria extinguuntur; & statim post
 „sonitum præidentis reaccendatur.] Laudunenses S. Vincentij cons.:
 „[In fine Missæ Majoris ponatur Corpus Christi reverenter cum in-
 „censo, vase argenteo in armario juxta altare & duo cerei jugiter ar-
 „dentes ante Corpus Domini.] Rituale Corbeiensis monasterij: [Post
 „finem Missæ Abbas cum ministris suis, & cum torseis illuminatis por-
 „tabit in uno magno calice Corpus Domini cum reliquiis sanctis in
 „clausura, (idest in armario ubi asservantur reliquiæ ex Consuet.,)
 „& quando portabit, tunc Cantor incipiet alta voce communionem;
 „*Hoc Corpus.*] In Beccensi monasterio statim post communionem ante
 „finem Missæ Eucharistia reservanda custodiebatur, ut discimus ex libro
 „Usuum Becc.: [Communicent omnes, nec non & pueri. Post hæc
 „ferat Diaconus hostias consecratas corporalibus involutas, prius à
 „Sacerdote incensatas in locum constitutum, Conversis præcedentibus,
 „& thuribulo, & candelabris; quas dum levat, flectant omnes genua,
 „cùmque deposuerit, offerat incensum. Secretarius extendat desuper

pallium, & coram accendat cereum, qui jugiter ardeat ibi usque ad Laudes &c.] Clarius in alio codice: [Communicatis omnibus Sacerdos & Diaconus, astante etiam Cantore, hostias consecratas corporalibus involvant; & sic desuper calicem positas linteo altaris iterato involvant. Tunc Sacerdos offerat incensum, & Diaconus omnibus genua flectentibus cum summa diligentia ferat eas in locum constitutum, Conversis cum candelabris, & thuribulo præcedentibus. Interim dicat Cantor Hebdomadarius postcommunione, *Dominus Iesus*. Cum verò deposuerit Levita hostias, offerat incensum, & sic revertatur ad altare. Tunc Sacerdos dicat, *Dominus vobiscum*, dicat postcommunione Missæ, & Diaconus, *Benedicamus festivè*, ut in die xii. Lect. Secretarius extendat pallium super corpus Domini, & cereum coram accendat, qui jugiter ardeat usque ad tenebras, quando omnia luminaria extinguuntur.

47. Ex dictis hætenus patet, quàm longè abfuerint veteres monachi à magno illo apparatu, quem pro recondenda Eucharistia nostris temporibus videmus esse investum; quem non sine magna animi distractione præparare possumus, & ad instituti monastici simplicitatem minùs accedere meritò probi causantur. Multò magis laudandi sanè Cartusienſes monachi, qui Eucharistiam reponi volunt [in loco consueto majoris altaris, prohibentes fieri pro ea reservanda more sæcularium monumenta, vel alios apparatus, *inquunt*, nostræ solitudini non convenientes.] Et Bursfeldenſes, qui simpliciter post Missam sacram Eucharistiam includunt [fenestræ, in qua sacramentum recondi consuevit.] Cisterciensium hanc in rem ritus is est: [Post pacem, *inquunt in lib. Vſ.* Corpus Domini de vasculo supra altare sumatur, & super patenam illa hora sumendum ponatur, linteum etiam mox de eodem vasculo auferatur, aliudque illa hora à Sacrista præsentaturum in eodem ponatur, illoque mutato ab eodem Secretario mox Abbas, vel qui cantat Missam partem sacræ communionis in crastinum servandam in vasculo autè notato honorificè recondat; & tunc linteum vetus in patena diligenter excussum, super piscinam comburatur, cineresque ejus in eam projiciantur.

48. Quid verò post Missam ante refectiorem agerent paucis docet nos Dunstanus in Concordia: [Peracta Missæ celebratione, *ait*, omnes ad mixtum pergant: post mixtum quos voluerit Abbas ex fratribus secum adsumens, suum peragat Mandatum: quo peracto Vesperas celebrent; dehinc refectiorem fratrum agant.] Tria ergo præstabant, primò mixtum omnes accipiebant, secundò pauperum Mandatum peragebant, tertio Vesperas cantabant. Tria hæc paucis expendenda sunt, monasteriorum his de argumentis consuetudines referendo.

49. Ad primum quod attinet hæc lego in veteri Ordine officij in domo S. Benedicti ante Pascha: [In Cæna Domini agatur Missa ad Vesperum; ita intrantes in refectorio accipiant singulas biberes &

in ord.
"Cart.
"c. 49.
"n. 6.
in ord.
"c. 36.

"c. 21.

"Anal.
"to. 4.

panem, & quicquid eis appositum fuerit.] quæ sane de cœna, sive integra refectiōe intelligi nequeunt. Nam mox subdit: *Et post Mandatum cœnant.* Statuta Lanfranci rem non tantum; sed modum etiam expriment. Decernunt enim ut recondito SS. Sacramento [vadant in refectōrium accipere mixtum; ingressi autem refectōrium faciant ante & retro ante sedilia sua, & confidentes sumant mixtum de pane tantum & potu quem super iustitias suas à Refectorariis in scyphis positum invenerint:] Et Udalricus [postquam se exuerint qui ad Missam servierunt, Domnum Abbatem præcedentem omnes sequuntur, (sederunt enim interim in choro) & eunt in refectōrium ut mixtum accipiant tantum unusquisque de libra sua, & potio eis pigmentata propinatur. Quando confederint, vel quando surrexerint, nihil dicunt de versu, solummodo ante faciunt & retro.] Liber consuetudinum S. Benigni Divion.: [Divestitis his qui ad Missam servierunt Domnum Abbatem præcedentem omnes; sicut est ordo eorum, sequuntur, ut mixtum capiant quisque de pane suo; nullus tamen debet inde gustare, donec Dominus Abbas incipiat, & potio eis pigmentata in scyphis propinatur à juvenibus & Conversis, ad quam tabula refectorij non percutitur. Ad sedendum vel confurgendum nihil dicitur, tantum ante & retro quisque facit.] quæ totidem penè verbis extant in Ordinario Corbeiensis: Ritus hujus causam indicare videntur Floriacensis monasterij consuetudines ita scribentes: [Post Missam cum omnes in choro adunati fuerint, & Dominus Abbas advenerit, ibunt in refectōrium ut celebrent Cœnam: Primum ibant pueri cum magistris, postea Dominus Abbas, deinde priores, ad ultimum novitij; distribuunturque à fratre qui pistoribus præest, panes azymi fratribus. Refectorarius debet prævidisse, ut antequam conventus veniat, in singulorum scyphis vinum propinet.] Quibus ex verbis discimus, hanc potissimum consuetudinem apud monachos fuisse institutam, ad Cœnam Dominicam representandam, quod innuunt panes azymi & vinum fratribus potrectum. Idem confirmant Landunenses S. Vincentij consuetudin. in quibus hæc lego: [Missâ finita, Conventus sedet in choro, donec illi qui ad Missam ministraverint sint divestiti. Tunc Prior præcedit, & seniores post eum sicut sunt in ordine, pueri verò in ultimum, euntes in modum processionis, sicut quotidie fit ad processionem capituli; & venientes in refectōrium sedent ad mensas unusquisque in suo ordine; Mensæ debent esse coopertæ. *Hostia* verò ponantur per mensas super panes. Facta benedictione à Priore cum silentio, qui voluerit accipiat hostiam, & comedat, Priore tamen incipiente.] Idem porro vigeat usus in Dionysiano, S. Germani de Pratis, Compendiensi, Beccensi, atque Lyrensi monasteriis. De Beccensi monasterio hæc legimus in lib. VI. Beccensium: [Cum ministri altaris fuerint divestiti post Missam veniant in chorum ad reliquos, ubi finita oratione pergant ad refectōrium ordinata processione duo & duo sicut solent in capitulum, idest primi

primi priores, deinde juniores, postremò novitij; faciantque ante & retro in loco suo in refectorio. Abbas, si tunc defuerit expectabitur, cumque venerit, assurgent ei omnes: quo stante infra mensam suam, dicat moderata voce unà cum ceteris, *Benedicite*, & Præsidens, *Largitor omnium bonorum benedicat cibum servorum suorum*. Deinde cœnent de eo quod præ illis est. Qui postea venerit, accedat ante gradum, & petita licentia faciat ante & retro tantum, & pergat ad locum suum & cœnet. Idem habent consuetudines Lyræ. In Dionysiano tamen monasterio, priusquam ad mixtum pergerent, Abbas duodecim pauperibus mandatum faciebat: [Post Missam, si quærit consuetudines hujus monasterii, faciat Dominus Abbas vel Prior mandatum XII pauperibus in honore XII Apostolorum, & detur eis panis, & vinum, & calciamenta, & indumenta; postea eant ad cœnam, Abbate præcedente; nullus tamen gustare debet, donec Abbas incipiat ad confedendum vel surgendum. Non percutitur tabula; sed tantum sit ante & retro.] In MS. verd Germanicæ non omnibus, sed ministerialibus tantum & pueris mixtum conceditur; reliquis interim in choro sedentibus, & Abbate, mandatum XII pauperum peragente: [Cum: *he Missa est dictum fuerit*, primum signum fiat ad Vesperas, & post orationem extit albis ministeriales & pueri sumant sibi panem & bibulam; & ceteri in choro sedeant: Dominus verd Abbas cum quibus voluerit prioribus facto signo tabulæ, pergant, ad Mandatum XII pauperum cantando tacite psal. *Verba mea*, adjuncto si opus est psalmo *Domine ne in furore*. Cum autem pervenerint, adoratis illis, & pedibus lotis & manibus, & oratione datâ, post oblationem petus dentur eis juxta facultatem loci, vestimenta, calciaria, denarij. Consignet autem quid singuli offerant eis, qui cum eo sunt; quibus iterum adoratis revertantur in ecclesiam more solito canentes psalmum, *Miserere me Deus*, & *De profundis*.] Hoc est mandatum illud quod aliis in monasteriis non à solo Abbate cum aliis paucis, sed ab omnibus; nec duodecim tantum pauperibus, sed tot, quot singulis in cœnobiis erant monachi & benefactores; neque tempore mixti, sed postea peragebatur, de quo si fîus in omnibus monasteriorum ordinariis.

50. Instar omnium nobis hanc in rem esse debent S. Benigni Divionensis consuetudines, quas hic ex integro referimus, si quid apud alios singulare extiterit subinde notari. Mandatum ergo sic describunt: [Interim autem (dum sumitur mixtum) pauperes in claustrum introducti ordinantur in tribus trifantiis claustris ex utraque parte; cum autem videbitur Abbati ut surgant, exiunt eo ordine quo ingressi sunt; ultimi omnium infantes exeunt, qui cum ostium refectorij egressi fuerint, divertunt se cum magistris in scholam, ibique faciunt Mandatum. Dominus Abbas verd usque ad ostium auditorij procedit, aliis sequentibus, sicut sunt priores de suo choro ad eandem partem: alter chorus quippe ad aliam partem vadit, prioribus præcedentibus. Tunc

Ddd

„ Dominus Abbas, vel si ipse abfuerit, Armarius incipit antiphonam, *Domini-
 „ nus Iesus & mox super genua venia ab universis petitur. Psal. Deus misere-
 „ reatur nostri* finita prædicta antiphona subiungitur, & per singulos versus
 „ ejusdem psalmi communiter ab omnibus cantatos ipsa antiphona repeti-
 „ tur. Deinde psalmus *Beati immaculati*, & dicuntur versus alternatim à cho-
 „ ris, & post octo versus quasi in loco Gloriæ ipsa antiphona repetitur; de
 „ quo psalmo tandiu cantatur, quandiu pedes pauperum lavantur. Incepta
 „ autem antiphona, & petita venia, Dominus Abbas & cum eo unus vel duo
 „ de choro suo, acceptis conchis & aqua, incipiunt ex una parte trisantiæ
 „ quæ propior est, ipsis lavare pauperibus pedes quisque suo; totidemque
 „ fratres de eodem choro, ministratis eis terforiis, accipiunt conchas ab
 „ ipsis & allata aqua lavant similiter aliis; & totidem alij de eodem choro
 „ eodem modo post eos, & alij post illos. Similiter omnino faciunt ex al-
 „ tera parte trisantiæ, quæ est propior prato, alij de altero choro, alij post
 „ alios sicut est ordo eorum venientes, & ministratis terforiis lavantibus,
 „ conchas ab eisdem recipientes. Duo autem fratres jugiter servant de
 „ aqua & manutergio redeuntibus de pedum lavatione, stantes juxta cup-
 „ pam in qua est aqua. Nam in illo angulo claustrum, qui proximus est
 „ elemosynariæ extra trisantias, cuppa quædam plena aqua calida posita
 „ est, & alia prope lavatorium ad opus novitiorum, qui ex illa parte
 „ faciunt Mandatum, & ad utramque singuli fratres stantes infundunt
 „ aquam cum bacili jugiter in conchas, si opus est. Illi autem qui ser-
 „ vant de aqua & manutergio, sicut & isti mutantur cum opus est.
 „ Postquam autem quisque suo pauperi laverit pedes, innuit Abbas ut
 „ eodem modo lavent illis qui superfuerint, reincipientes à prioribus;
 „ non enim sine præcepto Abbatis mos est id fieri. Cum verò adhuc
 „ ventum fuerit, ut ad manus pauperum aqua ministraretur, incipiuntur
 „ aliæ antiphonæ pertinentes ad mandatum, ut: *Mandatum novum:*
 „ *Postquam surrexit Dominus*, & hujusmodi; & omnino eodem ordine,
 „ & eodem modo quo pedes laverit, ministrant aquam manibus. Quo
 „ facto, & tabula semel à Priore percussa, prius vino in aliquot scy-
 „ phis infuso, quod est signum petendæ benedictionis ad potum, Abbas
 „ de loco suo sub silentio elevata manu dat benedictionem; & tunc
 „ quisque sicut pedes & manus laverit, ita propinant potum, quem
 „ in cadis à Custode vini appositum ex utraque parte juxta cup-
 „ pas aquæ, unde lavati sunt pedes & manus, accipiunt & cum ipso
 „ potu dantur etiam à singulis fratribus singulis pauperibus duode-
 „ narij, quos Camerarij alter ex altero choro, & alter ex alte-
 „ ro, fratribus ministrant, quo peracto percutit Prior ter tabulam,
 „ quod est signum ut omnes surgant, sedent enim omnes dum po-
 „ tus ministratur; sed & dum pedes & manus lavantur sedent qui vo-
 „ luerint sicut in choro, unus inter duos stantes, & unus inter duos.
 „ Postquam autem ad tabulæ percussione omnes surrexerint, dicit
 „ Dominus Abbas sicut ad cotidianum mandatum fit: *Ostende nobis*

Domine miser. tuam tantum ut possit audiri; respondente autem con-
 ventu: *Et salutare tuum da nobis*, inclinantur omnes super genua,
 dicendo ter: *Kyrie eleison*; non enim tunc petunt venias. Finito: *Pater*
oster prosequitur D. Abbas capitula, & coll. sicut ad quotidianum
 mandatum sit, & responso: *Amen*; fietque ante & retro ab omni-
 bus, incipit mediocriter: *Miserere mei Deus* pergendo ad ecclesiam;
 tunc infantes præcedunt Dominum Abbatem in ecclesiam, sequantur
 ceteri sicut sunt priores, & cantantes: *Miserere mei Deus*, ita ut alter
 chorus alterum audiat, & finiant ipsum psalmum in choro sine omni
 capitulo, & prostratione, & collecta, &c.] Hactenus Divionenses
 Sancti Benigni consuetudines, in quibus plurima observata digna
 occurrunt.

51. Primò enim congregabantur in clauistro pauperes dum sumere-
 tur mixtum tribus in trisantiis, hoc est lateribus clauistri; & ex utra-
 que parte utriusque trisantiæ ordinabantur: Hoc munus consuevit. Lau-
 danenses Eleemosynario; liber Usuum Becc. & consuetudines Lyre
 Eleemosynario, & Cellerario committunt his verbis: [Dum cœ-
 nant, Eleemosynarius & Cellerarius de loco suo elevata manu petant
 licentiam exeundi à præsidente, & faciant ante & retro in eodem
 loco, idest coram sedibus suis, & non ante gradum mensæ; post ante
 & retro statim exeant, & adducant pauperes in clauistro; quibus ad-
 ductis, unus eorum reversus in refectorium faciat signum præsidenti;
 tunc surgant omnes, & exeant de refectorio ordinate duo & duo; sed
 unus post alium incipientes à junioribus, ultimus Dominus Abbas, &
 faciant stationem ante pauperes versis vultibus ad illos.

52. Secundò, Infantes una cum magistris suis ad scholam, hoc est
 in ea parte clauistri ubi erat schola infantium divertentes, separatim
 mandatum suum faciebant.

53. Tertiò, Incepta ab Abbate vel Cantore antiphona ad Man-
 datum, omnes flectebant genua; & quidem ante pauperes ex cons. S.
 Dionysij, Lyre, & lib. Ul. Becc., ut adorent Christum in pauperibus
 ut habet Lanfrancus, quibus post pausam erectis inquit Bursfeldenses c. 36.
 in Ordinario lavent pedes pauperum.

54. Quartò, Unusquisque pauperi suo pedes manusque lavabat, tot
 enim allumebantur pauperes quot erant monachi; unde in hujus diei
 capitulo post calciamentorum distributionem [pronuntiatur inquit U-
 dalr., quanti fratres sint in clauistro, ut tanti quoque pauperes ad
 Mandatum admittantur, & insuper quantum visum fuerit pro amicis
 nostris Domino Abbati;] Et quia sic numerus pauperum numerum
 excedebat monachorum, propter amicos & benefactores; propter in-
 firmos, & hoc anno mortuos, quibus etiam suis singulis adtribue-
 batur pauper; vel lotis ab unoquoque suo pauperi pedibus, pri-
 ores seu antiquiores residuis pauperibus quisque suo pedes iterum inci-
 piendo lavabant, ut hinc in cons. S. Benigni; vel nonnullis statim ab

„ initio plures assignabantur pauperes lavandi : [Tunc elemosynarius,
 „ *inquit liber Usuum Beccensium*, assignet unicuique suum (*id est pau-*
 „ *perem*) per virgam quam manu teneat, Priori duo, tres vel quatuor,
 „ Abbatibus quinque vel sex vel septem assignet; quo facto, percutiat Prior
 „ tabulam tribus ictibus, & statim incipiat Cantor antiphonam : *Dom-*
 „ *nus Iesus* &c;] & consuetudines Lyræ : [Tunc Cellerarius assignet
 „ unicuique suum per virgam quam manu tenet; priori duo, & si
 „ ultra numerum conventus sunt, sex pauperes pro comite qui hoc assi-
 „ gnavit; & Abbatibus tres. Conversi habent sicut monachi, & infirmi,
 „ & monachi de S. Agilo;] Sed apud Cistercienses, Cellerarius, *inquit*
 „ *liber Usuum*, qui denarios ad opus pauperum monachis porrigit, exten-
 „ *c. 21* „ dit in ordine monachis innuat, ut in pauperibus infirmorum, & absen-
 „ tium monachorum, & portariorum qui in ultimo ordine pauperum collo-
 „ candi sunt, mandati officium adimpleant :] Infantes verò in Floria-
 „ censi S. Benedicti monasterio duodecim tantum pauperibus mandatum
 „ faciebant ex cons. ejusdem monasterij.

55. Quintò, Sic omnes suo pauperi pedes lavabant, ut non tamen
 simul omnes id obsequij præstarent; sed primùm Abbas cum uno
 aut altero ex uno choro; & Prior cum toridem ex altero mandatum
 duobus tribusque pauperibus facerent, quibus alij duo vel tres ex utra-
 que parte succederent, & sic de cæteris.

56. Sextò, Lotos pauperum pedes & terfos osculabantur *ore & oculis*,
inquit Lanfrancus: deinde manus eodem ordine lavabant.

57. Septimò, Benedictum ab Abbate vinum postea suo quisque pau-
 peri propinabat, tum denarios duos vel quatuor vel etiam unicum
 „ pro more monasterij dabat, sive ut habet Lanfrancus [quot Abbas
 „ præceperit, iterum osculantes eorum manus;] Addit lib. Usuum Cist.
 „ *c. 21* „ [qui denarij flexis genibus sunt dandi.] In Vincentiano Lauduni mo-
 „ nasterio ipse Armarius denarios pauperibus distribuebat *de osculando*
 „ *manus omnium*.

58. De Vesperis, quæ Mandatum pauperum statim sequebantur,
 „ *c. 59* „ hæc subinferunt consuetudines S. Benigni Divionensis : [Secretarius
 „ autem postquam pedes pauperum viderit ablutos, in claustrum coram
 „ ostio ecclesiæ ad Vesperas tabulam percutit; videlicet tot vicibus, quot
 „ solent signa ad Vesperas pulsari; prius namque percutitur ad oratio-
 „ nem Vesperarum ante Mandatum, secundò ad ablutionem manuum,
 „ tertio dum propinatur vinum. Cum autem finito mandato, ut dictum
 „ est, *Miserere mei Deus* incipitur, ante introitum ecclesiæ in ea parte
 „ quæ est versùs capitulum quam plures tabulæ ad hoc provisæ à Decano,
 „ & emptæ à Secretario, à Custodibus Ecclesiæ, & aliis conversis vice
 „ signorum ad classicum percutiuntur, eodem modo quo signa solent
 „ pulsari; videlicet in primis duæ sicut de scilla fit; deinde paulatim aliæ,
 „ donec omnes insimul feriantur; quibus remanentibus, tribus ante
 „ altare cereis accensis, inchoatur à puero antiphona : *Calicem salutaris*,

& vesperi more canonico cum quinque psalmis : Ad inceptionem ab omnibus veniæ petuntur , & apertè illa tantum die usque ad prostrationem super foras dicuntur ; postea verò quisque finit per se quod restat ; & ex hac hora , sicut jam dictum est , quisque singulariter & cum silentio per se cantant omnes Horas usque ad Vesperos sabbati , toto conventu verò ad altare , exceptis his quæ superius dicta sunt .] quibus in verbis observandus primò ritus pulsandi ad Vesperas quem innuunt Lanfrancus in Statutis , Udaltic. l. i. c. 12 , & vetus Corbeienſe Ordin.

59. Secundò , Vesperas incipiebat puer ab antiphona *Calicem* ; sed in Consuet. Laudunensium , Ordinario S. Petri supra Divam , & cons. S. Germani à Pratis , hoc munus Hebdomadario committitur ; in Ordinario Cartusienſi antiquiori ex choro Cantoris ; reliquas antiphonas ex Ord. S. Petri supra Divam imponebant *juniores*.

60. Tertio , Incepta antiphona omnes petebant veniam , hoc est flebant genua , idque passim observabatur ubique : Cantabantur autem Vesperæ *sonora voce* ut loquitur Dunstanus , sive , ut habet lib. Us. Cisterc. *altè* , vel ut Rubricæ Breviarij Casalinorum *cum tono* ; post *Magnificat* tamen , cuius antiphonam ex lib. Us. Bec. ; cons. Lyrae , & S. Vincentij Cantor imponebat , preces sub silentio dicebantur : liber Us. Becensium , & Cons. Lyrae habent , *Preces sub silentio duo & duo*.

61. Vesperas verò de omnibus Sanctis prætermittebant ex Germaniæ cons. numero 24. sed Cartusienſes finitis Vesperis Canonicis *Vesperas de Dominica more consueto* dicunt.

62. Addunt consuetudines S. Benigni : [Conversi autem qui nesciunt Horas per se cantare , tres psalmos , vel toties psalmum L. ad Horas alias dicunt , & quatuor ad Vesperos .]

63. De refectioe quæ statim post Vesperas fiebat , ista paulò post subjungunt prædictæ Consuetudines S. Benigni : [Finitis Vesperis pro cimbalo percutitur tabula , & in refectorio pro scilla , ubi sicut in capitulo quæ dicenda sunt omnia præter lectionem , sub silentio dicuntur . Sacerdos verò finito *Pater noster* cum eodem silentio , facit benedictionem elevata manu ante prandium , & ad generale ; & post prandium gratias agit , omnibus sub eodem silentio cum videtur eis tempus refectiois ; & Dominus Abbas ad caritatem potus sub eodem silentio dicit , *Adjutorium nostrum in nomine Domini* , & tabulae percutiuntur ad omnia ad quæ scilla vel cymbalum solent pulsari . Eodem modo facit Secretarius cum tabulis omnia quæ cum signis solent fieri , etiam post prandium , & Sextam ; & Prior ad capitulum , & post Completorium . Dum conventus in refectorio ad prandium progreditur , remorantes Secretarij altaria cuncta discooperiunt . Finito prandio , Dominus Abbas facit signum quando surgendum sit sicut ad finem omnium Horarum , & dicto versu sub silentio , & incepto *Miserere mei Deus* , ad ecclesiam sicut mos est , progrediuntur , inde dormitorium ascen-

D d d 3

„ dentes, diurnales calceos ponunt, & nocturnales induunt.] Ubi quod
 „ de tabula pro cymbalo aut scilla percutienda dicit, ubique observaba-
 „ tur. Similiter quod de versu, ciborum benedictione & gratiarum actione
 „ post prandium excepto psalmo sub silentio dicendis; licet in consuetu-
 „ dinibus Lyrae hæc legam: [Eant in refectorium, & percutiat prædicens
 „ tabulam diutius, deinde dicat: *Benedicite* humili voce, & versus sine
 „ gloria dicatur *Kyrie eleison* ter, *Et ne nos*, Orat.: *Benedic Domine* ut
 „ solet;] Quibus consentiunt Statuta Lanfranci, & liber Usuum Bec-
 „ censium; Laudunenses verò S. Vincentij consuetudines sic habent:
 „ [*Benedictio* fit ab unoquoque sub silentio, lectori datur *benedictio*
 „ sub silentio, in fine lectionis non dicitur *Tu autem*, sed tria aut quatuor
 „ verba ultima reincipiuntur à Priore, postea à Lectore finiendo sicut
 „ Lectiones pro defunctis; postea redduntur gratiæ ab unoquoque sub
 „ silentio.] Ex Dionysianis Compendiensibusque consuetudinibus post
 „ prandium versus & psalmus cantandi, reliqua sub silentio dicenda.
 „ Consuet. Grandinontensium ita statuunt: [Ad prandium incipimus:
 „ *Edent pauperes & saturabuntur* sine *Gloria*, & sine *Kyrie eleison*; sed
 „ dicto *Pater noster*, non dicitur *Et ne nos*; Sed Sacerdos dicit: *Benedic*
 „ *Domine dona*, & sequitur sine *Inbe Domne*, & sine *Tu autem*. Post pran-
 „ dium: *Memoriam fecit* dicitur sine *Gloria Patri*: *Agimus tibi* non di-
 „ citur; sed sequitur: *Miserere mei Deus* sine *Gloria Patri* & sine *Kyrie*
 „ *eleison*; & *Pater noster* dicitur sub silentio *Retribuere digneris* non di-
 „ citur.] Cartusienium verò antiqua statuta 1. part. c. 13., & recens
 „ eorumdem Ordinarium: [Dato signo refectorium intramus; ubi non
 „ dicitur: *Benedicite*; sed tantum: *Edent pauperes* incipitur à Priore,
 „ nec sequitur *Gloria*: dictoque sub silentio: *Kyrie eleison*: *Pater noster*,
 „ Prior more solito dicit: *Et ne nos inducas*, & respondetur: *Sed libera*
 „ *nos à malo*; dehinc non præmittens: *Oremus* prandium benedicit dicens:
 „ *Benedic Domine dona tua*; respondetur: *Amen*; Lector autem sine
 „ *Inbe Domne*, & titulo prætermisso, inchoat lectionem: quam etiam
 „ signo dato terminat sine *Tu autem*, sicut horum dierum versiculi termi-
 „ nantur. In fine verò prandij finito versu: *Memoriam fecit* sine *Gloria*, dicit
 „ Sacerdos: *Agimus tibi gratias*, respondetur: *Amen*, omnibus versa facie
 „ ad crucem remanentibus. Incipientesque *Miserere mei Deus* solito more,
 „ ipsum sine *Gloria Patri* in ecclesia finimus: *Kyrie eleison*: *Pater noster*, &
 „ cætera quæ sequuntur inclinati super misericordias sub silentio persol-
 „ ventes.] Sed Cassinenses tacto signo, intrantes in refectorium dicebant
 „ versum ex more, finitaque refectioe pergebant cum versu in ecclesiam
 „ juxta morem. Quod etiam de lectione sine benedictione, & sine *Tu*
 „ autem facienda, hæc dicitur, ubique observabatur: hanc finiebant
 „ Sangermanenses nostri ad instar Lectionum nocturnorum; & Laudunen-
 „ ses S. Vincentij ut Lectiones pro defunctis.

64. Ad altarium denudationem quod spectat, non una eademque
 erat monachorum consuetudo. Alij enim statim post capitulum hoc

præstabant; atque ita Anglicani monachi Sanctionialesque sub
Dunstano, cujus hæc Concordia verba: [Facto namque capitulo, " c. 3.
discalectent se fratres, & intrantes ecclesiam more obedientia lavent
pavimenta ecclesie; Sacerdotibus interim cum ministris altaris benedi-
& aqua sacra altaria lavantibus; ea enim die non fit celebratio Mis-
se in aliquo altari, donec lavetur; quibus peractis lotis pedibus re-
calcient se.] Alij majoris Missæ tempore, facta corporis Domini
elevatione: [Post elevationem Corporis Christi, inquit Ord. S. Petri
supra Divam, abluant Sacerdotes bini & bini altaria per circuitum,
dicentes: *Circumdederunt me viri, & Dederunt in escam meam fel &*
in fies mea, collectam: *Respice quesumus Domine super hanc familiam*:
Dein se faciant memoriam de sanctis in quorum honore consecrantur
altaria cum antiphonis sine & oratione; quibus peractis revertantur
in chorum.] Cassinenses Vesperarum initio altaria denudabant: [Finita
Missæ, inquit in *Ordin*, statim incipiat Cantor antiphonam ad Vesp-
peras, *Calicem*. Psal. *Credidi*; incipientibus in choro primam antipho-
nam duo Acolythi induti nigris planetis incipiant expoliare altaria,
quæ à Vespera, hujus diei nuda maneat usque ad horam septimam
sabbati.] Compendienses qui Vesperas in ipsa Missa dicebant, ea finita,
statim expoliabant altaria: [Dicat Diaconus *Benedicamus Domino*, (sci-
licet in fine Missæ,) ut in quarto & duplici; post hæc denudentur
omnia altaria à Capitulariis, & laventur aqua & vino, & sic rema-
neant denudata usque in vigilia Paschæ. Dum lavantur altaria dicatur
antiphona, & oratio de sancto cujus est altare quod lavatur:] Apud
Grandimontenses ex consuetud. Guillelmi Pellicerij primi Abbatis: [Post
Vesperas die cœnæ discooperiuntur altaria in signum quod Christus " c. 16.
fuit spoliatus, qui Christus altare significat: Cistercienses etiam
ante Vesperas facto scilicet pauperum mandato hoc præstabant:
[Expleto pauperum Mandato, *inquunt*, Sacrilegi mox ascitis sibi fra- " l. 1. Uf.
tribus, quot necessarios habuerit, altaria discooperiat, & pallas quas Cisterc.
inde tulerit honestè aptet.] Idem habet Ord. ar. Bursfeldensium: " c. 11.
Alij verò tempore refectiois, ut notatur in citatis consuetudinibus
S. Benigni, quibus accedunt consuetudines Germaniæ, in quibus hæc
lego: [Dum autem cœnaverint, deputentur qui altaria denudent, " n. 24.
& lavent tam de aqua, quàm de vino; servientes etiam qui usque
Completorium, si expedit, pavementum ecclesie abluant; adeo au-
tem solet esse hic dies occupatus, ut de lavatione ecclesie omniumque
suorum ornamentorum in auro & argento usque in crastinum differa-
tur;] Statuta Lanfranci: [Interim dum fratres in refectorio sunt,
Secretarij discooperiant omnia altaria] Vetus Corbeienſis Ordin. [dum
conventus in refectorium ad prandium progreditur, remorantes Secre-
tarij altaria cuncta discooperiant.] Liber Uivum Beccensium: [Dum
cœnant, Secretarius discooperiat altaria.] Idem habent consuet. Lyræ: in rub.
Casalini verò [Post refectioem, inquit, Sacerdos cum Acolytho Missal.

denudat altaria dicendo antiphonam : *Diviserunt sibi vestimenta mea*
 & *super vestem meam miserunt sortem* cum toto psalmo : *Deus Deus*
meus respice ;] & Laudamentales S. Vincentij consuetudines : [Post pran-
 dium discooperiantur altaria , sed non lavantur usque in crastinum.]
 Denique Cartusienſes monachi id præſtant poſt mandatum fratrum in
 capitulo , quod refectionem communiter ſequēbatur ; de quo proinde
 hic dicendum ; neque tamen omittendum puto quod in Germaniæ
 n. 24. consuetudinibus legitur his verbis : [Provideat Abbas ut in honore
 illius , cujus vice fungitur , diligenter fratribus ſerviat in refe-
 ctorio.

65. Finitâ ergo refectione , omnes ascendebant dormitorium , no-
 cturnales calceos ſumturi ; inde deſcendebant in clauſtrum pedes
 lavaturi , cœnatiſque ſervitoribus , reſectorium ingrediebantur ad
 porum ; poſtea pulſata à Priore tabula in capitulum conveniebant ,
 ubi mandatum à fratrum peragebant. Rem fuſè omninò deſcribit
 Lanfrancus in Statutis quem hic in exemplum veterum monachorum
 c. 1. adduco : [Poſtquam fratres à menſa ſurrexerint , & de monaſterio ac
 §. 4. dormitorio ſolito more redierint , lavent ſibi pedes ut ſabbato fieri
 ſolet. Præparentur cuncta quæ ad Mandatum ſunt neceſſaria. Reſectis
 ſervitoribus , & pedibus ablutis , pulſetur tabula , & ad bibendum in
 reſectorium vadant. Poſt hæc egreſſis fratribus de reſectorio , Prior
 clauſtri jubente Abbate percutiat tabulam ad Mandatum ; introgreſſis
 in capitulum fratribus , Priore clauſtri ſedente in loco Abbatis præ-
 cingant ſe hinteis Abbas & Prior ; & inchoante Priore clauſtri antipho-
 nam , *Dominus Jeſus* , veniant in capitulum Abbas ad dextram , & Prior
 ad ſiniſtram , ſequentibus eos fratribus , qui ad ſervitium eorum ipſa
 die in capitulo fuerint ordinati ; & utrique flexis genibus lavent pedes
 fratrum , & tergant , & osculentur. Camerarij præſto eſſe debent , qui
 madefactis terſoriis , alia miniſtrent , quotiens opus fuerit. Lotis om-
 nium qui in capitulo ſunt pedibus , ſedeant foris ante capitulum Prior ,
 & prædicti ſervitores cum eo , quorum pedes præcinctus terſorio Ab-
 bas flexis genibus abluat , & tergat , & osculetur , ſervientibus ſibi
 fratribus ad hoc obſequium deputatis. Poſt hæc redeat Abbas in ſedem
 ſuam , ad quem Prior præcinctus terſorio veniens cum fratribus ſibi
 deputatis , lavet pedes ejus , & tergat , & osculetur , & ablutis ma-
 nibus ſuis ſtatim deferat ſibi aquam ad abluendas manus , uno eorum
 qui ſibi ſervierunt tenente manutergium : Deinde redeunte Priore
 clauſtri in locum Abbatis , exeat Abbas , & accipientes ipſe & Prior
 bacilia cum aqua & manutergia , duo fratres qui de coquina ipſa ſep-
 timana ſerviunt , qui inter ceteros adjutores ad hujus mandati obſe-
 quium ordinari debent , ſerviant omnibus ad abluendas manus , ſicut

▲ Lotionis pedum in Cœna Domini meminit Beda in vit. S. Cuthberti c. 18.
 ſæc. 1.

Servierunt

servierunt ad abluendos pedes. His expletis exeat Abbas, & Prior, & servitores eorum, & ante capitulum præbeat eis Abbas aquam ad abluendas manus, tenente manutergium uno eorum fratrum, qui ad hoc obsequium ei deputati sunt. Quo peracto, præcedens Abbas, & ceteri sequentes eum introeant capitulum, & faciant ante & retro, sicut solet fieri die Sabbati ab eis qui Mandatum fecerunt. Postea pergat Abbas ad sedem suam surgente conventu donec sedeat, reliqui similiter ad loca sua.] Hactenus Lanfranciani ritus ad Mandatum fratrum in capitulo observati, in quibus quatuor potissimum observare licet. Primò quod ipso Mandati tempore Prior claustræ sedem Abbatis in capitulo occuparet. Secundò quod Abbas & Prior, scilicet *Major* à priore claustræ distinguendus, istud Mandatum peragerent. Tertiò quod lotis omnium fratrum pedibus Abbas *foris ante capitulum* Priori alii-que servitoribus Mandati obsequium exhiberet. Quartò quod ipsi Abbati suam in sedem reverso, idem Prior ipse præstaret.

66. Lanfranco quo ad duo priora concinunt liber Usuum Bece. in secundo exemplari, consuetudines S. Dionysij, S. Germani à Pratis, & S. Cornelij Compendiensis; nisi quod in lib. Us. Bece, conf. S. Germani, & S. Cornelij non *Prior claustræ*; sed *Prior* in sedem Abbatis sedere jubetur; voces diversæ, sed res eadem. Aliis in monasteriis in quibus Abbas solus, vel cum aliis à Priore Mandati obsequium præstabat, Magnus Prior sedem Abbatis in capitulo tenebat. Ita apud Cluniacenses, Divionenses, Corbeien- ses, Cistercienses, Bursfeldenses, & alios. Porro antequam Abbas & Prior ad Mandatum sese accingerent, Hebdomadarij coquinæ quibus ex Regula Mandatum sabbatis singulis facere incumbit, omnium pedes lavabant; sed non tergebant, præterquam Abbatis & Prioris; & hoc apud Dionysianos: Lotis aliquorum pedibus, Abbas ipse præcinctus linteo iterum lavabat, tergebat, & osculabatur singulorum pedes. Rem cum Udalrico, & veteri Corbeiente Ordinario ita enunciat liber conf. S. Benigni Divionensis: " c. 60. [Hebdomadarij coquinæ primùm lavant pedes fratrum; sed non ter- gunt, qui cum ex utraque parte laverint octo aut decem fratribus pedes, procedit Dominus Abbas reincipiendo à capite, sequens eos cum tribus, vel amplius adjutoribus, qui iterum lavant, & tergant.] Ubi numerosa adeo esset monachorum congregatio ut omnium lavandis pedibus Abbas sufficere non posset, unus ex Prioribus, vel etiam alij duo si visum fuisset, qui ex utraque parte Mandatum facerent, ei in adjutorium dabantur, ut teste Udalrico apud Cluniac., quod certè semper faciunt Cistercienses, [ita ut Abbas duodecim tantum, " l. 1. idest quatuor monachorum, quatuor novitiorum, & quatuor fratrum " c. 12. laicorum pedes laver, quod si numerus defuerit novitiorum, de fra- " l. 1. tribus laicorum suppleatur.] Neque verò prætereundum est quod " Cist. " c. 1. a Præcingebant autem se ex Ord. Bursfeld. c. 36 cum in antiphona: *Ante diem festum perventum* esset ad hæc verba: *Surrexit præcinctus* &c.

Ecc

Ord. apud Cartusienses monachos Prior assistentibus sibi procuratore, & Cart. duobus antiquioribus fratribus Mandatum perficit, *nudatis pedibus & c. 49. capite*, tam suis, quam adjutorum ejus. D. 12.

67. Lotis omnium fratrum pedibus Abbas, adjutores ejus, & servitores capitulo egrediebantur, quibus duo ex senioribus mane in capitulo designati Mandatum exhibebant: [In capitulo, *inquunt Floriacensium consuetudines* duo senes designantur, qui extra capitulum Domino Abbati, & omnibus adjutoribus ejus pedes & manus lavant.] Idem videre est in antiquo Corbeienſi Ord. & in libro Consuetud. S. Benigni, in quibus additur: *Quod tamen dudum solebat in capitulo fieri.* In Beccenſi etiam monasterio Abbas Priori, & Prior Abbati pedes lavabat in capitulo; sed antea uterque extra capitulum linteum quo erat præcinctus deponebat, & resumebat. Similiter in Lyrenſi, ubi solus Abbas Mandatum peragebat, lotis omnium pedibus, Abbas & Prior simul capitulo exhibant; Abbas linteum depositurus, Prior linteum, alio tamen quam Abbatis sese præcincturus; tum ingredientes capitulum Prior Abbatis pedes lavabat. In Parisienſi S. Germani monasterio qui ad Mandatum servierant ipsi sibi invicem pedes lavabant, [scilicet unus alteri obsequendo, & hoc erit ante capitulum,] *inquunt consuet.* c. 21. *ejusdem monasterij.* Similiter apud Cistercienses: [Peracto obsequio sic habet liber Us., Abbas duorum servitorum suorum pedes lavet, ceterique sibi invicem lavent: Novissimè verò alter ex sibi deputatis, Prior scilicet in eodem loco Abbatis pedes lavet, alter verò tergat, & osculetur &c.,] sed hoc intra capitulum. Interim verò dum Mandatum fieret antiphonas, & ad præsentem actionem pertinentia, ut sabbato fieri solet, decantabant; sed sub Mandati finem duo optimè cantantes à Cantore designati medium in capitulum prodibant, hymnumque: *Tellus ac æthra jubilent* à Flavio Cabilonenſi Episcopo compositum modulaturi, ad cujus singulas strophas chori primam stropham repetebant. Hunc hymnum edidit Menardus noster in notis ad lib. Sacrament. S. Greg. Pap. p. 78.

68. Et hæc quidem de Mandato fratrum in capitulo, in quibus ne quidem mentionem fecimus Calsinenſium rituum, qui cum sint singulares, hîc eos ex integro referre operæ pretium existimavimus. Tales autem sunt: [Post hæc tacto signo intrantes in refectorium dicunt &c. ex more, Lector autem non perat benedictionem; sed incipiat tantum legere. Tunc fratres postquam comederint, quæ illis appositæ fuerint, nondum tamen cœna completa, tacto signo à Priore, surgant imitantes Salvatorem, & euntes in capitulum lavent pedes utriusque ad invicem, tam Abbas, quam ceteri fratres per ordinem. Mansionarij verò deferrentes partem lintei Salvatoris, unde extersit pedes discipulis, præparent illud honorifice ubi Mandatum fieri debet, ante quod duo candelabra accendantur, & Acolythus cum incenso stet ante illud. Antiphonæ ad Laudes: *Postquam. Psalmus: Deus misereatur. Ut cognoscamus* &c. ...]

Tunc surgant tres Clerici, & cantent *ψ. Ubi charitas*, & per omnes *versus* repetatur à sedentibus; *Ubi charitas*. Interim verò dum *ψ. cantan-* tur, per ordinem omnes fratres partem præfati lintei singillatim ge- nibus flexis adorent, & osculentur. Finitis autem *ψ.*, dicatur: *Kyrie eleison, Christe eleison, Kyrie eleison: Pater noster. Capit.: Salvos nos fac Domine Deus noster: Ut confiteamur: Memento nostri Domine; Memento congregationis: Domine exaudi. Oratio: Deus cujus cœna sa- cratissima, & ita omnes pariter revertantur in refectorium ad explen- dam cœnam, & ea finita pergant cum versu in ecclesiam juxta morem.*

69. De sanctimonialibus quæret aliquis an sibi pedes, virorum ad instar, lavarent. Hac de re interrogatus olim à Bonifacio Moguntino Episcopo Zacharias Papa, respondit in hæc verba: [Inquisivit & hoc fraternitas tua, si liceat Sanctimoniales sceminas quemadmodum viri faciunt, sibi pedes abluere, tam in Cœna Domini, quàm in ceteris diebus. Hoc Dominicum præceptum est, quod qui per fidem impleverit, habebit ex eo laudem; etenim viri & mulieres unum Dominum habemus qui in cœlis est.] Certè S. Berta Congregationis Vallis-Umbrosæ Abbatisa Discipularum suarum pedes in Cœna Domini lavisse dicitur in ejus vit. n. 7. apud Boll. 24. Mart.

70. Hic prætermittere non licet, quod quibusdam in monasteriis, præter istud fratrum Mandatum, & aliud pauperum quod ante Vesperas fiebat, ut vidimus; Abbas è cœna egrediens duodecim iterum pauperibus pedes lavaret. Extat insignis hujus rei locus in Floriacensis monasterij consuetudinibus: [Post mensam eat Domnus Abbas cum sociis suis in eleemosynam ad faciendum Mandatum xii pau- peribus, ut pedes & manus eorum abluat. Deinde ipsis singulis offerat panem & vinum cum duobus arenciis, & xii. denarios;] & in cons. S. Germani à Pratis: [Post comestionem nos reddemus gratias in silentio; post gratias nos ascendimus dormitorium, & revertemur in claustrum lotum pedes nostros; omnes debent lavare pedes suos in claustro, quando erit quasi completa lotio suorum pedum, Domnus Abbas ibit factum Mandatum xii pauperibus, quos pavit in ista Quadragesima. Ad istud Mandatum debent esse Baillivi forinseci. Quando Mandatum erit factum, Domnus Abbas ibit in ecclesiam cantando: *Miserere mei Deus*, & revertetur in locutorium.

71. Hactenus de Mandatis in Cœna Domini fieri solitis satis: superest ut de collatione & de Completorio aliquid breviter dicatur. Collationem statim post cœnam faciebant Cassinenses, alij post Mandatum fratrum; unde nec capitulo exhibant, sed sub finem Mandati, scilicet cum lavarentur manus, Diaconus prius lotus cum ministris pergebat in sacristiam, unde alba, stola, & dalmatica indutus, reversus in capitulum collationis lectionem ex Evangelio inchoabat. De hac collatione breviter Cassinensium Ordinarium [Postquam verò

omnes fratres à cœna surrexerint, adeant collationem. Cunctis autem residentibus veniat Diaconus indutus dalmatica, præcedentibus quatuor Acolythis, cum luminaribus, & incenso; & incipiat legere Evangelium in sono lectionis: *Amen, amen dico vobis non est servus . . . surgite eamus hinc*. Tunc vadant omnes in refectorium ad bibendum, & dum biberint perlegatur Evangelium quousque visum fuerit Abbati, & tunc bibat Lector, & qui cum eo steterint: Deinde Abbas dicat, *Adjutorium nostrum in nomine Domini: Sit nomen; Benedicamus Domino*: & sic pergant ad Completorium.] Hæc illi breviter, quæ fusiùs alij prosequuntur, ex quibus nonnulla sufficienda sunt.

72. Primò ergo apud Calsinenses Diaconus cum quatuor Acolythis procedebat indutus dalmatica; similiter ex Lanfranci Statutis lib. Usuum Becc. & consuet. *Lyræ alba, stola, manipulo, & Dalmatica*; cum tamen apud alios sola *alba, & stola* indutus legatur, ut in Germaniæ conf., apud Udalicum l. 1. c. 12., lib. conf. S. Benigni, & Ordin. Corbeiensi; quidam addunt *manipulum*, ut Parisienses S. Germani. His de indumentis ita scribunt Benignianæ consuetudines: [Custos ecclesiæ ad sanctum Evangelium legendum Diacono aureum exhibet amictum, festivam albam, stolam simul, & cinctorium sericum; & consuet. S. Dionysij in Franc.: [Induatur Diaconus alba deaurata, & stola festiva cum textu.] Hunc textum ex Germaniæ consuet. ferebat unus ex tribus Acolythis.

73. Secundò, priusquam è sacratio Diaconus progrediretur, incensum in thuribulo abundantissimè imponebat ex Statutis Lanfranci, conf. S. Benigni, & Ordinario Corbeiensi; sed in Parisiensi S. Germani, Dionysiano Compendiensi que monasteriis Abbas in capitulo thus in thuribulo ponebat.

74. Tertiò, Diaconus non petita benedictione lectionem ex Evangelio secundum Johannem, *Ante diem festum Pascha* incipiebat, stantibus omnibus donec primus versus legeretur ex Statutis Lanfr. conf. S. Benigni, & Ordin. Corbeiensi; sed in Dionysiano Compendiensi que monasteriis stabant ad hæc usque verba, *Exemplum enim dedi*; apud Cartusienfes & Grandimontenses ad ista: *Et cum recubisset*; Parisienses S. Germani usque dum sederet Abbas. Abbate enim sedente omnes sedebant, horum in monasterio ut & in Vincentiano Diaconus benedictionem petebat; [sed silenter Diaconus offeret thus Domino Abbati ad benedicendum, & incensabit suum Evangelium, & Dominum Abbatem, & accipiet benedictionem à Domino Abbate in silentio, & incipiet legere Evangelium hodiernum] inquit consuetudines S. Germani.

75. Quartò Ubi ad hæc Evangelij verba: *Surgite eamus* perventum esset, pulsata à Priore tabula, præeunte Diacono, omnes capitulo egrediens refectorium intrabant, in quo primum præmissò, *Pocula caritatis* ex consuet. Grandimont. respondebatur, *Amen*. Tum Diaconus incœp-

tam, in capitulo lectionem ab eo loco unde desiverat prosequatur;
 & quidem imposito prius in thuribulo incenso, textu & analogio
 incensato, ex Lanfranci Statutis, idque ad nutum Prioris claustralis, sive
 supprioris in Abbatis loco recumbentis. Audiendæ sunt hanc in rem Lau-
 dunenses S. Vincentij consuetudines: [Cùm peruentum fuerit ad illum
 locum, *Si quis diligit me*, tunc Prior & Refectionarius licentiati ab Ab-
 bate exeunt capitulum, & percutit Prior tabulam, Refectionarius ape-
 riens ostia refectorij præparat vinum in iustis melius solito. Quando
 verò ventum est ad illum locum, *Surgite eamus hinc*, tunc surgunt
 omnes euntes in refectorium, Abbate tantùm præcedente ceteris sequen-
 tibus sicut sunt in ordine. Juvenis quidam debet portare lectorium
 ante Levitam: Cùm autem sunt in refectorium tunc incipit lectionem
 ad illum locum quo in capitulo fecit finem.

76. Quintò, Infusum in phialis vitreis, sive scyphis vinum benedi-
 cebat Hebdomadarius Sacerdos ex Lanfranci Statutis, vel ille qui
 cantaverat Missam pauperum ex consuetudinibus Lyre, vel ipse Sub-
 prior sedens in loco Abbatis ex consuet. Compendiensis; & quidem sub
 silentio ex lib. consuet. S. Benigni, & Ordinario Corbeiensis; vel sal-
 tem humili voce ex Statutis Lanfranci, vel alta omnino voce, ut apud
 Cartusienfes, apud quos [tam Prior quàm Religiosi alij capita de-
 tegentes, dataque à Prælato benedictione, scilicet, *Potum servorum*
suorum filius Dei benedicat, quam terminat sicut Lectiones hujus tri-
 dui, absque responso: *Amen*, sedent omnes ut prius, & bibunt;] quod
 etiam fecisse videntur Lyrenses nostri, ut colligitur ex eorum consuet.
 [Et dicant: *Benedicite*, sicut fit sabbatis, & Sacerdos qui cantaverit
 Missam pauperibus, det benedictionem: *Largitor omnium bonorum*:]
 Hujus verò benedictionis dandæ modum describunt consuet. S. Benigni
 his verbis: [Tacente lectore omnes sub silentio dicunt, *Benedicite*,
 & Sacerdos surgens elevata manu cum signo crucis facit benedictionem
 eodem modo sub silentio.

in ord.
 Cart.
 c. 49.

77. Sextò, Benedictum hoc modo vinum Abbas, & qui cum eo
 Mandatum fecerant, Priori, seu Subpriori, sive Priori claustrali primùm,
 deinde ceteris omnibus propinabant, eorum manus osculantes, quod
 tunc bibebant. Ministrato omnibus fratribus etiam infantibus vino; Dia-
 cono, & ejus Acolythi sua offerebatur phiala; deinde servitoribus,
 novissimè & ipsi Abbati ad suam sedem accedenti à Priore recedente
 paullulum. Quibusdam in locis statim post Priorem offerebatur Diacono
 & Acolythi vinum; sed non nisi finita lectione bibebant, quod ubi-
 que observant: quapropter finita sine *Tu autem Domine* lectione,
 deposita dalmatica, stola, & manipulo; vel sola stola, tibi solam in-
 ducebant, super analogium; candelabris, & thuribulo super mensam
 Abbatis; factò ante & retro ad ipsum Abbatem accedebant; Diaconus
 juxta eum, Acolythi juxta Diaconum, pro ut erant priores se-
 dentes, ubi omnium novissimi bibebant. Diaconus autem lectionem

continuabat ad hæc usque verba, *Locutus est Iesus, & sublevatis*, ex Dionysianis Compendiis sibusque consuetud., vel usque ad nutum Abbatis ut apud omnes alios. Prohibent porro Cartusienſes monachi [*Nectar, & alias quascumque vini & specierum confectiones ministrari*] ad collationis potum, contra communem monachorum consuetudinem de qua Petrus Vener. in statut. xi. [*Statutum est ut ab omni mellis ac specierum cum vino confectione, quod vulgari nomine pigmentum vocatur, Cœna Domini tantum excepta, qua die mel absque speciebus vino mistum antiquitas permisit, omnes Cluniacensis Ordinis fratres abstineant.*] Hic verò observare liceat quater hac die Majores nostros ad refecturium accessisse; primò post Missam, secundò post Vesperas ad refectionem, tertio post servitorum refectionem ad potum, quartò tempore collationis ad charitatem: bis tantum notat vetus Ordo Divini officij in domo S. Benedicti ante Pascha tom. 4. anal. bis Casinense Ordinarium tempore Oderisij scriptum; ad refectionem, quam tamen dividebant, sive intermittebant, & ad collationem; similiter Grandimontenses & Cartusienſes.

78. Septimò, Finito potu, & dicto sub silentio, *Aditorium nostrum in nomine Domini* ex Conf. Germaniæ, S. Benigni, S. Dionysij, & Comp., & Ordin. Corbeienſi; vel humili voce ex Lanfranci Statutis; vel alta voce ut innuere videntur consuetudines Lyre, pergebant in ecclesiam ad Completorium, & quidem [*præeunte processione, Diacono* c. 60. *textum ad pectus, & stolam in manu plicatam ferente,*] ut habent Conf. S. Benigni: ex Statutis verò Lanfranci duo Secretarij analogium, & dalmaticam, cum textu, & stola, & manipulo ad monasterium, hoc est ecclesiam deferabant.

79. Congregati in ecclesia, & pulsata tabula, Completorium *Canonico more* ex Concordia Dunstani, vel cum psalmis solitis & hymno, sine *Præsta Pater*, & sine capitulo, eum precibus & collecta confueris, sine *Dominus vobiscum* ante & post ex Dionys., Compendiis sibusque consuetudinibus cantabant; & quidem *sonorè* ex eadem Dunstani Concordia; vel saltem summissè, sive, ut habet liber Usuum Cist. c. 11. *mediocri voce*, ita ut psalmodiæ sonus clarè, & distinctè reſonet, quod etiam observabant Casalini; vel tandem omnino *per se sub silentio* ut loquuntur Divionenſes S. Benigni, Floriacenses S. Benedicti Confuet., vetus Corbeienſe Ordinarium, & alij; sive ut consuetudines Germaniæ *singillatim*. Liber Usuum Beccensium in secundo exemplarij habet: [*Duo & duo sub silentio;*] Lanfrancus in Statutis: [*Bini aut terni sub silentio;*] additque: [*Post Completorium tres orationes solito more faciant, Prior tabulam percutiat tribus ictibus post orationes infantum sicut scillam pulsare solet.*]

80. De psalmodia verò ad officium regulare solito addita hæc habent consuetudines Germaniæ: [*Notandum sanè, quod illis tribus diebus psalmi post horas diurnales interea canendi non relinquuntur,*

videlicet post Primam, Tertiam, Sextam, Nonam, Vesperam. Post Primam quoque illis decursis sequantur *Deus auribus nostris*, xviii psalmos; deinde septem pœnitentiales cum litania sua; ceteri dimittantur, de omnibus SS. & pro mortuis similiter;] & tamen ex Ordinario Corbeienſi & cons. Sancti Benigni psalmi familiares prætermitti debebant.

81. Ad benedictionem itinerantium quod attinet, audiendus est Udalicus: [Si quis autem fratrum foris positus Pascali solemnitati vult interesse, in iv feria debet venisse. At si fortè per negligentiam contigerit, sive sit noster professus, sive monachus extraneus, ut non veniat nisi in ipsis tribus diebus; post quamlibet horam finitam, postquam se fratres ad sonitum levaverint de formis, solitam benedictionem habebit; nemo tamen illum osculatur ab eo momento Cœnæ Domini, quo pax in ecclesia generaliter est data, usque dum pax iterum detur in præfato Sabbato sancto ad communionem.

82. Superest ut de oleo infirmorum unum verbum addam ex consuet. S. Benigni: [De oleo sancti Chris̃matis præteriti anni si quid residuum fuerit, pridie, id est iv. feria ante Cœnam Domini in loco apto atq; mundissimo igne crematur, vel etiam in abditissimo ac secretissimo reconditur loco. De oleo quoque catecumenorum seu infirmorū similiter est agendum. Inde cura Apocrisarii per strenuum legatum, sive Clericum sive laicum, cum ampullis transmittitur ad Episcopum Lingonensem, ut sacre unctionis oleum in die sancto Cœnæ Domini confectum fratribus transmittat;] & consuet. Floriacensēs: [De oleo infirmorum præteriti anni si quid residuum fuerit, in loco apto & mundissimo reconditur, vel igne crematur; quando novum oleum ad nos à Præposito Villaris infra octo dies delatum fuerit. Hodie sit eleemosyna de pane & vino omnibus qui voluerint;] quod de eleemosyna faciendū hic addunt, in memoriam revocat laudabilem S. Alberti Abbatis Gambronensis consuetudinem, qui, ut scribit in ejus vita anonym. [Annuatim bis centum solidos in eleemosyna erogaret, in die videlicet Cœnæ Dominicæ; ... & in die Nativitatis ejusdem Domini nostri Jesu Christi.

CAPVT XIV.

De feria vi. Parasceves.

1. **F**eria Sexta Parasceves, in qua Salvatoris Domini nostri Jesu Christi Passionem & mortem celebramus, suas habebat nocturnas vigilias cum eadem solemnitate, iisdemque ritibus atque Cœna Domini. In 1. nocturno de Lamentatione Jeremiæ Prophetæ lectiones

desumebant: in 2. de sermone S. Augustini super Psalmos: in 3. ex Epistola ad Hebræos; pro quibus ex M. S. consuetudinibus S. Dionysij in Francia [tres Lectiones de passione, *Decursus dilectissimi*, dicendæ erant.] His omnes interesse debebant etiam infirmi. Unde Lanfrancus in Statutis [Feria Sexta, *inquit*, ante nocturna pulsetur tabula in clauistro, & ante Cellarium, & ante domum infirmorum ad excitandos dormientes.

2. Ad Primam nudis omnes pedibus conveniebant ex communi & universali monasteriorum nostrorum usu, quod absolute præscribunt Dunstanus in Concordia, Udalricus l. 1. c. 13. consuetudines Germaniæ Floriacenses, Divionenses, Dionysianæ, Compendienses, & Lyrenses, vetus Ordinarium Corbeienſe, & S. Petri supra Divam, liber Usuum Cisterciensium c. 21. & Beccensium; sub conditione verò Lanfrancus, consuetud. S. Germani à Pratis, atque S. Vincentij Laudunensis, & recens Corbeienſis monasterij Rituale, scilicet nisi *pro nimia frigoris asperitate* misericordia concedatur, sive ut loquuntur Laudunenses consuetudines *Nisi sit frigus horridum*; neque enim pro quovis frigore calceos retinebant; quo casu officio tantum, inquit Lanfrancus, *intererunt nudis pedibus*, & pro hac gratia, ait Rituale Corbeienſe, *quilibet tenetur dicere septem psalmos*; sive in pium aliquem usum permutabitur ex cons. Laudun. & sic remanebant nudi usque ad Vesperas; tunc enim factis orationibus trinis lotos aqua calida pedes calciabant, ac Vesperas cantabant. Id porro monachis non ita exitit singulare, quin etiam laicis fuerit commune, quod discimus ex vita S. Constabilis Abbatis Cavenſis ineunte sæc. 12. n. 26. apud Boll. 17. Feb. ubi hoc lego: [In sancta præterea die Parasceves cum de diversis partibus multitudo virorum & mulierum, sicut mos est Christianæ religionis, sanctum diem illum *discalceatis pedibus*, & cum lachrymis sacra loca visitando celebraret, contigit quod multi ad hunc sanctum locum venerunt.

3. Primum autem cantabant *sub silentio* in omnibus omnino monasteriis; licet hoc non exprimat Calsinenſe Ordinarium; in cenobio S. Petri supra Divam *bini vel terni*; & quidem cum iisdem psalmis, eodemque ordine ac die præcedenti; hoc est Canonico more, vel cum psalmis regularibus pro monasteriorum consuetudine, nisi quod apud Calsinenſes primus psalmus dicebatur, *Deus Deus meus respice in me*, deinde, *Beati immaculati*.

4. Primam sequebantur more solito psalmi pœnitentiales, ex cons. Lyre *sub silentio* etiam dicendi, ex Udalrico verò, consuet. S. Benigni, & Ordinario Corbeienſi, *manifestè*, sive, ut loquitur S. Petri supra Divam Ordinarium, *in auditu*, Dionysianæ Compendiensesque consuetudines *in audientia*, hoc est alta voce; cum letania, [quæ, ut c. 13., ait Udalricus, nihil sui juris & consuetudinis carebit in versibus & collectis.

5. Postea

5. Postea exeuntes in clauſtro totum ex integro pſalterium Abbate incipiente decurrebant, [quod cum incipitur, omnes accipiant veniam super genua,] (inquiunt conſuet. Compendienſes,) quibus ſuſfragantur Dionyſianæ; poſtea tamen ſedebant, ut patet ex veteri Corbeienſium Ordinario, in quo ſic lego: [Finita autem letania, exeunt fratres in clauſtrum, ibique ſedentes capellos non habentes in capite, comaniter cantant totum pſalterium, quod incipit Dominus Abbas ibidem ſedens, donec finiatur, qui ex una parte triſantia ſedent unum verſum dicunt, qui ex alia, alium.] Hoc Cifterciienſes non in clauſtro; ſed in capitulo faciebant ex lib. Ul. Ciſt. c. 22. Caſinenſes finitis Matutinis pſalterium canere incipiebant, de quo tandiu decurrebant, donec Primæ tempus adveniſſet; qua finita, pſalmos ubi dimiſerant reincipientes, pſalterium cum letania & orationibus abſolvebant.

6. Iſtud pſalterium aliquibus in locis pro defunctis maximè dicebatur, ut colligimus ex Corbeienſis monaſterij Rituali hæc præſcribente: [Abbas cum conventu in eccleſia vel in capitulo debent dicere totum pſalterium pro Mortuis. In principio quilibet debet dicere, Pater noſter, Ave Maria. Oremus pro cunctis fidelibus Dei defunctis: Beatus vir, & in fine, Requiem; Pater noſter, & Ave Maria: Et ne nos; & A porta inferi. Collecta, Fidelium & Requieſcant in pace, Amen. Alias preces pſalterio ſubjungebant Laudunenſes S. Vincentij, quas in conſuetudinibus exprimunt his verbis: [Finito ab omnibus pſalterio, in fine dicitur Laus tibi Rex æterna gloria: Kyrie eleiſon; Chriſte eleiſon, Kyrie eleiſon, Pater noſter. Dominus Abbas: Et ne nos. & Adoramus te Chriſte: & Domine non ſecundum peccata, & Domine ne mineriſ: & Adjuva nos Deus: & Domine exaudi orationem: Oremus. Collecta: Reſpice quaſumus Domine ſuper hanc familiam. Collecta: Exaudi quaſumus Domine ſupplicum preces. Collecta: Deus qui juſte traſceris. Collecta: Deus cui proprium. Collecta: Eccleſia. Collecta: Ineffabilem per Dominum noſtrum: Domine exaudi, Benedicamus Domino.]

7. Completo pſalterio, addit Lanfrancus, [Vadant ad confeſſionem qui voluerint uſque ad horam officij;] & Ordinarium S. Petri ſupra Divan. [Completo pſalterio ſedeant in clauſtro, in orationibus, pſalmis, lectionibus, diſciplinis, & confeſſionibus uſque ad horam ſervitij] Denique conſuetudines S. Germani à Pratis: [Quando pſalterium erit dictum, illi qui volent ire ad confeſſionem, & ad privatas diſciplinas, habebunt amplum ſpaltum.] Ad diſciplinas quod ſpectat, notandum planè quod de Joffrido Croylandenſi Abbate ſcribit Petrus Bleſ. in continuata Ingulſi hiſtoria: [Conſtituit & injunxit, ut in die Paſſionis Domini noſtri Jeſu Chriſti quem Paraſceven divina pagina nominat, Abbas iſtius domus ſeſe coram omnibus in capitulo excuſat, & verbera propriæ carnis regulariter ſuſcipiat, & totus conventus in ordine ſuo id idem faciat] Similiter Bursfeldenſes in Ordinario [In Paraſceve poſt Primam regularem in capitulo poſtquam

Fff

„ Abbas dixerit : *Loquamur de ordine* , singuli fratres per ordinem petita
 „ venia pro suis negligentis , & in memoriam Dominicæ Passionis disci-
 „ plinam suscipiant de manu præsentis.

8. Appropinquante hora tertia ad tabulæ signum dormitorium as-
 cendebant , lotisque manibus & facie , pexoque capite , in ecclesiam
 conveniebant ; ubi præmissis solitis orationibus , Tertiam uti & reli-
 quas diei Horas sub silentio dicebant Cluniacenses , & Corbeïenses
 in ecclesia B. Mariæ ; Divionenses in oratorio S. Benedicti , hoc est
 in capella infirmorum Tertiam dicebant , propterea quod interim
 scopis mundaretur ecclesia , vel paulo ante saltem , & nondum exci-
 c. 61. „ tatus pulvis requiesceret. [Dum psalterium canitur , *inquit consue-*
 „ *tudines Benigniæ* , omnis ecclesia à famulis Eleemosinarij scopis di-
 „ ligenter emundatur , quamquam in aliis solemnitatibus non agatur ,
 „ nisi quando fratres hora prandij generaliter vespuntur. Tertia ad S.
 „ Benedictum cantatur , si pulvis majoris ecclesiæ numdum est sedatus.

9. Post Tertiam conveniebant in capitulum , ubi primò Martyrolo-
 gium eodem ritu legebant quo die præcedenti , & terminabant *sicut*
Lectiones mortuorum , inquit rituale Corbeïensis monasterij. Hac in le-
 ctione lector primùm pronunciabat : *Sabbato Dominus noster quiescit*
 „ *in sepulchro* , quod dum cantaret , [omnes se in terram projiciant ,
 „ *inquit Cassinenses in Ordinario* , & ita apud se unusquisque versum
 „ ad solvendum dicat ; hoc est in terra prostratis & sub silentio. Dicto
 versu Lector Regulæ lectionem juxta consuetudinem pronunciabat ,
 nulla petita benedictione , & sine solita conclusione tertid lectionem
 Regulæ excipiebat sermo , vel de ipsa Regulæ lectione , vel potius ,
 ut habent consuetudines Lyræ , ex Evangelio illius diei. Apud Compen-
 dienses *Passio* exponebatur , sed *post capitulum* ; [& apud Corbeïenses
 fiebat in ecclesia sermo ad conventum & ad populum simul ,] ex eorum
 „ Rituali , sed post Sextam. Quartò [post sermonem , *addit Lanfrancus*
 „ narrentur & ordinentur , quæ agenda sunt usque ad crastinum capi-
 „ tulum.] Sive , ut alij exponunt , legantur consuetudines hujus diei.
 Ultimò denique dicto sub silentio , *Verba mea* , exhibant in clauistro ,
 ubi sub silentio lectioni , psalmisque vacabant ; sed in Ordinario S. Petri
 „ supra Divam præscribitur ut [dicto *Verba mea* , veniant in chorum
 „ in quo dicant septem psalmos prostrati , quibus finitis cum v. & colle-
 „ cta assueta , sedeant in clauistro.

10. Item *post Tertiam* hoc est interim dum capitulum teneretur ,
 c. 61. „ vel postea , præscribunt consuetudines S. Benigni ut [discoopiantur
 „ cruces , coronæ , capse , & cetera , quæ Quadragesimali tempore fuerant
 „ adoperta] quæ totidem verbis leguntur in M. S. cons. Cluniacensis
 „ monasterij ; & Laudunenses S. Vincentij : [Post Tertiam discooperi-
 „ tur Crucifixus , & omnes imagines ecclesiæ] Sed Cassinenses id præ-
 scribunt dumtaxat post Sextam , ad quam etiam legendam esse Passio-
 „ nem secundum Marcum decernunt : [Finita Sexta , *inquit in Ord.*

legatur ante altare Passio Domini secundum Marcum, quo si-
nito discooperiant omnes cruces; & præparent crucem de ligno Domi-
ni ante altare, ut specialiter, ac licenter adorent quicumque volue-
runt usque ad horam officij.] Ubi quod de Passione ad Sextam legenda
dicitur, in memoriam revocat illud quod in ordine officij in domo
S. Benedicti ante Pascha scribitur: [In Sexta feria ad Tertiam legunt
Passionem Domini secundum Matthæum, ad Sextam secundum Mar-
cum; hora verò Nona legunt lectionem de Osee Propheta, sequitur
gradalis cum quinque versiculis: Domine audivi, deinde lectio de Exo-
dò, & tractus, Qui habitat in adiutorio. Post hæc Passio Domini secun-
dum Johannem sequatur.

ro. 4.
Anal.

11. Sexta autem, uti & reliquæ Horæ diurnæ, sub silentio dicebatur &
post hanc horam, ait S. Petri supra Divinam Ordinariam, accipiant com-
muniter disciplinam, præter eas quas privatim accipere ante Tertiam
permisserat.

12. Dicta Nona, fiebat sollemnis novi ignis benedictio, ut die
præcedenti; ad quam omnes qui ad officium erant servituri, albis induti
procedere debebant ex Udalrico l. i. c. 13., immo ipsi etiam infan-
tes ex Benignianis Conf. & Ordinario Corb. Ad eam Abbas stola &
cappa ornatus incedebat ex Conf. S. Germani à Pratis, & quidem rubea,
baculum pastorem manu gerens, ut videntur innuere Floriacenses; [ad
quam sanè processionem, (ita scribunt M. S. Cluniacensis monasterij
conf.) nihil aliud quàm aqua benedicta, crux cum incenso, & thu-
ribulo deferretur,] & tamen in Tullensi S. Apri Ordinatio hæc lego: [Ista
die post Nonam eant ad benedicendum novum ignem eodem modo &
ordine quo prædictum est in feria v præcedenti, excepto quod crux non
portetur.] Hæc omnia peragebantur hora diei octava, ut discimus ex
pervetusto Corbeienfis monasterij ordine pro Hebdomada sancta, in quo
hæc continentur: [Hora octava faciunt de igne, sicut fecerunt in
quinta feria, & à Præposito portetur, & septem lampades ejus manibus
illuminentur, & de candelis, quantum Priori videtur.] Ad candelas
quod spectat, [Hac die, (aiunt Conf. S. Benigni,) unus solus cereus
coram altari ardet, postquam novus ignis consecratus est, & in tra-
stino donec Missa incipiat.] Reversi autem à processione hac, Con-
versi, sic vocabant Acolithos, candelabra & thuribulum deferentes,
ex Benignianis consuet. albas exuebant: Reliqui verò sacerdotalia in-
dumenta sumentes, statim ad altare pro officio procedebant. Porro
in monasterio S. Dionysij in Francia non omnes; sed [quædam pars de
conventa ad novum ignem benedicendum, sicut pridie] procedebat.

13. Solemnem ignis benedictionem excipiebat officium, pro quo
unicum dumtaxat cereum accendebant Casinenses, Divionenses, & Cor-
beienfes; duos Cistercienses, & Bursfeldenses. Ad illud procedebat
Abbas sive Sacerdos cum ministris, hoc est cum duobus minimum
Diaconis, totidemque Subdiaconis apud Casinenses, omnes [induti

FFF 2

„nigris casulis, pedibusque discalciatis;] licet ex Statutis Lanfranci
 „[Sacerdos & Levita soli; Sacerdos in casula, Diaconus in stola;]
 „Ordinarium Sancti Petri supra Divam addit, & *manipulo*, pro-
 „cederent ad altare; quibus consentiunt Germaniæ consuetudines,
 „in quibus Presbiter cum Diacono *induti planetis fuscis*; Cluniacenses
 „M. S., & Divionenses Sancti Benigni, in quibus [Sacerdos
 „indutus casula fusca, & ferens sinistra Missalem librum, cum Diacono]
 „procedere jubentur: His proxime accedit Tullense S. Apri Ordinarium,
 „in quo legimus: [Et nota quod Abbas debet facere officium Missæ,
 „& cum eo Hebdomadarius Missæ procedere alba indutus.] In Concor-
 „dia Dunstani cum Abbate scribuntur Diaconus, & Subdiaconus. Si-
 „militer in Lyrensis monasterij consuetudinibus, in quibus & duo can-
 „delabra ferentes; & in libro Usuum Becc., in quo duo Conversi ad
 „candelabrum, & tertius ad thuribulum adjiciuntur. In Rituali Cor-
 „beienfis monasterij generatim scribitur, ut [Abbas indutus de casula
 „nigra, & mitra alba cum ministris] eat ad altare majus. Apud Burs-
 „feldenses Abbas *Cappam* gerebat, non casulam. Reliqui verò omnes
 „qui ad officium erant servituri, albis induti remanebant in choro,
 „de quibus illud notandum est quod habent Compend. S. Cornelij con-
 „suetudines: [Nullus legat vel cantet, qui non sit Sacerdos, omnes
 „qui legunt vel cantant albis induantur,] quod confirmant vetus Or-
 „dinarium Corbeienfe, & liber cons. S. Benigni cum dicunt: [Sciendum
 „est quod omnes qui ea die ad officium serviunt, & ad crucem, debent
 „esse Sacerdotes;] in consuetudinibus tamen S. Benigni additur, *Pra-*
 „*ter Diaconum*; hinc Dionysianæ consuetudines primam lectionem ab
 „uno Sacerdote inchoari & cantari volunt. Idem videre est in Laudunen-
 „sium S. Vincentij consuet.

14. Officium autem ducebat initium à lectione seu Prophetia Osee,
 „quam tamen non incipiebat ante Subdiaconus, quàm Abbas seu Sa-
 „cerdos ad altare perveniens, præmissa oratione mentali, ad suam
 „sedem se recepisset, in qua & sedebat. Ita nos docent vetustissimus
 „Ordo Corbeienfis monasterij pro Majori hebdomada: [Procedat Sa-
 „cerdos de sacrario, qui dum veniens de sacrario processerit ante altare ad
 „orandum super oratorium, sicut mos est; statim ut surrexerit, cum silentio
 „ascendat ad sedem; quo sedente statim Subdiaconus ascendat ad legen-
 „dum;] Cassinense Ordin. [Et venientes ante altare prostrato omni
 „corpore in terram diutius orent; inde surgentes osculato altari, vadant
 „sedere; & mittatur parvum linteum super altare nudum de sub Evan-
 „gelio, & candela illuminetur usque ad finem officij, Sacerdote autem
 „sedente, & innuente Diacono, Subdiaconus ascendat in gradu ad
 „legendum] M. S. cons. Cluniacensis monasterij: [Sacerdos indutus casula
 „fusca, ferens sinistra Missalem librum, cum Diacono ad altare procedit,
 „ubi tamen nec orationem facit nec confessionem; sed mox posito in altari
 „libro sessum vadit.] Idem habetur in Benignianis, nec obscure innuitur

in Concord. Dunstani, non defuerunt tamen, qui lectionem antè inciperent, quàm Sacerdos ad sacrum altare procederet. Ita Cistercienses, quorum in libro Usuum hæc leguntur: [Legatur sine titulo Lectio *In tribulatione* mane à quodam fratre à Cantore præmonito; quam dum inceperit ingrediatur Abbas cum ministris ad altare nudis pedibus, orationem solitam prætermittentes ante altare;] Et Tullenses S. Apri testante eorum Ordinario: [Facta benedictione *ignis*, & reversis in chorum fratribus, unus puer alba indutus, adstans ante crucem in choro, seriatim & sine titulo legat hanc lectionem, *In tribulatione*; interim dum legitur Sacerdos calceatis pedibus, cum ministris nudis pedibus, excepto Diacono qui est calceatus, ingreditur ad altare sine aliqua processione.

15. Nonnulli officium auspicabantur ab oratione, *Deus à quo Judas*, quam sequebatur lectio Osee. Ita ex Statutis Lanfranci, libro Usuum Beccensium, consuetudinibus S. Dionysij, S. Cornelij, Lyre, & Ordinario S. Petri supra Divam. Cartusienfes & Grandimontenses etiam confessionem præmittabant. De Grandimontensibus res patet ex eorum M. S. consuetudinibus: [In hac die Parasceve, Nona dicta, & confessione facta, incipiuntur lectiones sine pronuntiatione nominum Prophetarum, cum tractibus &c.;] De Cartusianis ex eorum Ordinario: Omnibus [congregatis, accensisque candelis, portæ chori aperiuntur, & per totum officium patent, & Celebrans confessionem facit ad altare, & orationem more solito; deinde sessum vadit, sedetque conventus. Postea sequitur, lectio: *In tribulatione*, quam dicit ultimus titulo prætermisso;] quæ penè totidem verbis extant in antiquis Statutis 1. part. c. 13.

16. Lectionem ita incipiebant Cassinenses: [Hæc dicit Dominus: *In tribulatione sua*; sed alij priora hæc verba, *Hæc dicit Dominus*, quæ non sunt ex Prophetæ textu, prætermittebant; eamque non in tono Epistolarum, sed matutinarum lectionum cantabant.

17. Prophetæ lectionem sequebatur tractus *Domine audiui*, à duobus cantandus ex consuetudinibus Germaniæ; & quidem in albis ex Statutis Lanfranci; iisque *Diaconis* ex Tullensi S. Apri Ordinario; vel *Presbyteris* ex Dionysianis, Compendiensibusque consuetudinibus & aliis; vel à duobus *Hebdomadariis* ex Ordinario S. Petri supra Divam. Ex Ordinario verò Corbeienfi, & consuetudinibus S. Germani à Pratis à tribus Cantoribus concinebatur. Modum istius tractus cantandi discimus ex Rituali Corbeienfi in quo legimus: [Tres Presbyteri dicent tractum: *Domine audiui*, quem versum repetet Conventus in principio, & in fine, & in aliis versibus, repetet in uno medietatem, in alio totum versum] cui consentit Udalricus l. 1. c. 13.

18. Tractu [finito dicat Sacerdos: *Oremus*, & Diaconus: *Flectamus genua*, & alter Diaconus dicat: *Levate*. Tunc Sacerdos dicat orationem: *Deus à quo & Judas*] inquit Cassin. Ordinarium. Similiter vetustissimus Ordo Corbeienfis pro Majori hebdomada: [Post lectionem

» cantetur canticum : *Domine audiui cum versibus suis*, & dicat Sacerdos :
 » *Oremus*, & Diaconus : *Flectamus genua*, & orent ; & dum dixerit : *Le-*
 » *vate surgant* ; & Sacerdos det orationem *Deus à quo & Judas*] Et ta-
 » men Tullenses S. Apri, Cistercienses, Cartusiani & Bursfeldenses oratio-
 » nem absolute incipiebant sine præmissio : *Flectamus genua*.

19. Qui officium ab oratione : *Deus à quo Judas* auspicabantur ,
 hic aliam dicebant collectam , nempe : *Deus qui peccati veteris*.

» 20. Interim [alter Subdiaconus (*Ordinarium Cassinense exscribo*,)
 » ascendat ad legendum lectionem libri Exodi : *In diebus illis dixit ad*
 » *Moysem & Aaron*.] Eandem lectionem sine prioribus verbis , *In die-*
 » *bus illis* , cantabat apud Tullenses *puer in albis* sicut priorem ; quam
 » sequebatur tractus à quatuor monachis , & quidem Presbyteris decan-
 » tandus ex Consuet. S. Dionysij , S. Germani , & S. Cornelij , vel à sex
 » Sacerdotibus ex Ordinario & Rituali Corbeienfi : [*Finita secunda le-*
 » *ctione* sex Presbyteri dicent tractum : *Eripe me* ; tres ex una parte , &
 » tres ex alia.] In monasterio S. Petri supra Divam , sicut & in Tullensi
 » S. Apri tractus iste ab omnibus , hoc est ab utroque choro cantaba-
 » tur. Sed Tullenses huic tractui subjungebant , *Domine non secundum*
 » *peccata*. In antiquo codice Cassinensi annorum 800 lectioni de Exodo
 » subjungitur [tractus , *Qui habitat in adjutorio* , & ut modernis placeret ,
 » tractus : *Eripe me Domine ab homine malo*.

21. Postea legebatur Passio secundum Johannem ab uno dumtaxat
 Diacono. Hic ex dictis saltem multis in locis debebat esse Sacerdos ;
 » [& Presbyter qui dicet eam , (insit Corbeienfe rituale) habebit in
 » collo unam stolam nigram , sicut habet ille qui facit aquam bene-
 » dictam in Dominicis diebus , cum manipulo nigro in sinistro brachio.]
 » Ad eam nec candelabra , nec thuribulum deferebant , præterquam
 » in Beccensi monasterio , in quo [ad Passionem tenebant Conversi can-
 » delabra , & thuribulum , incensato prius altari à Sacerdote ,] uti le-
 » gitur in libro Usuum Becc. ; & in Lyrensi , ubi [candelabra sine thu-
 » ribulo] gerebant ; denique in monasterio S. Petri supra Divam , in quo
 » [stante uno solo ministro cum thuribulo] Passio legebatur ; sed illis
 » hoc monasteriis extitit singulare contra morem , & consuetudinem om-
 » nium ferè monasteriorum.

22. Ubi verò Diaconus , qui ex consuetudinibus S. Vincentij vultu
 ad altare converso Passionem legebat , ad eum Evangelij locum , *Parti-*
 » *ti sunt sibi vestimenta* pervenisset , aptatæ prius super altari duæ sindones
 » hinc inde à duobus fratribus in modum furantis rapiebantur ; quod
 » munus in Statutis Lanfranci , Dionysianis , Compèdiensibus , Lyren-
 » sibusque consuetudinibus , duobus ex revestitis committitur ; in consuet.
 » M.S. Clun. monasterij duobus cantoribus ; in Sangermanensibus duobus
 » qui cantaverant tractum ; in lib. Usuum Becc. duobus Sacristis ; in Or-
 » dinario Cassinensi duobus Subdiaconis , in Concordia Dunstani , con-
 » suetudinibus Floriacensium , & Ordinario Tullensi duobus Diaconis ,

& quidem *cum planetis* ex consuetudinibus Germaniæ; in Benignianis, Ordinario S. Petri supra Divam, & Rituali Corbeienſi duobus Sacerdotibus. In pervetusto Corbeienſi ordine pro Majori hebdomada hoc tantum post Paſſionem faciendum præſcribitur: [Hæc expleta, ſtatim duo Diaconi nudant altare ſindone, quæ prius fuerat ſub Evangelio poſita, in modum furantis; & ponunt eam in ſacrario, & Sacerdos venit ante altare, det orationem, &c.] Non tamen remanebat altare omnino nudum; ſed una deſuper palla coopertum erat; licet ex lib. Uſum Becc., & conſuet. Lyræ deberet eſſe altare nudum, libri nudi, nudum analogium. Abſoluta paſſione Diaconus apud Bursfeldenſes librum oſculabatur; & hoc ipſe ſolus; apud Cartuſienſes deſertur Sacerdoti.

23. Sequebantur ſolemnes orationes pro omni gradu Eccleſiæ, quas Sacerdos ad altare reverſus cantabat. Prima [finita, dicat Sacerdos, *Oremus*, & Diaconus: *Flectamus genua*, & orent diutiſſimè uſque dum dicat Diaconus; *Levate*] (inquit vetuſtiſſimus Ordo Corbeienſis) atque ita ſe gerebant ad ſingulas orationes, præterquam ad eam quæ pro perfidis Iudæis qui flexo genu Dominum irridebant; ad hanc enim genua non flectebant; ſed tamen omnes inclinabant ex Benignianis, & M.S. Clun. conſ.

24. Ad Crucis adorationem, quæ ſolemnes excipiebat orationes, non uni fuerunt omnium cœnobiorum ritus; ſed ſingulis ſerè in locis planè ſingulares ac diverſi, quos hîc omnes referre eſſi videatur prolixum fortaiſſis tamen non erit penitus otioſum:

Ex vetuſtiſſimo Corbeienſi Ordine pro majori Hebdomada.

25. Poſt orationem, præparatur Crux ante altare; interpoſito ſpatio inter ipſam & altare, ſuſtentata hinc inde à duobus Acolythis, poſito ante eam oratorio; & veniat Sacerdos, & adoratur, & deoſculatur crucem; deinde Presbyteri, & Diaconi, & ceteri per ordinem. Sacerdos verò redeat ad ſedem uſque dum omnes ſalutent: Presbyteri verò duo Priores, mox ut ſalutaverint, intrant in ſacrario, vel ubi poſitum fuerit Corpus Domini; Sacerdos verò ſedeat dum ſalutat populus crucem; nam ſalutante Pontifice & populo crucem, canatur ſemper antiphona, *Ecce lignum Crucis, in quo ſalus mundi pendet: Venite adoremus*, dicatur pſalmus cxvii., qua ſalutata, & repoſita in loco ſuo, deſcendat Sacerdos ante altare, & dicat; *Oremus Præceptis ſalutaribus*.

Ex Caſſinenſi Ordinario.

26. Orationibus finitis, [Sacerdos accipiens crucem in manibus ſuſtentatam hinc inde à duobus Acolythis verſus chorum dicat alta voce antiphonam, *Ecce lignum*, totam; & cùm dixerit, *Venite*, mox

omnes in choro flexis genibus adorent ipsam crucem, & surgentes re-
petant eandem antiphonam cum psalmo, *Beati immaculati*, & per
unumquemque versum ejus eadem antiphona repetatur. Interea ve-
niens Sacerdos cum ministris adoratam deosculetur crucem; deinde ce-
teri per ordinem, incipientes à senioribus; & postquam dicti fuerint
sex vel octo versus de prædicto psalmo, veniant tres Clerici albis
induti ante crucem chori sinistri, & cantent, *Agios o theos*, chorus
etiam per unumquemque versum alternatim respondeat; *Sanctus Deus*,
Sanctus Fortis, *Sanctus immortalis*, *miserere nobis*. Quo finito, iidem
ipsi incipiant ante crucem: *Popule meus* cum versibus istis, *Quia eduxi*
te, Chorus quoque per unumquemque versum vicissim respondeat.
Quibus expletis, alij tres Clerici similiter albis induti, venientes ante
crucem incipiant hymnum: *Crux fidelis*, & in choro similiter respon-
deatur; *Crux fidelis*, & illi ante crucem, *Pange lingua* per ordinem,
Expletis his omnibus, calcient se Sacerdos, & ministri.

Ex antiquis Germania consuetudinibus.

n. 25. 27. Orationibus dictis, [vadant duo revestiti post præcipuum altare
quo crux parata & provoluta est, & incipiant: *Popule meus*, quibus
alij respondeant cum planetis terræ incumbentes: *Agios*: Deinde om-
nis congregatio flexo genu: *Sanctus Deus*. Dum hoc canitur, defe-
ratur crux ante altare, & dicatur versus: *Quia eduxi te*, sequatur verò:
Agios, quibus omnibus respondeant: *Sanctus Deus*. Dum hoc canitur,
constituatur crux in loco ubi adoranda est, canaturque versus: *Quid*
ultra, respondentibus duobus: *Agios* & adorantibus, similiter con-
gregatio adorans subjungat: *Sanctus Deus*. Deinde prosternat se Abbas
super tapetia ibi extensa, omnesque fratres tantummodo remaneant,
qui bene cantent: *Crux fidelis*: *Pange lingua*: *Crucem tuam*, dum
ceteri prostrati tres compleverint orationes; Post tertiam verò oratio-
nem, offeratur Abbati virga arundinea, qua subposita linteo, &
subito porrecta in altum, revelet crucem clamans voce magna: *Ecce*
lignum crucis, cui pluribus additis versibus dum deosculatur crux, qui
residui sunt iisdem orationibus se terræ prosternant, aliis cantantibus:
Cum fabricator: *Salve Crux*: *O Crux Splendidior*, lignum quoque Do-
mini offeratur adorandum à Presbytero.

Ex Dunstani Concordia.

n. 4. 28. Quibus expletis per ordinem, statim præparetur crux ante al-
tare, interposito spatio inter ipsam & altare, sustentata hinc inde à
duobus Diaconibus. Tunc cantent: *Popule meus*; respondentes autem
duo Subdiaconi stantes ante crucem canant græcè: *Agios o theos*,
agios ischiros, *agios ashanatos*, *eleison emas*; itemque scola idipsum la-
tinè:

tinè : *Sanctus Deus*. Deferatur tunc ab ipsis Diaconibus ante altare & eos Acolythus cum pulvillo sequatur, super quem sancta crux ponatur; antiphonâque finitâ, quam schola respondet latinè, canant ibidem sicut prius: *Quia eduxi vos per desertum*; Idem verò respondeant Subdiaconi græcè sicut prius: *Agiōs*, ut supra; itemque schola latinè ut prius: *Sanctus Deus*: itemque Diaconi levantes crucem cantant sicut prius: *Quid ulira*; item Subdiaconi sicut prius: *Agiōs* ut supra; itemque schola latinè: *Sanctus Deus* ut supra. Post hæc vertentes se ad clerum, nudata cruce dicant antiphonam: *Ecce lignum Crucis*, antiphonam: *Crucem tuam adoramus*, antiphonam: *Dum fabricator mundi: Pange lingua*. Illico ea nudata, veniat Abbas ante crucem sanctam, ac tribus vicibus se prosternat, cum omnibus fratribus deterioris chori, scilicet senioribus ac junioribus; & cum magno cordis suspirio septem pœnitentiæ psalmos cum orationibus sanctæ Crucis competentibus decantando peroret.

29. In prima quidem oratione tres psalmos primos cum oratione: *Domine Iesu Christe adoro te in crucem ascendentem; deprecor te, ut ipsa crux liberet me de Diabolo percutiente. Domine Iesu Christe adoro te in ipsa vulneratam; deprecor te ut ipsa vulnera remedium sint animæ meæ. Domine Iesu Christe adoro te descendentem ad inferos liberare captivos; deprecor te ut non ibi me dignitatis introire. Domine I. C. adoro te resurgentem ab inferis, ascendentem ad Cælos; deprecor te miserrere mei. Domine I. C. adoro te venturum iudicaturum; deprecor te ut in tuo adventu non intres in iudicio cum me peccante; sed deprecor te, ut ante dimittas quam iudices qui vivis & regnas.*

30. In secunda duos medios cum sequenti oratione: *Domine I. C. gloriosissimè conditor mundi, qui cum sis splendor gloria, coeternus Patri, & sancto Spiritui; ideo dignatus es carnem ex immaculata Virgine sumere, & gloriosas palmas tuas in crucis patibulo permisisse configere, ut claustra dissipares inferni, & humanum genus liberares de morte; respice, & miserere mihi misero, oppresso facinorum pondere, multarumque requirarum labe polluto; non me digneris derelinquere pessime Pater; sed indulge quod impiè gessi, exaudi me prostratum coram adoranda gloriosissima cruce tua, ut merear tibi mundus assistere, & placere conspectui tuo qui cum Patre.*

31. A tertia ultimos duos cum oratione: *Domine omnipotens Iesu Christe, qui tuas manus mundas propter nos in cruce posuisti, & de tuo sancto sanguine nos redemisti; mitte in me sensum, & intelligentiam, quo modo habeam veram pœnitentiam, & habeam bonam perseverantiam omnibus diebus vitæ meæ: Amen; Et eam humiliter deosculans surgat.* Dehinc sinistrioris chori omnes fratres eadem mente devota peragant; nam elutata ab Abbate, vel omnibus cruce, releat ipse Abbas ad sedem suam, usque dum omnis clerus ac populus hoc idem faciat.

Ex Statutis Lanfranci.

c. 1. „ 32. Orationibus expletis, [deposita casula & stolis, revertantur
 §. 4. „ Sacerdos, & Levita in chorum in albis. Tunc duo Sacerdotes, quibus
 „ Cantor jusserit, induti albis accedant ad crucem, quæ debet esse
 „ præparata, & cooperta ad altare matutinale; quam accipientes ferunt
 „ eam paulatim progredientes, & cantantes versus: *Popule meus*. Duo
 „ Levitæ in albis stantes ante gradus, ante altare majus respondeant:
 „ *Agius o theos*; Chorus autem dicat: *Sanctus Deus*: Sacerdotes *Quia*
 „ *eduxi vos*, Levitæ *Agius*, Chorus: *Sanctus*: Sacerdotes: *Quid ultra*, Le-
 „ vitæ: *Agius*, Chorus: *Sanctus*. Tunc Sacerdotes crucem ferentes, ve-
 „ niant ante altare, & cum finierint: *Sanctus*, statim discooperientes eam
 „ incipiant ambo antiphonam: *Ecce lignum*: & tunc demum omnes fle-
 „ stant genua: Repertur antiphona cum versibus psalmi: *Beati imma-*
 „ *culati* quantum Cantori visum fuerit: Dehinc canantur alia ad hoc
 „ servitium pertinentia, quantum opus fuerit; tapetia sint extensa ante
 „ altare, super quæ prosternantur, primum Dominus Abbas, & induti;
 „ interim in locum eorum, qui tenent crucem succedentibus aliis; deinde
 „ ceteri sicut est ordo eorum; & non prolixè adorantes jaceant; sed
 „ breviter, & purè orantes: Postea unusquisque osculetur pedes cruci-
 „ fixi, & post revertatur in chorum; quod si convenerint aliqui Cle-
 „ rici, vel laici volentes adorare crucem, portetur eis crux in alium
 „ locum, ubi aptius adorent eam; quæ si per chorum transierit, flexis
 „ ad terram genibus adoretur à fratribus, non simul omnibus, sed sicut
 „ portabitur coram eis. Adorata ab omnibus cruce portitores ejus ele-
 „ vantes eam, incipiant antiphonam: *Super omnia ligna cedrorum*; & sic
 „ vadant ad locum ubi eam collocare debent; tunc petant omnes veniam
 „ flexis ad terram genibus.] Eadem ferè videre est apud Udalicum
 l. 1. c. 13. ubi portitores crucis non solum albis, sed etiam casulis indui
 debent, & infirmi post pueros adorare; nimirum *qui quocumque modo*
aut per se possunt, aut alio sustentante accedere, ut habent conf. S. Benigni
 cap. 61, & Corbeienſe Ordinarium, in quibus idem constitui-
 tur. Eadem ferè habent etiam Laudunenses Sancti Vincentij consue-
 tudinès.

Ex consuetudinibus S. Dionysij in Francia.

„ 33. [Interim dum orationes dicuntur, conventus adoret crucem in
 „ capitis. Finitis verd orationibus, quatuor Sacerdotes induti infulis
 „ sint ibi parati. Ex quibus duo incipiant hanc lamentationem: *Popule*
 „ *meus*, & alij duo respondeant: *Agius o theos*, & conventus: *Sanctus*
 „ *Deus, Sanctus fortis*. Postea illi quatuor deferant crucem ante marty-
 „ res, ibique Dominus Abbas & ministri altaris crucem adorent. Deinde

prædicti quatuor deferant crucem ante majus altare, & erigatur in altum, & detegatur, & incipiatur antiphona à Cantore: *Ecce lignum* cum psalmo: *Beati immaculati*, qui dum incipitur, accipiant omnes veniam super genua: Deinde auferatur clavus à pectore, & corona de capite crucifixi, & deferatur crux à duobus clericis albis indutis ante altare matutinale, ibique adoretur à populo. Interim cantetur hymnus: *Pange lingua*, & *Lustra*, & ad unumquemque & dicatur: *Crux fidelis*.

Ex consuetudinibus S. Germani à Pratis.

34. [Post istas sollemnes orationes, conventus ibit se discalciatum: (si nimirum calceos retinendi indulta sit misericordia) Dominus Abbas veniet in vestiarium, & se discalciabit, & post veniet in chorum. Quatuor Domini qui cantaverint ultimum tractum capient quatuor infulas rubeas; duo qui erunt retro crucem cantabunt: *Popule meus*, & illi qui erunt ante: *Agios*, & conventus respondebit ter: *Sanctus*; & ter accipiemus veniam flexis genibus. Quando iste cantus erit finitus, unus Sacerdotum qui cantaverit: *Popule meus*, flectet genua, & discooperiet crucem, & accipiet ipsam inter manus suas, & levabit in altum, & incipiet istam antiphonam: *Ecce lignum*; Et nos capiemus veniam flexis genibus. Dominus Abbas ibit adoratum crucem, & nos quilibet communiter in suo ordine. Quando crux fuerit adorata, ille qui eam tenuerit veniet ipsam adoratum, & unus alius accipiet ipsam; quando ipsam adoraverit ipse, accipiet ipsam inter manus suas, & portabit eam in sacrarium cantando istam antiphonam: *Super omnia ligna cedrorum*, & nos capiemus veniam flexis genibus.

Ex consuetudinibus S. Cornelij Compend.

35. Finitis orationibus, duo ex iis qui cantaverunt tractum: *Eripe me* induti casulis deferant Crucifixum aureum ante Martyres, & ibi cantent & *Popule meus*; reliqui duo minores similiter infulis induantur, & sint ante crucem juxta Sanctuarium, & respondeant: *Agios o theos*; conventus vero respondeat: *Sanctus Deus*. Post hæc incipiat Cantor stans juxta crucem: *Ecce lignum*; & cum inceperit, omnes flectant genua; & tunc crucifixus aureus discooperiatur, & ante magnum altare deferatur, ibique à Domno Abbate, & conventu adoretur. Tunc crucifixus argenteus discooperiatur, & ceteri. Post hæc deferatur crucifixus aureus ad gradus Presbyterij, & ibi à populo adoretur. Interim cantentur hymni: *Pange lingua*, & *Lustra*.

36. [Interim dum orationes dicuntur, duo Presbyteri in tabula nominati *Popule meus* cantaturi induant se albis, stolis & fanulis, & casulis; completisque orationibus prædictis, Sacerdos deposita tantummodo casula, & Diaconus depositis stolis, cum ceteris ministris, ab altari discedant, & in chorum veniant; prædicti autem duo Presbyteri in fine orationum prædictarum cantent: *Popule meus*, stantes juxta crucem; unus ad dextram crucis, & alius ad sinistram, habentes respectum versùs Diaconos, qui cantaverunt tractum: *Domine audi*, & Diaconi versùs ipsos; qui Diaconi stent super ultimum tapetum in medio chori positum, & post unumquemque respondent: *Agius o theos*; cumque dixerint: *Imas*, respondet chorus: *Sanctus Deus, Sanctus fortis, Sanctus & immortalis*, ad quamlibet clausulam genua flectendo: Post ultimum verò, prædicti duo Presbyteri crucem detegant; & omnibus nudam representantes, incipientes hanc antiphonam: *Ecce lignum*, & omnes qui sunt in choro prosequuntur flectentes genua. Tunc unus ex duobus Presbyteris in vestiarius redeat, & sacras vestes deponat, & in chorum ad alios revertatur; alius verò Presbyter juxta crucem remaneat, casulam tantum deponendo, ipsam crucem per brachia tenens, singulis adorantibus ad osculum debet coaptare. Finita prædicta antiphona, incipiatur alia antiphona: *Crucem sanctam*. Alia antiphona: *Dum fabricator*. Alia: *O admirabile*. His dictis, sequitur hymnus: *Crux fidelis*, & si necesse fuerit alius hymnus: *Vexilla Regis*. Interim dum ista cantantur, adoretur crux ab omnibus; ita ut qui primi sunt in choro primò procedant bini & bini ad adorandam crucem, & ultimò ultimi, cum duplici corporis prostratione, & una genuum flexione in hunc modum: Prima prostratio fit super primum taperum, secunda super medium, & in unaquaque prostratione fit aliqua mora à prostratis; super tertium verò taperum fratres genua ante crucem flectentes, & moram non facientes pedes crucifixi osculentur, reliquiasque ibi pendentes, & evangelium.] (dependebant enim ex collo, & brachiis crucifixi sacre reliquie) [post monachos Conversi adorent crucem. His igitur peractis, antequam crux auferatur, incipiat Cantor & *Tuam crucem*, & chorus prosequitur, & infra &, & in & cum dicunt fratres: *Adoramus*, flectant omnes genua. Finita itaque repetitione post, Abbas vel in ejus absentia Prior accipiens crucem, ipsamque sursum erigens, incipit antiphonam: *Super omnia*, & fratres prosequuntur, portaturque crux ab ipso super altare B. Petri.

Ex libro Usuum Beccensium.

37. Expletis orationibus, [Sacerdos discalciatus cum Diacono rever-
tatur in chorum in albis, eantque duo fratres qui secundum tractum
cantaverunt, Conversis præcedentibus cum candelabris, & thuribulo,
ad locum ubi crux à Secretario debet esse præparata, & pallio co-
operta; quorum unus prius eam incensat, & sic tenentes eam in ipso
loco coopertam, dicant versi ad populum antiphonam: *Popule meus*,
alii duo qui primum tractum cantaverunt, ante altare stantes, res-
pondeant: *Agnos ter flectentes genua*; Bajuli procedentes paululum
dicant alium versum; similiter ad tertium. Post hæc afferant crucem
ante altare, & discooperientes eam dicant antiphonam: *Ecce lignum*,
quam chorus repetat flectendo genua. Postea adorent crucem, choro
interim canente antiphonam sicut in gradali continentur. Tunc dis-
cooperiant crucifixum; cum autem adorata fuerit, reportet eam unus
bajulorum incipiens ad introitum chori excelsa voce antiphonam: *Su-*
per omnia, chorus subiungens: *Tu sola excelsior*, flectat genua, & posita
cruce in loco suo, Sacerdos recalceatus resumat stolam, & casulam;
post accedat ad altare &c.] Idem aut ferè idem habent consuetudines
Lyra. In libro Usuum Cisterciensium, consuetudinibus Grandimont-
ensium, Ordinario Bursfeldensium vix aliquid singulare reperitur, quod
ad aliquam ex prædictis consuetudinibus referri non possit; sed neque
in Rituali Corbeiensis; nisi quod in eo præscribitur, ut adorata cruce
[eant omnes ad altare matutinale, osculando reliquias, & accipiendo
aquam benedictam, & via per quam itur & revertitur ad altare
matutinale debet esse strata tapeciis.

38. Adorata, eo quo diximus modo, cruce, resumtisque à Sacer-
dote, & sacris ministris vestibus, Missa absolvebatur, & sacra com-
munio peragebatur; pro qua Diaconus & Subdiaconus ex Dunstano,
consuetudinibus Germaniæ, & Rituali Cassinensium; vel duo Sacer-
dotes albis induti ex Udalrico; vel Abbas ipse sive Sacerdos officium
peragens cum ministris, thuribulo, & candelabris pergebant ad lo-
cum ubi posita pridie fuerat Eucharistia; eamque adoratam ad
altare referebat. Ritus hunc ita describunt consuetudines Ger-
maniæ:

39. [His peractis, idest adorata cruce, de sacratio procedant Diaconus
& Subdiaconus cum Corpore Domini, & alius cum calice, habens
vinum & aquam, præcedentibus candelabris. Deinde à Diacono ex-
pandatur corporale super altare, & quæ apposita sunt ministrent de-
super;] Cassinense Ordinarium: [Expletis his omnibus, calcient se
Sacerdos & ministri; dehinc lotis manibus, Diaconi & Subdiaconi
ab altari pergant in sacrarium; ubi positum est Corpus Domini, quod
pridie remanet, & accipientes illud in duabus patenis; Diaconi qui-

Ggg 3

„ dem ipsas patenas, Subdiaconi verò duos calices cum vino non con-
 „ secrato, missa ibi ad altare deferant: Tunc Diaconi offerant ipsas
 „ patenas Sacerdoti, qui ponat eas super altare; calices verò Diaconus
 „ de manu Subdiaconorum accipiens, ipse super altare ponat.] Clarius
 „ & distinctius Statuta Lanfranci: [His ita gestis, Sacerdos resumpta
 „ casula cum stola, & Diaconus stola, præcedentibus Conuersis cum
 „ candelabris & thuribulo, vadant ad locum ubi quinta feria corpus
 „ Domini fuit repositum; & posito incenso in thuribulo incenset illud,
 „ & sic tradat Diacono ad reportandum; in eundo & redeundo Conuer-
 „ sos sequatur Diaconus, Sacerdos extremus veniat. Cum appropinquant
 „ altari, adorent omnes fratres Corpus Domini flexis genibus;] & con-
 „ suetudines S. Benigni: [Post adorationem sanctæ Crucis, sollicitè pro-
 „ curet Apocrifarius ad præparationem sancto sanctæ Eucharistiæ ne-
 „ cessaria quæque adhibere, idest candelabra argentea cum cereis, thu-
 „ ribulum quoque festiuum cum copia incensi, casulas tres, unam scili-
 „ cet Domino Abbati vel Hebdomadario; aliam verò Sacerdoti cui ab
 „ Armario patena cum Corpore Domini ferenda committitur, tertiam
 „ quoque alteri nihilominus Sacerdoti, qui calicem cum vino & aqua
 „ bajulat. His ritè peractis proceditur ad locum cum cereis & incenso:
 „ Corpus Dominicum manibus Apocrifarij productum Sacerdoti traditur;
 „ indeque ad altare cum processione redditur: Omnes assurgunt, genua
 „ flectunt; altare linteo candidissimo à Præcentore operitur, desuper cor-
 „ porale extenditur, calix veluti ad Missam superponitur, & cooperitur, &
 „ juxta eum patena cum corpore Domini ponitur.] Idem habent Clu-
 „ niacensis monasterij consuet. M. S. Fusiùs adhuc M. S. consuetudines
 „ S. Germani à Pratis [Alij Sacerdotes involvent se suis infulis, & acci-
 „ pient candelabra, & thuribulum, & ibunt in vestiariu; Dominus
 „ Abbas ibit in vestiariu, & accipiet manipulum & stolam & infulam,
 „ & ibit in sacrarium ipse cum Diacono nudi pedes, sua processione præ-
 „ cedente ipsum, & trahet se versùs pronos ad dicendum suum *Confiteor*
 „ conventui, & conventus trahet se juxta ipsum; quando ipse di-
 „ xerit suum *Confiteor* ipse ibit ad armariolum calicem, ubi Corpus Do-
 „ mini est, sua processione præcedente ipsum, & aperiet ipsum, &
 „ flectet genua, & incensabit Corpus Domini, & accipiet ipsum inter
 „ manus suas, & portabit super magnum altare, cantando; *Hoc Cor-*
 „ *pus* Post communionem quam cantaverant quando ipse ibidem ipsum
 „ portaverat, & nos capiemus venias flexis genibus: Dominus Abbas
 „ sumet vinum in calice inter manus suas, & Diaconus ministrabit sibi
 „ vinum & aquam, & deplicabit suum corporale, & cooperiet suum
 „ calicem corporali.
 „ 40. Denique Rituale Corbeienfis monasterij: [Hoc facto, Dom-
 „ nus Abbas cum ministris suis ibit ad majus altare, & reaccipiet stolam,
 „ manipulum & casulam suam; & Prior ibit ad altare matutinale, &
 „ ibi accipiet similiter & casulam cum stola & manipulo totum nigrum,

& ibunt simul Abbas cum Priore, cum candelabris, thuribulo, & torceis illuminatis, ad reliquias, & ibi ante Corpus Domini & reliquias Domnus Abbas administrabit in uno calice vinum & aquam, sicut fit quotidie ad Missam. Item Corpore Christi adorato & incensato, Cantor qui ibi debet esse præsens, incipiet communionem, *Hoc Corpus* alta voce, & apportabunt Prior calicem cum aqua & vino primitus administrato per Abbatem in calice; & Abbas in magno calice cooperto secundus Corpus Domini. Finito cantu communionis; *Hoc Corpus*, statim sine intervallo, tunc totus conventus ibit ad majus altare post eos, & dicet Abbas, *Confiteor*, & totus conventus respondet, *Miserereatur* &c., & statim Abbas osculabit altare, & dicet cum cantu: *Oremus preceptis salutaribus*.

41. His omnibus addo Laudunenses S. Vincentij consuet. : Adorata cruce, & super altare collocata, [tunc Domnus Abbas, vel Sacerdos faciens officium venit in sacrarium, & deponit ibi Abbas cappam, vel Sacerdos casulam, & assumunt aliam casulam cum stola & manipulo; si Abbas, cum baculo pastoralis, & mitra alba; quibus indutis redit in chorum ad altare cum quatuor Sacerdotibus qui cantaverunt, *Pole meus*, & *Agnosce o theos*, qui omnes induti sunt albis, quorum duo juniores deferunt candelabra, tertius thuribulum, quartus calicem cum vino & aqua, & accedit Abbas ad locum in quo repositum est Corpus Dominicum; deinde ipsum cum reverentia incensatum vel thurificatum accipit & reportat super majus altare, postea unus Sacerdotum infundat vinum & aquam in calicem. Hoc facto Abbas vel Sacerdos, qui facit officium, accipit hostiam pridie sacratam, & ponit super corporale displicatum, postea cooperit calicem de corporali. Hoc facto, dicit, *Confiteor Deo &c.*, omnibus audientibus, & respondentibus *Miserereatur vestri*. Dicto *Confiteor*, incipit Domnus Abbas vel Sacerdos, *Oremus preceptis*.] Aliis referendis supersedeo, unum hic observo; nimirum eos qui candelabra ante Eucharistiam deferrent, fuisse Sacerdotes, quod patet tum ex supra dictis, tum ex Ordinario S. Petri supra Divam, Rituali Corbeienfi, consuetudinibus S. Germani à Pratis, denique ex Floriac. in quibus hæc lego: [Duo Sacerdotes candelabra deferunt, & unus vestitus casula incensum, quando deferretur ad altare sacra Eucharistia.] In vetustissimo Corbeienfi Ordine pro Majori hebdomada dum peragitur crucis adoratio, à duobus Sacerdotibus qui ex primis adoraverant, Eucharistia ad altare afferenda præscribitur.

42. Collocato super altare Christi corpore, Sacerdos alta voce dicebat: *Oremus preceptis salutaribus moniti*, cum oratione: *Liberamur*; deinde misso in calice de Christi corpore, seipsum primo sub silentio; deinde alios communicabat: Ita vetustissimus Ordo Corbeienfis pro Majori hebdomada: [Descendat, inquit, Sacerdos ante altare, & dicat, *Oremus preceptis salutaribus: Pater noster qui es in celis*. Sequatur

„ *Libera nos quasumus Domine* ; cum dixerint : *Amen* , sumat de
 „ sancta , & ponat in calice nihil dicens , & communicant omnes cum
 „ silentio , & expleta sunt universa ;] Cui concinit Calsinenſe Ordina-
 „ rium cujus hæc sunt verba : [*Tunc ſcilicet poſita ſuper altare Eu-*
 „ *chariſtia* ; Sacerdos dicat , *Oremus præceptis* ; deinde , *Libera nos in*
 „ modum orationis ; poſt hæc tollat particulam de Corpore Domini , &
 „ immittat in calicem nihil dicens , & ſic communicent omnes cum ſi-
 „ lentio.] Idem videre eſt in Concordia Dunſtani , in conſuetudinibus
 Cluniacenſis monaſt.rij apud Udalr. l. 1. c. 13. , & in manuſcriptis , in
 Ordinario Corbeienſi , & in conſuetud. S. Benigni Divionenſis , in quibus
 c. 61. , ſic lego : [Subſequitur Sacerdos , & dicit alta voce , *Præceptis*
 „ *ſalutaribus moniti* , cum oratione Dominica , & ſequenti collecta ; *Li-*
 „ *bera nos* ; cum verò dixerit , *Per omnia ſæcula ſæculorum* , ſumit de ſancta ,
 „ & dimittit in calicem , ſanctificaturque vinum non conſecratum per
 „ panem ſanctificatum. *Pax Domini ſit ſ. v.* non dicitur , quia nec ſignum
 „ pacis eo die datur ; deinde communicat primus Sacerdos de ſanctis ;
 „ ac poſtmodum cunctis per ordinem diſtribuit. Quidquid de Corpore
 „ Domini ſuperſuerit , à Sacerdotibus , de quibus hæc die omne mini-
 „ ſterium in eccleſia impletur , diligenter ſuſcipitur atque ſumitur.] Notat
 Udalricus idem olim in monaſterio Cluniacenſi obſervatum fuiſſe , ſed
 ſuo tempore ; ſi quid ex Euchariftia remaniſſet , reſervatum fuiſſe.
 „ In M. S. Germaniæ conſuet. præſcribitur ut [poſtquam Presbyter dixerit ,
 „ *Præceptis ſalutaribus moniti* , & *Libera nos quasumus Domine* ; ſilenter
 „ ſubjungat , *Pax Domini* de Corpore Domini mittens in calicem ;]
 ſed hoc contra morem aliorum monaſteriorum. In Dionyſianis etiam
 conſuetudinibus ſolitas orationes , *Domine ſancte Pater* , & alia , *Domine*
ſ. C. ; in Ordinario Bursfeld. orationem , *Domine ſ. C. fili Dei vivi* Sacer-
 dos ſub ſilentio ante communionem dicere jubetur. Nonnulli orationem
Libera nos quasumus poſt orationem Dominicam ſub ſilentio dicebant ,
 ita ex Lanfranci Statutis , libro Uſuum Beccenſium , conſuetudinibus
 Lyræ. His etiam omnibus nonnulla præmittit Lanfrancus in Statutis
 „ [Collocato , inquit , ſuper altare Chriſti corpore , facta in calice vini &
 „ aquæ commixtione , dicta à Sacerdote cum Diacono *confeſſione* , facta
 „ ſuppliciter à Sacerdote ad altare oratione , incenſet Sacerdos Corpus
 „ Chriſti & calicem ; deinde dicat mediocri voce , *Oremus* , *Præceptis*
 „ *ſalutaribus moniti* . &c. Quidam confeſſionem , antequam Chriſti Cor-
 „ pus ad altare deferretur præmittebant ; ut Pariſienſes S. Germani. Alij
 „ alios ritus obſervabant , ex quibus hîc Tullenſes deſcribo : Chriſti cor-
 „ pore , [*depoſito ſuper altare* , miſſo in calice vino cum aqua , ipſum
 „ calicem cooperit Abbas , converſuſque ad conventum dicit , *Conſiteor*
 „ *Deo* , & reſponderetur ab omnibus , *M ſereatur tui* ; iterum dicunt , *Con-*
 „ *ſiteor* ; Sacerdos reſpondet , *Per Paſſionem Domini* , & *Indulgentiam* , &
 „ reſponſo ab omnibus , *Amen* , dicat : *Adjutorium noſtrum* , & accedat
 „ ad altare dicens : *Aufer à nobis* , ipſum altare oſculando ; deinde ac-
 cepto.

cepto thuribulo à Diacono, calicem incenset; postea inclinans se dicat, „
In spiritu humilitatis; quo dicto, erigens se, dicat alta voce & festivè, „
Oremus pro salute mon. & Pater noster, & chorus respondeat *Sed libera* „
nos à malo; deinde dicat Sacerdos; *Amen. Oremus: Libera nos qualu-* „
mus, & cum dicit; *Per eundem Dominum*, Corpus Domini more solito „
in tres partes dividat, ac deinde dicat alta voce, *Per omnia secula sa-* „
culo um, & respondente choro, *Amen*, ipse unam partem Corporis „
Dominici in calicem mittat, nihil dicens. *Pax Domini* non dicitur, nec „
Agnus Dei, nec pax dabitur; & antequam Sacerdos sumat Corpus „
Christi, dicat orationes solitas. Interim qui primus est in choro dicat „
Confiteor & fratres similiter, ut in feria v. jam dictum est; quo dicto „
omnes accedant ad sacram communionem eo modo, & ordine quo „
dictum est in feria v. præcedenti.] In M.S. S. Germani à Pratis con- „
suetudinibus, post orationem Dominicam hæc præscribuntur.

43. Quando *Pater noster* erit dictum Dominus Abbas dicet suas „
orationes tales, quales Deus ipsum docuerit, & dicet: *Libera nos* „
quasumus; postea incipiet, *Per omnia* altè, non cantando ulterius; „
postea communicabit se, & Diaconum, & conventum; quando Dia- „
conus communicaverit, ipse accipiet calicem, & feret super altare „
matutinale, & conventus ibit illuc potum cum tugurio argenteo, „
secundum quod ipsi communicaverint; quando ibidem potaverint, „
ipsi ibunt potum in uno calice, qui erit ad alium angulum altaris. „
Quando conventus prædicta adimpleverit, unus vinum portabit Domino „
Abbati ad sumendum in calice inter digitos suos, & conventus as- „
cendet dormitorium, & revertetur in claustrum lotum pedes suos, & „
debent calciare novos solulares, & debent reddere veteres pro dando „
pauperibus] In Rituali Corbeiensis monasterij etiam præscribitur ut „
antequam Sacerdotes communificent, dicant: *Summe Sacerdos*, ac si „
deberent dicere Missam. Illud autem notandum quod in Floriacensis „
monasterij consuetudinibus legitur his verbis: [Illud verò corporale „
ubi corpus Dominicum reconditum fuit, debet Capicerius servare, & „
abluere, antequam in eo canteretur.

44. Peracta communione, Vesperas cantabant [sub silentio, sive „
ut sequitur *Du stans*, privatim in loco suo; aut *Cassinenses*, lenta „
voce & quidem cum eisdem sicut in quinta feria psalmis, antiphonis, „
precibus, collectis; nisi quod pro psalmo: *Voce mea* qui dictus est „
quinta feria, hac die dicitur psalmus *Benedictus Dominus Deus meus*] „
inquit Lanfrancus in Statutis, cui ferè accedunt consuetudines „
Lyra decernentes, ut [quatuor psalmi qui dicti sunt feria v ad Vesp. „
peras, dicantur iterum, quinta antiphona *De manu filiorum*, Psal. *Be-* „
neditus Dominus Deus, ad *Magnificat* antiphona *Si malè locutus*, Ora- „
tio *Deus qui pro nobis*,] & Udalricus: [Vesperis decantantur sub silen- „
tio, & cum iisdem psalmis prioris diei; nisi primus aufertur, & pro eo „
ponitur in novissimo psalmus centesimus quadragesimus tertius. Idem „

H h h

habent Laudunenses S. Vincentij consuetudines, in quibus ad mutatos psalmos ipsæ etiam antiphonæ mutantur. In Ordinario Cassinensi hi tres posteriores psalmi ad Vesperas adnotantur: *Voce mea: Benedictus Deus: Exaltabo te Deus meus.* Antiphona ad *Magnificat: Velum templi.*

- n. 25. 45. [Cum silentio cantatis Vesperis, inquit Germania consuetudines, jam v'cina nocte eant in refectorium, refecturi tantummodo pane calido, cum crudis herbis, & aqua; quod autem juxta Regulam eis dandum esset, pauperibus à Cellerario & Coquinariis exhibeatur,] quibus accedit codex Cassinensis circa Bertarij Abbatis tempora scriptus: [Acta Vespera, reficiant panem, & aquam tantum, & legumen infusum] Et hæc erat generalis omnium monasteriorum consuetudo; licet in consuetudinibus & Rituali Corbeiensis monasterij *Vinum & pisces* pueris & infirmis indulgeantur, Abstinentiones etiam extiterunt Majores nostri, quibus ex Concilio Aquisgr. præscribebatur *ut in Parasceve non aliud, nisi panis & aqua sumatur*; quod diu retinuerunt nostri Laudunenses S. Vincentij. Immo nonnulli ab omni cibo & potu hac die abstinebant, hinc Regula Magistri: [Extra infirmos, infantes, & senio pervinctos, quicumque de sanis reficere voluerit sine accepta benedictione, & non signata refectione reficiat, ut à gula sua, vel à semetipsis communicati erubescant, cum aliis superponentibus pro Dei speranda mercede unum diem non posse jejunum voluntariè pertransire, cum aliis ab invito interdum per triduana transire jejunia indigentia imponat necessitas;] & Theodorus S. Pachomij discipulus in epist. Ammonij Episcopi ad Theophilum apud Boll. 14. Maij: [Qui imbecilliore utuntur valetudine circa Vesperam, sola Parasceve excepta, cibo se recreant.]
- c. 61. [Accedentibus verd ad mensam fratribus, ita loquuntur Divionenses S. Benigni consuetudines, Magister Sacrista aliquot in ecclesia de honorioribus retinet Sacerdotibus, qui cuncta altaria aqua & vino diligentiùs abluant; qui tamen non calceatis, sed nudis hoc pedibus explent: quidquid autem liquoris in majori altare fustum fuerit, spongiis colligitur, indeque expressum in sacristiis reconditur.] Idem habetur in Statutis Lanfranci, apud Udalicum l. 1. c. 13. & in M. S. conf. Cluniac. monasterij. In Rituali etiam Corbeensi hæc lego: [Interim quando conventus erit in refectorio in prandio, Sacrista cum tribus aliis Presbiteris indutis in albis cum stolis palmarum, ibunt ad majus altare, & omnia altaria, in quibus consuetum est quotidie celebrare Missas in ecclesias nostras; lavabunt ea, ad quodlibet altare cantando *ps. Circumdederunt me usque ad versum*;] quibus accedunt liber Uluum Beccensium, & consuetudines Lyra, decernentes, ut dum fratres reficiant [Secretarius abluat omnia altaria, priùs aqua, & post vino, cum hyssopo vel buxo; capsæ, & coronæ discooperiantur, & monasterium pareatur:] Denique Laudunenses S. Vincentij Consuet. [Postea, itur comestum panem, & bibendum aquam solùm. Iterum Secretarij

camisiis induti lavant altaria de vino & aqua, & ad quodlibet al-
tate cantatur hæc *et Circumdederunt*. Post refectionem sedent in clau-
stro. &c.] Cistercienses vero dumtaxat volunt ut [laici fratres refe-
ctionis hora ecclesiam mendant.

lib. VI.
c. 12.

46. Petacta ceteris apud Floriacenses Abbas duodecim pauperibus
pedes lavabat. [Post mensam, *inquit Cons. Floriac.*, eat Dominus
Abbas cum sociis suis in elemosinam ad Mandatum, ut duode-
cim pauperibus pedes & manus abluat; deinde ipse singulis singu-
los offerat denarios, similiter & in crastino faciat.

47. [Post prandium servitorum, *adnotat Consuet. S. Benigni*, quibus
etiam alia consentiunt, sicut aliis diebus itur in refectorium quasi bibendi
caussa, cum nihil ibi, nisi qui voluerint, aquam bibant; de colla-
tione itur ad caritatem in refectorium, & de vino quod tunc pro-
phatur nullas praesumere debet abstinere, ut non quantulumcumque
gustet;] sed Laudunenses nullam caritatis ad collationem facient
mentionem. Denique tam Benigniana Cons. quam Corbeienſe Ord-
inarium [ipsa etiam die, *inquit*, fit elemosyna de pane & vino,
omnibus qui volunt;] & liber L suum Cister. : [Fratres laici post
Completorium claustrum & capitulum mendant.

c. 61.
c. 12.

48. Unus superest ritus, quem duobus tantum in locis offendi, sci-
licet in Concordia Dunstani post Crucis adorationem & in Tullensi
Ordinario statim post Vesperas. Hunc prout ibidem describitur, pro-
priis eorum verbis hic refero, & ut à Dunstani Concordia incipiam:
[Quia *inquit*, ea die depositionem Corporis Salvatoris nostri cele-
bramus, usum quorundam Religiosorum imitabilem, ad fitem in-
docti vulgi, & neophytorum corroborandam, equiparando sequi,
si ita cui visum fuerit, vel sibi taliter placuerit hoc modo decrevi-
mus: sic autem in una parte altaris, qua vacuum fuerit, quadam
assimulatio sepulchri, velamenque quoddam in gyro tensum; in quod-
dam sancta Crux adorata fuerit, deponatur hoc ordine: Veniant Dia-
coni, qui prius portaverunt eam, & involvant eam sindone in loco
ubi adorata est; tunc reportent eam cantantes antiphonas, *In pace
in idipsum; habitabit. Item. Caro mea requiescet in spe*, donec veniant
ad locum monumenti; depositaque Cruce ac si Domini nostri J. C.
corpore sepulto, dicant antiphonam, *Sepulto Domino signatum est
monumentum, ponentes milites qui custodirent eum*. In eodem loco sancta
Crux cum omni reverentia custodiatur usque Dominicam noctem Re-
surrectionis; Nocte vero ordinentur duo fratres, aut tres, aut plures
si tanta fuerit congregatio, qui ibidem psalmos decantando excubias
si leles exerceant.] Tullense vero S. Apri Ordinarium: [Finitis igitur
Vesperis, & Sacerdote casula tantum deposita, Diaconoque in alba,
stola, & fanulo, & Thuribulario, & Ceroferariis in albis existentibus,
accipiatur Crux ab ipso Sacerdote super altare S. Petri, & fiat proces-
sio ad sepulchrum; in qua processione iste ordo servetur: Primò

Hhh 2

» procedunt Ceroferarij, subsequatur Thuribularius, & post ipsum Diaconus
 » corporale gestans involutum; si verò Dominus Abbas faciat officium,
 » Presbyter qui ei servivit ad Missam crucem portabit, & Abbas post cru-
 » cem ibit; deinde seniores in ordine, & postmodum juniores, dicentes sep-
 » tem psalmos poenitentiales ... *Gloria Patri*. Ii autem qui portant cereos,
 » thuribulum, corporale, & Crucem, faciant stationem ad ostium sepulcri,
 » versùs portellas claustrì, ad ultimum verò pueri; portetur crux in sepul-
 » chro à Sacerdote, qui fecit officium in Missa, siue sit Abbas, vel alius;
 » ipsumque præcedant Ceroferarij, Thuribularij, & Diaconus; & collo-
 » cet ipsam Crucem super altare, ponatque corporale involutum super
 » aspectum crucifixi, & alium pannum super ipsum corporale, incipien-
 » do has antiphonas alta voce, & chorus prosequatur antiphonam,
 » *In pace*, antiphonam, *Habitabit*, antiphonam, *Caro mea*, antiphonam,
 » *In pace factus est*. Iis finitis, egrediatur per aliud ostium sepulchri, eo
 » ordine quò per primum sunt ingressi. Tunc Sacerdos qui facit offi-
 » cium, siue sit Abbas, siue alius, claudat ostium sepulchri incipiens
 » hoc & *Sepulto Domino*, & chorus prosequatur, finitaque repetitione
 » post ψ , à loco recedit processio, & ostium sepulchri firmetur à
 » Sacrista.

CAPVT XV.

De Sabbato sancto.

1. **S**abbato sancto septem potissimum investiganda sunt. 1. Ornatus
 Saltarium, 2. Ignis novi benedictio, 3. Cerei Paschalis item
 benedictio, 4. Prophetarum lectio, 5. Aquæ lustralis benedictio cum
 sua litania, 6. Missa, 7. denique Vesperæ. Nam reliqua pene omnia
 eodem modo & ritu, quo die præcedenti peragebant. Ita nocturnas
 vigiliis cum novem duntaxat psalmis, toridemque lectionibus cele-
 brabant tribus scilicet ex Lamentatione Hieremiæ Prophetæ, tribus
 ex S. Augustino super psal. tribus denique ex Epistola ad Hæbreos,
Christus assistens Pontifex, pro quibus Dionysianæ consuetudines assi-
 gnant tres Lectiones de Evangelio quod sic incipitur, *Vespera sabbati*,
quæ lucefcit, Compendienses notant simpliciter homiliam, lib. Vsum
 Beccensium sermonem S. Hieronymi de *Vespero Sabbati*

2. Matutini, Prima, Tertia, Sexta, & Nona, ut pridie: nisi quod
 Cassinenses qui pridie ad Primam psalmum, *Deus Deus meus* canta-
 verant, Sabbato, *Deus in nomine tuo* &c. dicebant. Post Primam septem
 psalmos cum litania mittebant Compendienses nostri, quod ipsis
 solis fortè fuerit singulare. Alij finita Prima sedebant in claustro, &
 tunc, ut loquuntur conf. S. Germani à Pratis juvenes homines can-

tabunt historiam paschalem. [Ad initium capituli, inquit Floriacenses S. Benedicti consuetudines; debent omnes congregari, ut dum pronuntiatum fuerit *Resurrexit Dominus noster Iesu Christi*, petant omnes veniam, & dicant sub silentio, *Gloria tibi Domine qui surrexisti*. Post quæ sit sermo.] Sermonem prætermittebant Parisienses S. Germani. Præterea *Sabbato Pascha* inquit Lyrenses *conf. leguntur præcepta in capitulo, ibique sunt Abbas, & Bailliv, & omnes alij*. Post capitulum & post Sextam sedebant in clauſtro ad *Colloquium*, eodemque die fiebat *raſara* ex Lyrenſium conſuetudinibus. Hæc minutiora adnotare libuit, ne quid fortè prætermiſiſſe videremur.

3. Ornatus altarium non uno apud omnes fiebat tempore, Cluniacenses ex Udalrico lib. c. 14. Floriacenses, Divionenses, Laudunenses, Corbeienſes, & Parisienſes S. Germani finitiſtis ſtatim Matutinis id præſtabant. Idem præſcribunt Germaniæ conſuetudines & Dionyſianæ, poſt Primam; Statuta Lanfranci ante & poſt capitulum; Caſinenſe Ordinarium poſt Sextam; Tullenſe ante officium. Circa hunc altarium ornatum notandum maximè quod in conſuetudinibus Germaniæ præſcribitur hiſ verbis: [Poſt Primam verò ornetur eccleſia tabulis, cortinis, coronis, lampadibus, candelabris, cereis: Dum autem hoc agitur, obſervatæ ſint januæ eccleſiæ: cùm verò abſiſtes, & altaria ornanda fuerint linteaminibus, palleis, capſis, & diverſis reliquiarum: crucibus, & philacteriis, buxis quoque, & pixidibus, & textis; ſeu cùm protendendæ fuerint meliores cortinæ, albis ſint induti Cuſtodes; quod etiam in ſummis feſtis eodem modo ſervetur. A ſamulis, ut adſolet nihil huiusmodi tractetur; ſed ſi expedit dentur cuſtodibus fratrum ſolatia, quorum adjutorio expediatur, & diligentius id perficiant. Altare majus ſit coopertum linteis uſque ad Miſſas, & à Miſſis uſque ad Veſperas, & à Veſpera uſque ad Evangelium tertij nocturni.] Hiſ adde quod in Dionyſianis lego conſuetudinibus: [Interim, (ideſt poſt Primam,) Domnus Abbas, & Priores, & ſocij Abbatis ſuccincti mudent infra Sancta ſanctorum.

4. Ad officium, quod dicta Nona, ab ignis novi benedictione incipiebat, conveniebant omnes *abſiſtes* induti ex conſuetudinibus Germaniæ, S. Dionyſij, B. M. de Lyra, atque Ordinario Tullenſi, & S. Petri ſupra Divam; quamvis ex lib. Uſum Becc. & Conf. S. Germani à Pratiſ, ij ſoli induerentur, qui ſervituri, lecturi, aut cantaturi eant ad Miſſam, & officium. Quia verò prolixius erat hæc die ſervitium, ideo hora diei ſeptima conveniebant, ut diſcimus ex vetuſtiſſimo Ordine Corbeienſi pro Majori hebdomada, cujus hæc verba: [Sabbato ſancto hora vii veniant omnes in eccleſia, & excutiant ignem ſuper portam, & illuminetur candelæ, & ab Abbate portetur, proſequente cum populo cum ſilentio.

5. Quamvis in omnibus communiter Ordinis noſtri monaſteriis tribus ante Paſcha diebus, hoc eſt Cœna Domini, Paraſceve, & Sab-

bato sancto fieret ignis novi benedictio; nonnullis tamen in locis, ut apud Laudunenses, Cistercienses, Bursfeldenses, Casalinos, inmo & eos qui Lanfranci statuta observabant, solo Sabbato sancto; apud Casinenses sola feria quinta peragebatur; unde in veteri eorum Ordinario ad feriam quintam in Cœna Domini præscribitur, [ut de hoc igne, statim ut excussus & benedictus fuerit lampas una accensa servetur in secretario ad illuminandum cereum qui sabbato benedicendus est.] Cartusienfes verò ignis novi, uti & Paschalis cerei benedictionem omnino prætermittebant. S. Lanfrancus qui solo Sabbato sancto novum ignem benedici statuit, rem hoc ordine celebrari jubet: [Post Nonam, *inquit*, induantur qui officium sunt celebraturi, & ad officium specialiter servituri, & infantes omnes, Sacerdos alba & stola; ceteri albis induti in chorum redeant. Dehinc procedant ad sacrandum ignem, canentes psalmum L. Primus omnium Secretarius, qui hastam portat, in qua sacratum ignem reporter; dehinc portitor aquæ benedictæ, post hos qui portant crucem & thuribulum; dehinc Sacerdos qui ignem sacraturus est, post quem infantes, dehinc reliqui induti, post quos alij fratres sicut procedunt Dominicis diebus. Sacrato igne projiciat Sacerdos aquam benedictam super eam, & postea ex carbonibus ipsius ignis impleatur thuribulum, quo impleto, imponat Sacerdos thus, & incenset ignem. Tunc accendatur cereus, quem portare in hasta debet Secretarius; accendatur & candela in laterna, ut si fortè in eundo extingatur cereus, ex ea accendatur; hanc laternam portare debet unus de Magistris puerorum. Ad hanc processionem candelabra non portantur. Eundem ordinem servant, in redeundo, quem habuerunt in eundo. Revertentes dicant hos psalmos, *Deus in nomine tuo, Miserere mei Deus miserere mei; Deus in adiutorium;* in sede Episcopali canatur à duobus pueris hymnus: *Inventor Rutili.* Ignis sanctificatus qui in clauetro remansit, à famulis Cellerarij colligatur, & ex hoc igne omnes foci in omnibus officinis prius extincti accendantur.] Quod de focis monasterij ex igne benedicto accendendis hic dicitur, in Dionysianis Compendiislibusque consuetudinibus continetur, atque id omnibus omnino monasteriis, ut existimo observabatur. Cistercienses & Bursfeldenses in ipsa ecclesia ad gradum Presbyterij ignem benedicebant. Notandum verò quod ex benedicto olim in Laudunensi S. Vincentij monasterio igne in Cathedrali B. Mariæ ecclesia deferrebat, unde nec Abbas ignem benedicebat, quin delaturus ad prædictam ecclesiam ignem nuntius à Canonicis missus advenisset.

6. Ad ignis novi benedictionem in Ordinario Tullensi adjicitur etiam incensi benedictio statim facienda: [Hac die, *inquit*, post Nonam eant ad benedicendum novum ignem, sicut in feria vi, omnes sumus in albis, Diaconus indutus alba, stola, fanulo, & dalmatica, portet lanceam cum candela, unus puer portet bacinum cum incenso. Facta

benedictione ignis, fiat benedictio incensi in hunc modum: *Oremus* " *Veniat omnipotens Deus*. Postea aspergatur aqua benedicta super incen- " sum; Diaconus vero candelam de igne novo accendat. } Sed hoc " Tullensi S. Apri monasterio videtur fuisse singulare, utpote de quo al- " tum ubique silentium, tamen Ordinariis seu consuetudinariis, quam in collectaneis, quae mihi videre licuit; licet in Floriacensis mo- " nasterij consuetudinibus legamus: [Sabbato sancto quidquid incensi " habetur, juxta Diaconum benedicentem cereum Paschalem deferatur, " ut ab eo benedicatur;] quod in aliis utique monasteriis etiam obser- " vabatur, ut colligi facile negotio potest ex Ordinario Corbeien- " si, consuet. S. Benigni Divionensis, & sancti Germani à Pratis, in quibus idem praescribitur, verum hoc non in ignis novi, sed in cerei Paschalis benedictione; neque à Sacerdote, sed à Diacono; quod certè faciebat cum ad hæc benedictionis verba pervenisset, *Curvet imperia*: [Et dicto " usque ad hunc locum, *Curvet imperia*, (inquiunt Laudunenses consue- " tudines,) sequitur benedictio super incensum dicenda à Diacono, & " legenda, cunctis audientibus: *Dominus vobiscum. Oremus: Veniat om- " nipotens Deus*. Finita oratione Diaconus ponit incensum in thuribulo, " & incensat cereum cantando sicut prius: *In hujus igitur*, &c.

7. Peracta ignis novi benedictione, Diaconus indutus amictu au- " rato, & alba, stola etiam, & dalmatica, ut loquuntur S. Benigni consuetudines, cereum Paschalem, petita prius benedictione ex Sta- " tutis Lanfranci, benedicebat; Hanc orationem quasi voce legentis proferens: *Exultet jam angelica turba caelorum*; postea voce sublimiore, *Sursum corde* &c. inquit Dunstanus in Concordia, cui concinunt Ger- " maniae consuetudines hæc in verba: [Primam benedictionem com- " plectat in modum legentis; deinde illuminato de igne novo, secun- " dam decantet in modum praefationis. In hac benedictione cum ven- " tum fuerit ad illum locum: *Suscipe sancte pater incensi hujus*, Arma- " rius in eo foraminibus ante praecavatis crucem facit cum v. granis in- " censi,] inquiunt Divionenses S. Benigni consuetudines, adduntque " [ipse etiam cereus per manum Diaconi ejusdem incensi fumo per- " funditur;] hinc Statuta Lanfranci: [Unus autem ex Conversis cum " tempus fuerit, indicante Cantore deferat Abbati ignitis carbonibus " plenum thuribulum, in quo thure injecto, accedat ad Diaconum, & " juxta eum sit, ut cum tempus fuerit, accipiat ab eo thuribulum, & " incenset cereum.] Modum autem seu ritum cerei thurificandi discimus " ex consuetudinibus S. Germani à Pratis in quibus hæc extant: [Quan- " do Diaconus erit ad versum, qui est ante istum: *In hujus igitur*, ipse " ponet thus in suo thuribulo; quando ipse incipiet: *In hujus igitur*, " ipse ibit incensatum cereum in gyro.] Ad hæc verba, *Rutilans ignis* " *accendit*, tunc primum Diaconus cereum benedictum accendebat; quo " tempore reliquos cereos matricularius accendebat; ut existimare fas " est ex Benignianis consuetudinibus. In Laudunensibus consuet. praescri-

bitur ut cerei ante Corpus Christi ardentes extinguantur, & ex novo igne rursus accendantur. In Parisiensi S. Germani monasterio prapofitus de Domino Martino cereum accendebat. Sed nonnullis in locis prius accendebatur cereus Paschalis, quàm benedictio inciperetur: Ita videre est in vetustissimo Ordine Corbeienfi pro Majori hebdomada in quo Paschalis cerei benedictio post lectionem Prophetarum præscribitur in hunc modum: [Expletis lectionibus, regredientur foras, præcedentibus cum duobus Notariis, cereos tenentes; & induantur Sacerdotes, & Diaconi, & ministri, & clerici dalmaticis, & stolis, & omni ornamento; & illuminetur cereus, qui eodem die benedicendus est, de igne qui vferia excussus est, & intrent in ecclesiam, & benedicatur à Diacono sicut in sacramentorum continetur;] & in Concordia Dunstani c. 5. [Posito verò cereo ante altare, ex illo accendatur igne (scilicet benedicto) quem Diaconus more solito benedicens, hanc orationem quasi voce legentis proferens dicat: *Exultet jam &c.*] Circa hanc orationem, seu benedictionem cui septenam litaniam præmittabant Dionysiani, & Compendienses, notandum maximè quod refert Udalricus: [In cujus quodam loco cum aliquando non bene haberetur: *O felix culpa*, & quod peccatum Adæ necessarium esset, ante hos annos Dominus Abbas optimè fecit, quod fecit abradi, & ne amplius legeretur interdixit.] Interim verò dum dulci modulatione caneretur, fratres in choro stabant ex Ordinario Corbeienfi, & Benignianis consuetudinibus; sed in Ordinario Tullensi [ad benedictionem cerei cum Diaconus incipit præfationem, sedent fratres; cum verò dicit: *Oramus te D.*, capita inclinant aliquantulum surgendo; cum autem dicit: *Precamur ergo te*, surgunt omnes.

8. Cereo Paschali, qui ex libro Usuum Cisterciensium pondus trium librarum panis regularis excedere non debebat, annum Dominicæ Incarnationis, Indictionem, & currentem Epactam inscribebat Armarius. Hanc inscriptionem ita nobis exhibent Floriacensis monasterij consuetudines.

Hæc est notitia scriptura brevis, quam debet Armarius deponere in cereo Paschali.

» In nomine individue Trinitatis: Amen.
 » Ad honorem Dei omnipotentis, & S. Matris Ecclesiæ, & B. Mariæ
 » semper Virginis, & B. Patris Benedicti; & sanctorum quorum reliquie
 » continentur, & nomina venerantur in præfenti ecclesia, & omnium SS. in
 » glorificanda Resurrectione Domini nostri J. C. unigeniti filij Dei, cereus
 » iste sanctificatus est, & accensus. Deinde qualis sit annus Dominicæ In-
 » carnationis, quot anni sunt ab obitu Patris Benedicti, & à Translatione in
 » hoc Floriacense cœnobium, & à relevatione ejus: qualis est Indictio; Epac-
 » ta currens à bisexto, circulus lunæ, terminus Paschæ, littera Domini-
 » calis,

calis, dies Dominicus Paschæ, luna ipsius diei, & aureus numerus; Pontificante N. Papa, & quot anni sunt Pontificatus ejus: Regnante illustrissimorum Rege Francorum N. & quot anni sunt regni ejus, & à Nativitate ejusdem.

9. Accensus autem cereus, ex Lanfranci Statutis, ardebat usque in crastinum post Vesperas, ex lib. Us. Cist. usque post Completorium sequentis etiam diei; quoties verò deberet accendi, tradit Tullense S. Apri Ordinarium his verbis: [Cereus autem ardeat usque post Nonam sequentis diei, & in die ad Vesperas, omnibus etiam Dominicis diebus, ac etiam in festis, in quibus festivè legitur ad Matutinum usque ad Ascensionem Domini, ad magnam Missam, & in vigilia Ascensionis ad Vesperas, & in die ad Missam, & ad Nonam ardeat similiter; Die verò Ascensionis post ix à Sacrista de loco suo auferatur;] & Bursfeldense: [Cereus autem continuè ardeat usque post Completorium in crastinum, & insuper tribus diebus proximè sequentibus, necnon omnibus diebus Dominicis, & festis xii. lect. usque ad diem Pentecostes inclusivè, in Vesperis, Laudibus & Missa dumtaxat.

10. Hactenus de benedictione cerei Paschalis, prout in omnibus communiter monasteriis peragebatur; ubi de Calsinenfibus nullam fecimus mentionem, quorum cum speciales fuerint hujus benedictionis ritus; hos hic, prout in vetusto eorum Ordinario extant, referre visum est operæ pretium; tales autem sunt. [Hora Nona ingrediantur secretarium Sacerdotes, & ministri, & induant se vestimentis solemnibus, & antecedente Acolytho cum accensa candela in arundine, procedant de more in ecclesiam cum silentio, & inclinati ad altare vadant sedere; qui autem lectiones legere, & tractus debent cantare omnes induti pluvialibus sunt in capite utriusque chori per ordinem. Tunc Diaconus postulata benedictione à Sacerdote, tollat benedictionem cerei desuper altare, & egrediens per medium chori inclinato capite dicat fratribus: *Orate pro me*, quem præcedant duo Subdiaconi, & prædictus Acolythus ferens cereum in arundine. Diaconus ascendens in ammonem dicit tribus vicibus alta voce: *Lumen Christi*; respondeant omnes: *Deo gratias* similiter tribus vicibus. Interim Acolythus illuminet cereum magnum qui benedicendus est; & post hæc Diaconus incipiat benedictionem ipsius: *Exultet*; quæ expleta, revertatur ad altare, & tunc accendantur ad altare in duobus candelabris duo cerei, & de ipso igne accendatur in omni domo; quia omnis ignis interior extingui debet.] Ita Calsinense Ordinarium, ubi quod prius ex vetusto Ordine Corbeienfi & Concordia Dunstani observavimus, cereus Paschalis ante accendendus dicitur, quàm benedictio incipiarur, quod etiam in Ordine Romano præscribitur; quare quod ex aliis diximus recentioris videtur instituti.

11. Cerei benedictionem excipiebat Prophetiarum lectio, quæ tamen & ex antiquo Ordine divini Officij in Domo Benedicti ante Pas-

cha tom. 4. anal., & ex vetusto Ordine Corbeienſi pro Majori hebdomada, præmitti debebat, accenſis prius duobus cereis, quos tenebant Acolyrhi duo; unus à dextris altaris, & alter à ſiniſtris ex prædicto Ordine Corbeienſi, Concordia Dunſtani, & Ordinario Caſſinenſi; & præmiſſa confeſſione ex conſuetudinibus Grandimontenſium:

c. 16. „ [Cerei benediſtione expleta, ſtatimque facta confeſſione, legitur prima lectio,] quod iſpis, & Cartuſienſibus videtur extitiſſe ſingulare.

12. Primam lectionem ex Dunſtani Concordia incipiebat *Subdiaconus*, ex Dionyſianis Compendienſibusque conſuetudinibus, Ord. S. Petri ſupra Divam, *Prior*, ex Conſ. Germaniæ *Abbas*; ſed ex libro conſ. S. Benigni Divion. Corbeienſi, Tullenſique Ordinariis omnes Lectiones à Prioribus cantabantur, quibus conſentiebant hac in re Ciſterciennes in libro Uſum ita decernentes: [Et ſciendum eſt quia ordo fratrum has lectiones legentium incipitur à Prioribus; in ſabbatis verò Quatuor temporum à minoribus;] & Cartuſienſes, apud quos [Lectio prima legitur à Priore, vel eo abſente ab antiquiore, & ſic ſucceſſivè per ordinem.] In libro Uſum Beccenſium [ad primam lectionem ſcribitur Prior, deinde Cantor, & alij de majoribus; Presbyteri tamen, vel Diaconi;] & in Lyrenſi monaſterio [legebat primam Prior, ſecundam Cantor, ceteras majores prout cantor in tabella illos diſpoſuerat.] Denique ex conſuetudinibus S. Vincentij Laud. [Omnes Cantores tam in tractibus, quàm in lectionibus debent eſſe Sacerdotes, & induti albis;] Lectionemque non pronunciabant niſi accepto prius manipulo.

13. Has autem ſine titulo legebant, aſcendentes in *ambonem*, ut præſcribunt & vetuſtiſſimus Ordo Corbeienſis, & Dunſtani Concordia; vel ad *gradus*, ut loquitur Caſſinenſe Ordin.

14. Lectiones duntaxat tres adſignat Dunſtani Concordia, nimirum 1. *In principio creavit.* 2. *Factum eſt in vigilia.* 3. *Hac eſt hereditas.* Primæ lectioni ſubjungit orationem: *Deus qui mirabiliter*; ſecundæ tractum: *Cantemus Domino*, & orat.: *Deus cujus antiqua miracula*; tertiæ orat.: *Deus qui Eccleſiam tuam*, tract.: *Sicut ſervus*, orat.: *Concede quaſumus omnipotens Deus.* Quartam lectionem addunt Germaniæ conſuetudines, Udalricus l. i. c. 15., Corbeienſe Ordinarium, Laudunenſes, Dionyſianæ, Compendienſes, Grandimontenſesque conſuetudines, Cartuſienſesque & Caſalini ſcilicet, *Apprehendent*, quæ apud eos eſt tertia; huic tractum: *Vinea facta*, & orat.: *Deus qui nos ad celebrandum*; quartæ verò tractum, *Adtende cælum*, Orat. *Deus qui Eccleſiam tuam*, tract.: *Sicut ſervus*, Orat. *Concede quaſumus*, ſeu *omnipotens ſempiternæ Deus* Subjiciunt Germaniæ conſuet. Laudunenſes, & Cluniacenſes apud Udalricum, atque Ordinarium Corbeienſe; ſed Cartuſienſes poſt quartam lectionem tractum: *Sicut cervus*, cum orat.: *Deus qui Eccleſiam* duntaxat dicunt; Caſalini oration. *Deus qui Eccleſiam*, tract.: *Sicut cervus*, & orat.: *Concede.* Quintam lectionem ſuper-

addunt liber Usuum Beccensium, Tullenſe S. Apri, & S. Petri ſupra Divam Ordinarium, cum quatuor tractibus; ſcilicet poſt ſecundam lectionem: *Cantemus Domino* à duobus Presbyteris *ſuperioris gradus*; poſt tertiam: *Vinea facta*, à duobus Presbyteris *mediocriſ gradus*; poſt quartam: *Adtende calum*, à duobus Presbyteris *inferioris gradus*, cui orationem: *Deus humilium celfitudo* ſubjiciebant; poſt quintam quæ incipiebat: *Nabuchodonofor*, tr.: *Sicut cervus*, à duobus juvenibus ex Tullenſi Ordin.

15. Duodecim lectiones præſcribit vetus Caſinenſe Ordinarium eaſque ferè eaſdem quas modò legimus cum quatuor tractibus; uno poſt quartam, altero poſt octavam, tertio poſt decimam, ultimo poſt ultimam lectionem. Duodecim etiam lectiones notat antiquus Ordo officij in Domo Benedicte ante Paſcha: [Sabbato, *inquit*, poſt horam Nonam pulſato ſigno intrent in oratorio; dicta oratione, incipiunt lectiones XII., cum IX orationibus, toridemque gradalibus, & ſequuntur benedictiones, & benedictio certi, & aquæ;] Sed Ordo Romanus quatuor tantum adſignat. Has porro lectiones ex vetuſto Ordine Corbeienſi pro Majori hebdomada *planè*, ex Ordinario Tullenſi *feſtivé media nota ſubtracta* cantabant.

16. Circa orationes verò illud notandum, quod abſque ſalutatione & ſine *Flectamus genua* in omnibus communiter monaſteriis dicebantur; licet contrarium doceat vetuſtiſſimus Ordo Corbeienſis pro Majori hebdomada præſcribens, ut prima prophetia [perlecta, dicat Sacerdos, *Oremus*, & Diaconus, *Flectamus genua*, & orent quouſque Diaconus dicat, *Levate.*] Inſtituti ſui rationem reddere videntur inferius noſtri Corbeienſes his verbis: [Et interrogavimus nihilominus Dominum Apoſtolicum Adrianum ſecundum mandata veſtra, ſi in Paſchali ſabbato debent flecti genua dum lectiones recitantur; & ipſe reſpondit hoc debere omnimodis fieri; cui cum diceremus, & quomodo Sacerdotes, vel miniſtri, ſeu Clerus cum ſtolis, & planctis poſſit in terram proſterni? Ille adjecit non debere a Sacerdos, miniſtros, vel clerum ſtolis prius, planctiſque veſtiri, niſi tunc demum cum novum lumen introducitur, ut cereus benedicatur.

17. Sequebatur litania, & quidem *triplex* ex Lanfranco, Udalrico, & quibuſdam aliis; *trina, quina, vel ſeptena* ad nutum Prioris ex conſuetud. Germaniæ, quod ſic intelligo ut ex omni Sanctorum ordine tres ſiant Sanctorum invocationes, vel quinque, vel ſeptem; & quidem à duobus in cappis incipienda. De hac litania audiendus eſt in primis Lanfrancus in Statutis: [Ultima oratione dicta, Cantor, & alter frater quem voluerit induiti cappis incipiant in choro litaniam ternam hoc modo: Cantores, *Kyrie eleiſon*; dexter chorus ſimiliter reſpondeat, *Kyrie eleiſon*; deinde ſiniſter, & cetera eodem modo uſque ad finem litanie, ternos ſanctos de unoquoque ordine dicant. Ad ſingula San-

a lege Sacerdotes.

chorum nomina uterque chorus inclinet, Cantores ad nullum: incepta
 litania fratres accedant ad formas, sicut in XII. lect. ad tertiam, Sacer-
 dos revertatur in secretariam, & deposita casula, & stola, redeat
 in chorum. Cum dixerint Cantores, *Omnes Sancti orate pro nobis*, ex-
 eant de choro Sacerdos, Levita, Subdiaconus, tres Conversi; & in-
 duat se Sacerdos casula, Levita dalmatica, Subdiaconus tunica. Finita
 litania pronuncient Cantores tribus vicibus alta voce: *Accendite*; &
 tunc primum accendantur candelabra, & cætera luminaria, quæ ante
 altare, & circa altare sunt.] Atque ita in omnibus communiter mo-
 nasteriis Ordinis nostri observabatur. Præterea ad verba, *Peccatores*, de-
 ponebantur chordæ signorum ut sint paratiora, aiunt Benignianæ con-
 suetudines & Corbeienſe Ordinarium, [pulsari, pronunciato *Accen-*
dite, & incipiente Kyrie eleison; pulsari verò cessant antequam *Gloria*
in excelsis incipiatur.] In monasterio S. Germani de Pratis. Duo Do-
 mini cantabant ipsam letaniam *Gallice en Creble* ut loquuntur ejusdem
 monasterij consuetudines M.S.

18. In Dionysiano Compendiensique monasteriis benedicebantur
 fontes, atque ideo duplex litania dicebatur: [Postea *inquunt Diony-*
siana consuetudines, eant ad fontes cantantes quinam letaniam, & be-
 nedicantur fontes; Capiciarius autem accipiat aquam benedictam de
 fontibus in uno vase antequam crisma mittatur, & servet illam usque
 in crastinum; quia tunc non fit aqua benedicta. Post benedictionem
 fontium incipiat Cantor versum: *Tibi laus*. Post redeant in choro can-
 tantes ternam letaniam, & cum dixerint: *Accendite ignem Dei*, accen-
 dantur omnes lampades, & cerei.] Idem habent Compendiensis quibus
 Concordat Dunstanus præscribens, ut [finita oratione inchoentur
 litanie septenæ ad Introitum ante altare. Postea descendat Abbas cum
 schola canentes litanias quinas ad fontes benedicendos. Sequitur: *Om-*
nipotens sempiterne Deus, & præfatio: his expletis, redeunt ad altare
 cum letania terna, & antequam cantatur *Gloria in excelsis Deo*, ma-
 gister scholæ dicat alta voce: *Accendite*, & tunc illuminentur omnia
 luminaria ecclesiæ.

19. In Ordine Romano præscribitur ut in monasteriis ubi baptismus
 non fit, [aqua benedicatur à Sacerdote, & spargatur in omni Domo;]
 atque ita Cassinense Ordinarium [Lectionibus expletis, *inquit*, rever-
 tatur Sacerdos in secretarium, dehinc benedicatur aqua à Sacerdote pri-
 vatim, & aspergatur in omni domo; deinde illuminentur candelæ,
 & pergant tres Clerici ante altare, & incipiant canere litanias, & unus
 chorus respondeat similiter, & alter id ipsum subsequatur.

20. Finita letania Missam solemni ritu cantabant, pro qua [cum
 dicitur: *Agnus Dei*, ait *Cassinense Ordinarium*, procedat Sacer-
 dos de secretario, antecedentibus se ministris, ritu solemni. Finitis
 letaniis, & *Kyrie*, sonent omnia signa, & dicat Sacerdos: *Gloria in ex-*
celsis Deo.

21. Hæc Missa solita antiphonâ ad introitum carebat, incipiebatque à solenni *Kyrie eleison*; quod dum imponebat Cantor in choro, Sacerdos accedens ad altare solita confessione præmissa, atque altari thurificato ex Tullensi S. Apri Ordinario, lib. Uluum Becc. consuet. Lyræ, lib. Uf. Cisterc., consuetudinibusque Grandimontensium, *Gloria in excelsis Deo* incipiebat, & quidem Cantore ei deferente, ex Tullensi Ordinario; licet ex lib. Uf. Becc., & consuet. Lyræ sine annunciatione Cantoris. Chorus autem respondens, *Et in terra pax* flecebat genua ex lib. Uf. Becc., & cons. Lyræ. Interim omnia pulsabantur signa usque ad finem hymni apud Cistercienses, usque ad *Domine Deus rex celestis*, quibusdam tamen in cœnobiis ante pulsabantur signa quam *Gloria* inciperetur.

22. Hymnum Angelicum excipiebat collecta, collectam Epistola in pulpito ex Dionysianis consuetud. Epistolam *alleluia: Confitemini*, quod ex Dionysianis Comp. Laudunensibusque consuetudinibus cantabatur à tribus, ex aliis quibusdam à duobus; apud Cassinenses verò hoc modo: " Epistola [expleta, Sacerdos cum ministris ad altare *alleluia*, & chorus " respondeat *alleluia*; illi ab altari dicant & *Confitemini Domino*: Deinde cā- " tent in choro tractū, *Laudate Dominum*.] In Germaniæ consuetudinibus " cum *alleluia* jungitur sequentia, quam sequitur tractus scilicet: *Laudate Dominum omnes gentes*. Post hæc Evangelium, [Ad quod non portetur " nisi thymiama tantum,] inquirunt consuetudines Germaniæ, ac proinde " sine candelabris, quibus concordant vetustissimus Ordo Corbeiensis pro Majori hebdomada, Cassinense Ordinarium, & Corbeiensis, Dunstani Concordia, Lanfranci Statuta, Udalricus, consuet. S. Benigni Divionensis, S. Vincentij Laudunensis, Tullense Ordinarium; ubi etiam notandum est quod ait Lanfrancus: [Quando legetur Evangelium non " teneantur candelabra; sed solum thuribulum. In hac consuetudine " concordant omnes ferè principales monachorum Ecclesiæ, quæ nostro " tempore majoris autoritatis sunt, sicut & in eo quod offerenda, & " *Agnus Dei*, & communio ad hanc Missam non dicuntur, licet cetera " festivè dicantur. In quibusdam quoque non improbandæ autoritatis " cœnobiis nec ante Sacerdotem ad altare procedentem hac die cande- " delabra portantur.] Inter hujusmodi non improbandæ autoritatis " cœnobia accenseri debet Cluniacense, Divionense S. Benigni, Cor- beiensis S. Petri, &c.

23. Dicto Evangelio [si quis Sacerdotum privatim Missam cantare " voluerit, inquit Udalricus, licentiam accipere potest, & similiter in- " cipiatur à *Kyrie eleison*.] Idem habent Benignianæ Laudunensesque consuetudines, & Ordinarium Corbeiensis, sed hæc fortè intelligenda sunt eo modo quo loquuntur Comp. S. Cornelij consuetudines, cum dicunt: [Hac die nullus debet cantare nisi magna necessitate cogente, & tunc " etiam per certam licentiam, & hora idonea;] nam ut ait liber Uf. " Cisterciens. [In hac die nulla Missa privata ab aliquo est dicenda,] " c. 23.

generalisque Ordinis extitit consuetudo, ut omnes in Missa communicarent; licet aliquibus in locis licentiam factam legimus Sacerdotibus post Evangelium, sive post letaniam, Missam celebrandi.

24. Post Evangelium, quod ex Compendiensibus S. Cornelij consuetudinibus in *lectorium* cantabatur, Sacerdos dicto: *Dominus vobiscum*, subungebat, *Oremus*; sed offertorium, *Agnus Dei*, & communionem non dicebat. Unus post Evangelium offerebat Prior ex lib. c. 62. conf. S. Benigni Divionensis; ad pacem omnes accedebant ex eodem libro conf. Germaniæ, Udalrico l. 1. c. 14. Ordinario Corbeiensi, consuet. S. Dionysij, missalique Cartusiensium; sed ex Concordia Dunstani [pacem non debent dare, nisi iis qui communicant] apud Cassinenses vero, Compendienses, Beccenses, atque Lyrenses nulli pax dabatur.

25. Sumpto pretioso Corpore & Sanguine Domini, Sacerdos fratres omnes communicabat ex conf. Germaniæ, Udalrico, conf. S. Benigni, Corbeiensi, & Tullensi Ordinariis, lib. Us. Beccensium, &c. Diaconum primum, & Subdiaconum, deinde ministros altaris, tum eos qui chorum in cappis tenebant, postea revestitos ceteros, ac tandem reliquum conventum.

26. [Dum verò communicatur, ait *Cassinense Ordinarium*, cantent pro Vespere antiphonam, *Alleluia, alleluia: In velamento*, & psalmum, *Laudate Dominum omnes gentes*. Lect. hymnus aut & non dicatur; sed tantum antiphona, *Vespere autem sabbati*, Psalm. *Magnificat*; post hæc dicat Sacerdos orationem ad complendum.

27. Ita nimirum Cassinenses vespertinam hac die synaxim brevi absoluebant, quibus concordant Dunstanus in Concordia, lib. Usuum Beccensium, consuetudines Lyre, S. Dionysij, & Compendienses, S. Petri supra Divam Ordinarium, consuetudines Grandimontensium, Missale Casalini; licet ad *Alleluia* antiphonam *In velamento* subjunxisse non videantur, pro qua Dionysianæ, Compendiensesque consuetudines, cum Ordinario S. Petri supra Divam, habent ant. *Crucifixus*. Antiphonam: *Vespere autem sabbati* ad *Magnificat* ter cantabant Dionysiani & Compendienses; quam siue neumate dicebant Beccenses, Lyrenses, & in monasterio S. Petri supra Divam, in cuius Ordinario hæc superadduntur: [Facta interim benedictione incensi ab Abbate, dicat idem ipsas Vesperas, stans ante altare cum ministris; postea dicat solemniter: *Dominus vobiscum*, & post communionem *Spiritus nobis Domine*, & à Diacono consequenter: *Ite Missa est* decanter] Sic illi Vesperas cum Missa cantabant, in qua [post Sanctus, inquit *Dionysiana* conf. sonent Vesperæ, & dum conventus communicatur, sonent omnes campanæ in choro, & in turribus.

28. Sed aliter in multis aliis monasteriis in quibus Vesperæ monastico more solemniter decantabantur. Ita consuet. Germaniæ: [Dicto ite Missa est, inquit, pulsetur signum ad Vesperas, & oratione præ-

missa, exui quoque albis, signis etiam ex more datis, cantent Vesperam secundum Regulam S. Benedicti, deinde de omnibus Sanctis.] Lanfrancus in Statutis [Celebrata ferè Missa, Sacerdote incipiente: *Per Dominum nostrum*, incipiant pulsari duæ squillæ ad Vesperas, ut mos est in maximis festivitatis. Responso *Deo gratias* ad *Ite Missa est*, fiat oratio Vespertina; qua facta, vadant infantes in refectorium, si aliqui adeo parvi sunt, ut usque post Vesperas expectare non possint. Interim pulsantur maiora signa duo & duo, ad extremum pulsatis omnibus signis, canantur Vesperæ, ut decet, solemniter. Hebdomadarius Cantor incipiat, *Alleluia*; ex aliqua antiphona, ex qua Cantor præceperit: Psalmi *Confiteantur*, Capitulum, *Si consurrexistis*, & *Angelus Domini locutus est*, hymnus, *Ad Cœnam agni providi*, & *Resurrexit Dominus*, ad *Magnificat*, *Vespere autem sabbati*; Collecta, *Deus qui hanc sacratissimam noctem*, post Vesperas procedant ad crucifixum.] Idem habet Udalricus l. 1. c. 14. Et Corbeienſe Ordinarium: [Missa celebriter peracta, inquit, statim ut mos est in huiusmodi solemnitatibus, duæ scilicet pulsantur ad Vesperos, sicut & signa sequentia bina & bina pulsantur: fit oratio, & tunc demum discooperitur altare; Domnus Abbas si vult non divestitur, sed indutus cappa venit ad Vesperos, & sedes ejus cortinis lineis à Secretariis propter cappam ornatur, confuerit psalmi cantantur, idest: *Confiteantur tibi*; cum alleluia quæ est secundum melodiam antiph. *Crucifixus*, Capitulum, *Si consurrexistis*, &c. . . . ad *Magnif.* antiphona, *Vespere autem*, quæ ter repetitur, & ad ultimum melodia ipsius antiphonæ cum *alleluia* iteratur, Collecta, *Deus qui hanc S. noctem*, suffragia SS. quorum prima antiphona est, *Alleluia, Sancta Dei genetrix*, *alleluia*, & psalmi familiares non omittuntur, processio quæ ad B. Mariam fieri solebat mutatur ad *Crucifixum*.] quæ totidem penè verbis extant in libr. conf. S. Benigni c. 62. Denique Cartusienſe Ordinarium: [post complendam & *Ite Missa est* cum duplici *alleluia*, suoque responso, Sacerdos statim Vesperas incipit dicens, *Deus in adjutorium*, &c.]

29. [Finita Missa, acta Vespera, ait *vetustissimus codex Cassinensis tempore Bertharii Abbatis scriptus*, pergunt ad refectorium antiphonam cantantes: *Vespere Sabbati* & dicta ibidem oratione exeuntes Presbyteri, & Diaconi, exuent se vestimenta Sacerdotalia; post hæc faciunt refectionem, inde cantant Completorium.]

30. Ad refectionem huius diei quod spectat, paucis Floriacensis monasterij consuetudines: [In refectorio, inquit, generale piscium à Cellerario procuratur, & pittantia vini cum phialis propinetur.] Subdit Cassinense Ordinarium: Inde [surgentes cantent psalmum, *Confitemini Domino* usque in octavam Pentecosten;] & consuetudines Grandimontensium: [Post prandium finito psalmo *Miserere mei Deus* cum *Gloria Patri*, statim cantatur *Æ. Hæc dies sine versu*, quo finito dicitur, *Dominus vobiscum*, & sequitur oratio, *Retribuere dignare: Dominus*]

» vobiscum, & Benedicamus Domino, alleluia : Deo gratias, alleluia.
 » 31. [Post refectionem, inquit Cistercienses in lib. Usuum, more
 » solito faciant Mandatum.] Istud mandatum ad solam manuum ablu-
 » tionem restringit Dunstanus in Concordia : [Eadem verò die, inquit,
 » tempore mandati aqua manibus tantum data à ministro caritatis officio
 » præbeatur :] Sed ex M. S. Germaniæ cons. mandatum in Paschæ vigi-
 » lia omnino prætermittitur, uti apud Cluniacenses ex instituto S. O-
 » dilonis teste Udalrico l. i. c. 14. idque communis monasteriorum usus
 » habuit, unde Dionysianæ consuetudines, nulla mandati facta men-
 » tione, [Post refectionem, aiunt, sedeant in clauistro usque ad colla-
 » tionem, & ad collationem cant in refectorium ad caritatem. Com-
 » pletorium eodem ordine celebretur, quo & post octavam Paschæ, sci-
 » licet psal. Cum invocarem : Qui habitat : Ecce nunc, hymnus, Te lucis ;
 » & dicatur ψ. Quæsumus auctor : Gloria tibi Domine, qui surrexisti ; cap.
 » Tu in nobis es ; ψ Custodi nos, Oratio : Visita.] Et tamen ex Dunstano
 » Completorium Canonico more erat dicendum.

» 32. Unum hîc addere oportet ex Floriacensis monasterij cons. ut ni-
 » mirum [Post Completorium mittat Capicerius ante unumquodque
 » altare cereos, qui accensi possint sufficere donec diescat.

CAPVT XVI.

De Resurrectione Dominica.

1. **V**enerandam cunctis Christi fidelibus Dominicæ Resurrectionis
 » solemnitatem, quanta devotione celebraverint veteres mona-
 » chi, nec lingua disserere, nec calamus scribere sufficiunt ; maxime
 » cum legamus eos pluribus ex monasteriis simul in unum hac die con-
 » venisse, ut divinis mysteriis unâ participant, Dominicæ Resurrectio-
 » nis solemnitatem tam ex numero fratrum, quàm ex mutua devotione
 » amplificarent ; ut de Tabennensibus sive Pachomianis narrat in primis
 » sanctus Hieronymus his verbis : [Omnium monasteriorum Princeps
 » Præf. » unum habetur caput, qui habitat in monasterio diebus Paschæ, ex-
 » ad Reg. » ceptis his qui in monasterio necessarii sunt, ad illum omnes con-
 » S. Pach. » gregantur ; ut quinquaginta millia ferè hominum Passionis Dominicæ
 » n. 7. » simul celebrent festivitatem.] Extat hac de re in codice Regul. p. 59.
 » S. Pachomij epistola [ad universa monasteria, ut cuncti fratres con-
 » gregentur in monasterium majus quod vocatur Baum in diebus Paschæ,
 » & sit omnium una solemnitas ;] & pag. 66. Theodori [Epistola ad
 » omnia monasteria de Pascha,] qua Præpositos hortatur, ne quem abs-
 » que gravi necessitate ab hac lege dispensent.

» 2. S. Cæsarius & S. Aurelianus Arelatenfes Episcopi ex omnibus
 » tam

tam Sanctorum festivitatis, quam Christi Domini sollemnitatibus unius Dominicæ Resurrectionis officium singulari studio instituerunt, cujus ordinem in ipsorum regulis scilicet S. Cæsarii ad Virgines apud Bollandum, S. Aureliani verò & ad monachos & ad Virgines videre licet. Ad nostros quod spectat, nullam certè prætermiserunt operam, quominus tantæ festivitati congrua devotione & sollemnitate responderent; Idcirco Floriacenses [in ipsa nocte, *inquiunt in consuet.* prius ceteris Sacrista surgat ad Matutinas, & accensis cereis super altare S. Benedicti, cuncta altaria thurificet.] Et nostri Beccenses in libro Usuum Beccensium: [Dominico sancto ad vigiliis classicum sonat ad excitandos fratres, qui post orationes eant omnes lavare manus, & loti induantur albis, tam priores quam juniores. Interim sonent signa duo & duo per intervalla, ut solent, & paratis omnibus sonet classicum & vigiliis; & matutinas more Canonicorum agant.] Idem habent. cons. Lyræ, Ordinarium S. Petri supra Divam, & S. Apri Tullensis. Solemnius adhuc aliquid agebant Corbeienfes monachi, apud quos [Dominica in festo Resurrectionis Domini ad Matutinas à principio usque in finem totus conventus erit indutus in cappa rubea,] ut loquitur Rituale Corbeienfe.

2. In monasterio S. Petri supra Divam ante vigiliis dicebat [unusquisque quindecim psalmos cum collectis assuetis] ex Ordinario ejusdem monasterij, in quo & illud additur: [Servitium quoque sanctæ Mariæ non obliviscatur tenetur quilibet.] Tullenses etiam S. Apri quindenos ante nocturnos recitabant psalmos.

4. Porro licet in Concilio Aquilgravenfi Episcopis volentibus monachos, relicto S. Benedicti officio, ad horas Clericorum Canonicas in die S. Paschæ adstringere, fortiter resisterint Abbates, ut auctor est Hildemarus in Commentario super Regulam S. Benedicti; ipsis tamen postea plurimos celsisse ultro fatendum; sive antea nonnulli ex reverentia Sedis Romanæ ita agere consuevissent, sive plures post hæc desidia breviorum Romanum cursum prolixiori S. Benedicti officio præferre persuaserit. Ita Cassinenses ex veteri Ordinario, Dunstanus ex Concordia, Beccenses ex libro Usuum, Lyrenses, Dionysiani, Compendingenses ex suis consuetudinariis, Corbeienfes ex consuetudinibus & Rituali Corbeienfi, & in monasterio Sancti Petri supra Divam officium hac die totum Canonicorum more celebrabant; sed hoc non statim sed sensim, nunc apud istos, nunc apud illos receptum est: Nam per plures ex illustrioribus Ordinis nostri monasteriis monachi institutum à S. Benedicto officium constanter retinuerunt: Ita Einsidenses aliique Alemanni ex consuetudinibus Germaniæ, Cluniacenses ex Udalrico l. 1. c. 15, Divionenses ex libro consuetudinum ejusdem monasterij. c. 63, Corbeienfes ex veteri Ordin.; Lanfrancus ex Statutis, Parisienses S. Germani à Pratis ex cons. ejusdem monasterij, denique Casalini & alij per plures Regulare S. Benedicti officium hac

K x x

die persolvebant: quod autem alios postea moverit ad Romanum suscipiendum cursum, certè aut reverentia erga sedem Apostolicam, aut negligentia torpor fuit. Ad primum respexit S. Dunstanus in sua Concordia ita scribens: [In die S. Paschæ septem canonicæ horæ à monachis in ecclesia Dei more canonicorum propter auctoritatem B. Gregorij Papæ Sedis Apostolicæ, quam ipse antiphonario dictavit, celebrandæ sunt.] Ad posterius fortè nonnulli licet antiquos maximè proclives ad prolixam psalmodiam fuisse constet; ubi sanè venit in mentem quod scribit Bertrandus monachus in tripartito libro Mir. S. Roberti Abbatis Casæ Dei dist. 3. n. 4. [Vir Domini Robertus mutato habitu Canonicorum, divinum tamen officium in vigiliis S. Paschæ & Pentecostes mutare noluit. Illo autem ad æthereas sedes evecto, ejus discipuli: Quia inquit, monachi sumus in tam excellentibus festivitibus XII lect. monachorum more, non tres usu Canonicorum exequi debemus. Quod cum ab omnibus statutum fuisset, contigit ut sequenti die Sancto Paschæ, non sine nutu divino, ut creditur, nullus è tanta multitudine evigilaret, donec aurora elucesceret. Non valentes itaque XII. lectiones, tres more paterno divinitus correcti, & hinc deinceps gratanter cœperunt exolere.

5. Qui horas Canonicas more Clericorum persolvebant, hi ad nocturnas vigiliis præmissò in primis *Domine labia mea aperies*: quem sequebatur *Deus in adjutorium*, deinde invitorium à quatuor in cappis canendum vel à septem in cappis scilicet Cantore, duobus Hebdom. & aliis quatuor in tabella notatis ut in Tullensi monasterio, totum officium tribus psalmis, cum tribus antiphonis, tribus lectionibus, cum tribus responsoriis, ad memoriam triduanæ Domini sepulturæ, ut aiunt conf. Grandimon. c. 17. & hymno *Te Deum laudamus* consummabant.

6. Quatuor invitatorij Cantores, qui in monasterio S. Petri supra Divam erant *quatuor Ballivi*, ex Dionysianis consuet. quoque ex Compendiensibus in choro remanebant post cantatum *inter duo altaria* apud Dionysianos invitatoriū; statimq; unus ex quatuor indutis incipiat antiphonam: *Ego sum*, inquit Compendienses S. Cornelij consuetudines, quam apud Dionysianos imponebat Hebdomadarius, hymno apud omnes prætermisso. Apud Lyrenses etiam primam antiphonam [Hebdomadarius, secundam & tertiam Abbas, & Prior alterius chori] incipiebant. Omnes antiphonæ bis dicebantur ex lib. Us. Beccensium & conf. Lyræ, idque sine neumate.

7. Primam lectionem ubique cantabat Diaconus Hebdomadarius, secundam ex Ordinario Tullensi, libro Us. Becc., & consuet. Lyræ Prior, tertiam Abbas; vel si Episcopus vigiliis interesset, secundam Abbas, tertiam Episcopus: [Cum autem Episcopus, addunt consuetudines Lyræ, dixerit: *Iube Domne benedicere*, conventus respondeat: *Ora pro nobis Pater*; tunc data ab ipso benedictione, legit lectionem.

8. Suam porro lectionem Diaconus cum magno apparatu & solemnitate cantabat: Ritum nobis exhibent Dionysianæ consuetudines his verbis: [Prima lectio à Diacono alba & dalmatica induto, qui veniens esset ante Abbatem, & Abbas benedicat incensum, & sic cum ministris qui ferant candelabra & thuribulum eat ad aquilam, & cum dixerit Abbas: *Et ne nos*, statim dicat Diaconus: *Sube Domne*, & legat lectionem; post lectionem exuatur dalmatica, & indutus cappa redeat in chorum;] & Compendienses: [Diaconus indutus festiva dalmatica veniat in chorum cum cereis, & thuribulo; Diaconus ponat thus in thuribulo; & Abbas benedicat; postquam Diaconus thurificaverit altaria, redeat in chorum; tunc dicat Abbas: *Et ne nos*, quo dicto Diaconus dicat: *Sube domne*;] Et liber Ul. Beccensium: [Cum tertius psalmus incipitur, exeat Diaconus cum tribus Conversis, & induat dalmaticam, stolam, manipulum: Diaconus ipse ponat incensum, & cum finitus fuerit psalmus, cum antiphona, & versu: *Surrexit Dominus verè*, intret Conversis candelabra & thuribulum præferentibus. Positum sit analogium ante cereum quod incenset Conversus. Diaconus non facit ante & retro in principio; sed in fine: Alij verò qui lecturi sunt ad utrumque; ad Evangelium accendentur luminaria. Post primam lectionem duo candelabra quæ Conversi tenuerunt deponantur ante altare.] Idem habent consuetudines Lyre, quibus concinit S. Petri supra Divam Ordinarium. *Alia dua lectiones*, addunt Dionysianæ cons. in cappis legantur. In Tullenli cœnobio tres legebantur in cappis.

9. Præterea [in Resurrectione Domini, ad quaecumque lectionem thurificantur altaria simul & chorus,] inquit Floriacenses S. Benedicti consuetudines; & Dionysianæ [ad unamquamque lectionem deferantur duo thuribula, & thurificentur altaria, & conventus ex integro.] Similiter Tullense S. Apri ord. [ad quamlibet lectionem debet incensum portari à duobus Presbyteris in albis & cappis, quibus Sacrista injunxerit qui Sacrista à junioribus Presbyteris incipiat gradatim ascendendo.] sed liber Usum Beccensium præscribit tantum quod [ad secundam lectionem duo Sacerdotes intrabunt, & majus & minus altare, ac deinde totum conventum incensabunt.] Idem statuunt consuetudines Lyre; sed ab uno tantum Sacerdote faciendum, adduntque: [Hoc facto, statim exeat, & cappa exutus redeat in chorum in alba.]

10. Ad responsoria quod spectat: primum in Dionysiano monasterio à quatuor qui chorum tenebant, secundum à quinque in cappis, tertium à septem etiam in cappis concinebatur. In Compendiensi S. Cornelij primum à quatuor in cappis, à quinque secundum in frocis, à quinque similiter & tertium. In Lyrensi verò primum duo Hebdomadarij, secundum tres monachi, tertium quatuor item monachi. Addunt Dionysianæ, Compendiensesque consuetudines unumquodque respon. cum Gloria Patri dicatur, & post gloriam reincipiatur. Tullense verò

„ S. Apri Ordinarium ita decernit, [Primum *Angelus Domini* cantetur
 „ à duobus inferioribus Presbyteris: mox autem ut ipsum inceptum fue-
 „ rit, Cantor aliquantulum altius reincipiat ipsum *℟*, & chorus pro-
 „ sequatur. Secundum *Angelus Domini* cantetur à duobus mediocribus
 „ Presbyteris. Tertium verò *℟* cantetur à tribus in cappis candidis scilicet
 „ à Cantore & duobus aliis, & post unumquodque *℟* dicatur *Gloria*
 „ *Patri*.

II. Post tertium Responsorium singularem ritum præscribit in Con-
 „ cordia Dunstanus his verbis: [Dum tertia recitatur lectio, quatuor
 „ fratres induant se, quorum unus alba indutus ac si ad aliud agen-
 „ dum ingrediatur, atque latenter sepulcri locum adeat, ibique manu
 „ tenens palmam quietus sedeat; dumque tertium percelebratur *℟*,
 „ residui tres succedant, omnes quidem cappis induti, thuribula cum
 „ incenso manibus gestantes ac pedetentim ad similitudinem quæren-
 „ tium quid, veniant ad locum sepulcri; aguntur enim hæc ad imi-
 „ tationem Angeli sedentis in monumento, atque mulierum cum aro-
 „ matibus venientium, ut ungerent Corpus *Iesu*: Cum ergo ille resi-
 „ dens tres velut erroneos ac aliquid quærentes viderit sibi adproxi-
 „ mare, incipiat mediocri voce dulcissime cantare: *Quem queritis?* Quo
 „ decantato sine tenus, respondeant hi tres uno ore: *Iesum Nazarenum*,
 „ quibus ille: *Non est hic, surrexit sicut prædixerat, ite nunciate quia surrexit*
 „ *a mortuis*. Cujus missionis voce vertant se illi tres ad chorum dicentes:
 „ *Alleluia surrexit Dominus*. Dicto hoc, rursus ille residens velut revo-
 „ cans illos, dicat antiphonam *Venite, & videte locum*: Hæc verò dicens
 „ surgat, & erigat velum ostendatque eis locum cruce nudatum; sed tan-
 „ tùm lintheamina posita, quibus crux involuta erat. Quo viso deponant
 „ thuribula quæ gestaverunt in eodem sepulcro, sumantque lintheum,
 „ & extendant contra clerum, ac veluti ostendentes quod surrexit Do-
 „ minus, & jam non sit illo involutus, hanc canant antiphonam: *Surrexit*
 „ *Dominus de sepulchro*; superponantque lintheum altari. Finita anti-
 „ phona Prior congaudens pro triumpho Regis nostri, quod devicta
 „ morte surrexit, incipiat hymnum: *Te Deum laudamus*, quo incepto,
 „ unà pulsantur omnia signa, post cujus finem dicat Sacerdos versum:
 „ *In Resurrectione tua Christe verbo tenus*, & initiat matutinas dicens:
 „ *Deus in adiutorium*:] His affine est quod in Tullensi S. Apri Ordina-
 „ rio legitur his verbis: [In tertio *℟* dum dicti tres Cantores cantant
 „ & primum, quatuor eant ad majus altare, & sumant ibi duas cruces, &
 „ duo candelabra cum cereis, redeantque in chorum cum Thuribulario,
 „ & stent ad gradum chori expectantes ibi reiterationem *℟* post *Glo-*
 „ *ria Patri* faciendam: finita verò reiteratione post *Gloria Patri*, reinci-
 „ pitur idem *℟* à Cantoribus, & chorus prosequitur, vaduntque om-
 „ nes cantando cum processione ante altare S. Crucis, præcedentibus
 „ crucibus, Thuribulario, & Ceroferariis: tres verò Cantores, qui &
 „ *Maria* dicuntur, vadant ad altare S. Apri, & accipiant vascula ibi

posita; finitoque *℟* eant ad sepulcrum capitibus velatis amictibus
 suis, & cantent: *O Deus quis*: Puer verd qui Angelum repræsentat,
 stans in sepulcro palmam manu tenens, & in capite fanulum largum
 habens, respondeat: *Quem queritis?* Mariæ: *Iesum Nazarenum*. An-
 gelus: *Non est hic*. Mariæ: *Alleluia: Resurrexit Dominus*. Interim res-
 pondeant Mariæ: *Alleluia: Resurrexit Dominus*. Angelus: *Venite &*
videte. Finita hac antiphona, exeat Angelus de sepulcro per ostium
 ante; Mariæ verd intrent per ostium retro, & offerant vascula sua of-
 culantes altare; postea exeant de sepulcro per ostium per quod An-
 gelus exivit, capitibus denudatis, & stantes ante crucifixum conversæ
 ad populum incipiant hanc antiphonam: *Surrexit*, & chorus prose-
 quatur: *Dominus de sepulcro*, & residuum antiphonæ. Interim duo
 socij Cantoris ad loca sua revertantur, & cum aliis stent fratribus solo
 Cantore in medio remanente: Finita verd prædicta antiphona, in-
 cipiatur à Cantore: *Angelus Domini*, & chorus prosequatur, & can-
 tetur similiter: *Respondens autem*, & in fine dicatur *Alleluia*. Interim
 dum hæc cantantur, portetur ab Abbate incensum in sepulcrum,
 duobus Ceroferariis ipsum præcedentibus. Finito autem *alleluia* præ-
 dicto, incipiatur ab Abbate, Cantore sibi innuente: *Te Deum lau-*
damus: quo cantato usque post *Sanctus* revertantur omnes in chorum,
 residuum prædicti hymni cantando. Finito hymno, pronuncietur
 Abbati à Cantore *℣ Surrexit Dominus verè*, vel *Resurrexit Dominus*;
 postea incipiantur Laudes ab Abbate.] Eiusdem etiam ritus meminisse
 videntur Bursfeldenses in Ordinario suo hæc scribentes: [Quoniam
 secundum consuetudinem, quæ inolevit in sæcularibus maxime ec-
 clesiis, ut finito officio in Parasceve, crux in sepulcro quasi sepe-
 liendo recondi, & in nocte Resurrectionis Dominicæ ante pulsum
 campanarum silenter inde sustolli, ac per circuitum ecclesiæ aut ci-
 meterij deferri solet cum cantu convenienti submissa voce: ubi hu-
 jusmodi consuetudo in nostris monasteriis hætenus servata fuerit, præ-
 fertim si populum habeat; deinceps servari poterit, ut est moris.

12. In aliis vero monasteriis finito tertio *℟*, Abbas hymnum *Te*
Deum imponebat, ad quem [duo de signis majoribus sonent, inquit
 liber *Vf. Becc.*, Cum inceperint: *Per singulos dies*, sonent classicum
 ad Laudes usque ad finem; deinde dicto versu: *Surrexit Dominus de*
sepulcro, Sacerdos incipiat Laudes:] pro hoc versu Dionysianæ Com-
 pendienlesque consuetudines habent *℣ Surrexit Dominus verè*. Paullo
 aliter Cassinenses quorum in Ordinario sic lego: [Finita tertia le-
 ctione, incipiat Abbas hymnum: *Te Deum laudamus*; tunc pergat
 cum ministris, & induti pluvialibus pergant in chorum; finito hymno,
 dicatur *Te decet laus*, & sonentur signa, & incipiat Sacerdos: *Deus*
in adiutorium.] Laudes porro canebant cum quinque antiphonis, to-
 tidemque psalmis, sine capitulo, hymno, *Kyrie*, *Pater noster*; sed post
Benedictum, dicta antiphona, Sacerdos subjungebat: *Dominus vobiscum*,

tum orationem; quam sequebantur matutini omnium SS. In aliis tamen monasteriis ut in Dionysiano, Compendiensi, & Lyrensi dicebatur capit. : *Expurgate*, quod sequebatur versus, *Surrexit Dominus de sepulcro*, vel alius ab uno vel duobus pueris decantandus; post quem Abbas antiphonam ad Benedictus imponebat. Primam Matutinorum five Laudum antiphonam ex Dionysianis & Compend. consuetudinibus imponebat Hebdomadarius, reliquas Priores; antiphonam ad *Benedictus* Abbas; & hæc *ter* dicebatur. In Beccensi monasterio post orationem fiebat comm. de cruce, & de Beata Maria tantum; in Lyrensi de festo XII, vel III lect. si evenisset, deinde de Cruce & de sancta Maria; [Postea, *inquiunt*, dicat puer: *Benedicamus Domino* & reverentur ad strata;] prætermisiss Matutinis de omnibus SS., & processione ad crucem ex lib. Us. Beccens. Dionysiani nullam faciebant commemorationem; sed finitis cum una collecta Laudibus, & impertita coquinæ servitoribus benedictione, Matutinos de omnibus Sanctis cantabant.

13. Qui verò Regulare S. Benedicti officium constanter retinuerant, pulsatis, ut mos est in præcipuis sollempnitatibus, signis, cantatoque à quatuor in cappis invitatorio, tres percurrerant nocturnos, cum duodecim psalmis, & tribus canticis juxta Regulam: Ad singulos nocturnos unam dumtaxat præmittebant antiphonam ex Uldarico l. i. c. 15. & Ordinario Corbeiensi; nimirum ad primos sex psalmos: *Ego sum qui sum*, ad sex subsequentes: *Postulavi*, & ad cantica: *Ego dormivi*; licet ex consuetudinibus Germaniæ psalmi in utroque nocturno sicut & cantica *sub primo alleluia* intonarentur. Psalmos autem non alios cantabant, quam institutos à S. Benedicto ad diem Dominicam, scilicet *Domine in virtute tua* ut patet ex Statutis Lanfranci c. 1. §. 5., & Ordinario Corbeiensi. Cantica *Quis est iste qui venit de Edon*, quæ ex libro consuet. S. Benigni, & Ord. Corbeiensi dicebantur [in omnibus Dominicis usque ad octavam Pentecosten, & etiam in ipsis octavis, & in Ascensione Domini.] De hæc habent Germaniæ consuetudines n. 27.: Bini & bini & canant, & à Cantore si expedit aliùs aut mitiùs à capite unumquodque incipiat; quartum verò post gloriam repetitum tractiùs totum cantetur.] Cetera omnia ut in præcipuis sollempnitatibus fieri solebant, peragebantur; de quibus vide superiùs dicta c. 4. de Nativitate Domini, & inferiùs dicenda libro sequenti de festis. Tam pro nocturnis quàm pro Matutinis, de quibus hæc tantum adnotanda sunt ex cons. Sancti Benigni, & Ordinatio Corbeiensi: [Ad Matut. omnes antiphonæ postquam psalmis ante quos incipiuntur finitis cantatæ fuerint, melodia earum cum *alleluia* reincipitur, sicut & illius melodia de *Benedictus*. Capit. *Expurgate vetus*, & *Surrexit Dominus de sepulcro*.] Hymnus: *Aurora* & *Hæc dies quàm fecit*, qui exceptis nocturnis, Prima, & Completorio ad omnes horas dicebatur.

14. De Prima ita Concordia Dunstan [Ad Primam quatuor psalmi:

Deus in nomine tuo, & *Confitemini Domino* prima tantum feria; *Beati: Retribue*, cum *alleluia*, & capitulo, & versu: *Hac dies* directo à puero prolato; deinde *Kyrie eleison*, & oratio Dominica, cum symbolo, nec non & preces, solito ritu subsequente collecta.] Et consuetudines Sancti Dionysij: [Ad primam non dicatur hymnus, nec per totam hebdomadam, nec ad alias Horas; sed psalmi in directis, & oblique antiphona dicantur: *Deus in nomine cum Gloria: Confitemini*, & alij cum *Gloria Patri*, & *Beati immaculati: Retribue*; quibus dictis dicatur *Hec dies*, post quod dicat Sacerdos: *Dominus vobiscum*, & *Oremus: Concede quasumus omnipotens Deus*. In ipsa die, & tribus sequentibus non dicantur psalmi familiares.] Atque ita ferè alij Clericorum more canonicas horas celebrantes. Tertiam verò Sextam & Nonam cum tribus psalmis seu tribus binis octouariis ex psalmo 118., versu, & oratione; sine hymno, antiphona, & capitulo cantabant. Sed Tullenses S. Apri Romanum ad solas vigilias & Laudes officium recepisse videntur; nam & Horas diurnas cum hymnis & capitulis cantabant; & Vesperas sub una antiphona cum quatuor psalmis: *Laudate pueri: Laudate Dominum omnes gentes: Laudate Dominum quoniam: Lauda Ierusalem*, capitulo, hymno, &c. more monachorum.

15. Missæ matutinalis nulla sit mentio in Concordia Dunstani nec in M.S. Germaniæ consuetudinibus; immo expressè Dunstanus ait: [His septem diebus non canimus; *clarius verò Germania consuetudines*: Missa quoque non celebrabitur præter publicam] & revera solebant omnes ad majorem Missam communicare; In omnibus tamen communiter monasteriis cum Missa majori dicebatur saltem Missa matutinalis, quam cum unica tantum collecta dicendam decernit Lanfrancus in Statutis; cum commemorat. de Cruce, de B. Maria, de reliquiis, de omnibus Sanctis, & de festo hac die contingente cujus ad Laudes facienda esset memoria Ordin. Sancti Petri supra Divam. In Dionysiano verò monasterio omnia ut ad magnam Missam dicebantur ex cons. ejusdem monasterij, in quibus additur: [Et ad ipsam Missam matutinalem communicent pueri;] & similiter in Floriacensis monasterij cons.: [Ad Missam matutinalem debent pueri communicari, & ceteri qui voluerint] ut nimirum aliquid indigentes prægustare valerent; unde ibidem consequenter subjungitur: [Expleta Missa, illico pueri reficiunt, & à cellerario singuli duo ova suscipiunt.]

16. Hanc post Missam, *inquiunt Compendienses S. Cornelij cons.* sint omnes in albis, & fiat aqua benedicta, deinde Tertia cantetur.] Idem innuere videtur Ordinarium S. Petri supra Divam, in quo præscribitur etiam ut ad aquæ benedictæ asperersionem cantetur *H. Vidi aquam*, licet in Parisiensi S. Germani monasterio cantaretur: *Asperges*, & à Bursfeldensibus antiphona: *In die Resurrectionis*, Calsinenses autem hac die aquam lustralem non conficiebant, sed tantum dicta Tertia aspergatur, *inquiunt in Ordinario*, per fratres aqua quæ alia die benedicta

fuit; neque Dionysiani fortè, qui in suis consuetud. volunt dumtaxat ut [dum cantatur Tertia, Sacerdos eat per officinas cum Cruce, & aqua benedicta. Hanc ad processionem respicit hanc dubium Ordo officij in Domo S. Benedicti ante Pascha, dum ait: [Dominico die Resurrectionis scilicet, vadunt cum antiphona, & aqua sancta per singulas mansiones;] de qua etiam liber consuetud. S. Benigni Divionensis: [processio verò per omnes officinas eodem modo fit, quò in aliis Dominicis; nec etiam oratio: *Via sanctorum* remanet, sicut alibi dictum est, sicut nec in qualibet Dominica quæcumque solemnitas accadat;] quod idem habet vetus Corbeienſe Ordinarium.

17. Post Tertiam sollemnis fiebat processio, & quidem in cappis ex Statutis Lanfranci; ut in Natali Domini inquit consuetudines S. Dionysij. Cantanda hac in processione præscribit vetus Cassinensium Ordinarium his verbis: [Antiphonæ ad processionem: *Sedit Angelus: Ego sum a & o: Dicant nunc: Post passionem: Crucifixum;* in introitu ecclesiæ antiphona: *Christus resurgens.*] Consuetudines verò S. Benigni: [Ad processionem post aquam benedictam antiphona: *Vidi aquam;* deinde itur ad S. Mariam cum antiphona: *Tota pulchra,* quæ non finitur absque *alleluia;* & ibi dicto versu, & collecta de eadem S. Maria idest *Post partum,* & *Gratiam tuam Domine,* sequitur antiphona: *In die Resurrectionis.* Alia: *Sedit Angelus.* Ad stationem dicunt quatuor, vel sex Cantores & *Crucifixum* ipso die tantum ad introitum antiphona: *Christus resurgens;* ante Crucem dicit Sacerdos versum & collectam, qui modus processionis & cantus in omnibus Dominicis tenetur usque Pentecosten, excepto quod solo die Paschæ ad introitum chori incipitur & *Et valde;* aliis verò Dominicis & vel antiphona dicitur de Sanctis in quorum honore fundata est ecclesia.] Idem habet Corbeienſe Ordinarium. Vide Udalricum, de nique cons. S. Dionysij in Francia: [Post Tertiam fiat processio per claustrum ut in Natali Domini, & cantetur antiphona: *Vidi aquam: Sedit Angelus,* & *Crucifixum;* ascendendo in capitiò & *Stirps Jesse* cum *Alleluia,* & *Post partum virgo,* Or. *Gratiam tuam,* vel *Famulorum,* descendendo de capitiò & *Et valde mane,* in navi, *Christus resurgens* & *Dicant nunc* à tribus, post dicat Sacerdos & *Surrexit Dominus verè,* vel alium quemlibet de Resurrectione, Orat.: *Concede quasumus omnipotens Deus ut qui festa Paschalia.* Ad introitum chori: *Salve festa dies: Ecce venascentis: namque triumphantis legibus inferni.*] Quod stat ad hanc processionem notandum maximè quod in Præsentis S. Germani consuetudinibus legitur: [Existente verò conventu in capella B. M. Abbas incensabit altare B. Mariæ, postea tumbas Abbatum, post dicet versicalum, &c.

18. [Post processionem, addunt Dionysiana cons. ascendant juxta Sancta Sanctorum quidam bene cantantes, alij in dextro latere, alij in sinistro latere assistentes, bene & honorificè tropas scilicet:

Quem

Quem queritis? conjubilantes, & sibi invicem respondentes; & cum intonuerint *Quia surrexi*, dicens: *Patri*, mox Archicantor & duo socij ejus absistentes in choro regias virgines in manibus tenentes, incipiunt officium. [Hunc ritum accepisse videntur à Cassinensibus, quorum Ordinarium hæc habet: Processione finita, vadat Sacerdos post altare, & versus ad chorum dicat alta voce *Quem queritis?* & duo alij Clerici stantes in medio chori respondeant: *Jesus Nazarenus*; & Sacerdos: *Nunc est illi*: Illi vero conversi ad chorum dicant: *Alleluia*. Post hæc alij quatuor cantent tropos, & agatur Missa ordine suo.] Aliquid hujusmodi præstant etiam nunc nostri Remigiani Remenses.

19. Missa sequebatur sollemniter in cappis ex Ord. Cass., conf. Germanie, S. Gerinani à Pratis, & aliis; cujus Introitum cum duplici versu: *Domine probasti me*; &: *Hæc deus quam feci* & cum Gloria ex Udalrico l. r. c. 15, Ordinario Corb. & Benignianis consuetud. reperiebatur. Postea cum jubilaverint *Gloria Patri*, inquit Dionysianæ consuet. Dominus Abbas festiuis indutus vestimentis, cum septem Diaconibus, totidemque Subdiaconibus textus deferentibus, & Conversis antecedentibus cum thuribulo, & candelabris duobus, cui obviæ ex capituli fratres usque ad altare sanctæ Trinitatis cum Cruce Domini Karoli Imperatoris retro altare, & candelabris cristallinis advenient, crucem Domini Karoli inter alias duas ponentes, de super quoque candelabra cristallina. Dominus namque Abbas per chorum veniens subrus campanas ante principale altare cum suo comitatu adistat, dicens ibi: *Confiteor*. Post *Confiteor* autem offerentur ei convenienter textus à Subdiaconibus, quos omnes in ordine osculetur; postea cum tremore, & reverentia ad altare accedat.

20. [Post orationem, *pergunt eadem consuetud.*, accedant fratres quos prævidetur Archicantor infra Sancta Sanctorum, ante Corpora Beatorum Martyrum, qui honorificè conjubilant *Christus vincit*, *Christus regnat*, *Christus imperat*, & conjubilantibus illis respondeat hæc eadem chorus similiter.] Eodem modo Compendienses S. Cornelij: [Dum dicitur oratio tres bene cantantes, quibus tamen jussit Cantor ascendunt ad oratorium sanctæ Trinitatis, & stantes retro Martyres, cantent ibi: *Christus vincit*. Post hæc legatur Epistola:] & Rituale Corbeiensis monasterij. Eadem die ad magnam Missam post collectam dicitur: *Christus vincit* per duos Presbyteros.

21. Interim ita prosequuntur Dionysianæ consuet., [Subdiaconus regia tunica indutus, sceptrum tenens in manu, pulpitem ascendat, & Epistolam legat: *Expurgati vestris*. Post Epistolam cantetur à tribus in preciosissimis tabulis eburneis *Hæc dies*, & *Constituimini*, & quatuor personæ cantent: *Alleluia: Pascha nostrum*, & *Epulemur*. Deinde incipiat Archicantor sequentiam: *Fulgens præclara*, ad finem cujus transmittat Cantor quendam bene cantantem in capitis ante Mar-

tyres, qui honestè ante Evangelium intonet antiphonam: *Crucem sanctam*
 subit, quam dum inceperit teneat crucem in manu. Deinde Conversus
 accipiat crucem de manu ejus, qui antiphonam intonuit, & antecedit
 Diaconum, & Conversi alij cum candelabris, & thuribulo, & ascen-
 dant pulpitum, & legatur Evangelium, *Maria Magdalene*.

22. Paucis Compendienses consuetudines: [Post hæc legatur Epi-
 stola: *Expurgate*; & *Hæc dies* à tribus *alleluia Pascha*. Epitemur à
 quatuor, sequentia *Fulgens*, antiphona ante Evangelium: *Crucem san-
 ctam*, Evangelium: *Maria Magdalene*.] In monasterio S. Germani à
 Pratis tres monachi etiam cantabant & seu graduale in cappis, qua-
 tuor *alleluia*. In Beccensi [& quatuor, & quinque, *alleluia* octo in al-
 bis cappis cantabant] ex Rituali ejusdem monasterij. Apud Clunia-
 censes ex Udalrico l. 1. c. 15. Divionenses S. Benigni ex lib. cons. hujus
 monasterij, & Corbeienfes ex eorum veteri Ordinario *Duo paria can-
 torum hinc & inde*, vel si videbatur plures statuebantur ad profam con-
 cinendam; quibus chorus *per neumas* respondebat ex cons. Benignianis,
 & Ord. Corb.

23. [Post dicatur Credo, inquit consuetudines *Dionysiana*, quæ dum
 cantatur afferatur à senioribus Regalis offerenda per chorum usq; inter
 duo altaria, à dextris & à sinistris stent in ordine, quo usque Dominus Ab-
 bas dicat: *Oremus*; tunc fiat offerenda.] Deinde de offertorio: [Interim
 offertorium cantetur ita: duo cantent: *Ab increpatione & ira*, dicto &
 incipiat Cantor: *Terra tremuit*.] nimirum tropas ad offertorium canta-
 bant, sicut & [ad *Agnus Dei*; & ad communionem: ad *Agnus Dei* tropi
 quidam adjiciuntur, & communicatio post versum suum iteratur, inquit
 l. 1. Udalricus;] & Corbeienfe Ordin.: [Ante Ultimam *Agnus Dei*, & ante
 c. 15. communionem, quæ post *Gloria Patri* reperitur, cantatur antiphona: *Ve-
 nite populi*, ad quam cum venitur ad ipsum locum: *Adoremus*, omnes
 petunt veniam usque in terram quemadmodum in Natali Domini;] sed
 de his audiendæ sunt iterum consuetudines S. Dionysij: [Ante commu-
 nionem duo cantent profam ante aquilam: *Laus honor virtus*, & Can-
 tor respondeat *Pascha nostrum*; quo dicto ascendant fratres, quos
 jussit Cantor, ante Martyres, & ibi jubilant: *Emitte Domine be-
 nignitatis Angelum*, in quo cantu deprecatur ut illo die sancta dignè
 mereantur tractare; postea dicatur postcommunio: *Spiritus nobis*;]
 & Compendienses: [Ad offerendam cantetur tropa à duobus: *Ab
 increpatione*, ... ad communionem cantetur tropa à duobus: *Laus
 honor*.

24. Hæc Missa præfationem propriam, *Communicantes*, & *Hanc igitur*
 habebat; in ea omnes communicabant etiam Presbyteri ut su-
 pra observavimus, quod etiam faciunt monachi Cartusienfes ex Ru-
 bricis Missalis Cartusienfis an. 1541. editi, in quibus hæc lego: [In
 die sancto Paschæ primam Missam cantat Hebdomadarius, in qua di-
 citur Kyrie Dominicale, ... & communicat Diaconus, & fratres Laici ...

Missâ major sollempnissimè à præsidente cantatur, & Diaconus cum
 toto conventu communicet; & in eorum Ordinario decernitur, Episcopo Missam vice Prioris celebrante, Prior ipse [cum aliis ab Episcopo communionem recipiat;] sed ab hac se lege sensim eruerunt monachi, unde in Tullenfi S. Apri Ordinario hæc lego: [Die sancto Paschæ à mane usque ad tertiam fratres qui privatas missas voluerint celebrare, cantare possunt; ut Tertiæ cum ceteris possint interesse;] & infra: [Hæc die Diaconus tot hostias consecrandas apponat, ut in ipsa die fratribus qui non celebraverunt, Conversis, & sororibus sacra communio sufficiat, exceptis pueris qui mane communicant de manu magistri.] Obiter hîc notaverim plures olim ab uno Sacerdote quibusdam in ecclesiis sacro Paschatis die Missas celebratas fuisse, qua de re extat Decretum Concilij Lambethensis anno 1206: [Bis in die Missam nullus celebrare præsumat, nisi in diebus Nativitatis & Resurrectionis Dominicæ.] Immo etiam aliis diebus ut pater ex libro de gestis S. Aldrici Episcopi Cenomanensis sæculo 9, si bene memini. Ubi instituisse dicitur ut in die suæ consecrationis unusquisque Presbiter tres Missas decantaret, & clerici psalterium; similiter pro se mortuo in die suæ depositionis: hæc per transfennam dicta sint. Ad propositum revertor.

25. [Post Missam, inquit *compensenses*, omnes campanæ pulsantur, & fiat benedictio de cruce Karoli;] & antea M. S. Germaniæ consuetudines: [Post Missas omnia pulsantur signa per totam hebdomadam.]

26. Post Missam, Sextam; & post meridianam Nonam eodem ritu cantabant quo supra diximus Tertiam.

27. Vesperas omnes sacris vestibus induti sollempniter decantabant, cujus rei luculentum habemus testimonium in historia Translationis SS. Martyrum Crisanti & Daria ad monasterium Prumiense ab authore sæculi noni descripta: [Est consuetudo loci ut die sollempnitatis Paschalis, clerici, (idest monachi,) vespertinum celebrantes officium, ita sacris induantur, ut in Missarum agitur celebratione. Factum est igitur, ut custos de more cum aliis indutus, lampades accensurus ecclesiæ procederet; sed dum incautè progrediretur positus sub lampadibus, oleum lampadis cecidit, atque partem planetæ quæ fortè indutus erat non absque deformitate infecit.] cappas non planetas deferrebant nostri Sandionysiani, quorum in cons. hæc lego: [Ad Vesperas sint omnes in cappis, tres Cantores assistant in choro cappis induti.] *Compensenses* tantum habent: [Ad Vesperas sint omnes in albis, tres Cantores sint in cappis.]

28. Quomodo autem Vesperas cantarent ij qui cursum Romanum receperant, discendum ex Dunstani Concordia: Ad Vesperam: *Dixit Dominus: Confitebor: Beatus vir*, cum antiphona, sine capitulo; graduale, idest *Hæc dies sine & alleluia* cum versu, & sequentia; Postea inchoetur

antiphona in Evangelio, & collecta;] quibus concordant saltem ferè in omnibus Dionysianæ, Compendiensesque consuetudines, in quibus antiphona super tres præfatos psalmos notatur: *Alleluia & Cognoverunt*, cum capitulo: *Expurgate*, & *Hac dies cum & Confitemini* à conventu dicendo: *Alleluia Pascha nostrum*, *Epulemur* à quatuor vel tribus in cappis, sequentia *Victima Paschali*, & *In resurrectione* à duobus pueris, antiphona ad *Magnificat*: *Et respicientes* ex Dionysianis cons. ter dicenda, ex Comp. bis. Addit Dunstanus [Dehinc eatur ad fontes psalmum: *Laudate pueri* cum antiphona canentes, quem sequatur collecta: Inde verò revertentes chorum vel oratorium, quod eis compendens videbitur adeant, psalmum: *In exitu* decantantes, quem propria sequatur collecta.] Vesperis præmittebant Dionysiani Vesperas omnium Sanctorum.

29. De Completorio rursus Dionysianæ Compendiensesque cons. [Ad Completorium tres psalmi: *Cum invocarem*: *In te Domine speravi* usque *in manus*: *Ecce nunc*; post psalmos: *Alleluia*: *Hac dies*; deinde *Dominus vobiscum*, & orat.: *Præsta quesumus omnipotens & misericors Deus* ut in resurget; sed in Concordia Dunstani psalmos subsequitur [capitulum & &]; exhinc: *Nunc dimittis* cum antiphona concinitur, consequentibus horæ precibus, cum collecta, & benedictione.

30. Qui verò Regulari S. Benedicti officium retinuerant, Vesperas & Completorium solito more cantabant, excepto quod [cum ad omnes alias horas antiphonæ dicantur, ad solos Vesperos super psalmos non antiphonæ, sed *alleluia* cantatur de melodia antiphonæ: *Scio quod Iesum*,] inquit Corbeiense Ordinarium. Et hæc quoad divinum officium. Ad reliquas consuetudines quod attinet, pauca omnino ad nostram pervenerunt notitiam.

31. In primis illud notandum quod ex antiqua ordinis consuetudine, in Natali Domini & Paschali ejus Resurrectione Abbas coquinæ officium exerceret ut supra vidimus capite 4 hujus libri; hinc S. Petri supra Divam Ordinarium ad diem sacrum Paschæ præscribit, ut data ab Abbate egredientibus coquinæ hebdomadariis benedictione, [idem Abbas cum ceteris ingredientibus à Priore benedictionem recipiat; similiter & Tullense Abbas Præpositus, & duo Hebdomadarij coquinæ ingredientes accipiant benedictionem;] & tamen in manuscriptis Germanicæ consuetudinibus lego ut in die Resurrectionis Dominicæ [in coquina fratrum nihil præparetur usque in quinta feria.] quod maxime notandum.

32. Deinde ex præscripto Concilij Aquisgranensis statuto poterant monachi ut in octava Natalis Domini, & in Paschali Resurrectionis ejus volatilibus vesci; qua de re vide supra c. 5. & testamentum Ansegisi Abbatis Fontanellensis sæc. 4. part. 1.; sed hoc privilegio non gaudebant nostri Floriacenses, quorum antiquæ consuetudines victum monachorum in die Paschæ & infra octavam ita constituunt: [Ad

prandium debemus habere tria fercula : primum ova farfa, secundum pisces, tertium sapias & porrectam ab Hortolano, & Pistinario braccellos, & pistantiam de optimo vino à Custode vini, & serò gastellos. Fer. 2. 3. & 4. & in octava strutas debemus habere, & in Alcenfione quoque, ac Inventione Crucis... Feria 2. Paschæ ad prandium debemus habere rosellas, & per totam hebdomadam pitantiam vini. Fer. 3. ad prandium debemus habere ova farfa. Fer. 4. ad prandium strutas. Fer. 5. ova frisa. Fer. 6. ad prandium ova elixa, & in sabbato similiter cum sapore.] Ubi nulla omnino volatiliū fit mentio.

33. His adiungendum est quod in Germaniæ consuetudinibus his verbis continetur : [Mensæ fratrum provolutæ sint mantilibus ; prædictis quoque quatuor diebus pane scaldato utatur, ternisque potionibus ; primam miscant pueri, secundam Diaconi, tertiam Presbiteri.

34. Tertio, notanda est illa laudabilis Floriacensium consuetudo qua [expleta cœna, ut aiunt veteres cons. Flor., Abbas vadit cum omnibus pueris in eleemosinam ad Mandatum XII pauperibus.

35. Hi erant fortassis duodecim illi pauperes, de quibus Aimoinus monachus Floriacensis in libro 1. de Miraculis S. Benedicti, ubi refert quendam contractum à sancto Patre sanatum, & Richardum Abbatem [in numero duodecim egenorum cum haberi instituisse, quos diligens boni antiquorum cura Patrum in hoc nostro Floriacensi cœnobio, ob duodecim Apostolorum numerum, communibus stipendiis diutius ali ac vestiri sancivit.] de quibus etiam agere videtur antiquus author in vita S. Osvaldi n. 21. apud Boll. 28. Feb.

36. Quartò, denique [hodie inquit eadem Floriacenses consuetudines, debet Thesaurarius centum pauperes in eleemosinam introducere, & singulis singulos denarios distribuere.

CAPVT XVII.

De Septimana Resurrectionis Dominicæ.

1. Septimana Resurrectionis Dominicæ, quam Septimanam maiorem vocat Udalric. l. 1. c. 16. sollemnissimos olim apud monachos habuit quatuor priores dies, in quibus tam ex Statutis L. franci, quam ex libro cons. S. Benigni Divionensis, Ordinario Corbeiensis, Udalrico, consuetudinibus S. Dionysij Missa cantabatur in cappis, vel minimum in albis ut in Tullensi S. Apri Ordinario, & consuetudinibus S. Germani à Pratis constituitur : Hinc Cistercienses in libro Usuum [tribus, inquit, diebus qui Paschæ diem sequuntur, erunt fratres in lectione, nec laborabunt ; quia hos tres dies pro Veneratione S.

Resurrectionis solemnes habemus sicut festum alicujus Apostoli ;] &
 c. 50. Cartusienſes in Ordinario de Paschate & ejus octava : [Totos prio-
 n. 5. res quatuor dies celeberrimos ducimus , , quemadmodum de Domini
 Nativitate dictum est :] quamvis Casſinenſes videantur tres tantum
 primos dies solemniter celebrasse. Primum diem superiori capite investi-
 gavimus, reliquos presenti discutiemus.

2. Quo ritu veteres monachi tres post Pascha dies celebrarent ex
 Lanfranci Statutis potissimum requirendum est, in quibus totam hebdo-
 madam ita disponit : [Tribus sequentibus diebus ante vigilias pul-
 s. 1. sentur signa duo & duo ; ad invitatorium tres in cappis ; psalmi feriales
 s. 5. dicantur , sex sub una antiphona , & sex sub alia. Duo & duo primum &
 secundum & tertium tres. Laudes sub una antiphona ; ad thuribula duo
 Sacerdotes cappis induti ad Laudes , & ad Vesperas. Missa matutinalis cum
 una collecta : ad majorem omnes sint cappis induti ; ad Vesperas per
 totam hebdomadam sub una antiphona dicantur psalmi , qui in die Pas-
 chæ ad Vesperas dicti sunt.] De reliquis vero diebus ita subjungit : [Tribus
 sequentibus diebus ad invitatorium duo in froccis ; ad nocturna psalmi
 feriales , tres lectiones de pronunciato Evangelio. Major Missa & cetera
 sicut in XII. lectionibus. In hac hebdomada non loquantur in clauſtro ,
 Missa matutinalis : *Resurrexi* ; omnes horæ cum antiphonis canantur.]
 Paullo fusiùs , & paullo aliter Divionenſes S. Benigni consuetudines :
 c. 63. [Feria secunda sicut in aliis noctibus ejusdem septimanæ duo tantum
 signa ante nocturnorum inceptionem sicut in privatis noctibus pul-
 santur , quamvis alia sint ; alia enim signa pulsantur in hac hebdomada ,
 & in hebdomada Pentecostes , & Natalis Domini , quàm in privatis no-
 ctibus. Nocturni cum duodecim psalmis sicut sunt per ferias ordinatè
 aguntur , puer unus invitatorium cantat , tres lectiones ex Evan-
 geliis fiunt. Ad extremos psalmos nocturni secundi cerei de ciborio ac-
 cenduntur ; ad preces nocturnorum altare discooperitur , & quatuor cerei
 de septem ante altare accenduntur , tres enim accensi erant. Collectæ
 habentur in collectaneo , quæ per singulos dies tam ad VI. quam IX. &
 ad nocturnos dicuntur : Deinde pulsantur omnia signa , de cetero
 omnia festivè fiunt. Sacerdos ipsa die & duobus sequentibus cum cappa
 ad Laudes incensat altaria ; ceteris autem tribus cum cappa. Anti-
 phonæ quæ in Dominica ad Laudes cantatæ sunt , postea singulæ per
 ordinem ad singulos Matutinos ab Hebdomadario inceptæ cantantur
 usque ad sabbatum , ad alias Horas habentur antiphonæ de Evangelio.
 Ad solos nocturnos & Vesperos super psalmos non nisi : *alleluia* can-
 tatur ad melodiam quarumlibet antiphonarum formata , quæ ita can-
 tantur sicut in alio loco dicitur , & IIII quæ in prima die & secunda
 ad Laudes & Vesperas dicuntur , ita deinceps toto Pascali tempore
 variantur , ut duo in una die , & alia duo in alia dicantur. Sabbato
 invitatorium *Alleluia alleluia alleluia*. Deinceps tam ad nocturnos ,
 quàm ad Laudes , & ceteras Horas excepto ad cantica de Evangelio

alleluia dicitur usque ad Ascensionem Domini, quod quo ordine fiat alibi disponetur, versiculi etiam horarum & Vesperorum in hac die incepti usque ad Ascensionem tenentur. Missa matutinalis per totam hebdomadam: *Resurrexi*: ad crucifixum cantatur, ad quam vicissim *Alleluia*: *Pascha nostrum*, & *Epulemur* dicitur; ad alias vero Missas matutinales Dominicarum ad arbitrium Armarij dicuntur *alleluia*, una tantum collecta per quatuor dies, per alios vero omnes quæ solent, dicuntur, per quatuor etiam dies major Missa in cappis agitur, psalmi quoque per totam hebdomadam ad Vesperas sunt: *Dixit Dominus*, & tres sequentes. In Sabbato vero: *Confiteantur*, in quo ad Missam duæ *alleluia* dicuntur, idest: *Hac dies* & *Laudate*] His per omnia conforme est verus Corbeiensis monasterij Ordinarium & Udalricus l. i. c. 16. Idem ferè in alijs peragebatur monasteriis.

3. Ex Ordinario S. Petri supra Divam feria II. III. & IV. in cappis, v. VI. VII. quasi in alijs celebrabantur: Prædictis autem tribus primis feriis, inquit, [surgentes ad Matutinas, facta trina oratione, dicant communiter utrimque xv psalmos. Invitatorium cantent tres in cappis.] Simili proflus modo invitatorium in Beccensi monasterio cantabatur. In Dionysiano vero & Tullensi S. Apri à duobus in cappis; in Compendiensi S. Cornelij à duobus in frocis; in Parisiensi S. Gerinani ab uno dumtaxat puero. Hymnus ex Ordinario Tullensi: *Aurora lucis* usque *Claro Paschali*, atque ita per totam hebdomadam.

4. Duos dumtaxat ad vigiliis nocturnos faciebant cum psalmis de feria, ex quibus sex sub una antiphona cum tribus lectionibus, sex alios cum altera antiphona, capitulo, & oratione Dominica, & collecta decurrebant. Sed qui cursum Romanum die Dominica receperant illum etiam infra hebdomadam quotidie retinebant, ut patet ex Concordia Dunstani & Dionysiani, Compendiensibusque consuetudinibus: non tamen omnes; nam v. g. in Calsinensi monasterio, S. Petri supra Divam, & Tullensi S. Apri Regulare S. Benedicti officium infra hebdomadam persolvebatur, restantibus eorum ordinariis, in quibus ad vigiliis duo nocturni cum psalmis de feria assignantur, idem de Beccensi cœnobio credere licet.

5. Ab hac porro [nocte aut Tullense ordin., usque ad crastinum Trinitatis inter nocturnos, & Laudes non dicuntur psalmi familiares.

6. Laudes cum unica antiphona super omnes psalmos decantabant, has [Hebdomadarius Missæ incipiet, inquit Parisienses S. Germani consue. & post psalmum: *Deus misereatur*, inducit se alba parata, & veniet in chorum cum manipulo.

7. Post capitulum de Laudibus duo monachi cantabunt & de Laudibus in frocis, addunt eadem consuetudines, quibus concinit Ordi-

a Et tamen in vetusto Ordin. Divini officij in Domo S. Benedicti tom. 4. anal. hæc leguntur: *Secundis & tertia feria faciunt octo lectiones, reliquis diebus usque in octava pentecostæ & usque in Pentecostem omni nocte tres lectiones.*

narium S. Petri supra Divam; quamvis ex Tullensi id præstarent duo pueri tantum. Hymnus ex eodem Ordinario: [Claro Paschali. Post hymnum, ita pergunt consuetudines S. Germani. Hebdomadarius Missæ induet cappam de serico, & amoto manipulo thurificabit majus altare, & sacrum, & Priorem; sequetur autem juvenis indutus alba, qui conventum postea incensabit.] His concordant Tullensē, & S. Petri supra Divam Ordinaria.

8. Finitis Laudibus fiebat processio ad crucifixum, & quidem tribus primis diebus cum incenso ex Tullensi Ord., aliis vero tribus sequentibus sine incenso; & cum duobus accensis cereis per totam hebdomadam ex cons. S. Germani.

9. Post vesperum & collectam de cruce in monasterio S. Petri supra Divam imposita à Cantore antiphona de B.M., omnes eandem cantando prosequentes in chorum redibant, & Sacerdos in alto gradu, & collectā Gratiam tuam dicebat. [Qua finita, inquit Ordinarium ejusdem monasterij mox incipiat Matutinas sanctæ Mariæ, cujus servitium non mutetur, præter in sabbatis, excepto quod ad antiphonas, & 12, alleluia adjungatur, quibus ritè cantatis, fiat memoria de reliquiis, cum Gloria Patri, deinde de omnibus SS. & sic finis fiat.]

10. [Die jam clara, pergit idem Ord., pulsato ad Missam S. Mariæ, celebretur solemniter Officium: Salve sancta parens &c.] Hæc Missa cum præfatione, Communicantes, & Hanc igitur, de Resurrectione per totam cantabatur hebdomadam.

11. Præter hanc Missam celebrabatur & altera matutinalis solemniter de Resurrectione: Resurrexi; dicebaturque ad altare S. Crucis per totam hebdomadam ex Ord. Tullensi, cum præfatione, Communicantes, & Hanc igitur de Resurrectione.

12. Ad Primam 111 vi & ix antiphonæ propriæ ex Evangelis propriis cujusque diei desumptæ, cum psalmis Regularibus; reliqua pro more, nisi quod. [vii psalmi penitenciales cum letania non dicantur ad Primam usque ad crastinum octavarum Paschæ,] inquit Tullense Ordinarium.

13. De majori Missa vero Casinenses in Ordinario: [Ad Missam vero pluvialibus omnes induti chorum ingredimur,] inquit, idem aliis in monasteriis plurimis observabatur ut supra notavimus, vel minimum in albis; sed Casinenses secunda & tertia tantum feria, alij etiam quarta hoc præstabant hac in Missa duo apud Dionysianos procedentes adstebant, 12 à duobus, alleluia à tribus cantabatur: ex Rituali vero Beccensis monasterij, 12 à quatuor, alleluia à quinque. Sequentia singulis diebus propria, Credo, præfatio, Communicantes, & Hanc igitur de Resurrectione.

14. Huic Missæ solemnem olim processionem feria secunda præmittebant, ut discimus ex vetusto Ordine officij in Domo S. Benedicti tom. 4. analect., ubi de eadem feria hæc leguntur: [Secunda feria eunt

eunt cum cruce & patrocinia, idest reliquiis, & aqua sancta per singu-
 los labores, redeunt agunt Missam in S. Petro;] sive ut habet codex
 Calsinensis circa tempus Bertharij Abbatis scriptus: [Sequenti feria
 secunda eunt mane cum cruce, & codicibus sacris, & aqua benedicta,
 per singulas domos dantes orationes, & benedictiones; & redeunt
 ad ecclesiam cum letania, peracta Missa reficiunt.] De eadem pro-
 cessione ita scribit Anonymus in lib. 2. Mir. S. Bertini Abbatis S. thi-
 venfis cap. 11. [Quamobrem Patrum sancivit industria fratres omni
 anno vestitos secunda feria Pasche cum reliquiis & psallentis, sicut
 mos est per totam illam hebdomadam per diversas officinas facere, idest
 pomarium visitare, & in ipso monticulo completa oratione ad publica
 solemnia reverti.] Quibus ex verbis declaratur non tantum secunda
 feria, sed per totam hebdomadam per diversas monasterij officinas
 celebratam fuisse hujusmodi processionem: Eam quæ tertia feria age-
 batur fusè prosequitur præfatus codex Calsinensis in hæc verba: [Fe-
 ria III in albis quando monachis major festivitas est, descendunt om-
 nes è thesauro cum thesauro, ceteris, crucibus, cantantes, &
 psallentes. Eo quidem die magnum eis exhibetur epulum à Præposito
 majore. Et deorsum similiter exeunt cum ornato & thesauro eccle-
 siastico, cantantes & psallentes, & sic se pariter conjungunt ad S. Pe-
 trum in civitate. Presbyteri, Diaconi, Subdiaconi omnes vestimenta
 sacerdotalia, & ante præfatus alij cruce aureas, alij capfas habentes,
 & salutant se invicem omnes; & incipiunt illi deorsum: *Benedictus qui*
venit in nomine Domini, & subsequantur ipsi deorsum similiter: *Benedictus*
qui venit in nomine Domini. Quo finito, dicit Sacerdos excelsa voce
 orationem. Iis expletis veniant omnes ad unum ad Dominum Abbatem,
 & ad reliquos deorsum salutantes, & pacem dantes, in primis Sacer-
 dotes, Diaconi, Subdiaconi, postea seniores, & reliqui fratres.
 incipiunt litaniam illi deorsum, & intant omnes in S. Petrum, &
 data oratione à Presbytero, cantant Tertiam, & legunt Lectionem
 secundum consuetudinem; inde incipiunt: *Miserere*. Incipiunt Missam:
 Introitus: *Venite benedicti Patris mei*, & lectio quæ feria VI. Item tonus
 Alleluia psalmus tuus David & Prosa communis, in gradali alleluia
 & *Cæli exarant gloriam Dei, & Expectans expectavi Dominum*, & ipsi
 verū planè in græcum. Evangelium quod in feria VI. Presbyter verd
 personat Missam. Reliqui autem egrediuntur foras cantantes & psal-
 lentes ac deorsum pergentes. Mox igitur ut appropinquaverunt prope
 monasterium ...quin non longè ab ipso negotiantum foro incipiunt lita-
 niam, cum qua egrediuntur in ecclesiam Domini Salvatoris, & ex-
 pleant eam; qua expleta, pausent modicum, & lotis manibus, in-
 dant se omnes pariter Sacerdotes & Levitæ sacris optimisque
 vestimentis, & procedunt cantè, & ordinatè in atrijs Beati Principis
 Michaelis Archangeli expectantes venerabilem virum, & Sacerdotem,
 nec dubium quin Bertharium Abbatem; at ubi stipatus adeo cælestis

Mmm

» exsequia iisdem pervenerit, mox simul omnes pariter reboent can-
 » panæ, & fiat processio cum signis, & famulis, cereis, crucibus, cero-
 » standis, codicibus ordinatis; & Dominus Abbas illum ante pectus co-
 » dicem, quem Bertharius mirificè Domino Beatoque construxit Bene-
 » dicto. Et introeundo ad ædem post tonum incipiant introitum: *Aqua*
 » *sapientia potavi eos*; & omnia ordine suo complebuntur, ut mos est.
 » Post Sextam verò eunt decantando in refectorium, ubi & cantent: *Te*
 » *Deum laudamus*, gratias agentes omnipotenti Deo, qui eos ab adversis erit
 » puit, & cœnobium cum inhabitantibus incolume custodivit; Post datam
 » orationem exeunt ad expoliandum, & post modicum revertuntur ad re-
 » fectionem. Hoc honestè completo, post refectionem assumentes ve-
 » stimenta sua, & deposito ornatu, valedicentes Patri fratribusque re-
 » deunt sursum.

15. Vesperæ sub una antiphona cum iisdem psalmis, qui die Do-
 minica dicti fuerant decantabantur, pro cuiusque monasterij consuetu-
 dine; sed Beccenses per totam hebdomadam hos psalmos perolvebant:
Dixit Dominus: Laudate pueri: Laudate Dominum omnes gentes: Laudate
Jerusalem, ex lib. Usuum Becc. capitul. ex Ordinario Tullensi: *Facta*
est vox. & Surrexit Dominus de sepulcro ex eodem à duobus pueris de-
 cantandum; vel à duobus Hebdomadariis *in cappis sericis* ex Ord.
 S. Petri supra Divam. Hymnus: *Jam Pascha*, ad quem ex eodem Ordin.
 » [revestiantur duo Sacerdotes in cappis cum duobus ministris in albis,
 » de incenso morem solitum facientes.

16. Post Vesperas fiebat processio ad crucem ut supra ad Laudes, cum
 » & collecta. Quia dicta, in monasterio S. Petri supra Divam comm.
 de S. Maria, de reliquiis, & de omnibus Sanctis sequebatur, quibus
 hebdomadarij: *Benedicamus Domino* iterum subjungebant.

17. Et hic erat trium Pascha proximè sequentium dierum ordo,
 quamvis apud Dionysianos feria quarta cæteris ampliùs aliquid so-
 lemnitatis haberet ad utrasque Vesperas, & ad Missam in qua qua-
 tuor procedentes cum duobus Cantoribus adstitebant; & tres, *alleluia*
 quatuor decantabant. E contra verò in monasterio S. Petri supra Di-
 vam secundæ Vesperæ quartæ feriæ minus erant solemnes; nam duo
 Hebdomadarij cantabant & *in cappis non sericis* tantum, & unus
 dumtaxat Sacerdos in cappa cum uno ministro in alba incensum
 faciebat, & & de Cruce ad processionem sine & *Dicant nunc* can-
 tabatur.

18. De reliquis tribus sequentibus diebus vix aliquid dicendum oc-
 currit. Idem in iis ordo qui in præcedentibus; sed non eadem solemnitas
 servabatur. Invitatorium tantum in frocis cantabatur, in Laudibus
 & Vesperis non portabatur incensum, saltem apud Tullenses. Major
 Missa propria sicut aliis diebus; sed ad instar festorum xii Lectionum
 simplicium tantum celebrabatur, cum præfatione, *Communicantes* &
Hunc igitur de Resurrectione; sed sine *Credo*. *Benedicamus* ad Vef-

peras sine duplici alleluia. In solo S. Petri supra Divam Ordinario sollemnius aliquid lego : [Duo Hebdomadarij in albis cantent Invitatorium, ad Laudes & ad Vesperas induat Sacerdos albam & manipulum, & *Benedicamus Domino* cantetur à duobus, & de processione venientes cantent antiphonam de S. Maria : *Paradisi porta*, dictoque *ŷ*, & collecta à Sacerdote in choro, incipiat idem mox Matutinas Virgini gloriose, quas sequentur Laudes omnium S.ctorum, . . . ad Vesperas fiat processio, dictoque *ŷ Christus resurgens* sine versu redeant in chorum cantantes antiphonam de S. Maria, ubi Vesp omnium S.ctorum dicant &c.] Hic nulla fit mentio officij mortuorum ; & revera [*Placeb* & *Dirige* per hebdomadam Paschalem non dicitur nisi fortasse corpus defuncti præsens fuerit in conventu.

19. Sabbatum nonnihil diversitatis habebat, ut patet ex Ordine S. Petri supra Divam, & ex Tullensi S. Apri, in quo ad vigiliis hymnus : *Rex aeterna*, ad Laudes : *Aurora luctu* totus notatur ad officium de tempore usque ad Ascensionem cantandus : in Missa verò *ŷ* seu graduale non dicebatur, sed *alleluia* duplex.

20. De festis infra hanc septimanam contingentibus audienda sunt Lyrensis monasterij consuetudines : [Si festum XII. Lectionum vel trium infra octabas Paschæ evenerit, vel etiam in albis ad utrasque Vesp. & ad Laudes, & ad Missam matutinalem commemorationem tantum habebit, & non plus.] De solis ergo festis in cappis sollemnitates agebatur : Ita feria VI. Inventionem S. Clavi celebrabant olim nostri Dionysiani ut discimus ex antiquis eorum consuetudinibus, in quibus prædicti festi officium hoc ritu ordinatur : [Ad Vesperas super psalmos antiphona : *Alleluia mane nobiscum*. Psalmi de Pascha. Capitulum : *Christus factus est pro nobis*, & *Hæc dies quam fecit*, & *Lapidem quem*. *Alleluia Dulce signum* à quatuor in cappis. Sequentia : *Victimæ* & *Nos autem* gloriam. Ad *Magnificat* antiphona : *O Crux splendens* ter. Oratio : *Deus qui præclara sacri Clavi Domini inventionem*. *Benedicamus* ut *Clementiam*. Post fiat commemoratio de Pascha; antiphona : *Tulerunt Dominum*. Oratio : *Deus qui avertit aeternam*.] Hæc de primis Vesperis, in quibus partim de Resurrectione, partim de Inventione S. Clavi officium fiebat. Ad nocturnos, matutinas Laudes, totumque officium diei eundem ordinem quem supra in Pascha vidimus observabant ; sed totum de Inventione S. Clavi officium celebrabant, Invitatorium à quatuor in cappis, unica super tres psalmos antiphona, tres lectiones de Evangelio : *Simile est regnum calorum thesauris*, tria *ŷ*, ex quibus primum à quatuor de quibus duo remanebant in choro, secundum à quinque, tertium à septem cantabatur, hymnus : *Te Deum cum* & *Adoramus te Christe*. In Laudibus commemoratio de Resurrectione. Ad I. III. VI. & IX psalmi, & antiphonæ de Resurrectione cum duabus orationibus una de Inventione S. Clavi, quæ prima erat ad I. VI. & IX ; posterior ad I. altera de Resurrectione, quæ ad I. erat prima, ad alias horas po-

Mmm 2

sterior. Missa matutinalis propria de Resurrectione : *Eduxit eos*; Major
 „ de Inventione S. Clavi antequam fiat [processio in capitis in cap-
 „ pis, *inquunt Dionysiana* 201. sex procelentes cum Diacono & toti-
 „ dem cum Subdiacono, & deferantur clavus, & corona, & brachium
 „ S. Simeonis; & cantetur & *Stirps Jesse*, deinde & *Post partum* à duobus
 „ pueris. Post dicat Sacerdos orat. *Emulorum tuorum* descendendo de ca-
 „ pitio. Incipiat Cantor & *Dulce lignum*. & *Hoc signum*. & & *Cruce fidelis*
 „ si opus fuerit; & eant in navi, & cantetur ibi & *Clavus refulgens*, &
 „ *De cant nunc ignari* à tribus, ad introitum chori antiphona : *O cruce*
 „ *splendidior*.

21. Ad Missam tres Cantores, & *Hac dies*, & *Benedictus qui venit*
 à tribus alleluia, *Dulce lignum* à quatuor, sequentia : *Victima Paschali*
laudes, Præfatio *Te quidem Domine omni tempore*, *Communicantes* & *Hanc*
igitur. &c. Vesperæ ut pridie.

22. Hæc sunt potissimum quæ pertinent ad Paschalem Resurrectionis
 Dominicæ hebdomadam, in qua perpetuum servabant silentium, ut
 discimus ex Statutis Lanfranci, cui consentit liber Usuum Beccensium
 his verbis : *in illa hebdomada non loquantur in clauetro*. & Concilium
 Aquisgran. in canone quarto ex quinque additis à Centuriatoribus ad
 receptos Concilij Aquisgr. Canones. Item Corbeienſe Ordinarium,
 „ *cujus verba maximè sunt notanda* : [Per octo dies Paschæ, & Pente-
 „ costes, & Natalis Domini, & in Rogationibus, & in omni secunda,
 „ & quarta, & sexta feria xl., & in omnibus xii lectionibus, nulla fit
 „ locutio in clauetro;] quæ totidem verbis præscribit lib. conf. S. Be-
 nigni Divionensis c. 64.

23. In hac etiam septimana Calsinenses post nocturnos juxta Regu-
 lam intervallum faciebant usque ad Matutinos, quos cum Matutinis
 de omnibus SS. ad auroram dicebant; sed 2 & 3 feria Matutinos cum
 nocturnis eodem tenore cantabant, & intervallum à Laudibus ad Pri-
 mam, quæ orto jam sole persolvebatur, custodiebant.

CAPVT XVIII.

De tempore Paschali.

1. **T**Empus Paschale totos quinquaginta dies complectitur,
 qui à Pascha ad Pentecosten intercipiuntur; sed quia jam
 septem primos disculimus, & tres Rogationum, Ascensionisque cum
 ejus octava, & vigilia Pentecostes, propria merentur capitula; hinc
 Paschalis temporis nomine eos dumtaxat intelligemus dies, qui à
 Dominica in albis ad Rogationes reperiuntur, quos hoc capitulo exa-
 minabimus. Itaque ut à Dominica in albis dicta incipiamus, sabbato

ad primas Vesperas psalmi de feria, hoc est: *Confiteantur* &c. sub una antiphona dicebantur. Hoc modo: *alleluia* & *cæperunt* &c. ut apud Dionysianos & Compendienses; vel *alleluia surrexit*, ut apud Tullenses; vel *alleluia crucifixus*, ut apud Parisienses S. Germani. Capitulum in veteri Corbeienſi Ordinario, & collectaneo S. Germani à Pratis: *Omne quod nunc est*; in Dionysianis & Compendiensibus consuet.: *Si consurrexerit*. In rituali Beccensi, & cons. Lyræ: *Expurgate* omnibus Sabbatis usque ad Ascensionem dicendum. & *Expurgate* ex præfatis consuetudinibus Dionysianis & Comp. à duobus *in cappis*; *Surrexit Dominus* apud Sangermanenses à duobus *in fœcis*; *mane nobiscum* apud Tullenses à duobus *pueris*.

2. Hymnus; *Ad cœnam agni*. & *In resurrectione*, vel alius Antiphona ad *Magnificat* ex Tullensi Ordinario: *Currebant duo*; ex Dionysianis & Comp. consuet. atque Corbeienſi Ordinario: *Cum esset sero*; & quidem bis dicenda, hoc est ante & post *Magnificat*, ut explicant Dionysianæ consuetudines. Hæc antiphona omnibus sabbatis ad Ascensionem usque ad *Magnificat* dicebatur ex cons. Compendiensibus.

3. Ad *Magnificat* duo deferrebantur thuribula ex Dionysianis consuetudinibus; sed apud Parisienses S. Germani, & Tullenses S. Apri, id præstabat solus Missæ Hebdomadarius alba & cappa indutus, & quidem *rubra* ex consuet. S. Germani cum juvene Thuribulario alba induto. Commemoratio festi xii vel iii. lect. si occurrisset; deinde de S. Trinitate, de S. Maria, & de S. loci, & non plus, aiunt rituale Beccensis monasterij, & consuetudines Lyræ, in quibus tamen omittitur ultima. Finitis Vesperis fiebat processio ad crucem; & quidem cum incenso apud Tullense S. Apri; sed & in omnibus communiter Ordinis nostri monasterij, usus obtinuerat, ut post Vesperas & Laudes processio ageretur ad Crucem; cujus ritus meminisse videtur l. 2. Mirac. S. Bertini c. 4. & tamen consuetudines S. Germani à Pratis ad hanc *sec 3.* diem [post Vesperas, *inquunt*, puer incipiet: *alleluia sancta Dei gene-* *trix*, & conventus ibit in cappellam cum duobus ceteris post antiphona- *nam*, & *Post partum Virgo*. Oratio: *Gratiam tuam*. *“*

4. Completorium monastico more jam ubique cantabatur, cujus ad hymnum hæc duæ addebantur strophæ: *Quæsumus auctor omnium*, & *Gloria tibi Domine*.

5. Hic verò non prætereundum est quod in veteri Calsinensium Ordinario legitur: [Sabbato post Mandatum, dicta *Gloria* cantetur: *“ Resurrexit Dominus à mortuis usque in Ascensionem.* *“*

6. Ad nocturnos Invitatorium à duobus *in cappis* ex Dionysianis, Compendiensibus. & S. Germani consuetudinibus, atque ex Tullensi Ordinario; vel etiam à tribus item *in cappis*, ex Lanfranci Statutis, & Ordinario S. Petri supra Divam.

7. Hymnus: *Te lucis autor* ex Dionys. Compendiensibusque cons.;

vel : *Rex aeternae Domine* ex Tullensi Ordinario : in fine verò hymnorum tam ad nocturnos, quam ad Horas addebantur hæc duæ strophæ : *Quasumus auctor omnium*, & *Gloria tibi Domine*, idque usque ad Ascensionem.

8. Unica super sex psalmos, vel tria cantica, in singulis nocturnis antiphona; quæ incipiebat à voce *alleluia*. Lektionen in primo & secundo nocturno in vetusto Cassin. Ordinario notantur ex Epistola Johannis : *Quod fuit ab*; ex Ordinario Corbeiensis, libro cons. S. Benigni Divionensis, lib. Ul. Becc.; & ex Breviario Casalis Benedicti ex Actibus Apostolorum : *Primum quidem*, quæ ex prædicto Ord. Corbeiensis ad hæc verba : *Et erit quicumque invocaverit*, finem accipiebant; & inde per hebdomadam ex eisdem item Ord. & cons. legebantur; sed ex Statutis Lanfranci, lib. Usuum Becc. & Ordinario Tullensi ad utriusque nocturni Lektionen assûmebantur: Sermones Paschales; ex Dionysianis verò Compendiensibusque & Grandimontensium cons. liber Apocalypsis, qui infra tres hebdomadas ex toto percurri debebat. In tertio verò nocturno homil. in Evangelium : *Cum serò esset*.

9. Responsoria eadem quæ in die Paschæ ex Udalrico l. i. c. 17. lib. cons. S. Benigni c. 64., & Corbeiensis Ordinario; quæ quidem omnia ex Ord. S. Petri supra Divam à duobus cantabantur, excepto duodecimo qui à tribus; apud Dionysianos à quatuor. Hic notandum quod in Tullensi S. Apri Ordinario legitur: [Ab hac Dominica usque ad diem Pentecostes, „ & à Dominica post Trinitatem usque ad Dominicam qua cantatur : *Si „ bona*, omnibus Dominicis diebus ad Matutinum in quarto loco „ cuiusque nocturni parva & cantantur, & à pueris debent cantari. „ Idem fiat in festis XII lect. propria responsoria non habentibus à „ Dominica præcedenti usque ad decollationem Sancti Johannis Bapt. „ Et notandum quod quotiens & parva ad nocturnos dicuntur, ter- „ tium & à Priore debet cantari, septimum ab Abbate, & undecimum à „ Cantore.

10. Laudes sub antiphona unica ad omnes psalmos. Psalmi usque ad Pentecosten : *Dominus regnavit : Iubilate : Deus Deus meus*, &c. Capitulum : *Omne quod natum est* ex rituali Beccensi, consuet. Lyræ, Breviario S. Germani à Pratis, & Casalis Benedicti; *Benedictio & claritas*, ex Dionysianis, & Comp. cons.; *Christus resurgens* ex Tullensi Ordinario. & ex eodem : *Surrexit Dominus verè* à duobus pueris; ex Dionys. cons. : *Surrexit Dominus de sepulchro*. Hymnus : *Aurora lucis*, vel : *Iesu nostra redemptio* pro locorum consuetudine Antiphona ad *Benedictus* bis dicenda ex Compend. cons. hic incensum portabatur ab uno Sacerdote. Post collectam nulla commemoratio ex Dionys. cons. Finitis Laudibus ad crucem solito more procedebant; *Redeuntesque in choro*, inquit Ord. Sancti Petri supra Divam, dicant antiphonam : *Paradisi porta*; deinde dicant Matutinas Virginis gloriose, in quibus tam ad *Benedictus*, quam in Vesperis ad *Magnificat* antiphonam

alleluia sancta Dei genetrix, cum collecta : *Gratiam tuam* usque in crastinum S. Trinitatis ex Rituali Corbeiensi dicebant, & in omnibus sive parvis sive prolixis *alleluia* addebant.

11. Ad Primam aliasque diei Horas canonicas propriæ antiphonæ quæ ab *alleluia* incipiebant.

12. Missa matutinalis in veteri Cassinensium Ordinario assignatur de Resurrectione, major haud dubium erat de Dominica *Quasi modo geniti*. Cassinenses imitati sunt Cistercienses monachi in libro Usuum ita scribentes : [Dominica in octavis Paschæ prima Missa erit : *Resurrexi* : & secunda : *Quasi modo geniti*. Econtra Lanfrancus in Statutis Missam matutinalem de Dominica : *Quasi modo geniti*, majorem de octava : *Resurrexi* designat. Lanfrancum ut opinor explicant Udalricus l. 1. c. 17. Vetus Corbeiense Ord. , & liber consuetudinum Sancti Benigni Divion., cum ad Missam matutinalem notant officium *Quasi modo geniti*, ad majorem verò idem [præter quod solus Introitus cum introita : *Resurrexi* mutatur , & prius *alleluia* est *Post dies octo*.] quamvis omnes alij Missam matutinalem de Dominica : *Quasi modo geniti*, majorem verò de octava ut in die Paschæ *Resurrexi*, ex integro, aut saltem paucis mutatis, cantarent. Ita præscribunt liber Usuum Becc., conf. Lyra, S. Dionysij, S. Cornelij, Tullenſe Ordin., & S. Petri supra Divam.

13. Hanc ad Missam unicam dumtaxat orationem dicebant Compendienses nostri : plures verò Beccenses, Lyrensesque monachi ; nimirum de die, de oct. Resurrectionis, de festo, si occurrisset, de Trinitate, & reliquas præter *Sanctorum tuorum*.

14. Hi etiam communem præfationem uti & Tullenſes S. Apri cantabant ; sed in Ordinario S. Petri supra Divam, consuetudinibus S. Dionysij in Francia, & in libro Usuum Cisterciensium ad utramque Missam æqualiter notantur præfatio : *Te quidem Domine omni tempore, & Communiantes, & Hanc igitur oblationem*. De Missa majori ita liber Usuum Cisterciensium : [Secunda hujus diei Missa ea veneratione agatur, qua fit in festo unius Apostoli] Hæc ex Lanfranci Statutis conf. Dionysianis, & Ordinario S. Petri supra Divam *in cappis* ; ex Tullenſi *in albis* celebrabatur. In ea duo procedentes apud Dionysianos assidebant : Vestimenta verò in Parisiensi S. Germani monasterio erant *rubea*. Sequentiam autem : *Vestime Paschali*, quæ hac die dicebatur, etiam aliis diebus Dominicis usque ad Ascensionem cantabant Dionysiani, & Compendienses nostri. Ante hanc Missam processio fiebat *in albis* ex Lanfranco.

15. Vesperæ sub unica antiphona *alleluia* cum psalmis Dominicæ eodem penè ritu, quo pridie celebrabantur, de quibus aliud nihil singulariter occurrit.

16. Infra hebdomadam totum officium de Resurrectione, ad nocturnos Invitatoriam : *alleluia alleluia alleluia*, sex utriusque nocturni

psalmi sub unica antiphona, quæ incipiebat ab *alleluia*. Hos excipiebant tres Lectiones, cum totidem & de Dominica præcedenti. Atque ita in omni feriali officio toto tempore Paschali; hoc est usque ad Pentecosten tam apud Cassinenses, quàm alios; hinc S. Petri supra Divam Ordinarium: [Et notandum, *inquit*, quod non agimus festum trium Lectionum de aliquo sancto à Pascha usque ad Pentecosten; sed tantum memoriam, & Missam matutinalem, si vacat; sed in ipsis feriis agimus tres lect. de sollemnitate Paschali;] qua in re derogabant haud dubium Regulæ S. Benedicti, quæ unicam duntaxat, eamque brevem lectionem præscribit à Pascha ad Calendas Novembris. Idem faciebant olim Cassinenses non solum Paschali; sed toto æstatis tempore, ut discimus ex Epistola Theodemari ad Carolum Magnum: [Qua de re, *inquit*, Majores nostri instituerunt, ut hîc in sacro nostro cœnobio quod juxta sanctum illius corpus institutum est, tres quotidianis diebus æstivo in tempore ex Veteri Testamento lectiones in codice legantur, ne à sancta Romana Ecclesiâ discrepare videantur.]

17. Hæc tres Lectiones ex libro Actuum Apostolorum infra hanc hebdomadam desumebant Cassinenses, Corbeienses, & Tullenses ex veteri eorum Ordinario, & Divionenses ex libro conf. S. Benigni, & qui Lanfranci Statuta sequebantur; ex Apocalypsi verò Dionysiani, & Compendienses ex suis consuetudinibus. Ad Laudes psalmi: *Dominus regnavit* &c. ex veteri ordine in Domo S. Benedicti tom. 4. Anal., & aliis; quos sub una propria antiphona, sicut alias Horas diurnas cantabant; quæ quidem antiphona initium & finem habebat ab *alleluia*.

18. Laudes nullo servato intervallo nocturnis olim saltem tempore Paschali conjungebant, ut discimus tum ex Udalrico l. 1. c. 18, tum ex Ordinario Corbeiensi, tum denique ex lib. conf. S. Benigni Divionensis: [Nocturnos, *inquiunt*, Matutinæ sequuntur nullo psalmo interposito, vel oratione præmissa; sed cum dicitur: *Per Dominum* de collecta, incipit Secretarius pulsare signum ad matutinas Laudes:] è contra Cassinenses i. Ordinario [Ab hac die, *aiunt*, usque ad Dominicam Pentecosten, finito nocturno, canitur Matutinum pro defunctis, dehinc facto parvissimo intervallo cantent Matutinum; deinde Matutinum omnium SS. & facto intervallo cantetur Prima, ac Missa pro defunctis, & sic solvant silentium.] Quod de defunctorum officio hîc dicitur, monet me oppositi apud Dunstanum Statuti: [Vesperæ, *inquit*, & Matutinæ de omnibus Sanctis ab octavis Paschæ una canantur antiphona usque octavam Pentecostes, vigiliaque pro defunctis & psalmi pro benefactoribus non solent cani, & litaniæ ante Missam; quoniam à genuflectione ordo ecclesiasticus declinari admonet, omnimodo intermittantur.] nimirum hoc expetebat communis Resurrectionis Dominicæ lætitia, quæ luctus ullum tristitiæque signum non solet admittere. Et tamen communis ordinis usus obtinebat, ut etiam tempore Paschali officium pro defunctis diceretur; licet alta hora. Immo Missam matutinalem de defunctis cantabant

cantabant Cassinenses, ut modò audiebamus, uti & Cluniacenses ex Udal. l. i. c. 21.

19. Major Missa de Dominica præcedenti: *Quasi modo geniti*, cujus Evangelium duas dividebatur in partes, quæ alternis diebus recitabantur; scilicet feria secunda: *Cum esset serò*, usque *Ton as unus ex discipulis*; feria verò tertia inde usque in finem, & sic aliis diebus. Sed ex Ordinario S. Petri supra Divam omni tertia & quinta feria usque ad Ascensionem major Missa de Resurrectione: *Resurrexat*, cum unico *alleluia* in die resurrectionis cantabatur. Unicum etiam *alleluia* in privatis missis, & matutinali dicebant Cistercienses toto tempore Paschali ex lib. Usum c. 27.

20. Ad Vesperas sicut ad reliquas diurnas Horas psalmi feriales sub unica antiphona, reliqua omnia de Resurrectione cum antiphonis ad *Aligifia* ex Evangelio desumptis; illque festis Cassinenses memoriam de Cruce per antiphonam: *Crucifixus*, de S. Maria, de SS. Angelis, de S. Johanne, de SS. Apostolis, de S. Benedicto, & de S. Scolastica, faciebant.

21. Ad psalmos familiares quod spectat, toto Paschali tempore aut eos obmittebant omnino, aut saltem duos ex solitis detrahebant, ut patet ex Udalrico l. i. c. 4, & 18., ex Ord. Corb., conf. Benigni, & Ordinario Tullenti; sicut & psalmum L. *Miserere mei Deus*, quem inter preces extra tempus Pascale dicere consueverant.

22. De festivitibus verò SS. infra Paschale tempus eventientium sequentes regulas ex lib. consuetudinum sancti Benigni Divionensis accipe: [Quæcumque Sanctorum festivitas a Pascha usque ad Pentecosten evenerit, quantumlibet reverenda & colenda; tamen ad nocturnos non plures cantantur antiphonæ, quàm una *alleluia* super psalmos festos, & alia super alios festos, excepta Beata Mariae Annunciatione, & transitu B. Benedicti, quorum sollemnitates cum inter Paschalem hebdomadam agitur, similiter ad nocturnos & per omnes horas antiphonæ canuntur, etiam ad Vesperas, sicut in alio tempore; quod scilicet non fit de B. Ambrosio, vel sancto Marco, eo quod careant proprietate cantus; quorum scilicet festivitas si in eadem Paschali hebdomada evenerit, super omnia celebrabitur, veluti si eveniret in sequentibus diebus, excepto quod ad Missam loco primi *alleluia* canitur & eidem festivitati conveniens: Cæterum ad nocturnos, ad Laudes, vel ad reliquas Horas non antiphona, sed *alleluia* canitur, quod non ageretur nisi propter ipsam festivitatem. Si talis est festivitas, quæ proprias habeat antiphonas, ut SS. Apostolorum Philippi & Jacobi, vel S. Crucis ad Matutinum; hæc non omittuntur cantari ad Matutinum, & ad reliquas horas: at si non habet nisi quæ communes sunt de quibuslibet SS. ut antiphona: *In cælestibus regnis*, & similes; hæc nec ad Matutinum, nec ad ullam Horam regularem cantantur; sed tantum *alleluia*, & eo modo quo

N n n

» earundem antiphonarum est melodia : si autem propriæ habentur an-
 » tiphonæ , ut de SS. Apostolis Philippo & Jacobo , tunc super cantica
 » non *alleluia* ; sed antiphona *alleluia* : *Ego sum vitis* cantatur. Ipsæ anti-
 » phonæ de Sanctis quotidie in Paschali tempore cantantur ad suffra-
 » gia SS. , & ad Matutinum , & ad Vesperos de omnibus SS. , & in festis
 » ad cantica , de evangelio ad Vesp. , & ad Matutinum. Notandum au-
 » tem quod toto Paschali tempore in natali unius Martyris , vel Con-
 » fessoris est Evangelium : *Ego sum vitis vera* ; de pluribus Martyribus :
 » *Hoc est praeceptum meum* , & : *Hac mando vobis*. Hoc etiam toto tempore
 » non dicitur. Ad Vesp. & Sancti tui Domine benedicent te ; sed in loco
 » ipsius : *Iustorum animæ in manu Dei sunt*.] Hactenus Divionenses S.
 Benigni conf. , quibus concinit verus Ordin. Corbeienſe , & Udaltri-
 cus l. i. c. 20. His adde quod paucis tradit Calsinenſe Ord. : [In festi-
 » vitatibus SS. , quæ à Pascha usque in octavam Pentecostes , ad Vesp-
 » peras *alleluia* , & psalmi de ipso die. Lectio verò ad ipsam festivitatem
 » pertineat dicatur. *Alleluia & Pretiosa. Alleluia & Confitebuntur*. Istæ
 » tantum *alleluia* cantentur ad Vesperas in vigilia , sive in die ; & ad
 » Missam. Antiphona ad *Magnificat* : *Filia Jerusalem*.

23. Dominica primâ post octavas Paschæ eundem prorsus ordinem
 in divinis officiis observabant , ad cujus primas Vesperas , hoc est ad
 Vesperas sabbati collectam de Dominica præcedenti dicebant Calsi-
 nenses , Dionysiani , & Compendienses ; de sequenti Corbeienſes at-
 que Tullenſes ; quam regulam in aliis etiam sabbatis retinebant.

24. In nocturnis ad Invitatorium apud Calsinenſes antiphonam
 unus chorus : *Surrexit Dominus* , alius tantum *alleluia* cantabat.
 Dionysiani , Compendienses & Tullenſes aliud Invitatorium di-
 cebant.

25. In primo secundoque nocturno octo Lectiones de Epistola prima
 S. Petri Apostoli , quatuor de homilia , scilicet in Evangelium : *Ego
 sum Pastor bonus* delumebant Calsinenſes nostri ; sed in Ordinario Cor-
 beienſi , libro conf. S. Benigni , S. Dionysij , S. Cornelij , Ordinario
 Tullenſi octo primæ Lectiones notantur ex libro Apocalypſis , quæ sic
 incipiunt : *Iohannes Apostolus & Evangelista* , inquit Tullenſe S. Apri
 Ordin. ; & inde legebant usque ad hæc verba : *Et dabo unicuique vestram
 secundum opera vestra*.

26. Si quæ xii Lect. festivitas hac die evenisset de ea celebrabatur
 officium ; & tunc Missa matutinalis erat de Dominica ; si verò trium le-
 ction. ; tertium nocturnum obtinebat , cum sola comm. de Resurrectione.
 Ita ex Dionys. consuet.

27. Dominica 2. post octavas Paschæ eundem in omnibus ordinem
 habebat. Ad nocturnos octo primas Lectiones ex Epistola secunda
 S. Petri Apostoli : *Simon Petrus* signant Calsinenſes in Ordinario ; alij
 ex libro Apocalypſis , ab eo scilicet loco : *Post hæc vidi , & ecce ostium
 apertum in celo* , usque *interficere gladio & morte & bestiis terre* , ut habet

Corb. Ord. Lectiones tertij nocturni ex homil. in Evangelium.

28. Dominica tertia post octavas Paschæ tam apud Calsinenses, quàm apud alios octo primæ Lectiones erant ex Epistola Canonica S. Jacobi Apostoli, de qua legebant ad hæc usque verba : *super ta aliet ant. m. mi exierit judicium*, ut præscribitur in Ordinario Corbeienfi.

29. [Dominica quarta in prima vigilia leguntur Epistolæ S. Johannis : *Senior electa*, & : *Senior Gai*. In secunda Epistola S. Judæ : *In hoc seculi Christi servus*.] inquit Calsinenses in Ordinario ; sed in Corbeienfi notatur Epistola prima S. Petri Apostoli : *Petrus Apostolus Jesu Christi*, usque *Conversus estis nunc* : In Dionysianis verd consuetudinibus Epistola S. Johannis : *Quod facti ab initio*, alij Epistolas canonicas generatim designant.

CAPVT XIX.

De Rogationibus.

1. Solemnnes triduo ante Ascensionem Rogationes, quarum institutio- nem Mamerto Viennensi Episcopo referunt Avitus Viennensis itē Episcopus, Greg. Turon. l. 2. hist. c. 34; Sidonius Apollinaris l. 1. c. 7. & alij, celebres non solum apud Clericos ; sed etiam apud veteres monachos semper extiterunt, qui etiam Clericorum ad instar solemnes extra proprium monasterium processiones his diebus facere consueverant, ut pater ex vit. S. Gildasij Abbatis Ruyensis n. 31. [Igitur cum dies Rogationum essent, & ipsi (S. Gildasij discipuli) orationis gratia ad quoddam orato-^{fac. 1.} riolum, quod ipse in honore S. Crucis construxerat, venissent, invenerunt^{Bened} navem . . . cum sancto corpore integro &c.] Idem videre est in libro Mir. S. Bercharij Abbatis Dervenfi n. 19. fac. 2. p. 853., in vit. S. Winoci cap. 13. fac. 3. part. 1. p. 309., & in Epistola Cuthberti, quæ extat in vita Venerabilis Bedæ ibid. p. 538. Et quia propter hujusmodi processiones solitum tempore meridiano somnum capere non poterant, dictis post Regulares Matutinos, omnium SS., & defunctorum Laudibus; solito diutius ad strata reversi dormiebant, scilicet ad ortum usque solis; Et tunc non consueto sonitu excitabantur; sed [Prior pri-⁶⁶ mus surgens tripudio pedum, & incessu duriori incedens expergefacie-⁶⁶ bat soporatos,] ut loquuntur Floriacenses S. Benedicti consuet.; quibus⁶⁶ concinunt Dionysianæ, & Compendienses: Pueros verd prius excita- bant ipsi eorum magistri, idque *virga*, & *quam quietius* poterant, ut cum Ordinario Corbeienfi præscribunt Divionenses S. Benigni consue- tudines c. 65.

2. Post Primam psalmosque qui sequuntur familiares, omissam post Matutinas psalmodiam, idest : *Deus auribus*, [& si cujus defuncti tri-⁶⁶ N n n 2

cenarius ageretur :] *Verba mea* dicebant ex Udalrico l. 1. c. 2. Corbeienſes , & Divionenſes *Deus auribus* &c. proximè ante Veſperas reſervato , *Verba mea* &c. tantummodo hoc tempore cantabant ; quod Dionyſiani & Compendienſes , defunctorum Matutinis omiſſis , poſt Regulares Laudes dicebant.

3. Hanc pſalmodiam , quæ quinque pſalmorum decantatione abſolvebatur , excipiebant ſeptem pœnitentiales pſalmi cum letania , ſtatimque matutinalis Miſſa conſequebatur ; ſed Dionyſiani & Compendienſes & pſalmos pœnitentiales cum letania dimittebant , & Miſſam matutinalem ſolito more non dicebant , niſi quis dicere velit hanc eos ad Tertiam uſque diſtulſiſſe.

4. Hæc in omnibus , aut ſaltem ferè omnibus Ordinis noſtri monaſteriis *ad altare majus* celebrabatur , ut patet ex Statutis Lanfranci , libro conſ. S. Benigni c. 65 , Ordin. Corbeienſi , lib. Uſum Becc. in primo exemplari , & aliis , & quidem *de jejunio* , idque cum *nigra caſula* ex Benignianis conſuet. , & Ord. Corbeienſi ; [cum uno Converſo reſteſtito & Diacono & Subdiacono ,] inquit rituale Beccenſis monaſterij , [& fiat *per omnia* ſicut fieri ſolet ad majorem Miſſam ſuper ſeptimanam.] Introitus Miſſæ : *Exaudivit* : Poſt collectam de jejunio , prima comm. de feſto 3. lect. ſi fortè tunc eveniſſet , ſecunda de S. Maria , tertia de SS. loci , quarta de omnibus SS. , nec amplius inquit prædictum Rituale Beccenſe , cui ſuffragantur conſuetudines Lyræ , in quibus pro collecta de SS. loci habetur collecta de ſanctis Reliquiis. Udalric. , Benignianæ conſ. , Corb. Ord. ſolitas orationes adſignant , & in fine : *Sanctorum tuorum*.

5. In hac Miſſa omnes quidem offerebant , ſed una dumtaxat conſecrabatur hoſtia , ut diſcimus ex Lanfranci Statutis , Udalrico l. 1. c. 21 , lib. conſ. S. Benigni c. 65. & Ordin. Corb. ; in Beccenſi verò monaſterio duo ; in Lyrænſi unus dumtaxat offerebat ex Rituali Becc. , & conſ. Lyræ.

6. Ad pacem verò unus accedebat. Hic ex Lanfranci Statutis , Benignianis conſuetudinibus , Corbeienſique Ordinario , erat *Prior* ; ſed in Rituali monaſterij Beccenſis duo perinde ad pacem ut ad offertorium notantur.

7. Miſſam matutinalem ſequebatur capitulum , in quo Regula S. Benedicti ſolito more legebatur , & ordo in proceſſione ſervandus recitabatur , omiſſo ſolito verſu : *Deus in adiutorium* &c. & loquutione in clauſtro. Dionyſiani & Compendienſes ſtatim poſt Primam ſuum tenebant capitulum , & poſt Tertiam ad majus altare Miſſam cantabant , & quidem feſtivè , pulſato priùs claſſico , cum unica tantùm oratione , & unico alleluia à duobus juvenibus cantando , ut præſcribitur in Dionyſ. conſ.

8. Poſt Tertiam pueri accipiebant mixtum ; Statuta Lanfranci addunt : *Et infirmi qui jejunare non poſſunt* ; caſeumque à Cellerario accipere debebant , ex Flor. conſ.

9. Dicta Sexta dormitorium ascendebant quasi meridianam simulaturi; sed statim nudis pedibus, lota facie, pexisque capitibus, ad ecclesiam pro processione descensuri. Antequam verò inciperetur processio, omnibus in choro congregatis, & terminata oratione, inquit Lanfrancus, [Incipiat infans antiphonam: *Exurge Domine*. Interim, pulsantur duo signa. Cantata antiphona, hoc est repetita post versum & *Gloria* ut habent alij, dicat Sacerdos: *Ostende robus Domine misericordiam tuam*, sequatur: *Kyrie eleison: Pater noster*. Psalmus: *Deus miseretur nostri*, in exilino: *Deus in adiutorium meum*: dehinc Sacerdos: *Et veritas super ias*, collectum pro peccatis, idest *Mentem familia* ut alij scribunt, Atque ita in omnibus monasteriis usus obtinebat, nisi quod in Parisiensi S. Germani, & in Tullensi S. Apri non puer, sed Cantor imponebat antiphonam: *Exurge*; & in Dionysiano dicta prædicta antiphona cum versu: *Deus aures*, statim sequebatur oratio: *Mentem familia*.

10. Imposita autem antiphona: *Exurge*, omnes in genua procumbant, eam protequentes; idemque in eius repetitione præstabant. Ad orationem Dominicam super formas jacebant ex Tullensi Ordinario.

11. his finitis precibus, [Duo Secretariorum; alter in dextro choro, alter in sinistro, in scutellis tenent Phylacteria, ministrantes ipsa duobus alijs, qui dividunt ea fratribus: Infantibus verò, & his quibus tale quid in nocte contigerit minime dantur: Interim verò dum hoc totum fit, tacetur in choro ab omnibus; deinde priusquam exeant, pulsantur omnia signa. Ita Divionenses S. Benigni consuetudines cum Corbeienſi S. Petri Ordinario. Phylacteriorum autem nomine hic sacræ intelligendæ sunt reliquæ, quas his in processionibus deferrebant Majores nostri, ut patet ex vit. S. Winoci Abbatis c. 13: [Dies Rogationum adveniat, populus cum crucibus, & reliquijs, & cambuca Sancti longius processerat; sed tardius solito monasterium repodaverat &c.] & ex epist. Cuthberti ad Cuthvinnum de obitu Venerabilis Bedæ, qui accidit in vigilia Ascensionis, hoc est feria quarta Rogationum: [Mane illucescente, idest quarta feria, præcepit diligenter scribi quæ cœperamus, & hoc facto usque ad tertiam horam ambulavimus; deinde cum reliquijs Sanctorum ut consuetudo illius diei poscebat;] & ex libro Mir. S. Truderti n. 16, apud Boll. 26. April.: [Occurrunt Rogationum dies, in quibus Sanctorum reliquias & imagines moris est circumferri.] De Reliquijs quas deferrebant Floriacenses nostri audiendæ sunt veteres eorum consuetudines: [Conventus erectis subfellijs, misericordijs absidebit, & oratio terminabitur. Tunc Abbas, vel si defuerit, Sacerdos Hebdomadarius albatuſ thurificat altare & reliquias: thurificatione autem facta Sacerdos cum Diacono, & duobus Subdiaconis, duobusque Conversis qui omnes antea dum duo signa pulsabuntur reſtiti sunt, tollent reliquias, cereos, & textum; ita ut Sacerdos spongiam, Levita à dextris, & Subdiaconus à sinistris ejus

„ alias Sanctorum reliquias , & alter Subdiaconus textum , duoque Con-
 „ versu hinc & inde duos cereos bajulant , & in chorum redeunt.] De
 „ Dionysianis verò hæc habent eorum consuetudines : [Postea fit pro-
 „ celsio hoc modo : Clerici processionem præcedant , post hos unus
 „ de matriculariis indutus alba ferat aquam benedictam , & alter in alba
 „ ferat crucem magnam , quæ est retro altare sanctæ Trinitatis , & alter
 „ in alba Lanceam Regis Dagoberti , & unus monachus ferat crucem
 „ quæ in Dominicis diebus solet deferri ad processionem ; post hos alter
 „ monachus in alba ferat baculum B. Dionysij , quos sequuntur duo
 „ Clerici in cappis , qui ferant feretrum S. Firmini ; Post hos quidam mo-
 „ nachus ferat Lanternam cum cereo accenso juxta feretrum , & alij
 „ duo cum candelabris & alter cum thuribulo ; Sacerdos verò & Dia-
 „ conus induti albis ferant in collis suis duo phylacteria , & Subdia-
 „ conus indutus ferat parvum textum ; & ita fiat processio.] Aliquando
 „ monachorum reliquias deferebant Clerici , ut vocant , sæculares , ut
 „ patet ex his Dionysianis consuetudinibus , ex quibus duos Clericos
 „ S. Firmini feretrum detulisse discimus , & ex Ordinario Tullensi præ-
 „ scribente [ut socius Sacristæ , & Presbyter S. Maximini induti albis , &
 „ cappis portent feretrum.] Remis etiamnum in nostro Sancti Remigij
 „ Archimonafterio ad processiones Rogationum parvam S. Gibriani cap-
 „ sam deferunt Clerici seu Canonici vicinæ S. Timothei ecclesiæ , si
 „ bene memini.

12. Processionis ordinem ita prosequuntur veteres Floriacensis mo-
 „ nafterij consuetudines : [Egreditur primò portitor aquæ benedictæ ,
 „ postea crucifer , dein portitor textus duobus ceroferariis comitantibus ;
 „ subindè Sacerdos , hinc inde coambulantibus Levita & Subdiacono ;
 „ istos subsequatur scola cum magistris , dehinc conventus novitiis per-
 „ ambulantes , & cæteris ordine suo subsequens ; Abbate verò
 „ novissimo.

13. Eundem penè ordinem præscribit Lanfrancus in Statutis : [Po-
 „ stea , inquit , sonantibus signis , exeant processuri canentes , incipiente
 „ Cantore , quæ ad processionem pertinent : Præcedant famuli cum ve-
 „ xillis , sequetur Conversus cum aqua , post quem alius cum cruce , de-
 „ hinc Subdiaconus ferens textum , post quem fratres Laici , dehinc in-
 „ fantes cum magistris , post quos Cantores , extremis prioribus , & præ-
 „ cedentibus junioribus , sicut est ordo eorum.] Lanfranco consentiunt
 „ Udalricus l. 1. c. 21. Corbeienſe Ordin. , & Divionenſes S. Benigni conf.
 „ c. 65. his verbis : [Priusquam exeant pulsantur omnia signa , postea Armarius
 „ incipit antiphonam : *De Jerusalem* ; famuli vexilla præferunt , sequun-
 „ tur duo Conversi ; unus qui portat crucem , alius aquam benedictam ;
 „ sed iste ante crucem , post quos Subdiaconus ferens textum , deinde
 „ Conversi , quos pueri sequuntur & deinde Cantores sicut est ordo eorum ,
 „ novitiis præcedentibus.] Corbeienſes cruci appendebant phylacterium.
 „ Apud Udalricum verò nulla fit mentio vexillorum ; communis tamen

usus Ordinis nostri obtinuit, ut his diebus ad processionem deferrentur, ut patet ex citatis locis, ex lib. Usuum Beccensium, ex consuetudinibus Lyrae, & ex Odilone monacho S. Medardi Sueffionensis in historia Transl. SS. Sebastiani & Gregorii, ubi Ludovicus Pius Imperator in Medardensi monasterio incarceratus loquitur de hastis [quibus vexilla tempore litaniarum ferenda aptantur.] Hic etiam obiter observare licet, eos quos Lanfrancus *fratres laicos* vocat, qui etiam ante patros & novitios ad processionem incedebant; ab Udalrico libro 1. c. 21, libro cons. S. Benigni Divionensis, & Ord. Corbeienfi appellari *Canonicos*.

cap. 44.
fac. 4.
part. 1.
16

14. [Ad egressum vero ecclesiae, (ita prosequuntur Floriacensis monasterij antiquae consuetudines,) parati sunt duo clientes Eleemofinarij hinc inde cum baculis, egredientibus singulis singulos baculos porrecturi; & cum ad ecclesiam quo pergitur ventum fuerit, eodem modo eos à singulis recepturi; & denuo cum exierint redituri, & cum ad majorem ecclesiam reditum fuerit, eosdem & eodem modo recepturi.] Idem habent Statuta Lanfranci, Udalric. l. 1. c. 21, liber cons. S. Benigni c. 65, & Corbeienfe Ord. Addunt Floriacenses consuetudines: [Notandum quod quotiens baculos accipimus, toties caputia capitibus imponimus; nec licet reducere donec baculos reposuimus.] Ratio autem propter quam baculos accipiebant; haec erat; quia nudis pedibus hac in processione incedebant, quo casu semper baculos deferrebant, ut discimus ex cons. Floriacensis monasterij: [Quoties fratres nudis pedibus muros castrì egrediuntur, similiter de baculis fiat;] & ex Ordinario Corbeienfi: [Ad exitum Galileae monasterij sunt preparati duo famuli Eleemofinarij hinc & inde cum gemino fasce baculorum, quos consuetudinaliter fratres portant, quotiescumque nudis pedibus exeunt extra monasterium ad processionem.] Baculos seu virgas deferunt etiam nunc Divionenses nostri ad processionem; sed nudi pedibus non procedunt; ab hac etiam lege olim dispensari permittit consuetud. S. Dionysij in Francia; dispensabantque de facto Lyrenses Sacerdotem, Diaconum, & Subdiaconum; Beccenses insuper aquae & feretri bajulos, qui calceatis pedibus procedebant.

15. Procedentes antiphonas, responsoria, psalmos, & hymnos decantabant. Ad ingressum ecclesiarum ad quas pergebant antiphonas, vel Responsoria de SS. ecclesiarum Patronis imponebant, quibus finitis, versum & orationem subungebat Sacerdos, quibusdam in locis cum *Domine, Deus, in altis sine*. Ex Statutis Lanfranci addebat infans: *Benedicamus Domine*. Dionysianae cons. psal. *Miserere*, vel *Lauda anima* cum *ψ*, & oratione de defunctis subungebant.

16. Ad introitum vero ecclesiae *quisque sicut intrat*, inquit Divionenses S. Benigni consuetudines, [ponit suum phylacterium super altare, & posito petit veniam; dexter chorus ad dextrum cornu, & si-

c. 65.

„ nister ad sinistrum ; & illi qui ea distribuerunt , aptant ea super altare
 „ & cum post finem Missæ eadem repetant fratres , non debet quis nisi
 „ suum accipere , & tunc non petitur venia.] Idem habet Cor-
 „ beienſe Ordinarium , in quo ſicut & in eiſdem Benignianis conſue-
 „ & apud Udalic. l. 1. c. 21. hoc additur : [Cantata autem antiphona ,
 „ vel ꝑ ad introitum eccleſiæ de SS. in quorum honore fundatus eſt
 „ locus , collectæque præmiſſo verſiculo ſubjecta cum tono , faciunt ora-
 „ tionem cum inclinatione conſueſta , cantatur Nona ; cantanda quoque
 „ in majori eccleſia , ſigno pulſato ad horam competentem à Cuſtode
 „ eccleſiæ , ab infirmis qui ad proceſſionem exire non potuerunt ; qua
 „ incepta Hebdomadarius Sacerdos , & Diaconus & Subdiaconus euntes
 „ in Presbyterium reſteſtiuntur , ibique Sacerdos reſteſtitus finit eam.]
 Ex Statutis Lanfranci , & ex libro Uſuum Beccenſium in primo exem-
 plari Nonam non cantabant ; ſed tantum inclinationi orationem faciebant ,
 atque interim Sacerdos , & miniſtri ſacras veſtes ad Miſſam induebant :
 ex ſecundo verò exemplari & conſuetudinibus Lyreæ approximantes
 eccleſiæ ad quam pergebant , Sacerdos & Diaconus *antecedebant ſe*
reſteſtere , ut dicta de SS. eccleſiæ patronis collecta , ad quam fleſte-
 bant genua , ſtatim Miſſa ſequeretur.

17. Hanc porro ad Miſſam omnia neceſſaria ornamenta prius à Sa-
 criſta eò deferrebantur , quò proceſſionem faciebant , ut diſcimus tum
 ex Statutis Lanfranci , tum ex Ordinario Corbeienſi , tum denique ex
 „ libro conſ. S. Benigni c. 65. in quibus hæc legimus : [Secretarius enim
 „ per ſanulos ſuos præmiſit veſtimenta , vinum , & aquam , & calicem ,
 „ & quidquid neceſſarium eſt ad Miſſam ; hoc eſt thuribulum , duos ce-
 „ reos qui ponuntur ad cornua altaris , offertorium , pallas altari ſuper-
 „ ponendas , librosque neceſſarios :] Immo non ſolum præmittebat ,
 ſed ea ipſe aptabat ex Lanfranci Statutis.

18. Miſſa dicebatur de jejunio : *Exaudivit* , cum unica commemora-
 tione de SS. loci ; ita ex Statutis Lanfranci , Udalrico , Ord. Corb.
 & Benignianis conſ. : Lyrenſes tres faciebant commemorationes 1. de
 S. Maria , 2 de SS. loci , 3 de omnibus SS. : totidem notat liber Uſuum
 Becc. in primo exemplari ; in ſecundo autem additur & quarta : *Deus*
à quo ſancta deſideria ; & ad cappellam decuria quinta : *Deus cujus*
miferatione ; immo ſi neceſſe eſſet & ſexta pro pluvia vel pro ſerenitate.
 Dionyſiani & Compendienſes aliam Miſſam cantabant , ſcilicet : *Salus*
populi , cujus prima oratio erat : *Ineffabilem miſericordiam ſuam* , ſe-
 cunda de ſancto : *Da quaſumus omnipotens Deus* , tertia de omnibus
 SS. *Concede quaſumus omnipotens Deus ut interceſſio*. Epistoſa : *Si ini-*
quitates. *Alleluia* : *Oſtende nobis*. Evangelium ex Miſſa de jejunio :
Petite & accipietis. Offertorium : *Sicut in holocauſtum*. Communio :
Amen dico vobis.

19. Notandum quod habent Divionenſes S. Benigni conſuetudines :
 c. 65. „ [Cum lectum fuerit evangelium , *inquunt* , coci & ceteri quorum eſt ad
 mensam

mensam fratrum servire, accipientes licentiam revertuntur; simulque duo fratres qui cappis induti, nudis tamen pedibus processione ad introitum ecclesie sunt recepturi in redeundo, cantantes mediocriter litaniam, quam conventus rediens cantaturus est. Idem videre est in Ordin. Corbeie si, & apud Udalicum, nisi quod ex Udalrico letaniam breviter in choro iterato sunt cantaturi, ea melodia, & his versibus, qui ad hoc sunt inventi. Idem etiam habet Lanfrancus, sed de fratribus tantum qui processione recepturi erant: [celebrata fuit Missa, *inquit*, duo fratres qui cappis induti debent dicere *Agnus Dei* ad portas monasterii inclinantes se ante & retro regrediantur, sumentes secum aliquos ex famulis, quibus iussum fuerit, & dicentes inter se letaniam, quam conventus in reditu cantaturus est.

20. Subdit Lanfrancus: [Expleta Missa, accedant statim fratres quibus iussum fuerit, & stantes in medio pronuncient litaniam. Interim Sacerdos, & qui ad Missam servierunt, expediant se; & sic revertuntur in chorum: post *S. Iohannem* & *Omnes chorus Prophetarum* pronuncient illum sanctum duabus vicibus in cuius nomen est ecclesia dedicata. Postea inclinantes se omnes ante & retro regrediantur eo ordine quo venerunt: Cantores litaniae producant, aut brevient ipsam litaniam secundum quantitatem itineris, qui in redeundo pergere debent post infantem ante reliquum conventum cantorum.] Idem habent Benignianae consuetudines, & Corbeienae Ordinarium, ex quibus etiam phylacteria resumenda erant antequam inciperetur litania; quae quod dicitur esse brevenda aut producenda, tribus modis potest intelligi; vel de resacandis seu dimittendis, aut addendis SS. invocationibus; vel de inferendis aut non inferendis certis precibus ad SS. invocationes, ut: *Exaudi, exaudi* &c.; vel de brevenda aut producenda ipsa melodia invocationum.

21. Pergit Lanfrancus: [Cum autem processio rediens ante monasterii introitum venerit, statione facta, litaniam finiant; qua finita, Cantores eque in ordinem suum redeant, & praedicti duo Cantores, qui praecesserant cappis induti, nudis pedibus, ante portas monasterii stantes dicant: *Agnus Dei qui tollis peccata mundi miserere nobis*, Chorus similiter respondeat. Cantores: *Suscipe deprecationem nostram* *Antiphona* *fides ad dexteram patris*, Chorus: *Agnus Dei* sicut supra. Cantores: *Gloria Patri, & Filio, & Spiritui sancto; sicut erat in principio, & nunc, & semper, & in secula saeculorum, amen*. Interim praecedentibus qui vexillum portant, & cetera quae superius dicta sunt, sequuntur Cantores, & reliquus conventus. Dicta *Gloria*, respondeat conventus: *Agnus Dei*, ut supra. Conventu intrante monasterium, pullentur signa. Cantores: *Exaudi Deus*; conventus: *Orationem populi tui*. Cunctis fratribus chorum ingressis, collocata cruce, & reliquis quae portata sunt in locis suis, praedicti duo Cantores in medio chori stantes, pronuncient litaniam: *Sancle sanctorum Deus miserere nobis*; Priores

O o o

„ à parte altaris sint, reliqui post eos sicut est ordo eorum.] Lanfranco
 „ consentiunt Divionenses S. Benigni consuetudines, & Corbeienſe Or-
 „ dinarium, niſi quod repetito poſt *Gloria*, *Agnus Dei*, omnino ſileri
 „ volunt, donec omnibus chorum ingreſſis, incipiatur altera letania;
 „ ſic quippe loquuntur: [Finito *Agnus Dei* ſiletur, donec ſecunda le-
 „ tania in choro incipiatur; & Cantoribus, ſicut dictum eſt præceden-
 „ tibus, ſequitur totus conventus in chorum, & omnia ſigna pulſantur,
 „ donec tota proceſſio in chorum tractim ſit ingreſſa. Omnes autem
 „ ſicut intrant portant phylacteria ſua ſuper altare, & quiſque poſtquam
 „ poſuerit, veniam ante altare petit: Prædicti verò duo Cantores cum
 „ cappis in choro, ubi Archichori ſtare ſolent, expectant ſignorum ceſ-
 „ ſationem; Illis enim ceſſantibus, incipiunt letaniam, quæ ſolet dici
 „ poſt huiusmodi proceſſionem, ad quam Armarius debet eſſe juxta illos,
 „ ne fallantur, ſicut & ad priorem letaniam; coci & ceteri qui poſt
 „ Evangelium accipientes licentiam reverſi ſunt, omnes debent eſſe. Can-
 „ tores letaniæ non inclinant ad ipſam, ceteri ad quodcumque: *Sancte*
 „ *Sanctorum* inclinant ſuper ſcabella conſidendo, & ad nomina SS. præter
 „ Angelorum.

22. Haſtenus Benignianæ conſuetudines totam letaniarum proceſſio-
 nis ſeriem proſequentes. Dionyſiani, Compendienſes, Beccenſes,
 atque Lyrenſes nullam ad portam monaſterij ſeu eccleſiæ ſtationem
 faciebant; [ſed reverſi ad proprium monaſterium, *inquiunt conſ.* *Lyra*,
 „ finiant Cantores quod cantant; & tunc Cantor incipiat antiphonam
 „ ad introitum,] ſcilicet de B. Maria, quam ſequēbatur verſus & oratio
 „ à Sacerdote dicenda cum genuſtatione. Dionyſiani cantabant *Re O con-*
 „ ſtantia martyr; Comp. antiphonam de omnibus Sanctis.

23. Paulo aliter noſtri Caſinenſes; nam proceſſionem à letania in-
 cipientes, Miſſam in loco ſeu eccleſia ad quam pergebant, cantabant;
 „ [Inde egredientes, *inſit vetus eorum Ordinarium*, veniant ante por-
 „ tam majorem, & interim cantantibus antiphonam: *Pro pace*, & *Re*
 „ *Civitatem*, & *tu Deus univerſorum*; deinde antiphonam: *Signum ſa-*
 „ *lutis*, ponantur à Sacerdote cruceſ tres cereas inſuper liminari portæ
 „ ejusdem, & aqua ſanctificata reſpergantur, & data ibi oratione: *Ma-*
 „ *ſtorum refugium*, revertantur cantando antiphonam: *Salvator mundi*,
 „ & ſic ingrediantur eccleſiam S. Benedicti cum antiphona, & oratione
 „ ſicut conſuetudo eſt.

24. Tandem his omnibus peractis, [Expleta letania, *inquit Lan-*
 „ *francus*, pulſetur ſignum ad Nonam, factæque oratione Nonæ, vadant
 „ in clauſtrum lavare pedes, quibus lotis revertentes in chorum, pulſa-
 „ to alio ſigno cantent Nonam.] Beccenſes ex ſuo rituali, & Lyrenſes
 „ ex ſuis conſ. lotis pedibus accipiebant mixtum: [Terminata oratione,
 „ cant ad Mandatum, & ad mixtum] *inquiunt*, adduntque: [Iſtis tribus
 „ diebus ſi proceſſio exierit in reſectorium, à junioribus incipiuntur.]
 „ Dionyſiani & Compendienſes terminata oratione, Nonam conſequentur

cantabant, ad quam ex Compendiensis monasterij consuetudinibus sedebant, fatigati processioneis labore; eaque finita, lotis, calceatisque pedibus, ad coenam in refectorium pergebant.

25. Cum verò propter ingruentem pluviâ foras prodire non poterant, Missa matutinalis erat de defunctis, & processio nudis pedibus fiebat in clauistro; ita ex libro Usuum Beccensium. Cistercienses nullas faciebant processiones; sed [post Tertiam pulsato ligno sicut ad Missam pulsari solet, sic habet lib. Us., duo fratres ante gradum Presbyterij stantes, cantent litaniam, fratribus in utroque choro insimul respondentibus; & stantibus adinvicem versis vultibus sicut ad Missam solent.] Cartusienenses & processionem, & litanias omnino omisissile videntur saltem nulla earum sit mentio eorum in Ordinario.

26. De refectione horum dierum hæc lego in Benignianis consuetudinibus: [Deinde pulsato cymbalo, cum videtur Priori versùs finem lavationis pedum, in refectorium pergunt: his tribus diebus sunt ban- calia in capitulo, generale in refectorio (recentiori manu de statonibus) caritas de meliori vino in fialis portata, lac in pulmento, herbæ crudæ post pulmentum, idest lactucæ vel hujusmodi.] Idem iisdem verbis in Ordinario Corbeiensis continetur, hoc addito: *hostia non portantur in refectorio*; à quibus non multum recedunt Floriacenses S. Benedicti consuetudines in quibus hæc habentur: [His tribus diebus, post cymbali pulsationem, qui voluerit sine licentia, bibet de absinthio melle confecto, quod Refectorarius ante præparavit, & posuit in scyphis singulorum; & habemus generale piscium in refectorio, & flacones qui ad initium prandij apponi debent, & herbæ crudæ, & lactucæ, vel hujusmodi.

27. [Post refectionem verò, inquit Dionys conf., sedeant in clauistro quousque Prior det licentiam eis dormiendi: conf. Compendienses habent: nisi Prior jusserit, ut eant dormitum.

28. Ad Regulare verò horum dierum officium quod spectat, audiendus est hic Lanfrancus: [His tribus diebus, insit in Statutis, ad nocturnam, Capitula, & collectæ de Resurrectione, & ad Vesp. secundæ & tertiæ feriæ: Ad matutinas verò Laudes, & ad Tertiam, & ad Sextam, & ad Nonam capitulum & collectæ de jeuniis:] Liber autem Usuum Beccensium: [Diebus Rogationum ad nocturnas legant sermones ad ipsos dies pertinentes, capitula, & oratio duobus diebus ad nocturnos, & ad Laudes, diurnisque Horis usque ad processionem, & ad Missam de jeunio; deinceps idest ad Nonam & ad Vesperas de Resurrectione. Vigilia Ascensionis totum de Resurrectione usque ad Vesperas.

29. Quia verò longior processioneis via fatigatos nonnumquam fratres reddebat, ad nonnullas Regularis officij Horas sedendi concedebatur indulgentia, ut jam vidimus ex conf. Compendiensibus ad ix; declarantque id amplius Floriacenses in quibus hæc lego: [Et propter

laborem processionum, & jejuniorum qui voluerit, incustodito sedendi ordine, ad Vesperas, Completorium, & nocturnas vigilias residebit.] Eadem ratione consuetum defunctorum officium omittebant, solis Vesperis post Vesperas, & Laudibus post Laudes contenti, ut videre est apud Lanfrancum, Udalricum, in Ord. Corb., in Benignianis cons. lib. Ul. Beccensium, & alijs: Lanfranci verba hinc sufficiant: [Ad Vesperas secunda & tertia feria, pulsentur signa sicut privatis diebus: Inter signa dicantur psalmi: *Deus auribus nostris*; post Vesperas de omnibus Sanctis dicantur Vesperæ mortuorum: vigilia mortuorum his diebus non agatur, si processio extra claustrum perrexerit; alioquin agatur sicut solet.] Unum hinc addendum est de benedictione revertentium de via ex Benignianis consuetud. & Ord. Corbeienfi: [Si quilibet frater deforis his tribus diebus venerit, ad alias horas quæ in monasterio dicuntur benedictionem suscipiet; ad solam Nonam quæ ad ecclesiam illam ad quam ad processionem itur, dicitur, benedictionem non habebit.

30. Quæret aliquis quid de festis his tribus diebus contingentibus fieret. Huic quæstioni satisfacit Lanfrancus his verbis: [Si in his tribus diebus festivitas xii lect. evenerit, totum servitium noctis & diei, de ipsa festivitate agatur. Dicta Tertia, & pulsatis omnibus signis, Missa ipsius festivitatis sicut alio tempore solemniter celebretur; processio vadat sicut alijs diebus, excepto quod calceati, & sine baculis ibunt: Missa jejunijs ad monasterium quo processerint celebretur. Si autem festivitas trium lect. evenerit, commemoratio ipsius tantummodo fiat ad Vesperas, & ad Matutinas Laudes, & ad priorem Missam de jejunio.] Lanfranco consentit Rituale Beccensis monasterij, ex quo ne quidem commemoratio jejunijs ad Missam de festo agenda erat; sed ab eo discrepabant omnino nostri Dionysiani, quorum antiquæ consuetudines hæc ferunt: [Si festivitas xii lect. evenerit in his tribus diebus, nihil fiat de ea; sed si potest fieri post Ascensionem restituatur, de festo trium lect. nec commemoratio fiat:] Mediam viam ineunt Compendienses consuetudines: [Si aliquod festum trium evenerit lect. *inquunt*, infra hos tres dies, nihil fiet de eo: si verò aliqua festivitas xii lect. vel octava Dedicationis infra hos dies evenerit; omnia fiant de festo, vel de octava Dedicationis. Ad Vesperas & Matut., fiat commemoratio tantummodo de die. Prima Missa de festo ad altare majus cantabitur, quaecumque fuerit illud festum, ultima Missa de die.

31. Hactenus de Rogationibus satis in quibus idem ordo singulis diebus servabatur, si pauca fortè excipias, quæ minimi omnino sunt momenti. Unum hinc Addo Brunonis Episcopi Lingonienfis statutum in gratiam Besuensis nostrorum, quod refert Johannes monachus in Chronico Besuensi his verbis: [Inter cetera igitur quæ huic loco con-

Spic.

to. 1.

p. 536

Rogationum omnes tam viri, quam mulieres cum oblationibus ad SS. Apostolorum Petri & Pauli limina convenirent.] Idest ad monasterium Besuense SS. Apostolis Petro & Paulo sacrum : deinde refert ejusdem Brunonis Episcopi Chartam ea de re datam an. 1008, ex qua & illud notandum plane discimus, quod Rogationum tempore ex prædictis locis fideles olim Lingonas peccatorum remissionem accepturi convenirent, quod ille commutavit, monachis Besuensibus dicto tempore facultatem tribuens confessiones prædictorum audiendi.

CAPVT XX.

*De Ascensione Domini ceterisque diebus usque
ad Pentecosten.*

1. **A**scensionem Domini nostri Jesu Christi eodem prorsus modo ac ritu celebrabant olim Divionenses, Corbeientes, & Patiensenses nostri, atque ejus Epiphaniam, paucis fortè exceptis, quæ ad tempus Paschale potissimum spectabant: unde nec in describendo ordine in ea servando plurimum morantur, cum ex dictis supra de Epiphania Domini res obvia cuique & manifesta fieri possit: Si quid ergo apud alios singulare aut fortè fusiùs & distinctius exprellum existat, aliunde prorsus reperendum est. Atque ut à primis Vesperis, unde ipsa festivitas incipiebat, ducamus exordium: [In Ascensione Domini, inquit Tullense S. Apri Ordinarium, ad primas Vesperas Dominus Abbas à principio Vesperatum indutus alba & cappa faciat officium, & in ejus absentia Prior. Idem faciat in secundis Vesperis. Ad primas Vesperas super psalmos antiphona: *alleluia*: Sic veniet incipiatur ab Hebdomadario. Psalmi: *Laudate pueri*: *Laudate Dominum omnes gentes*: *Laudate Dominum quoniam bonus*: *Lauda Jerusalem*.] Alij sub uno *alleluia*, vel una antiphona quæ incipiebat ab *alleluia* psalmos feriales dicebant; nisi aliqua festivitas alicujus sancti eo die accidisset; tunc enim psalmos de festo sub una de eo antiphona decantabant, reliquumque officium de Ascensione celebrabant.

2. Capitulum seu lectio ex Actibus Apostolorum: *Primum quidem* &c. in omnibus ferè monasteriis, pro qua in Dionysiano & Compendiensi dicebatur: *Unicuique nostrum data est gratia* &c. Responsorium: *Omni plenitudo* à quatuor in cappis cantandum ex Dionys. Compendiensibusque consuetudinibus, idem notatur in Ord. Corb.; sed in Tullensi ejus loco habetur: *Exaltate*, à Cantore & alio fratre in albis & cappis candidis cantandum. Hymnus ex Corb. & Tullensi Ordin.: *Hymnum canamus*; ex Dionysianis & Comp. cons. *Eterne Rex*. & à duobus

bus pueris dicendus ex Tullensi Ord. Ad *Magnificat*. [Portetur incensum à Domino Abbate & duobus Cantoribus &c., prosequitur Tullense Ord., si verò Prior faciat officium; à Priore portetur, & uno Cantore: duo quoque thuribularij sint in albis.] Et Dionys. conf.: [Deferantur duo candelabra ante Sacerdotes deferentes thuribula.] Antiphona verò ad *Magnificat* ex Dionys. conf. ter dicenda erat.

3. [Post *Pater noster* loco precum, inquit Tullense Ord., dicatur & *Ascendens Christus in altum*, vel alius defesto.] Dicta collecta, nulla fiebat comm ex Dionys. conf.; sed *Benedicamus Domino* cum alleluia cantabatur ex Ordinario Tullensi, ac postea cum incenso processio fiebat ad S. Crucem.

4. Ab his porro Vesperis Cistercienses Paschalem cereum usque in integrum diem sequentem continuò arsurum accendebant, ut discimus c. 29. ex libro Usuum, cujus hæc verba: [In Ascensione Domini ad Vesperas cereus Paschalis accensus non extinguatur usque in crastinum post Completorium. Tunc verò ab Ecclesia sublevetur.] Ad hos proximè accedebant Parisienses nostri S. Germani, qui cereum Paschalem omnibus horis canonicis, exceptis nocturnis usque ad cantica, & ad Missam accendebant: extra verò divini tempora officij alium in capella B. Mariæ cereum incessanter arsurum usque post diei Completorium, qui & ipse, cum ardebat cereus Paschalis, ad horas canonicas extinguebatur.

5. Ad Nocturnos Invitatorium à quatuor in cappis, ex quibus duo remanebant in choro apud Dionysianos; cantabatur apud Tull. à Cantore & duobus Hebdomadariis in albis item & cappis. Hymnus in Ord. Tullensi: *Iesu nostra redemptio*; in Dionys. conf.: *Tu lucis autor*. Singuli psalmi sub singulis antiphonis. Lectiones ad primum secundumque nocturnum assignant Dionysianæ conf. [octo de homilia: *Qui crediderit & baptizatus fuerit*; ad tertium vero nocturnum quatuor lectiones de Evangelio: *Euntes in mundum universum*.] In veteri autem Corbeienfi Ordinario simpliciter notantur ad nocturnos lectiones de expositione S. Gregorij Papæ: *Et Dominus quidem Iesus postquam locutus est eis*: An verò in tribus nocturnis dicerentur, ibi non exprimitur. Singula Responsoria post Lectiones à duobus, quartum à tribus, octavum à quatuor, duodecimum à quinque cantabatur. Ita ex Dionys. conf. In Laudibus singulis psalmis singulæ præmittantur antiphonæ, quæ etiam excepta quarta ad horas dicebantur. Capitulum apud Dionys.: *Primum quidem*. Hymnus: *Iesu nostra redemptio*; apud Tullenses cap. *Convalescens*, Hymnus: *Æterne Rex altissime*. Antiphona ad *Benedictus* ex Dionys. conf. bis dicenda; hæc duo deferantur thuribula; apud Tullenses tamen unicum, ex quorum Ordinario post orationem Dominicam pro precibus & de Ascensione, & post collectam: *Benedicamus Domino* cum alleluia dicebatur. Post Laudes processio cum incenso ad altare S. Crucis, in qua post antiphonam de cruce, &c.

& collecta de presenti festo sequebatur. Addit idem Ordinarium: [Verba mea, & familiares psalmi hac die more solito dicuntur, sed post Nonam non dicuntur.

6. Ad Primam, aliasque horas antiphonæ de Laudibus ut diximus. In fine hymni cujusque horæ addebantur hæ duæ strophæ: *Da nobis illuc sedula devotione tendere, & Gloria tibi Domine, qui scandis*. Ita ex Udalrico l. 1. c. 2. Corb. Ord. Benign. conf. &c. Missa matutinalis de Ascensione eadem cum majori, nisi quod Dionysiani in ea Symbolum omittebant & Lyrenses propriam præfationem, quod utrumque Tullenses dicebant.

7. Ad Tertiam omnes erant in albis ex Dionysianis conf.: Tertiam sequebatur processio, quam in claustrum tantummodo faciebant Cluniacenses, Divionenses, & Corbeenses; sed in omnibus communiter Ordinis nostri monasteriis magno cum apparatu, & populi frequentia extra monasterium fiebat; testes sunt hanc in rem omnes penè quot quot sunt monasteriorum consuetudines, ex quibus nonnullas hic referimus: In primis Floriacenses [In die Ascensionis Christi, inquit, ad finem Tertie reliquiæ & ornamenta super altare ponuntur post Tertiam ab Abbate, & altero Sacerdote qui bajulaturus est dexteram, cappis indutis, thurificantur cum duobus thuribulis. Deinde porrigit Sacrista cruce Conuersis; & Armarius textus Subdiaconis. Omnes cruce tam aureæ, quam argentæ portantur; & tres aurei textus. Præcumbentibus autem vexillis & dracone, sequitur bajulus aquæ benedictæ. Post istos Ceroferarij. In singulis crucibus quatuor phylacteria portantur, novissimè portatur maxima crux aurea cum sex phylacteriis, & spongia in medio ponatur; deinde capsa S. Mauri à duobus Sacerdotibus, postea thuribula, deinde textuum bajuli, deinde bajulus dextræ amictus cappa, cum Ceroferariis, post illos pueri cum magistris, inde novicij, & ceteri ordine suo, Abbate verò novissimo. Et ad processionem totum castrum circumuehant, & famuli præpositi à turba undique conventum custodiunt, atque in navi ad stationem sedes antea conventui præparant.

8. Consuetudines S. Dionysij: [Post Tertiam fiat processio circa muros; & sciendum est quod in ipsa processione debent deferri clavus, & corona, & reliqua omnia quæ in tribus diebus præcedentibus deferenda prædiximus. Ante processionem dicatur oratio: *Respire quæsumus Domine super hanc familiam tuam*. mox incipiat à duobus bene cantantibus: *Salve festa dies, & Ecce renascens*, & alij qui sequuntur; ad unumquemque & conventus respondeat: *Salve festa dies &c.*

9. Hanc processionem faciunt etiam nunc nostri Dionysiani, huicque interesse debent omnes ne uno quidem excepto Canonici ecclesiæ S. Pauli; sed prædictas reliquias ad eam non deferunt.

10. Tullense S. Apri Ordinarium: [Dum cantatur matutinalis Missa præparetur feretrum S. Apri; finita matutinali Missa, cantetur Tertia, qua finita significet Sacrista quatuor Presbyteris qui portent feretrum

„ B. Apri in albis tantum & stolis. Idem verò Sacrista porret caput ipsius.
 „ Præparatis igitur ministris qui portaturi sunt cruces, textus, caput, &
 „ feretrum B. Apri, duo fratres à Cantore præmoniti in medio stantes
 „ cantent *Salve festa dies: Qua Deus ad cælos*, & cum dixerint duos
 „ primos *ψ*, chorus ipsos reiteret exeundo per januam templi, & fiat
 „ processio per prata, & campos; & Decanus de vico præcedet aquam
 „ benedictam, duoque pueri portent cereos, thuribulumque portetur:
 „ prædictique duo fratres qui cantant: *Salve festa*, cantent alios ver-
 „ sus, & post duos quosque *ψ*, chorus respondeat: *Salve festa*, finitisque
 „ versibus Cantor incipiat *Vir Galilai*. . . . Reverſisque fratribus, non
 „ fit statio in media ecclesia; sed statim ingrediantur fratres chorum,
 „ & incipiatur à Cantore: *O Rex gloria*, chorusque prosequatur; qua
 „ finita, statim sequatur Missa. Denique recentius Rituale Corbeien-
 „ sis monasterij: [Die Ascensionis Domini processio erit valde solem-
 „ nis, totus clerus villæ debet interesse cum superpelliciis, & cappis fe-
 „ ricis. Portantur ad processionem corpora B. Gentiani Martyris, cum
 „ corpore Beati Adalardi Abbatis, & ejus caput, cum brachiis, & aliis
 „ reliquiis, vexillis præcedentibus &c.] Præterea Rituale Beccensis mo-
 „ nasterij, & conf. Lyræ. Processionem statim sequebatur Missa; sed in
 „ Parisiensi S. Germani monasterio post processionem immediatè debebat
 „ esse sermo in choro, ex M. S. conf. ejusdem monasterij.

11. Hæc Missa erat valde sollemnis, ut tantam decebat festivitatem.
 „ De ea conf. S. Dionys. in Francia: [Cantetur Missa festivè, & sint om-
 „ nes in cappis, sex procedentes, tres Cantores. Officium: *Vir Galilai* &c.]
 „ ad hanc procedebat [Sacerdos cum ministris è vestiario ad altare per
 „ medium chori dexteram auream bajulans, benedictionem dans conven-
 „ tui ad dextram & ad sinistram;] ut loquuntur Floriacenses S. Bene-
 „ dicti conf. Ad introitum duo dicebantur versiculi, ut discimus ex Benig-
 „ nianis conf., scilicet: *Omnes gentes, & cùmque intuerentur*. Primum al-
 „ teluia tres monachi, secundum quinque cantabant ex Lyrænsis mona-
 „ sterij conf.; sed ex Rituali Beccensi primum quatuor, posterius sex in
 „ quibuslibet cappis cantabant. Præfatio & Communiones propria.

12. Ad refectorem tam propter præsentis festi sollemnitatem, quam
 „ propter processionis laborem, solito paulò lautius excipiebantur; hinc
 „ Floriacenses S. Benedicti consuetudines: [Ipso die, *quinti*, in refectorio
 „ ad prandium mortuas, generale piscium, mortariola, pitantiam de op-
 „ timo vino debemus habere, & ad cœnam trutas.

13. Officium Nonæ singulari modo ac ritu celebrabant hac die
 „ nostri Tullenses S. Apri, quem ita describunt in suo Ordinario: [Hac
 „ die Nona cantetur in albis, fratres verò non mutabunt loca sua in
 „ choro: Si Dominus Abbas faciat officium in Nona, à principio Nonæ
 „ cappa induatur; si verò Prior, vel alius officium faciat, remanebit in
 „ alba tantum ut ceteri fratres donec incensum portabit. Ad ix anti-
 „ phona: *Videntibus illis*. Cap. *Igitur qui convenerant. ψ Dominus in cælo*; post

post & verò Cantor in medio choro stans indutus cappa candida incipiat *Kyrie lux & origo*; deinde incipiat à Cantore: *alleluia: Ascen-*
dens, & chorus prosequatur; postea canteretur sequentia: *Rex omnipotens Domine*. Interim portetur incensum ab illo qui facit officium induto
 cappa candida: Si verò Dominus Abbas faciat officium, Hebdomada-
 rius Missa indutus cappa candida cum eo procedat. Cappa verò quam
 portat Abbas poterit alterius coloris esse, quàm candida, thuribularius
 verò sit in alba, ut alij fratres. Finita sequentia, non dicitur: *Pater*
noster, nec &; sed immediatè post sequentiam dicatur: *Dominus ro-*
biscum alta voce ut in Vesperis. Collecta: *Da quasumus omnipotens*
Deus illuc saorum: deinde dicatur à duobus pueris: *Benedicamus Domi-*
no alleluia alleluia. Ad hanc Nonam quinque lampades in lampario
 accendantur, & septem cerei in rastro, & cereus Paschalis, qui post ix
 debet auferri à Sacrista. Post ix eant fratres in refectorium potaturi.

14. Ad Vesperas in eodem Ordinario sub unica antiphona notan-
 tur psalmi: *Dixit Dominus*; *Laudate pueri*; *Laudate Dominum quoniam*
bonus & *Lauda Ierusalem*; pro quibus Dionysianæ Compendiensesque
 conf. habent psalmos de Dominica sine comm., nisi fortè sequentis festi,
 si evenierit.

15. Infra octavam Ascensionis ad nocturnos psalmi feriales in utroque
 nocturno sub unica antiphona, tres lectiones de Actibus Apostolorum,
 qui à capite incipiebantur, & legebantur usque ad Pentecosten; licet
 jam inde ad nocturnos proxima post octavam Paschæ hebdomada le-
 ctum fuisset, ut patet tum ex Corbeienfi Ord., tum ex Benignianis
 conf., tum ex Dionysianis; sed Tullenses de inceptis canonicis Epi-
 stolis infra hanc octavam legebant contra communem, ut videtur or-
 dinis morem. Ad Laudes omnes psalmi de tempore Paschali, hoc est:
Dominus regnavit, &c. sub unica antiphona. Similiter ad Vesperas psal-
 mi feriales sub unica item antiphona. Missa de Ascensione sine *Gloria in*
excelsis, sine *Credo*, sine sequentia, sine *Communiantes* proprio cum unico
alleluia; ita Tullenses S. Apri, qui & in crastino Ascensionis Evange-
 lio: *Recumbentibus* addebant aliud Evangelium: *Ego vitam promissum*.
 Apud Dionysianos & Compendienses eadem Missa, quæ in festo cum
 unico *Alleluia*, in qua etiam ex Compendiensibus conf. Introitum &
 communionem alternis diebus mutabant, scilicet hodie Introitus:
Ascendit Deus; Communio: *Pater cum essem*; cras verò Introitus: *Viri*
Galilai; Communio: *Psallite*; & sine præfatione propria, quæ ex Be-
 nignianis conf. [amplius non dicitur, quàm in primo die à utramque
 Missam, & in octavo ad maiorem.] In Lyrensi verò monasterio feria
 sexta major Missa de Dominica dicebatur: *Vocem iucunditatis*, cum
 commemoratione de Ascensione. Idem & in Beccensi.

16. Sabbato ex communi monasteriorum consuetudine officium cum
 tribus lectionibus de B Maria: Ita in Dionysiano, Compendiensi, Ly-
 renfi, Beccensi, & S. Petri supra Divam, quod in isto ita tenaciter ob-

P p p

servabatur, ut sabbato majori aliquo festo impedito, officium B. Mariæ
 „ feria vi celebraretur: ita quippe in Ordinario hujus monasterij: [Sab-
 „ bato quidem fiat principaliter servitium Virginis glorioſæ, niſi feſtum
 „ evenit xii lect.; nam tunc præcedenti feria vi. quod non eſt in
 „ conſuetudine noſtra, agendum eſt; vel ſi melius decreverint, in
 „ fer. iiii Rogationum, hoc tamen obſervato quod de jejunio, & proceſ-
 „ ſione ordinatum eſt.

17. Dominica infra octavam Aſcenſionis ad nocturnos octo lectio-
 nes ex libro Actuum Apoſtolorum notantur in Ordinario Caſſinenſi,
 quatuor poſtremaſ de homilia. In Compendienſibus etiam ſancti
 Cornelij conſuetudinibus adſignantur Lectiones ex Actibus Apoſto-
 lorum; in Tullenſi verd Ordinario ex Epistoſa Sancti Johannis:
Quod fuit ab initio. Commemoratio de octava Aſcenſionis in utrif-
 que Veſperis, & Laudibus in quibus pſalmi ſub unica dicebantur
 antiphona. Miſſa matutinalis de Aſcenſione, major de Domini-
 ca; ſed Dionyſiani Dominica infra octavam Aſcenſionis ſolemne
 de Sanctorum Reliquiis officium celebrabant cum proprio officio;
 ſequenti verd feria ſecunda pro defunctis fratribus, & benefactori-
 bus Miſſam, & officium defunctorum cantabant, qua de re aliàs.

18. Octavâ Aſcenſionis ad primas Veſperas pſalmi feriales ſub
 unica antiphona, cum commemoratione, apud Dionyſianos de Beato
 Dionyſio. Ad nocturnos pſalmi ut in die, cum unica in ſingulis
 nocturnis antiphona. Duodecim lectiones, octo quidem de ſpeciali
 aliquo ſermone, quatuor de homilia. Ita Dionyſiani, Compen-
 dienſes, & Tullenſes; at Caſſinenſes pſalmos feriales cum tribus
 dumtaxat lectionibus ſicut aliis diebus recitabant. Miſſa matutinalis
 apud Dionyſianos de B. Dionyſio, major de octava. Ad Veſperas pſalmi
 ut in die, ſed ſub unica antiphona: Denique ante collationem propter
 ſequentis Sabbati ſolemnitatem mandatum hac die fiebat ex Or-
 dinario Corbeienſi, Tullenſi, Benignianis conſuetudinibus & Com-
 pendienſibus.

19. Eveniens autem hanc in octavam feſtum xii Lectionum, in
 ſequentem feriam vi rejiciebant ex Ordinario Sancti Petri ſupra
 Divam.

20. De ſequentibus duobus diebus paucis Divionenſes S. Benigni
 „ conſuetudines: [Duobus diebus qui intra octavam Aſcenſionis, &
 „ S. Pentecoſten interpoſiti ſunt, ita agendum eſt: Invitatorium: *alle-*
 „ *luia alleluia alleluia.* Capitula, & hymni, & R., & verſiculi, & col-
 „ lectæ, excepta: *Concede,*] omnia ſicut in octavis dicenda ſunt. Miſſa
 ex Dionyſianis Compendienſibusque conſuetudinibus ſexta feria de
 Dominica; ex Ordinario Tullenſi de Spiritu ſancto. Ad Veſperas verd
 ejuſdem feriæ ſonabat clauſicum ex Dionyſianis conſ., ex quibus etiam
 & ex Compendienſibus Sacerdos induebatur ad thuribulum, neque ulla
 fiebat commemoratio.

CAPVT XXI.

De Vigilia Pentecostes.

1. **V**igilia Pentecostes tantam cum Sabbato sancto affinitatem habet, ut si pauca fortè excipias, eosdem omnino ritus, eadem consuetudines habere videatur. Solum Regulare officium prorsus diversum erat, de quo proinde, antequam ritus ad Missam pertinentes intelligemus, aliqua præmittenda sunt.

2. Et primò quidem Invitatorium à duobus *in albis* cantabatur tam ex Dionysianis, Compendiensibusque consuetudinibus, quam ex Ordinario S. Petri supra Divani.

3. Tres dumtaxat lectiones cum totidem Responsoris: Lectiones autem erant de Evangelio: *Si diligitis me*; ex quibus [prima à Diacono, secunda ab aliqua persona, tertia ab Abbate vel à Priore] legebatur, saltem ita apud Dionysianos, quibus accedunt Compendienses. In Beccensi Lyrensiq[ue] monasterio Lectiones ita incipiebant: *Quia hodie S. Spiritus*, quibus nec Evangelium præmittebant, licet ipsæ Lectiones essent de Evangelio. Idem in Tullensi S. Apri observatum fuisse sonat ejusdem monasterij Ordinarium, cujus hæc verba: [Ad Maximum Lectiones de Evangelio: *Si diligitis me*, sine titulo legantur, & feriatim puer legat primam Lectionem.] Primum & ab Hebdomadario, secundum à quolibet, tertium à Cantore ex Dionysianis consuetud. cantabatur, ex Comp. tertium etiam à Cantore dicebatur.

4. Ad Laudes pulsabatur clavicula, duo deferrebantur thuribula, nulliq[ue] fiebat commemoratio: Ita apud Dionysianos, qui nequidem de festo xii lectionum hac die fiebant aliquid: [Si autem in hoc Sabbato, *inquirit i. suis conf.*, xii. Lectiones evengrint nihil omnino fiat, nec restaurentur, nisi fuerit de S. Barnaba Apostolo, & de de- rectione Beatorum Mart. Dionysij, Rustici, & Eleuterij; & tunc in providentia Cantoris sit restituta.] In Cod. Colbertino additur: *Et de E. Petri & post Et Eleuteri*. P[er] aliud aliter nostri Beccenses quædam in libro Usuum hæc lego: [Quæcumq[ue] festivitas in Vigilia Pentecostes evenit xii Lectionum, feria sexta Vesperas habebit; ad Matutinum de festo tertium responsum; & lectiones quæ inscribuntur ip[s]i Sabbatho. Ad Laudes & ad Primam alleluia dicuntur. Missa matutinalis de festo; post i collectam; *Inclina Domine*; post Missam nihil penitus de festo;] His suffragantur conf. Lyra ita decernentes: Quæcumq[ue] festivitas trium lect. vel xii lect. in vigilia Pentecostes evenit. Missam matutinalem habebit, ad Matutinum tertium & de festo lect. quæ inscribitur ip[s]o Sabbatho, scilicet: *Quia hodie sancti Spiritus*: Evange-

„lium non pronunciatur, licet Lectiones sint de Evangelio. Feria vi
 „de festo erunt Vesperæ; post Missam matutinalem nihil penitus fiet
 „de festo.] Tullenses verò sub distinctione hæc sanciunt: [Si festum
 „xii lect. in quo festo ad Mat. sit festivè legendum eveniat in Vigilia
 „Pentecostes, totum officium usque ad Vesperas de festo diceretur, de
 „vigilia non fieret commemoratio nec ad Vesperas nec ad Laudes: Si
 „verò fest. xii lect. in quo festo ad Matutinas sit ferialiter legendum,
 „ead. t in Vigiliam Pentecostes; duo primi nocturni, & horæ diei de
 „festis dicerentur; tertius verò nocturnus, & Laudes de Vigilia erunt in
 „hunc modum: Ad Cant.: *alleluia: Sic veniet.* Cantica: *Quia est iste:*
 „*Venite: Expecta me, & Exaltare Domine.* Lectiones de Evangelio: *Si*
 „*diligitis me &c.*] In Laudibus comm. de festo: [Si verò festum trium
 „lect. cadat in vigiliam Pentecostes, fiet de illo festo commemoratio
 „tantum ad primas Vesperas, & ad Laudes; reliquum officium de vi-
 „gilia diceretur.] Missa matutinalis in Dionysianis consuevit, consignatur:
Sicut oculi; in lib. Usuum Becc. *De defunctis;* in Ordinario S. Petri
 supra Divam, & Comp. Sancti Cornelij consuetudinibus *de Beata*
Maria.

5. Post Missam matutinalem exeuntibus è capitulo locutio per-
 missa erat in claustris; post Tertiam indictum ibidem silentium: Ita
 Udalric l. i. c. 23, Corb. Ord., cons. S. Benigni c. 66, & S. Dionysij
 in Francia: Eodem tempore, hoc est post Tertiam ex Benignianis con-
 suevit. *infantes ibant in refectorio.*

6. Post Sextam ascendebant dormitorium eodem modo quo in Ro-
 gationibus, pausabantque in lectis suis, donec audito ad officium signo
 vocarentur. Pulsabatur autem ex veteri Cassinensium Ordinario *octava*
 „*hora mediante;* sed Corbeienfes nostri Adrianum Papam [percunctati
 „qua hora in Sabbato Pentecostes conveniens sit ad Lectionum offi-
 „cium ingredi Respondit ille *hora sexta hoc fieri oportere*] uti scribunt ipsi
 in pervertito ordine pro majori hebdomada; & hanc fuisse communem
 aliorum monasteriorum consuetudinem existimo, nam quod post Sextam
 lectos petere iubentur, hoc penitus omittebant nostri Dionysiani,
 eratque apud alios potius meridianæ simulatio, quam vera dormitio;
 unde statim lotis manibus, & facie, pexisque capitibus, in chorum
 descendebant, ut colligitur ex prolixitate officij, & cœna, quæ Ves-
 peras præcedebat.

7. Audito ergo ad officium signo, conveniebant in chorum, ubi præ-
 missa oratione, omnes albis induebantur, ut legimus in Lyrensis,
 Dionysianis, Compendiensibus consuetudinibus, in utroque Tullensi,
 & S. Petri supra Divam Ordinario, & in Rituali Corbeienfi; quamvis
 ex Statutis Lanfranci, & libro Usuum Beccensium ij soli albis essent
 induti qui ministraturi, cantaturi, vel lecturi essent aliquid.

„ 8. [Deinde veniente Sacerdote cum ministris *inquit Cassinense Ordin.,*
 „indutis solemnibus indumentis, & sedentibus in locis suis ad altare,

legatur in gradu Lectio prima absque pronuntiatione libri Genesis; qui autem debent Lectiones legere, vel tractus cantare, indui albis lineis stent in capite utriusque chori; & tractus ita cantantur sicut in Sabbato sancto.] Ut ergo primum accessisset Sacerdos ad altare, nulla alia præmissa oratione, suam sedem petebat; quod præter Cassin. Ordinarium docent nos liber Usuum Becc., Rituale ejusdem monasterij, & cons. Lyre, quæ Sacerdotis ad altare ingressum ita describunt: Fratres [revertentes per ablutorium in chorum faciant orationem, & post induantur omnes albis paratis, Sacerdos indutus casula XII lect., cum Diacono tantum stola & manipulo, & duobus Conversis candelabra deferentibus, ingreditur: Tunc non faciat orationem, nec confessionem; sed inclinet tantum ad altare, & sic eat sedere; & Conversi deponant candelabra.] Quibus suffragatur Missale Casalis Benedicti cujus Rubricæ in Vigilia Pentecostes hæc habent: Post Sextam [Sacerdos indutus casula, ministri verò stola, & manipulo; absque luminaribus, & incenso, è sacratio prodeunt, factaque reverentia ante altare, in locis suis sedent;] sed ex Ord. S. Petri supra Divam [Abbas Sacerdotalibus vestimentis ornatus veniebat ad altare dicens orationem: *Deus qui Sacramento:*] Cartusienfes verò ex Ordinario suo c. 52, & Grandimontenses ex consuet. Guillelmi Pellicerij primi Abbatis Grand. c. 21. Lectionibus confessionem præmittebant.

9. Lectiones dumtaxat quatuor legebant; & quidem ubique easdem, scilicet 1. *Tentavit Deus*, 2. *Scriptis Moyses*, 3. *Apprehendens septem mulieres*, 4. *Audi Israel*. In Concordia Dunstani secunda & tertia Lectio notantur *Apprehendens*; sed esse Typographi errorem mihi dubium non est. In solo S. Petri supra Divam Ordinario quinque Lectiones assignatas deprehendi, easque ab aliis diversas scilicet 1. *Tentavit Deus*, 2. *Mense tertio*, 3. *Nunciavit*, 4. *Apprehendens*, 5. *Hæc est hebdomada*; ex quibus primam legebat Prior, alias alij ordine antiquiores: Eundem ordinem in legendis Lect. observabant nostri Tullenfes, & Cartusienfes; At in consuetudinibus Lyre ad primam Lectionem inscribitur Prior, ad secundam Cantor, ad tertiam quilibet ex senioribus: Modum autem Lectiones legendi ita describit Tullenfe Ordinarium, scilicet *sine titulo, & festivo, media nota subtracta*. Ex eodem Ordinario prima Lectione incepta, Sacerdos ingrediebatur ad altare *sine aliquo processionis apparatu*.

10. Singulas Lectiones sequebantur singulæ collectæ, quibus post secundam tertiamque Lectionem præmittebatur tractus cantandus à duobus; post quartam verò Lectionem duæ dicebantur collectæ, quibus interserebatur tractus: *Sicut cervus*. Has collectas sine salutatione seu sine *Dominus vobiscum*, & sine *Hic est agnus* dicebant. Primus verò tractus: *Adiuvans cælum* ex Tullenfi Ordin. [à duobus Presbyteris superioris gradus cantabatur, secundus: *Finea facta* item à duobus Presbyteris mediocris gradus, tertius: *Sicut cervus* tandem à duobus juvenibus.

11. Ultimam collectam excipiebat letania trina seu tripla ut in Vigilia Paschæ; & quidem à duobus in cappis cantanda ex Lanfranci Statutis & lib. Usuum Becc. Quid autem esset letania tripla docet nos
 » Tullense S. Apri Ordinarium ita decernens: [Cantetur letania puerilis
 » à duobus qui cantaverunt: *Sicut cervus*, & sit trina in hunc modum:
 » Il i duo qui cantant primò pronunciant, dexter chorus respondet eis,
 » dextroque sinister.] Itaque tripla letania hæc erat cujus singulæ Sancto-
 » rum invocationes ter pronunciabantur, nisi inavis dicere triplam eam
 » esse litaniam in qua SS. cujuscumque Ordinis tres fiebant invocationes
 » ut supra diximus ad Sabbatum sanctum. Addit idem Ordinarium:
 » [Cùmque dictum fuerit: *Per sanctam Resurrectionem tuam*, dicatur:
 » *Per Adventum Spiritus sancti Paracliti*. Lib. In die iudicij libera, & cùm
 » dictum fuerit: *Ut fructus terre dare & conservare digneris*, dicitur: *Ut*
 » *gratiam Spiritus sancti cordibus nostris clementer infundas, Te rog.* *Ut nostri*
 » *miserere digneris.*

12. Dionysiani & Compendienses duas cantabant letanias unam qui-
 » nam procedendo ad fontes, alteram ternam inde revertendo; quod ita
 » describunt in suis consuetudinibus: [Post orationem eant ad fontes can-
 » tantes quinam letaniã, & Acolythus ferat crisma. & alius crucem, & alij
 » duo ferant candelabra; & benedicantur fontes ordine ipso, quo & in
 » Vigilia Paschæ, & antequam crisma mittatur in fontibus, accipiat
 » Capicianus aquam in uno vase, & servet eam usque in crastinum; quia
 » in die Pentecostes non fit aqua benedicta. Post incipiat Cantor & *Tibi*
 » *laus*; deinde redeunt in choro incipiat à duobus terna letania.]
 » Hactenus Dionysianæ conf. Idem habent Compendienses.

13. His duobus letaniis tertiam septenam præmittebat Dunstanus,
 » cujus Concordia hæc habet: [Finita oratione, inchoantur litanie
 » septenæ ad introitum ante altare: Postea descendat Abbas cum scola
 » canente litanias quinque ad fontes benedicendos, sequitur oratio, &
 » præfatio. His expletis, redeunt ad altare cum letania terna.] Tres
 » etiam letanias dicebant nostri Corbeenses, ut discimus ex eorum Ri-
 » tuali: [Finitis tractibus, inquit, dicetur prima letania & secunda
 » sicut in vigilia Paschæ, & erit Dominus Abbas indutus de cappa tu-
 » bea, & ibimus omnes ad fontes benedicendos ad Ecclesiam S. Leo-
 » nardi cum processione decenti sicut fecimus in vigilia Paschæ; &
 » fontibus benedictis, tertia litania dicetur; & quando dicetur: *Per*
 » *gratiam sancti Spiritus paracliti*, revertemus omnes in choro.

14. Sub finem litanie dicto *Accendite* ut supra Sabbato sancto,
 » accendebatur cereus benedictus, & alia altaris luminaria, nam prius
 » [unus cereus solummodo ante illam horam debet esse accensus ante
 » altare,] ut notat Lanfrancus, omniaque monasterij signa pulsaban-
 » tur; sive tunc, ut habent conf. Benigni; sive imposito *Kyrie eleison*,
 » ut præscribit Lanfrancus; sive ad *Gloria in excelsis*, ut aliis mos fuit.

15. Interim verò venit Sacerdos, præcedentibus ministris, cum thu-

ribulo, & candelabris, & textu;positoque textu super altare, facta oratione, dataque confessione, cessatisque signis, dicitur *Gloria in excelsis*.] Ita Benigniana consuet. Imponebat autem hymnum angelicum deferente ei Cantore ex Ord. Tull., vel sine annunciatione Cantoris ut habet lib. Usuum Beccensium.

16. Hæc Missa, cui apud Dionysianos assistebant duo procedentes, omnino festivè cantabatur, ut in vigilia Paschæ, cum unica collecta. Post Epistolam: *Alleluia Confitemini* à duobus, qui post versum repeiebant *alleluia*. [Postea inquit Tullense Ord., Cantor incipiat tractum: *Laudate Dominum omnes*, primum & cantet chorus dexter, & sinister alium, & in fine dicat uterque chorus: *Et veritas Domini*. Interim eat Diaconus ad legendum Evangelium, & cum eo Subdiaconus, cum Thuribulario, & Ceroferariis.] Cantabatur porro Evangelium in lecto-
rio ex cons. Comp.

17. [Finito Evangelio, pergant Benigniana cons., infirmi audiunt in oratorio suo Missam à Kyrie inceptam, & postea Nonam, & reficiunt: Eodem modo in Sabbato sancto audiunt Missam, & reficiunt.] Idem habet Corbeienſe Ord.: Ad pacem ibant omnes qui poterant, *Agnus Dei*, simul cum communionis dicebant, & non generaliter communicabant. [Denique ad finem Missæ, inquit Benigniana cons. pullatur signum quotidianum ad ix, fit oratio super genua, exiit Sacerdos cum ministris, cantatur Nona, itur in refectorium.] Atque ita communiter in aliis monasteriis; sed Cassinenses Missæ Nonam præmisſe videntur. Post prandium seu potius cœnam sedebant in clauſtro: Dionysiani verò dormiebant usque ad Vesperas.

CAPVT XXII.

De Pentecoste & ejus Septimana.

1. **V**T Vigiliæ Paschæ penè per omnia similis erat Vigilia Pentecostes; ita & inter utraq; reverendiſſimas has solemnitates nulla, aut certè vix ulla, reperire erat discrepantia; neque enim Adventui Spiritus sancti minus deferendum putarunt antiqui, quàm Domini- cæ Resurrectioni; unde & eosdem penè ubique ritus, & observantias advertere licet. Primas Vesperas omnes *albis* induti cantabant nostri Dionysiani & Compendienſes, quod in aliis multis monasteriis observatum fuisse mihi dubium non est. Omnes *psalmi feriales* sub unica antiphona ex Udalrico, Ord. Corb., cons. S. Benigni, S. Dionysij, & S. Cornelij: Sed ex Ordinario Tullensi hi dicebantur *psalmi*: *Laudate pueri*: *Laudate Dominum omnes gentes*: *Laudate Dominum quoniam*: *Lauda Jerusalem*, & quatuor *in cypis*. Reliqua omnia ut moris erat

in huiusmodi solemnitatibus. Preces solitæ non dicebantur; sed pro eis unus de festo versiculus: ita ex Ord. Tullensi, quod cum *alleluia Benedicamus Domino* dici præscribit; & infra addit: [Hac etiam nocte post Completorium portet Sacrista incensum, sicut ordinatum est in Ordinario de officio Sacristæ.]

2. Nocturnas vigilias eodem ritu celebrabant, quo in Resurrectione Dominica; hoc est in albis, vel cappis, præmissa altarum thurificatione, &c. his penè dumtaxat exceptis, quæ ad utramque solemnitatem specialius pertinebant; hinc nonnulli Regularem Sancti Benedicti ordinem in psalmis, Lectionibus, Responsoris, alij Clericorum observabant: Ita S. Dunstanus [Illa Dominica, ait, nocte tribus psalmis, totidemque Lectionibus, cum & agitur nocturna laus.] Idem videre est in Ordinario Tullensi, & Dionysij, Compendiensibusque consuetudinibus: Dionysianæ hæc scribunt: [Ad initium Matutinarum sonet clavicula, & non dicantur quindecim psalmi. Matutinæ eodem ordine celebrentur, quo & in die Paschæ. Primitus incipiatur: *Domine labia*, & post *Deus in adjutorium*. Post *Gloria Patri* cantetur inter duo altaria à quatuor in cappis Invitatorium: *alleluia: Spiritus Domini*: Illi quatuor qui cantaverint in choro remaneant, & non cantetur hymnus; sed mox incipiat Hebdomadarius super psalmos antiphonam: *Factus est repente*: Psalm: *Magnus*. Antiphona: *Confirma*. Psalm: *Exurgat Deus*. Antiphona: *Emitte spiritum tuum*. Psalm: *Benedic* 11. & *Confirma*. Tres Lectiones de Evangelio: *Si quis diligit*; à Diacono ut in die Paschæ, aliæ duæ lectiones in cappis legantur. & *Dum complerentur* à quatuor qui chorum tenent, & *Repleti sunt*, non dicatur *Gloria Patri*. Ad unamquamque lectionem deferantur duo thuribula. Secundum & à quinque prioribus in cappis: *Repleti sunt*. & *Loquebantur variis*, non dicatur *Gloria Patri*. Tertium & *Advenit ignis*, & *Invenit eos* à septem in cappis, & dicatur *Gloria Patri*, & post gloriam repetatur. *Te Deum laudamus*. & *Repleti sunt*. Omnes legentes & cantantes remaneant in cappis in choro usque post Matutinum.] Ex Tullensi etiam S. Apri Ordinario Abbas indutus cappa nocturnum officium incipiebat à & *Domine labia*; [Invitatorium cantabatur à septem in albis & cappis, scilicet à Cantore & duobus Hebdomadariis, & aliis quatuor in tabella nominatis.] Primam Lectionem Diaconus, secundam Prior, tertiam Abbas omnes in cappis, similiter & & in cappis cantabantur, [& ad quamlibet Lectionem, inquit, debet incensum portari à duobus Presbyteris albis & cappis indutis, quibus Sacrista injunxerit; qui Sacrista à junioribus Presbyteris incipiat gradatim ascendendo.] Primum & à duobus inferioribus Presbyteris, secundum à duobus Presbyteris mediocribus, tertium à tribus, scilicet à Cantore, & aliis duobus fratribus, & ad unumquodque *Gloria Patri* dicebatur, qua dicta in tertio & à Cantoribus iterum imponebatur idem & illudque chorus prosequabatur.

3. Ad

3. Ad Laudes singulis psalmis singulae prae-mittebantur antiphonae; primam imponebat Hebdomadarius, reliquas Priores; sive ut loquitur Tullen- se Ordinarium, Domini quibus Cantor prae-nuntiaverit. Psalmus *Deus miseretur* psalmo *Deus Deus meus* subjungebatur. Capitulum *Cum compleverunt*, & *Spiritus Domini replevit*, omisso hymno, & *Re*; sed Tullenses & capitulum, & *Re*, & hymnum, & *Re* prae-termittebant; statimque finita quinta antiphona, incipiebatur [ab Abbate prae-nun- ciata sibi à Cantore antiphona, ad *Benedictus*,] quae ex Dionysianis, conf. *ter* dicebatur; eaque finita, omi-ssa oratione Dominica, statim dicto *Dominus vobiscum*, subjungebatur collecta; deinde *Benedicamus Domino* cum *alleluia*. Addit Tullen- se Ordinarium: [Deinde hebdoma- darij coquinæ egredientes accipiant benedictionem, Hebdomadarius Missæ dicat collectam; ita tamen si Abbas faciat officium; qua dicta Dominus Abbas, Præpositus, duo Hebdomadarij coquinæ ingredientes, accipiant benedictionem; Hebdomadarius Missæ dicat collectam si Abbas faciat officium, & sic finiuntur Matutinæ.] Nimirum ut in Natali, & Resurrectione Domini, ita & in Pentecoste Abbas coquinæ officium exercebat. Tandem ita concludit: [Nulla fiat comm. nec Ma- tutinæ B Mariæ in conventu hac nocte dicuntur, *Verba mea* post Lau- des non dicimus, nec post capitulum, nec psalmos familiares ad Ho- ras usque ad feriam v sequentem.

4. Qui verd regularem S. Benedicti cursum sequebantur, ut præscri- bunt Lanfrancus, Udalricus, conf. S. Benigni, & Corbeien- se Ord.; ij singulos nocturnos sub singulis antiphonis cantabant, quarum tamen melodia cum *alleluia* non iterabatur. Psalmi erant de Dominica. Octo Lectiones de *expositione Beati Augustini super Evangelium: Si diligitis* ut præscribit Corbeien- se Ordinarium. Reliqua omnia ut in Pascha.

5. Ad Primam aliasque diurnas horas jam Regularem S. Benedicti ordinem omnes ubique observabant, ut pater ex Dunstino, & aliis; eundemque per totam Hebdomadam tam nocte quàm die sequebantur: Duas verd strophas de festo ad hymnum ejusque Horæ tam in die quàm infra ejus octavam addebant, excepto fortè ad Tertiam.

6. Porro ad Primam debebat Thesaurarius [centum pauperes procu- rare de pane, & vino, & carne, aut tres minutas singulis dare *ex con- suetud. S. Benedicti Floriacensis*:] Similiter ex antiquo Corbeien- si Or- dinario [Secretarius in ipso die Pentecostes pascit de pane, & vino, & carne, tot pauperes, quot fratres fuerint in monasterio, & pro eo di- citur ad majorem Missam sub silentio collecta: *Omnipotens sempiterne Deus miserere famuli*, post primam collectam,] a conf. Floriacenses ad- dunt: [In capitulo fit absolutio, & omnes debent esse.

7. Capitulum autem præcedebat Missa matutinalis de die cum

* Vide Statuta S. Hugonis Abbatis Cluniac. in Bibliotheca Cluniac. vel ejus vitam auct. Anonym. n. 16. apud Boll. 29. Aprilis.

unico ꝥ ad Introitum ex Rit. Corb., & unico *Alleluia* ex Ord. Tullensi: In ea pueri communicabant ex conf. S. Dionysij.

8. Ad Missas privatas quod attinet hæc lego in præfato Corbeienſi Rituali: [In vigilia Pentecostes, & in die omnes Presbyteri debent dicere Missas suas, & in die pueri & infirmi debent se communicare;] & in Ordinario Tullensi: [Die sancto Pentecostes à mane usque ad processionem fratres qui privatas Missas celebrare voluerint, possunt cantare, ut processioni cum ceteris possint interesse.

9. Ex eodem Ordinario Tullensi post Missam matutinalem Hebdomadarius Missæ faciebat aquam benedictam, quam dum benediceret, Cantor dividebat cappas, & dalmaticas. Benedicta aqua per chorum aspergebatur, & ut Dominicis mos erat per claustrum aliasque officinas deferrebat. Interim præparabant se pueri & ministri, qui cruces, textusque delaturi erant, quibus præparatis, sollemnis per claustrum fiebat processio, quam sequebatur Tertia. Dionysiani hac die aquam non consecrabant; sed ex benedicta pridie omnes monasterij officinas dum cantabatur Tertia per unum Sacerdotem aspergebat.

10. Ut autem Tullensium ritus prosequamur [finita processione, inquit in suo Ordinario, & reversis in chorum fratribus, significet Cantor septem Cantoribus cappis rubeis indutis, qui eant ad gradum ante altare, & accipiant cereos ardentes ad gradum sub lampario à Sacrista positos, & incepta Tertia incipiatur ab ipsis hymnus: *Veni creator*, cereosque ardentes in manibus teneant, & content vicissim dictum hymnum; ipsi unum ꝥ, & chorus alium. Cantor autem chorum regat, finitoque hymno prædicto, prædicti septem Cantores deponant cereos in loco quo eos prius acceperant, & revertatur quique eorum ad stallum suum in choro; Cantor autem in medio choro stans de quocumque choro sit hebdomada, incipiat hanc antiphonam: *Non vos relinquam* &c.

11. Ad hymnum: *Veni creator*, a qui ex Benignianis consuetudinibus, & Ordinario Corbeienſi ad solam Tertiam per quatuor dumtaxat dies cantabatur; omnes petebant veniam, [& tunc multum accendatur ante altaria, inquit Dionysiana conf. ut tota fumo odorifero repleatur ecclesia.] Similiter & Compendienses: [Tancum thuris ante majus altare & minus & ante crucifixum accendatur, ut tota repleatur ecclesia.] Apud Corbeienſes autem projiciebatur ignis cum aqua de campanili quamdiu conventus prædictum hymnum decantaret ex Rituali monasterij Corbeienſis.

12. Processio sollemnis eodem modo quo in die Paschæ, sicuti & Missa, cujus Introitus ex Ordinario Tullensi ter cantabatur, unde &

a Hymnus *Veni creator* ad Tertiam non canebatur ante S. Hugonem, qui illum hanc ad horam in die Pentecoste dicendum instituit si credimus Anonymo in ejus vita n. 16. apud Boll. 29. April.

versus ad eum duo dicebantur, ut discimus ex Benignianis conf., & Ord. Corbeienſi, ſcilicet: *Exurgat Deus*, &: *Confirma hoc Deus*. Antiphona ante Evangelium apud Dionyſianos, & Compendienſes: *Hodie completi ſunt*. Præſtitio, *Communicantes*, & *Hanc igitur* propria. Denique [hac die Diaconus tot hoſtias conſecrandas apponat, inquit Tullenſe *Ordinarium*, ut in ipſa die fratribus qui non celebraverint, Con-

verſiſque, & ſororibus ſacra communio ſufficiat.

13. Veſperas ut pridie in albis ex Dionyſianis & Comp. conf. cantabant; pſalmos omnes Dominicales ſub una antiphona; ſed Tullenſes eos repetebant quos in primis Veſperis cantaverant; reliqua omnia ut in ſolemnioribus feſtis.

14. Infra hebdomadam omnia ut in hebdomada Paſchali, niſi quod regularem S. Benediſti curſum omnes ubique obſervabant. Tribus ſequentibus diebus, hoc eſt fer. 2, 3, & 4, Invitatorium ad Nocturnos à duobus in cappis ex Dionyſ. conf., & Ord. Tullenſi. Pſalmi utriuſque nocturni de feria ſub unica antiphona. Tres Lectiones quarum primam legebat Diaconus, de Evangelio cum tribus &, ex quibus primum cantabat Hebdomadarius. Miſſa matutinalis de die: *Spiritus*; major propria in cappis, vel ſaltem ut præſcribit Tullenſe Ordin. cum Pariſienſibus S. Germani conſuetudinibus in albis ad Veſperas pſalmi de die Pentecoſtes ſub unica antiphona, cetera ut in hebdomada Paſchæ. Caſinenſes infra hanc hebdomadam Miſſam matutinalem non cantabant.

15. Ceterum ſicut in hebdomada Paſchali, ita & in hac qua de agimus ſolemnes extra monaſterium proceſſiones agebant, cujus rei exemplum videre eſt in vita S. Winoci Abbatis, cujus corpus quot annis ad locum priſtinæ quietis deferrebatur cum Adventum Spiritus ſancti celebrat Eccleſia: aliud nobis ſuppeditat Anonymus in vit. S. Aldrici Epſcopi Senonenſis his verbis: [Erat autem conſuetudo quod Ferrarienſis cœnobij congregatio ſinita feſtivate Pentecoſtes cum ſolemni pompa ſingulis annis caſtrum Nantonis peteret, obſequia devotionis redditura, & ſuffragia SS. petitura,] Sed & in monaſterio S. Theodoricus unus ex monachis feria 3 poſt Pentecoſten ſacras ejuſdem ſancti reliquias ad ſolemne proceſſionem Remos deferrebat; ut videre eſt in hiſtoria M.S. illius monaſterij ad an. 1289.

16. Feria quarta, item ſexta, & Sabbato ſolemne jejunium celebrare ſolemus. Iſtud jejunium, quod Quatuor temporum appellamus, celebrabant olim noſtri Caſinenſes hebdomada ſecunda menſis Junij uſque ad Nonam, ut diſcimus ex antiquo Ordine Caſinenſi circa Bertharj Abbatis tempora deſcripto, hoc eſt circa finem ſæculi ix; Eodem tempore etiam obſervandum præſcribunt Concilium Moguntinum ſub Carolo Magno Imperatore, cui 30 Epſcopi, Abbates 25 interfuerunt, can. 34; Aliud Concilium item Moguntinum ſub Henrico ſecundo Imperatore, cui interfuere Epſcopi duodecim, quod citat Mi-

Qq 9 2

crologus in libro de observationibus ecclesiasticis c. 25 ; & Concilium Rothomagenſe anno 1072 ut refert Ordericus l. 4. hiſt.

lib. 1., c. 17., 17. Alij ſtatim poſt Dominicam Aſcenſionem iſtud jejunium celebrabant, ut patet ex S. Iſidoro, cujus hæc verba : [Secundum jejunium eſt, quod juxta canones poſt Pentecoſten alio die inchoatur ſecundum quod & Moyses ait: Initio menſis Hordearij facietis vobis hebdomadas ſeptem. Hoc jejunium à plerisque ex autoritate Evangelij poſt Domini Aſcenſionem completur, teſtimonium illud Dominicum hiſtorialiter accipientibus, ubi dicit: *Nunquid poſſunt filij ſponſi lugere quando cum illis eſt ſponſus, venient autem dies quando aſſeretur ab illis ſponſus & tunc jejunabunt* &c. Sed Gregorius Papa ſeptimus teſte Micrologo in libro de obſervationibus eccleſiaſticis iſtud jejunium Apoſtolica autoritate ad hebdomadam Pentecoſtes revocavit, cujus decreto ſtatim paruerunt omnes paſſim monachi, inprimis Caſſinenſes qui ex Ordinario temporibus Oderiſij Abbatis deſcripto *infra ipſas octavas* Pentecoſtes jejunabant. Similiter & Divionenſes S. Benigni, quorum ex conſuetudinibus c. 66. [numquam ante Pentecoſten, vel poſt octavas ipſius ..., ſed in ipſa hebdomada Pentecoſtes ſecundum autoritatem doctorum] fiebat hoc jejunium ; ſed & Micrologus loco ſupra citato probat autoritate S. Leonis Papæ, S. Gregorij Magni, & S. Hieronymi æſtivale Quatuor temporum jejunium ab antiquis infra hebdomadam Pentecoſtes celebratum fuiſſe : & certè hoc exigebat ipſius officium, quod ad Pentecoſten omnino pertinebat, ut patet ex Udalrico l. 1. c. 27, & Ordin. Corbeiienſi, ubi præſcribitur, ut hoc jejunium, [ſi contingerit extra Pentecoſten, non alia tamen officia, quàm & ad Pentecoſten pertinentia ex more cantentur.

18. Quod ſpectat ad ritus hoc in jejunio obſervari ſolitos : Feria quarta Miſſa maturinalis de die, hoc eſt : *Spiritus* ſolemniter omnino cantabatur, quapropter audito ad Tertiam ſigno omnes conveniebant in chorum, ubi facta oratione, albis induebantur; tum cantata Tertia omnes cappas accipiebant : Ita ex Udalrico l. 1. c. 27, Dionyſianis conſ., & Rituali Beccenſis monaſterij. Idem præſcribunt Divionenſes S. Benigni conſuetudines & Corbeiienſe Ordinarium ; ſed ſolis dumtaxat *Cantoribus*, quo nomine intelligo non ſolum eos qui chororum ex officio regebant ; ſed omnem cantantium chorum, hoc eſt omnes qui canebant in choro. Ex conſuetudinibus autem S. Germani à Pratiſ, & B. Mariæ de Lyra, atque Tullenſi S. Apri Ord. hæc Miſſa ſolum cantabatur in albis, eratque eadem quæ in feſto Pentecoſtes, excepta epiſtola, quæ ex Actibus Apoſtolorum ſicut & Evangelium de præſenti feria legebatur. Poſt Sextam cantabatur Miſſa de jejunio de qua hæc vetus Caſſinenſe Ordinarium : [In quibus videtur licet jejuniiſ extra aliorum conſuetudinem jejuniorum, & hymnus Angelicus, & ſymbolum, & præſatio canantur ; miniſtri quoque altaris non planctis, ſed dalmaticis & tunicis induantur ; neque genua

ad orationes flebantur;] & tamen Dunstani Concordia : [Illa, ait, hebdomada Pentecostes solemniter celebratur sicut Paschalis; excepto quod jejuniorum diebus *Gloria in excelsis* Deo non canitur, & *Alleluia* pro gradualibus canitur, & Vesperæ de omnibus SS. dicuntur.] & Dionysianæ consuetudines [ad hanc Missam non dicatur *Gloria in excelsis*. Idem habet lib. Usuum Cisterc.

19. Hanc porro Missam celebrabat Hebdomadarius præteritæ hebdomadæ, in qua duæ Collectæ, duæque Lectiones dicebantur. Primæ Collectæ præmittiebant *Dominus vobiscum* sine *Flectamus genua*. Oratio: *Mentes nostras*, quam sequebatur prima lectio [ab uno puero in alba & cum titulo cantanda ex *Ordinario Tullensi*, postea *alleluia* & *Ps.* secunda oratio sine *Dominus vobiscum*, sed tantum: Oremus *Præsta* *quæsumus omnipotens Deus*.] Denique [nec offertur, nec pax recipitur nisi ab uno, & una tantum hostia, inquit *Corbeienſe Ordin.*] cui consentit Udalricus lib. 1. c. 27. Cistercienses Missam matutinalem de jejuniis, post Tertiam Missam de die solemniter decantabant, ex lib. Usuum c. 31.

20. Ad refectionem quam ad ix agebant solitæ non offerebantur oblatæ, atque ab adipe abstinebant. Ita Cluniacenses ex Udalrico lib. 1. c. 27. & Corbeienſes ex Ordinario.

21. Hæc potissimum ad feriam iv pertinent, de vi verò & sabbato ita scribit Udalricus : [In diebus jejuniis securis nihil est aliter agendum, excepto quod nec cappis, nec albis generaliter induuntur, & collectæ quæ dicuntur in privatis diebus ad Missam majorem non omittuntur... & in Sabbato post offerendam qui *Ps.* cantaverit, & Lectionem legerit, præter epistolam, cum albis esset indutus solet se exuere. Cantor qui tenet chorum in cappa, aliis ad orationem procumbentibus, non procumbit; & ad illam orationem quæ fit ante Nonam exit de choro.] Idem ferè habent Benignianæ cons. c. 66. & Corb. Ord. Præterea sabbato major Missa non præveniebatur litania ex eodem Udalrico. Insuper omnes Lectiones in albis cum titulo legebantur à pueris ex Ord. Tullensi, easque non *Ps.* sed *alleluia* sequebantur, quæ de ipsis feris ex Ord. Cassinensi repetebantur. Finita Nona Paschale tempus finiebat; At Cistercienses feria post Pentecosten secunda *alleluia* dimittebant ex l. Us. c. 31. De silentio tota hac hebdomada servando nihil hic præterea quæ diximus ubi de oct. Natalis Domini de septimana Paschali.

CAPVT XXIII.

De festo SS. Trinitatis.

1. **E**T si Sanctissimæ Trinitatis festum apud vereres monachos passim celebratum fuisse non videatur, ut patet ex Bernone Abbate Augiensi in lib. de quibusdam rebus ad Missam spectantibus, ubi probat octavam Pentecostes hac die celebrandam esse; ex Micrologo in lib. de ecclesiasticis observationibus, ubi negat improbatque hac die festum SS. Trinitatis celebrari debere; quia Dominici dies ejus honoræ deputati sunt; ex Statutis Lanfranci, in quibus ad utramque Missam assignatur Introitus: *Spiritus Domini* ut in die Pentecostes, non de Trinitate; ex veteri Cassinensium Ordinario tempore Oderisij Abbat-
 „ tis descripto, in quo præscribitur ut [Dominica octava Pentecostes
 „ antiphona ad Invitatorium, hymnus sicut in die; Lect. 7 fiant de
 „ sermone S. Augustini: *Erat homo*, octava de libro Regum cum 3. *Pre-
 „ parate*. In tertia vigilia legatur de homilia . . . Ad Primam antiphona
 „ *Spiritus sanctus*, . . . Antiphona ad Vesperas sicut in die.] Denique
 „ ex Radulpho Tungrensi, qui sub finem sæc. decimi quarti florebat,
 „ in libro de observantia Canonum propositione 16. ubi sic loquitur:
 „ [Super octava verò Pentecostes magna est adhuc diversitas. Cum enim
 „ Romani in hac Dominica imponerent historiam Regum, nec servarent
 „ festum Trinitatis; aliquæ nationes, ut Alemanni, eadem die servant
 „ octavas Pentecostes in hebdomada, & Dominica sequenti, servant
 „ officium Trinitatis. Alij, ut Gallici, plures, illo die plenum faciunt
 „ festum Trinitatis cum octavis majoribus. Hodiernis verò temporibus
 „ Romæ, & in curia Romana sollemnis habetur festivitas S. Trinitatis
 „ in octava supra dicta, quod etiam plures Alemanni ceperunt sequi
 „ postea.

2. Constat tamen festum SS. Trinitatis esse antiquissimum, ejus offi-
 „ cium cuidam Stephano Leodiensi attribuit Micrologus loco citato,
 „ immo reperitur ejus Missa in libro Sacramentorum S. Gregorij Papæ,
 „ unde Menardus [non est dubium, inquit, quin fuerit olim celebratum;
 „ sed postea intermissum, tandemque à Romanis Pontificibus instaura-
 „ tum.] Certè aliqualem ejus sollemnitatem factam fuisse Dominica ante
 „ Adventum ostendimus in 1. hujus libri capite; an verò etiam hac Do-
 „ minica? quidquid sit, certissimum est multis jam abhinc sæculis
 „ debitum SS. Trinitati honorem hac die apud monachos speciali festo
 „ redditum fuisse, quod probat in primis Concordia Dunstani: [Rursus
 „ in octavis, Dominicâ non repetitur: *Spiritus Domini*, eo quod septem
 „ tantum colimus dona Spiritus sancti, sed agitur illa hebdomada de

sancta Trinitate;] Drogo Bergenſis monachus in libro Mirac. S. Winoci Abbatis c. 4. [Mos habetur mortalibus Bergenſis pagi, ut octavis Pentecoſtes, die ſcilicet qua SS. Trinitatis unius ac veri Dei commemoratione recolendo celebratur, ſeu celebrando recolitur, deportari oſſa Venerabilis Patris Winoci, utriusque ſexus ſequentē multitudine &c; Udalricus l. 1. c. 25. octavus dies Pentecoſtes non tam pro octavo, quam pro commemoratione ſanctæ Trinitatis celebratur;] Liber conſuetudinum S. Benigni Divionenſis c. 66. & Ord. Corbeienſis, in quibus eadem verba leguntur, liber Uſum Cisterciensium c. 31, ubi de Sabbato poſt Pentecoſten, [in quo Sabbato nihil eſt ad Veſperas cantandum de feſto Pentecoſtes, ſed de ſancta Trinitate.] Denique omnes noſtri codices Ordinariorum aut conſuetudinum. Ac demum ubique tam apud Clericos, quam apud monachos generaliter receptum fuit. Extat hac de re Bulla Benediſti Papæ XIII. in qua per univerſam eccleſiam feſtum SS. Trinitatis celebrari præcipit eodem ritu, & ſolemnitate quibus feſta Nativitatis, Reſurrectionisque Dominicæ, pareſque indulgentias concedit atque in feſto Corporis Chriſti.

3. Quod ſpectat ad ritus hac in die obſervari ſolitos, erant certè ſolemniffimi; ſaltem in præcipuis & omnibus paſſim monaſteriis: Hinc S. Petri ſupra Divam Ordinarium: [In octava Pentecoſtes celebretur annualiter ſolemnitas ſanctæ & individue Trinitatis.] Ad cujus priores Veſperos, inquit Udalricus, quod alias raro fieri ſolet ſuper ſingulos pſalmos ſingulæ cantantur antiphonæ de ſancta Trinitate.] hæc verba denotant magnam omnino feſtivitatem. Iſtæ antiphonæ ut diſcimus ex Ordinario Tullenſi & Compendienſibus S. Cornelij conſuetud. erant *Gloria tibi Trinitas: Laus & perennis: Gloria laudis: Laus Deo Patri;* quas etiam modo cantamus, & videre eſt in M. S. Breviario S. Germani à Pratiſ, & in edito Caſaliſ Benediſti. Primam ex Ordinario Tullenſi, & conſ. Lyre imponebat Hebdomadarius; reliquas ſeniores ſeu primi ex fratribus, quibus conſentire videntur Compendienſes S. Cornelij conſuet. Ex vetuſto tamen Corbeienſi Ordinario illas imponebant *Infantes*; ſed hoc fieri prohibent Divionenſes S. Benigni conſ. c. 66. In regali S. Dionyſij propè Pariſios monaſterio unica ſuper pſalmos dicebatur antiphona: *Gloria tibi Trinitas*; Pſalmi autem tam ex prædictis conſ. quam ex Compendienſibus, Ordinario Tullenſi, & Breviario M. S. S. Germani à Pratiſ erant de feria: *Conſequantur &c.*

4. Capitulum apud Udalricum l. c. 25, in Ordinario Corbeienſi, & Breviario S. Germani à Pratiſ notatur: *Benediſtio & claritas*; In Ordinario Tullenſi, Dionyſianis, Compendienſibus conſ.: *Benediſtus Deus & pater*; In Lyrenſis monaſterij conſ.: *Gratia Domini*; Denique in Ordinario S. Petri ſupra Divam, & Breviario Caſaliſ Benediſti: *O altitudo divitiarum.*

5. Reſponſorium: *Benediſtus Dominus*, pro quo in Ordin. S. Petri ſupra Divam: *Honor virtus*; & in Breviario S. Germani: *Magnum Dominus*;

ex Dionysianis, Compendiensibusque conf. à quatuor *in cappis* cantabatur; ex Ord. Tullensi [à duobus Hebdomadariis in albis & cappis.

6. Hymnus: *O lux Beata Trinitas*, pro quo conf. Lyræ & Ordin. S. Petri supra Divam: *Adesto sancta Trinitas*. & sequens ex Ordin. Corbeienfi, & Tullensi, Breviariis S. Germani, & Cafalis Benedicti: *Verbo Domini cali* &c; sed Dionysianæ, Compendiensisque conf. habent: *Benedicamus Patrem*. Antiphona ad *Magnificat*: *Gratias tibi Deus* quæ ex Dionysianis conf. duplicari debebat: Hic duo deferentur thuribula ex dictis consuet., unicum ab Hebdomadario Missæ alba & cappa induto ex Ord. Tullensi. Collecta: *Omnipotens* &c. *Benedicamus Domino* sine *alleluia*, & sine commen. oct. Pentecostes. Consuet. Lyræ assignant primam comm. de festo, si occurrat; secundam de S. Maria; Postquam fiebat processio ad crucifixum cum antiphona: *O Crux*, pro qua Benignianæ conf., Corb. Ordinarium sicut & Tullense assignant & versum, & collectam de Trinitate. Compendienses procedebant ad altare SS. Trinitatis, cum &: *Summa Trinitati*, cujus versus *Benedictus es Domine* cantabatur à quatuor.

7. De nocturnis pauca hæc habent Divionenses S. Benigni consuetudines: [Ad nocturnos omnia signa pro scilla pulsantur, & omnia in ipsa festivitate fiunt quæcumque in quinque præcipuis aguntur; excepto quod ad nocturnos tria pallia super altare non ponuntur, & octavum non repetitur, & ornamentorum apparatus in processione non defuit.] Idem habet Corbeienfe Ordinarium additque: [& quod sequentia ad Missam non dicitur; sed neuma de *Benedicta semper*; item & quod hercia non illuminatur] ad nocturnos, sed res paullo fusius repetenda est.

8. Itaque Invitatorium à quatuor cantabatur & quidem *in cappis* ex Dionysianis & Comp. conf.; sed ex Tullensi Ordinario tantum [à duobus hebdomadariis in albis & cappis.] Hymnus ex Udalrico, Ordinario Corbeienfi, Breviariis S. Germani, & Cafalis Benedicti: *Tu Trinitatis unitas*; ex Ordinario Tullensi, & Compendiensium consuetudinibus: *Nocte surgentes*; ex Dionysianis conf.: *Jam Christus*. Psalmi de Dominica sub unica in singulis nocturnis antiphona ex Dionysianis conf., scilicet in primo noct. antiphona: *Adesto Deus unus*; in secundo: *Caritas pater*; in tertio: *Ex quo*; sed alij proprias antiphonas, singulas ad singulos proprios psalmos habuisse videntur.

9. Lectiones primi secundique nocturni octo de sermone S. Leonis Papæ assignat vetus Corbeienfe Ordinarium. Octo de sermone: *Credimus S. Trinitatem* Dionysianæ conf., & Breviarium Cafalinum, ubi prædictus sermo Alcuino adscribitur: In tertio verò nocturno [Evangelio *Erat homo ex Phariseis* pronunciato, nulla tamen ejus homilia legitur; sed sermo S. Gregorij Nazianzeni, scilicet *De solemnitate hodierna*,] inquit Udalricus & cum eo Corb. Ordinarium; At Dionysianæ consuet. assignant [quatuor Lectiones de Evangelio: *Erat homo*,]
hoc

hoc est ex homilia de dicto Evangelio. Lectiones primi secundique noturni solita clausula: *Tu autem Domine non terminabantur; sed ex consuetudinibus S. Cornelij ista: Una & vera Deitas &c.*, quam solum in fine tertiæ Lectionis dici volunt Dionysianæ conf. Ex eisdem consuetudinibus singula Responsoria cantabantur à duobus, quartum verò à tribus, octavum à quatuor, duodecimum à quinque. In iisdem etiam cantica *Quis est iste &c.* ponuntur, pro quibus Comp. conf., & Tullense Ord. habent: *Domine miserere: Audite qui: Miserere.*

10. In Laudibus psalmos omnes sub una antiphona: *O beata & benedicta* cantabant nostri Dionysiani; sed alij singulis psalmis singulas præmittiebant antiphonas, quibus unum addebant versiculum, hoc modo. Antiphona: *O beata & benedicta & gloriosa Trinitas, Pater, & Filius, & Spiritus sanctus. & Tibi laus, tibi gloria, tibi gratiarum actio.* Psalmus: *Dominus regnavit.* Antiphona: *O beata & benedicta unitas, Pater, & Filius, & Spiritus sanctus. & Miserere, miserere, miserere nobis.* Antiphona: *O vera, summa, sempiterna Trinitas, Pater, & Filius, & Spiritus sanctus. & Tibi laus, tibi gloria, tibi gratiarum actio.* Antiphona: *O vera, summa, sempiterna unitas, Pater, & Filius, & Spiritus sanctus. & Miserere, miserere, miserere nobis.* Antiphona: *Te jure laudant, te adorant, te glorificant omnes creatura tua ô beata Trinitas. & Tibi laus, tibi gloria, tibi gratiarum actio.*

11. Ita ex Breviario Casalino, easdem antiphonas cum suis & habet Breviarium M.S. S. Germani à Pratis, idem observabant Compendienfes & Tullenses nostri; sed Tullenses post psalmos antiphonis versiculos præponebant. Capitulum *Benedictio & claritas*, pro quo Dionysianæ consuetudines habent: *Benedictus Deus & Pater*, Casalinum Breviarium: *O altitudo*, in singulis ferè monasteriis diversum cantabatur à duobus ex Dionys., & Comp. conf., ac Tullensi Ordin. Hymnus ex Udalrico, Breviario S. Germani, & Casalino: *Splendor paterna gloria*; ex Ordinario Corb.: *Te laudat*; ex Dionys. conf.: *Impleta gaudent*; ex Comp., & Ord. Tullensi: *Ecce jam nobis*. Reliqua ut mos erat in hujusmodi solemnitatibus. Ad horas diei antiphonæ de Laudibus, quarta prætermissa; sed sine versiculis.

12. Missa matutinalis ex Udalrico, conf. S. Benigni, Ordinario Corbeiensi, Tullensi, S. Petri supra Divam, Comp. consuetudinibus & Dionysianis in codice Colbertino de Spiritu sancto: *Spiritus Domini*: major de Trinitate; Ex codice verò Dionysiano matutinalis de Trinitate, major de Spiritu sancto; quamquam in margine inferiori legatur: [Missa matutinalis de Spiritu sancto, magna Missa de Trinitate;] quæ verba rubra linea expuncta sunt, & alia manu hæc substituta [utraque Missa sit de Trinitate, ad magnam Missam sequentia: *Veni sancte Spiritus.*] Ex Rituali autem Beccensi matutinalis Missa de Trinitate, major partim de Spiritu sancto, partim de Trinitate cantabatur. Denique ex Lyr. conf. utraque Missa de Trinitate.

R. r. r.

13. De Missa matutinali nihil specialius; qui eam de Spiritu sancto cantabant, Missam de die repetebant, excepto graduale seu *Brata gens*, pro primo alleluia, quod sequebatur *Alleluia Veni sancte*, sine pro-
 fa; licet in Dionysianis conf. codicis Colbertini duo etiam habeantur alleluia. Qui autem Missam de Trinitate dicebant, ad Introitum assu-
 mebant: *benedicta sit sancta*, post collectam comm. de festo si contigisset, deinde de B. Maria in Lyrensi conf.; quibus Beccensis monasterij Rituale addit de SS. loci, de omnibus SS., & omnes alias præter *Sanctorum tuorum*. Epistola in eodem Rituali, & conf. Lyre: *Gratia Domini*; in Dionysianis: *Scitis quoniam cum gentes effecis. Benedictus es. alleluia, Benedictus es.* Evangelium in Rituali Becc., & conf. Lyre: *Cum venerit Paraclitus*; in Dionysianis: *Erat homo*. Offert. *Benedictus sit* Præfatio, *Communicantes*, & *Hanc igitur* ex Dionys. conf. de Spiritu
 sancto; sed Rituale Beccense, & conf. Lyre [Præfatio, inquit, non
 dicitur ad hanc Missam, quia de Trinitate est.] Communio: *Benedicimus*.
 14. [Post Sanctus Missæ matutinalis, addunt Dionysiana conf. in utro-
 que codice, induantur omnes albis, & fiat aqua benedicta, & defera-
 tur per officinas sicut in aliis Dominicis, & priusquam eat processio
 incipiat Cantor antiphonam: *Ego sum alpha &c.*] Hanc etiam proces-
 sionem faciebant nostri Tullenses S. Aprî in albis; Compendienses in
 cappis, de qua hæc scribit Udalricus: [Ad processionem per claustrum,
 & ad stationem in vestibulo ecclesiæ id ipsum cantatur, quod in priore
 Dominica; ad sanctam Crucem, & in chorum cum Responsoris quæ
 sint de sancta Trinitate reditur;] Quibus ferè similia extant in Beni-
 gnianis conf., & in Ord. Corbeienfi. Processionem sive Tertiam seque-
 batur Missa, & quidem solemnissimè sicut in die Natalis Domini,
 inquit conf. Lyre, omnibus existentibus in cappis ex Dionysianis &
 Compendiensibus conf., tribus Cantoribus chorum regentibus ex Com-
 pendiensibus, cum quatuor procedentibus ex Dionysianis. Hæc Missa
 ut diximus ferè ubique erat de Trinitate; sed ex Udalrico, Benignianis
 conf., & Ord. Corb. sine graduale, cum duplici alleluia 1. de Trini-
 tate: *Benedictus es*, 2. de Spiritu sancto: *Veni sancte Spiritus*. In Dio-
 nysonianis tamen consuet. codicis Colbertini notatur graduale: *Benedi-
 ctus es Domine*, à tribus cantandum, & unicum alleluia *Benedictus es
 Domine* à quatuor, & post sequentia *Profitentes unitatem*. Ex Rituali
 Beccensi ad hujus Missæ Introitum cantabatur: *Spiritus Domini*, Epistola
Vidi hostium, alleluia: *Paraclitus* à quatuor, 2. *Libera nos* à quinque,
 profa: *Benedicta sit*, Evang. *Erat homo*, Offert. *Confirma*, Postcommunio
Factus est.

15. Vesperæ non erant adeo solennes; nam 1. ex Ordinario Tullensi antiphonas imponebant infantes, licet ex consuetudinibus Lyre prima ab Hebdomadario, reliquæ à senioribus inciperentur; Deinde 2. à duo-
 bus tantum cantabatur; ex Dionysianis conf. in cappis, ex Comp. in
 frocis. Præterea antiphona ad Magnificat semel dumtaxat dicebatur,

unicuique à Sacerdote deferabatur thuribulum. In codice tamen Col-
bertino præscribitur ut [deferantur duo thuribula à duobus Sacerdo-
tibus in cappis.] Tandem post Vesperas fiebat commemoratio, 1 de
Spiritu sancto cum antiphona: *Hodie completi sunt*, deinde de Resur-
rectione cum antiphona: *Christus resurgens*: Ita ex Udalrico, Benignia-
ris conf., & Ord. Corbeiensis: Collectam quidem de Spiritu sancto dice-
bat Hebdomadarius; de Resurrectione is qui Sanctorum suffragia re-
ciebat. In conf. Lyra: commemoratio de festo si sit, secunda de Cru-
ce sine genuflexione, tertia de sancta Maria. [Post cœnam canatur
psalmus *Miserere mei Deus*,] inquit Cass. Ordinarium.

16. Denique [per totam hebdomadam addunt *Benigniana conf.*
quamvis octavæ de sancta Trinitate non agantur, tamen nisi propter
aliquam festivitatem remaneat, major Missa inde cantatur, excepta
sexta feria & sabbato, & antiphona ad Vesperas ad *Magnificat*.]
Item habet Corb. Ordinarium. Feria IV in Ord. Tullensi ad Missam
assignatur Epistola: *Si Christus predicatur*, & Evangelium: *Cum indu-
cerent vos*; feria VI Evang. *Accesserunt quidam*.

CAPVT XXIV.

*De annua commemoratione Fratrum & Benefactorum de-
functorum, aliisque anniversariis, deque jejuniis
post Pentecosten.*

1. **D**uo mihi hoc capitulo tractanda propono; Primum est de
generali & annua fratrum & benefactorum defunctorum com-
memoratione, aliisque anniversariis; alterum de jejuniis olim apud Mo-
nachos post Pentecosten observari solitis. Quod de fratrum benefacto-
rumque defunctorum annuis precibus hoc loco agam, facit maximè
antiqua apud monachos consuetudo, altera post octavas Pentecostes
die fratrum defunctorum memoriam celebrandi, quam videre est in
primis in Regula S. Isidori statuentis, ut [pro spiritibus defunctorum
altera die post Pentecosten sacrificium Deo offeratur, ut beatæ vitæ
participes facti, purgatiora corpora sua in die resurrectionis recipiant;]
& apud Nostros in antiquis S. Benigni Divionensis consuetudinibus: Est
& aliud quod constitutum est apud nos, ut in secunda feria hujus heb-
domadæ, nempe SS. Trinitatis, semper agatur; scilicet ut pro cunctis
in cimiterio nostri monasterij quiescentibus specialiter ac studiosè me-
moriam fiat; quod etiam per omnia loca nostra fit.] Deinde exponentes
quo pacto ageretur: [Post Vesperos Regalares, inquit, & suffragia
SS., priusquam procedatur ad ecclesiam S. Mariæ, pullatis omnibus

Rrr 2

» signis, sicut in festo omnium SS., in choro aguntur Vesperis pro defun-
 » ctis, & post cœnam officium, & in sequenti die Missa matutinalis, ad
 » quam tractus à duobus albatis Cantoribus dicitur; cunctique Sacerdo-
 » tes, qui ipsa die Missam cantaverint, specialiter pro eis cantant; & alij
 » septem psalmos. Verùm & ad Missas, & ad Vesperos, & ad officium,
 » & Matutinum, primò dicenda est collecta: *Deus cuius miseratione.*
 » Duodecim quoque pauperes de pane, vino, & carne reficiuntur, & cun-
 » ctis aliis pauperibus supervenientibus misericordia de pane, & vino
 » impendatur.

2. Hactenus Divionenses S. Benigni consuetudines, quibus consentiunt
 Udalticus l. i. c. 26., & Corbeienſe Ordinarium, in quo istius instituti
 author perhibetur S. Hugo Abbas Cluniacensis, cujus temporibus vi-
 detur scriptus codex Corbeienſis; sicut & apud Udalticum loco
 citato, & c. 42; sed in Ordinario Corbeienſi fer. 111.; apud Udalticum
 verò 11. ut in Benignianis consuet.; & certè inter Statuta S. Hugonis
 quæ referuntur in Bibliotheca Cluniacensi istud continetur, sed feria v:
 » [Decretum est etiam ab eodem Patre cum consensu fratrum generale
 » officium fieri singulis annis feria v post octavas Pentecostes, pro cun-
 » ctis in cimiterio hujus loci quiescentibus, ita ut sicut in festivitate
 » omnium SS. agitur, dicto Vespere omnia signa pulsantur pro Vesperis,
 » & post cœnam pro officio, & in sequenti die pro Missa, in qua tractus
 » *De profundis* à duobus Cantoribus canatur, cunctique Sacerdotes qui
 » illo die cantaverint Missam *Deus cuius miseratione* specialiter pro eis
 » cantent, & alij psalmos VII: ac XII pauperes reficiantur, & quid-
 » quid ea die de refectiōe remanserit eleemosynæ tribuatur. Sed & per
 » omnia loca huic loco subjecta, hoc idem agi pro cujusque loci cimi-
 » terij defunctis sancitum est; videlicet ut in monasteriis ubi congrega-
 » tio fratrum est nec minus hoc perficiatur; sed in cellis, ubi non plus
 » quam v aut 111. commorantur, si tot pauperes reficere nequeunt,
 » saltem vel quot sunt fratres, tot pascantur.] An verò diu perseve-
 » raverit apud Cluniacenses pia isthæc institutio, certè inter Petri Vene-
 » rabilis Statuta octavum ita concipitur: [Statutum est ut omnium
 » monachorum Cluniacensium defunctorum anniversaria dies ab universis
 » Congregationis fratribus vigilia S. Michaelis Archangeli more anni-
 » versariorum solemnium fiat, & vigilia Conversionis S. Pauli aliud
 » eodem modo anniversarium pro omnibus utriusque sexus parentibus
 » universorum fratrum congregationis nostræ.] Circa eadem tempora
 » [Domnus Abbas Theobaldus *Parisiensis S. Germani monasterij*, commu-
 » ni assensu capituli statuit, ut omni anno feria tertia post octavas Pen-
 » tecostes agatur anniversarium in conventu, pro his qui in cimiterio
 » requiescunt *ut legitur in Necrologio ejusdem monasterij codic. 640 fol. 12.*
 » Eandem diem observabant nostri Beccenses, ut discimus ex eorum usibus
 » & Rituali, in quo hæc habentur: [Singulis annis feria tertia post oct.
 » Pentecostes, si dies vacuus fuerit de festo XII lect. vel festivo anni-

versario, vel officio nuper mortui; commemoratio fratrum nostrorum, qui in cimiterio requiescunt, & omnium fidelium defunctorum fiat. Unusquisque Sacerdos unam Missam, alij VII psalmos, alij L. *Pater noster* dicant. Orat. ad *Placebo*, *Dirige*, *Exultabunt*, & ad Missam matutinalem Orat: *Deus cuius miseratione*; Deinde: *Inclina Domine* cum ceteris. Tractus: *Qui Lazarum*. *Voce mea* dicitur ad psalmos familiares. Si verò pro aliquo festo primum *Placebo* non habuit, habeat in die.] Lyrenles sequenti hebdomada idem faciebant, nimirum post oct. SS. Trinitatis, in qua [Cantor debet pronunciare in capitulum quod unusquisque Sacerdos tenetur decantare unam Missam pro his qui nostro in cimiterio requiescunt; ceteri psalmos. Orat.: *Deus cuius miseratione*, clausicium sonat ad vigiliam, & ad Missam tantum,] ut loquuntur eorum consuetudines, quamvis in altero codice anniversarium istud feria 3 post oct. Pentecostes notetur, & qui Missam non cantant L. psalmos recitare jubeantur. Alij alios dies observabant; sed ex omnibus celeberrimum est illud quod in Fuldensi monasterio ab Eigile Abbate institutum est. Hic nimirum teste Candido ejus discipulo in ejus vita n. 25. [Anniversarium Styrimis primi Abbatis & fundatoris monasterij Fuldæ, & memoriam omnium fratrum nostrorum de hac luce defunctorum in natale S. Ignatij, idest XVI Cal. Januarij, ... in Missarum celebratione, psalmodiis, & oratione sancta celebrare sancivit.

3. In Regali S. Dionysij in Francia monasterio istiusmodi anniversarium celebrabant feria 11. infra octavam Ascensionis Dominicæ, quo die in MS. conf. hujus cœnobij præscribitur ut pridie [post Vesperas fiat vigilia pro fratribus, & benefactoribus, & pro cunctis fidelibus defunctis. Ad Vesperas *Quomodo confitebor à quatuor in cappis, orat.: Deus venia largitor: Inclina Domine aurem tuam, & Deus cuius miseratione*. Ad vigiliis Invitatorium *Regem csi omnia à quatuor in cappis*. Novem psalmi, novem lectiones. *Audistis fratres carissimi in Lectione Evangelica;*] novem & ex quibus tertium à duobus, sextum à tribus, nonum à quatuor cantabatur. Ad Laudes orat. *Beatorum Martyrum tuorum Dionysij: Annue nobis Domine ut anima famulorum: Deus fidelium lumen animarum*. Major Missa festivè, quatuor cum procedentibus tribus Cantoribus, tribus orat. sicut supra ad Vesperas, & *Si ambulem à quatuor*, tractus *De profundis* à toto conventu &c.

4. In collectaneo & Ordinario S. Petri supra Divam infra octavam Translationis S. Benedicti inscribitur solenne Anniversarium pro benefactoribus, in quo præter officium defunctorum, quod solemniter cantabatur, & eleemosynas, quæ pauperibus post exhibitum ipsis jejuniis mandatum distribuebantur, matutinalis Missa solemniter in albis celebrabatur pro defunctis. Major verò pro vivis cujus Introitus: *Salus populi*, de octava autem Sancti Benedicti privata ab aliquo Sacerdote.

Libell. 5. Cistercienses ex Statuto capituli Generalis an. 1150. In unoquoque
antiq. mense per annum unum anniversarium in singulis totius Ordinis do-
defin. mibus celebrabant, de quo salvis fundatorum anniversariis, præter
diff. 5. Missarum hebdomadarios, quicumque ead. die Missam cantarent cele-
c. 6. brare tenebantur.

Histor. 6. Denique in litteris Abbatum Moscomensis, & Marchianensis mo-
M.S. S. nasterij ad Abbates S. Theoderici, & S. Crispini, quibus eos mona-
Theod. steriorum suæ Provinciæ Visitatores constituunt, inter alia capituli
ad an. Generalis Statuta quæ volunt observari generale istud habetur: (quo-
1279. libet anno celebrentur tres Missæ in conventu, una videlicet de
» Spiritu sancto, una de B. Virgine pro statu totius Ordinis nostri; &
» tertia pro defunctis fratribus.

7. Præter generalia hæc anniversaria, particularia nonnulla pro Re-
gibus, Principibus, aliisque Illustribus Personis in die depositionis
illorum multis in monasteriis celebrabantur, ut Childeberti Regis
in Parisiensi S. Germani monasterio, Dagoberti in Dionysiano, Caroli
Calvi in Compendiensi: Plura hujusmodi anniversariorum adducit
pag 78. exempla noster Mabilonius in præf. ad sæc. 3. Bened. part. 1. n. 101. quo-
eorum probet antiquitatem, quibus aliqua licet addere scilicet Wit-
lasi Regis Merciorum in monasterio Croylandensi apud Ingulfum
ann. 833. S. Aldrici Episcopi Cœnomanensis apud Cœnomanos in
ejus vit. n. 21. & seq. Tom. 3. Miscel. Baluz. circa medium sæculum no-
num. Frodarij Episc. Bituricensis in Bellilocensi cœnobio ex vit. S. Ro-
dulphi sæc. 4. Bened. part. 2. p. 163. sub finem ejusdem sæculi. Warnerij
Episcopi Lingonensis in monasterio S. Benigni ineunte sæculo x, ex
Chronico S. Benigni an. 912. tom. 1. Spicil. Hentici cujusdam in mo-
nasterio Besuensi ineunte sæculo xi. ex Chronic. hujus monasterij tom. 1.
Spic. p. 547. Willelmi Ducis Aquitaniæ in monasterio S. Launomari
de Magentiaco apud Arvernos anno 1064 ex Chronico hujus mona-
sterij. Denique apud Cistercienses Honorij Papæ. 15 Cal. Aprilis, Regis
Philippi 2 Idus Julij, Regis Ludovici 6. Idus Novembris, Regis Ri-
chardi feria 3. post oct. Paschæ ex lib. Institution. cap. Cist. dist. 3.
cap. 14.

8. Sed quæret aliquis, quoniam ritu particularia isthæc anniver-
saria celebrarent, rem exemplis demonstramus; primum erit de Chil-
deberto Rege Christianissimo in Ecclesia S. Germani Parisiensis Epif-
copi, cujus anniversarium ita describitur in M.S. cons. hujus Asceterij:
» [In vigilia anniversarij Childeberti Regis Ecclesiæ nostræ fundatoris
» debet ejus anniversarium in capitulo solemniter commendari, ecclesia
» debet parari, & debet eleemosina de triginta panibus & triginta sco-
» pis vini post anniversarium prædicti Childeberti commendari. Puer qui
» legit lectionem in capitulo debet legere post lectionem: *Quindecim*
» *obierunt.* Subeleemosynarius debet eodem die in capitulo afferre breviam
» defunctorum, & debent absolvi quando anniversarium commendabitur

supra scriptum. Finito capitulo, debent dici duabus vicibus, *Verba mea*, & omnes campanæ omnium turrium debent pro tanto patrono solemniter propulsari. Tumba dicti Regis debet parari, cereus debet accendi coram tumba, qui ardere debet statim incessanter à fine capituli usque ad crastinum post Completorium. Quando incipietur *Placebo*, Sacrista debet accendere cereos candelabri, & Angelorum, & debent accendi septem cerei ante corpora Sanctorum, & quatuor ante tumbam, cum illo qui incessanter, sicut diximus, ardere debet. Quando incipietur *Placebo*, Prior & Subprior induent se albis singulis, & accipient duas cappas purpureas cum thuribulis, & accipient benedictionem incensu ab Abbate, si in choro fuerit, postea incensabunt majus altare, & matutinale, & tumbam dicti Regis solemniter duobus ministris ipsos sequentibus, qui conventum postea incensabunt: Similiter fiet ad *Benedictus*. Missa defuncti Regis debet ab Abbate, vel Priore ad majus altare cum Diacono & Subdiacono indutis tunica & dalmatica ex purpureo celebrari. Luminare erit simile ad Missam, quale fuit ad: *Placebo*, & *Dirige*; Cantor qui chorum reget habebit cappam purpuream; monachi verò qui cantabunt & tractum, habebunt cappas purpureas; cantor autem sit providentia, ut Missa privata ad altare matutinale submissa voce celebretur. In refectorio autem debent poni duplices mappæ, duplicem pittantiam; de clarato autem quilibet habebit unam justitiam, & duos gastellos, & ponetur ad Dasium pro Rege defuncto panem, vinum, pittantiam, claratum gastelli vini.

9. Longè solemnius est illud quod pro Dagoberto Rege describitur in M. S. Dionysij consuetudinibus ad diem Januarij 19 in hæc verba: [Ad Vesperas fiat duplex festum de Domino Dagoberto Rege hoc modo: Campanæ dupliciter sonantur; & cantantur Vesperæ de omnibus SS., & de S. Launomaro Abbate; ... deinde celebretur festivè obsequium Regis: antiphona: *Placebo*, ... 2. *Congregati sunt* à quatuor in cappis, & post 3. repetatur, & *Audivi vocem*, antiphona: *Ego sum resurrectio*, & dicatur tertid; & deferantur duo thuribula à duobus Sacerdotibus in cappis. *Pater noster* dicatur sub silentio, deinde dicatur à Sacerdote psalm. *Lauda anima*, & à porta inferi, Oratio: *Præsta Domine quesumus ut anima famuli tui Dagoberti*. Oratio: *Quæsumus Domine pro tua pietate misereere anima tua Nantildis*. Oratio: *Fidelium Deus*, & dicantur ad unum *Per Dominum* ... ad Matutinas dicantur xv psalmi, dum campanæ dupliciter sonant cantentur Matutinae aliquantulum celeriter de S. Launomaro ... Post hoc celebretur vigilia Regis: Inter duo altaria cantetur Invitatorium à quatuor in cappis: *Regem cui cuncta*; quatuor Cantores in choro remaneant: Hebdomadarius incipiat antiphonam: *Dirige*, Psalm. *Verba mea*. Antiphonæ, psalmi, & 3. sicut in vigilia mortuorum, quæ antiphonæ, incipiendæ sunt à Prioribus. Sex primæ lectiones sint de expositione

Evangelij, scilicet *Audistis fratres carissimi*. Primum *Re Absolve* à quatuor in cappis qui cantaverunt Invitatorium; tertium, sextum, nonum *Re* sint in cappis; secundum *Re Manus tua* à duobus, tertium *Quomodo confitebor* à tribus (in codice Colbertino à quatuor in cappis); quartum *Re Cognoscimus Domine* à duobus, quintum *Ne tradas Domine* à tribus, sextum *Libera me* à quinque; septimum *Re Rogamus te* à duobus, octavum *Re Deus aterne* à tribus, ix *Re Congregati* à septem in cappis. Ad unumquemque nocturnum praevideat Thesaurarius duos Sacerdotes qui thurificent altaria, & sepulturam Regis, & conventum. Tres extremae Lectiones de vita ipsius. Nonum *Re* post *Re* recitetur, & dum cantatur sonent quatuor campanae à quatuor clericis quasi *Te Deum laudamus*: Deinde intonet classicum, & incipiat Hebdomadarius antiphonam *Exultabunt* *Re Tuam Deus* à duobus (codex Colbert. à quatuor in cappis) & *A porta inferi*, ad *Benedictus* antiphona *Cognoscimus*, & dicatur ter, duo thuribula deferantur à duobus Sacerdotibus, ut ad Vesperas. *Pater noster* dicatur sub silentio, deinde duo psalmi *Ad Dominam cum tribulaver*, & *De profundis*, & *In memoria*, Orat. *Deus indulgentiarum*, alia orat. *Inveniat quasumus Domine*, alia: *Animabus quasumus Domine*, & dicantur ad unum *Per Dominum* Prima festivè sonet psalm. *Confitemini* IIII, *Beati immaculati usque Legem pone*, *Re Manus tua*, & *Audivi vocem*, orat. *Inclina Domine*, alia orat. *Inveniat*, alia *Animabus*. Post dicatur prima de die, ... & non dicantur VII psalmi; non dicatur in capitulo sententia; sed Evangelium: *Omne quod*. Ad tertiam omnes sint in albis, psal. *Legem pone usque Defecit*, sine antiphona, absque *Deus in adiutorium*. *Re Quomodo*, & *Ne tradas*, orat. *Praesta Domine quasumus*, Oratio: *Quasumus Domine pro tua pietate*, Orat. *Fidelium*. Post dicatur Tertia de die Missa matutinalis de S. Launomaro Ad magnam Missam sint omnes in cappis, tres Cantores assistant in choro in cappis nigris, VI procedentes, *Kyrie clemens rex* or à quatuor cantatur, orationes quae ad Vesperas. Epistola: *Vir fortissimus*, *Re Si ambulem* à quatuor. Sequentia *De profundis exclamantes*. Ante Evangelium dicatur antiphona: *Salvator omnium*. Evangelium: *Omne quod dat*, & thurificetur sepultura ipsius Regis à duobus Sacerdotibus à principio Evangelij usque ad finem offerendae. Offert. *Erue Domine* & dum canitur offerant omnes panem, & vinum, cum offertoriis, & ampullis pretiosis. Praefatio dicatur *Qui mortem nostram*. Communio: *Ego sum*. Ad Sextam psal. *Defecit usque Mirabilia*, *Re Ne tradas Domine*, & *A porta inferi*. Orat. *Absolve Domine*; Orat. *Quasumus Domine*, *Fidelium* Ad IX de Rege psal. *Mirabilia usque Ad Dominum cum tribulaver*, *Re Rogamus te*, & *In memoria*, Orat. *Annue nobis*: *Inveniat*: *Animabus*, ... Ad Vesperas campanae dupliciter sonent sicut pridie, & cantantur Vesperae de omnibus SS., & de SS. Martyribus Fabiano & Sebastiano Postea canantur Vesperae de Rege, & celebrentur sicut pridie excepto *Re Quomodo*

Quomodo confitebor à quatuor in cappis, & antiphona ad Magnificat: "O Chrifte precamur. Per totum diem post horas Regis dicantur horæ diurnæ.] Ubi inter alia multa illud singulariter notandum quod vita Regis ad nocturnos legeretur, & horæ diurnæ pro eo de defunctis cantarentur.

10. Hæc de anniversariis maximè observanda fuerunt, nunc de jejuniis.

11. Intermittit toto tempore Paschali jejunia statim post celebratum S. Spiritus Adventum ab antiquis monachis observata esse constat ex omnibus quotquot scriptæ sunt monachorum regulis: sed hæc jejunia quibusdam erant quotidiana, quibusdam tantum interdiana.

12. Quotidiana fuerunt maximè Orientalibus monachis ut patet ex Reg. S. Antonij n. 21; ex Regula SS. Serapionis, Macharij, Paphnutij, & alterius Macharij c. 9; ex Anastasio Sinaita in tractatu de tribus quadragesimis ubi redarguit eos qui quadragesimas Apostolorum, & Natalis Domini, hoc est jejunium quod à Pentecoste ad festum SS. Apostolorum Petri & Pauli, & quod quadraginta ante Natalem Domini diebus servaretur, inventum esse monachorum ausu temerario affirmare non dubitarent. Occidentales verò monachi interdiana, sive alternis diebus observanda jejunia susceperunt: Ita S. Cæsarius, S. Benedictus, S. Donatus quarta & sexta tantum feria tota ætate jejunium præscribunt; S. Isidorus Reg. c. 12. [Interdianum jejunium post Pentecosten alia die inchoatum usque ad æquinoctium autumnale producit.] Similiter Fructuosus Episcopus *interdiana* post Pentecosten jejunia usque ad Calendas Octobris decernit, quotidiana tamen à die xvij Junij ad diem vi Augusti ut notat Menardus noster in notis ad Concord. Reg. c. 50. §. 5. Regula Solitariorum c. 42. à Pentecoste ad Calendas Octobris iv. vi & vii feria. Similiter & Regula M.S. incerti authoris cap. 5, quæ etiam feria ii. iii. & v. jejunium ad Abbatis relinquit arbitrium. Non defuere tamen ex Occidentalibus, qui celebrata semel Pentecoste quotidiani sibi jejuniij legem imposuerint. Ita præscribunt Regula Tarnatis cap. 9, Regula Cujusdam ad monachos cap. 11, Cujusdam ad Virgines cap. 11, Regula Magistri cap. 28: Hic tamen feriam v excipit: Ita etiam primi S. Stephani Abbatis Obazinensis Discipuli ex ejus vita n. 15. tom. 4. Miscell. Baluz. In Concilio Turonensi secundo ubi monachorum ordinantur jejunia, decernitur [ut post quinquagesimam, (idest tempus Paschale,) tota hebdomada exactè jejurent; postea usque ad Calendas Augusti ter in hebdomada jejurent ii. iv. & vi feria, exceptis his qui aliqua infirmitate constricti sunt.

13. Nec certè mirum videri debet monachos post Pentecosten aliquos quotidianum observasse jejunium, cum idem etiam secularibus viris usque ad Assumptionem B. Mariæ impositum fuisse tradat Anastasius Sinaita loco citato, ubi contendit jejunium illud ab Apostolis & SS. Patribus institutum fuisse, licet postea per dispensationem fuerit

intercisum; [partim, *inquit*, quia incurrebat in jejunia ethnica seu Armeniorum, Jacobitarum, Nestorianorum, adhucque saepe etiam Israelitarum; partim mea quidem sententia propter hominum negligentiam, animique relaxationem. Sancitum autem fuit usque ad festum SS. Apostolorum jejunare, sicque postea solvere jejunium; deinde ab initio Augusti jejunare usque ad obitum Deiparae.] De hoc jejunio in 1. s. Constitutionibus Apostolorum sic lego: [Post Pentecosten celebrate hebdomadam unam, & post illam jejunate;] & in vetusto Corbeienſi cap. ult. Calendario ab annis circiter 800 M.S.: [Calendis Junij denunciatio jejuni;] quod certè de jejunio Quatuor temporum nequit intelligi, quod aut in hebdomada Pentecostes, aut in secunda Junij septimanâ observabatur; alioquin alia Quatuor temporum jejunia denuntianda ibidem inscriberentur, quod tamen non reperitur, sed tantum [Calendis Martij denunciatio jejuni; ante Pascha, Calendis Decembris denunciatio jejuni; (ante Natale Domini,) & Calendis Junij denunciatio jejuni; hujus,] Apostolorum dicti, quæ tria sunt jejunia de quibus Anastasius Sinaita.

14. Istud tamen Apostolorum jejunium non erat adeo solemne, ut existeret omnino inviolabile; unde inter Synodicos Canones Nicephori Patriarchæ Constantinopolitani vigesimus ita habetur: [In jejunio SS. Apostolorum, & jejunio S. Philippi (hoc est jejunium ante Natale Domini) oportet ut monachi, qui in monasterio resident per ferias quartas & sextas semel ad Vesperam cibum sumant; qui verò opera faciunt post horam sextam edant, & gustent, ac vespere cœnent.] Et certè, si Micrologo credimus, hoc jejunium non omnium, sed pœnitentium dumtaxat erat: [Illa, *inquit*, quadragesima post Pentecosten non omnibus, ut hoc jejunium Quatuor temporum; sed solis pœnitentibus observanda imponitur: nec in hoc tantum triduo; sed in omnibus triduis vel etiam 25. diebus sex hebdomadarum custodiri jubetur.

15. Ceterum ut ad nostros redeamus, cum S. Benedictus jejunium post Pentecosten absolute præscribere non videatur, sed tantum si labores agrorum non habuerint, aut æstatis nimius æstus non fuerit; hinc fortè factum est ut in pluribus Ordinis nostri monasteriis, istud jejunium labore manuum commutaretur; excepta tamen prima hebdomada, in qua IV & VI feria jejunabatur. Ita videre est apud Udalicum l. 1. cap. 28., in Ordinario Corbeienſi, in Consuetudinibus S. Benedicti Floriacensis, & S. Benigni Divionensis cap. 66.

Stat. 16. Quibus autem jejunabant diebus, post Tertiam *pueri minuti sanguine*, & *infirmi* quibus data erat licentia accipiebant mixtum, & ante Missam nudis pedibus processio fiebat, nisi fortè his diebus evenisset vigilia ejus Missa solemniter celebraretur; tunc enim processio ex toto dimittebatur, ut præscribit Lanfrancus.

CAPVT XXV.

De festo Sacratissimi Corporis Christi.

1. **F**estum Sacratissimi Corporis Christi ab Urbano Papa IV anno 1262 institutum concessis indulgentiis omnibus illud honore debito reuerentibus, non videtur statim apud monachos fuisse receptum ac celebratum, ut pote cuius nullam mentionem faciunt nostri codices etiam recentiores, ut sunt Compendienses S. Cornelij consuetudines, quæ vix trecentos superant annos, & S. Germani à Pratis quas Guillelmus cognomento Episcopi Abbas pro suo monasterio describi curavit anno 1395. Primam hujus festi mentionem reperi in editis à Guillelmo Pellicerij consuetudinibus pro Ordine Grandimontensi cap. 23. & 24, deinde in novis Cartusiensium Statutis à Guillelmo Rainaldi anno 1368 compilatis, postea in Breviariis S. Germani à Pratis & S. Dionysij in Francia annorum circiter 300. In recentioribus item S. Dionysij consuetudinibus ejusdem fere ætatis, in rituali Corbeiensis monasterij anno 1411. à Stephano de Conty monacho & Officiali Corbeiensis ordinato, in Ordinario Tullenti ad calcem, sed recenti omnino manu, in Bursfeldensi, & Cartusiensi anno 1582 impresso Parisiis, ex quibus omnibus quæ nobis de tanti festivitate mysterij dicenda sunt depromemus.

2. Quatuor potissimum de Sacratissimi Corporis Christi solemnitate hoc capite sunt inquirenda. 1. ejus officium. 2. processio. 3. expositio. 4. indulgentiæ hac die concessæ.

3. Officium de festo Corporis Christi integrum habetur in Breviario S. Germani à Pratis, idem omnino cum eo quod modo recitamus; servato tamen Ecclesiæ Romanæ ordine pro regulari S. Benedicti quem hac die non sequebantur; unde ad utrasque Vesperas quinque psalmos sub totidem antiphonis decantabant. Lectio sive capitulum erat ex epistola ad Corinthios; & prolixum in primis Vesperis *Homo quidam fecit cenam magnam, in secundis Panem cali dedit eis*; Hymnus *Pange lingua*; & *Panem de celo* &c; antiphona ad *Magnificat* in 1. Vesperis *O quam suavis*, in 2. *O sacrum convivium*.

4. Ad Nocturnos Invitatorium *Christum Regem*; Hymnus *Sacris sollempniis*. Ad singulos Nocturnos tres antiphonæ, tres psalmi, tres Lectiones, tria &c. In 1 & 2. nocturno Lectiones de sermone S. Thomæ Aquinatis sine titulo, in 3. nocturno ex homilia in Evangelium: *Caro mea vere est cibus*. Post 1x & Hymnus *Te Deum*, quem sequebatur integrum de die Evangelium.

5. Ad Laudes horasque diurnas cum nostro convenit prædictum

SSf 2

breviarium, nisi quod proprias ad VI & IX collectas assignat. Econtra Breviarium S. Dionysij in Francia juxta Regulam quatuor dumtaxat sub una antiphona: *Sacerdos in aeternum* in primis Vesperis, *Vincenti dabo* in secundis, psalmos instituit; nempe *Dixit Dominus: Confitebor: Credidi: Lauda Jerusalem*. Nocturnos cum duodecim psalmis, duodecim Lectionibus, toridemque Responsoris disponit; sex nimirum psalmos in primo nocturno sub una antiphona: *Fructum salutarum*, sex iterum in secundo sub sola antiphona: *Introibo ad altare Dei*. In tertio nocturno Cantica: *Beatus vir qui in sapientia* &c., pro quibus in Breviario Vallisoleitano anno 1600 impresso habentur ex Isaia: *Deus judicij Dominus: Et dabitur pluvia semini tuo: Juravit Dominus in dextera sua*; & in Breviario Casalis Benedicti: *Mandavit Dominus nubibus desuper: Confiteantur Domino misericordia ejus: Lauda Jerusalem Dominum*. Lectiones in primo secundoque nocturno tam in Dionysiano quam in Casalino Breviario de sermone sancti Thomæ Aquinatis sed in Dionysiano sine titulo: In tertio nocturno homilia S. Augustini in Evangelium: *Caro mea verè est cibus*. Ad Laudes etiam in Dionysiano omnes psalmi sub una antiphona: *Sapientia*. Ad horas diurnas antiphonæ quas nos in Laudibus cantamus, ex quibus quinta in omnes Vesperarum psalmos concinebatur; ad *Magnificat* verò antiphona: *O sacrum viaticum! O suavis animæ cibus*. Et hæc quoad officij dispositionem.

6. Quod spectat ad solemnitatem, audiendum est Tullense S. Apri Ordinarium: [In eodem festo, inquit, ad utrasque Vesperas Dominus Abbas à principio Vesperarum indutus alba & cappa faciat officium. Ad utrasque Vesperas antiphona si sit in dextro, à Cantore incipitur, si in sinistro, ab Hebdomadario, & ceteræ à primis Dominis. Psalmi, ut in libro continetur. Capit. *Dominus Jesus. & Homo* à Cantore & Succentore. Hymnus *Pange lingua. & Panem de cælo*. Ad *Magnificat*: *O quam suavis*. Hic portetur incensum. Post *Pater noster* loco precum dicitur versus: *Panem cæli*, vel alius de proprietate.... Post Vesperas non fit processio.... Ad Matut. Invitatorium: *Christum regem* à septem Cantoribus.... Ad Laudes.... post *Pater noster* loco precum & *Panem de cælo*.

7. Processionem hujus diei ita deferibunt recentiores S. Dionysij consuetudines: [Post Tertiam fiat sollemnis processio apud Stratam in cappis hoc modo: In primis proviso per Capicerium de competenti luminari & honesto, deportatur Sacrosanctum Corpus Domini de loco suo super altare SS. Trinitatis cantando devotè flexisque genibus antiphonam: *O sacrum viaticum*, qua finita, accipiat Corpus Domini ab Abbate, & ab eo sub pallio serico, quod ligatum & extensum cum quatuor lanceis quatuor Diaconi procedentes dalmaticis festivis induti portabunt, cum honore & reverentia deferatur; assistentibus eidem hinc & inde Priore & Subpriore, qui deferant Clavum Domini & Coronam; vexillis ante & Canonicis S. Pauli processionem præceden-

tibus. Ad exitum chori incipiat Cantor antiphonam: *Ego sum alpha*,
 deinde *R. Felix namque & Ora pro populo*; postea *R. de Trinitate* quæ se-
 quuntur, vel de ipsius quantam opus fuerit præter sextum, scilicet
Honor, quod postea cantabitur in ecclesia de Strata; *R. Benedicat nos*,
& Deus misereatur nostri; *R. Benedictus Dominus*, *& Replebitur*; *R. Quis*
Deus magnus, *& Notam fecisti*; *R. Magnus Dominus*, *& Magnus Do-*
minus; *R. Gloria Patri*, *& Da gaudiorum*; *R. Honor virtus*, *& Trinitati*:
R. Deum time, *& Timentibus Deum*; *R. Summa Trinitati*, *& Præstet no-*
bis; *R. Benedicimus*, *& Benedictus es*. Cum autem venerit prope eccle-
 siam B. Martini, tunc incipiat Cantor antiphonam: *Martinus signi-*
potens. Qua finita, ad Introitum Ecclesiæ de Strata *R. Vir inclitus*,
 deinde *R. Honor & virtus*, *& à tribus Trinitati*. *& à Sacerdote*: *Panem*
cæli dedit eis. Oratio: *Deus qui nobis sub Sacramento*. Postea incipiat
 Cantor antiphonam: *O Beate Dionysi*, qua finita, dicatur à Sacer-
 dote *& Mirabilis Deus*, & Oratio: *Benedictionis tua*. Deinde in reditu
 processionis ad exitum de choro incipiat Cantor *R. Beata es Virgo Ma-*
ria Dei genitrix, *& Ave Maria*; Postea verò resumantur *R. de Trini-*
tate ubi dimissum fuerat usque videlicet ad Introitum Ecclesiæ B. Dio-
 nysij, non faciendo stationem aliquam ad portam Castelli; & si ne-
 cesse fuerit cantentur *R. Dum sacrum: Vir inclitus: Pretiosus: Hi Sancti*.
 Ad ingressum autem ecclesiæ incipiat Cantor antiphonam: *Ave Regina*
Calorum, & postea si opus fuerit antiphonam: *Salvator mundi*. Deinde
 reposito Corpore Domini honorifice in loco suo cantetur solemniter
 magna Missa. Quando autem propter pluviam non poterit processio
 fieri ad Ecclesiam de Strata, tunc fiet per claustrum in cappis, & de-
 ponatur, deferaturque Corpus Domini sicut supra. Tunc autem pri-
 mo cantabitur antiphona: *Ego sum alpha*; deinde *R. Cætantibus illis*,
 & postea fiat statio in navi, & cantetur *R. Paratum panem*, & *& à tribus*,
 deinde *& oratio* ut supra. Ad Introitum chori *R. Honor virtus*. Postea
 cantetur Missa.] In proluxa hac descriptione notandum nullam in ea
 fieri mentionem benedictionis cum Sanctissimo Sacramento super popu-
 lum dandæ: & in processione vix aliquid de solemnitate Corporis Christi
 cantatum fuisse, sed omnia ferè aut de SS. Trinitate, aut de B. Maria aut
 de B. Dionysio. Item advertere licet in Rituali Corbeienfis monasterij
 hujus diei processionem ita describente: [Processio est major & so-
 lemnior & magis devota de toto anno; quia corpora SS. & alia om-
 nia quæ portantur in die Ascensionis Domini ad processionem, cum
 vexillis portantur similiter in ista processione, & cum prædictis portatur
 Corpus Domini consecratum reverenter per Prælatum, ac si diceret
 magnam Missam, cum torseis ardentibus, & cum toto Clero in super-
 pellicis, & cappis sericis; & populus consuevit habere cerceos magnos
 de suis confraternitatibus ardentes, cum aliquibus torseis, quæ non
 sunt in aliis processionibus. Item ad dictam processionem Cantor in-
 cipiet primum & secundum, *R. de historia* cum *&*, & tertium si necesse

- „ fuerit; postea profam : *Ave Maria* , & de S. Gentiano *Sanctissimi*
 „ *Martyris Gentiani* , de S. Adalardo ; *B. Adalardus* , de omnibus San-
 „ ctis *Concede* ; postea : *Gaude Maria* cum versu si necesse fuerit , &
 „ cum prosa : *Inviolata*. Item ad stationem in nostra Domina antiphona :
 „ *Tota pulchra es* , & *Post partum* , Collecta : *Famulorum* . Redundo ad
 „ S. Petrum *Accepit Iesus* , & *Ego sum* cum versu ; & quando Præ-
 „ latus portabit Corpus Christi ad majus altare , tunc faciet ibi de Cor-
 „ pore Christi sicut fit in magna Missa , & pulsabitur una parva campana
 „ ad majus altare , & Cantor incipiet alta voce communionem : *Hoc*
 „ *Corpus* , & reponetur Corpus Christi in vase in quo consuevit poni
 „ super majus altare , & hoc facto incipietur magna Missa.] Brevius
 c. 53. „ Cartusienſium Ordinarium : [Post Tertiam cantatam ante Missam
 n. 13. „ fiat processio , in qua venerabiliter deferatur à Priore sacris vestibus
 „ etiam casula induto Sanctissimum Eucharistiæ Sacramentum , singulis
 „ personis Ordinis candelas accensas deferentibus (excepto Diacono cru-
 „ cem ferente) & monachis cantantibus hymnum : *Range lingua* , cum
 „ aliis ejusdem solemnitate si opus sit ; donec perfecta processione idem
 „ Sanctissimum Sacramentum super altare repositum fuerit.] Hæc una
 „ est apud Cartusianos processio , cujus nequidem mentionem faciunt
 „ alia eorum statuta etiam nova , immo tam ex Statutis Guigonis cap. 6.
 „ quam ex antiquis 1. parte , cap. 2. n. 16. prohibetur omnino *ne in ulla*
 „ *solemnitate processionem* faciant. Processionem sequebatur Missa so-
 „ lemnis in qua apud Cartusianos ex tertia statutorum compilatione
 „ cap. 1. n. 31. fiebat [communio generalis pro non celebrantibus , Con-
 „ versis , & Donatis , sicut in festo Nativitatis , Paschæ , & Pentecostes.
 „ (Poterant tamen Sacerdotes celebrare ,) nam paulò post additur : Ob
 „ reverentiam tantæ solemnitate celebrare & communicare possumus ,
 „ nocturna fragilitate non obstante ; præmissa tamen confessione.] Hæc
 „ Missa habetur in Breviario S. Dionysij ad calcem eadem omnino cum ea
 „ quam modo cantamus , excepto Introitu : *Ego sum panis vivus* , & *Panis*
 „ *enim verus est* , & Graduali : *Nisi manducaveritis* ; sed infra octavam no-
 „ stram cantabant mutatis Offertorio & Communionem ; ad Offertorium
 „ enim dicebant : *Portas cæli* , ad Communionem : *Qui manducat* .
 „ 8. Ad expositionem quod spectat , abstinuissè ab ea in principio mo-
 „ nachos inde colligimus , quod nullam ejus mentionem faciant Tul-
 „ luse S. Apri Ordinarium , consuetudines S. Dionysij , aut Rituale
 „ Corbeienſis monasterij ; immo hic expressis præscribitur verbis : ut facta
 „ processione , [reponatur Corpus Christi in vase in quo consuevit
 „ poni super majus altare , & hoc facto incipiatur magna Missa ;] con-
 „ firmaturque ex Chronico S. Benigni Divionensis ad annum 1513 , in
 spicil. „ quo Theobaldus quidam fundasse & instituissè dicitur [luminare in die
 10. 1. „ solemnitate Corporis Christi & per octavas ; pro quo debent duo
 „ cerei ante *armariola lapidea in quibus reconditur prædictum Sacramentum* ,
 „ continuò diu noctuque lucere .

9. Primi quos expositionis meminisse offendi, sunt Bursfeldenses; idque dumtaxat ad utrasque Vesperas & ad Missam, nihilque amplius: Modum verd SS. Sacramenti exponendi ita describunt in Ordinario: [Sacerdos Hebdomadarius in profesto hujus diei duas consecret hostias magnas; quarum altera recondatur in monstrantia ad hoc aptata cum vitro perspicuo, quæ post finem Missæ deportetur obvoluta lineo mundo, & includatur capsellæ in qua Corpus Dominicum pro infirmis conservari consuevit. Ad utrasque autem Vesperas hujus diei Abbas indutus, ut moris est in solemnitatibus, cum ministris procedens mox in ipso introitu ad chorum ascendit ad locum in quo reconditum servatur hoc Venerabile Sacramentum; ac præmissa venia monstrantiam extrahat de capsella, eam deferendo ad altare, præcedentibus se duobus Ceroferariis & Thuribulario. In gradibus verd altaris sistat gressum versa facie ad chorum, tenensque monstrantiam utraque manu, Ceroferariis hinc & inde ad dextram lævamque ante se collocatis, & Thuribulario in medio, incipit primò hunc *✠ O salutaris hostia*, quo à conventu terminato; subsequatur & hunc: *Uni trinoque Domino* conventu eundem similiter continuante, circa cujus finem facto signo Crucis ante se cum monstrantia, eaque reverenter collocata in altari, transiit petita venia cum osculo altaris, ad sedem suam. Finitis autem Vesperis eodem ritu quo allatum est hoc Venerabile Sacramentum refertur in locum suum, nisi quod loco prædictorum versuum cantentur hi versus: *Tantum ergo Sacramentum, & Genitori Genique*. Post Tertiam regularem iterum modo præmissis Abbas monstrantiam afferens ipsamque ante se reverenter tenens, ut præfertur, stet in gradibus altaris & ante se ministri, Ceroferarij, & Thuriferarius exitum processionis præsolantes &c. Post processionem Abbas reponat Sacramentum in altari, illicque remaneat per totam Missam, post cujus finem, data benedictione cum Sacramento ipsum recludat intra capsellam suam.] Soli ergo Cartusienfes, quod sciam, per continuum diem exponi Sacram Eucharistiam præscribunt in impresso anno 1582 Parisiis Ordinario ubi sic loquuntur: [Volumus illud omnibus adorandum proponi per totas octavas cum duobus cereis quandiu ibidem aliquod à conventu officium persolvitur ante altare jugiter ardentibus, aut certè extra divinum officium cum uno cereo simul cum lampade ardente.] Sed tamen hæc verba non extant in novis Cartusienfium Statutis, neque in tertia statutorum compilatione.

10. Superest ut de indulgentiis hoc festum debita cum reverentia celebrantibus concessis aliquid dicamus, quod sufficienter exprimunt in Ordinario Bursfeldenses his verbis: [Dominica proxima præcedente hanc festivitatem, Præsidens in capitulo publicare debet indulgentias à summis Pontificibus intercessentibus divinis, aut alias in ipso die festo & per octavam ipsas concessas; & exhortari omnes ad digne se præparandum, & divinis officiis tota devotione interessendum, ut ratio be-

„ neficiis fieri mereantur participes. Indulgentiæ autem à Romani Pontificibus pro Veneratione festi Corporis Christi concessæ Christi fidelibus
 „ verè penitentibus & confessis hæc sunt : Primò Urbanus Papa IV. institutor festi hujus concessit interessentibus primis Vesperis hujus festi
 „ 100 dies, Matutinis 100, Missæ 100, secundis Vesperis 100; & pro
 „ qualibet horarum reliquarum diei festi idest Prima, Tertia, Sexta, Nona, & Completorio 40; nec non per octavam ejusdem festi pro qualibet die 100 : Summa totius numeri 1340 si bis Completorium numeres. Martinus Papa V. concessit in primis Vesperis diei festi 200, in Matutinis 200, in Missa 200, in secundis Vesperis etiam 200; in singulis verò horis idest Prima, Tertia, Sexta, Nona, & Completoriis duobus 80 : Insuper per octavam ejusdem festi diebus singulis in Matutinis 100, in Missa 100, in Vesperis 100; & in qualibet ceterarum horarum scilicet Prima, Tertia, Sexta, Nona, & Completorio 40 : Item qui in ipsius Sacramenti pro festo jejunium vel aliud pium opus, juxta suorum confessorum consilium fecerint 100, & qui processionem sequuntur etiam 100 dies indulget : Summa 4980. Et consequenter Eugenius Papa IV. similes per omnia indulgentias concessit sicut Martinus prædecessor : Summa omnium indulgentiarum dictorum trium Pontificum simul dierum 11300; & nihilominus uterque prædictorum Martinus videlicet & Eugenius concessit celebrantibus pro pace Ecclesiæ, seu etiam communicantibus in die festo, sive etiam infra octavam pro qualibet vice 100 dies. Et qui sequuntur aut præcedunt Sacramentum cum luminari, quando defertur infirmis communicandis similiter 100; qui autem sine luminari 50 singulis vicibus.] Pro consequendis prædictis indulgentiis Cartusienfes in novis Statutis hæc habent : [Festum Corporis Christi feria v post octavas Pentecostes solemniter celebratur, ejus octavæ fiunt eo ritu & ea solemnitate, quibus fiunt octavæ Assumptionis Beatæ Mariæ, hoc adjuncto quod ob præceptum Apostolicum & indulgentiam consequendam Missa diebus singulis per octavas de solemnitate cum nota cantetur in conventu, vel etiam sine nota post Missam conventualem festi xii Lectionum toto remanente conventu, & anniversaria reddantur in privato;] & infra : [Per istas octavas dicendo horas in oratoriis infra cellas, gaudemus indulgentia, ac si in ecclesiis diceremus, quia sic Ordini à Domino nostro Papa Urbano V. misericorditer est indultum.]
 „ 11. Ad vigiliam hujus festi quod spectat, [quando prædictum festum in vigilia B. Johannis Baptistæ occurrerit, inquit præfata Statuta, fiat abstinentia feria iv præcedenti, & in ipso die Eucharistiæ jejunium sine lacticiiniis, dicenturque duæ Missæ in conventu, prima de festo, secunda de vigilia Quando verò ambæ solemnitates prædictæ scilicet Corporis Christi, & Sancti Johannis Baptistæ concurrent uno die præcedenti fiat abstinentia similiter pro ambabus, & Missa de vigilia S. Johannis dicetur in conventu, & ad omnes Missas de vivis commemoratio

1. part.,
 cap. 1.,
 n. 20.

n. 29.

n. 21.

commemoratio de eodem.] De octava verò hæc scribit Corbeienſis „
monaſterij Rituale : [A die ſancti Sacramenti altaris uſque ad craſti- „
num octavarum ſi eveniant aliqua feſta xii Lect. nihil faciemus de „
eis niſi ſolùm memoriam ad Veſperos poſt *Benedicamus* in die octava- „
rum. Item in Dominica infra octavas dictæ ſolemnitatis faciemus me- „
moriam ad Veſperos & Laudes de Dominica, & Miſſa matutinalis erit „
de Dominica; & ſi feſtum alicujus Sancti trium Lect. eveniat in die „
dictæ ſolemnitatis, vel in aliis diebus per octavas nos faciemus memo- „
riam ad Veſperos & Laudes de dicto Sancto, & in craſtino Miſſam ma- „
tutinalem de eo. Item per octavas dictæ ſolemnitatis non dicitur in con- „
ventu officium mortuorum nec Miſſa, nec facimus horas noſtras de „
noſtra Domina, nec de SS. Apoſtoliſ Petri & Pãulo, nec de aliquo „
Sancto trium Lectionum. Item ſi eveniat infra octavas vigilia Nativi- „
tatis B. Johannis B. pt. ; jejunabimus; & erit tunc magna Miſſa de je- „
junio, niſi in Dominica evenierit; quia tunc Miſſa matutinalis eſſet „
de jejunio, & magna Miſſa de Sacramento; ſed in alia die ambæ „
Miſſæ dicuntur ad majus altare; & ſi dicta dies B. Johannis infra dictas „
octavas eveniret faciemus horas noſtras de S. Johanne Baptiſta & non de „
Sacramento;] & rubricæ præmiſſæ Breviario Valliſoletano: [Infra „
octavam Corporis Chriſti ſit tantùm de feſtis quatuor capparum cum „
commemoratione octavæ, inferiora transferuntur:] Similiter Rubricæ „
Breviarij Caſaliſ Benedicti: [Intra octavam Corporis Chriſti quodcum- „
que feſtum occurrens ob indulgentiarum beneficium, & reverentiam „
S. Sacramenti transfertur, præter duplex majus & ſummum. „

CAPVT XXVI.

De Dominicis poſt octavam Pentecoſtes uſque
ad Adventum.

1. **H**Actenus omnes ferè conſuetudines anni pro modulo noſtro
hoc capitulo inveſtigare proponimus, reliquas uſque in Domini Ad-
ventum Dominicas paucis percurrentes; de quibus generales hæc
leges nobis repræſentant Divionenſes S. Benigni conſuetudines cap.
67, & Corbeienſe S. Petri Ordinarium: [Poſt commemorationem „
S. Trinitatis, in illa Dominica quæ prima occurrerit cantantur „
de libro Regum, & tenentur uſque ad Calendas Auguſti, ideſt: *Deus* „
omnium. Dominica prima menſis Auguſti inchoantur „
de libro Salo- „
monis, ideſt: *In principio*, & tenentur uſque in Calendas Septembris; „
quibus ſemel cantatis, tertium, ſeptimum, & undecimum in ceteris „
Dominicis ad nocturnos cantantur de S. Trinitate; quartum verò in „

T t t

tribus nocturnis non solum ex eo tempore, sed etiam à Pascha usque ad Calendas Septembris Ambrosianum erit, nisi in albis festum fiat, aut in Dominica inceperit historia nundum dicta; & ad 12 & ad Vesperas: *Sicut erat*, & ad matutinas Laudes non dicitur. *Si bona suscepimus* si incipit ante Calendas Septembris, *Sicut erat* ad Vesperos dimittitur, & ad Matutinas Laudes dicitur. A Calendis autem Septembris usque in Passione Domini dimittitur in Vesperis, & dicitur ad Laudes: *Sicut era*, & ad quartum 12 in tribus nocturnis in XII Lectionibus, nisi duplex fuerit, & ad tertium in tribus Lectionibus. Dominica prima mensis Septembris inchoantur 12 *Si bona suscepimus*, & cantantur in duabus Dominicis ipsius mensis; aliis verò duabus in una canitur 12 *Peto Domine*, & in alia 12 *Adonai Domine Deus*. Dominica prima mensis Octobris inchoantur 12 *Adaperiat Dominus cor vestrum*, & tenentur usque ad Calendas Novembris; & hymnus: *Primo d. erum*, & *Aeterni rerum conditor* hic incipiunt cantari durantes usque in Passione Domini. Dominica prima Novembris inchoantur 12 *Vidi Dominum*, & tenentur usque in Adventum Domini.

2. De ordine quoque librorum supradictorum supradicto tempore in ecclesia seu in refectorio legendorum breviter memorandum videtur. In prædicta Dominica, illa scilicet quæ secunda post Pentecosten & prima est post octavam, incipitur liber Regum, & Lectiones inde exceptæ leguntur in aliis Dominicis usque in Calendas Augusti. Libri Salomonis, & Ecclesiasticus, & libri Sapientiae usque in Calendas Septembris. In Calendis Septembris Job per duas hebdomadas, deinde per alias duas Tobiae, Judith, Ester, & Esdrae. In Calendis Octobris libri Machabæorum usque in Calendas Novembris. In Calendis Novembris ponitur ad legendum Ezechiel Propheta, Daniel, & XII minores Prophetæ usque ad Adventum Domini.

3. Et notandum quoniam in omnis historiae inceptio ab octavis Pentecostes usque ad Adventum hoc considerandum est, ut si mensis citra v feriam intraverit, in Dominica præcedenti historia incipiat, nisi festivitas XII Lect. in ea eveniat, pro qua usque in sequentem Dominicam perducatur ipsa inceptio, exceptis duobus solis, in quibus hoc aliquando observari non potest, idest: *Deus omnium*, & *Peto Domine*. Si verò in v feria mensis intraverit, vel vi, vel Sabbato, in sequenti Dominica incipietur, nisi ut dictum est impediatur per festum XII Lect.

4. De hac autem Dominica quæ post octavam Pentecosten prima occurrit, & de hac septimana non abs re erit si plus aliquantulum dicatur, quàm de aliis; quia nonnulla, quæ in istis tenentur ad obsequium divinum, tenentur etiam per omnes Dominicas, & septimanas usque ad Adventum Domini, nisi pro aliqua festivitate mutentur.

5. Primò ad Vesperos in Sabbato capit. *Benedictus Deus*, quod

etiam tam in Dominicis, quàm in privatis diebus semper est idem. *De Dominus qui eripuit.* & *Miserere Domine.* Hymnus: *O lux & Vesperitina* oratio. Antiphona de historia Regum. Collecta: *Deus in te sperantium* fortitudo.

6. Ad nocturnos quatuor Invitatoria vicissim habentur, idest: *In manus Domine: Adoremus Dominum qui fecit nos: Dominum qui facit nos: Adoremus Dominum quia ipse facit nos;* de quibus alius ordo non servatur, nisi secundum quod Armario placuerit, tantum ante Adventum omnia cantata sunt. In 1 nocturno & *Memor fui nocte;* in 2 *Media nocte;* in 3 *Exaltate Domine.* Hymnus: *Nocte surgentes;* in Matutinis Laudibus: *Ecco jam solis.* Ad Cantica quæ sunt: *Domine miserere nostri: Audite qui: Miserere Domine, Alleluia* dicitur ut antiphona: *De Sion* extra lex.

7. Ad Matutinas Laudes super tres psalmos: *Alleluia* ut antiphona: *Duo tabis;* ad Hymnum trium puerorum propriæ habentur antiphonæ; ad *Laudate Dominum, Alleluia* ut antiphona: *In Domine.* Capitulum: *Benedictio & claritas. & Hac est dies, & Dominus regnavit.* Antiphona in Evangelium: *Homo quidam erat dives.*

8. Ad Primam *Alleluia* ut antiphona: *Hortus conclusus es.* Capit. *Regi autem sacerdotum,* quod tam in Dominicis, quàm in omnibus duodecim Lect. dicitur, excepto Adventu & Septuagesima. Collecta de S. Trinitate: *Omnipotens sempiterne Deus,* quæ ad hanc horam in omnibus Dominicis per totum annum est dicenda, nec pro aliqua vel præcipua festivitate mutanda.

9. Post consecrationem salis & aquæ antiphona: *Asperges me.* Ad processionem in eundo ad S. Mariam antiphona, vel & de ipsa in omnibus Dominicis usque ad Adventum. Hæ duæ antiphonæ solæ cantantur ad processionem per claustrum vicissim, una in una Dominica, & alia in alia, idest: *Cum venerit: Oremus dilectissimi, Omnipotens Deus;* sed si opus fuerit quid addi, antiphona: *Dimitte nobis Domine.* Ad Stationem in vestibulo Ecclesiæ & aliquod de S. Trinitate. Ad Introitum antiphona vel & aliquod de Sanctis in quorum honore locus præcipue consecratus est.

10. Ad Tertiam *Alleluia* ut antiphona: *Christi virgo.* Cap. *Deus claritas est.* & *Ego dixi Domine.* Ad Sextam *Alleluia* ut antiphona: *Inter natos.* Cap. *Alter alterius & Dominus regit me.* Ad Nonam *Alleluia* ut antiphona: *Innebant.* Capit. *Enim enim estis.* & *Ab occultis.* Ad Vesp. & *Quam magnificata sunt;* in privatis diebus: *Adjutor um nostrum;* in Sabbato: *Magnus Dominus noster.* & *Dirigatur oratio* excepto Sabbato per totam hebdomadam.

11. In privatis noctibus cap. ad nocturnos: *Vigilate;* ad Matutinum: *Nox præcessit;* ad Primam cap. *Pacem & veritatem.* Collecta: *Domine Deus qui,* quæ duo in privatis diebus ita sunt conjuncta, ut nullo tempore ab invicem separentur ad Primam. Ad Tertiam Cap. *Sana me Do-*

» mine, & *Adjutor meus*. Ad Sextam, & Nonam eadem sunt capitula quæ
 » in Dominicis, & iidem versus; & collectæ ad Tertiam, Sextam, &
 » Nonam sunt de cotidianis quascumque volueris; duabus primis exceptis,
 » quæ in Dominicis ad Sextam & Nonam dicuntur. Ad Complerorium
 » capitulum: *Tu autem in nobis es Domine*, & Collecta: *Visita quasumus*
 » *Domine* ita sunt immobilia, ut sive sit dies privatus; sive solemnus, ipsa
 » nequaquam moveantur. Quod si xii Lect. sunt, & non sit dies Domi-
 » nica, ad Primam dicitur collecta: *In hac hora huius diei*.

» 12. In Sabbatis ad Vesperos super canticum de Evangelio antiphona
 » de historia dicitur, de qua & in crastino dicuntur; ad Matutinos, & se-
 » cundos Vesperos de Evangelio. In privatis noctibus ad Matutinos est
 » antiphona de ipso canticum; ad Vesperos iterum de Evangelio.

» 13. Eo quoque Sabbato in cujus sequenti nocte sunt aliqua & in-
 » choanda non dicitur ad Vesperos feriale & sed unum de ipsis & in-
 » choandis. Collecta quæ ad quamlibet Dominicam pertinet, est dicen-
 » da & in Sabbato ad Vesperos, & post nocturnos ad Evangelium, & ad
 » Matutinas Laudes, ad matutinalem Missam, ad Tertiam, ad majo-
 » rem Missam, & iterum ad Vesperos. Similiter fit in solemnitatibus xii
 » Lect., quibusdam exceptis, quas invenire potes aliquando habere col-
 » lectam ad solam vigiliam, & aliam deinceps; aliquando ad vigiliam,
 » & Evangelium unam tantum, & deinceps aliam. In privatis autem
 » noctibus habentur in collectaneo, & hæ quæ dicendæ sunt ad noctur-
 » nos, & hæ quæ ad Matutinum, & quæ ad Vesperos.] Hactenus
 Divionenses Sancti Benigni consuetudines fusè de Lectionibus, Res-
 ponsoriis, Versibus, Antiphonis, Collectisque in Dominicis post
 Pentecosten dicendis; ubi sub nomine libri Regum intelligendi sunt
 etiam libri Paralipomenon, qui ex Statutis Lanfranci usque ad
 Calendas Augusti unà cum libris Regum ad nocturnos legebantur.
 Libri Ebdæ nullam mentionem facit Calsinense Ordinarium; idem
 tamen hac in re decernunt cum Benignianis consuetudinibus Lan-
 francus in Statutis, vetustissimus Ordo Corbeiensis pro majori hebdo-
 mada, & consuetudines Dionysianæ. Hic unum desiderari posse videtur,
 ut scilicet Missarum officia, Epistolas, & Evangelia in Dominicis præ-
 fatis dicenda, de quibus omnino tacent Divionenses consuetudines
 aliunde suppleamus, quod ex consuetudinibus S. Dionysij, Tullensi
 S. Apri Ordinario, Missalibusque Cartusiensium & Casalinorum præ-
 stare tentabimus.

14. Itaque Dominica 1. post octavas Pentecostes Missæ officium: *Do-
 mine in tua misericordia*; Collecta: *Deus in te sperantium fortitudo*; Epi-
 stola: *Deus caritas est*; Evangelium: *Homo quidam erat dives*. Feria iv
 ex Tullensi Ordinario Epistola: *Mortificate*; Evangelium: *Nolite pu-
 tare*. Feria vi Evangelium: *Impossibile est ut non*.

15. Dominica 2 post oct. Pentecostes officium Missæ: *Factus es*; Col-
 lecta: *Sancti nominis tui*; Epistola: *Nolite mirari*; Evangelium: *Homo*

quidam fecit cenam magnam. Feria iv ex Ordinario Tullensi Epistola & Evangelium Dominica. Feria vi si Missa sit de Cruce, Evangelium: *Assumpsit Iesus xij discipulos.*

16. Dominica 3. post oct. Pentecostes officium Missæ: *Respice in me*; Collecta: *Deprecationem nostram*; Epistola: *Humiliamini sub potenti*; Evangelium: *Erant appropinquantes.* Feria iv ex Ordinario Tullensi Epistola: *Omne quodcumque*; Evangelium: *Esto consentiens*; Feria vi Evangelium: *Introivit Iesus.*

17. Dominica 4 post oct. Pentec. officium Missæ: *Dominus illuminatio*; Collecta: *Protector in te sperantium*; Epistola: *Existimo quod non sunt condigna*; Evangelium: *Estote misericordes.* Feria iv ex Ordinario Tullensi Epistola: *Induite vos*; Evangelium: *Cum venisset Iesus.* Feria vi Evangelium: *Interrogaverunt Iesum discipuli.*

18. Dominica 5. post oct. Pentec. officium Missæ: *Exaudi Domine vocem*; Collecta: *Da nobis Domine*; Epistola: *Omnes unanimes*; Evangelium: *Cum turba irruerent in Iesum.* Feria iv ex Ordinario Tullensi Epistola: *Obsecro primum*; Evangelium: *Confiteor tibi.* Feria vi Evangelium: *Offerebant Iesu parvulos.*

19. Dominica 6. post oct. Pentec. officium Missæ: *Dominus fortitudo*; Collecta: *Deus qui diligens te*; Epistola: *Quicumque baptisati*, in Dionysianis vero consuetudinibus: *Sicut per unius Dei*; Evangelium: *Amen dico vobis nisi abundaverit.* Feria iv ex Ordinario Tullensi Epistola: *Habemus gratiam*; Evangelium: *Cum egressus esset.* Feria vi Evangelium: *Venit Iesus in regionem.*

20. Dominica 7. post oct. Pentec. officium Missæ: *Omnes gentes*; Collecta: *Deus virtutum*; Epistola: *Humanum dico*, pro qua Dionysianæ consuetudines habent: *Quicumque baptisati sumus*; Evangelium: *Cum turba multa.* Feria iv ex Ordinario Tullensi Epistola: *Nihil damnationis est*; Evangelium: *Accesserunt ad Iesum.* Feria vi Evangelium: *Abiit Iesus sabbato per sara.*

21. Dominica 8 post oct. Pentecostes officium Missæ: *Suscepimus Deus*; Collecta: *Deus cuius providentia*; Epistola: *Debitores sumus*, pro qua Dionysianæ consuetudines: *Humanum dico*; Evangelium: *Attendite à falsis.* Feria iv ex Ordinario Tullensi Epistola: *Cum adhuc peccatores*; Evangelium: *Dixit Iohannes ad Iesum: Magister vidimus.* Feria vi Evangelium: *Va vobis scriba.*

22. Dominica 9. post oct. Pentecostes officium Missæ: *Ecce Deus*; Collecta: *Largere nobis*; Epistola: *Non simus concupiscentes*, pro qua conf. Dionysianæ: *Debitores sumus*; Evangelium: *Homo quidam erat dives qui habebat villicum.* Feria iv ex Ordinario Tullensi: *Nescitis quoniam cui exhibuistis*; Evangelium: *Qui fidelis est in minimo.* Feria vi Evangelium: *Rogabat Iesum.*

23. Dominica 10 post oct. Pentec. officium Missæ: *Dum clamarem*; Collecta: *Pateant aures*; Epistola: *Scitis quoniam cum gentes essetis,*

pro qua conf. Dionysianæ: *Non sumus*; Evangelium: *Cum appropinquavit Iesus Ierusalem*. Feria IV ex Ordinario Tullensi Epistola: *Non omnis caro*; Evangelium: *Cum videritis circumdari*. Feria VI Evangelium: *Attendite vobis*.

24. Dominica 11 post oct. Pentec. officium Missæ: *Deus in loco*; Collecta: *Deus qui omnipotentiam*; Epistola: *Notum vobis facio*, pro qua consuet. Dionysianæ: *Non omnis caro*; Evangelium: *Dicebat Iesus ad quosdam qui in se confidebant*. Feria IV ex Ordinario Tullensi Epistola: *Nescitis quoniam corpora vestra*; Evangelium: *Qui non est mecum*. Feria VI Evangelium: *Interrogatus Iesus à Phariseis*.

25. Dominica 12. post oct. Pentec. officium Missæ: *Deus in adiutorium*; Collecta: *Omnipotens sempiterne Deus qui abundantia*; Epistola: *Fiduciam talem habemus*, pro qua consuet. Dionysianæ: *Scimus quoniam si terrestres*; Evangelium: *Exiens Iesus de finibus Tyri*. Feria IV ex Ordinario Tullensi Epistola: *Non predicamus nosmet*; Evangelium: *Transiente Iesu*. Feria VI Evangelium: *Cæpit Iesus exprobrare*.

26. Dominica 13. post oct. Pentecostes officium Missæ: *Respice Domine*; Collecta: *Omnipotens et misericors*; Epistola: *Abraham dicta sunt*; pro qua consuet. Dionysianæ: *Nolite jugum*; Evangelium: *Beati oculi*. Feria IV Epistola ex Ordinario Tullensi: *Scimus quoniam si terrestres*; Evangelium: *Abeuntes Pharisei*. Feria VI Evangelium: *Dum iret Iesus per circuitus*.

27. Dominica 14 post oct. Pentec. officium Missæ: *Protektor noster*; Collecta: *Omnipotens sempiterne Deus da nobis*; Epistola: *Spiritu ambulate*, pro qua consuet. Dionysianæ: *Abraham dicta*; Evangelium: *Dum iret Iesus in Ierusalem*. Feria IV Epistola ex Ordinario Tullensi: *Nolite ducere jugum*; Evangelium: *Venit ad Iesum leprosus*. Feria VI Evangelium: *Cum venisset Iesus ad turbam*.

28. Dominica 15 post oct. Pentec. officium Missæ: *Inclina Domine*; Collecta: *Custodi quasumus Domine*; Epistola: *Si vivimus Spiritu*, pro qua conf. Dionysianæ: *Spiritu ambulate*. Evangelium: *Nemo potest duobus*. Feria IV ex Ordinario Tullensi Epistola: *Gratias agimus Deo*; Evangelium: *Audistis quia dictum est*. Feria VI Evangelium: *Factum est in una dierum*.

29. Dominica 16 post oct. Pentec. officium Missæ: *Miserere mihi Domine*; Collecta: *Ecclesiam tuam*; Epistola: *Obsecro vos ne deficiatis*, pro qua conf. Dionysianæ: *Si Spiritu vivimus*; Evangelium: *Ibat Iesus in civitatem*. Feria IV ex Ordinario Tullensi Epistola: *Videte ne quis vos seducat*; Evangelium: *Exiens Iesus de finibus*. Feria VI Evangelium: *Venit Iesus Betsaida*.

30. Dominica 17 post oct. Pentec. officium Missæ: *Iustus es Domine*; Collecta: *Tua nos Domine*; Epistola: *Obsecro vos ego vincitus*; Evangelium: *Cum intraret Iesus in domum cuiusdam*. Feria IV in jejuniis IV temporum officium Missæ post Sextam: *Exultate Deo*; Collecta præmissa *Dominus vobiscum*, & quidem cum *Flectamus genua*, quod tamen

non habent consuet. Dionysianæ, nec Missale Cartusienſium: *Miser-*
icordia tua; Lectio: *Eccce dies veniunt*; *Propitius esto*; Collecta: *Præ-*
sta quasumus Domine; Epistola: *Congregatus est omnis*; Evangelium:
Respondens unus de turba dixit: Magister. Feria vi officium Missæ:
Lætetur cor; Collecta sine *Flectamus genua*: *Præsta quasumus omnipotens*
Deus ut observationes; Epistola: *Convertere Israel*; Evangelium: *Roga-*
bat Iesus quidam Phariseus. Sabbato officium Missæ: *Venite adoremus*;
 Collecta sine *Dominus vobiscum* cum *Flectamus genua* ex Ordinario
 Tullenſi: *Omnipotens sempiternus Deus qui per continentiam*. Lectiones
 à pueris in albis & cum titulis canendæ; *Re* à conventu cantanda ex
 eodem Ordinario. Prima Lectio: *Loquutus est Dominus ad Moysen di-*
cens: Decimo die; *Propitius esto*; Collecta: *Da nobis quasumus Do-*
mine; Lectio ſecunda: *Loquutus est Dominus ad Moysen dicens: quinto*
decimo; *Re* *Protektor noster*; Collecta: *Tuere quasumus*; Lectio tertia:
Dominus Deus noster pascere populum; *Re* *Dirigatur*; Collecta: *Præsta qua-*
sumus Domine sic nos; Lectio quarta: *Factum est verbum Domini ad*
me; *Re* *Convertere*, pro quo consuetudines Dionysianæ habent: *Salvum*
fac populum à Sacerdote; Collecta: *Vt nobis Domine*; Lectio quinta:
Angelus Domini, qua finita, inquit Tullenſe Ordinarium, [duo fra-
 tres, qui Dominica præcedenti nominati fuerunt ad *Alleluia*, cantent
 in albis hunc hymnum: *Omnipotentem*, & cum dixerint: *Semper ado-*
 rent, chorus respondet: *Omne per eum*; deinde prædicti duo cantent
 alios versus, & per unumquemque versum chorus respondet: *Et be-*
 nedicunt; finitis versibus prædicti duo incipiunt: *Omnipotentem*, & cho-
 rus respondet: *Semper adorent*, & finit versum;] Sed in Dionysiano
 monasterio benedictionem; *Omnipotentem* cantabat aliquis Sacerdos bene-
 dictans. Deinde Sacerdos, præmiſſo: *Dominus vobiscum*, dicebat colle-
 ctam: *Deus qui tribus pueris*; Epistola: *Tabernaculum*; Tractus: *Laudate*
 ex S. Dionysij consuetudinibus à duobus Sacerdotibus; Evangelium:
Arborem fieri. In hoc quatuor temporum jejuniis comedeant ad Nonam
 ut discimus ex Codice Calsinenſi circa Bertharij Abbatis tempora de-
 scripto; si verò infra hanc hebdomadam jejunium non incidisset, tunc
 ex Ordinario Tullenſi feria iv Epistola & Evangelium de Dominica de-
 ſumebantur; Feria vi si Missa eſſet de Cruce, Evangelium: *Assumſit*
Iesus duodecim discipulos.

31. Dominica 18 post oct. Pentec. officium Missæ: *De pacem*; Col-
 lecta: *Da quasumus Domine populo*, pro qua consuet. Dionysianæ: *Om-*
nipotens sempiternus Deus misericordiam; Epistola: *Gratias ego Deo meo*,
 cujus loco consuetudines Dionysianæ ſubſtituunt: *Obsecro vos ego*
unius in Domino; Evangelium: *Accesserunt ad Iesum Pharisei*. Feria iv
 ex Ordinario Tullenſi Epistola: *Mortificate membra*; Evangelium: *Si-*
mile factum est regnum cælorum homini qui seminavit. Feria vi Evange-
 lium: *Simile est regnum cælorum grano synapis*.

32. Dominica 19. post oct. Pentec. officium Missæ: *Salus populi*; Col-

lecta: *Dirigat corda nostra*, cuius loco consuet. Dionysianæ scribunt: *Fac nos quasumus*; Epistola: *Renovamini spiritu*, pro qua Dionysianæ consuetudines: *Gratias ago Deo meo*; Evangelium: *Ascendens Iesus in naviculam*. Feria iv ex Ordin. Tullensi Epistola: *State & tenete*; Evangelium: *Accesserunt ad Iesum discipuli eius dicentes: Ediffere*. Feria vi Evangelium: *Interrogatus Iesus a discipulis de consummatione*.

33. Dominica 20 post oct. Pentec. officium Missæ: *Omnia qua fecisti*. Collecta: *Omnipotens & misericors Deus*, pro qua Dionysianæ conf. *Da quasumus Domine populo tuo*; Epistola: *Videte quomodo canit*, cuius loco consuet. Dionysianæ: *Renovamini*; Evangelium: *Loquebatur Iesus cum discipulis suis in parabolis dicens: Simile factum est regnum cælorum homini Regi*. Feria iv ex Ordin. Tullensi Epistola: *Denunciamus vobis*; Evangelium: *Dicebat Iesus cuidam Principi Phariseorum: Cum facis prandium*. Feria vi Evangelium: *Beati eritis cum vos oderint*.

34. Dominica 21 post octav. Pentec. officium Missæ: *In voluntate*; Collecta: *Largire quasumus Domine*, pro qua conf. S. Dionysij: *Dirigat corda*; Epistola: *Confortamini in Domino*, cuius loco Dionysianæ consuetudines habent: *Videte quomodo*; Evangelium: *Erat quidam Regulus*. Feria iv ex Ordinario Tullensi Epistola: *Finis præcepti*; Evangelium: *Cum intrasset Iesus in Synagogam*. Feria vi Evangelium: *Cum venisset Iesus in domum Petri*.

35. Dominica 22 post oct. Pentec. officium Missæ: *Si iniquitates*, Missale Cartusienium habet: *Dicit Dominus*; Collecta: *Familiam tuam*, pro qua conf. Dionysianæ: *Omnipotens sempiterne Deus univers.* Epistola: *Confidimus in Domino Iesu*, cuius loco consuet. Dionysianæ scribant: *Confortamini in Domino*; Evangelium: *Simile est regnum cælorum homini Regi, qui voluit rationem*. Feria iv ex Ordinario Tullensi Epistola: *Obsecro primum omnium*; Evangelium: *Amen dico vobis quia si quis dixerit*. Feria vi Evangelium: *Videte quid audiat*.

36. Dominica 23 post oct. Pentec. officium Missæ: *Dicit Dominus*, pro quo Missale Cartusianorum: *Si iniquitates*; Collecta: *Deus refugium*, Dionysianæ consuet. legunt: *Largire quasumus*; Epistola: *Imitatores mei*, cuius loco conf. Dionysianæ: *Confidimus in Domino*; Evangelium: *Abiuntes Pharisei*. Feria iv ex Ordinario Tullensi Epistola: *Nolite erubescere*; Evangelium: *Cum venisset Iesus*. Feria vi Evangelium: *Convenerunt ad Iesum*.

37. Dominica 24 post oct. Pentecostes officium Missæ ubique ut in præcedenti Dominica; Collecta: *Excita Domine tuorum fidelium*, pro qua Dionysianæ consuetudines habent: *Familiam tuam*; epistola: *Non cessamus pro vobis*, cuius loco Missale Casalimum exhibet: *Ecce dies veniunt*; Evangelium: *Loquente Iesu ad turbas*, pro quo Missale Casalimum: *Cum sublevasset oculos*. Feria iv ex Ordinario Tullensi Epistola: *Nolo vos ignorare mysterium*; Evangelium: *Interrogavit Iesum unus de Scribis*. Feria vi Evangelium: *Venit Iesus in*.

38. Dominice

eiorum, *In voluntate*, & *Si iniquitates* in una dicentur hebdomada; *Dixit Dominus* bis in ultima, ita tamen quod in Dominica dicitur Collecta: *Deus refugium nostrum & virtus*, Epistola: *Imitatores mei*, Evangelium: *Abiuntes Pharisei*: Infra hebdomadam collecta dicitur: *Excita Domine*, Epistola: *Ecce dies veniunt*, Evangelium: *Cum sublevasset*.

41. Quæret aliquis quid faciendum erat cum in Dominicam festum aliquod XII Lctionum incidisset? Sed huic quæstioni facit satis vetus Calsinense Ordinarium, cujus hæc verba: [Ab hac etiam Dominica, (scilicet prima post octavam Pentecostes) usque in Adventum Domini, si venerint in eis (Dominicis) festa SS. unde XII Lctiones fieri debeant, in prima & secunda vigilia omnia fiant de SS.; in tertia de Dominica, & 2 de historia Evangelij de Dominica; Matutini de SS., deinde antiphona, *Benedictus*, & oratio de Dominica; ad Primam dicatur & Missa de SS.; ad Tertiam de Dominica, & reliquæ de Sanctis, exceptis Nativitate & Decollatione S. Johannis, & festivitate SS. Petri & Pauli, Transfiguratione Domini, Assumptione S. Mariæ, Exultatione S. Crucis, Dedicatione S. Benedicti, & solemnitate omnium SS., in quibus festivitibus nihil de Dominica fiat. Præterea, in festivitibus S. Laurentij, Nativitatis S. Mariæ, Dedicatione S. Angeli, S. Martini, si venerit in die Dominico post orationem de Sancto dicatur antiphona, *Benedictus*, & oratio de Dominica, & antiphona & Missa ad Primam; reliqua omnia de ipsa festivitate fiant.] His adde Petri Venerabilis Statutum 2: [Ne propter ullam XII Lctionum festivitatem Dominicale officium intermittatur, illis festivitibus exceptis, quæ ex more in cappis vel albis fiunt, & quæ proprietatem nocturni cantus habent, hoc est integra 2, & exceptis octavis Apostolorum Petri & Pauli, & Assumptionis S. Mariæ: Præter ista quæ excepta sunt, si XII Lctionum festivitas die Dominico occurrerit, VIII primas Lctiones cum 2 suis dies Dominica obtinebit, reliquas IV cum matutinis Laudibus, & Missa tantum matutinali sibi Sancti illius commemoratio vindicabit;] & Statutum 3. [Nulla prorsus solemnitas die Dominico proveniens commemorationem Dominicæ dici ad Matutinos & ad Vesperos impediat.

42. Denique hoc caput claudent antiquæ Farsensis monasterij consuetudines [de Dominicis diebus, vel festis, seu quotidianis quot luminaria à Secretariis accendi in ecclesiis debentur Dominicis vel omnibus festis quibus XII Lctiones faciunt omnibus temporibus, præter quando in cappis celebrant, hoc modo faciant: In prima vigilia accendantur antequam signum sonet quinque luminaria per loca constituta, videlicet unum ante altare majus quod die nocturne ardeat, alterum in choro prope Abbatem ante analogium, tertium ante altare seu extra chorum, quartum in brachio partis aquilonaris

in secretario ante altare S. Benedicti, quintum australi parte extra
chorum in Introitu ecclesie. Expleto itaque cantico graduum adau-
geantur duo ante altare majus. In tertio nocturno Diacono, Evange-
lio pronuntiato, *Et reliqua* dicente, statim duo Secretarii discooperiant
candelabrum, & analogium deferatur. Ad matutinas Laudes dicto: *Benedicamus Domino*, extinguantur. Ad
Missam tribus duo adjungantur, quæ Conventi deferunt, & sunt quin-
que. Ad Vesperum tria sunt ante altare. Feriatis diebus similiter fa-
ciant per loca destinata, præter illa quæ junguntur in tertio nocturno.
Duæ candelæ sunt accensæ ante principale altare. Expleto cantico
graduum tertia est, quæ ibidem semper erit arsuræ; expletis duobus
nocturnis extinguantur binæ candelæ usque dum dicitur vigilia mor-
tuorum, & Matutinum eorum; in Laudes iterum accendantur prius-
quam sonetur. Ad Missam tres sint ante altare; ad Vesperum duæ; nam
omnibus diebus sabbatorum ad Vesperam semper sint tres lampades
ante altare accensæ. Similiter cunctis diebus vigiliarum Sanctorum, sive
Sanctarum quibus XII Lectiones efficiuntur in crastino.

CAPVT XXVII.

De Capitulis Generalibus.

1. **V**T de Capitulis Generalibus ultimo hocce capite disseram,
facit eorum apud antiquos etiam monachos annua celebratio,
quæ cum statum fixamque diem passim non haberet, visum est op-
portunum sub istius libri finem de illis tractationem rejicere. Est au-
tem Capitulum generale multorum congregatio monasteriorum simul
in unum convenientium, de mediis promovendæ virtutis, & tuendæ
refarciendæ disciplinæ regularis tractandi causâ.

2. Capitulorum generalium antiquitatem ab ipsis vitæ cœnobiticæ
primordiis repetere licet, utpote quorum mentionem facit Regula
S. Pachomij primi monachorum in communi viventium Patris; sic enim
n. 27: [Præpositus domus qui implet hebdomadam & alius qui ven-
turam suscipiet, Principesque monasterij habebunt curam videndi quid
operis prætermisissum sit, vel neglectum, & excuti facient mattas, quæ
super pavimentum in collecta expandi solent, numerabuntque funiculos,
quos per singulas hebdomadas torserunt, & eorum summam describent
in buxis, & servabunt usque ad tempus annuæ congregationis quando
reddenda est ratio, & peccata omnibus dimittuntur.] hinc ejusdem
S. Pachomij epistola ad universa monasteria [ut congregentur omnes
monasteriorum Principes, & domorum Præpositi in monasterium quod

In
cod.
Reg.
In
cod.
Regul.
pag 61.

„ vocatur Baïum vicesimo die mensis, qui apud Ægyptios appellatur Me-
 „ fore, ut ritè omnium peccatorum atque operum remissio compleatur;]
 In praef. „ quo respiciens S. Hieronymus, & fufius exponens quæ tractarentur in
 ad Reg. „ illa congregatione [Mense, *inquit*, cui vocabulum est Mcfore, idest
 S. Pach „ Augusto instar jubilæi remissionis dies exercentur, & peccata omnibus
 „ dimittuntur, reconcilianturque sibi qui aliquam habent simultatem,
 „ & disponuntur monasteriorum capita, Dispensatores, Præpositi, mi-
 „ nistri prout necessitas postularit.

3. „ apud Nostros aliquam Capituli generalis similitudinem nobis
 repræsentat congregatum in Aquisgranensi palatio, jussu Ludovici
 Pij Imperatoris, hortante Benedicto Abbate Anianensi, Concilium ex
 universis pene Ordinis nostri Abbatibus conflatum, in quo perutilis
 ad Regulæ S. P. Benedicti observationem leges conditæ sunt. Non mul-
 to post, idest sub medium sæculum Nonum apud Cassinenses [mos
 In chr., „ erat ut pridie Calendas Septembris conventus ad hunc locum fieret,
 lib. 1 „ *inquit Leo Ostiensis*, unâ cum Præpositis suis universorum hujus cœ-
 c. 31 „ nobis in circuitu Monachorum, docendi ab Abbate quid facere, quid
 vel 32 „ cavere, quidve corrigere, seu qualiter sub Dei præsentia & timorè
 „ cum regulari observatione vivere debeant: Sequenti verò die ordina-
 „ bantur, & describebantur, atque destinabantur in obedientias per
 „ singulas prout opportunum erat provincias.] Postea sæculo XII fre-
 „ quentior apud monachos esse cepit Capitulorum generalium cele-
 „ bratio, maximè apud Cistercienses, Grandimontenses, & Cartusien-
 „ ses, immo & apud Canonicos Regulares. Cistercienses ab ipsis Ordinis sui
 cunabulis Capitula Generalia congregasse docet Charta caritatis, qua
 primum tanquam constitutionibus usi sunt, auctore ut creditur S. Ste-
 phano, qui S. Bernardum ad conversionem venientem suscepit; in ea
 c. 3 „ siquidem hæc inter alia continentur: [Omnes Abbates de Ordine
 „ nostro singulis annis ad Cisterciense Capitulum generale omni post-
 „ posita occasione convenient, illis solis exceptis, quos corporis infir-
 „ mitas retinuerit; qui tamen idoneum nuntium delegare debebunt, per
 „ quem necessitas remotionis eorum valeat capitulo nuntiari, & illis
 „ item exceptis, qui in remotioribus partibus habitantes, eo termino
 „ venerint qui eis fuerit à capitulo constitutus; quod si quis alia qua-
 „ cumque de causa à Capitulo generali nostro remanere præsumserit,
 „ in sequentis anni capitulo pro culpa veniam petat, nec sine gravi
 „ animadversione pertranseat. In quo quidem Capitulo generali de salute
 „ animarum suarum tractent, & in observatione S. Regulæ, & Ordinis
 „ si quid emendandum fuerit vel agendum ordinent, bonum pacis &
 „ caritatis inter se reforment.

4. Quinam verò essent illi Abbates, qui quotannis Cistercium ad
 Capitulum convenire non tenebantur, declarat liber Institutionum
 dist. 5 „ Cisterciensis, his verbis: [Abbates de Hybernia, Scotia, & Sicilia tribus

annis remaneant, & quarto anno veniant ad Capitulum generale. ^{cap. 2.}
 Abbates verd de Syria & Palestina septimo anno venient. De Abbatibus ^{& 3.}
 qui sunt in Norvegia, Græcia, & Livonia, provideant Patres Abbates, ^{cap. 2.}
 ut ad minus tertio anno visitentur, & anno quinto veniant ad capitu-
 lum generale. Abbates verd de Hungaria duobus annis remaneant à
 capitulo, & tertio anno veniant. Abbas de *Quierih* quinto anno
 veniat.] Hæc ideo referimus ut inde pateat quàm copiosa & ampla
 esset apud Cistercienses Capituli generalis congregatio, ad quam tot
 tantarumque regionum Abbates convenirent. Celebrata etiam fuisse
 à monachis Grandimontensibus ab ipso Ordinis sui exordio Capitulo
 generalia dicimus ex vita S. Stephani institutoris Ordinis Grandimon-
 tensis apud Labbeum tom. 2. Bibliot. novæ, ubi [tempore Domini
 Bernardi V Prioris Grandimontis coadunato in Grandimonte Capitulo
 generali celebrata dicitur translatio Corporis B. Stephani sequenti
 die Nativitatis Præcursoris, ac præconis Domini Salvatoris.] (Ber-
 nardus autem Prior successit Stephano de Liciaco, qui, ut scribit Ber-
 nardus Guidonis, obiit anno 1165.) Inde est Petri Cellensis Abbatis
 epistola 7. libri 8. Priori & fratribus Grandimontis, in qua inter alia
 [Dies, *inquit*, Domini Sanctus est, solemnitas S. Johannis Baptiste,
 quando ad matrem pulli Gallinæ revolant, & de singulis locis vestris
 rivuli ad locum unde exierunt, refluant ut de paterna instructione &
 correctione reparato meatu copiosius & fortius iterum fluant. Servanda
 & tenenda est hæc probabilis & sancta consuetudo, quia non tantum
 ab homine & per hominem, sed etiam à lege, & Deo hæc approbata
 est institutio.] Clarius in epistola 22 ejusdem libri ad eosdem: [Vi-
 detur mihi meatus suos fluvius Paradisi quasi ad sinum originale
 revocare, cum de singulis partibus orbis ad diem B. Johannis Baptiste
 solemnem contingit Priores vestros in unum convenire &c.]

5. Cartusienfes verd sub Basilio post Guigenem Priore tertio gene-
 ralia capitula tenere cœperunt, quorum correctioni tam Cartusie
 Priorem, quam alios Ordinis superiores subjecerunt, ut patet antiquis
 eorum Statutis 2. parte cap. 2, hinc Galterius Episcopus Lingonensis
 in charta foundationis Cartusie Luvigniacensis anno 1177 à se factæ
 [eam extentam ab omni jurisdictione ordinaria tradit generali capitulo
 dictæ religionis in perpetuum corrigendam.] De Canonicis Regula-
 ribus luculentum habemus testimonium Jacobi de Vitrisco in Historia
 Occidentali cap. 23. ubi de Canonicis Regularibus Arosie in Belgio
 hæc habet: [Scinèl in anno sub primo & principali Abbate generale
 concilium celebratur conveniunt, ut omnes unanimiter hujus Ordinis
 Abbates secundum quod religioni videtur expedire corrigant corri-
 genda, resecant superflua, instituunt & addant quæ fuerint superad-
 denda; vel secundum temporum aut rerum mutationem quæ fuerint
 commutanda commutent, & novis supervenientibus ita vetera reji-
 ciunt]

„ ciantur, quod vetustissima veterum, prima scilicet antiquorum Patrum
 „ instituta firmiter & invariabiliter observentur.] Congregata sunt insu-
 „ per eodem saeculo XII alia monachorum Ordinis S. Benedicti Capitula
 „ generalia, ut patet ex epistola S. Bernardi 91 ad Abbates Suevione con-
 „ gregatos. Postea vero anno 1215 Innocentius Papa III in Concilio
 „ Lateranensi generalem hac de re legem pro monachis omnibus edidit
 „ c. 12. „ quæ continetur his verbis: [In singulis regnis sive provinciis fiat de
 „ „ triennio in triennium, salvo jure Diocæsanarum Pontificum commune
 „ „ capitulum Abbatum atque Priorum Abbates proprios non habentium,
 „ „ qui non consueverunt tale capitulum celebrare; ad quod universi con-
 „ „ veniant præpeditorem canonicam non habentes, apud unum de
 „ „ monasteriis ad hoc aptum, hoc adhibito moderamine, ut nullus eo-
 „ „ rum plus quam sex electiones, & octo personas adducat. Advocent au-
 „ „ tem caritative in hujus novitatis primordiis duos Cisterciensis Ordinis
 „ „ Abbates vicinos ad præstandum sibi consilium & auxilium opportunum,
 „ „ cum sint in hujusmodi capitulis celebrandis ex longa consuetudine
 „ „ plenius informati, qui absque contradictione duos sibi de ipsis associant,
 „ „ quos viderint expedire, ac ipsi quatuor præsent capitulo universo, ita
 „ „ quod nullus eorum auctoritatem prælationis assumat, unde cum ex-
 „ „ pedierit provida possint deliberatione mutari. Hujusmodi vero capi-
 „ „ tulum aliquot certis diebus continuè juxta morem Cisterciensis Or-
 „ „ dinis, & observatione regulari; & quod statutum fuerit illis qua-
 „ „ tuor approbantibus ab omnibus inviolabiliter observetur omni excu-
 „ „ satione, & contradictione, ac appellatione remotis; proviso nihilo-
 „ „ minus ubi sequenti termino debeat capitulum celebrari: Et qui con-
 „ „ venerint vitam ducant communem, & faciant proportionabiliter si-
 „ „ mul omnes communes expensas, ita quod si non omnes potuerint in
 „ „ eisdem, saltem plures simul in diversis domibus commorentur. Ordi-
 „ „ nentur etiam in eodem capitulo religiosæ ac circumspectæ personæ,
 „ „ quæ singulas Abbatis ejusdem regni sive provincie non solum mo-
 „ „ nachorum, sed etiam monialium secundum formam sibi præfixam vice
 „ „ nostra studeant visitare.

6. Non multo post Greg. Papa IX in Bulla singulari ad Cluniacenses
 „ „ decernit ut [generale Capitulum Abbatum & Priorum tam conven-
 „ „ tualium quam minorum Cluniacensis Ordinis sive immediate sive ali-
 „ „ quo medio sint subiecti apud Cluniacum annis singulis celebretur;]
 „ „ cui quidem capitulo tres Priores Cartusienis Ordinis vult interesse,
 „ „ [non ut aliquam jurisdictionem exerceant, sed ut ipsos, inquit, in-
 „ „ struant & dirigant, & diligentiam ipsorum vel negligentiam rescribant
 „ „ sedi Apostolicæ annuatim.] Eamdem de capitulo annuatim celebrando
 „ „ constitutionem postea renovavit Nicolaus Papa IV in Bulla item ad
 „ „ Cluniacenses. Cum autem hujusmodi generalia Capitula negligeren-

tur Concilium Saltzburgense anni 1274 inter alia primum hoc edidit Capitulum: [Cum Abbates Ordinis S. Benedicti Saltzburgensis Provincie Capitula sua Provincialia longis retro temporibus non curaverint celebrare, propter quod circa regulares observantias idem Ordo non mediocriter est collapsus; nos eisdem Abbatibus nostrae Provincie firmiter & districtè præcipiendo mandamus, ut Provinciale capitulum suum infra festum Resurrectionis venturum proximo celebrent, juxta formam à Sacris canonibus eis datam, in quo de moribus corrigendis, tam in seipsis, quàm in suis subditis tractent, & ordinent diligenter &c;] & aliquot ante annis, hoc est anno 1260 inter alia de monachis decreta Concilium Colonienſe cap. 20 [Item statuimus, iſi, quod omnes Abbates nigri habitus Ordinis S. Benedicti nostrae Diocesis singulis annis in Exaltatione S. Crucis capitula Colonie teneant, vel apud Sanctum Pantaleonem, vel apud Sanctum Martinum, ut ibidem observantia Regulae cum discretione teneatur.] Tandem Benedictus Papa XII. in sua ad monachos Benedictinos constitutione statuta de convocandis Capitulis generalibus innovat, distinguitque duo Capitulorum generalium genera; unum ex omnibus Provincie Abbatibus seu Prioribus proprios Abbates non habentibus, quod Provinciale nuncupat; alterum ex omnibus Abbatibus, Prioribus, aliisque Obedientiariis ab aliquo majori monasterio dependentibus, quod generale appellat: Illud singulis trienniis celebrari decernit, istud quotannis. Hæc duo Capitulorum generalium genera in Chronico Beccensi licet advertere, in quo anno 1264 Idibus Maij Ecclesia Beccensis combusta dicitur [Abbate Roberto tunc apud Lexovias ad Capitulum Abbatum generale existente,] & anno 1243 Henricus Abbas obiisse in vigilia Natalis sancti Johannis Baptiste [præsentibus ad hoc Prioribus omnibus Ordinis Beccensis tam cismarinis, quam transmarinis, qui ad hoc ibi convenerant ut interessent Capitulo generali eodem die celebrando.] Denique Johannes Trithemius scribit Capitulorum generalium celebrationem à Constantiensi Concilio fuisse instauratam. Nunc verò vix ullus Ordo monachorum aut congregatio existit, quæ sua non habeat Capitula generalia.


7. De tempore Capituli generalis celebrandi vix aliquid definiri potest, cum constet hæc de re varias fuisse monachorum consuetudines: Pachomiani 20 die mensis Augusti, Cassinenses 1 Septembris, Cistercienses in festo Exaltationis sanctæ Crucis, ejus in vigilia ante Tertiam Cistercium ingressi, post Tertiam Missæ de Spiritu sancto intererant, alij aliis temporibus conveniebant, ut ex hæcenus dicti facili negotio colligi potest. In historia M.S. sancti Theoderici monasterij prope Remos ad annum 1279 indictum


530 *De antiquis Monachorum ritibus*
reperio Capitulum in monasterio S. Quintini in Insula feria 6 post
festum SS. Philippi & Jacobi.


8. De forma tenendi capituli, ritibusque in eo servandis consulendæ
sunt cujusque congregationis constitutiones. Interim vide si lubet
Benedicti Pape XIⁱ, aliorumque Pontificum hac de re decreta, acta
capitulum generalium monachorum Anglorum apud Reynerium
Clementem in appendice, & apud Spelmannum.





LIBER














005646111

